



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>

2

L E S
C R O N I Q U E S E T
A N N A L E S D E F R A N C E .

D E P V I S L A D E S T R U C T I O N D E

T r o y e , i u s q u e s a u R o y L o y s v n z i e s m e : i a d i s c o m p o -

s é e s p a r f e u m a i s t r e N i c o l e G i l l e s , e n s o n v i -

u a n t S e c r e t a i r e , I n d i c i a i r e d u R o y ,

& C o n t r e r o l l e u r d e

s o n t r e s o r .

*

*Nouuellement imprimées sur la correction de maistre Denis Sauvage de
Fontenaille en Brie, & additionnées, tant par luy que par
autres, selon les modernes historiens, iusques
au Roy Charles neufiesme à
present regnant.*



A u e c l e s e f f i g i e s d e s R o y s a u p l u s p r e s d u n a t u r e l .

S e c o n d V o l u m e .



A P A R I S ,

A u p r e m i e r P i l l i e r d e l a g r a n d ' S a l l e d u P a l a i s , p a r G a l l i o t
d u P r é , L i b r a i r e i u r é d e l ' V n i u e r s i t é .

I 5 6 6 .



A V X L E C T E V R S.



ESSEIGNEURS, pour entendre mieux la figure suyuante, & la bien accorder avec le texte du premier & second volume, ie vous vueil bien aduertir que le texte de la genealogie de Bourbon est un peu corrompu : & le fault remettre ainsi, ou il parle de Loys, second du nom, & troisieme Duc.

Ledict second Loys eut vn filz, nommé Iehan, Duc de Bourbon, qui fut prins à la bataille d'Azincourt, & mourut en Angleterre : & ce Iehan eut vn filz, nommé Charles, qui fut Duc apres luy : lequel Charles eut aussi Iehan, sixiesme Duc, qui mourut sans enfans, & luy succeda Pierre, son frere & cet. Outre ce, en ceste figure suyuante, sur la fin de la genealogie de Nauarre, ou il met Blanche, aucuns mettent Iehanne : à laquelle sa sœur Alienor succeda. Je vous vueil bien aussi aduiser que, combien que la figure semble faire Iehan, Philippe Marie, & Valentine (de laquelle vint le droict de Milan à la maison d'Orleans) tous trois enfans de Iehan Galeas, & d'Ysabeau de France, neantmoins la Cronique de Milan, faicte par vn Donato Bosso, met les deux filz au secōd mariage de ce Iehan Galeas, avec Catherine, fille de Bernabo, son oncle : à quoy ceux, qui ont adiousté le regne du Roy Loys douzieme, à ce present volume, semblent accorder. Encores entendrez vous, s'il vous plaist, qu'en ceste mesme ligne d'Orleans, la ou il met Iehanne, femme du Duc d'Alençon, autres mettent Marguerite, femme de Richard, Comte d'Estampes. Au reste, ne vous esmerueillez si en ceste-dicte figure il donne plus de filles à Charles, sixiesme, & par autres noms, & autrement mariées, qu'il n'est contenu au texte du fueillet quarante de ce Volume second : car celuy, qui a faict les figures, est vn autre que Nicolas Gilles, qui ne cest pas dressé sur luy : aussi que Catherine se trouue apres mariée à Henry cinquieme du nom, Roy d'Angleterre, en quelque endroit de ce present Volume. Item, si vous ne trouuez point Loys troisieme, filz de Loys d'Aniou, second du nom, en la figure (cōme à la verité ne l'y trouuerez, ny au texte mesme) estimez, comme ie croy, que la raison est qu'il mourut sans enfans. Quant au reste, nous auons corrigé & ceste cy, & les autres, suyuant les bons auteurs, nous accordant le plus qu'auons peu avec nostre Anna- liste ou Croniqueur, non sans grande peine & trauail, comme estant le tout fort depra- ué, ainsi que pourra congnoistre tout iuste Iuge de telles matieres : qui pourrant nous ex- cusera si quelques fois se rencontre autre chose qu'à point en ces presens Volumes.

Dequoy ie supplie aussi humblement la debonnaireté de vous autres mes bons Sei- gneurs, me recommandent tousiours à voz bonnes graces.

Second volume.

LA TABLE DV SECOND VOLVME.

*S'ensuyt la Table des matieres estant au
second volume des presentes Croniques
& Annales de France.*

D*V Roy Philippe sixiesme,
dict de Valloys. fueil. j.*

Comment le Roy Philippe de Valloys, bailla à messire Philippe, filz de Loys, Comte d'Eureux, le royaume de Nauarre : & comment le Comte de Flandres feit hommage au Roy, & se plaignit à luy des Flamens. j.

Cóment le Roy meit sus vne armée, pour aller ayder au Comte de Flandres, qui l'en auoit requis contre les Flamens, & y porta l'Oriflambe. j.

De la grande guerre que le Roy feit aux Flamens : & comment il restitua le Comte en sa Cité de Flandres. ij.

Cóment au retour de Flandres, le Roy retourna à Paris, & presenta son cheual & harnoys en l'Eglise nostre Dame. ij.

Comment les Flamens s'esleuerent de rechef contre leur Comte : & comment l'Antipape fut excommunié. ij.

Comment le Roy d'Angleterre vint à Amyés deuers le Roy, & luy feit hommage de la Duché de Guyenne. iij.

Cóment le Roy Philippe de Valloys feit abatre les murs & portaux des villes d'Ypre, Courtray, & autres villes de Flandres. iij.

Cóment le Roy alla en Auignon veoir le Pape : & comment l'Antipape vint requerir pardon. iij.

Del'Arrest de Parlement touchant la Comté d'Artois, donné contre messire Robert d'Artois : & des faulces lettres que feit vne Damoysselle : & comment ledict messire Robert esmeut guerre contre le Roy. iij.

Comment messire Robert d'Artois fut déclaré banny, & ses biens confisquez : & du mariage de monseigneur Iehan, filz du Roy, à la fille du Roy de Boëmie. iij.

Comment le Roy alla visiter le Pape : & d'un Preuost de Paris qui fut pendu. iij.

Comment au pourchas de messire Robert, Comte d'Artois, le Roy d'Angleterre descendit en France. v.

Cóment les Flamens s'allierent aux Anglois, par le moyen d'Arreuelle Capitaine des Flamens. v.

Comment les Flamens retindrent leur Comte : & comment il s'en partit de Flandres secrettement : & comment le pais de Flandres fut interdict. v.

Comment le Roy d'Angleterre alla en Allemagne, & feit alliance avec l'Empereur, & plusieurs Princes, contre le Roy de France, à la poursuite de messire Robert d'Artois : & comment le Roy d'Angleterre print les armes de France, escartelées avec celles d'Angleterre. v.

Comment les Flamens feirent hommage & s'allierent au Roy d'Angleterre, parquoy le Roy leur feit guerre : & de la grande desconfiture qui fut sur le nauire du Roy de France. vj.

Comment l'armée des Flamens, que condui-

soit messire Robert d'Artois, fut desconfite deuant saint Omer. vij.

Comment le Roy d'Angleterre meit le siege deuant Tournay : & des lettres qu'il escriuit au Roy de France. vij.

De la respóse que feit le Roy Philippe de Valloys au lettres du Roy d'Angleterre. vij.

De l'appoinctement, qui fut fait deuant Tournay, entre les Roys de France & d'Angleterre, par le moyen de la Comtesse de Henault. viij.

De la guerre qui se meut entre messire Charles de Bloys, & messire Iehan de Montfort, pour la Duché de Bretagne. viij.

Cóment le Roy d'Angleterre & les Flamens, ne voulurent entendre à faire appoinctement au mandement du Pape : & de l'esmotion de ceux d'Orleans, touchant les bledz, dont furent pendus plusieurs à leurs goutieres. ix.

De la mort de messire Henry de Malestroit : & du mariage de Philippe, Duc d'Orleans, filz du Roy. x.

De la venue du Roy d'Angleterre avec grande armée en France : & comment il print d'assault la ville de Caen, & gros nombre de grands Seigneurs qui estoient dedans ladicte ville. x.

De la bataille de Crecy, pres Abeuille, ou mourut la fleur de la Cheualerie de France. x.

Comment le Roy d'Angleterre meit le siege à Calais. xj.

Des dommages que feit en Poitou, Xaintonge, & Perigort, le Comte d'Erby, Anglois : & comment le Roy voulut auoir le crucifix d'or, estant en l'Eglise saint Denis en France. xj.

Cóment messire Geoffroy de Harecourt vint à mercy au Roy : & comment les Lombards, banquiers, & vsuriers, furent prins en France, & bannis hors du royaume. xj.

De la prinse de Calais par le Roy d'Angleterre. xj.

De la guerre de Bretagne d'entre messire Iehan de Montfort, & messire Charles de Bloys, qui fut prins prisonnier deuant d'Arian. xij.

De l'acquisition du pais de Dauphiné. xij.

Des mariages du Roy & de son filz, Duc de Normandie, & du Comte de Foix. xij.

Du rrespassement du Roy Philippe de Valloys. xij.

Du Roy Iehan.

Comment le Comte d'Eu, Connestable de France, fut descapité, & fut fait Connestable messire Charles d'Hespaigne. xij.

De la prinse de Guynes par les Anglois, sur les François. xij.

Cóment le Roy de Nauarre, Comte d'Eureux, qui auoit espousé la fille du Roy Iehan, feit tuer messire Charles d'Hespaigne, Connestable de France. xij.

Comment apres le pardon que le Roy eut fait au Roy de Nauarre, il machina contre luy : parquoy le Roy feit saisir ses terres. xij.

Des courtes que feirent les Anglois en France : & comment le Roy Iehan offrit au Roy d'Angleterre de se combattre à luy corps à corps, pour leur querelle. xv.

D'une grand' assemblée que le Roy feit à Paris. xv.

DES CRONIQ. ET ANNALES DE FRANCE.

Comment le Roy Iehan feit descapiter & pendre à Rouen le Côte de Harecourt, les Seigneurs de Grauille, de Preaux, & autres. xv.

De la prinse du Roy Iehan, deuant Poitiers. xvj.

Comment le Prince de Galles enuoya le Roy Iehan prisonnier à Bourdeaux. xvj.

De l'assemblée faicte à Paris, des gens des trois Estatz de France, apres la prinse du Roy Iehan, pour le faict de la deliurance d'iceluy. xvij.

De l'ayde qu'oütroyerent ceux de Languedoc, & du refus de ceux de Paris. xvij.

Comment le Duc de Normandie, Regent, alla deuers l'Empereur, son oncle, & de l'esmotion de ceux de Paris. xvij.

De l'assemblée des trois estatz de France, faicte de rechef à Paris. xvij.

Des trefues prinſes entre le Roy & le Prince de Galles, & d'une assemblée des trois Estatz rompuë. xvij.

Comment le Roy Iehan fut mené par le Prince de Galles, en Angleterre. xix.

Comment le Roy de Nauarre fut mis hors de prison, par vn Cheualier qui l'auoit en garde: & cōment par preschement & autremēt il voulut seduire le peuple de France contre le Roy. xix.

Des maux que les Nauarrois faisoient autour de Paris. xx.

Comment le Roy de Nauarre feit despendre du gibet de Rouen les corps du Seigneur de Grauille, & autres. xx.

Des remonstrances que feit monſieur le Duc de Normandie, Regent, à ceux de Paris. xx.

Des esmeutes de ceux de Paris: & comment ilz tuerent au Palais, en la chambre du Regent, deux des Mareſchaux de France: & comment ledict Regent, pour la ſeuſetē de ſa perſonne, porta vn chapperon de leur liurée. xxj.

Du gouuernement que ceux de Paris entreprenoient. xxj.

Du retour du Roy de Nauarre à Paris. xxij.

De l'autorité quē vouloit prendre en France le Roy de Nauarre: & comment monſieur le Duc de Normandie, aîné filz du Roy, fut déclaré Regent. xxij.

De la reſponſe des gens des Estatz de Champagne: & comment ceux de Paris faisoient pluſieurs entreprinſes. xxij.

De l'assemblée du Regent & du Roy de Nauarre: & comment ceux de Paris voulurent faire ledict Roy de Nauarre leur Capitaine. xxij.

Des grands maux que le Roy de Nauarre & ſes gens faisoient en France. xxij.

De la Iaquerie de Beauuoysin. xxij.

Comment le Roy de Nauarre fut faict Capitaine de Paris. xxij.

Des maux que faisoient les Nauarrois, au royaume de France. xxij.

De pluſieurs esmotions qui furent faictes à Paris: & comment ceux de Paris ſe declarerent du party du Regent, & tuerent le Preuoſt des Marchais, & autres. xxv.

Comment le Regent entra à Paris: & cōment le Roy de Nauarre le deſia: & des maux que faisoient les Nauarrois & Anglois. xxv.

Comment le Chancelier de Nauarre fut tué: & comment meſſire Iehan de Picquiny euidasur
Second volume.

prendre Amyens.

De la courſe de Robin Canolle, Anglois: & cōment les Anglois & Nauarrois pillerent le païs d'Auxerrois. xxvj.

De l'assemblée faicte à Paris par le Regēt, pour veoir le pourparlé d'appoinctement faict par le Roy d'Angleterre. xxvij.

De l'appoinctement de Bretigny, pour la redemption du Roy Iehan: & de la courſe des Anglois par France. xxvij.

Comment le Roy Iehan fut ramené en France. xxvij.

Des oſtages qui furent baillez pour la reſte de la rançon du Roy. xxvij.

De la venue du Roy Iehan à Paris, apres ſon retour d'Angleterre: & comment il alla en Auignon deuers le Pape. xxvij.

De la mort du Roy Iehan, en Angleterre: & de la guerre que faisoit meſſire Bertrand du Gueſclin, contre les Anglois. xxix.

Du Roy Charles, cinquiesme de ce nom, qui fut surnommé le Sage.

Comment meſſire Bertrand du Gueſclin, pour deliurer le royaume de France des gens d'armes vacabons, les mena en Heſpaigne, contre les Sarrazins. xxx.

Comment le Duc de Bretagne feit hommage au Roy, le manteau & le chapeau oſté, les genoux fleſchis, comme à ſon ſouuerain Seigneur. xxx.

Comment le Roy de Nauarre, par fiction & trahyſon, ſe feit prendre prisonnier en Heſpaigne: & comment Bertrand du Gueſclin fut prisonnier, & apres deliuré. xxxj.

Des appellations que le Comte d'Armignac, & autres Seigneurs de Guyenne feirent en Parlement, contre le Prince de Galles. xxxij.

Comment le Roy alla à Tournay, pour traicter le mariage du Duc de Bourgongne, ſon frere, & de la fille du Comte de Flandres. xxxij.

De la natiuité & baptême de Charles, premier filz du Roy Charles cinquiesme. xxxij.

Comment pluſieurs villes en Guyenne, Ponthieu, & ailleurs, ſe reduiſirent és mains du Roy. xxxij.

Des appellations que les Seigneurs & communautē de Guyenne auoient interiectees contre le Prince de Galles, Duc de Guyenne, fucillet. xxxij.

Du mariage du Duc Philippe de Bourgongne, à la fille du Comte de Flandres. xxxij.

D'une deſcente d'Anglois en France. xxxij.

De la courſe de Robin Canolle, & autres Anglois: & comment meſſire Bertrand du Gueſclin fut faict Conneſtable de France. xxxij.

De l'appoinctement du Roy de Nauarre: & comment meſſire Bertrand du Gueſclin meit és mains du Roy le pays de Poictou, de Xaintonge, & auſſi preſque tout le païs de Bretagne, parce que le Duc ſ'en eſtoit allé en Angleterre. xxxv.

D'une courſe que feirent les Anglois, tout au trauers du Royaume de France. xxxvj.

Comment le Roy eut cinq grandes armées en

LA TABLE DV SECOND VOLVME.

<p>vn mesme temps sur les champs. xxxvj.</p> <p>Comment l'Empereur & le Roy des Romains, son filz, vindrent veoir le Roy Charles à Paris. xxxvij.</p> <p>De l'entrée de l'Empereur & de son filz, Roy des Romains, en la ville de Paris. xxxvij.</p> <p>Comment le Roy de Nauarre voulut faire empoisonner le Roy. xxxviii.</p> <p>De l'Arrest donné contre messire Iehan de Montfort, Duc de Bretagne. xxxviii.</p> <p>De la rebellion que firent ceux de Montpellier, & de la griefue punition q'en fut faicte. xxxix.</p> <p>De la mort de messire Bertrand du Guesclin, Connestable de France. xxxix.</p> <p>D'une descente d'Anglois, qui trauerferent de Calais iusques en Bretagne au trauers du Royaume, sans estre combatus, & de la mort du Roy Charles le Quint. xxxix.</p> <p>De l'ordonnance que feit le Roy Charles, cinquiesme, auant son trespas: & de la confirmation de l'appoinctement de Iehan de Montfort, Duc de Bretagne. xxxix.</p> <p>Des bonnes mœurs & vertus qui estoient au Roy Charles le Quint. xl.</p>	<p>Des par les François, sur les Flamens. xliij.</p> <p>De la bataille qui fut entre le Roy & les Flamens, à Rosebec, ou il mourut bien quarante mil Flamens. xlv.</p> <p>Comment la ville de Courtray fut pillée & bruslée. xlv.</p> <p>Comment apres la guerre de Flandres le Roy s'en retourna vers Paris, mal content de ceux de la ville. xlv.</p> <p>Cóment le Roy feit faire vn siege en la court du Palais: & de la proposition qu'il feit faire par messire Pierre d'Orgemont, son Chancelier. xlvj.</p> <p>De la commotion que firent ceux de Rouen, pour les aydes que l'on vouloit mettre sus. xlvj.</p> <p>D'une descente d'Anglois, que les Flamens recueillirent, & de la rebellion de ceux d'Orleans, pour le faict des aydes. xlvj.</p> <p>Du voyage que le Roy feit contre les Anglois, & Flamens, ou il porta l'Oriflambe. xlvj.</p> <p>Du voyage que le Duc de Bourbon, & autres Seigneurs de France, firent en Barbarie, sur les Sarrazins. xlvij.</p> <p>Des maux que plusieurs gens du commun d'Auuergne faisoient, & de la punition que le Duc de Berry en feit. xlvij.</p> <p>D'aucuns Docteurs Iacobins, qui voulurent soubstenir la Vierge Marie auoir esté conçue en peché originel, & pourquoy on les appela Huetz. xlvij.</p> <p>De la mort du Roy de Cecille, Duc d'Aniou: & comment le Roy de Nauarre voulut faire empoisonner les Ducs de Berry & de Bourgongne, oncles du Roy. xlvij.</p> <p>De la guerre que firent les Anglois: & du grand nauire qu'assembla le Roy, pour leur faire guerre. xlix.</p> <p>De la mort du Roy de Nauarre. xlix.</p> <p>Comment le Duc de Bretagne feit prendre prisonnier, par trahyson, le Cónestable Clisson, qui alloit faire guerre en Angleterre, dont il fut adiourné à cõparoir en personne deuant le Roy, à Paris. xlix.</p> <p>Comment le Duc de Gueldres enuoya deffier le Roy, dont apres il se repentit. l.</p> <p>Comment en vn Conseil tenu à Reims, le Roy fut mis hors du gouvernement de ses oncles, & fut deit qu'il estoit en aage pour iouyr de ses droictz. l.</p> <p>Comment la Preuosté des Marchans & Escheuins fut restituée à ceux de la ville de Paris. l.</p> <p>De l'entrée de la Roynie à Paris. l.</p> <p>Comment le Roy alla visiter le Pape en Auignon. l.</p> <p>Comment le Roy osta au Duc de Berry, son oncle, le gouvernement de Languedoc: & du Scisme qui fut en l'Eglise, par le trespas du Pape Urbain. lj.</p> <p>De l'armée que le Roy enuoya contre les Sarrazins, dont estoit Chef le Duc de Bourbon. lj.</p> <p>De l'appanage de monseigneur Loys, Duc d'Orleans, frere du Roy. lj.</p> <p>Des doléances que le Connestable de France, Clisson, feit au Roy, du Duc de Bretagne. lj.</p> <p>Comment le Seigneur de Craon cuida tuer, à Paris, le Seigneur de Clisson, Connestable de France, France,</p>
----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

Du Roy Charles, sixiesme, appelé le bien aymé.

<p>Comment le Roy Charles, sixiesme, fut mené sacrer à Reims: & cõment le Duc d'Aniou print les tresors du Roy Charles, le Quint. xl.</p> <p>De l'esmeute de ceux de Paris, pour les aydes: & comment ilz pillerent les maisons des fermiers desdictes aydes, & celles des Iuifz. xli.</p> <p>Des courses que faisoient les Anglois, en France, & apres se retiroient en Bretagne: mais en fin les Barons ne les voulurent plus souffrir. xli.</p> <p>Du Scisme qui estoit en l'Eglise, touchant la Papauté. xli.</p> <p>Comment le Duc de Berry fut faict gouverneur de Languedoc. xli.</p> <p>Comment Hugues Aubriot, Preuost de Paris, fut declairé hãretique, & condamné à perpelle prison. xli.</p> <p>De l'esmeute des Flamens, contre leur Comte. xli.</p> <p>Comment monseigneur Loys, Duc d'Aniou, fut fait Roy de Cecille, par l'adoption de la Roynie Iehanne. xli.</p> <p>De l'esmeute qui fut à Paris, pour les aydes que l'on vouloit mettre sus: & comment le populaire mit hors de prison Hugues Aubriot. xli.</p> <p>Comment on vouloit de rechef mettre sus les aydes: dont aduindrent plusieurs commotions en France. xli.</p> <p>Comment monseigneur Loys, Duc d'Aniou, fut couronné Roy de Cecille, par le Pape Clement: & comment il conquist Prouence, & apres alla en Lombardie. xli.</p> <p>De la guerre du Comte de Flandres contre les Gantoys & Flamens, qui s'allierent avec les Anglois. xli.</p> <p>De l'ayde que feit le Roy au Côte de Flandres, contre les Flamens. xli.</p> <p>De plusieurs rencontres & desconfitures, fai-</p>

DES CRONIQ. ET ANNALES DE FRANCE.

France. liij.
 Comment le Roy devint malade en la ville du Mans. liij.
 Comment apres la maladie du Roy, les Ducz de Berry & de Bourgongne entreprirent le gouvernement. liij.
 Du dixiesme qui fut leué en France. liij.
 Des accusations qui furent faictes contre maistre Jehan luuenel, Preuost des Marchans de Paris. liij.
 Des Iuifz qui furent chasséz : & d'une course des Sarrazins. liij.
 Du Scisme qui fut en l'Eglise, pour la Papauté. liiij.
 Du mariage du Roy Richard d'Angleterre, & de madame Ysabeau de Frâce, fille du Roy Charles vij. & comment ceux de Gennes se donnerent au Roy. liiij.
 Du traité de paix faict entre les Roys de Frâce & d'Angleterre, moyénant le mariage de madame Ysabeau de France. liiij.
 De la piteuse desconfiture, qui fut faicte par les Turcz, sur les Chrestiens en Hongrie. lv.
 Comment la seigneurie de Nemours fut erigée en Duché, & baillée au Roy de Nauarre, en recompense de quelques terres. lv.
 De la mutation de plusieurs officiers : & des haynes secretes qui estoient entre les Ducz d'Orleans & de Bourgongne. lv.
 Comment Henry de Lanclastre, qui fut banny d'Angleterre, se retira en France. lvj.
 Comment ledict Henry de Lanclastre s'en retourna en Angleterre, pour faire guerre au Roy Richard, qu'il print prisonnier, & le fait mourir, & se feir Roy. lvj.
 De la venue de l'Empereur de Constantinople, à Paris. lvj.
 Comment la hayne secreta d'entre les Ducz d'Orleans & de Bourgongne se manifesta. lvij.
 Du debat qui estoit entre les Princes, pour le gouvernement des finances. lvij.
 De la desconfiture des sept Anglois, qui combattirent en champ contre sept François. lvij.
 Du mariage de la Duchesse de Bretaigne au Roy d'Angleterre, & des deffiances du Duc d'Orleans audict Roy d'Angleterre. lvij.
 D'une course que feir en Guyene, sur les Anglois, le Connestable d'Albret. lvij.
 De l'appoinctement faict sur le debat des Ducz d'Orleans & de Bourgongne, touchant le gouvernement du royaume. lvij.
 Du trespas du Duc Philippe de Bourgongne. lvij.
 Des cōdamnations faictes cōtre Sauoyfi. lvij.
 D'un autre appoinctement qui fut faict entre les Ducz d'Orleans & de Bourgongne. lix.
 De l'ordonnance faicte sur les priuileges de l'Eglise de France. lx.
 Comment le Duc de Bourgongne feir tuer le Duc d'Orleans en trahyson. lx.
 Comment le Duc de Bourgongne s'enfuyt apres la mort du Duc d'Orleans. lx.
 De deux Escoliers que le Preuost de Paris par hastineté feir pendre, parquoy fut condanné à les faire despendre, & baisser en la bouche. lxj.
 Touchant les priuileges de l'Eglise de France. lxj.

Comment le Duc de Bourgongne vint à Paris, pour soy excuser de la mort du Duc d'Orleans, voulant soustenir qu'il auoit bien faict & sainctement, & en obtint remission. fueil. lxj.
 D'une desconfiture de Liegeois. lxj.
 De l'appoinctement faict à Chartres entre le ieune Duc d'Orleans, & ses freres, & le Duc de Bourgongne, present le Roy. fueil. lxij.
 Du Roy de Nauarre, qui s'allia au Duc de Bourgongne : & du desappoinctement de plusieurs Officiers, & du Seigneur de Montagu, qui eut la teste coupée. lxij.
 De l'assemblée de plusieurs Princes, qui tenoient le party du Duc d'Orleans, pour venir deuant Paris, où estoit le Duc de Bourgongne, qui tenoit le Roy en ses mains. lxij.
 Comment messire Pierre des Essars, Preuost de Paris, tenant le party du Duc de Bourgongne, esleua les bouchers & escorcheurs de Paris, & en fut faict le Capitaine vn nommé Caboché. lxij.
 Des deffiances du Duc d'Orleans & ses freres, & du Duc de Bourgongne qui s'enfuyt d'aupres de Mondidier, où il estoit parqué. lxiiij.
 Comment ceux de Paris tenoient le party du Duc de Bourgongne, qui leur enuoya pour secours le Comte de saint Paul : lequel le Roy feir Connestable : & ainsi estoient deux Connestables en Frâce : & de la venue dudit Duc de Bourgongne à Paris, où il fut crié Noel. lxiiij.
 De la sentence d'excommuniement que feir proferer le Duc de Bourgongne, contre les Seigneurs. lxiiij.
 Comment le Roy d'Angleterre enuoya son filz, & son frere, à l'ayde du Duc d'Orleans : & du siege de Bourges. lxiiij.
 D'une commotion que les Bouchers & escorcheurs de la boucherie de Paris feirent par le cōmandement du Duc de Bourgongne : & comment ilz prindrent prisonniers des Officiers des Ducz de Guyenne, d'Orleans, & de Bourbon. lxvj.
 Comment le Duc de Bourgongne feir couper la teste à messire Pierre des Essars, Preuost de Paris, à messire Jaques de la Riviere, & autres : & feir mettre les Damoysselles de la Royné, & de madame de Guyenne prisonnières. lxvj.
 De l'esmotion qui fut de rechef faicte à Paris par les Bouchers : & comment le Duc de Bourgongne s'enfuyt hors de Paris. lxvj.
 Du siege de Compiègne & Soissons, qui tenoient pour le Duc de Bourgongne. lxvij.
 Comment le Duc de Guyenne, Daulphin, print le gouvernement du royaume. lxvij.
 De la bataille d'Azincourt domageable aux François. lxvij.
 Comment le Comte d'Armignac fut faict Connestable de France : & du Duc de Bourgongne, qui vint deuers le Roy en armes. lxvij.
 De la mort du Duc de Guyenne, & Jehan, son frere, aîné filz du Roy. lxvij.
 De la venue de l'Empereur à Paris : & de la mort du Duc de Berry. lxvij.
 De la guerre que feir le Duc de Bourgongne, contre monseigneur le Daulphin : & cōm.

LA TABLE DV SECOND VOLUME.

ment il print la Roïne, & sa fille, en ses mains: & du Daulphin lequel vint à Paris. lxxvij.

De la prinse de Caen par les Anglois. lxxix.

Comment le seigneur de l'Isleadam entra à Paris, criant, viue Bourgongne, & cōment monseigneur le Daulphin se retrahit en la Bastille: & comment le Comte d'Armignac, Conneftable de France, fut tué, & plusieurs autres à Paris. lxxix.

Comment les gens de monseigneur le Daulphin faillirent à recouurer Paris: parquoy il s'en alla à Bourges, & puis à Saumur. lxx.

Des Capitaines Poton & la Hire. lxxj.

Comment le Duc de Bourgongne traicta le mariage du Roy d'Angleterre à la fille du Roy de France. lxxj.

Des libertez de l'Eglise de France. lxxj.

Du parlement qu'eurent ensemble, à Corbeil, monseigneur le Daulphin & le Duc de Bourgongne: & de la prinse de Rouen, par les Anglois. lxxj.

De l'assemblée de Monstereau, ou fut tué le Duc de Bourgongne. lxxj.

Du mariage du Roy d'Angleterre à madame Catherine de Frâce: & cōment ledict Roy d'Angleterre se porta & nomma Roy de France. lxxij.

Des sieges de Meleun & Compiègne, mis par les Anglois: & cōment le Roy d'Angleterre emmena sa femme, & laissa le Duc de Clarence, son frere, Lieutenant en France, & de plusieurs seigneurs d'Escoffe, qui vindrent au secours du Daulphin. lxxij.

De la bataille de Bauge, ou fut tué le Duc de Clarence, frere du Roy d'Angleterre: & cōment le Comte de Boucan, Escoffois fut fait Conneftable de France. lxxij.

De la venue du Roy d'Angleterre, en France, apres la mort du Duc de Clarence, sō frere. lxxij.

De la mort du Roy Henry d'Angleterre: & comment le Duc de Bethfort, fut Regent en France, pour le ieune Roy d'Angleterre. lxxij.

De la mort du seigneur de Partenay: & comment la seigneurie dudit lieu, vint au Roy comme hzritier du Duc de Berry, qui l'auoit acquise. lxxij.

Du trespas du Roy Charles, sixiesme. lxxij.

Du Roy Charles, septiesme.

Comment Henry, le ieune Roy d'Angleterre, fut nommé Roy de France: & cōment on scella de ses sceaux, à la Chancellerie à Paris. lxxij.

Du siege de Crauât, & de la bataille de la Granelle. lxxv.

Des sieges du Sedane, & du mōt S. Michel. lxxv.

De la bastille de Vernueil. lxxv.

Des sieges du Mâs, & de la Ferté Bernard. lxxvj.

Comment le Comte de Richemont fut fait Conneftable de France. lxxvj.

Comment les gouverneurs du Roy furent chassés de court. lxxvj.

Comment le Duc de Bretagne fait hommage & alliance au Roy. lxxvj.

Du siege de Montargis, tenu par les Anglois, qui fut leué par les François: & de la conspiratiō d'aucuns Princes. lxxvj.

Comment la ville du Mans fut reprise par les François: & puis rescouffie par les Anglois, à l'ayde de Talbot. lxxvij.

De la prinse de Pōtorfō, par les Anglois. lxxvij.

Comment le Comte de Salbery se mit à chemin pour aller assaillir Orleans: & en y allant print toutes les places de la Beausse. lxxvij.

De la prinse des villes de Baugency, Iargueau, & Suilly, par les Anglois. lxxvij.

Du siege d'Orleans, du costé de la Soulongne. lxxix.

Du siege d'Orleās du costé de la Beausse. lxxix.

De la bataille des Harens. lxxx.

De l'Ambassade que ceux d'Orleās enuoyerent au Duc de Bourgongne. lxxx.

De la venue de la Pucelle, vers le Roy de France. lxxx.

Auitaillement d'Orleans, par la Pucelle. lxxxj.

Du siege d'Orleans leué par la Pucelle. lxxxj.

De l'allée de la Pucelle deuers le Roy: & de la prinse de Iargueau, & de Baugency. lxxxij.

La bataille de Patay, & prise de Talbot. lxxxij.

Comment le Roy se mit à chemin, pour aller à Reims, soy faire sacrer. lxxxij.

Du Sacre du Roy, à Reims. lxxxij.

Comment le Roy, apres son sacre, tira vers Paris, & se meirent plusieurs villes & forteresses en son obeissance. lxxxij.

Comment le Roy, la Pucelle, & plusieurs seigneurs François vindrent deuant Paris. lxxxv.

De la prinse de Laigny, & du parlement du Roy, pour aller en Touraine. lxxxv.

Comment le Duc de Bourbon s'en alla en ses pais, pour la pillerie que faisoient les gēs du Roy, sur le peuple. lxxxv.

La prinse de saint Pierre le Monstier, par la Pucelle. lxxxvj.

Rencontre des Anglois: & de sieges de saint Sçelerin, & Laigny. lxxxvj.

De la prinse de la Pucelle deuant Compiègne: laquelle les Anglois firent mourir. lxxxvj.

De la reduction de Meleun, Moret, Corbeil, le boys de Vincennes, & autres places. lxxxvj.

D'une grande desconfiture d'Anglois, pres Chaalons. lxxxvj.

De la iournée d'Anton au Daulphiné. lxxxvj.

De la venue du ieune Roy d'Angleterre, & de son couronnement à Paris. lxxxvj.

Du grand siege de Laigny, par le Duc de Bethfort, qui fut leué par les François. lxxxvij.

D'une belle entreprinse que feit le Seigneur de Lore, sur la ville de Caen. lxxxvij.

Desconfiture d'Anglois, faite de rechef par le Seigneur de Lore. lxxxix.

De la question & debat des Ducs de Bretagne, & d'Alençon. lxxxix.

De plusieurs places prinse ples Anglois. lxxxix.

De la bataille de Gerberoy. xc.

De la prinse du seigneur de la Trimoille: & comment le peuple de la basse Normandie s'esleua contre les Anglois. xc.

De l'esmeute du cōmun du pais de Caux. xc.

Du siege de saint Denis. xcj.

Du seigneur de Vilby, qui fut Capitaine de Paris, & de la reduction de Pontoise es mains des François. xcj.

Du memorable traicté d'Arras, fait entre le Roy de France, & le Duc de Bourgongne. xcj.

De la mort de la Roïne de France, Isabeau de Bavières. xcij.

D'une desconfiture d'Anglois, pres S. Denis. xcij.

De la

DES CRONIQ. ET ANNALES DE FRANCE.

De la reducion de Paris. xciiij.
 Du mariage de mōseigneur le Daulphin, Loys & de madame Marguerite, fille du Roy d'Escosse. xciiij.
 De la prinse de Pōroise par les Anglois. xciiij.
 De la prinse de plusieurs places d'emblee par les Anglois, & autres par les François: & de la venue du Roy à Paris. xciiij.
 Comment le Duc de Bourgongne meit le siege deuant Calais. xciiij.
 De la grāde famine & mortalité de Paris. xcvi.
 De la Pragmatique Xanction. xcvi.
 Du mariage de madame Catherine, fille du Roy, au filz du Duc de Bourgongne. xcviij.
 De la Praguerie. xcviij.
 Comment apres le discord des Princes appaisé, le Roy meit le siege deuant la Charité: & du Scisme qui estoit en l'Eglise pour la Papauté: & comment le Roy se declaira du party d'Eugene fueil. xcviij.
 De la deliurance de mōseigneur Charles, Duc d'Orleans. xcviij.
 Des sieges de Creil, & de Pontoise. xcviij.
 De la prinse de Beaumont le Rogier, & de Beaumefnil: & de la descōfiture d'Anglois. xcviij.
 De la prinse d'Eureux, par Floquet. xcviij.
 Du voyage de Tartas, en Gascongne, & de plusieurs autres choses. xcviij.
 Prinse de la Bastille de Dieppe, par monseigneur le Daulphin. xcix.
 Comment le Roy enuoya saisir en ses mains les païs d'Armignac. c.
 Des trefues prinse entre les Roys de France & d'Angleterre: & comment monseigneur le Daulphin cōduisit les gens d'armes en Allemagne. c.
 Du trespassemēt de madame Marguerite, femme de monseigneur le Daulphin. cj.
 Cōment messire Gilles de Bretagne fut prins prisonnier, par le commandement du Duc de Bretagne, son frere: & comment ceux de Genes se donnerent au Roy. cj.
 Comment les Ambassadeurs des Electeurs de l'Empire, & ceux du Roy d'Angleterre vindrent deuers le Roy, à Bourges, ou il estoit. cj.
 De l'Ambassade q̄ le Roy enuoya deuers le Pape Nicolas: & comment il trauailla grandement pour le faict de l'vnion de l'Eglise. cij.
 De la prinse de Fougieres. cij.
 De la responce du Roy d'Angleterre: & de la prinse du pont del'Arche, & plusieurs autres places, par les François. ciij.
 De la reducion de la ville de Rouen. ciij.
 De la prinse de Harfieu, par les François, & autres placés en Normandie. cv.
 Comment le Duc d'Alençon meit le siege deuant Belesme: laquelle luy fut rendue, & le Ponttheaudemer, & autres places en Normandie. cv.
 La bataille de Formigny, ou furēt tuez quātre mil sept cens Anglois. cv.
 Du siege & prinse de Caē, par les François. cvj.
 Du siege de Falaise, & de la prinse d'icelle, par les François. cvj.
 De la prinse de plusieurs villes en Guyenne, de l'institution du Parlement de Bourdeaux: & de la totale reducion de Guyenne, par les François. cvij.
 Comment le Sire de l'Espare, & autres allerēt

querir les Anglois, affin qu'ilz fussent encore leurs seigneurs en Guyenne. cvij.

Comment le Roy Charles vij. meit en sa main toutes les citez, forteresses, villes, & chasteaux du Daulphiné, q̄ tenoit son filz Loys, Daulphin. cix.
 Comment le Roy Charles, septiesme, dict le victorieux, mourut à Meun, sur Yeure. cx.

De Roy Loys, vnzieme du nom.

Comment le Roy d'Arragon enuoya au Roy de France, requerir ayde contre ceux de Barcelonne. cx.

Comment le Roy desgagea le terres de Picardie du Duc de Bourgongne. cxj.

De la conspiration que les seigneurs de France feirent contre le Roy, pour le gouuernement du royaume. cxj.

De la mort du Duc d'Orleans: & comment le Roy cuidoit retirer ledict Duc de Berry, son frere, par douleur. cxj.

Trefues entre le Roy de France & d'Angleterre. cxij.

Comment le Roy d'Angleterre enuoya Ambassade au Roy de France, pour traicter appoinctement. cxij.

Comment le Roy enuoya son armée en Normandie. cxij.

De l'appoinctement faict entre le Roy de France, & monseigneur Charles, son frere. cxij.

Du secours que les seigneurs d'Angleterre vindrent demander au Roy de France, contre le Roy Edouard d'Angleterre. cxij.

De la natiuité du Roy Charles, huitiesme. cxij.

Comment le Roy reprint en ses mains les terres engagées de Picardie, qu'il auoit vne fois rachetées du Duc de Bourgongne: & de la guerre qu'ilz eurent. cxij.

De l'armée que le Duc de Bourgongne feit, pour venir à Amyens. cxij.

Cōment le Duc de Bourgongne vint à grāde armée deuant la ville de Nèlle. cxij.

Comment la ville de Parpignan fut baillée par aucuns au Roy d'Arragon. cxiiij.

Comment le Roy alla à Vernon: & comment le Connestable, contre les sermens qu'il auoit faictz, manda le Roy d'Angleterre, pour descendre en France. cxiiij.

Appoinctement faict entre les Roys de France & d'Angleterre. cxv.

Comment le Roy de Portugal vint requerir secours & ayde au Roy de France. cxvj.

La prinse de Hesdin. cxvij.

Comment le Roy feit hommage de la ville de Boulongne, à la glorieuse vierge Marie, d'un cœur d'or fin, poissant deux mil escus. cxvij.

Cōment ceux d'Arras estoiet mal contents d'estre en l'obeissance du Roy, & cōment ilz cūderēt aller en Ambassade deuers la Comtesse de Flandres, pour auoir secours. cxvij.

Comment messire Jaques d'Armignac, Duc de Nemours, & Comte de la Marche fut descapité aux Halles de Paris. cxviii.

Des Ambassadeurs de par le Duc Maximiliā, & sa femme, & les gés du païs de Flādes, qui vindrēt au Roy, pour traicter appoinctemēt. cxviii.

Comment ceux de la ville de Cambray se meirent en l'obeissance de l'Archiduc d'Austrie: & comment le Roy enuoya son ar-

LA TABLE DV SECOND VOLVME.

- mée és pais de Bourgongne. cxix.
 Comment le Roy d'Angleterre enuoya Ambassade vers le Roy de France, & aussi comment le Pape y enuoya le Cardinal de saint Pierre ad Vincula, Legat en France. cxix.
 Comment le Roy fut malade. cxx.
 Comment le Roy feit faire vn beau & grand camp de guerre. cxx.
 De la mort de madame Marie de Bourgongne, Comtesse de Flādres, & femme dudit Duc d'Austriche. cxxj.
 Du trespas du Roy Loys xj. du nom. cxxj.
 Du trespassemēt de la Roïne Charlotte, femme dudit Roy Loys, vnziēme. cxxj.
Du Roy Charles, huictiesme.
 Cōment les trois Estatz, furent tenus à Tours: & de ce qui fut ordonné. cxxij.
 Comment Loys, Duc d'Orleans, s'ensuyt de la ville de Paris, craignant d'estre prins. cxxij.
 Cōment l'armée du Roy entra en Bretagne, en poursuivant le Duc d'Orleans, qui s'estoit illec retiré. cxxij.
 Comment le Roy de France gaigna la bataille cōtre les Bretons, pres S. Aubin du Cormier, ou fut prins le Duc d'Orleans. cxxij.
 Comment le mariage fut fait entre le Roy Charles, & madame Anne de Bretagne. cxxij.
 Comment la Comté de Roussillon fut rendu au Roy d'Espaigne. cxxv.
 Comment le Roy Charles se partit de Lyon, pour aller cōquester sō royaume de Naples. cxxv.
 Comment Picus Mirandula mourut à Florence, lors que le Roy Charles y passa. cxxvj.
 Comment le Roy se partit de Romme pour tirer vers Naples. cxxvj.
 Comment le Roy Charles entra en la ville de Naples, sans aucunes solennitez. cxxvij.
 Cōment le Roy Charles feit son entrée triūphante en la ville de Naples. cxxvij.
 Comment le Roy Charles maulgré ses ennemis passa triūphamment Fornoue. cxxvij.
 Cōment la maladie de Naples fut apportée en France. cxxvij.
 Du trespas du Roy Charles huictiesme. cxxix.
Du Roy Loys, douziesme du nom.
 Comment le Roy Loys, douziesme conquist la Duché de Milan, qui luy appartenoit. cxxix.
 Cōment le Roy Loys, douziesme, au cōmencement de son regne vendoit les offices pour auoir argent. cxxx.
 Comment le Roy Loys, douziesme, alla conquister la Duché de Milā, long temps occupées par les Sforces. cxxxj.
 Comment apres que le Roy eut donné ordre en la Duché de Milā s'e retourna en Frāce. cxxxj.
 Cōment Loys Sforce fut mené à Lyon, puis en la Tour de Bourges. cxxxij.
 Comment vn Escolier arracha la sainte Hostie d'entre les mains du Prestre, en la sainte Chapelle du Palais à Paris. cxxxij.
 Comment François de Vallois, Duc d'Angoulesme, depuis Roy de France, fiança madame Claude, fille du Roy Loys, xij. cxxxij.
 Du Concile de l'Eglise de Frāce, tenu à Tours, sur certains articles, à cause du discord du Pape Iulius, & du Roy Loys. cxxxij.
 Comment les Hespaignolz, & leurs alliez furent desconfitz par les François à Rauenne, ou fut occis le Duc de Nemours, Lieutenant pour le Roy. cxxxv.
 Comment les Anglois descendirent en France, & de la desconfiture sur la mer desdictz Anglois. cxxxv.
 Comment le Roy Loys douziesme, fut marié en seconde nopces à madame Marie d'Angleterre, & de son trespas. cxxxvj.
Du Roy François, premier de ce nom.
 Comment le Roy se partit de France, pour aller conquister la Duché de Milan. cxxxvij.
 Cōment les Suisses qui auoient faulxé leur foy au Roy, furēt to' mis à sac, pres S. Brigide. cxxxvij.
 Comment le Roy se trouua avec le Pape à Boulongne la grasse, & du Concordat qui y fut pourparlé, & fait entre eux. cxxxvij.
 Comment l'Empereur Maximilian, lequel voulut inuader la Duché de Milan, fut vaillamment repoulxé par le Seigneur de Bourbō, Lieutenant pour le Roy. cxxxvij.
 Comment les Roys de France & d'Angleterre feirent certain traicté de paix. cxl.
 Du traicté fait par madame la Duchesse d'Aniou, avec l'esleu Empereur, pour la deliurance du Roy estant en Hespaigne. cxlij.
 Comment le seigneur de Bourbō fut tué, voulant entrer dedans ls ville de Romme, & cōment le Pape se retira au chasteau de S. Ange. cxlij.
 Des placards affichez par les places de Paris: & de la processioū ou le Roy asista en psona. cxlvj.
 Du commencement des guerres de Piedmōd, & de Sauoye: & d'autres matieres. cxlvij.
 De l'assemblée de Nice, ou furent accordées trefues pour dix ans, entre le Roy & l'Empereur, par le moyen du Pape. cl.
 Du departement de l'Empereur, du royaume de France, & de l'exécution qu'il feit contre les Gātoys: & de la fortification de la ville d'Adre: & du mariage du Roy d'Angleterre, à la sœur du Duc de Gueldres, que depuis il repudia. clj.
 Des Edictz & ordonnances que le Roy feit sur le fait de la gabelle du sel. clj.
 Des armées que le Roy feit dresser pour la tuitiō & deffēse de sō royaume, en diuers lieux. clj.
 Des Bourguignōs deffaitz en plusieurs lieux par les François: & de la guerre faite à Landrecy & esenuirōns, qu'au pais de Boulonoys. clij.
 Du voyage de Carignan, dont estoit chef le seigneur d'Enghie: des prinsez de Luxembourg & Ligny: des sieges de Montereul & Boulongne, par les Anglois: & de la guerre de Champagne: de la paix entre le Roy & l'Empereur. cliij.
 Du preparatif de guerre fait pour recouurer Boulongne: & du trespas du Duc d'Orleans, de la deffaitte des Anglois en diuers lieux, & de la mort du Seigneur d'Enghien. clv.
 De la paix faite & publiée entre les Roys de Frāce & d'Angleterre, & de la mort dudit Roy d'Angleterre. clvj.
 Du trespas de François, j. du nom, de ses obseques & funeraillies: ensemble de feu mōseigneur le Daulphin, & du Duc d'Orleā, ses enfā. clvij.
Du Roy Henry, deuxiesme du nom.
 L'entrée, Sacre & courōnement du Roy Henry, deuxiesme du nō, en la ville de Reims. clvij.
 Debat entre les Escoliers de l'Vniuersité de Paris,

DES CRONIQ. ET ANNALES DE FRANCE.

ris & les Religieux de S. Germain des Prez, pour
raison du Pré aux Clercs. clviij.

L'entrée du Roy & de la Roynne en la ville de
Lyon. clx.

Commotion de la commune du païs & Du-
ché de Guyenne, pour raison de la Gabelle du
fel, & de l'Arrest contr'eux donné. clx.

L'entrée du Roy & de la Roynne, à Paris: avec-
ques le Tournoy faict audict lieu, pour la cele-
bration de leurs ioyeux aduenement. clx.

La procesion solennelle, faicte à Paris par le
Roy, pour l'extirpation des hèresies, & augmen-
tation de la foy Chrestienne. clxj.

L'entrée du Roy & de la Roynne en la ville de
Rouen. clxiiij.

Comment le Roy fait apprester toutes cho-
ses vtils & necessaires au faict de la guerre, & de
la prinse de la ville de Mariembourg, & aussi de
plusieurs autres villes & places. clxiiij.

Des trefues faictes & accordées entre le Roy

de France Henry, deuxiesme du nom, l'Empe-
reur Charles, cinquiesme de ce nom, & Philip-
pes, son filz, Roy d'Angleterre. clxv.

La prinse des villes de Calais, Guynes, Hames,
& de toute la Comté d'Oye, par monseigneur le
Duc de Guyse, Lieutenant general pour le
Roy. clxviij.

Du mariage de François de Valloys, Daul-
phin, aîné filz du Roy Henry, deuxiesme du nō,
avec madame Marie Stuart, Roynne hēritiere d'Es-
cosse. clxviij.

Du mariage de Philippes, Roy des Hespai-
gnes, avec madame Elizabeth, aînée fille du Roy
Henry, deuxiesme du nom. clxviij.


Du trespas du Roy Hēry, deuxiesme du nom:
ensemble du mariage du Duc de Sauoye, avec
madame Marguerite, sœur vnique dudit Roy
Henry. clxviij.

Du Roy François ij. du nom. clxix.

Du regne du Roy Charles ix. du nō. clxxviij.


*Fin de la Table du second & dernier volume des Croniques & Annales
de France, nouvellement reueuës, & corrigées oul-
tre les precedentes impressions.*

I 5 6 6.



Iehā filz de Phil. de Valloys, eut ij. femmes. Au vij. an de son regne fut prins prisonnier pres Poitiers, son filz Philip. & plusieurs Princes.

Charles v. di& le sage, eut à femme Iehanne de Bourbon, dont eut deux filz. Charles vj. & Loys j. du nom, Duc d'Orléans: lequel esp. Valétine, fille du duc de Milan, & gist à S. Denis.



Charles vj. fut Roy l'an mil cccc. iij. Il y eut gros different pour l'administratiō du royaume entre les Ducz d'Aniou & de Bourgongne, lequel different fut

toit appaisé par leurs amys. Ledi& Charles desconfit plusieurs fois les Flamens. En son tēps fut la grande mutinerie des Parisiens, pour raison des tailles & subside, qui se leuoient en la ville. Semblablement se mutinerēt les Flamés & Anglois. En son tēps fut l'abolitiō du Preuosté de Paris, & regna xlij. ans.





Du Roy Philippe sixiesme, dict de Valloys.



Philippe, sixiesme de ce nom, qui est surnommé de Valloys, filz de monseigneur Charles, en son viuât Comte de Valloys, lequel Charles auoit esté frere du Roy Philippe le Bel, & lequel Philippe de Valloys estoit cousin germain desdictz trois Roys precedens, Loys, Philippe, & Charles, enfans du dict Philippe le Bel, commença à regner l'an mil ccc. vingt sept, & deceda au vingt & troisieme an de son regne, à Nogent le Roy, l'an mil trois cens cinquante, & gist à S. Denis en France: cōme il a esté dict au chapitre precedent. Au temps du trespas du Roy Charles le Bel, madame Iehanne d'Eureux, sa femme estoit grosse d'enfant, & estoient plusieurs qui vouloient auoir le gouuernement d'elle & du royaume: & entre autres le Roy Edouard d'Angle-

L'an mil ccc. xxvij.

terre, qui estoit filz d'Ysabel, fille du Roy Philippe le Bel, & sœur germaine des trois Roys de France derniers trespassez, & maintenant qu'il deuoit auoir le gouuernement du royaume: & disoit encores qu'en deffault de ligne masculine il deuoit succeder au royaume de France, & pour ceste cause enuoya grandes Ambassades en France. Mais pource que le Roy d'Angleterre estoit subiect & vassal de la couronne de Frāce, à cause des terres qu'il tenoit deçà la mer, & que iamais le royaume de France ne fut gouuerné par Anglois, n'autres estrangiers, attendu aussi que la proximité de lignage, que disoit auoir iceluy Roy d'Angleterre, venoit par femme, & que *ab omni eno*, tant par la loy Salique que par les coustumes, loix, ordonnances & edictz du royaume de France, faitz & confermez des le temps de Pharamond, premier Roy de France, Payen, Clouis premier Roy Chrestien, Charlemagne, & autres Roys de France, femme ne succede point & ne doit succeder à la couronne, n'au regne de France: il fut debouté de sa demande, & fut dict qu'il ne fut oncques veu qu'elle y succedast, ne donna lieu de succeder à personne quelconque, soit mâle ou femelle, quelque faulte de directe ligne masculine, qui soit interuenue en France, & quand ainsi seroit que femme y deust succeder (que non) si ne deuoit ledict Roy Anglois venir à ladicte succession: car plustost y fussent venuës les filles des Roys Loys Hutin, & Charles le Bel. Car les filles eussent plustost succédé à leurs peres, que le filz de la sœur d'iceux: les mariz desquelles filles semblablement y pretendoient & demandoient droit: & furent d'une part & d'autre alleguées & debatues plusieurs raisons, tant de droit diuin qu'humain: & n'est aucun qui peust soutenir à dire le contraire, que les Roys de France & les François n'ayent peu faire ladicte loy, ordonnance & constitution. Car le Roy de France est iuge en sa cause: *quia exemptus ab imperio, ut dicit Baldus, cap. Investitura in maritum facta*: & par ce seul mot Roy, est entendu Roy de France, qui est le bras dextre de l'Eglise, combien que Boniface d'Amannatis solennel docteur es droitz Canon & Ciuil, dit que les Anglois ne le confessent pas: mais attendu leur ancienne inimitié, on ne doit tenir conte de chose qu'ilz en dient. Finalement à la tresgrande poursuyte de messire Robert d'Artoys, Comte de Beaumont, qui auoit espousé la sœur germaine dudit Roy Philippe, & qui estoit l'un des plus puissans Princes, & mieux enlignagé qui fust en France, lequel feit moult grande diligences de ceste matiere, & moyennant le bon droit, fut dict par les gens des Estats de Frāce, que ledict Philippe de Valloys, comme plus prochain lignagier, en ligne masculine, auroit ledict gouuernement & regence desdictz royaumes, durant que ladicte Roynne seroit grosse: parquoy il se porta regent desdictz royaumes de France & de Nauarre: & comme tel feit prendre & receuoir les hommages de France: & s'acquitta tresbien de la personne de la Roynne grosse, & des affaires dudit royaume: & mettoit en son tiltre, Philippe, filz du Comte de Valloys, oncle des Roys de France, Regent des roy-

Le Roy d'Angleterre voulut estre Regent en France, ce qui fut empêché.

Les femmes ne succedent à la couronne de France.

LES CRONIQ. ET ANNALES DE FRANCE

aumes de France & de Nauarre, à tous les iusticiers, &c. Quand vint le premier iour d'Auril, elle eut vne fille au boys de Vincennes, qui fut appelée Blanche: laquelle fut depuis par dispense mariée avec Philippe, Duc d'Orleans, filz de ce Roy Philippe de Valloys, apres la natiuité de laquelle Blanche ledit Roy Philippe de Valloys parauant appelé Regent, fut appelé Roy.

Comment le Roy Philippe de Valloys, bailla à messire Philippe, filz de Loys Comte d'Eureux, le royaume de Nauarre: & comment le Comte de Flandres fait hommage au Roy, & se plaint à luy des Flamens.

LEDIT Roy Philippe de Valloys eut deux femmes. La premiere fut Iehanne fille du Duc de Bourgongne, laquelle fut moult humble & vertueuse: & recite *Fasciculus temporum* (ut pie creditur) quod sit sancta: de laquelle il eut Iehan, qui fut Duc de Normandie, & apres Roy de France, & vn autre Iehan qui mourut ieune, & Philippe Duc d'Orleans, qui espousa ladicte fille dudit Charles le Bel, dont la mere estoit demourée grosse. La secōde femme de Philippe de Valloys, fut Blanche fille du Roy de Nauarre, & de Iehanne fille du feu Roy Loys Hutin. Le Roy Philippe de Valloys tantost apres son aduenement à la couronne, en ensuyuant le conseil des seigneurs, Barons & anciens du royaume, en approuuāt la coustume & l'ordonnance du royaume de Nauarre, restitua le royaume de Nauarre à messire Philippe, filz de Loys Côte d'Eureux, qui luy deuoit appartenir à cause de madame Iehanne, sa femme, fille du feu Roy Loys Hutin: & en recompence des Comtez de Champagne & de Brie, qui semblablement deuoient appartenir à ladicte Iehanne, luy bailla autres terres

Le Comte de Flandres fait hommage au Roy de France de sa Comté. & seigneuries en la Comté de la Marche, pres Angoulesme. En ce temps Loys Comte de Flandres, vint deuers le Roy Philippe, & luy fait hommage de sa Comté, & se com-
plaignit au Roy de la malice & rebellion des Flamens, mesmement de ceux de Bruges & d'Ipre: & luy supplia qu'il luy voulsist ayder à ce besoing, pour extirper & abbatre leur orgueil & desobeissance, ce que le Roy luy promet faire, dont apres s'en ensuyuirēt de grandes guerres, tant en France, qu'en Flandres. Apres que le Roy eut disposé d'aucuns affaires, il se delibera d'aller à Reims, soy faire sacrer, & là furent faitz de grands preparatoires: puis s'en partirent le Roy & la Roynes, & allerent à Reims, ou ledit Roy en grand triumphe & assemblée de Princes fut sacré, & la Roynes sacrée, par la main de messire Guillaume de Trye, lors Archeuesque de Reims.

Comment le Roy meit sus vne armée pour aller ayder au Comte de Flandres, qui l'en auoit requis contre les Flamens, & y porta l'Auriflambe.

Ncontinent apres le sacre du Roy, il s'en retourna & alla à S. Denis, & de là à Paris, ou il fut receu en grād triumphe & honneur, puis tint Parlemēt de mettre sus vne armée, pour aller ayder au Côte de Flādres, qui l'en auoit requis, ce que plusieurs luy desconseilloient, disans, que le temps n'estoit opportū, & que bonne chose seroit à luy qu'il demourast en son royaume iusques à vn an: lequel cōseil il ne print pas bien en gré, & luy en despleur: & lors demāda le Roy à messire Gaultier de Crecy seigneur de Chastillō, Connestable de Frāce, son oppiniō: lequel voyant l'affectiō, & plus pour cōplaire au Roy, que pource qu'il luy sembla estre bon de ce faire, fait ceste response: *Qui a bon cœur en la bataille, tousiours trouue temps cōuenable*: de laquelle response le Roy fut bien ioyeux. Lors ledit Roy se lieue du conseil, ou il estoit assis, & embrassa ledit messire Gaultier Connestable, & deit aux autres: *Qui m'aymera si me suyue*: & fait crier son ban par tout son royaume, & que ses gens de guerre se rendissent à Arras à la feste de la Magdaleine ensuyuāt. Apres ladicte assemblée le Roy alla à S. Denis, & fait ce qu'on n'auoit pas accoustumé de veoir faire: car il fait ouurir les chasses ou sont les corps S. Denis & ses cōpaignons, & celle de mōseigneur S. Loys: & luy mesmes print & apporta lesdictz corps saintz sur l'autel, & y fait dire la messe par l'Abbē de ladicte Abbaye: & apres la messe fait apporter par ledit Abbē l'Auriflambe, & par ses mains la receut en la presence de plusieurs Seigneurs & Barons, & icelle bailla en garde à vn Cheualier, nommé messire Milles de Noyers: & ce fait, remeit & apporta luy mesmes lesdictz corps saintz en leurs lieux & chasses.

De la

Qui a bon cœur à la bataille tousiours trouue temps cōuenable.

*De la grand' guerre que le Roy feit aux Flamens: & comment il restitua
le Comte en sa Comté de Flandres.*

QUAND son armée fut preste il partit, & s'en alla à Arras, & passa oultre, & tira vers le Mont de Cassel, ou les Flamens estoient assemblez, & la feit mettre ses tentes pres de celles des Flamens, & fut le pais d'entour moult gaste: & quand les Flamens veirent l'ost du Roy approcher, ilz vindrent contre luy à moult grande & puissante armée, & feirent vn grand coq de toille raincte, & par derision meirent vn escripteau dessus, auquel estoit escript: Quand ce coq icy chatera le Roy trouué cy entrera: & appelloient ledict Roy Philippe, le Roy trouué, laquelle mocquerie leur tourna apres à grād meschef. Lors le Roy ordonna ses batailles. La premiere bataille conduysoient les Mareschaulx de France, & le grand Maistre des Arbalestriers: & auoient six bannieres, & estoient avec eux les gens de pied, & tout le charroy & bagage. Quand les Mareschaulx vindrent aux champs, ilz baillerent aux fourriers place pour les Maistres. La seconde bataille menoit le Comte d'Alençon, frere du Roy, en laquelle y auoit vingt & vne bannieres: & print son tour pres du mont de Cassel, & illec se tindrent en bataille iusques à ce que les tentes & pauillōs fussent tenduz. La tierce bataille conduisoit le Maistre de l'hospital d'oultre mer, & seigneur de Beauuieu, & y estoient ceux de Languedoc. La quatriesme conduisoit Gaultier de Chastillon, Conestable de France. En la cinquiesme estoit le Roy en personne & y auoit vingtneuf bannieres: & en sa compaignie estoit le Roy Philippe de Nauarre, le Duc de Lorraine, & le Comte de Bar: & y auoit vne aille de six bannieres, que messire Milles de Noyers conduysoit, & portoit l'Auriflambe. La sixiesme bataille conduisoit le Duc de Bourgongne, & y auoit dixhuiet bannieres. La septiesme conduisoit le Dauphin de Vienne, & y auoit douze bannieres. La huitiesme conduisoit messire Robert d'Artois, Comte de Beaumont, ou il y auoit dixhuiet bannieres: & y auoit vne aille des gens du Roy de Boësmé, qui faisoient l'vnziesme. Tous s'en allerent loger es lieux que les Mareschaulx leur auoient ordonnez: puis vint l'arrieregarde, ou auoit vingt & deux bannieres, & enuironna tout l'ost, & tira vers le Mont de Cassel, & s'alla loger en vne petite Abbaye, qui est là aupres. Le Roy enuoya ledict messire Robert d'Artois tenir la frontiere à saint Omer: & commanda au Comte de Flandres qu'il allast tenir frontiere vers l'Isle. Le lendemain arriua le seigneur de Bourbon, en l'ost du Roy, avec grād nombre de gens. Les Flamens, qui estoient au mont de Cassel, veirent la grand' puissance du Roy, & la belle ordonnance de son armée: mais pourtant ne s'effrayerent ilz point, & meirent leurs tentes hors la ville, & se logerent sur ledict mont de Cassel, à fin que les François les peussent veoir. Là furent les ostz trois iours sans rien faire. A la quatriesme iournée le Roy approcha, & vint loger à vne demie lieuë pres d'eux, sur vne petite riuiere qui s'appelle la Pienne. Adonc vint là messire Robert de Flandres, & amena aucunes bannieres qui estoient à luy. Lors le Roy print cōseil cōment il pourroit tirer les Flamens hors du mont, & les faire descendre en la vallée: & pource cuyder faire enuoya les Mareschaulx, & leur Bāde de gēs fourrager, & mettre les feux: mais pourtāt ne se remuerēt ilz point: & quād les Mareschaulx furent retournez, ainsi qu'ilz se desarmoient, & que les François de l'ost, & mesmemēt le Roy & ses seigneurs estoiet tous en leurs robbes, cōme ceux qui ne doubtoiet rien, les Flamens descēdirent hastiuemēt aual le mont cōtre les François, qui estoiet en la vallée, cuydāt les prēdre en desarroy: & lors les Mareschaulx & leurs gens, qui n'estoiet pas desarmez, allerēt au deuāt, & les feirent arrester. Ce pendāt le Roy & ses gēs s'armerēt hastiuemēt & coururēt sus aux Flamens: & fut la bataille si grande & si aspre qu'il fut tué desdictz Flamens, bien xix. ou xx. mil: & entre autres fut tué Colin Rezequins, * qui estoit le principal mutin, cōducteur & capitaine des Flamens. Les gens du Roy, chassans leurs ennemys, entrerēt en la ville du mont de Cassel, & pillerēt & bruslerent la ville, la veille de la feste S. Barthelemy, au moys de Aoust, l'an mil ccc. xxvij. Apres celle desconfiture aucuns Flamens se vindrent rendre au Comte de Flandres, qui estoit avec le Roy au champ, ou auoit esté la bataille, auquel le Roy se tint quatre iours: lesquelz Flamens le Roy condāna à diuerses peines. Puis restablit le Comte en sa Comté, en luy disant telles parolles: Beau cousin, gardez que deormais, par deffaulte de faire iustice ne nous faille plus par deçà retourner. Puis s'en partit le Roy, & passa la ville de l'Isle, lez Flandres, & s'en retourna en France.

D'un coq que les Flamens feirent faire par derision du Roy Philippe, & des parolles que ilz disoient de luy.

L'ordonnance de l'armée des François pour aller contre les Flamens.

** Froissard le nomme Colin Dannequin.*

L'an mil ccc. xxvij.

* P. Emi. l'attribution à Philippe le Bel.

*Comment au retour de Flandres, le Roy retourna à Paris, & * presenta son cheual & harnoy en l'Eglise nostre Dame.*

Qui met la représentation d'un Roy à cheval en l'Eglise nostre Dame de Paris.



* Plat. & autres disent Ratin, ou de Reate & mieux.

PAND le Roy fut retourné à Paris, il s'en alla remercier Dieu & nostre Dame, en la grād' Eglise d'icelle, & se fait armer, & entra en ladicte Eglise tout le long de la nef, armé, à cheual, iusques deuant le Crucifix : & presenta son cheual & ses armeures à nostre Dame, en luy attribuant l'honneur & la gloire de sa victoire : & en signe de ce est encores sa presentation tout à cheual en la nef de ladicte Eglise de Paris : & donna à icelle Eglise cent liures de rente perpetuelle, qui leur acquist & assigna en Gastinoys. Enuiron celle saison la guerre, qui longuement auoit duré entre les Angloys & les Escossois, fut appaisée par appoinctemēt, & fut fait le mariage de la fille du Roy d'Angleterre avec le filz du Roy d'Escoce : lequel promet ayder audict Roy d'Angleterre, en toutes ses guerres & armées, le Roy de France excepté. En ce temps Pape Iehan, qui auoit oſtroyé au feu Roy Charles le Bel, en son uiuant, deux dixiesmes, les conferma de rechef audict Roy Philippe de Valloys : & apres ce furēt trouuées des cedulles attachées aux portes de plusieurs Eglises de Paris, qui furent attachées par nuit : par lesquelles estoit contenu que l'Empereur, le Duc de Bauiere, & autres leurs complices tenoient le Pape Iehan pour hæretique, & auoient à leur poste fait eslire à Romme vn Antipape, de l'ordre des freres Mineurs, nommé frere Pierre Ramuche, * Cordelier, & fut à sa consecration nommé Nicolas le quint : & pour le consacrer feirent & promeurent plusieurs Cardinaulx, presque tous mendiās. Leditz Empereur & Antipape furent aucun temps à Romme, à grands despens des Rōmains qui s'en ennuyèrent, & ne les voulurent plus porter ne soustenir : & par ce furent contrainctz eux en partir hors de Romme, & alloient vaguans par les villes d'Italie : & auoit esté fait ledict Antipape, en hayne de ce que ledict Pape Iehan se tenoit es marches de France, & obtemperoit trop aux voluntes du Roy de France.

Comment les Flamens s'esleuerent de rechef contre leur Comte : & comment l'Antipape fut excommunié.



ECôte de Flandres, que le Roy auoit restably à sa seigneurie, n'oublia pas ce que le Roy luy deit à son parlement, c'est à sçauoir qu'il feist iustice des malfaiſteurs : car dedans trois moys apres il fait mourir des cōspirateurs & principaux mutins des villes de Flādres, bien dix mil ou enuiron : parquoy vn des principaux Capitaines desdictz Flamens, nommé Guillaume le Chanu, de Bruges, eut paour, & s'en alla au Duc de Brabā luy requerir ayde pour les Flamés contre ledict Côte de Flandres, leur seigneur, & luy faisoit grandes promesses de gens, d'argēt, armeures, cheuaulx, & autres choses : mais ledict Duc fut sage, & deit qu'il ne le feroit pas sans le cōsentemēt du Roy de Frāce. Apres iceluy Duc enuoya, par aucū de ses gēs Guillaume le Chanu deuers le Roy : à l'encontre duquel Chanu furēt faites informations & enquestes : & luy trouué coupable fut tourné au pillory, coupé les deux poings, & puis mis sus vne rouē : & quād on veid qu'il s'enclinoit à mourir, il fut trayné à la queue d'une charette, & puis apres pēdu au gibet de Paris. En ce tēps le Pape Iehan fait publier à Paris aucū proces contre l'Antipape, nommé Pierre Ramuche, qui se faisoit appeller Pape Nicolas le quint & estoit cōtenu qu'iceluy Ramuche auoit esté marié auāt que d'estre Cordelier, & auoit abandonné sa femme : & q'ladicte femme nommée Iehāne Mathie, viuoit encores, & l'auoit fait semōdre & citer : mais en contēnant les cōstitutions & cōmandemens de l'Eglise il ne vouloit point retourner à elle, parquoy l'excommunioit. En ce mesme tēps le Roy enuoya ses messagers en Angleterre, pour sommer le Roy Edouard d'Angleterre, de luy venir faire hōmage de la Duché d'Aquitaine : lesquelz messagers ne peurēt trouuer façon de parler à luy : mais parlerēt à madame Ysabeau de Frāce, sa mere, seulemēt : laquelle leur fait vne respōse ambiguë & impertinēte, comme femmes ont accoustumé de faire : & de ce fait lesdictz messagers s'en retournerēt en Frāce, sans autre chose faire. Quand le Roy les eut ouys, il y enuoya d'autres, signifier audict Roy Anglois, que s'il ne vouloit faire ledict hōmage, il procederoit à l'encōtre de luy, par voye iuridique : & ce pēdant fait saisir ladicte Duché de Guyēne.

La Duché de Guyenne faisoit pour le Roy.

Comment

DV ROY PHILIPPE VI. DICT DE VALLOYS. f.iiij.

*Comment le Roy d'Angleterre vint à Amyens deuers le Roy, & luy feit
hommage de la Duché de Guyenne.*



L'AN mil trois cens vingt & neuf, apres lesdictes sommations, le Roy ^{L'an milccc.} Edouard d'Angleterre se meit sur mer pour venir en France, & vint ^{xxix.} descendre à Boulongne. Quand le Roy sceut sa venue il alla avec grand' compaignie, iusques à Amyens, & enuoya au deuant de luy des plus grands de son lignage. Le Roy d'Angleterre vint à Amyens, ou le Roy le receut grandement, & honnorablement. Puis parlerēt de la matiere pour laquelle ilz s'estoient assemblez, requerāt le Roy que le dict Roy Anglois luy feist hommage pour la Duché d'Aquitaine, & Comté de Ponthieu, qu'il tenoit. Le Roy d'Angleterre allegua que feu messire Charles de Valloys pere du Roy, quand il alla en Guyenne contre le feu Roy d'Angleterre, son pere, il fauoit despouillé d'une grand' portio de ladicte Duché d'Aquitaine, & qu'il n'estoit tenu faire hōmage iusqu'à ce qu'il fust reintegré de ladicte portio. Le Roy deit au contraire que le feu Roy d'Angleterre auoit confisqué celle partie d'Aquitaine & plus. Finablement fut dict que Roy d'Angleterre feroit hommage lige de la portio qu'il en tenoit, & que ce que le Roy en tenoit demourroit à la couronne de Frāce: laquelle portio auoit esté forfaitte par le feu Roy d'Angleterre son pere: toutesfois si le Roy d'Angleterre se sentoit de ce greué, vint à Paris, & là luy seroit fait droit par le iugement des Pers de Frāce, & ainsi le Roy d'Angleterre feit hōmage de ladicte portio, & de la Côté de Ponthieu, en la maniere dessus declarée. Ce fait, furēt faites ioustes & esbattemēs, & grāds ^{Hommage fait par le Roy d'Angleterre au Roy de France de la Duché d'Aquitaine.} honneurs audit Roy d'Angleterre: & apres se departirent lesdictz Roys. Le Roy s'en vint en France, & le Roy d'Angleterre s'en retourna: & enuoya ledict Roy d'Angleterre les lettres dudit hommage, données à Eselin, le trentiesme iour de Mars, mil trois cens & trente: lesquelles lettres d'hommage Ichā Froissard auroit incorporées de mot à mot en sa cronique, sur ladicte année. En ce temps le Roy de Chipre, ayant desir que son royaume fust anobly de la semence de France, enuoya solennelle Ambassade deuers monseigneur Loys, Comte de Clermont, luy requerir sa fille en mariage, pour son aîné filz: laquelle luy fut octroyée, & l'emmenèrent les Patriarches de Hierusalem, vn Euesque, & autres messagers dudit Roy de Chipre, honnestement accompagnée.

En ce mesme temps le Duc Iehan de Bretagne, filz d'Artus, espousa en l'Eglise nostre Dame de Chartres, la sœur du Comte de Sauoye, le Roy de France, present: & parauant auoit eu deux femmes. La premiere auoit esté sœur dudit Roy Philippe de Valloys: & la seconde, nommée Blanche, fille du Roy de Castille: de toutes lesquelles il n'eut aucuns enfans. Il auoit vn frere, nommé Guy, qu'il maria à la dame d'Aualgour, & luy donna la seigneurie de Ponthieure: & desdictz Guy & dame d'Aualgour ysit vne fille, nommée Iehanne, qui fut boyteuse. Ledit Guy trespassa l'an mil trois cens trete, delaisant ladicte fille: laquelle son dict oncle maria à messire Charles de Bloys, filz puisné de Guy, Comte de Bloys, & de la sœur du Roy Philippe de Valloys: & luy feit faire par les Barons hommage, & prindrent le nom & les armes de Bretagne, & par le traite dudit mariage la feit son heritiere audit Duché, par le consentement des Barons dudit Duché, reiettant à son pouuoir Iehan, Comte de Montfort, soubz couleur du mariage d'elle, combien que ledict de Montfort fust son frere de pere, & filz d'Artus & de la Comtesse de Montfort, nommée Yoland, qui auoit autresfois espousé le Roy d'Escoffe, * comme dict a esté dessus.

* Parauant au fuch. 125. pag. 2. dit Roy de Syrie.

*Comment le Roy Philippe de Valloys feit abbatre les murs & portaulx
des villes d'Ipre, Courtray, & autres villes de Flandres.*



Pres ces choses le Roy, congnoissant le grād orgueil qui estoit es cours des Flamens, qui ne vouloient obeir à leur Comte, enuoya en Flandres aucūs commissaires, qui feirent abbatre & desmolir les portes, tours, & fortifications des villes d'Ypre & Courtray, & autres villes & fortereſſes, dont les Flamens eurent grand despit: car iamais n'auoit esté fait en Flādres vn tel exploit. Audit an mil trois cēs vingt & neuf, fut la seigneurie de Bourbon erigée en Duché: & en fut messire Loys, Comte de Clermont, & de la Marche, seigneur de Bourbon, premier Duc.

La seigneurie de Bourbon fut erigée en Duché.

LES CRONIQ. ET ANNALES DE FRANCE

En celle année l'Euesque de Paris, accôpaigné de plusieurs Prelatz, au paruy de deuât la porte nostre Dame de Paris, de l'authorité du Pape Iehan excômunia publiquement frere Pierre Ramuche Antipape, Loys de Bauiere Empereur, & frere Michel General de l'ordre des freres Mineurs. En ce temps le Roy Philippe feit appeller tous les Prelatz du royaume, pour corriger les abuz qu'eux & leurs Officiaulx faisoient, touchant les iustices: & cuyderent aucuns qu'il voulüst oster ausdictz gens d'Eglise leurdictes iustices, mesmement temporelles, mais non fait. En celle mesme année le Roy feit nouvelle monnoye foible, par le conseil de Raymond de Bediers, comme on disoit: lequel de Bediers tantost apres se desespéra, & se pendit. En celle mesme saison pource que Aymon, frere du feu Roy d'Angleterre, ne voulut obeir au Roy Edouard, son nepueu, & disoit que le vieil Edouard, son frere, n'estoit point mort, & qu'il viuoit encores, ledict Edouard, son nepueu, luy feit couper la teste.

Comment le Roy alla en Auignon veoir le Pape, & comment l'Antipape vint requerir pardon.

L'an mil trois
cens trente.

LN l'an mil trois cens trente, la Royne de France, sœur du Duc de Bourgogne eut vn filz, qui fut nommé Loys: & pour ceste cause, côme l'on disoit se partit le Roy pour aller en voyage à saint Loys de Marseille, son oncle de par sa mere: mais ledict enfant quinze iours apres sa natiuité trespassa, & fut enterré en l'Eglise des freres Mineurs à Paris. Le Roy en s'en retournant visita le Pape Iehan, qui estoit en Auignon, qui le receut honnorablement & familiarement: puis s'en retourna le Roy en France: & tantost apres ledict Pierre Ramuche Antipape, qui se nommoit Nicolas, congnoissant son mal, vint & entra en Auignon en habit seculier & dissimulé, pour la crainte du peuple: & le lendemain se monstra en l'Eglise, en la presence dudit Pape Iehan, en habit de Cordelier, criant & disant: Pere i'ay peché & erré, & suis indigne de pardon, toutesfois ie viens au giron de sainte Eglise. Lors le Pape monta en chaire, & feit vn preschement & deit entre autres choses que l'Aigle esgarée ne doibt pas estre aux chiens liurée: & quand le Pape eut finé son sermon, l'Antipape se ietta à ses piedz vne corde au col. Lors le Pape luy osta le lyen du col, & le leua, & le receut à trois baisers: c'est à sçauoir aux piedz, à la main, & à la bouche: dont plusieurs s'esbahyrent: puis feit chanter *Te Deum laudamus, & dominum confitemur.*

En celle année monseigneur Philippe, Comte d'Eureux, fut en la cité de Pampelune couronné Roy de Nauarre, dont le royaume luy appartenoit à cause de sa femme, qui fille estoit du Roy Loys Hutin, comme dict est dessus.

De l'arrest de Parlement, touchant la Comté d'Artoys, donné contre mesire Robert d'Artoys: & des faulces lettres que feit vne Damoyelle: & comment ledict mesire Robert esmeut grand' guerre contre le Roy.

* Dorenavant
vous pourrez
lire avec Fros
sard. pource
qu'il estoit de
ce temps là, ou
peu apres.



EN ce temps mesire Robert d'Artoys, Comte de Beaumont, qui auoit espousé la sœur du Roy, & le gouernoit paisiblement; recommença proces contre madame Mahault, Comtesse d'Artoys, si comme il auoit autresfois fait, & en auoit esté fait & donné contre luy arrest en Parlement: & maintenoit que les lettres de conuenance du mariage d'entre monseigneur Philippe d'Artoys, son pere, & dame Blâche de Bretagne, sa mere, par lesquelles ladicte Comté d'Artoys, luy appartenoit, auoient esté par fraude mussée: si les auoit de nouuel trouuées, & les produisit en iugement contre le Duc de Bourgogne, frere de la Royne, qui tenoit ladicte Comté à cause de sa femme, fille du Roy Philippe le Long, & de la Royne Iehanne, fille de ladicte Comtesse Mahault: mais lesdictes lettres par luy produicte, furent trouuées faulces, & nonobstant icelles par arrest de ladicte court de Parlemēt, ladicte Comté fut adiugée audit Duc de Bourgogne: & fut adueré qu'une damoyelle de Bethune, appelée la damoyelle de Dunō, auoit esté cause de faire lesdictes faulces lettres: & elle mesmes, qui estoit fort subtile & ingenieuse, y auoit placqué le seel d'une autre lettre: pour laquelle cause icelle damoyelle fut bruslée au marché aux pourceaulx à Paris. Tantost apres, durant

* alias Di-
uyon.
Vne damoy-
selle faulsaire
bruslée à Pa-
ris.

DV ROY PHILIPPE VI. DICT DE VALLOYS. f.iiij.

durant lediēt proces ladiēte dame Mahault trespasſa à Paris : & fut ſon corps enterreé au conuent des freres Mineurs, à Paris, & par ſa mort ladiēte Comté eſcheut à ſa fille la Roïne Iehanne de Bourgōgne, veufue de feu Philippe le Long, Roy de France. Quād lediēt meſſire Robert d'Artoys, Comte de Beaumont, veid comme les choſes alloient contre luy, il fut moult courroucé, & deit telles parolles du Roy : Par moy, & par mes pourſuytes & diligēces fut faiēt Philippe Roy de France, mais par moy en fera deſmis. Tantost apres iceluy meſſire Robert feit ſecrettement mener ſes cheuaulx & beſongnes à Bordeaux, & ſe meit ſur mer, & s'en alla vers le Roy d'Angleterre : & depuis ſe retira lediēt meſſire Robert à Guillaume, Comte de Haynault, & deuers ſon couſin le Duc de Braban, ou il ſe tint aucū temps. Quād le Roy ſceut ſon partement, il feit ſaiſir ſes terres, & luy manda qu'il ſe vint purger perſonnellemēt des cas qu'on luy impoſoit, deuant les Pers de Frāce, mais il n'en tint cōpte. Et eſt à ſçauoir que lediēt meſſire Robert s'eſtoit grandement allié, ſe retirant vers le Comte de Haynault. Car il auoit marié ſes filles, ſvne au Roy d'Angleterre, l'autre à Loys de Bauiere, Empereur d'Allemagne, l'autre au Duc de Iuilliers, & la quarte eſtoit fiancée au filz du Duc de Braban : tous leſquelz Princes & autres lediēt meſſire Robert eſmeut cōtre le Roy, au moyen dudiēt Comte de Haynault leur beau pere : mais le Roy feit rompre le mariage du filz du Duc de Braban, & luy donna le Roy ſvne de ſes filles, & par ce allia à luy le Duc de Braban. Puis trouua façon le Roy de France d'attirer à ſon alliance le Roy de Boēſme, qui ſe diſoit auſſi Empereur d'Allemagne, Princes & Seigneurs de diuers païs, l'Eueſque du Liege, & pluſieurs autres : tous leſquelz vindrent deuers luy à Compiegne, & là le Roy donna à ſon aiſné filz Iehan la Duché de Normādie. En l'an mil trois cens trente & vn, ^{L'an mil trois} ſe meut guerre entre meſſire Iehan de Challons, & le Duc de Bourgongne en laquelle ^{cens xxxi.} fut tué meſſire Charles d'Eureux, Comte d'Eſtampes : mais le Roy print la queſtion en ſa main, & ne combattirent point : toutesſois les Bourguignons de la Comté feirent hōmage audiēt Duc, & le retindrent pour leur ſeigneur, à cauſe de ſa femme.

Comment meſſire Robert d'Artoys fut declairé banny, & ſes biens conſiſquez : & du mariage de monſeigneur Iehan, filz du Roy, à la fille du Roy de Boēſme.

LE DICT meſſire Robert d'Artoys, Comte de Beaumont, fut ſi courroucé que oncques puis ne ceſſa de brouiller & cōtrarier au Roy, & à la courōne de France : & apres qu'il eut eſté cité & appellé par pluſieurs iournées, en la preſence d'aucuns meſſagiers qu'il auoit enuoyez (leſquelz toutesſois n'auoient point de pouuoir de luy ſinon de l'excuser) fut par le Roy, tenant ſon ſiege, en la preſence des Pers de France, declairé banny du royaume, & ſes biens conſiſquez. Apres ladiēte ſentence le Roy partit de Paris, & s'en alla à Melun, & là feit faire les nopces de monſeigneur Iehan ſon filz, & de la fille du Roy de Boēſme, & puis s'en retourna à Paris : & le iour de la feſte ſainēt Michel, en la chapelle du Palais, en la preſence des Roys de Boēſme, de Nauarre, des Ducz de Bourgongne & de Braban, & de pluſieurs Prelatz, Barons, Cheualiers & Nobles, feit propoſer qu'il auoit intention d'aller oultre mer en ſayde de la terre ſaincte, & qu'il laiſſeroit Iehan, ſon aiſné filz, Duc de Normandie, pour gouuerner le royaume (lequel eſtoit encores en l'aage de quatorze ans) & feit iurer leſdiēt Princes & Prelatz, illec preſens, qu'ilz luy feroient obeiſſance durāt ſon abſence, & que ſ'il aduenoit qu'il trespasſaſt audiēt voyage, ilz le couronneroient Roy de France. En l'an mil trois cens trente deux, ^{L'an mil trois} frere ^{cens xxxij.} Pierre de Paluet, de l'ordre des freres Preſcheurs, fut faiēt Patriarche de Hieruſalem : & l'enuoya le Roy vers le Souldan en Ambaſſade, à ce qu'il ceſſaſt de faire guerre aux Chreſtiens. A ſon retour il feit relation de la grand' obſtination dudiēt Souldan : par ^{Le Roy de Frā} quoy Pape Iehan ordonna le paſſage d'oultre mer, & commanda audiēt Patriarche ^{ce fut fait Ca} preſcher la croiſée, & feit le Pape le Roy Capitaine general de ladiēte armée & voya- ^{pitaine gene-} ge : parquoy apres ladiēte feſte ſainēt Michel, par lediēt Pattiarche feit le Roy faire vn ^{ral de l'armée} Sermon au pré au clercz, pres Paris, pour prendre la croix pour aller oultre mer, & ^{pour aller oultre} luy meſmes ſe croiſa le premier & grand' quantité de Nobles, & autres, en la preſence des Roys de Boēſme & de Nauarre, les Ducz de Bourgongne, de Braban, & de Lorraine : & ce meſme iour feit le Roy de France le mariage de madame Marie, ſa fille, au filz dudiēt Duc de Braban. Apres commanda ladiēte croiſée eſtre preſchée par tout le

A A iij

LES CRONIQ. ET ANNALES DE FRANCE

royaume, ce qui fut fait, & se croiserent plusieurs personnes, mais non pas tant qu'on cuidoit qu'il s'en deust croiser: car plusieurs eurent imagination que ladicte croisée se faisoit seulement pour auoir occasion de leuer argent sur le royaume, ainsi qu'autrefois on en auoit esté abusé. Tantost apres le Roy enuoya messire Raoul d'Eu, Connestable de France, & l'Euesque de Beauuais, ses Ambassadeurs en Angleterre, pour traicter de paix, dont le Pape l'auoit fait admonnester: & requierent lesdictz Ambassadeurs au Roy d'Angleterre de par le Roy de France, que pour la reuerence de Iesus Christ il voulsist entreprendre ledict voyage d'oultre mer. Ledit Roy d'Angleterre feit response que moult luy sembloit estrange chose que le Roy de France entreprinst ledict voyage d'oultre mer, & toutesfois il ne luy tenoit pas les choses qu'il luy auoit promises: & chargea lesdictz messagiers qu'il lny dissent que quand il luy auroit accomply ses promesses, qu'il luy auoit faites, il seroit plustost pres d'aller audict voyage que luy: & s'en retournerent les messagiers sans rien faire: & par ce fut renouuellée la guerre entre les deux Roys: & pource que le Roy fut aduertty qu'il y auoit plusieurs Angloys au chasteau de Xainctes, il enuoya le Comte d'Alençon, son frere, qui feit raser ledict chasteau. En ce temps, pource que le Pape Iehan auoit presché en Auignon, publiquement que les ames de ceux qui trespassoient en estat de grace ne verroient point Dieu iusques apres le iour du iugement, & auoit enuoyé ledict Pape deux freres, l'un Prescheur, & l'autre Mineur pour publier sa dicte opinion, dont sourdit grand murmure entre les clerics de l'vniuersité de Paris. La chose venue à la cōnoissance du Roy, il feit assembler grand nombre de Docteurs Theologiens, & autres de ladicte Vniuersité, & par leur opinion fut trouué que le contraire de ce que disoit ledict Pape estoit vray, & les opinions desdictz Theologiens feit le Roy rediger par escript, & mettre en trois lettres, contenant chascune vne forme, sellées de trente des seaulx desdictz Docteurs, & les enuoya au Pape, & luy manda qu'il corrigeast ceux qui erroient au contraire: & aucun temps apres ledict Pape trespassa en Auignon, & luy estant malade au liét de la mort il appella & reuqua ledict erreur qu'il auoit voulu tenir. Apres luy fut esleu le Cardinal de sainte Praxedes, * qui auoit esté moyne de Cisteaux, qui fut appelé *Benedic xij.* de ce nom: lequel Benedic eut grand' guerre contre ceux de Milan, & cōtre les Guibelins, qui desconfirēt ses gens, dont il fut moult appauury: & par ce enuoya en France requerir aux gens d'Eglise du royaume qu'ilz luy feissent aucun ayde pour sa guerre: mais le Roy luy contrededit & empescha, par ce que iamais * n'auoit esté fait en France: & voyant le Pape qu'il ne pouuoit auoir ayde desdictz gens d'Eglise de France sans la faueur du Roy, il luy escriuit vnes lettres de belles parolles, & octroya au Roy la decime de deux années, sur lesdictz gens d'Eglise de son royaume: parquoy le Roy se consentit que lesdictz gens d'Eglise de son royaume feissent ayde au Pape: par ce voyla comment il en alla: Donne m'en ie t'en donneray. Iceluy Pape Benedic fut dur à donner benefices à nulles gens, s'ilz n'estoient dignes de les auoir, & n'en vouloit donner aucuns à ses parens, & disoit que les Papes n'ont aucuns parens, & priua plusieurs des benefices qu'ilz tenoient, par ce que les vns n'estoient capables, & les autres en tenoient trop: & à fin que dorenavant on ne donnast aucun benefice aux indignes, il feit vne Decretale, qui se commence par son nom: *Benedictus Deus in donis suis.* Oultre ce feit le Roy de grandes exactions sur ses subiectz. Lors vindrent en l'ayde du Roy de France quarante gallées Geneuoises, qu'il auoit enuoyée querir par messire Hue Queuret, * son Admiral, & en estoit conducteur vn nommé Barbenoire, * & prindrent moult de Nauires du Roy d'Angleterre, & coururent & prindrent les isles de Gaze, & autres portz d'Angleterre, & luy feirent moult de dommage. En celle saison les gens du Roy prindrent aussi sur les Anglois le chasteau de Monttendre, & autres forteresses en Xaintonge. En ce temps fut adiugé au Roy par forfaiture vne belle maison appelée le Moncel, pres le pont sainte Maxence, en laquelle il fonda vne moult belle Abbaye, ou il meit nonnains pour Dieu prier. En ce temps aussi la sœur dudit Roy Philippe, femme de messire Robert d'Artoys, qui estoit banny, fut soupçonnée d'auoir fait aucuns vœufz & charmes: parquoy elle fut prinse, & mise prisonniere à Chinon, & ses enfans aussi enuoyez prisonniers à Nemours.

De l'erreur & damnée opinio du Pape Iehan, touchant les ames de ceux qui trespassent en estat de grace.

** Plat. dict Prisque.*

** Il dit semblable chose de Iehan Pape precedent, & de Charles Roy precedent aussi.*

** alias Guyeret, & Quieuret.*

** al. Barbeuaire.*

Comment le Roy alla visiter le Pape: & d'un Preuost de Paris qui fut pendu.

L'an

DV ROY PHILIPPE VI. DICT DE VALLOYS. f.v.

L'AN mil trois cens trente cinq,* le Roy se meit en chemin pour aller vers le Pape Benedic, en Auignon: mais au chemin luy print vne maladie, par quoy il n'y peut aller, & luy enuoya ses Ambassades pour obtenir certaines requestes sur le fait du voyage d'oultre mer, lesquelles le Pape octroya liberalement. Apres ce que le Roy fut guery, luy & monseigneur Iehan Duc de Normandie, son filz, allerent visiter les villes & citez des loingtains parties de son royaume: & en s'en retournant passa en Auignon, ou ledict Pape Benedic estoit, qui le receut honnorablement, & parlerent de plusieurs matieres, & entre autres des choses necessaires & vtils pour ledict voyage d'oultre mer. Puis print le Roy avec le Pape grand' familiarité & accointance: & apres se meit au retour, & passa par Marseille & Prouence, pour veoir & visiter ses nauires qu'il auoit fait arrestier, pour faire ledict voyage d'oultre mer, & enuoya dedans aucunes galleres messire Iehan de Sepay, * *autres six.* alias Admiral, oultre mer, pour veoir & espier la contenance des Turcz. Puis passa par Lyon Sepoy. & vint par Bourgongne, ou il trouua que le Duc & Comte de Bourgongne, & messire Iehan de Chaalons, auoient grand' guerre ensemble, pour le fait du reuenue des pais de Sallins, & ne les peut pour ceste fois appoincter, mais prindrent seulement vne trefue: & l'année ensuyuant le Roy les fait venir vers luy, & les appoincta du tout. Enuiron celle saison tresgrandes & solennelles alliances furent confermées entre les Roys & les royaumes de France & d'Espaigne. Enuiron la Magdaleine, mil trois cens trente six, messire Hugues de Coucy, Cheualier de Bourgongne, Preuost de Paris, qui auoit esté President en Parlement, fut accusé & attainct de plusieurs crimes, abuz, & iniustices qu'il auoit commises en son office: & fut condamné à estre pendu & estranglé au gibet de Paris: laquelle sentence fut executée. Audict an Iehan Duc de Bretagne voyant qu'il ne pouuoit auoir hoir de son corps, voulât euer les discordz qui pouuoient venir entre les siens, à cause de sa succession, par ce que les vns disoient desia luy viuant, que madame Iehanne, iadis fille de feu Guy, de Bretagne, Vicomte de Lymoges, frere dudit Duc, deuoit estre son heritiere, & que les autres disoient que monseigneur Iehan de Bretagne, Comte de Môtfort, son frere puisné, le deuoit estre, octroya au Roy de France qu'il eust sa Duché apres sa mort, en telle maniere que s'il aduenoit qu'il eust hoir de sa femme, qu'il eust la Duché d'Orleans: mais aucuns Bretons s'empeschèrent, & ne sortit point la matiere d'effect. Les gens du Roy d'Angleterre prindrēt par trahyson le chastel de Paracourt, en Xaintonge, & le leur liura vn gentilhomme de Languedoc: lequel pour ceste cause eut la teste coupée, à Paris.

Comment au pourchaz de messire Robert d'Artoys, le Roy d'Angleterre descendit en France.

MESSIRE Robert d'Artoys, qui comme dict est dessus, auoit esté banny du royaume de France, estoit lors en Angleterre, & par tous les moyens qu'il pouuoit, animoit le Roy d'Angleterre, & tous les Princes avec lesquels il auoit alliance & affinité, à eux esmouuoir contre ledict Roy Philippe de Valloys: & tant fait & pourchassa que ledict Roy d'Angleterre fait vne grand' armée par mer & par terre, & descendit en Xaintonge, ou il fait plusieurs maux. Pour laquelle cause le Comte d'Eu, Connestable de France, les Côtes de Foix, & d'Armignac, prindrēt plusieurs villes en Gascongne, que tenoit le Roy d'Angleterre. Semblablement Nicolas Buschet, Thresorier de France, assembla plusieurs nauires, & fait vne course en Angleterre, & brula vn port, & plusieurs bourgs à l'environ: & en s'en retournant ses gens pillerent & brulerent les Isles de Iarre: parquoy le Roy d'Angleterre, pour resister aux François, euoya en Gascongne messire Verard d'Allebret: & aussi enuoya pour auoir l'alliance du Comte de Flandres, & des Flamens. Si s'assemblerent pour ceste cause le Comte & les Flamens, en la ville de Bruges: & pour ce que le Comte, qui à celle heure estoit bon François, sceut qu'un Cheualier Gantois, qui là estoit, auoit machiné contre le Roy, il le fait prendre & amener deuers le Roy, dont ceux de Gand furent courroucez: si enuoyerēt à ceux de Bruges, à ce qu'ilz leurs voulussent ayder contre leur dict Comte: & pource que le Comte sceut qu'aucuns de Bruges se vouloient accorder & adherer ausdictz Gantois, il alla en personne à Bruges, pour les punir: mais quand ceux de la ville sceurent sa venue, ilz s'armerent, & allerent au

Le Roy d'Angleterre suscita les Flamens à luy ayder à faire la guerre contre le Roy de France.

LES CRONIQ. ET ANNALES DE FRANCE.

marché : & lors le Comte & messire Robert de Fiennes , vindrent contr'eux à bannieres desployées, audict marché, & s'entrebataient tresbien, & y eut moult de gens tuez : mais à la fin il conuint audict Comte qu'il se reculast : & tantost apres s'en vint ledict Comte deuers le Roy.

Comment les Flamens s'allierent aux Anglois, par le moyen d'Arteuelle, Capitaine des Flamens.

*Arteuelle
Capitaine des
Flamens.*

A PRES ce le Roy d'Angleterre, par le moyen d'aucunes intelligences qu'il auoit enuoya en Flandres grand nombre d'Anglois, en la faueur des Flamens, contre ledict Comte: lesquelz Anglois feirent beaucoup de maulx, & puis s'en retournerent. Apres ce que le Roy sceut que les Flamens s'estoient ainsi esmeuz, il enuoya deuers eux pour les appoincter avec ledict Comte, & les attraire & allier de sa part, mais ilz n'y voulurent entendre : & semblablement y enuoya le Roy d'Angleterre: lequel par grandes promesses & persuasions attrahit à soy vn nommé Iaques d'Arteuelle, qui estoit de Gand, qui autresfois auoit esté avec feu messire Charles de Vallois, en Lombardie, & en isle de Rhodes, & apres auoit esté varlet fructier du feu Roy Loys Hutin, & depuis s'estoit retraict à Gand, dont estoit natif, & auoit espousé la femme d'un brasseur de ceruoyse, & depuis nagueres les Flamens l'auoient faict leur Capitaine : & par le moyen d'iceluy Arteuelle, qui donnoit à entendre que sans la communication de marchandise, & bien vueillance des Anglois, ceux de Flandres ne pouuoient bonnement viure, n'eux entretenir, apres plusieurs preschemés & persuasions lesdictz Flamens s'allierent audict Roy d'Angleterre.

Comment les Flamens retindrent leur Comte : & comment il s'en partit de Flandres. secrettement & d'emblée: & comment le pais de Flandres fut interdict.

*Bonne cautele
le dont ysaie
Comte de Flā-
dres.*

QUAND le Comte de Flandres, qui estoit avec le Roy de France, sceut ces nouuelles, il alla en Flandres, pour veoir s'il les pourroit desmouuoir de leur mauuais propos : mais quand il fut pardela, ilz le retindrent comme prisonnier: parquoy il faignit d'estre de leur partie, & luy baillerent vn habillement de leur couleur, qu'il porta. Vn iour le Comte, à qui il greuoit moult d'estre en la subiection desdictz Flamens, les subiectz, pour trouuer façon d'eschapper de leur mains, s'aduisa de prier des dames & damoyelles de Gand à dîner avec luy & fait faire grandes preparations : mais quand il eut ouy la messe, il deit qu'il vouloit aller volder vn heron auant que dîner. Il monta à cheual, & s'en vint hastiement deuers le Roy, sans retourner, & ainsi faillit la feste. Quand ledict Comte fut venu deuers le Roy, au moyen des censures esquelles iceux Flamens s'estoient obligez & soubz-mis, le Roy fait mettre l'interdict en Flandres, & excommunier lesdictz Flamens : lesquelz à ceste cause furent vn peu refroidiz de leur malle volunté.

Comment le Roy d'Angleterre alla en Allemagne, & fit alliance avec l'Empereur & plusieurs Princes, contre le Roy de France, à la poursuyte de messire Robert d'Artoys: & comment le Roy d'Angleterre print les armes de France escartelées avec celles d'Angleterre.

*L'an mil trois
cens xxxiiij.*

** le viel e-
scamp. ne met
rien du nobre.*

L'AN mil trois cens trente huiet, le Roy d'Angleterre passa la mer, & amena avec luy sa femme, qui estoit fille de messire Guillaume, Côte de Haynault, & niepce de Iehan de Haynault susdict, & allerent en Braban, & en Allemagne, ou il feirent plusieurs alliances : & entre autres feirent alliance avec Loys de Bauiere, qui se disoit Empereur (combien qu'il fust excommunié de par le Pape) & autres Seigneurs d'Allemagne : & les prenoit ledict Roy d'Angleterre comme souldoyers, à certaine somme de deniers, au cas que si faulte de payement y auoit, lesdictes alliances estoient nulles : & vint ledict Empereur & ses Allemans iusques à Anuers, à tout bien trente deux mil * hommes de cheual, & deux cens mil de pied : & fait ledict de Bauiere ledict Roy Anglois Vicaire de l'Empire : & par

DV ROY PHILIPPE VI. DICT DE VALLOYS. f.vj.

par le conseil des dessusdictz ledict Roy d'Angleterre changea ses armes, & les porta escartelés des armes de France & d'Angleterre, & se nomma & intitula Roy de Frâce & d'Angleterre: ce qu'il n'auoit iamais fait. *Quand le Roy d'Angleterre print premierement le tiltre de Roy de France.* Quand le Roy sceut ces choses, il assemble grand ost par mer & par terre, & estoit son armée bien à xxxiiij. mil homes de cheual, & cc. mil hommes de pied, & alla à Amyens attendant le retour d'Allemagne dudit Roy d'Angleterre, pour le combattre, & le prendre au passage: & feit le Roy sçauoir à Iehan, Duc de Braban, & Guillaume de Haynault, qu'il n'estoit pas content de l'ayde & faueur qu'ilz donnoient contre luy au Roy d'Angleterre, comme on luy auoit rapporté: si s'en vindrent excuser vers luy. Pour faire ladicte armée, feit le Roy de grandes exactions sur son peuple, mesmement sur les gens d'Eglise (car il auoit requis le Pape Benedic, qu'il luy octroyast le decime de deux années) & en la compaignie du Roy estoient les Roys de Nauarre, & de Boësmie, & son filz Iehan, Duc de Normandie, le Duc d'Alençon, son frere, & plusieurs autres Princes, & y furēt long temps: & quand le Roy veid sa longue demeure, & qu'il sceut qu'il ne venoit point, il s'en retourna en Frâce. *L'an mil trois cens xxxviij.* Audict an mil trois cens trente huiet, monseigneur Iehan, Duc de Normandie, eut vn filz, qui fut nommé Charles, lequel apres luy fut Roy, cinquiesme de ce nom. Enuiron ce temps, en ensuyuant le priuilege de Loys Hutin, Roy de Frâce & de Nauarre, fut conclud par les gens des Estatz de France, present ledict Roy Philippe de Valloys, qui s'y accorda, que l'on ne pourroit imposer ne leuer taille en France sur le peuple, si vrgente necessité, ou euidente vtilité ne le requeroit, & de l'octroy des gens des estatz. *De ne leuer taille en France, sans appeller les Estatz.* En ce temps le Roy erigea en Comté la seigneurie de Harecourt. En celle mesme année mil trois cens xxxviiij. trespassa Guillaume, Comte de Haynault, qui auoit espousé Iehan de Valloys, sœur dudit Philippe de Valloys: & luy succeda son filz, nommé Guillaume, audict Comté de Haynault, de Hollande, & de Zelande, lequel espousa Iehan, fille du Duc de Braban: & ladicte Iehanne de Valloys sa mere, sœur du Roy, s'en vint demourer à Fōtenelles, sur Escu, & vſa ses iours en l'Abbaye: & à lors le Comte de Bloys auoit espousé Iehan, fille de messire Iehan de Haynault, seigneur de Beaumont, oncle dudit ieune Guillaume, Comte de Haynault. *L'an mil trois cens xxxix.* En l'an de grace mil trois cens trente neuf, furent par les Geneuois, qui estoient venuz à l'ayde des François, à grand quantité de nauires, & par les autres nauires de France, prins les chasteaux de Blaye, & Bourg, sur Gironde: parquoy enuiron la saint Michel audict an, le Roy d'Angleterre, qui estoit encores en Braban, esperant auoir l'ayde du Duc de Bauiere, Empereur, assemble grand ost d'Anglois, Brabançons, Allemans, & autres souldoyers, pour destruyre France, & vindrent à Valenciennes, & en Cambresis, du costé de Therasse. * Pour obuier à leur entrée, le Roy de France semblablement assemble grand nombre de gens de guerre, & alla à Noyon, & à saint Quentin en Vermandois: & là attendit vne piece, qu'elle contenance tiendroient ses aduersaires, & ne voulut point le Roy qu'on entraſt ne couruſt es terres de l'Empire, qui sont fort prochaines de ladicte ville de saint Quentin, & attendoit pour veoir si par aucuns moyens il pourroit pacifier sans faire guerre, à fin d'euiter effusion de sang humain, & autres inconueniens qui se peuuent ensuyuir, à cause de la guerre: mais il fut aduertie qu'il couroit vn bruyt par le royaume, qu'il ne faisoit cela que pour faindre, & qu'on l'imputoit & arguoit de lascheté: parquoy incontinent qu'il le sceut il s'arma, & feit armer ses gens, & se meit en voye droit vers l'ost des Anglois, & cheuaucha cinq grand lieuës en bataille, iusques à vn lieu appelé Bunorisfosse, * en intention de combattre ses ennemis: mais aucuns des Seigneurs de Frâce qui estoient avec luy (lesquelz, comme on disoit, auoient aucune secrette intelligence au Roy d'Angleterre) luy desconseillerent, & dirent que pour ce iour il ne deuoit batailler, car il estoit Vendredy, & estoit basse heure, & que ses gens auoient ia cheuauché cinq grosses lieuës en bataille, & n'auoient point repeu, eux ne leurs cheualx. Aussi disoient ilz qu'il y auoit vn mauuais pas entre les deux ostz, & luy conseillerent qu'il attendist iusques au lendemain: & tant fut le Roy persuadé qu'il les creut (qui luy vint à grand dommage & deshonneur) & ordonna que chascun fust prest à batailler le lendemain: mais le Roy d'Angleterre, qui fut aduertie de ces choses, & de la grand' puissance qu'auoit le Roy, s'en partit subtilement à l'heure de minuyt, & s'en retira en Braban, & de là à Anuers: & ainsi fut le Roy fraudé, dont il fut moult courroucé le matin quand il le sceut: parquoy il s'en retourna en France. ** al. Bunō fosse, & Buron-fosse, & viroufosse.* *Remonstrance de non combattre fait au Roy de France par aucuns trahystres.*

LES CRONIQ. ET ANNALES DE FRANCE

Comment les Flamens feirent hommage & s'allierent au Roy d'Angleterre, parquoy le Roy leur feit guerre: & de la grande desconfiture qui fut sur le nauire du Roy de France.

** Je ne doute pas que ne trouuiez les guerres suruies un peu autrement dedes Froissard, & autres: mais nous ne voulons pas changer nostre auteur, ains seulement recevoir on luy a fait tort, & l'accorder à soy-mesme à nostre pouuoir.*



Le Quesnoy le Comte, & tout le pais d'environ, fut exilé.

** al. vouloient.*

L'an mil trois cens quarante.

ANTOST apres les Flamens, par l'enhortemēt de Iaques d'Arteuelle, se rebellerent contre le Roy, & s'allierent & feirēt hommage au Roy d'Angleterre, qui estoit venu à Gand, comme Roy de France, & tel le nommoient & appelloient lesdictz Flamens: & comme faulx & desloyaux laisserent leur Roy souuerain & naturel seigneur. Apres ce le Roy d'Angleterre s'en passa par Bruges, & par le Dan, & alla en Agleterre pour assembler gens & argent pour faire guerre au Roy de France, & laissa la Roïne sa femme, qui lors accoucha en l'Abbaye de sainct Bauon de Gand. Vn nombre de nauires du Roy d'Angleterre, en la saison d'hyuer, vindrēt soubdainemēt, & descendirent à Boulōgne, & là ardirēt la pluspart des maisons, qui estoient sur le port: mais ilz furent reboutez hastiement, & perdirent bien deux cens hommes de leurs gens: puis allerent à Dieppe. Au moys d'Auril, audiēt an, six mil Flamens & quarante Cheualiers Angloys, avec le Comte de Salbery, & vne autre Comte, vindrent courre deuant l'isle, lez Flandres: car lors ledict Roy Philippe possedoit ladiēt ville de l'isle, Douay, & Bethune. Les gens du Roy, qui estoient en garnison à petite compaignie, faillirent au deuant, & les combatièrent, & feirent tellement qu'il n'en demoura que douze, dont ledict Comte de Salbery estoit l'un, lequel fut prisonnier, & enuoyé au Roy, à Paris. Aucun temps apres les Flamens & Brabançons offrirent paix au Roy, soubz aucunes conditions qu'il ne voulut accepter, par ce qu'ilz faisoient trop grandes demandes, & esmeut le Roy grand oist pour aller contre lesdictz Flamens: & pendant que ses gens s'assembloient il enuoya son filz, monseigneur Jehan Duc de Normandie, pour gaster la terre du Comte de Henault. Apres s'en alla le Roy à Arras: puis tira vers Cambray (car il tenoit & possedoit lors ladiēt ville) & sondict filz tenoit siege deuant vne place, nommée Bouchan, laquelle & plusieurs autres ilz prindrent au pais de Haynault. Le Duc de Braban, le Comte de Gueldres, avec moult de Flamens, vindrent pour leuer le siege de deuant Bouchan, & y en eut moult de tuez: & fut là fait le Duc de Bourgōgne Cheualier: & apres lesdictz Ducz de Normandie & de Bourgongne allerent au Quesnoy le Comte, en Haynault, & exilerent tout le pais d'environ, ou ilz bruslerent bien deux cens que villes que villages: & feirent vne course deuant Valenciennes, ou estoit le Comte de Haynault (cōme on disoit) appareillé de combatre: mais nul n'yfist hors de la ville: parquoy il s'en retournerent en l'ost du Roy, qui estoit à Arras, lequel s'en retourna en France pour faire apprestier son nauire, pour aller au deuant d'iceluy Roy d'Angleterre, à fin de luy empeschier à prendre port & terre en France: & furent faitz Capitaines des nefz du Roy, Hue, Gouverneur & Admiral de Frāce, messire Nicole Buschet, Cheualier, Thresorier de France, & vn nommé Barbenoire, Geneuois, qui assemblerent pour le Roy bien quatre cens nefz, qu'ilz auitaillerent, & entrèrent dedans, eux & leurs gens. Si aduint que l'un desdictz Admiraulx ne voulut recevoir aucuns gentilz-hommes en ses nefz: & disoit on qu'il le faisoit pource qu'il vouloit * auoir trop grandes soultes, & prit pauvres prisonniers & mariniers, pource qu'il en auoit grand marché. Puis se meirent en mer & passerent deuant Calais, & s'arrestèrent deuant l'Ecluse, tellement que nul n'y pouuoit entrer n'yfist. Si aduint que le Roy d'Angleterre fut aduertie que le nauire du Roy estoit tirée vers Flādrès: parquoy se mit sur mer, & avecques luy se mit messire Robert d'Artoys, Comte de Beaumont, avec grande quantité de nefz & grand nombre de gentilz-hommes & Archiers: & la veille de la feste sainct Jehan Baptiste, l'an mil trois cens quarante, vindrent droit ou estoient les nauires du Roy deuant l'Ecluse, & se meirent en ordonnance. Quand Barbenoire, l'un des Capitaines des nauires de France, qui auoit la charge, conduite, & gouvernement de quatre gallées les veid venir, il luy sembla bien à veoir que là ou ilz estoient, les Angloys auoient grand aduantage sur eux, & le dict à ses compaignons, & leur conseilla qu'ilz prinsissent le large en la mer, & le vent & le soleil à l'aduantaige, mais ilz ne le voulurent croire: parquoy luy, qui estoit expert & congnoissant en guerre de mer, se mit au large en la mer, & au dessus du vent avecques les nauires dont il auoit la charge & conduite. Les Angloys aborderent & frapperent sur les autres nauires: & d'abordée les Angloys eurent le pire, iusques

DV ROY PHILIPPE VI. DICT DE VALLOYS.f.vij.

re,iusques à ce què le Roy d'Angleterre,& la grand'flotte de ses nauires arriuassent . Si commença la bataille forte & cruelle,qui dura depuis prime iusques à nône,si merueilleuse qu'il en mourut tant d'un costé que d'autre,bien trente mil : mais finalement les nauires du Roy de France furent desconfitz & prins : & fut ledict mesire Nicole Buchet, l'un des Capitaines de France, prins tout vif : & apres le Roy d'Angleterre le feit pendre au maz d'un nauire , par ce que l'année precedente il auoit faict vne course en Angleterre,& faict plusieurs maux aux Angloys:& aduint ceste desconfiture par ce que les deux Admiraulx ne voulurēt croire les conseil de Barbenoire:lequel Barbenoire se sauua,& les nefz dont il auoit charge,& en recueillit plusieurs autres petites de la charge des autres Capitaines, qui se retirerent à luy:& combié que le champ demourast audit Roy d'Angleterre , toutesfois perdit-il tous les nobles homes de son païs, qui avec luy estoient,& grand nombre d'autres : & eust perdu la bataille(comme on dit) si n'eust esté l'ayde des Flamens,qui luy vihdrent à secours . Le Roy d'Angleterre en ladicte bataille auoit esté blessé en la cuyssé, & se tint aucuns iours en son nauire, & là le vint veoir sa femme qu'il auoit laissé en gesine l'année precedēte en Flādres : & en sa compaignie alla Jaques d'Arteuelle Capitaine des Flamés . Quand ledict Roy d'Angleterre fut venu par eau iusqu'à l'Ecluse , il descendit à terre , & s'en alla en Flandres, ou il fut par tout bien receu:& apres delibera luy & les Flamés de faire la guerre,& d'affaillir le royaume de Frāce,par deux costez:c'est à sçauoir du costé de Tournay,& d'autre part vers saint Omer . Le Roy de France fut aduertý de ces choses , & assembla hastiement ses gens en moult grand nombre , & enuoya le Comte d'Eu,Connestable de France, le Comte de Foix,le Marechal Bertrand,& quatre mil hommes d'armes à Tournay : & puis enuoya le Duc de Bourgogne & le Comte d'Armignac à tout quarante & deux bannieres, à saint Omer:& le Roy de France estoit entre eux & Arras avec sa bataille.

Comment l'armée des Flamens, que conduýsoit mesire Robert d'Artoys, fut desconfite deuant saint Omer.

LEDICT mesire Robert d'Artois(par l'enhortement duquel s'estoit meué ceste grand' guerre,& qui menoit vne des batailles du Roy d'Angleterre) estant au mont de Cassel voulut venir vers saint Omer : mais la plupart des Flamens qui estoient avec luy,mesmement ceux de Furnes & de Bruges,disoient qu'ilz ne passeroiēt point le Neuffossé,& ne sortiroient des limites de leur païs : & qu'autrefois on les en auoit tiré hors,mais qu'ócques ne leur en estoit bié prins:parquoy iceluy mesire Robert parla à eux,& les incita à aller auāt,dísant qu'ilz se tinsent tout assurez , & que si tost qu'ilz arriueroient deuant la ville de saint Omer,on leur ouuriroit les portes,& leur liureroit on le Duc de Bourgōgne, le Comte d'Armignac, & autres, qui estoient dedans, & que de ce auoit receu deux paires de lettres:& fait tant qu'ilz passerent oultre.Le Roy,qui souuent estoit aduertý de ce que faisoient ses ennemys , se mit en voye , pour aller vers saint Omer. Quand mesire Robert d'Artoys le sçeut , soubz vmbre de ce qu'il donna à entendre à ses gens , que pour certain ladicte ville de saint Omer luy seroit liurée,ilz s'armerent,& s'en allerent mettre en bataille deuant ladicte ville de saint Omer : mais le Duc de Bourgogne,le Cōte d'Armignac,& leurs gens faillirent sur eux, & fort se combatiřēt,& fut tué bien trois mil Flamens,& plusieurs prins prisonniers,& les autres mis en fuyte,& abandonnerent leurs tentes & pauillons. Ledit mesire Robert mesmes y perdit son escu,son heaume, & sa banniere:mais il eschapa par fuyte:& fut ceste bataille faicte le vingtiesme iour de Iuillet, l'an mil ccc. xl. Apres ce furent faictes plusieurs courses & entreprinſes , ou il y eut plusieurs gens tuez d'une part & d'autre.

Comment le Roy d'Angleterre meit le siege deuant Tournay:& des lettres qu'il escriuit au Roy de France.

QVAND le Roy d'Angleterre sçeut la desconfiture de la compaignie de mesire Robert d'Artoys,le lendemain il feit passer tous ses gens la riuere de l'Escau, & feit assieger la ville de Tournay , & y fut vnze sepmaines, trois iours moins . Le Roy de France , qui auoit la plus grand' assemblée de gens qu'on auoit iamais veü en

LES CRONIQ. ET ANNALES DE FRANCE

*Lettres en-
uoyées par le
Roy d'Angle-
terre, au Roy
de France es-
sant à Ipre.*

Frâce, s'alla loger pres d'Ipre, & là luy apporta l'on vnes lettres de par le Roy d'Angle-
terre, desquelles la teneur s'ensuit. De par le Roy de France & d'Angleterre, Seigneur
d'Irlande. Sire Philippe de Valloys, par long temps vous auons pourfuyuy par messa-
giers, & en plusieurs autres manieres, à fin que vous nous feissiez raison, & que vous
nous rendissiez nostre droict heritage du royaume de France, lequel vous nous auez
long temps occupé à force. Et pource que nous voyons bien que c'est à grand tort, &
que vous entédez perseuerer à nostre iniurieuse detenuë, & sans nous faire raison droi-
cturiere, nous sommes entrez en la terre de Flandres, comme souuerain seigneur d'icel-
le terre, & passez parmy le pais: & nous signifions que prins auons l'ayde de nostre sei-
gneur Iesus Christ, & du droict, avec le pouoir dudit pais: & avec noz gens & alliez, re-
gardas le droict qu'auos en l'heritage, que vous nous detenez à grād tort, nous nous re-
tirerōs deuers vous, pour mettre fin à nostre droicturiere demāde & calège: si nous vou-
lons approcher. Et pource que si grād' multitude de gens d'armes, qui viennent de vostre
party, ne se pourroient mye tenir si longuemēt ensemble, sans faire grande destruction
au peuple, & à tout le pais (laquelle chose: chascun bon Chrestien doit euit, & spe-
cialement Prince à autre Prince, qui se tient pour gouuerneur & principal Capitaine
de gens d'armes) nous desirerions moult qu'à brief iours se print la fin, pour euit mor-
talité, & occision de gens (aussi que la querelle & apparoisante à vous & à nous, à la
destruction de nostre calenge) & se cessast entre nous deux: laquelle chose nous vous
offrons pour les choses dessusdictes: combien que nous pensons bien la grande noblesse
de vostre corps, sens, & vostre aduifement. Et au cas que ne voudriez ceste chose, qu'a-
donc fut mis en nostre calenge, pour affermer bataille de vous mesmes, avec cent per-
sonnes de vostre part, des plus suffisans, & nous mesmes à autre, tout pareillement: & si
vous ne voulez vne voye ou l'autre, que vous nous assigniez certain iour deuant la ville
de Tournay, pour cōbatre puissance contre puissance, dedans dix iours apres la date de
ces presentes lettres. Et les choses dessusdictes voulons estre congneues parmy tout le
monde, & qu'en ce est nostre desir, non pas par orgueil, ne par outrecuidance, mais à
celle fin que nostre Seigneur mette repos de plus en plus, entre les Chrestiens: & la voye
que sur ce voudrez eslire des offres dessusdictes, rescriuez nous par le porteur de ces
lettres, en luy faisant hastiue deliurance. Donnē soubz nostre grand seel, à Lescelin sur
l'Escau, pres Tournay, en l'an de grace mil ccc. quarante, le vingtiesme iour de Iuillet.

De la responce que feit le Roy Philippe de Valloys aux lettres du Roy d'Angleterre.



VAND le Roy de France, & son conseil eurent veu ces lettres, tantost en-
uoyerēt respōse au Roy d'Angleterre, en ceste forme. Philippē, par la gra-
ce de Dieu Roy de Frâce, à Edouard Roy d'Angleterre. Nous auons veu
vnes lettres enuoyées à Philippe de Valloys, apportées en nostre court,
esquelles lettres estoiet aucunes requestes. Et pour ce que lesdictes lettres
ne venoient pas à nous, lesdictes requestes aussi n'estoient pas faictes à nous, comme
il appert par la teneur desdictes lettres: & pourtant ne vous en faisons aucunes respon-
se: toutesfois pource que nous auons entendu, tant par lesdictes lettres, qu'autrement,
que vous estes embatu & entré en nostre royaume de France, en portant grand dom-
mage à nous & à nostredict royaume, & au peuple meu de volonté, sans point de rai-
son, & non regardant ce qu'homme lige doit regarder à son droict Seigneur (car vous
estes entré en nostre hommage, en nous congnoissant (si cōme raison est) Roy de Fran-
ce, & promis obeissance, telle qu'on la doit promettre à son Seigneur lige, si comme il
appert par voz lettres patentes seellées de vostre grand seel: lesquelles nous auons par
deuers nous) nostre entente est telle quand bon nous semblera de vous chasser hors de
nostre royaume, à l'honneur de nous, & de nostre maïeste royale, & au profit de no-
stre peuple: & de ce faire nous auons ferme esperance en Iesus Christ, dont tous biens
nous viennent. Car par vostre entreprinse, qui est de volonté, non pas raisonnable, a
esté empesché le saint voyage d'oultre mer, & grand' quantité de Chrestiens mis à
mort, & le seruice de Dieu appetissé, & sainte Eglise aornée de moins de reuerence. Et
de ce que vous cuydez auoir les Flamens à vostre ayde, nous cuydons estre certains
que les bonnes villes & communes se porteront en telle maniere par deuers, & enuers
nous, & nostre cousin, le Comte de Flandres, qu'ilz garderont leur honneur, & loyau-
té: &

*Le Roy d'An-
gleterre fut
cause d'em-
pescher le
voyage d'oult-
re mer, dont
plusieurs
maulx sont
aduenuz.*

DV ROY PHILIPPE VI. DICT DE VALLOYS.f.viij.

ré: & de ce qu'ilz ont mesprins iusques à ceste heure cy, a esté par mauuais conseil de gens, qui ne regardoient le profit du commun, mais au profit d'eux seulement. Donné sur les champs, au Prieuré saint Andry, pres Ayre, soubz le seel de nostre secret, en l'absence de nostre grand seel, le trentiesme iour de Iuillet, l'an mil trois cens quarante.

De l'appoinctement qui fut faict deuant Tournay, entre les Roys de France & d'Angleterre, par le moyen de la Comtesse de Haynault.

SV ces entrefaictes ceux de Tournay, qui estoient assiegez, enuoyerent deuers le Roy, que pour Dieu il les voulsist secourir: & tâtost apres le Roy enuoya le Duc d'Athenes, le Vicomte de Thouars, le Vicomte d'Aunay, le seigneur d'Auxerre, le seigneur de Craon, le Daulphin d'Auuergne, le seigneur de Clifson, le seigneur de Beauieu, le seigneur de saint Venand, & plusieurs autres Princes & Barons, avec bien deux mil hommes, & tirerent vers le mont de Cassel: mais les Flamens l'auoient ia reprins. Si bouterent le feu par tout, & cuyderent les François par les fumées faire leuer le siege qui estoit deuant Tournay: mais pour ce ne s'en leuerent lesdictz Angloys. Lors le Roy se conseilla s'il entreroit dedans le pais de Flandres, ou s'il yroit à Tournay: mais aucuns amys du Comte de Flandres, qui estoient avec le Roy, pour euer que son pais ne fust gasté, conseillerent au Roy qu'il allast vers Tournay. Si tira le Roy vers là, iusques à trois lieues pres, & là se logea pres de ses ennemys: & n'y firent d'un costé ne d'autre pas de grandes armes. Lors madame Iehan de Valloys, Comtesse de Haynault, femme du feu Comte Guillaume de Haynault, laquelle estoit sœur dudit Roy Philippe de France, & auoit sa fille mariée audit Roy d'Angleterre, alla & vint par tant de diuerses fois deuers l'un & deuers l'autre desdictz Roys, pour trouuer quelque appoinctement, que iour fut assigné pour parlementer entr'eux: & lors ledict Jaques d'Arteuelle, Capitaine des Flamens, deit au Roy d'Angleterre que s'ilz n'estoient comprins en l'appoinctement qui seroit faict, que ia de là ne bougeroient, & ne le quitteroient point du serment qu'il leur auoit faict: mais ladicte Comtesse de Haynault, qui auoit grand paour que l'appoinctement ne se fait, deit au Roy d'Angleterre, que ce seroit bien grand pitié & dommage que pour le dict d'un villain, tel qu'estoit ledict Arteuelle, le sang de la plus grand nobleste du monde fust en danger d'estre respädu: & furent commis plusieurs gräds Princes d'un costé & d'autre, pour debatre les articles de l'appoinctement: c'est à sçauoir de la part du Roy de France, le Roy de Boësmé, le Comte d'Armignac, le Comte de Sauoye, messire Loys de Sauoye, le seigneur des Noyers, & autres: & de la partie du Roy d'Angleterre, messire Guillaume de Thihonne, l'Euesque de Lincole, Iehan de Haynault, le seigneur d'Anthoyn, & autres. Et pource que la chose seroit longue à traicter, furēt prinſes trefues iusques à certain iour. Apres icelles accordées, le Roy s'en retourna en France, & le Roy d'Angleterre, qui auoit tenu le siege deuant ladicte ville de Tournay vnze sepmaines, moins trois iours, s'en alla en Flandres, & avec luy alla le Comte de Flandres, & s'entrefestoyerent plusieurs fois: mais ne sçeut ledict Roy d'Angleterre tant faire qu'il attirast à luy le Comte de Flandres, ne qu'il voulsist abandonner l'obeïſſance du Roy de France, & par ce s'en retourna en Anglerterre: & messire Robert d'Artoys, à qui le Roy d'Angleterre auoit donné la Comté de Richemont, demoura par deça la mer, & s'en alla deuers Iehan, Duc de Brabā: puis, aucun tēps apres, s'en passa en Anglerterre. Tantost apes le Comte de Flandres, qui estoit demouré en son pais, pource qu'on luy faisoit peu d'obeïſſance à son gré, par maltalent s'en partit d'avec les Flamens, & s'en vint deuers le Roy de France: & furent lesdictes trefues prolongées, & continuées à diuerses fois. En l'hyuer ensuyuant le Roy pourſuyuit que les alliances qui estoient entre le Duc de Bauiere, Empereur, & le Roy d'Angleterre, fussent mises à neant, & meit peine d'attirer à luy iceluy Duc, & les Allemans: & pource enuoya ledict Duc son Chancelier, & autres meſſagiers, qui furent en France tout l'hyuer: & promet le Roy audit Duc qu'il luy ayderoit à le reconcilier enuers le Pape, qui l'auoit excommunié: dont le Pape fut fort esmeu cōtre les Prelatz du royaume, qui auoient esté de ce conseil: & dit on qu'il sçeut bon gré au Roy de Nauarre, qui audit conseil auoit esté d'opinion qu'audit Duc on ne pouuoit faire accord, que premiermēt il ne fust reconcilié à l'Eglise. En icelle année iceluy Duc, comme Empereur, erigea la

Des allées & venues que fit la Comtesse de Haynault, pour traicter la paix d'entre le Roy de France & le Roy d'Angleterre.

LES CRONIQ. ET ANNALES DE FRANCE

*La Comté de feigneurie de Gueldres en Duché : laquelle parauant n'estoit que Comté, & le Marquis Gueldres cri-
sat de Iuilliers en Comté.
gée en Duché.*

De la guerre qui se mient entre messire Charles de Bloys, & messire Iehan de Montfort, pour la Duché de Bretagne.

*L'an mil trois
cens xlii.*



*Arrest de
Parlemēt tou-
chant la Du-
ché de Bretai-
gne.*

*La Duché de
Bretagne est
tenu de la
couronne de
France.*

** al. Hen-
bent &
Hānibēt.*

*L'an mil trois
cens xliij.*

N l'an mil trois cens quarante & vn, Iehan Duc de Bretagne, qui auoit esté avec le Roy en l'armée de Flādres, trespassa en chemin, en s'en retournant en son païs, sans hoirs de son corps, & gist son corps à Plermel : par quoy s'esmeut grosse dissension entre messire Charles de Bloys, filz du Côte de Bloys, & nepueu dudit Roy de France, de par sa mere, qui auoit espousé la fille de feu Guy de Bretagne, Vicomte de Lymoges, premier frere dudit feu Duc de Bretagne, de par ses pere & mere d'une part, & messire Iehan, Comte de Mōtfort, aussi frere puisné, de par mere dudit feu Duc, lequel de Mōtfort auoit espousé la sœur dudit Comte de Flandres, pour raison dudit Duché, d'autre part : laquelle succession de Bretagne chascun d'eux pretendoit luy appartenir : & fut la cause debatue en Parlement, disant ledict de Montfort, que par la generale coustume de Bretagne, puis qu'il y auoit hoir masle, la Duché ne deuoit point aller en ligne de femme. Tant fut procedé en la matiere, que par arrest donné au moys de Septembre audict an, ladicte Duché fut adiugée audict messire Charles de Bloys, à cause de ladicte femme fille dudit feu Guy de Bretagne, Vicomte de Lymoges : lequel messire Charles de Bloys en fait hommage au Roy, & le Roy l'en reuestit, & si le fait Cheualier. Ce voyant ledict messire Iehan de Montfort, auquel sembloit bien que le Roy & sa iustice fussent fauorables audict Charles de Bloys, son nepueu, s'en alla incontinent mettre dedans la cité de Nātes, & autres villes de Bretagne, pour resister & obuier audict messire Charles de Bloys, & empescher que l'arrest donné à son profit ne fust executé : & pour auoir alliance au Roy d'Angleterre, enuoya Iehan de Montfort, son filz, lequel fiança & accorda vne des filles du Roy d'Angleterre : & voyāt le Roy que ledict de Montfort estoit desobeïssant, & resistoit contre le iugement de son Parlement, & s'allioit des Angloys, ses anciens ennemys, il fait saisir la Comté de Montfort, & toutes ses autres terres qu'il auoit en France : & enuoya monseigneur Iehan, Duc de Normandie, son filz, le Comte d'Alençon, son frere, en Bretagne, pour faire mettre ledict arrest à execution par main forte : lesquelz allerent deuant ladicte cité de Nantes, ou estoit ledict de Montfort, & y meirent le siege. Ceux de la cité sçachans & congnoissans le Roy de France estre leur souuerain Seigneur, & que ladicte Duché est tenu de la couronne de Frāce, & les subiectz d'icelle refortissans au iugement de ladicte court de Parlement, & que par ce ilz estoient tenuz obeïr aux iugemens de ladicte court de Parlement, meirent ladicte cité en l'obeïssance du Roy : & fut deliurée audict messire Charles de Bloys, qui là estoit, & la bailla lon en garde au Comte de Bloys, son frere : & baillerent ledict Iehan de Montfort, ausdictz Ducz de Normandie & d'Alençon, lesquelz l'amenerent à Paris deuers le Roy, & fut mis en prison au Louure, & apres fut deliuré, ou, cōme disent aucuns, eschappa par subtilz moyens : & apres s'en alla en Bretagne, ou il ne vesquit gueres, & est enterré aux freres Prescheurs de Kemperle : & dient aucuns qu'auant son trespas s'apparurent à luy de mauuais espritz : & quand il mourut, il fut veu sur le lieu ou il mourut, & és enuirs, si grand nombre de Corbeaux qu'on ne cuydoit point qu'en tout le monde y en eust tant. Il eut vn filz, nommé Iehan, de sa femme, fille de Loys, Côte de Flandres, qui luy succeda en ses seigneuries. Or nonobstant sa prinse, la Comtesse sa femme, avec ses alliez, pour son filz continua la guerre en Bretagne, & elle mesme estoit armée sur vn coursier, & ses damoyelles qui estoient dedans Hannebont, * ou les gens du Roy tenoient siege, portoient pierres & autres choses pour ietter sur leurs aduersaires : & vindrent d'Angleterre en son ayde, ledict messire Robert d'Artoys, lors Comte de Richemont, qui estoit retourné en Angleterre, & le Comte de Salsbery, avec plusieurs Angloys : & audict voyage en la prinse de Vannes, ledict messire Robert d'Artoys, Côte de Richemont, fut nauré d'un traict en la cuysse, & fut mené en Angleterre, & mourut à Londres, & fut son corps là enterré, & luy fort regretté du Roy d'Angleterre & des Angloys aussi. L'an mil trois cens quarante & deux, les trefues prinse entre le Roy, & le Roy d'Angleterre & ses alliez, furent prolongées iusques à la saint Iehan.

En celle

DV ROY PHILIPPE VI. DICT DE VALLOYS. f. ix.

En celle année lediſt Roy Philippe meit ſus la gabelle du ſel, & feit ſa monnoye tellement empirer, que le denier en valloit cinq, dont le peuple murmura fort contre luy.

*De l'impoſitiō
de la gabelle
du ſel au roy-
aume de Frā-
ce.*

Au mois de May, audiſt an, trespaffa le Pape Benedic, deuxieſme, en Auignon. Si enuoya lediſt Roy en Auignon, deuers les Cardinaulx monſeigneur Iehan, Duc de Normandie, ſon filz, & le Duc d'Alençon, ſon frere, à fin de faire eſlire Pierre Roger Cardinal, Archeueſque de Rouen, natif de Lymosin, religieux de l'ordre ſainct Benoist, hōme fort lettré, & grand Preſcheur : mais auant qu'ilz fuſſent en Auignon, ilz auoient deſia eſleu lediſt Roger, comme leſdiſtz Ducz eurent nouuelles, toutesfois ilz allerent iuſques en Auignon deuers luy, & il les receut moult honnorablement, & fut ſacré Clement, ſixieſme de ce nom : lequel premierement auoit eſté ſimple Moyne, & en moins de ſeize ans parauant eſté Prieur de ſaincte Babile, apres Abbé de Fecamp, apres Eueſque d'Arras, & puis Archeueſque de Sens, apres tranſlatée à Rouen, & ſaiſt Cardinal.

En ce temps, c'eſt à ſçauoir le trentieſme iour de Ianuier, mil trois cens quarante & deux, trespaffa mōſeigneur Loys, Duc de Bourbon, Comte de Clermont, & de la Marche : & luy ſucceda Pierre, ſon filz, qui mourut en la bataille de Poitiers. En ce temps fut ſainct Yues en Bretagne, lequel fut directeur & deſſeſeur des querelles des femmes veufues, orphelins, & pauures gens. Et note qu'en ſa legende eſt ſaiſte mention des exploictz ſaiſtz par les gens de la iuſtice du Roy, au païs de Bretagne : par leſquelz appert que lediſt païs de Bretagne eſt du fief de la couronne de France. Enuiron celle ſaiſon le Roy d'Angleterre feit & ordonna au chasteau de Vvindeſore vne feſte à tenir chaſcū an, ou il y auroit quarante Cheualiers preux, qui ſe nommeroiēt les Cheualiers du bleu lartier, à l'exemple & ſemblance des Cheualiers de la table Ronde, que le Roy Artus iadis ſeit faire audiſt lieu de Vvindeſore, qu'il auoit ſaiſt construire & ædifier.

*L'an mil trois
cens xly.
S Yues natif
de Bretagne.*

*Les Cheualiers
du bleu lartier.*

Comment le Roy d'Angleterre & les Flamens ne voulurent entendre à faire appoinctement au mandement du Pape : & de l'emotion de ceux d'Orleans, touchant les bledz, dont furent penduz pluſieurs à leurs goutieres.



ANTOST apres le couronnement dudiſt Pape Clement, & durant leſdiſtes trefues d'être les Roys de Frāce & d'Angleterre, iceluy Pape enuoya deux Cardinaulx, pour ſignifier auſdiſtz deux Roys, de Frāce & d'Angleterre, & leurs alliez, qu'ilz feiſſent paix finale entr'eux. Leſdiſtz deux Cardinaulx parlerent au Roy de Frāce, qui leur feit reſponſe qu'il entendroit voluntiers a faire ladiſte paix : parquoy ilz s'en partirent pour vouloir aller en Angleterre : & quand le Roy d'Angleterre ſceut qu'ilz vouloient paſſer la mer, il leur manda qu'ilz n'y entreroient ia : mais qu'il entendoit en brieſ viſiter ſon royaume de France, & illec pour la reuerence du ſiege de Romme, il orroit voluntiers ce qu'ilz voudroient dire. Apres, leſdiſtz Cardinaulx allerent en Flandres, pour traicter de paix avec les Flamens, qui eſtoient excommuniez : mais leſdiſtz Flamē, comme gens obſtinez, deirent qu'ilz n'entendoient point à appoinctement, s'ilz n'eſtoient premierement abſoulz : toutesfois feirent tant leſdiſtz Cardinaulx, qu'ilz feirent aucun appoinctement avec le Roy, les Brabançons & les Haynuyers, ſauf l'alliance qu'ilz auoient au Roy d'Angleterre. Durant ce temps faiſoient forte guerre en Bretagne ceux qui tenoient le party de meſſire Iehan de Montfort, combien qu'il fuſt detenu priſonnier au chasteau du Louure, à Paris, à l'encontre de meſſire Charles de Bloys : & au mois de Septembre audiſt an deſcendit en Bretagne, en propre perſonne, lediſt Roy d'Angleterre avecques grand' armée, pour ayder à Iehan de Montfort, filz dudiſt meſſire Iehan de Montfort, qui auoit ſa fille fiancée, & meit le ſiege à Vannes, & partie de ſes coureurs deuant Nantes, & bruſlerent les faulxbourgs. Quand le Roy de France ſceut la venue & deſcente en Bretagne, dudiſt Roy d'Angleterre, & qu'il auoit ia mis le ſiege à Vannes, & que ſes gens couraient deuant Nantes, il tira droit la avec grand' armée : mais leſdiſtz deux Cardinaulx, Legatz, feirent pluſieurs allées & venues, pour traicter la paix entr'eux, & furent ſaiſtes vne trefue iuſques à trois ans : & deuoient enuoyer leſdiſtz deux Roys, leurs Ambaſſades en Auignon, deuers le Pape, pour traicter de paix : parquoy le Roy d'Angleterre s'en retourna en Angleterre. Audiſt an mil trois cens quarante & deux, s'en partit de France le bon Roy de Nauarre, pour aller à l'ayde du Roy de Caſtille, qui continuellement auoit guerre contre les Roys de Grenade, & de belle Marine, Sarra-

*La reſponſe
que le Roy
d'Angleterre
ſeit faire aux
Ambaſſa-
deurs du Pape.*

LES CRONIQ. ET ANNALES DE FRANCE

*De la mau-
uaise coustume
de ceux
d'Orleans.*

*L'an mil trois
cens xliij.*

*L'an mil trois
cens xlv.*

*Les Flamens
tuerent Ar-
teuelle, qui les
tenoit en mu-
sinerie contre
leur Seigneur,
et contre le
Roy de France.*

zins, qui opprimoient la Chrestienté : & passa ledict Roy de Nauarre par deuers le Pape, qui luy octroya pardon, & planiere remission, pour luy, & generallyment pour tous ceux de sa compaignie : & alla sur les Sarrazins, ou il feit de grandes vaillances, luy & ses gens : mais par la volonté de Dieu, luy print vne griefue maladie, dont il mourut, & ne dura pas grandement, & fut son corps enterré en l'Eglise nostre Dame, en la cité de Pampelune. En ce temps eut vne grande commotion de peuple, en la cité d'Orleans, à cause de la charté des bledz, & ne vouloient ceux de ladicte ville en ayder à leurs voyfins, combien qu'en eussent grand' abondance, ainsi qu'ilz ont communement de mauuaise accoustumance, quand le cas y eschet, & n'en voulurent bailler pour nul argent qu'on leur offrist, ne souffrir qu'on en emmenast. Quand le Roy le sceut, & aussi qu'ilz auoient faict plusieurs iniures & desobeissances à ses officiers, qui auoient voulu faire deliurer lesdictz bledz, par leur ordonnance, à ceux qui en auoient vrgente necessité, il y enuoya aucuns Commissaires & gens de Guerre, & en furent plusieurs des coupables penduz & estranglez à leurs goutieres. En l'année mil trois cens quarante & trois, messire Oliuier de Clifson, messire Geoffroy de Malestroit, & son filz, & plusieurs autres Cheualiers & Nobles, tant de Bretagne que de Normandie, furent decapitez és Halles de Paris, pour trahysons qu'ilz auoient machinées contre le Roy, & porté faueur au Roy d'Angleterre, estant dedans Bretagne, & audict messire Iehan, Comte de Montfort, pour ce qu'on disoit qu'ilz le vouloient faire Duc de Normandie. Geoffroy de Harecourt, par ce qu'il ne peult estre apprehendé, en personne, fut par arrest de Parlement, pour ladicte cause, banny de France. Semblablement fut bannie du royaume de France la femme dudit Oliuier de Clifson, qui estoit dame de Belleuille, laquelle estoit chargée desdictes trahysons. Aussi fut banny Oliuier de Clifson, son filz. Audict an les Roys de France & d'Angleterre enuoyerent leurs Ambassades en Auignon, deuers le Pape, pour traicter paix, comme il estoit conuenue. En l'an mil trois cens quarante & cinq, enuiron la Pentecoste, les Gascons & Bourdeloys rompirent les trefues entre les Roys de France & d'Angleterre, & feirent plusieurs courses, & moult de maulx, au pais du Roy : & lors le Roy d'Angleterre enuoya lettres au Pape, en Auignon, en luy donnant à entendre, contre verité, que le Roy auoit rompu les trefues, à l'occasion des dessusdictz de Clifson, Malestroit, & autres : & par icelles lettres deffioit le Roy : lesquelles lettres le Pape enuoya au Roy de France : lequel quand il en fut aduertty, & qu'il sceut que ledict Roy d'Angleterre venoit contre luy, par mer, du costé de Flandres, & ia estoit descendu à l'Escluse, en grande diligence il assembla ses gens, & alla droit à Arras. Le Roy d'Angleterre vint deuant l'Escluse, par l'enhortement de Iaques d'Arteuelle, qui luy auoit promis faire faire hommage par les Flamens, & faire son filz Edouard, Prince de Galles, Duc de Flandres, & eriger la Comté en Duché, & en priuer Loys, Comte de Flandres, & Loys, son filz, moyennant que ledict Prince de Galles espouserait la fille du Comté de Flādres : & pour ceste cause auoit ledict Roy d'Angleterre amené son filz, Prince de Galles, qui estoit aagé de treize ans seulement : mais lesdictz Flamens, voyans que ledict Arteuelle ne les faisoit que brouiller & mutiner, s'esleuerent contre luy, & le tuerent vilainement. Quand le Roy d'Angleterre le sceut, & voyant que son entreprise estoit rompuë, il s'en retourna en Angleterre, & enuoya son armée vers Bourdeaux, au deuant du Duc de Normandie, que le Roy son pere auoit enuoyé en Gascongne, avec grand' armée de gens d'armes. Au mois d'Aoust audict an mil trois cens quarante & cinq, ledict Iehan de Bretagne, Comte de Montfort, s'en retourna en Bretagne avec vne grād' armée d'Anglois, & meit le siege deuant la ville de Quimpercorentin : lequel siege les gens de messire Charles de Blois leuerent, & encloyrent ledict de Montfort, au chasteau : mais on luy feit voye, & s'enfuyt par nuict. En ce temps le Roy enuoya grand' armée à monseigneur Iehan, Duc de Normandie, son filz, en Gascongne, contre les Comtes d'Erby & de Lancastre, Anglois, qui y estoient descenduz, & ia auoient prins la place de Bergerat, ou estoit dedans pour le Roy messire Aymond de Poitiers, Comte de Valentinois, qui fut tué à l'assault, & le Comte de l'Isle qui fut bleccé : & s'en retourna ledict Duc de Normandie : mais le Roy luy renuoya de rechef avec grand' armée, & meit le siege deuant Aguillon, ou il fut iusques au mois d'Aoust l'an ensuyuant.

De la

*De la mort de messire Henry de Malestroit: & du mariage de Philippe,
Duc d'Orleans, filz du Roy.*

EN ce temps maistre Henry de Malestroit, frere dudit Geoffroy de Malestroit, qui auoit esté decapité, & lequel maistre Henry estoit maistre des requestes de l'hostel du Roy, apres la mort de son frere s'en alla au Roy d'Angleterre, & se porta capitaine de Vannes: mais il fut prins & emmené deuers le Roy. Et pource qu'il ne se peut excuser, il fut constitué prisonnier, & mis en la tour du Temple à Paris, & apres rendu & mené à l'Euesque de Paris, en vn tombereau assis sur vn aiz mis au trauers: & par vertu d'une commission du Pape que le Roy auoit impetrée, s'efforçoit de le faire degrader, toutesfois il ne le fut pas: mais par le iugement de l'Eglise il fut par trois fois mis en feschelle, au paruy nostre Dame de Paris, ou les sergens & menuës gens luy feirent de grands opprobres, en luy iettant de la bouë & des pierres, dont il fut blessé iusques au sang, nonobstant la deffence que faisoient les officiers de l'Euesque, sur peine d'excommuniement. Puis il fut condamné à perpetuelle chartre, ou il fut enclos, & assez tost apres il mourut, & fut porté en la court du Palais, pour monstrier au peuple. En celle mesme année le Roy donna à monseigneur Philippe, son second filz, la Duché d'Orleans, & traicta le mariage de luy & de madame Blanche, fille du feu Roy Charles le Bel: & n'auoit ledit Philippe que dix ans, & ladicte Blanche en auoit dixsept: & le lendemain furent faictes grandes ioustes. En celle mesme année Guillaume, Comte de Henault, filz de feu messire Guillaume de Henault, & nepueu dudit Roy Philippe, de par sa mere, mourut en vne guerre qu'il auoit en Frise: & auoit espousé Iehanne, aînée fille du Duc de Brabā, de laquelle il n'auoit nulz enfans: & par ce vint ladicte Comté de Henault à Marguerite sa sœur, femme de messire Loys de Bauiere, Empereur & Roy d'Allemagne.

*Punition de
maistre Henry
Malestroit,
maistre des
requestes de
l'hostel du
Roy.*

*De la venue du Roy d'Angleterre avec grande armée en France, & comment
il print d'assault la ville de Caen, & gros nombre de grands Sei-
gneurs qui estoient dedans ladicte ville.*

L'ANNEE mil trois cens quarante & six, le Roy d'Angleterre vint en France, avec biē douze nefz * sur mer, & à grande armée descendit à la Hogue * al. douze cens, & saint Vast, en Costentin, & cheuaucha par Normandie, & gasta le pais à feu & à sang, & vint iusques deuant la ville de Caen qu'il print d'assault, deux cēs. & moult y moururēt de gens d'une part & d'autre: & furent prins dedans le Comte d'Eu, Connestable de France, le Seigneur de Tancarville, cent Cheualiers, & douze cens homes armez, dont le Roy d'Angleterre enuoya les meilleurs prisonniers en Angleterre, & ardit grande partie de la ville. Apres cheuaucha vers Falaise & Lysieux: & pource qu'il n'y eut là qui les guerroyast, ilz vindrent vers Rouen, & sceurent que le Roy de France alloit contr'eux à grand' armée, du costé d'oultre Seine: parquoy ilz vindrent au Pont de l'arche, ou le Roy de France leur escriuit & offrit bataille: mais le Roy Edouard d'Angleterre le refusa, disant, qu'il se combatroit à luy deuant Paris, & non ailleurs. Si passerent les Angloys la riuere de Seine, du costé Chartrain, & apres s'en vindrent à Vernon, Mante, & Meulant, & de là à Poissy, & se logea le Roy d'Angleterre audit lieu de Poissy, & son filz à saint Germain en Laye: & tousiours messire Geoffroy de Harecourt, qui auoit esté banny du royaume de France, pour la cause dessus declarée, & lequel auoit pourchassé la venue des Angloys en France, alloit deuant, & menoit les auant coureurs, brullans & gastans le pais. Le Roy de France, qui auoit grande armée avec luy, & entre les autres estoient venuz à son mandement Eude, Duc de Bourgongne, & son filz, qui estoit Comte d'Artoys, & de Boulongne, costoya tousiours l'armée du Roy d'Angleterre, tout du long de la riuere de Seine, de l'autre part de l'eau. Tādīs que le Roy d'Angleterre estoit à Poissy, & son filz à saint Germain en Laye, ou ilz furent par six iours, leurs coureurs gasterent & brullerent tout le pais du Vau de Gallie & d'environ, iusques à saint Cloud: & veult on dire que par diuerses fois ilz meirent le feu en la maison du Rueil, qui appartenoit à l'Eglise saint Denis, par don du feu Roy & Empereur Charles le Chauue: mais par les merites de saint Denis elle demoura sans estre dommagée: & sçachant ledit Roy Philippe les maulx

LES CRONIQ. ET ANNALES DE FRANCE.

que faisoient lesdictz Angloys, il se meit hors de Paris, & se logea & parqua à saint Germain des prez, pour attendre le Roy d'Angleterre, qui luy auoit mandé qu'il se combatroit à luy deuant Paris, & non ailleurs, & luy mada qu'il y vint. Et pource que le Roy de France veoit que le Roy d'Angleterre ne venoit point, il delibera de l'aller cōbatre iusques à Poissy, ou il estoit: mais nouuelles luy vindrent que ledict Roy Angloys auoit fait faire reparer le pont de Poissy (qui parauant auoit esté abatu par les François, à fin que les Angloys ne s'en peussent aller sans combattre) pour passer & s'enfuyr, & que luy & ses gens s'en estoient allez, & à leur partement auoient bruslé l'hostel du Roy à Poissy, & tout le bourg reserué l'Abbaye: aussi auoient bruslé les chasteaux & Eglises de S. Germain en Laye, la maison du Roy en la forest de Raiz, Montioye, & autres lieux qui estoient lors tenuz & reputez les plus beaux, singuliers, & principaux domiciles, pour le deduyt & soulas des Roys, qui fussent en Frâce. Puis tira ledict Roy d'Angleterre vers Beauuais: & pource qu'il ne peut entrer en la ville, il brusla les faulxbourgs, & l'Abbaye de saint Lucie: & apres s'en retira vers Picardie, bruslant, pillant, & gastant le pais: tuant & prenant prisonniers hommes & femmes, & faisant plusieurs autres inhumanitez.

Quand le Roy de France sceut que le Roy d'Angleterre s'en estoit allé, il s'en partit de Paris, pour le suyuir, & alla apres luy en grande diligence: & tant cheuacha qu'il arriua ainsi q le Roy d'Angleterre vouloit disner à vn lieu appelé Rames. * Le Roy d'Angleterre sceut que le Roy de France auoit ce iour cheuaché deux lieuës, & estoit pres de luy, dont il eut si grand paour qu'il abandonna son disner, & s'en partit subitement, & alla loger plus pres de la forest de Crecy: & les François qui là arriuerent, moult las, repeurent eux & leurs cheualx, du disner que les Angloys auoient appresté à Rames. Depuis s'en alla le Roy d'Angleterre à vn lieu qu'on appelle la Blancquetacque, & illec passa la riuere de Somme: & le Roy passa à Abbeuille, & feit reparer le pont, qui estoit trop foible pour son ost & charroy, ou il demoura tout le iour de Vendredy, pour assembler son ost: & le Samedy matin s'en alla à la Braye, * vn lieu assez pres de la forest de Crecy: & là luy vindrent nouuelles que son ennemy le Roy d'Angleterre estoit à quatre ou cinq lieuës pres d'illec, & toutesfois il n'en estoit qu'à vne lieuë.

*Montioye pres
l'oy enual fut
bruslée par les
Angloys, &
la maison de
Raiz.*

* al. Arc-
nes.

* alias,
Broye.

De la bataille de Crecy pres Abbeuille, ou mourut la fleur de la Cheualerie de France.

*L'an mil trois
cens xlvi.*

*En la bataille
de Crecy, mou-
rut la fleur de
la Cheualerie
de France.*

EN V I R O N l'heure de vespres & iour du samedy audict an mil trois cens quarante & six, ledict Roy Philippe, qui estoit desirant de combattre son aduersaire, moult fierement & de grand & ardent courage, sans vouloir croire le conseil de ses gens, de les laisser reposer iusques au len demain, se delibera d'aller assaillir ses ennemys. Si se meit à voye pour aller apres, & cheuauchoit en bien petite ordonnance, & les trouua en vn lieu qu'on appelle Crecy, ou ilz estoient: & si tost qu'il les apperceut feit crier alarme, & les assaillit: lesquelz si roidement se deffendirent que la iournée fut pour eux, & les François desconfitz: là ou moult vaillamment de sa personne se porta le Roy Philippe en celle bataille, & ne taschoit qu'à trouuer le Roy d'Angleterre en personne, pour combattre à luy main à main: & si auant se bouta qu'à grand' peine le peut on retirer, & fut en grand danger de sa personne: toutesfois il fut retiré, & se sauua. En ladiète bataille mourut la fleur de la Cheualerie de France, & fut la plus grande perte & confusion que iamais fust aduenue, dont il fust memoire: & principalement en ladiète bataille moururent Jehan de Luxembourg, Roy de Boëme, filz de feu Henry de Luxembourg, Empereur: le Cōte d'Alençon, frere dudiect Roy Philippe de France (lequel auoit vn filz nommé Pierre, qui luy succeda) le Duc de Lorraine, le Comte de Bloys, nepueu du Roy, de par sa mere, les Comtes de Flandres, de Harecourt, de Sancerre, de Vienne, & autres plusieurs Barons, Cheualiers & Escuyers, iusques au nombre de quinze cens. Apres ce le Roy avec si peu de gens, qu'il auoit autour de luy se tira à Amyens: & le lendemain iour de Dimenche, bien matin, plusieurs François qui s'en estoient fuyz de la bataille les vns çà les autres là, & ne sçauoient comme il estoit allé de la besongne, se rendirent audict lieu de Crecy, ou auoit esté la bataille, & apperceurent les bannieres du Roy de France, que les Angloys auoient gaignée, & les tenoient debout au champ. Si cuyderent lesdictz François que le Roy fust là demouré victorieux, & s'approcherent, & se meirēt en lost des Angloys, qui de rechef en tuerent presque aussi grand nombre que ilz auoient

DV ROY PHILIPPE VI. DICT DE VALLOYS. f. xj.

ilz auoient faict le iour precedent. Et combien qu'aux hommes n'appartient point de proposer raison sur les iugemens de Dieu, par ce qu'ilz leurs sont incongnuz, toutesfois il est vray semblable à croire que celle malle aduenture aduint sur les François par punition pour l'enormité de leurs pechez. Car lors estoit en France moult grand orgueil & conuoitise de richesse, & dissolution, & superfluité d'habillemens difformes, tant és hommes comme és femmes. Le corps dudiect Roy de Boëfme fut porté à Luxembourg & celui du Comte d'Alençon à Paris, enterrer aux Iacobins: & furent apportez les enfans de cinquante Cheualiers de sa terre, qui estoient mors avec luy, lesquelz sont figurez autour de sa sepulture.

Orgueil conuoitise, dissolution, & superfluité d'habillemens causent de grāds maux.

Comment le Roy d'Angleterre meit le siege à Calais.

A PRES ces choses ainsi faictes, le Roy d'Angleterre, moult ioyeux de la victoire qu'il auoit eue, s'en alla à Monstreul sur la mer, à Boulogne, & deuant Calais, ou il meit le siege, qui dura toute celle année. De ladiete ville estoit chef & Capitaine pour le Roy de France, vn vaillant Cheualier nommé messire Jehan de Vienne en Bourgongne: & y fut depuis le troisieme iour de Septembre iusques au troisieme iour d'Aoust ensuyuant: & auoit le Roy d'Angleterre iuré que iamais ne partiroid de là iusques à ce qu'il eust ladiete ville à sa volonté, & luy administroient lesdictz Flamens, durant ledict siege, viures & argent.

En l'année mil trois cens quarante & sept, durant ledict siege, fut faict certain appointement avec lesdictz Flamens: & par iceluy receurent pour leur seigneur & Comte, le filz du feu Comte de Flandres, qui estoit mort en ladiete bataille de Crecy: & luy promeirent & iurerent loyauté: mesmemēt qu'ilz ne le contraindroient point à prendre femme contre sa volonté: n'à faire chose qui fust contre la loyauté qu'il deuoit au Roy de France, son seigneur: & par ce cessèrent iceux Flamens de mener viures ausdictz Angloys, qui tenoient le siege deuant Calais.

L'an mil trois cens xlvij.

Des dommages que feit en Poitou, Xaintonge, & Perigort, le Comte d'Erby, Angloys: & comment le Roy voulut auoir le Crucifix d'or, estant en l'Eglise saint Denis en France.

VAND monseigneur Jehan Duc de Normādie, filz du Roy, sceut la guerre que son pere auoit en Picardie, il abandonna le païs de Gascongne, ou il faisoit la guerre, & le siege qu'il tenoit deuant Aguilō & se meit à chemin pour s'en venir vers le Roy son pere: & quand le Côte d'Erby, qui estoit à Bourdeaux, pour le Roy d'Angleterre sceut le partement dudiect Duc de Normandie, il esmeut son ost, & vint iusques à Xainctes, à saint Jehan d'Angely, & tira à Poitiers, & toutes icelles villes print sans resistance, & les pilla, gasta, & ardit tout le plat païs, & print tous les thresors & richesses qui estoient en ladiete ville de Poitiers, tant des Eglises comme autres, & emmena les Bourgeois, Marchans, & Chanoines prisonniers, & ardit la pluspart d'icelle ville, & le Palais du Roy. Puis s'en retourna à Bourdeaux, avec grandes richesses: & en s'en retournant alla deuant Bergerat, qu'il print. Tantost apres s'en alla ledict Comte d'Erby en Angleterre, par ce que la Duché de Lanclastre luy estoit escheuē, par le trespas de son pere: & puis s'en retourna au Roy d'Angleterre, qui tenoit le siege deuant Calais: En ce temps le Roy feit mander au couuent de saint Denis en France, qu'ilz luy voulsissent prester & ayder d'aucune somme, pour le faict de ses guerres: & entre autres choses demandoit le grand Crucifix d'or: mais l'Abbē remonstra comment le Pape Eugene auoit proferé sentence d'excomuniement sur ceux qui le descouueroient, ou y feroient dommage, si comme il est escript au pied de la croix dudiect Crucifix, parquoy le Roy s'en deporta. En ce mesme temps, pource qu'on ne scauoit ou trouuer argent pour fournir aux guerres du Roy, Pierre des Essars de la nation de Normādie, Thresorier, garde & dispensateur des thresors du Roy en partie, fut prins prisonnier, & mené en diuerse prison de l'une en l'autre: & apres moult de reproches qui luy furent faictes & dictes, pour escheuer la mort fut condamné en la somme de cent mil florins, qui apres à la priere du Comte de Flandres luy fut moderée à

Du Roy Philippe de Valloys, qui voulut auoir le Crucifix d'or, estant en l'Eglise saint Denis en France.

LES CRONIQ. ET ANNALES DE FRANCE

Deux Abbees furent establis pour gouverner les finances de France. cinquante mil, & fut deschargé de la Thresorerie. Apres ce les Abbez de Marmoustier & de Corbie, furent establis gouverneurs des finances de France: & aucun temps apres leur furent adioinctz avec eux, pour gouverneurs desdictes finances, quatre Eueques & quatre Cheualiers.

Comment messire Geoffroy de Harecourt vint à mercy au Roy: & comment les Lombars, banquiers, & vsuriers furent prins en France, & bannis hors du royaume.

Milccc. xl. & sept.



A V D I C T an mil trois cens quarâte & sept, messire Geoffroy de Harecourt, congnoissant la faulte qu'il auoit faicte & commise enuers le Roy de France, son naturel & souuerain seigneur, se vint presenter en la presence du Roy, & se getta à genoulx à ses piedz, vne touaille au col, disant: Le confesse que i'ay esté trahyste au Roy & au royaume, dõt i'en requiers misericorde & pardon: laquelle misericorde le Roy de sa grace luy octroya. En ce temps aussi furent prins tous les Lombars, banquiers, & vsuriers qui estoient en France, & furent chassez & bannis du royaume, pour la grande euacuation qu'ilz faisoient des finâces de France, dont le royaume estoit appauury: & par proces faict contr'eux fut ordonné que quiconque seroit tenu enuers eux en aucunes vsures, en baillât au Roy le sort principal, il ne payeroit rien des arrerages. Et qui feroit de present ainsi ce seroit bien faict, car ilz font beaucoup de mal en Frâce: & quand ilz y viennent iamais n'y apportent vn ducat, mais seulement vne fucille de papier en vne main, & vne plume en l'autre, & ainsi tondent aux Frâçoys la laine sur le dos, & leur font gabelle de leur propre argent. Il fut lors trouué que les debtes qu'on leur deuoit montoiet oultre vingt & quatre cens mil liures d'vsures, desquelles le sort principal ne montoit point oultre douze vingtz mil liures.

Les maulx que font les banquiers Lombars en France, par leur subtilité & vsures.

De la prinse de Calais par le Roy d'Angleterre.



L E D I C T Roy de France feit si grande diligence qu'il assembla gens, or, & argent: & enuiron la Pentecoste audiect an alla à S. Denis, & print l'Auriflambe, & la bailla à porter à messire Geoffroy de Charney, vaillant Cheualier, du pais de Bourgogne: & puis se meit en voye, pour & en intention d'aller leuer le siege que le Roy d'Angleterre tenoit deuât Calais. Ce pendant se rendit deuers luy le Comte de Flâdres, filz du Comte, qui estoit mort en la bataille de Crecy: le quel les Flamens contre leurs promesses & sermens auoient voulu, & de faict vouloient contraindre par menaces de mort à prendre & fiancer à femme la fille du Roy d'Angleterre: ce qu'il n'auoit voulu faire, dont le Roy de France, & la mere dudit Côte, furent bien ioyeux, & luy en sceurent bon gré. Tantost apres du vouloir du Roy fut marié iceluy Comte à la fille du Duc de Braban. Le Roy alla iusques à Hedin, & illec attendit ses gens, & moult luy ennuya à les attendre. Quand ilz furent venuz il tira vers Calais, & presenta au Roy d'Angleterre la bataille, mais il ne la voulut accepter. Lediect Roy d'Angleterre, & le Duc de Lancastre, parauant Comte d'Erby, & les Angloys qui estoient nouuellement retournez d'Angleterre, auoient tellement enuironné ladiete ville de Calais, par mer & par terre, que les viures ne leur pouuoient estre menez, & ne les peut le Roy secourir, pource que le lieu ou estoit le Roy d'Angleterre estoit inuasible, & furent en telles necessitez qu'ilz mangerent leurs cheuaulx, chatz, chiens & cuirs de beufz. Finablement ceux qui estoient dedans ladiete ville de Calais, par faulte de viures & necessité de faim, furent contrainctz rendre la ville es mains du Roy Edouard d'Angleterre par composition leurs vies sauues, & les robbes qu'ilz portoient tant seulement. Celà faict, lediect Edouard s'en retourna en Angleterre: & ce voyant le Roy de France, il s'en retourna à Paris, & là se rendirent à luy à refuge les pauvres gens de Calais, ausquelz les François feirent de grandes aulmosnes & humanitez: & fut ordonné que tous les offices qui vacqueroient fussent donnez ausdictz gés de Calais, selon leurs vacations. Le Roy estant à Paris, feit grand' assemblée de Prelatz, & Nobles, pour auoir conseil comment il pourroit mener à fin ses guerres: lesquelz luy conseillerent qu'il feit grand' armée par mer & par terre, & luy offrirent faire ayde de

Ceux de Calais par extreme necessité de viures furent contrainctz de leur rendre au Roy d'Angleterre.

DV ROY PHILIPPE VI. DICT DE VALLOYS. f. xij.

de gens, & d'argent. Le Roy feit Capitaine de par luy és marches de Picardie monseigneur Geoffroy de Charny, lequel eut en sa compagnie le seigneur de Montmorency, & autres, avec bien quinze cens lances, & allerent audict pais : & là eurent intelligence sur le chastel de Calais par vn Geneuois, qui en estoit Chastellain, & au iour qui leur estoit assigné allerent deuant ledict Calais: mais ledict Geneuois auoit reuelé l'entreprinse au Roy d'Angleterre, qui estoit dedans: lequel & le Prince de Galles saillirent à grád' puissance sur les François, qui se combattirent vaillamment: mais en la fin leur conuint mettre en fuyte, & y fut prins ledict seigneur de Charny, monseigneur Eustace de Richemont, & autres.

De la guerre de Bretagne d'entre messire Jehan de Montfort & messire Charles de Bloys, qui fut prins prisonnier deuant d'Arian.

N l'an mil trois cens quarante & huit, furent donnée trefues aux Flamés, *L'an mil trois*
pour trois ans : & furent le Duc de Braban, l'Archeuesque de Trefues, & *xlviij.*
monseigneur Jehan de Henault, commis à traicter l'appoinctement desdictz Flamens : & pource que les Angloys tenoient plusieurs places en Bretagne, & entre autres la Roche d'Arian, & faisoient moult de maux, & gastoient le pais, & la Duché : messire Charles de Bloys, Duc de Bretagne, assembla plusieurs Barons, & gens de guerre, & alla assieger ladicte place, & là eut moult grande bataille. * Et combié que ledict messire Charles de Bloys eust le plus grand nombre de gens, toutesfois pource que la bataille fut de nuit ses gens ne s'entreconnoissoient point, ains s'entretuoient l'un l'autre par grand desordre: & en la parfin l'ost dudit messire Charles fut desconfit, & luy prins, par messire Robert du Chastel, & fort nauré, & fut mené au chasteau d'Aulroy: & de là fut apres mené à Vānes, ou il fut bien vn an, attendant qu'il fust guery de plusieurs playes qu'il auoit eues en la bataille: & fut apres mené au chasteau de Brest: car la mer estoit si bien gardée par les François, que les Angloys ne l'osoient mettre sus, pour le mener en Angleterre: toutesfois à la fin ilz le menerent: mais auant son partement, la Duchesse sa femme eut congé des Angloys d'aller visiter le Duc son mary. En icelle bataille furent presque tous les Barons de Bretagne mors ou prins. Quand les Angloys meirent ledict Duc és nauires, ilz luy baillerent plusieurs ioueurs de vielles & guiterres, & à luy mesmes en baillerent vne, & le contraignerent à en iouer par derision. Apres la bataille gagnée par les Angloys deuant la Roche d'Arian, iceux Angloys prindrēt ladicte ville & tuerent hommes, femmes & petits enfans, de quelque aage, sexe ou condition qu'ilz fussent: mais le lendemain les Barons & populaires du pais de Bretagne se meirent sus pour ladicte Duchesse, & prindrent ladicte ville: & apres ce enuoyerēt deuers le Roy pour requerir ayde: lequel leur enuoya le seigneur de Cran, & messire Anthoine d'Aurie, Cheualier, avec grand' armée: lesquelz reprindrent plusieurs villes sur les Angloys, & tuerēt tous ceux qu'ilz trouuerent: toutesfois à la prinse de ladicte ville de la Roche il auoit esté accordé que les Angloys, qui estoient dedans, auroient leurs vies & habillemens saufs, & leur furent baillez aucuns Capitaines pour les conduire: mais on ne peut garder que le menu populaire ne les tuast. Le vingtiesme iour de Iuillet, audict an, messire Alain de Houdery, Cheualier, Conseiller du Roy en sa chambre des enquestes en son Parlement, fut pendu & estranglé au gibet de Paris, par iugement contre luy donné en ladicte court de Parlement, pour ce qu'en vne commission, ou il auoit esté commis par ladicte court, avec messire Jehan de Thoronde, ausi Cheualier; Conseiller en icelle court, en vne cause contre Geruais le Comte, Aduocat en Normandie, iceluy de Houdery auoit enregistré la confession de aucuns tesmoings, ausquelz il n'auoit point parlé, & dont les aucuns estoient mors, & auoit corrompu le dire des autres tesmoings, en la faueur de l'une des parties. La sepmaine deuant Pasques flories, audict an mil trois cens quarante & huit, mondict seigneur Jehan, Duc de Normandie, en la ville de Sens feit l'appoinctement entre la Comtesse mere de Loys, lors Comte de Flandres, & Jehanne Comtesse de Boulongne, qui auoit esté femme de feu Philippe de Bourgongne, filz du Duc de Bourgongne, & de la sœur de ladicte Comtesse, sur ce que ladicte Comtesse de Flandres vouloit auoir le bail dudit Philippe & de ladicte Comtesse de Boulongne, en tant que touchoit la Comté d'Atoys, & autres questions qu'ilz auoient ensemble.

* La Croniq.
de Bretagne
& Froissard
disent que ce-
cy aduint l'an
1347.

Horrible &
cruelle inhu-
manité com-
mise par les
Angloys.

D'un conseil-
ler de Parle-
ment, qui fut
pendu & es-
tranglé au
gibet de Paris.

LES CRONIQ. ET ANNALES DE FRANCE.

De l'acquisition du païs de Dauphiné.

L'an mil trois
quarante neuf.

L'ANNEE mil trois cens quarante & neuf, ledict Roy de France Philippe de Valloys acquist de ses propres deniers, & moyennant certaine composition, le païs de Dauphiné, d'un nommé messire Imbert Dauphin, & luy en paya le pris de quarante mil escus, pour vne fois, & dix mil florins chascun an sa vie durant, & autres pactions faictes entr'eux: lequel Imbert le vendit soubz telle condition que les Roys de France ne le pourroient alier, & que l'ainé filz de France, incontinent apres sa natiuité, en auroit & prendroit le nom & tiltre de Dauphin: & ce fait il tant par despit de ceux qui luy deuoient succeder, qui auoient faict plusieurs choses contre sa volonté, qu'aussi pource qu'il vouloit vser paisiblement & solitairement le demourât de ses iours en religion. Et de faict apres ladiete vendition, se rendit de l'ordre de S. Dominique, au conuent de Lyon: & ladiete acquisition ainsi faicte ledict Roy Philippe, à la requeste de monseigneur Iehan son filz, Duc de Normandie, donna iceluy païs du Dauphiné à Charles, aîné filz du Duc Iehan: lequel Charles alla iusques à Vienne, audict païs de Dauphiné, & là receut les hommages des vassaulx d'iceluy païs, & en print possession & saisine.

Des mariages du Roy, & de son filz Duc de Normandie, & du Comte de Foix.

AUDICT an mil trois cens quarante & neuf, mourut à nostre Dame des Champs pres Paris, madame Iehanne Royne de France, qui fille auoit esté de monseigneur le Duc de Bourgongne, & fut enterree à S. Denis: & le troisieme iour d'Aoust audict an, ledict Philippe Roy de France espousa pour seconde femme, en la ville de Braye madame Blanche, fille du feu Roy de Nauarre, qui estoit mort contre les Sarrazins, en Hespaigne: laquelle Blanche estoit aagée de dixsept ans ou enuiron, & estoit moult belle Dame: & audict an, le Comte de Foix print à femme vne autre fille d'iceluy Roy de Nauarre & de madame Iehanne sa femme, fille du feu Roy Loys Hutin, filz de Philippe le Bel: & furent les nopces au Louure, à Paris: & au moys d'Octobre ensuyuant trespassa ladiete Iehanne. En celle mesme année trespassa aussi madame Bonne, femme de monseigneur Iehan Duc de Normandie, fille du feu Roy de Boësmes, qui mourut en la bataille de Crecy: & fut son corps mené & enterré en l'abbaye des Nonains de Maubuisson, pres Pontoise. En ceste dicte année le Mardy, vnziesme iour de Februrier, iour de Careme prenant, ledict Duc de Normandie espousa Iehanne Comtesse de Boulongne, qui femme auoit esté de monseigneur Philippe, filz du Duc Eude de Bourgongne, & en auoit vn filz, aussi nommé Philippe, qui deceda en l'aage de treize ans, au chastel de Roure pres Dy-ion. En ce temps se combatit monseigneur Raoul de Caours, & plusieurs autres Cheualiers, estans enuiron six vingts hommes d'armes, qui estoient pour le Roy en Bretagne, contre messire Thomas d'Argonne, * Cheualier Anglois, Lieutenant du Roy d'Angleterre, audict païs, deuant le chastel d'Aulroy: & fut ledict messire Thomas mort, & de ses gens bien cent hommes d'armes & les autres desconfitz & prins. En celle année mil trois cens quarante & neuf, au moys d'Auril, ledict Philippe acquist de ses deniers de Jaques de Mallorgue, la Côté de Rouffillon & Sardaigne, les Baronniës, villes, chasteaux & chastellenies de Montpellier & leurs appartenances, le pris de six vingtz mil escus d'or, de poix, lors courans.

* Froissard
dict d'Argonne
& nome
le chasteau
Aulroy.

Du trespassement du Roy Philippe de Valloys.

L'an mil ccc.
cinquante.

EN celle mesme année, furent faictes & accordées trefues entre lesdicts Roys de France & d'Angleterre soubz esperance d'appoinctement, & se soubzmeirent de leur questiō au Pape: deuers lequel le Roy enuoya grâds Ambassades: mais le Roy d'Angleterre n'y enuoya point, & ne faisoit que dissimuler: parquoy le quatorzieme iour de Iuin l'an mil trois cens cinquante, furent lesdictes trefues prolongée: & durant icelles, au moys d'Aoust, le Roy estant à Nogent le Roy pres Coulon, * luy print vne grieve maladie, de laquelle, le Dimenche

* Frois. dict
Coulon.

menche xxij. dudi& moys, il alla de vie à trespas au lieu de Nogent, en l'an de son aage cinquante & sept, & de son regne xxij. & fut le ieudy ensuyuant son corps amené à nostre Dame de Paris, & le lundy ensuyuant fut enterré en l'Eglise S. Denis en France, à moult belle ordonnance. Son cœur fut porté enterrer à Bourgfontaine en Valloys, en l'Eglise des freres Chartreux, & ses entrailles aux Iacobins de Paris: Dieu par sa grace luy face pardon à l'ame: car ce fut vn moult vaillant Prince & bō catholique, qui en son temps eut moult de guerres & de persecutions par ses aduersaires: & est par aucuns appellé Philippe le bon catholique, & par les autres le bien fortuné: car ce fut à luy vne grande & moult belle fortune de paruenir à la couronne de France, attendu qu'il y auoit auant luy trois hoirs masles, enfans de feu Philippe le Bel, qui tous moururent sans hoirs masles, & ne durerent enuiron que treize ans: & si eut plusieurs victoires cōtre ses ennemys & aduersaires, qui moult le trauaillerent toute sa vie. En ce temps fut vne si grande mortalité, qui estoit avec crachat de sang, & estoit si cōtagieuse que non pas seulement par communication de l'un à l'autre, mais aussi pour regarder l'un l'autre, l'un mourroit, & mourut bien les trois pars du monde.

Grosse maladie dont mourut les trois parties du monde.

Du Roy Iehan.



Iehan, premier de ce nom, filz dudi& Philippe de Valloys, commença à regner, l'an mil trois cens cinquante, & trespassa au quatorziesme an de son regne, l'an mil trois cens soixante & quatre. Cestuy au commencement eut à femme madame Bonne, fille du Roy de Boësmie, dont il eut quatre filz, & trois filles: c'est à sçauoir Charles, qui fut Roy apres luy, & fut appellé Charles le quint, Loys, qui fut Duc d'Aniou, & Comte du Maine, Iehan, qui fut Duc de Berry & d'Auuergne, & Philippe qui fut Duc de Bourgongne. L'une des filles fut mariée au Roy de Nauarre, l'autre au Duc de Bar, & la tierce au Duc de Milan: laquelle dame Bonne trespassa l'vnziesme iour d'Aoust, mil trois cens quarante & neuf, & apres eut à femme madame Iehanne, Comtesse de

L'an mil trois cens cinquante.

Boulongne, veufue de feu Philippe de Bourgongne, filz aîné d'Eude, Duc de Bourgongne, & pere de Philippe Duc de Bourgogne, qui deceda à Rouure pres Dy-ion, le vingt & vniesme iour de Nouembre l'an mil trois cens soixante & vn, comme sera dict sur le dict an. Le Dimenche xxvj. iour de Septembre l'an mil trois cens cinquante, ledi& Roy Iehan, & madame Iehanne sa femme furent solennellement couronnez en l'Eglise de Reims, & là feit le Roy plusieurs nouveaux Cheualiers: c'est à sçauoir Charles son aîné filz, Daulphin de Viennois, Loys son secōd filz, Duc d'Aniou, mōseigneur Philippe Duc d'Orleans son frere, Philippe Duc de Bourgongne, filz de madame Iehanne sa femme, & de feu Philippe Duc de Bourgongne, son premier mary, les Comtes d'Alençon, d'Estampes, de Dampmartin, messire Iehan d'Artoys, & plusieurs autres: puis s'en vint le Roy à Paris, ou il feit son entrée le dixseptiesme iour d'Octobre ensuyuant qui fut moult belle & honorable: & estoient tous les gens des mestiers de Paris habillez de liurées de diuerses couleurs, & dura la festevne sepmaine: & illec demoura le Roy iusques à la saint Martin d'hyuer, pour dōner ordre à sa court de Parlement, & au faict de la iustice, & aux autres affaires de son royaume.

L'entrée triumpante du Roy Iehan en la ville de Paris.

Comment le Comte d'Eu, Connestable de France, fut decapité, & fut faict Connestable messire Charles d'Espaigne.

LE mardy xvj. iour de Nouembre ensuyuant, messire Raoul de Neelle, Côte d'Eu, & de Guynes, Connestable de France, qui nouuellement estoit venu d'Angleterre de prison, ou il auoit esté depuis l'an mil trois cens quarante six, qu'il fut prins par les Angloys en la ville de Caen, ou il estoit, lequel auoit esté par plusieurs fois eslargy par les Angloys, pour venir en France, fut prins en l'hostel de Neelle à Paris, par le Preuost de Paris: & par cōmandement du Roy

LES CRONIQ. ET ANNALES DE FRANCE

fut mis en prison audict hostel, & le Vendredy ensuyuant, bien matin, en la prison mesme ou il estoit, fut decapité : & là estoient presens du commandement du Roy, qui estoit logé au Palais, le Duc de Bourgongne, le Comte d'Armignac, le Comte de Montfort, Monseigneur Iehan de Boulongne, & autres : & auoit esté mis prisonnier pour plusieurs trahysions, qu'il confessa volontairement, en la presence du Duc d'Athenes, & des dessusdictz, auoir faictes & machinées avec les Angloys à l'encontre du feu Roy & du royaume : & fut son corps enterré aux Augustins, hors le monstier. Au moys de Ianuier ensuyuant, le Roy feit messire Charles d'Espaigne, Connestable de France, & luy donna la Comté d'Angoulesme, & feit le mariage de luy, & de la fille de messire Charles de Bloys, en son viuant Duc de Bretagne. Le premier iour d'Auril ensuyuant fut faicte vne rencontre entre François & Angloys en Xaintonge, & furent desconfitz les François, & y fut prins messire Guy de Neelle, son frere, messire Raoul d'Audenchâ, * & plusieurs autres : & au moys de Septembre apres la ville de saint Iehan de Angely, que les Angloys auoient tenuë cinq ans, fut recouuerte par les François : mais apres elle fut renduë aux Angloys, par ce que les François ne peurent auoir viures, & valoit lors le septier de bled à Paris, huit liures parisis. En ce temps estoit Chancelier de France, messire Pierre de la Forest, Archeuesque de Rouen.

Connestable
de France des
capité.

* Froissard
d'Aigrehen
Grand charté
de bleds à Pa-
ris.

De la prinse de Guynes par les Angloys, sur les François.

L'an mil trois
cens li.

L'an mil trois
cens li.

* Le ne trou-
ue point ail-
leurs qu'il
fust filz du
Roy d'Angle-
terre.



N l'an mil trois cens cinquante & vn, la ville & le chastel de Guynes furent prinse par trahyson, par les Angloys, nonobstant les trefues qui estoient lors, & là leur liura vn nommé Guillaume de Beaucouroy, Lieutenant du Capitaine dudit lieu, lequel pour ladicte cause fut prins & decapité, & apres pendu. En l'année ensuyuant mil trois cens cinquante deux, le xiiij. iour d'Aoust, ledict Guy de Neelle, Marechal de France, combatit contre les Angloys en Bretagne, & fut ledict Marechal occis en la bataille, & semblablement le seigneur de Bricquebec, & le chastelain de Beauuais, & plusieurs autres. En celle année le Duc de Lancastre filz du Roy d'Angleterre, * & vn Duc de Boësmé, Allemand, se deuoient combattre à oultrance à Paris, deuant le Roy de France, pardeuant lequel ledict Duc de Boësmé l'auoit appellé pour aucunes parolles que le Duc de Lancastre auoit dictes, touchant son honneur : & cōparurent les parties deuant le Roy hors Paris, au pré aux Clercs, pres saint Germain des prez : apres qu'ilz eurent faictz les sermens & monté à cheual, l'espée au poing, prestz de combattre, le Roy print leur question en ses mains, & les appointa sans bataille. En iceluy an mourut Pape Clement sixiesme, en Auignon, & fut esleu vn Cardinal du tiltre d'Ostie, natif de Lymosin, qui en son propre nom estoit appellé Estienne Aubert, & auoit esté Euesque de Clermôt, & fut sacré, & appellé Innocent.

Comment le Roy de Nauarre, Comte d'Eureux, qui auoit espousé la fille du Roy Iehan, feit tuer messire Charles d'Espaigne, Connestable de France.

L'an mil trois
cens cinquante
et trois.

Charles d'Es-
paigne Con-
nestable de
France, tué en
son lietz.

* Froissard,
dict Maulue-
Mallet, Meun-
lanc.



N l'an mil trois cens cinquante & trois, le Roy Charles de Nauarre, Comte d'Eureux, qui auoit espousé la fille du Roy Iehan, estant lors à Eureux, dont il estoit Comte, monta à cheual, & en sa compagnie estoit messire Philippe de Nauarre, son frere, messire Iehan, Comte de Harecourt, & ses freres messire Geoffroy de Harecourt, leur oncle & plusieurs Cheualiers, & autres, tant Normans que Nauarrois, allerent à l'Aigle, ou estoit lors messire Charles d'Espaigne, Connestable de France : & quand ilz furent aux faulxbourgs le Roy de Nauarre s'arresta en vne grange, & feit entrer ses gens dedans la ville : lesquelz allerent au logis du Connestable qu'ilz trouuerent encor' au lietz, & là le tuerent, puis s'en vindrent au Roy de Nauarre, qui les attendoit en la grange aux faulxbourgs. Ce faict s'en retournerent en la ville d'Eureux, ou iceluy Roy se fortifia & se garnit, & avec luy s'allierent plusieurs Nobles de Normandie, & mesmemēt ledict seigneur de Harecourt, le seigneur de Hanebuye, * messire Iehan Mallet, * seigneur de Grauille, le seigneur de Melenne, * & plusieurs autres. Apres escripuit ledict Roy de Nauarre lettres aux bonnes villes du royaume, & aux gens du grand Conseil du Roy : esquelles lettres estoit contenu

contenu qu'il auoit fait mettre à mort ledict Connestable, pour plusieurs grands mesfaits que ledict Connestable luy auoit faitz, puis enuoya ledict Roy de Nauarre, le Comte de Namur deuers le Roy à Paris, pour s'excuser dudit fait: & aucun temps apres le Roy enuoya deuers luy plusieurs grands personnages, c'est à sçauoir monseigneur Guy de Boulongne, Cardinal, Robert le Coq, Euesque de Lyon, le Duc de Bourbon, le Comte de Vendosme, & plusieurs autres, ausquelz le Roy de Nauarre, à qui ne fust pas de demander que le Roy luy pardonnast son mesfait, & fait plusieurs grandes demandes de quelques choses qu'il vouloit auoir du Roy Iehan, & fut la chose deslors en dangier de faire grandes guerre entre lesdictz deux Roys: car ledict Roy de Nauarre auoit fait de grandes alliances & grâdes semonces en diuers pais, & si garnissoit ses villes & places, qu'il auoit en Normandie & ailleurs: toutesfois finablement fut fait vn appointement, par lequel entre autres choses le Roy de France promet au Roy de Nauarre, & luy assigna xxxviij. mil liures de rente, tant pour acquiter certaine rente que ledict Roy de Nauarre prenoit sur le tresor du Roy, qu'aussi pour autre rente que le Roy luy deuoit assigner par aucuns traitez faitz long temps parauant, entre les predecesseurs des deux Roys, pour cause des Comtez de Champagne & Brie, à cause du mariage du Roy de Nauarre, Comte d'Eureux, son pere, qui espousa la fille du Roy Loys Hutin, filz de Philippe le Bel, à laquelle lesdictz royaumes & Comtez de Champagne & de Brie deuoient appartenir: & pour l'assiette desdictz xxxviij. mil liures tournois de rente luy furent baillées les Vicomtez de Beaumont le Roger, Bretueil, Conches, Orbec, le Pontaudemer, le Baillage & pais de Constatin. Oultre ce luy fut accordé que lesdictz aliez de Normandie luy feroient hommage de leurs terres, se faire le vouloient, autrement non: & qu'il tiendrait toutes lesdictes terres, avec celles qu'il tenoit parauant, en Perrie, & qu'il pourroit tenir s'il vouloit en lesdictes terres son eschiquier, aussi noblement comme le Duc de Normandie: & pardonna le Roy ausdictz de Harecourt, de Grauille, & à tous ceux qui estoient consentans & aydans à la mort dudit feu Connestable. Nonobstant tout celà, auant que le Roy de Nauarre voulust venir deuers le Roy, il conuint au Roy luy liurer vne grande somme d'escuz, & bailler en ostage monseigneur Loys Duc d'Aniou, son second filz: & lors vint à Paris, à grand orgueil, & grand' compaignie de gēs d'armes: & le iij. iour de Mars, audict an fut ledict Roy de Nauarre, en propre personne en la chambre de Parlement, deuant le Roy, tenant le siege, avec aucuns de ses Pers, & plusieurs de ses Conseillers, & y estoit aussi le Cardinal de Boulongne, & autres: & pria ledict Roy de Nauarre au Roy qu'il luy pleust luy pardonner la mort dudit Connestable, en disant qu'il auoit eu de ce faire bonne & iuste cause, laquelle il estoit prest de dire au Roy vne autresfois, & qu'il ne l'auoit point fait au contemnement du Roy, ne de son office de Connestable, & qu'il ne seroit de rien si courroucé comme d'estre en l'indignation du Roy. Lors messire Iaques de Bourbon, Comte de Poitou, que le Roy auoit fait nagueres parauant Connestable de France, du commandement du Roy meit la main audict Roy de Nauarre, & le feit on retirer à part: & lors entrerent en ladicte chambre de Parlement la Royne Iehanne qui femme auoit esté de Charles le Bel, tante de la Royne Blanche, & icelle Royne Blanche, qui femme auoit esté dudit feu Roy Philippe de Vallois dernier trespassé, & estoit sœur dudit Roy de Nauarre, & firent la reuerence au Roy, & s'agenoillerent. Et adonc messire Regnault de Trie, dict Patrouillard, s'agenouilla subitement, & deit: Mon tresredouté seigneur, voicy mes dames les Roynes, Iehanne & Blanche, qui ont entendu que monseigneur de Nauarre est en vostre malle grace, dōt elle sont moult desplaisantes & courroucées, pource sont venuës par deuers vous, & vous supplient que vostre plaisir soit luy pardonner vostre maltalent, & si Dieu plaist il se portera dorenavant enuers vous si bien que vous & tout le peuple de France en sera bien content. Apres les parolles dictes, ledict Connestable & l'un des Mareschaulx de France allerent requier ledict Roy de Nauarre, & le ramenerent en ladicte chambre de Parlement, lequel Roy de Nauarre se meit entre les deux Roynes. Et lors ledict Cardinal de Boulongne, en parlant au Roy de Nauarre, deit telles parolles: Monseigneur de Nauarre, nul ne se doit esmerueiller si le Roy s'est tenu mal contēt de vous, pour le cas adueni, qu'il ne conuient ia reciter, car vous l'avez assez public par voz lettres, & autrement: & ne le deussiez pas auoir fait, car vous estes enuers luy tenu, à cause de ce qu'estes son prochain parent, & estes son homme & Per, & si avez espousé madame, sa fille, & de

Second volume.

CC ij

*Du Roy de
Nauarre qui
requist pardō
au Roy, en
plain Parle-
ment d'auoir
tué & occis le
Connestable
de France.*

tant plus en auez vous mesprins : toutesfois pour l'honneur de mes dames les Roynes, qui tant affectueusement l'ont requis, & aussi qu'il tient que l'avez fait par mauuais conseil, il le vous pardonne de bon cœur, & de bonne voluté, & lors lesdictes deux Roynes, & le Roy de Nauarre, se meirent le genouil à terre, remerciât le Roy. Apres ce, deit encore ledict Cardinal, present plusieurs seigneurs, qu'aucuns, fussent du lignage du Roy, ou autres, ne s'aduenturassent plus de faire dorefnauant telz faitz & oultrages aux gés & officiers du Roy: car s'il aduenoit, & fust le propre filz du Roy, il en feroit faire iustice & reparation: & ce dict, le Roy se leua: & aucuns iours apres ledict Roy de Nauarre s'en retourna en ses terres de Normandie. Aucun temps apres se reconcilierent deuers le Roy de France, le seigneur de Harecourt, & son frere, qui estoient alliez parauant avec ledict Roy de Nauarre, & luy reuelerent moult de choses: & lors s'en partit de court ledict Cardinal de Boulongne, & s'en alla deuers le Pape en Auignon: & disoit on qu'il s'en estoit allé fort en la male grace du Roy: & semblablement s'en partit monseigneur Robert de Lorris, grand Conseiller du Roy, hastiuement par ce qu'on le chargeoit d'auoir sceu l'entreprinse de la mort dudit feu Conestable de France.

Comment apres le pardon que le Roy eut fait au Roy de Nauarre, il machina contre luy, parquoy le Roy feit saisir ses terres.

*L'an mil trois
cens liij.*

LN l'an mil trois cens cinquante & quatre, au moys de Nouembre, ledict Roy de Nauarre se partit secrettement de Normandie, sans le sceu & congneu du Roy, & s'en alla iusques en Auignon, latitant par diuers lieux & de là en Nauarre: & fut le Roy aduertty d'aucunes machinations qu'il auoit faictes contre luy. Parquoy il alla en Normâdie, & fut iusques à Caen & feit prendre & saisir en ses mains les terres que ledict Roy de Nauarre auoit en ses païs de Normâdie, reserué Eureux, Pontheau de mer, Cherebourg, Gauray, Auranches, & Mortaing, par ce que ceux qui estoient dedans deirent qu'ilz ne les bailleroient à autre qu'audit Roy de Nauarre, qui les leur auoit baillées en garde.

*L'an mil trois
cens lvi.*

En celle année grands Ambassades des Roys de France & d'Angleterre, allerent en Auignon deuers le Pape, pour traicter la paix: c'est à sçauoir du party de Frâce, l'Archeuesque de Rouen, Chancelier de France, & le Duc de Bourbon: & pour la part du Roy d'Angleterre, le Duc de Lancastre, & plusieurs autres: mais ilz n'y peurent rien faire: & furent par le Pape les trefues d'entre les deux royaumes prolongées seulement, iusques au moys de Ianuier. Audiect an vint à Paris, de par le Roy de Nauarre, deuers le Roy, messire Gaucher de Lorris, lequel apres ce qu'il eut parlé au Roy, en emporta sauf conduyt pour ledict Roy de Nauarre, iusques en Auril ensuyuant. En celle année le Roy feit faire florins d'or à l'aignel, & en donnoit on cinquante & deux, au marc d'or fin: & deffendit le cours de tous autres florins. L'an mil trois cens cinquante cinq, vindrent aucuns Angloys deuant le chastel de Nantes, & le soir de Carefme prenant y en eut liij. qui entrerent dedans, & le prindrent d'emblée par eschelles: mais messire Guy de Rochefort, qui en estoit Capitaine, lequel estoit allé en la ville, hors du chastel, feit tant par assault ou autrement, qu'il le recouura en la nuit mesmes, & furent lesdictz cinquante & deux Angloys mors, & prins. Enuiron la feste de Pasques audiect an, le Roy enuoya monseigneur Charles, Daulphin de Viennois, son aîné filz, pour estre son Lieutenant en Normandie, & y demoura tout l'Esté: & luy octroyerent les gens dudit païs deux mil hommes d'armes pour trois moys: & au moys d'Aoust ensuyuant ledict Roy de Nauarre s'en retourna de Nauarre, & vint en France, & descédit à Cherebourg en Constantin, en Normandie, avec bien deux mil hommes: lesquels ceux qui estoient de par luy en ses places, coururent, pillerent, & gasterent tout le païs d'environ, comme ennemys, & prindrent le Chastel de Conches, qui estoit en la main du Roy: mais en la fin fut fait appoinctement, & s'en vint ledict Roy de Nauarre, le dixhuitiesme iour de Septembre, par deuers mondiect Seigneur le Daulphin, qui estoit au chastel du Val de Rueil, en Normandie: & amena mondiect seigneur le Daulphin le Roy de Nauarre deuant le Roy, au chastel du Louure à Paris, en la presence des Roynes Jehanne & Blanche, ses tante & sœur. Si iura & afferma que depuis la mort du Conestable, il n'auoit fait chose qui deust tourner au desplaisir du Roy, & requeroit que s'il y auoit aucuns qui eussent accusé qu'on les luy nommast, pour soy iustifier, requerât au Roy qu'il luy pleust pardonner son maltalent, & promettoit que dorefnauant à tousiours luy feroit

*Le Roy Jehan
pardonna la
seconde fois
au Roy de Na
uarre.*

roit bon & loyal : & alors le Roy luy feit dire par le Duc d'Athenes , Conneſtable de France, qu'il luy pardonnoit tout de bon cœur : mais qu'il gardaſt de rencheoir.

Des courſes que feirent les Angloys en France : & comment le Roy Iehan offrit au Roy d'Angleterre de ſe combattre à luy corps à corps, pour leur querelle.

AVdiſt an, au moys d'Octobre, le Prince de Galles, filz du Roy d'Angleterre, vint en France, & deſcendit à Bourdeaulx à grand' armée: puis tira vers Thoulouze, & paſſa la riuere de Garône, puis cheuaucha vers Carcaſſonne, & ardit les faulxbourgs de la cité : & apres alla vers Narbonne & Beſiers: puis s'en retourna en Bourdelois, pillant & gaſtant le païs, & emmena grand nombre de priſonniers, ſans contrediſt : & toutesſois eſtoient audiſt païs de par le Roy, le Comte d'Armignac, qui eſtoit Lieutenant general du Roy en Languedoc, les Comtes de Foix, & de Ponthieu, Conneſtable, & autres en plus grande compaignie que le Prince de Galles, dont on murmura fort contr'eux. En ce meſme moys le Roy d'Angleterre deſcendit à Calais, avec grand' armée: puis tira vers Hedin, & rôpit le parc, & bruſla les maiſons qui y eſtoient : mais il n'entra pas au chaſteau, n'y en la ville. Lors le Roy de France, qui auoit faiſt ſon mandement, & aſſemblé ſes gens à Amyès, ſi toſt qu'il ſçeut la nouuelle de la venue dudiſt Roy d'Angleterre, partit d'Amyens pour aller au deuant : mais quand le Roy d'Angleterre ſçeut ſa venue, il ne poſa attendre, & s'en retourna à Calais. Si alla le Roy apres luy, le ſuyuant iuſques à S. Omer: & de là enuoya lediſt Roy deuers le Roy d'Angleterre, le ſeigneur de d'Euchan, *vn de ſes Mareſchaulx : & luy manda que ſ'il vouloit il ſe combatroit à luy corps à corps, ou * Froiſ dit
Daubin. puiffance cõtre puiffance, à quelque iour & en quelque lieu qu'il voudroit: mais le Roy Angloys, comme laſche & failly de courage, refuſa la bataille, & s'en repaſſa la mer, & retourna en Angleterre : parquoy le Roy s'en reuint à Paris.

D'une grand' aſſemblée que le Roy feit à Paris.

EN VIRON la feſte ſainct Andry enſuyuant, le Roy feit aſſembler en la ville de Paris les gens des trois Eſtatz de ſon royaume, & par meſſire Pierre de la Foreſt, lors Archeueſque de Rouen, & Chancelier de France, leur pria en la chambre de Parlement qu'ilz euſſent aduis qu'elle ayde ilz luy pourroient faire pour la conduicte de ſa guerre : & pource qu'il auoit entendu que ſes ſubietz ſe tenoient greuez de la mutation qu'il auoit faiſte de la monnoye, il offrit à faire forte monnoye & durable : mais qu'on luy feiſt ayde ſuffiſante : leſquelz feirent reſponſe, c'eſt à ſçauoir les gens d'Egliſe par la bouche de monſeigneur Iehā de Craon, lors Archeueſque de Reims, les Nobles, par la bouche du Duc d'Athenes, & les gens des villes, par la bouche d'Eſtienne Marcel, lors Preuoſt des Marchans de Paris, qu'ilz eſtoient preſtz de viure & mourir avec le Roy, & de le ſeruir de corps & de biens, & requirent delay pour deliberer enſemble de quel ayde ilz le ſecourroient lors. Apres ladiſte deliberation feirent reſponſe qu'ilz feroient au Roy chaſcū an trente mil hommes d'armes, dont le Roy fut bien content, & les mercia : & pour fournir au L'offre que
feirent au Roy
les trois eſtatz
aſſemblez à
Paris. paiement & ſoulde deſdiſtz trente mil hommes, fut ordonné que la gabelle du ſel & l'impoſition du vingt denier pour liure auroient cours, & ſeroient leuées ſur toutes manieres de gens, tant d'Egliſe, Nobles, qu'autres : mais pource qu'on ne ſçauoit lors combien leſdiſtes gabelles & impoſitions pourroient monter, & ſi elles ſuffiroient bien audiſt paiement & ſoulde deſdiſtz gens de guerre, fut ordonné qu'ilz ſe rasſembleroient au premier iour de Mars enſuyuāt, pour veoir l'eſtat de la valeur d'iceux aydes. Auquel iour assigné ilz trouuerent que leſdiſtes gabelles & impoſitions ne pourroient fournir audiſt paiement : & par ce fut ordonné que toutes manieres de gens du royaume (fuſſent du lignage du Roy, Prelatz, Religieux, Hoſpitaliers, Officiers, Marchans, Laboureurs, ou autres quelzconques) qui auroient cent liures de rente ou de reuenu en benefices, ou de gaiges d'offices, feroient ayde au Roy de quatre liures, & au deſſus, & au deſſous au feur l'emplaige, & les gens de meſtier & Laboureurs, qui n'auoient nul heritage ou rente, feroient chaſcun dix ſolz. Impoſition
ſur tous les
habitans de
France.

Second volume.

CC iij

LES CRONIQ. ET ANNALES DE FRANCE

Comment le Roy Iehan feit decapiter & pendre à Rouen le Comte de Harecourt, les seigneurs de Grauille, de Preaulx, & autres.

*L'an milccc.
cinquante &
cinq.*



LE moys de Mars, audiēt an mil trois cens cinquante & cinq, lediēt Roy Iehan donna audiēt monseigneur Charles, Daulphin de Viennois, son aîné filz, la Duché de Normandie, & le receut à hommage : puis lenuoya à Rouen, pour en prendre possession, & en recevoir les hommages des vassaulx. Et pource qu'aucun temps apres il fut rapporté au Roy que deuers sondiēt filz s'estoient retirez, & prenoient gouuernement autour de luy, le Roy de Nauarre, le Côte de Harecourt, les seigneurs de Preaulx, de Grauille, & autres: & qu'ilz empeschoient que ceux dudiēt pais de Normandie ne feissent au Roy payde qui luy auoit esté octroyée par ceux dudiēt pais de Normandie, en l'assemblée qui auoit esté faite l'année precedente, par mondiēt seigneur le Duc de Normandie, au val de Rueil, & ausi auoient diēt plusieurs iniurieuses & orgueilleuses parolles de la personne du Roy, de mōseigneur le Duc, son aîné filz, & de tout le royaume, le cinquiesme iour du moys d'Auril, audiēt an, le Roy se partit du lieu de Maneuille bien matin, auant le iour, tout armé, & en sa compaignie cent hommes tous armez, entre lesquelz estoient monseigneur Loys, Comte d'Aniou, son filz, monseigneur Philippe, Duc d'Orleans, son frere, monseigneur Charles * d'Artoys, Comte d'Eu, & son frere, le Comte de Tancarville, messire Arnoul de Deuchan, * Marechal de France, & autres iusques au nombre de cent : & cheuaucha tant qu'il vint droiēt au chasteau de Rouen, par l'huys de derriere, hors les murs, sans entrer en la ville, ou l'attendoit le Capitaine, auquel il auoit fait scauoir sa venuē. Si entra dedās, & trouua en la salle assis au disner, mōdiēt seigneur Charles, Daulphin de Viennois, & Duc de Normandie, son aîné filz, Charles, Roy de Nauarre, Iehan Comte de Harecourt, le seigneur de Preaulx, messire Iehan Mallet, seigneur de Grauille, le seigneur de Clermont, monseigneur Loys de Harecourt, frere dudiēt Comte, les seigneurs de Friquault, de Tournebeu, de Clere, de Maubué, Mainemares, * tous Cheualiers, Colinet Doublet, * & Iehan de Portalu, Escuyers, & aucuns autres, lesquelz ne se doubtoient pas de sa venuē. Tous lesquelz il feit leuer de table, & mettre en prison, en diueres chambres audiēt chasteau, & leur feit bailler chascun vn confesseur: & puis s'en alla disner: & si tost qu'il eut disné, luy & ceux qui estoient venus monterent à cheual, & sortirēt par lediēt chasteau hors la ville, en vn champ, ou le Roy auoit fait faire vn eschaufault sur quatre pipes: & là furent amenez en deux charrettes, par le commandement du Roy, lesdiēt Comtes de Harecourt, le seigneur de Grauille, le seigneur de Maubué, & Colinet Doublet: & leur furent les testes coupées en la presence du Roy, de sesdiēt enfans, de sondiēt frere, & autres: & puis les corps furent trainez, & penduz au gibet de Rouen, & leurs testes mises à des lances sur le gibet. Le lendemain feit deliurer le Roy les autres prisonniers, qui auoient esté prins, reserué lediēt Roy de Nauarre, & lesdiēt Friquault & Portalu, qui furent amenez prisonniers à Paris: & fut mis le Roy de Nauarre au Loure, & les deux autres au Chastelet. Pour laquelle cause Philippe de Nauarre, frere dudiēt Roy de Nauarre, & messire Geoffroy de Harecourt, oncle dudiēt feu seigneur de Harecourt, firent garnir les places dudiēt Roy de Nauarre, qu'il auoit en Normadie, de gens & de viures: & amasserent grand nombre de gens, & tindrent long temps le pais de Constatin, contre le Roy & ses gens: & à leur suggestion & poursuyte le Duc de Lancastre, Angloys, descendit audiēt pais de Constatin, avec quatre mil hommes, & cheuaucherēt à Lysieux, au Bechelouyn, * au Pontheau de mer, ou messire Robert de Hocquetot, * Maistre des Arbalestriers de France, auoit ia bien tenu le siege par huit sepmaines: lesquelz ilz surprindrent tellement qu'il fut contrainct, & ceux de sa cōpaignie, s'en fuyr, & laisser les engins & artileries qu'ilz auoient. Depuis cheuaucherēt lediēt Duc & sa compaignie vers Bretueil, & rafreschirēt le chastelet de gens & de viures: & pource qu'ilz sceurent que puis nagueres la ville & le chastelet d'Eureux auoit esté baillé es mains des gens du Roy de France, qui longuement auoient esté deuant, par les Nauarrois qui estoient dedans, lesquelz parauant auoient bruslé la pluspart d'icelle ville, & la grāde Eglise, ilz tirerent à Vernueil au Perche, & la prindrēt, pillerent & roberent tout, & en bruslerent la plus grande partie.

** Froissard
dist Iehan
d'Artoys,
Comte d'Eu,
monseigneur
Charles son
frere &c.
* d'Andre-
ghen Froisf.*

** Froisf. dist
de Mamef-
nars, Olivier
Doublet &
Iehan de Fau-
batu.*

*Le Roy de Na-
uarre & au-
tres prison-
niers à Paris.*

** à Orbec
Froissard.
* Hotetot,
Froissard &
Guag. Hoke-
cot.*

De la prinſe du Roy Iehan, deuant Poitiers

VAND le Roy, qui auoit aſſemblé ſon armée, ſçeut ces nouuelles, il tira vers Vernueil, en grande diligence : mais en cheminant il ſçeut qu'ilz en eſtoient partis, & alloient vers la ville de l'Aigle, & ne les pourroit acconſuyure : parquoy il print vn chasteau, appelé Tiliers, que tenoient les Nauarrois. Puis alla deuant Bretueil, ou il tint ſiege par huit ſepmaines, & apres luy fut rendu par compoſition : & de là s'en alla à Chartres, ou luy vindrent nouuelles que le Prince de Galles, aîné filz du Roy d'Angleterre, eſtoit parry de Bourdeaulx, & auoit cheuauché par les païs d'Auuergne, Bourbonnois & Lymosin, & auoit eſté deuant les villes de Bourges & Iſſouldun, & brûlé les faulxbourgs, par ce qu'il n'auoit peu entrer dedans. Puis atoit paſſé à Vian, pillé la ville, & tous les autres lieux des païs par ou il eſtoit paſſé : & apres eſtoit venu ſur la riuere de Loyre, & paſſé par Romorantin, qu'il print d'affault, & pluſieurs Cheualiers qui eſtoient dedans : entre leſquelz eſtoit le ſeigneur de Cran, meſſire Bouciquault, & l'Hermite de Chaumont. Puis eſtoit tiré à Tours : & lors le Roy de France alla à Tours pour le rencontrer : mais quand le Prince de Galles le ſçeut il ſe voulut retirer, & retourna vers Poitiers, pour cuyder retourner à Bourdeaulx dont il eſtoit venu : & cōbien que le Roy n'eût encores tous ſes gēs aſſemblez : toutesſois pourſuyuit il ardamment, & de hault courage lediēt Prince de Galles, le plus toſt qu'il pouuoit pour le rencontrer & combattre, & auoit grand' paour qu'il ne luy eſchapast : & tant cheuaucha que le Samedi dixſeptieſme iour de Septembre, mil trois cens cinquante ſix, il fut à deux lieuës pres de ſoſt du Prince de Galles. Iceluy Samedi les Comtes d'Auxerre & de Joigny, le ſeigneur de Chaſtillon ſur Marne, grand Maîſtre d'hoſtel du Roy, avec les compagnies qu'ilz conduiſoiēt, ſe combattirent avec pluſieurs des gens dudiēt Prince de Galles, qu'ilz rencontrèrent : & furent leſdiētz deux Comtes, & le ſeigneur de Chaſtillon deſconfitz & prins. Le Dimenche xvij. iour dudiēt moys, le Roy Iehan ioignit & approcha ſon oſt iuſques à vn quart de lieuë pres de ſoſt dudiēt Prince de Galles, qui eſtoit logé és champs de Beauuoir & de Maupertuys. Lediēt Prince de Galles n'auoit qu'environ huit mil hommes, & les François eſtoient bien quarante mil combatans. Là vint le Cardinal de Perigort, qui auoit eſté enuoyé par le Pape, pour traicter la paix deſdiētz deux Roys de Frāce & d'Angleterre, & auſſi du Roy de Nauarre, qui eſtoit prifonnier au Louure : lequel Cardinal feit pluſieurs allées & venuës eſdiētz deux oſtz, d'un coſté à l'autre : & feit le Prince de Galles de moult grandes offres au Roy. C'eſt à ſçauoir de rendre tout ce qu'il auoit conquis, & ſes gens prins & pillé, depuis ſon partement de Bourdeaulx, & de iurer de non ſoy armer, ne luy ne ſes gens, de ſept ans contre le Roy : leſquelles offres le Roy ne voulut accepter : & durant ce temps qu'on parlementoit, les Angloys ſe fermerēt de hayes, buyſſons & grands fosſez : & voyāt lediēt Cardinal qu'il ne pouuoit riens faire s'en alla à Poitiers, qui eſtoit à deux lieuës pres du lieu, ou le Roy de France auoit logé ſon oſt, deuant celui du Prince de Galles, és champs de Beauuoir & de Maupertuys, qui eſtoit pres d'un chasteau nommé Chauuigny, appartenant à l'Eueſque de Poitiers, aſſis en un fort païs de hayes & de buyſſons, tellement qu'on ne pouuoit aborder ſur ſes gens. Mais ce neantmoins le lendemain matin, qui fut le lundy xix. iour de Septembre, audiēt an mil trois cens cinquante ſix, lediēt Cardinal, qui eſtoit moult deſplaiſant qu'il ne pouuoit faire la paix, retourna, & alla d'un oſt à l'autre, & les cuyda par ſon preſchement pacifier : mais il n'y peut donner remede : & luy fut dict par un Seigneur François, qu'il s'en retournaſt hardiment ou il luy plairoit, & que plus ne ſe trauaillaſt de porter nulles parolles d'appointement, car il luy en pourroit mal prendre. Quand lediēt Cardinal veit ce, il print congé du Roy, & s'en alla au departir deuers le Prince de Galles, & luy deit : Beau filz faites ce que vous pourrez : il vous fault combattre, car ie ne puis trouuer nulle grace d'accord deuers le Roy de France. Le Prince deit : Nous nous ſommes mis en noſtre deuoir de faire offres, qui nous ſemblent raiſonnables, & puis qu'ainſi eſt qu'il n'y veult entendre, & qu'il n'y a autre moyen, c'eſt bien ſintention de nous & des noſtres de le combattre, & Dieu vueille ayder au droiēt. Lors lediēt Prince parla & preſcha ſes gens, & leur remonſtra le deuoir en quoy il s'eſtoit mis pour auoir appointement : & puis qu'ainſi eſtoit qu'il ne l'auoit peu auoir, qu'ilz ſe deliberaſſent de batailler vaillamment, ſes gens.

*L'an mil trois
cens lvi.*

*Des offres que
ſe fit le Prince
de Galles au
Roy Iehan.*

*Les remon-
ſtrances que
ſe fit le Prince
de Galles à
ſes gens.*

LES CRONIQ. ET ANNALES DE FRANCE

De la desconfiture des François faite par le Prince de Galles & ses gens.

Prise du Roy Jehan deuant Poitiers, par vn Cheualier d'Artoys.

** Je sçay que les noms de ces prisonniers peuuent estre autres ailleurs mais il est mal aisé de assurer lesquels sont les plus vrais.*

& venger leurs vies, & qu'ilz estoient gens pour combattre les François, & les desconfire, & là gagner honneur & cheuance si à eux ne tenoit: & moult d'autres parolles leur dist pour leur donner courage: & ce dist, meit le meilleur ordre qu'il peut en son ost. Lors monseigneur Gaultier, Duc d'Athenes, Comte de Brienne en Champagne Connestable de France, monseigneur Arnoul de Duel, & messire Jehan de Clermont, Mareschaulx de France, avec leurs batailles enuironnerent l'ost dudit Prince de Galles d'une part: & monseigneur Charles, Duc de Normandie, aîné filz du Roy, qui auoit la seconde bataille: monseigneur le Duc d'Orleans, qui auoit la tierce, s'approcherent d'une autre part dudit ost: mais les Angloys estoient en si fors halliers, buissons & diuers pais & de si mal venue, qu'il n'estoit homme tant fust à droict, à pied ou à cheual qui peust aborder sur eux: & lors les Archiers Angloys, dont il y auoit grand nombre, commencerent à tirer sur les François moult fort & vertueusement, eux deffendans: & de la grande quantité du traitt blessierent à l'arriuee moult de gens & de cheualx: à l'ocasion dequoy grand nombre de François tournerent le dos, & se meirent en fuyte. Les autres se combattirent fermement, & fut la bataille moult aspre & cruelle: & en icelle furent tuez de la partie du Roy, monseigneur Pierre, second Duc de Bourbon, Comte de Clermont & de la Marche, qui en son viuant auoit esté fait Per & Chambrier de France, le Duc d'Athenes, Connestable de France, messire Jehan de Clermont, Mareschal, messire Geoffroy de Charny, qui portoit l'Auriflambe, monseigneur Regnault Chameau, Euesque de Chaalons, le seigneur de Pons, & plusieurs Nobles, Escuyers, Cheualiers, & autres, iusques au nombre de sept à huit cens: & aussi y furent prins prisonniers le Roy de France, qui en la bataille s'estoit plus vaillamment porté & combatu, que nul autre de ceux de sa compaignie, & fut prins à la retraicte aux portes de Poitiers, par vn Cheualier natif de saint Omer, nommé messire Denis de Morbecque, Cheualier du pais d'Artoys, lequel s'estoit retiré au seruice du Roy d'Angleterre, pour vn homicide qu'il auoit fait à saint Omer, en guerre d'amys: auquel messire Denis, le Roy bailla son dextre gand pour gage, & luy pria qu'il le menast deuers le Prince de Galles, son cousin: car il voyoit bien que tout estoit perdu par desordre. Aussi furent prins monseigneur Philippe son quart filz, monseigneur Jaques de Bourbon, Comte de Ponthieu, frere du Duc de Bourbon, messire Jehan d'Artoys, Comte d'Eu, & son frere Charles, Comte de Longueuille, le Comte de Tancarville, monseigneur Jehan de Melun, & son filz, l'Archeuesque de Sens, messire Simon de Dampmartin, le Comte de Vendosme, le Comte de Sallebriche, le Comte de Nassou, le Mareschal de Suchan, & plusieurs autres Barons, Cheualiers, Escuyers, iusques au nombre de dixsept cens, ou enuiron: entre lesquelz mors & prins y auoit cinquante deux Cheualiers banneretz. Et voyant la grande desconfiture qui venoit sur les François, on feit retraire monseigneur Charles, Duc de Normandie, aîné filz du Roy, & ses deux autres freres, & aussi le Duc d'Orleans, frere du Roy, & aucuns autres: & finalement il fut trouué qu'il auoit esté prins dixsept Comtes, sans les Barons, Cheualiers, Escuyers: & y furent mors de six à sept mil hommes, & y eut des prisonniers qu'uns qu'autres deux fois autant que les Angloys estoient.

Comment le Prince de Galles enuoya le Roy Jehan prisonnier à Bourdeaux.



APRES la bataille ledit Prince de Galles se retira en vn pauilló, pour soy rasteschir: là luy fut par ledit messire Denis de Morbecque, amené le Roy de France prisonnier: lequel Prince alla au deuant, & luy feit moult grand honneur & reuerence, en le reconfortant, & luy disant que ce qui estoit aduenu n'estoit pas de sa vaillance: mais qu'à Dieu auoit pleu qu'ainsi se feist, & l'enhortoit de faire bonne chere: & apres le mena à Poitiers, ou on luy feit ouerture. Tantost apres le mena à Bourdeaux, avec les autres bons prisonniers, reserué le Comte d'Eu, qui estoit fort blessé: lequel fut enuoyé sur sa foy, & plusieurs autres menuz prisonniers furent mis à rançon, & laissez aller sur leur foy, pour pourchasser leurs rançons, & tant comme le Roy fut és mains du Prince de Galles, il le traitta moult honnorablement, & luy faisoit tout l'honneur qu'on luy pouuoit faire. Mondit seigneur Charles, Duc de Normandie, le Comte de Poitiers, son frere, le Duc d'Orleans, leur oncle, apres

apres ladicte desconfiture s'en vindrent à Paris, pour auoir conseil sur la deliurance du Roy, leur pere.

De l'assemblée faicte à Paris, des gens des trois Estatx de France, apres la prinse du Roy Iehan, pour le faict de la deliurance d'iceluy.

LE quinziesme iour du moys d'Octobre ensuyuant, furent assemblez à Paris les gens des trois Estatx de France, qui auoient esté mandez par mondict seigneur le Duc de Normandie: lequel par la bouche de l'Archeuesque de Rouen, Chancelier de France, leur demanda conseil & ayde, pour la deliurance du Roy, son pere, & pour la conduicte de la guerre: & furent par les gens desdictz Estatx deputez cinquante personnes, qui plusieurs fois s'assemblerent: & apres aucunes iournées feirent dire à monseigneur le Duc qu'ilz parleroient volontiers à luy en secret: lequel à ceste cause alla deuers eux au conuent des Cordeliers: & là ilz luy remonstrerent que plusieurs des Thresoriers, Maistres des comptes & des monnoyes, qui auoient esté du temps de son pere, auoient mal administré les deniers des finances, & requeroient que commission fust octroyée à l'encontre d'eux, & qu'ilz fussent puniz, & leurs biens confisquez, & qu'il muaist tous officiers, & mesmeement ceux dont les noms s'ensuyuent. Monseigneur Pierre de la Forest, Archeuesque de Rouen, Chancelier de France, messire Simon Bray, Cheualier du grand Conseil du Roy, & premier President de Parlement, messire Robert Lorris, Cheualier, premier Chambellan du Roy, messire Nicole de Braque, Cheualier, Thresorier de France, & Maistre des comptes, Enguerrand du petit Celier, Bourgeois de Paris, Thresorier de France, Iehan de Pouilleuillain, General des monnoyes, Iehan Chauueau de Chartres, Thresorier des guerres, qui tous estoient coupables: & à ceste cause qu'ilz fussent puniz par ceux qu'ilz nommeroient, & s'ilz estoient innocens, si vouloient ilz qu'ilz perdissent leurs biens, & demourassent sans offices. Item luy requeroient qu'il voulüst deliurer ledict Roy de Nauarre, que son pere auoit faict emprisonner, en luy disant, que depuis qu'il auoit esté prins prisonnier, n'estoit venu bien au Roy n'au royaume. Item requeroient que ledict Duc se voulüst gouverner par quatre Prelatz, douze Cheualiers, & douze Bourgeois qu'ilz luy bailleroient: lequel Duc leur deit qu'il auroit aduis sur ces choses, avec son conseil: mais pource que la matiere requeroit celerité, il leur prioit qu'ilz luy dissent prompte responce de quel ayde ilz luy voudroient faire octroy: & ilz luy deirent qu'ilz luy feroient vn dixiesme & demy pour vn an, sur les Nobles & gens d'Eglise, & que les gens des bonnes villes feroient pour cent fois vn homme d'armes: lequel ayde se montoit bien à trente mil hommes d'armes, lesquelz routesfois ilz payeroient par leurs mains: Sur lesquelles requestes & offres ledict Duc eut conseil par deux ou trois iours, & enuoya par deuers lesdictz deputez, aux Cordeliers, leur prier qu'ilz se voulussent deporter desdictes requestes, & qu'elles touchoient fort le Roy son pere, sans lequel il ne voudroit besongner, dont lesdictz deputez ne voulurent riens faire. Et pource que mondict seigneur le Duc ne pouuoit auoir l'octroy dudit ayde, il fut conseillé les leur accorder secrettement: mais ilz voulurent que ledict Duc leur promist & deit publiquement en la chambre de Parlement: & ce faisoient & pourchassoient aucuns particuliers desdictz Estatx, qui auoient bien intention que tous les faictz du royaume fussent par eux gouuernez: mais mondict seigneur le Duc fut conseillé de ne le faire pas. Et pource qu'à l'heure moult grand peuple estoit assemblé en la chambre de Parlement, & en la sale du Palais, ou deuoient estre faictes lesdictes requestes audit Duc, par la bouche de maistre Robert le Coq, Euesque de Laon, ledict Duc eut conseil comment il pourroit faire departir le peuple, & par le conseil qu'il eut, il enuoya querir en ladicte chambre de Parlement, pour venir en sa maison, qui estoit à la poincte du Palais, au bout des iardins de la Conciergerie, aucuns de ceux des trois Estatx: & principalement maistre Raymond Sacquet, Archeuesque de Lyon, messire Iehan de Craon, Archeuesque de Reims, & ledict Euesque de Laon, pour le clergé: & pour les Nobles y furent messire Valentin de Luxembourg, messire Iehan de Conflans, Mareschal de Champagne, & messire Iehan de Picquigny, Gouverneur d'Artoys: & pour les bonnes villes y furent Estienne Marcel, Pteuost des Marchans de Paris, Charles Roussac, Escheuin, & plusieurs autres. Et la leur deit le Duc aucunes nouuelles qu'il

*Assemblée fe-
criste qui se
fit aux Cor-
deliers de Pa-
ris, par les de-
putez des
trois Estatx.*

*L'offre que
ferrent les de-
putez des
trois Estatx
à Paris audit
Duc de Nor-
mandie.*

LES CRONIQ. ET ANNALES DE FRANCE.

auoit ouyes, tant du Roy son pere, comme de l'Empereur : & leur demanda par conseil s'il leur sembloit qu'il fust bon que lesdictes requestes, qui luy deuioient estre faictes, & pour lesquelles ouyr le peuple estoit assemblé, fussent delayées iusques à vne autre fois. Surquoy les gens du conseil dudit Duc, & aussi les autres par fiction furent d'opinion qu'elles fussent differées iusques au Ieudy ensuyuant, & ainsi s'en retournerent en la chambre de Parlement : & incontinent ledict Duc enuoya ledict Duc d'Orleans, & autres, pour dire au peuple qu'il ne pouuoit pour ce iour ouyr lesdictes requestes, pour aucunes nouuelles qui luy estoient venuës du Roy son pere, & de l'Empereur son oncle, dont il leur feit lors aucunes dire publiquemēt, & ainsi s'en departirent de ladicte chambre. Apres trouua façon de faire departir de Paris grand' quantité du peuple, qui estoit venu à l'assemblée desdictz Estatz, & les enuoyer hors de Paris, chascun en sa maison, & leur deit qu'il les remanderoit, dont plusieurs desdictz Estatz, qui auoient intention de gouverner le royaume de France, par le moyen desdictes requestes qu'ilz auoient faictes audit Duc, furent moult dolens.

De l'ayde qu'octroyerent ceux de Languedoc, & du refus de ceux de Paris.

*Ordonnance
moult louable
que firent
ceux de Lan-
guedoc.*

EMBLABLEMENT audit moys d'Octobre les gēs des trois Estatz du pais de Languedoc de l'auctorité du Côte d'Armignac, qui estoit Lieutenant du Roy audit pais, s'assemblerēt à Thoulouze, & liberalement octroyerent vn grand ayde au Roy, & promeirent souldoyer pour vn an cinq mil hommes d'armes, mille gens à cheual armez, mille Arbalestriers, & deux mil partuisiniers, tous à cheual. Et oultre ordonnerent qu'audit pais, si le Roy n'estoit deliuré durant ladicte année, homme ne femme ne porteroit en habillemens, or, argent, ne perles, couleurs de vert ne gris, robes ne chaperons decoupez, n'aures cointises, & que iangleurs ne menestriers ne ioueroient de leur mestier durant ledict an. Mōdict seigneur le Duc requist par plusieurs fois à ceux de Paris, qu'ilz luy voulussent faire aucun ayde pour le faict de la guerre : mais ilz ne voulurent oncques accorder, s'ilz ne faisoient de rechef assembler les gens des trois Estatz, ce qu'il ne trouuoit par conseil qu'il deust faire : & par ce enuoya aucuns de ses Conseillers, par les Bailliages, pour leur requerir ayde. Enuiron celle saison messire Robert de Clermont, Lieutenant de monseigneur le Duc de Normandie, desconfit au pais de Constantin bien sept cens des gens du Roy de Nauarre, & fut tué messire Geoffroy de Harecourt, qui s'estoit rédu ennemy du Roy de France, deslors que le Comte de Harecourt son frere, fut decapité à Rouen : & furent ses gens, qui peurent eschaper, cōtrainctz se retirer à S. Saulueur le Vicomte, que ledict de Harecourt auoit vendu au Roy d'Angleterre, avec ses autres seigneuries, pour en iouyr apres son trespas : & depuis en la main du Roy de France, & de mondict seigneur le Duc de Normandie, son filz, fut baillé le Pontaudemer, & prins par compolition.

Comment ledict Duc de Normandie, Regent, alla deuers l'Empereur son oncle, & de l'esmotion de ceux de Paris.

*L'an mil trois
cens lvi.*

*Nouvelle mon-
noye publiée à
Paris, qui fut
cause de con-
mouoir le
peuple.*

AV moys de Decembre, audit an mil trois cens cinquāte six, monseigneur le Duc de Normandie partit de Paris, & alla en la cité de Metz, deuers monseigneur Charles de Boësme, Empereur de Romme, son oncle de pat sa mere pour auoir conseil sur le faict de la detétion de son pere, & du gouvernement du royaume : & laissa son Lieutenant durant son absence monseigneur Loys, Comte d'Aniou, son frere : & le dixiesme iour dudit moys fut publiée à Paris nouvelle monnoye, qui auoit esté faicte par l'ordonnance dudit Duc de Normandie. C'est à sçauoir deniers blancs de six solz huit deniers Parisis, de taille, & de trois deniers d'alloy, & auoit cours chascun denier pour douze deniers : & le mouton d'or fut mis à trente solz tournois : desquelles choses le commun de Paris fut moult esmeu. Car ceux qui gouuernoient en ladicte ville ne vouloient souffrir ledict Duc auoir finance, sans leur congé : & pour ceste cause le Preuost des Marchans, nommé Estienne Marcel, & plusieurs des habitans de la ville de Paris, allerent au Loure en moult grād' nōbre deuers ledict Comte d'Aniou, & luy requierent qu'il voulüst faire cesser le cours de la

de la monnoye que monseigneur de Normandie, son frere, auoit nouuellement fait faire, & luy deirent que pour riens ilz ne souffriroient qu'elle eust cours. Mondict seigneur d'Aniou leur deit qu'il auroit conseil sur ce, & que le lendemain leur en feroit response: & par ce se departirent pour celle heure: mais le lendemain ilz retournerent deuers luy en plus grand nombre quarre fois qu'ilz n'auoient esté la iournée precedente, & semblablement y retournerent la iournée ensuyuant: & voyant le Comte d'Aniou la grande assemblée qu'ilz faisoient, leur accorda qu'on cesseroit de faire ladicte monnoye, iusques à tant qu'il scauroit la volonté de son frere, deuers lequel il pensoit tantost enuoyer, & luy escrire la requeste desdictz Preuost & habitans: & ainsi se departirent, & ne courut depuis ladicte monnoye. Le xxvij. iour du moys de Ianuier ensuyuant mondict seigneur de Normandie retourna à Paris, de deuers son oncle l'Empereur, ou il estoit allé à Metz: & estoit en sa compaignie l'Archeuesque de Rouen, Chancelier de France, lequel auoit esté nouuellement fait & prononcé Cardinal en court de Romme: & allerent deuers luy lesdictz Preuost des Marchans & habitans de Paris en grand nombre: & pour l'honneur dudiect nouveau Cardinal plusieurs ordres & colleges de ladicte ville allerent en procession iusques à saint Anthoine des Champs, hors Paris. Tantost apres que mondict seigneur le Duc de Normandie fut arriué à Paris, il enuoya deuers ledict Estienne Marcel, Preuost des Marchans de ladicte ville de Paris, aucuns de ses Conseillers qui luy deirent qu'il se trouuast vers saint Germain de Lauxerrois: car ilz luy auoient à dire aucune chose de par monseigneur le Duc: lequel Preuost à l'heure de disner y alla, avec luy grande compaignie des gens de ladicte ville, dont y en auoit plusieurs armez à descouuert: & là lesdictz Conseillers luy requirent qu'il feist cesser ceux de ladicte ville, qui donnoient empeschement au cours de ladicte monnoye: mais ilz respondirent que rien n'en feroient: & y eut si grande esmeute par toute la ville qu'ilz feirent cesser tous ouuriers d'ouurer, & commanderent que chascun s'armast: & furent en grand danger les officiers du Roy, qu'on ne feist aucune chose contre eux. Lors mondict seigneur le Duc, pour fuyr à l'inconuenient qui se pouuoit ensuyuir, & de la fureur du peuple, contre sa volonté s'accorda à ce qu'ilz voulurent, & consentit que ladicte monnoye n'eust point de cours, & que les gens des trois Estatz fussent assemblez, & que par eux en fut ordonné: dont ledict Preuost des Marchans requist lettres, que ledict Regent commāda à vn Notaire. Pour laquelle cause plusieurs desdictz officiers s'absenterent: & ledict Chancelier, qui auoit esté fait Cardinal, ne se monstra plus à Paris pour celle fois: & pource que parauant on auoit appoincté que ledict Chancelier, le Seigneur de Macy, & autres, yroient à Bourdeaux, pour les traictez du Roy de France & d'Angleterre, ilz requirēt que ceux n'y allassent point, & que leur commission fust reuocquée: parquoy couint que ledict Duc la reuocqua, reserué le Chancelier Cardinal, par ce qu'on dict qu'il conuenoit qu'il y allast, pour rendre au Roy ses seaulx de ladicte Chancellerie. Oultre ce conuint audict monseigneur le Duc, à la requeste dudiect Preuost des Marchans, qu'il enuoyast Sergens & gens en garnison es hostels de messire Simon de Bucy, & messire Nicolas Bracque, Maistre d'hostel du Roy, qui longuement s'estoit entremis de ses finances, & aussi es maisons d'Enguerrand du petit Celier, Thresorier de Frāce, & Iehan Pouilleuillain, Maistre des Comptes, & General des monnoyes, & furent leurs biens inuentoriez. Apres à la poursuyte de ceux de Paris, les gens des trois Estatz de tout le royaume furent mandez se rassembler audict Paris, au cinquiesme iour de Februrier ensuyuant. Pendant que ces choses se faisoient à Paris, messire Philippe de Nauarre, qui estoit en Contentin, cheuaucha avec huit ou neuf cens hommes en sa compaignie, iusques au deuant de Chartres, & de là à Bonneuil: & puis s'en retourna pillant & gastant tout le pais par ou il passa. Aussi messire Guillaume de Grauille print sur le Roy, par trahyson, le chastel d'Eureux, & occist le Chastelain dudiect chastel, & le bailla aux Nauarrois.

*Fureur de la
commune de
Paris.*

De l'assemblée des trois Estatz de France, faicte de rechef à Paris.



V iour qui auoit esté estably furent assemblez à Paris les gens des trois Estatz, en grand nombre de Prelatz, Nobles, & gens de bōnes villes: & par plusieurs iournées conseillerent ensemble au conuēt des Cordeliers, & là feirent plusieurs ordonnāces: & le troiesme iour de Mars messire Robert le Coq, Euesque de Laon, en l'as-

*Des remon-
strances que
feist l'Euesque
de Laon en
l'assem.*

LES CRONIQ. ET ANNALES DE FRANCE

*blée des trois
Estatz, present
le Duc de
Normandie.*


** al. Cha-
melart.*

** Les grandes
Croniques de
France le nom-
ment Nicolas
le Chanteur.*

*La pluspart
des officiers de
la cours de
Parlement &
des Comptes,
oste.*

semblée des gens desdictz trois Estatz en la chambre de Parlemēt, present ledict Duc de Normandie, le Comte d'Aniou, & le Comte de Poitiers, ses freres, & plusieurs autres, en si grand nombre que toute la salle estoit pleine, prescha & deit que le royaume & les finances auoient par cy deuant esté mal administrées & gouvernées, & que ce procedoit par la faulte dudit Cardinal, Chancelier, de messire Simon de Bucy, maistre Jehan Chauuelart, * maistre Pierre d'Orgemont, President en Parlement, Nicolas Bracque, Jehan Pouilleuillain, Jaques l'Empereur, Estienne de Paris, messire Robert de Lorris, Jehan Turpin, & autres iusques au nombre de quatorze qu'il nomma: & que les gens desdictz Estatz ne les pourroient plus souffrir n'endurer, & auoient deliberé ensemble que les dessus nommez, & autres des plus grands & principaux officiers, seroient priuez de leurs offices royaux: & requist à mondict seigneur le Duc, que deslors il les voulsist priuer, combien qu'ilz n'eussent esté ouyz, & si estoient la pluspart d'eux residens en la ville de Paris. Oultre ce requeroient que tous les officiers du royaume fussent suspenduz, & que reformateurs telz qu'ilz nommeroient fussent enuoyez par tout le royaume, pour enquerir & reformer les abbuz qui s'y faisoient, & plusieurs autres requestes qu'il feit: lesquelles aduoierent messire Jehan de Picquigny, pour l'Estat des Nobles, & Estienne Marcel Preuost des Marchans, & Colard le Caucher, * pour l'estat commun des villes: & requeroit oultre ledict Euesque que bonne monnoye courust, & telle que lesdictz gens des Estatz ordonneroient: & en ce faisant promettoient souldoyer trente mil hommes, lesquels ilz feroient payer par les mains de ceux qu'ilz y commettroient. Monseigneur le Duc, voyant qu'autrement il ne pouuoit auoir ayde, leur octroya toutes leurs requestes: & furent lesdictz dessus nommez priuez de leurs offices, & tous les autres officiers du royaume suspenduz, tellement qu'aucuns iours ne fut point tenuë de iurisdiction, iusques à ce que le Preuost de Paris fut restitué en son office. Semblablement, au regard du Parlement, ceux qui auoient esté esleuz par les gens desdictz Estatz, en ordōnerent & en osterent plusieurs, & n'y en laisserent de ceux qui y estoient, que seize: & au regard de la chambre des Comptes ilz osterent tous les Maistres & les Clercz qui y estoient, en nombre de quinze, & en meirent quatre nouveaux, deux Clercz, & deux Laiz: lesquels, pource qu'ilz n'y cōgnoissoient riens, le lendemain requierent qu'on leur baillast aucun de ceux qui parauant y estoient, pour leur remonstrer le faict de ladicte chambre: & par ce y en furent remis quatre: & tantost apres fut la monnoye publiée à Paris, par lesdictz gens des trois Estatz.

Des trefues prinſes entre le Roy & le Prince de Galles, & d'une assemblée des Estat^z rompue.



*Bon guet à
Paris.*

E dixseptiesme iour de Mars ensuyuant, en la ville de Bourdeaux, fut pourparlé de faire la paix entre le Roy de France, qui estoit encores à Bourdeaux, & le Prince de Galles, au nom du Roy d'Angleterre, son pere: & pource qu'il y auoit plusieurs articles, que ledict Prince reseruoit à son dict pere, furent prinſes trefues iusques à deux ans, lesquelles trefues furent publiées à Paris, le cinquiesme d'Auril ensuyuant: & ausi fut crié qu'on ne leueroit point le subside, qui auoit esté ordonné par les trois Estatz, ne qu'icōux Estatz ne se rassembleroient pas la quinzaine d'apres Pasques, comme ilz auoient ordonné: dont le peuple fut mal content & esmeu, mesmement contre l'Archeuesque de Sens, & les Comtes d'Eu, & de Tancarville, qui auoient apporté lesdictes lettres desdictes trefues & deffenſes, & disoit le peuple que c'estoit vne trahyson. Pour ladicte cause lesdictz Archeuesque de Sens, & Comtes d'Eu, & Tancarville, s'absenterent de Paris, moult courroucez: & disoit on qu'ilz auoient dict qu'ilz s'en vengeroient contre ceux de Paris: & qu'ilz assembleroient gens d'armes: parquoy on feit faire grand guet & garde à Paris: & le huitiesme iour dudit moys d'Auril, veille de Pasques, ledict Duc de Normandie, par la contrainte desdictz gens des trois Estatz, ordonna que nonobstant le cry precedent ledict ayde se leueroit, & que les Estatz seroient assemblez à la quinzaine ensuyuant de Pasques. Durant lesdictes trefues, le Duc de Lancastre, qui auoit tenu huit ou neuf moys le siege deuant Renes, leua ledict siege par le commandement du Roy d'Angleterre: mais on luy donna quarante mil escus, pour ses fraiz.

Comment

Comment le Roy Iehan fut mené par le Prince de Galles, en Angleterre.

E mecredy vnzieſme * iour d'Auril, lan mil ecc. lviij. apres Paſques, pour conclure le traité d'appoinctemēt pourparlé à Bourdeaux, ledit Prince de Galles feit mettre le Roy ſur la mer à Bourdeaux, pour le mener en Angleterre, & arriua le quatrieſme iour de May enſuyuant, en la ville de Londres: & hors ladiſte ville, en cheuauchant, le Roy d'Angleterre rencontra le Roy de France aux champs, & luy feit grand honneur & reuerence, & parla à luy longuement; & apres paſſa oultre ſon chemin, & ledit Roy de France & le Prince de Galles entrerent en Londres, & luy feit on de grands honneurs, & ne fut pas fort detenu ne gardé: car il alloit chaffer, voler, & ailleurs eſbatre à ſa plaifance, toutes les fois qu'il luy plaifoit: & auoit autour de luy telles gens qu'il demandoit, eſtant logé en vn bel hoſtel, appellé Sauoye, qui eſtoit au Duc de Lancaſtre hors la ville de Londres. Environ la feſte ſainct Iehan enſuyuant, les Cardinaulx de Perigort, Durget, & de Rouen, l'Archeueſque de Sens, & autres, allerent en Angleterre, deuers le Roy de France, pour faire & conclure ledit traité de paix, ou ilz demourerent longuement: & diſoit lon en France par pluſieurs fois que ledit traité eſtoit rompu, & qu'il ne ſe feroit point. Tantost apres l'aſſemblée deſdictz trois Eſtatz de France, les gens des bonnes villes cōgnurent que les douze qui auoient eſté commis pour le gōuuernement des deniers de ſayde, n'eſtoient pas loyaux, & que les pourſuytes qu'ilz auoient faiſtes eſtoient tendans à leur profit pāticulier: parquoy ilz ne voulurent plus obeïr ne riens faire pour eux, & furent la pluſpart des officiers, qui auoient eſté oſtez, remis en leurs Eſtatz & offices: & lors mondiſt ſeigneur le Duc de Normandie deit au Preuoſt des Marchans de la ville de Paris & autres, qu'il ne vouloit plus auoir de Curateur, & vouloit doreſnauant gōuerner luy meſmes, & qu'ilz ne s'entremiſſent plus du gōuuernement du royaume, lequel ilz auoient lors tellement entrepris qu'on obeïſſoit plus à eux qu'à luy: & commença mondiſt ſeigneur le Duc à cheuaucher par aucunes de ſes bonnes villes du royaume, & leur faire requēſte en ſa perſonne, pour auoir ayde d'eux: parquoy ledit Eueſque de Laon, qui auoit touſiours conduit, comme le principal, le faiſt de ceux deſdictz trois Eſtatz, s'en retourna à Laon, & voyoit biē qu'il auoit tout gaſté. Ce voyās ceux de Paris, au moys d'Octobre enſuyuant, ſe reconcilierent enuers mondiſt ſeigneur le Duc de Normandie, & feirent tant qu'il retourna en ladiſte ville, & luy promeirent fournir vne grand' cheuance pour ayder à la deliurance du Roy ſon pere: & pour celle heure ne luy requirent riens contre les officiers du Roy, ne pour la deliurance du Roy de Nauarre, dont parauant ilz luy auoient par pluſieurs fois parlé: mais ilz luy requirent que ſon plaifir fuſt que vingt ou trente bonnes villes fuſſent mandées aſſembler à Paris, ce que ledit Duc leur oſtroya: & en furent par luy mandez iuſques à ſeptante, combien qu'ilz n'en euſſent demandé que vingt ou trente. Quand ilz furent là venus ilz ne feirent aucune choſe: & allerent deuers le Duc, & luy deirent qu'ilz ne pouuoient beſongner, ſi tous les trois Eſtatz du royaume n'eſtoient aſſemblez, & que ſans eux ilz ne pourroient riens faire n'accorder, comme ilz diſoient. Si leur oſtroya ladiſte aſſemblée, au ſeptieſme de Nouembre enſuyuant, & tellemēt fut mené mondiſt ſeigneur le Duc à ladiſte aſſemblée, par diſſimulation, qu'il fallut qu'il leur oſtroyaſt tout ce qu'ilz vouloient, car il n'auoit plus de finance.

* Les Cron.
de France di-
ſent mardy
ſeſieſme iour
que le Roy
entra à Lon-
dres le vingt
quatrieſme
dudict moys.

Le Duc de
Normandie
deit & de-
claira qu'il
vouloit luy
meſmes eſtre
gōuuerneur
du royaume.

*Comment le Roy de Nauarre fut mis hors de priſon, par vn Cheualier qui
l'auoit en garde: & comment par preſchement & autrement il vou-
lut ſeduire le peuple de France contre le Roy.*

Av moys de Nouembre audict an, mil ecc. lviij. le Roy de Nauarre, qui eſtoit pri- ſonnier au chaſtel d'Alleux, en Cābreſis, fut par trahyſon, & ſans le ſceu du Duc de Normandie, deliuré par meſſire Iehan de Picquigny, Cheualier, lors Gōuuerneur d'Artoys, auquel le Roy ſauoit baillé en garde: lequel Roy de Nauarre vint à Amys, & deliura tous les priſonniers, tāt de la iuſtice d'Egliſe, que des priſons du Roy, & ſeiourna en ladiſte ville par aucūs iours: puis par le moyē de la Royne Blanche, ſa ſœur, & de la Royne Iehanne, ſon ante, & autres ſes amys, qui pour ceſte cauſe eſtoient venus à Paris, luy fut enuoyé ſauſconduit, par mondiſt ſeigneur le Duc de Normandie,

L'an mil trois
cens lviij.

LES CRONIQ. ET ANNALES DE FRANCE

tel que les gens du Roy de Nauarre voulurent deuifer, pour amener en sa compaignie tant & de telz gens que bon luy sembleroit, armez ou desarmez: & de ce fut cause & conducteur principal l'Euesque de Laon, qui estoit le principal qui conduisoit le fait des gens desdictz trois Estatz, & lequel auoit proiecté & procuré lesdictes choses, par la puissance & ayde dudit Preuost des Marchans de Paris. Et fut ledict faufconduit porté audict Roy de Nauarre, iusques à Amyens, par vn Clerc, nommé Matthieu de Piquigny, & par vn des Escheuins de Paris, nommé Charles Rouillac: parquoy plusieurs des gens des bonnes villes, qui estoient venus à l'assemblée desdictz trois Estatz, spécialement des parties de Champagne & Bourgogne, s'en partirent, & eux en retournerent sans prendre congé, quand ilz sceurent que le Roy de Nauarre deuoit venir, pour ce qu'ilz se doubterent qu'on leur voulsist faire aduouer la deliurance d'iceluy Roy. Le penultime iour de Nouembre audict an, la veille saint Andry, entra le Roy de Nauarre à Paris: & estoient allez l'Euesque de Paris, le Preuost des Marchans de ladicte ville, & autres plusieurs au deuant de luy, iusques à saint Denis, & alla descendre, & foy loger en l'abbaye saint Germain des prez. Le lendemain iour de saint Andry, iceluy Roy de Nauarre, qui auoit fait scauoir à ceux de ladicte ville, qu'il vouloit parler à eux, monta en vn eschauffault, sur les murs de ladicte Abbaye saint Germain des prez, du costé deuers le pré aux Clercz, lequel eschauffault auoit pieça esté fait pour le Roy de France, pour veoir combattre les gaiges de bataille, qui aucunesfois se faisoient en vnes lices, audict pré au Clercz: en laquelle place estoient venus grand nombre de gens de ladicte ville de Paris, & des autres villes qui estoient venus à ladicte assemblée, par le commandement qu'auoit fait ledict Roy de Nauarre, & ledict Preuost des Marchans, à plusieurs quarteniers & cinquanteniers de ladicte ville: & estoient esti-

*De presche-
ment que feit
le Roy de Na-
uarre à ceux
de Paris.*

mez à dix mil personnes, & plus: & illec ledict Roy de Nauarre prescha, & deit moult de choses voulant demonstrier qu'il auoit esté prins sans cause, & detenu prisonnier l'espace de dixneuf moys: & contre plusieurs des officiers du Roy, & dudit Duc de Normandie, deit aussi plusieurs choses: & combien que contre le Roy, ne contre ledict Duc de Normandie, il ne deit riens appartement, toutesfois en deit il des choses assez deshonnestes, par parolles couuertes. Semblablement auoit presché & publié à Amyens, & estoit son intention de paruenir à estre Roy de France. Le lendemain premier iour de Decembre allerent au Palais, deuers monseigneur le Duc de Normandie, ledict Preuost des Marchans, maistre Robert de Corbie, & autres de ladicte ville: & luy requirerent de par les bonnes villes, qu'il voulsist faire raison & iustice audict Roy de Nauarre: & lors ledict Euesque de Laon, qui estoit le principal, & presidoit au conseil dudit Duc, & par l'aduertissement duquel lesdictz Roy de Nauarre, Preuost des Marchans, & autres de leur party par les poursuytes qu'ilz faisoient, respondoit pour mondict seigneur le Duc de Normandie, sans luy en demander congé, que ledict Duc feroit au Roy de Nauarre grace & courtoisie, comme bon frere à autre doit faire: & n'auoit lors homme à l'entour de mondict seigneur le Duc, qui oast contredire ledict Euesque de Laon. Le Dimanche ensuyuant mondict seigneur le Duc, par senhortement d'iceluy Euesque de Laon, alla en l'hostel de ladicte Royne Iehanne, à petite compaignie, pour parler audict Roy de Nauarre, qui n'estoit encores daigné venir par deuers luy: lequel Roy tantost apres qu'il sceut que ledict Duc fut arriué audict hostel, il vint à grand compaignie de gens d'armes: & à son arriué les gens dudit Roy osterent de la garde de l'huys de l'hostel les gens dudit Duc de Normandie. Quand il fut entré, ilz s'entresaluèrent assez laschement, & parlerent aucun peu ensemble: & furent ordonnez aucuns Conseillers pour ouyr les requestes que le Roy de Nauarre vouloit faire: puis se departirent d'ensemble. Le lendemain furent rapportées lesdictes requestes, en la presence de mondict seigneur le Duc de Normandie, & de plusieurs Conseillers, à poste, relz come le dessusdict Euesque de Laon voulut faire appeller au conseil, tous à la poste dudit Roy de Nauarre: & s'y trouua ledict Preuost des Marchans, maistre Robert de Corbie, Iehan de l'Isle, & plusieurs autres de ladicte ville, soubz vmbre d'aller parler d'autres matieres: lesquels furent tous d'opinion, que mondict seigneur le Duc accordast audict Roy de Nauarre lesdictes requestes: & en opinant par ledict Preuost des Marchans, on deit qu'il deit telles parolles: Monseigneur, accordez amyablement au Roy de Nauarre ce qu'il demande: car il conuient qu'il soit ainsi. Comme s'il vouloit dire: Il sera fait, vueillez ou non. Si furent rendues audict Roy de Nauarre toutes les

*Des villes
places, &c*

tes les villes & forteresses, & toute la terre qu'il tenoit en Normandie, lors qu'il fut prins: & pardonna mondict seigneur le Duc audiect Roy de Nauarre, & à tous ses adhe-
 rens, tout ce qu'ilz auoient meffaiect au Roy & au royaume de France: & si fut ordonné
 que les corps du Comte de Harecourt, des seigneurs de Grauille, de Maubué, & Coli-
 net Doublet, que le Roy Iehan auoit faiect decapiter, & pendre au gibet de Rouen, se-
 roient despenduz & renduz à leurs parens, pour les mettre en terre sainte, & toutes
 leurs terres, qui auoient esté confisquées, rendues à leurs enfans ou heritiers. Et pource
 que lediect Roy de Nauarre demandoit pour ses iniures & interectz grande somme de
 florins, & disoit on à part qu'il s'attédoit bien du moins auoir en recompense la Duché
 de Normandie, ou la Comte de Champagne, il fut ordonné qu'on traicteroit avec luy
 de continuer ceste requeste iusques à vn autre iour: & apres ladiecte conclusion mondict
 seigneur le Duc enuoya Commissaires, pour faire deliurer audiect Roy de Nauarre ses
 places qui estoient tenuës au nom du Roy de France: & apres furent lesdictz Duc &
 le Roy aucuns iours mangeans ensemble souuent, & faisans bonne chere: & ce pendant
 vindrent nouuelles à Paris, que l'accord estoit conclud en Angleterre, entre le Roy de
 Frâce, & celuy d'Angleterre: & disoit on que le Roy seroit de brief de retour en France.

Des maulx que les Nauarrois faisoient autour de Paris.

EN ce temps que ces choses se faisoient vindrent vers Villepreux, Trappes,
 & autres lieux, au Val de Gallie, plusieurs gens de guerre par diuerfes flo-
 tes & compagnies, qu'on disoit estre à messire Philippe de Nauarre, &
 ne scauoit on qui estoient leurs Capitaines, & pillerēt tout le pais iusques
 à trois ou quatre lieues pres de Paris. Le trezieme iour de Decēbre, iour
 sancte Luce, s'en partit de Paris lediect Roy de Nauarre, avec plusieurs gens d'armes, &
 s'en alla à Mante: & illec manda & vindrent deuers luy au iour de Noël ensuyuant, la
 pluspart des Capitaines des places du Roy de France, en Normandie: lesquels il entre-
 tint & fait dīner avec luy: & disoit on qu'il auoit faiect de grandes alliances: parquoy mō
 dict seigneur le Duc de Normandie fait assembler plusieurs gens de guerre, pour estre
 à Paris, & es villes d'enuiron, pour rebouter les ennemys, qui pilloient & roboiēt le pais:
 mais ceux de Paris eurent imagination, que c'estoit pour les greuer, & luy en parlerent
 plusieurs fois: & il respōdit tousiours que c'estoit pour ladiecte cause: mais ce neārmōins
 ne voulurent souffrir que nul homme armé entrast en ladiecte ville, & feirent garder les
 passages & entrées. Semblablement lediect Roy de Nauarre, qui par lediect Euesque de
 Laon estoit tousiours aduertey de tout ce que faisoit mondict seigneur le Duc, scachant
 l'assemblée qu'il faisoit, fait de sa part grand amas de gens d'armes: & doubtoit on que
 tout le pais deust estre gasté: car les Capitaines qui estoient pour le Roy de France es
 places d'Eureux, Bretueil, Pontheau de mer, & autres ne les vouloient rendre audiect
 Roy de Nauarre, sans mandement du Roy de France: & par ce disoit lediect Roy de Na-
 uarre (qui ne queroit qu'occasion de dire qu'on ne luy tenoit pas les conuenances, que
 mondict seigneur le Duc luy auoit faiectes) que son intention estoit de pourchasser son
 droict. La premiere sepmaine de Ianuier audiect an, ceux de Paris qui fauorisoient du
 tout le Roy de Nauarre, commanderent que tous ceux de ladiecte ville eussent chappe-
 rons mipartys de rouge & de pers: & tousiours estoient les gens d'armes dudiect Philippe
 de Nauarre autour de Paris, pillant, robant, & rançonnant les pauvres gens.

*Des chappe-
 rons mipartys
 des Parisiens.*

*Comment le Roy de Nauarre fait despendre du gibet de Rouen,
 les corps du Seigneur de Grauille, & autres.*

LE huietieime iour dudiect mois de Ianuier, mil trois cens cinquante & sept, le
 dict Roy de Nauarre alla à Rouen, avec grand' compagnie de gens, tāt armez
 que desarmez, ou ceux de la ville le reçeurēt, & allerent honnorablemēt au de-
 uāt de luy: & iceluy mesme iour les Nauarrois ardirēt vn bel hostel, que le Duc de Nor-
 mandie auoit à trois lieues de Rouen appellé Couronne. Le Mecredy ensuyuant que fut
 arriué lediect Roy de Nauarre audiect lieu de Rouen, il enuoya despendre les corps des
 quatre, qui auoient esté decapitez: mais on ne trouua rien du Comte de Harecourt: car
 ses parens fauoient faiect parauant secrettement oster: & furent lesdictz corps dudiect

** Notez qua-
 maintenant
 il ne commence
 son an qu'a-
 pres Pasques.
 L'hostel de
 Couronne pres
 Rouen, fut
 bruslé par les
 Nauarrois.*

LES CRONIQ. ET ANNALES DE FRANCE

Seigneur de Grauille, & autres, ensepuelis par trois beguines, & mis en trois coffres, & amenez chascun en vn chariot couuert de noir: & alla lediſt Roy de Nauarre en personne iusques au gibet, avec grand nombre de gens: & y auoit cent hommes habillez de noir, qui portoient cent grandes torches: & furent les corps arrestez au lieu ou ilz auoient esté decapitez, & illec chantées vigilles: & apres furent portez en l'Eglise cathedrale nostre Dame de Rouen: & là furent mis soubz vne grande chappelle de boys paincte de noir, toute couuerte de cierges de cire, & en vn des chariotz, qui amenerét lesdictz corps estoient les corps des seigneurs de Maubué & Colinet Doublet. Apres lediſt chariot auoit deux Escuyers armez de leurs armes sur deux cheuaulx, & leurs amys apres. Au second chariot estoit le corps de messire Iehan Mallet, Seigneur de Grauille, & apres auoit deux hommes à cheual, qui portoient deux bannieres de ses armes, & deux autres sur deux cheuaulx armez, l'un pour la guerre, & l'autre pour le tournoy. Au troysiesme chariot n'y auoit point de corps, mais il faisoit representatiō dudiſt Côte de Harecourt: & apres auoit deux bannieres, & deux hommes armez, & lediſt Roy de Nauarre & les amys apres. Le lédemain lediſt Roy de Nauarre feit assembler le peuple de ladiſte ville de Rouen, deuant l'Abbaye de S. Ouen, & leur feit vn pareil sermon qu'il auoit faiſt à Paris & à Amyens: & puis parla des quatre decapitez, & les appelloit vrays martyrs, puis alla en ladiſte Eglise nostre Dame, & feit ce iour seoir à sa table le Maire d'icelle ville, qui estoit vn homme de petit estat, marchant de vin.

Des remonſtrances que feit mondiſt seigneur le Duc de Normandie, Regent, à ceux de Paris.

* Les Cron. de France disent lundy, mais cest peu de cas pour cela.



LE Lundy * vnzieſme iour dudiſt moys de Ianuier audist an mil ccc. lviij. mondiſt seigneur le Duc de Normandie, qui longuement auoit esté à Paris, & ne pouuoit auoir cheuance, n'argent, feit ſçauoir à ceux de la ville qu'il vouloit parler à eux, & qu'ilz s'assemblaſſent aux Halles: mais lediſt Eueſque de Laon, & le Preuoſt des Marchans qui fauoriſoient le Roy de

Des remonſtrances que feit le Duc de Normandie au peuple de Paris eſtant assembleés à Halles.

Nauarre, & auoient le gouuernement des finances, le cuiderent deſmouuoir & empêcher, diſans que grand danger estoit à luy de ſoy mettre & fier entre ſi grand nombre de peuple qu'il veoyoit pres & legier à eſmouuoir: neantmoins il ne les creut pas, & y alla, & feit pluſieurs remonſtrances, diſant qu'ilz ne creuſſent pas ce qu'on leur auoit donné à entendre: car les genſd'armes qu'il faisoit assembler, n'estoit point pour les greuer, mais pour les garder, & garentir le peuple de France, qui moult auoit à ſouffrir, & qu'il vouloit du tout viure & mourir avec eux. Et au regard de ce qu'on leur auoit deit qu'il les faisoit venir pour les piller, il n'y auoit onc penſé: & oultre deit que toute la finance qui auoit esté leuée au royaume depuis que ceux des trois Eſtatz en auoient eu le gouuernement, il n'en auoit eu denier ne maille, mais il entendoit bien en faire rendre bon compte à ceux qui auoient reccu ladiſte finance, comme raiſon estoit, & ſi estoit ſon intention de doreſnauāt gouuerner le royaume, & que ſ'il euſt eu le gouuernement pieça, il euſt chaffé ſes ennemys, & n'eust pas tant attendu à les chaffer, & que ceux qui auoient eu & prins le gouuernement n'y mettoient point de remede, & remontra pluſieurs autres choſes que le peuple eut moult agreables, & dont pluſieurs ſe tournerent de ſon party: parquoy lediſt Preuoſt des Marchans & ſes alliez, doubtant que le peuple ne ſ'eſmeuſt contre luy & ſesdictz complices, en la faueur dudiſt Duc, le Vendredy enſuyuant feit vne assemblee en l'Eglise ſainct Iaques de l'Hospital: mais quand lediſt Duc le ſceut il y alla, & avec luy lediſt Eueſque de Laon, & feit dire & remonſtrer au peuple ce qu'il auoit propoſé le iour precedēt aux Halles, & qu'il ne tenoit pas à luy ſi on ne tenoit au Roy de Nauarre ce qui luy auoit esté promis, en ſ'excusant que ceux qui auoient la garde des places, de par le Roy, ſon pere, ne les vouloient bailer pour ſon mandement, ſ'ilz n'auoient mandemēt de ſon dict pere. Cela dict, monſeigneur le Duc ſ'en partit par vn grand tumulte, qui ſ'eſleua entre le peuple: & apres ſon parlement lediſt Preuoſt des Marchans & ſes alliez deirent pluſieurs parolles, mal ſonnans contre mondiſt seigneur le Duc: & deit vn nommé Charles Rouſſac * pluſieurs choſes cōtre les officiers du Roy, & que lediſt Preuoſt des Marchans estoit vn bon preud'homme, & qu'il auoit faiſt tout ce qu'il auoit peu pour la liberté du peuple, & que ſ'il cuidoit que ceux qui là estoient, & les autres de Paris ne le vouliſſent porter & ſoute-nir, il chercheroit ailleurs ſon ſauuement ou il pourroit. A lors pluſieurs de ceux qui là estoient

* Cron. de France diſent Conſac.

estoit de leur alliance,crierent à haulte voix qu'ilz le porteroient & soustiendroient contre tous:& ce sçachant mondict seigneur le Duc manda venir en son logis plusieurs des principaux de la ville , & les attrahit à luy tant qu'il peut , leur requerant qu'ilz luy voulussent estre bons subiectz , & il leur seroit bon seigneur , & ilz luy promirent qu'ilz viuroient & mourroient avec luy , & qu'il auoit trop mis à prendre le gouuernement. En ce temps s'estoient rassemblez les gens des trois Estatz à Paris , & y estoient venus plusieurs des bonnes villes , mais il n'y vint aucuns Nobles , & peu de gens d'Eglise , & s'assemblerent plusieurs iournées,& ne pouuoient estre d'accord. Si s'en allerent,& ordonnerent qu'ilz retourneroient l'vniemesme iour de Feurier ensuyuant:& par prouision ilz ordonnerent qu'on feroit nouuelle monnoye plus foible que celle qui auoit esté faite,& que ledict Duc de Normãdie en auroit dû profit le cinquiesme denier,& les quatre seroient pour la guerre , & valut le mouton trente solz Parisis . Ce pendant les deux Roynes,Iehanne & Blanche,qui estoient à Paris,se trauailloier fort de traicter l'appoinctement d'entre monseigneur le Duc de Normandie,& le Roy de Nauarre,qui estoit à Mante:mais il y auoit de ses gens à Paris : c'est à sçauoir monseigneur Iehan de Piquigny , & autres , qui alloient & venoient : & tousiours venoient à Paris & és enuironsgend'armes,tant que ledict Duc eut bien à la Chândeleur deux mil hommes d'armes, gens de fait. Le seiziesme iour dudiect moys de Ianuier monseigneur Loys , Comte d'Estampes, print à femme madame Iehanne, fille de feu Raoul, Comte d'Eu, Connestable de France, qui fut decapité en l'hostel de Neelle à Paris: laquelle Iehanne auoit esté femme de monseigneur Gaultier, Duc d'Athenes , Comte de Brienne , en Champagne,& Connestable de France,qui mourut à la bataille de Poitiers:& ce mesme iour les aduersaires du Roy prindrent & pillerent la ville d'Estampes,& emmenerent grand nombre de prisonniers des forteresses qu'ilz tenoient en Beauisse.

Monnoye nouuelle ordonnée de rechef.

Des esmeutes de ceux de Paris : & comment ilz tuerent au Palais , en la chambre du Regent, deux des Marefchaux de France:& comment ledict Regent pour la seureté de sa personne porta vn chapperon de leur liurée.

LE xxiiij.iour dudiect moys de Ianuier Iehan Baillet, Thresorier de mondict seigneur le Duc, fut tué à Paris en la rue neufue saint Merry, par vn changeur, nommé Perrin Marc, lequel incontinent s'en alla en l'Eglise S.Iaques de la boucherie: mais mōdiect seigneur le Duc, qui en fut moult courroucé le fit tirer hors de ladiete Eglise de nuit, par messire Robert de Clermōt, son Marechal , & messire Iehan de Chaalons , & le Preuost de Paris , nommé Guillaume Staife : & le lendemain fut trainé iusques au lieu ou il auoit frappé le coup , & là eut le poing coupé,& fut mené pendre au gibet de Paris : mais l'Euesque de Paris fit tant que ledict Perrin fut despendu, & son corps estably & rapporté en ladiete Eglise , en laquelle il fut enterré, & à son enterrement fut present ledict Preuost des Marchans . En ce temps le Roy de France, qui estoit prisonnier en Angleterre, enuoya messagiers deuers son filz le Duc de Normandie, l'Euesque de Therouēne, son Chancelier, le Comte de Vendosme, le Seigneur d'Orual, * le Seigneur d'Aubigny, & messire Iehan de Sain-tre, Cheualier, & Iehan de Champeaux, pour luy faire sçauoir le traicté qu'il auoit fait pardela : lequel fut agreable à monseigneur le Duc , & à ceux de son Conseil . Enuiron le cinquiesme iour du moys de Feurier ensuyuant messire Iehan de Piquigny, Cheualier, vint à Paris de par le Roy de Nauarre : & fit à mondict seigneur le Duc, presens les Roynes Iehanne & Blanche , requeste qu'il tint audiect Roy les conuenāces qu'il luy auoit promises , & luy fit rendre ses forteresses , & les xl. mil qu'on luy auoit promis l'autre fois qu'il auoit esté à Paris , & aucuns ioyaulx qui luy auoient esté prins lors qu'il fut fait prisonnier, en disant deuant lesdictes Roynes, que ledict Roy de Nauarre auoit tenu de sa part ce qu'il auoit promis audiect Roy & audiect Duc , & que si aucun à qui il fust tenu de respondre vouloit dire le contraire, il diroit qu'il mētiroit. Lors ledict Duc, qui estoit debōnaire, s'agenouilla deuant lesdictes Roynes, qui le feirent incōtinent leuer & seoir, & deit qu'il auoit bien tenu audiect Roy de Nauarre ce qu'il auoit promis, & que ledict de Piquigny n'estoit pas hōme à qui il deust respondre:& lors ledict Euesque de Laon deit que le Duc auroit plus grād aduis sur lesdictes requestes, & en respondroit pas.

** Les Cron. de France disent de Deron le cinquieme iour du moys de Feurier ensuyuant messire Iehan de Piquigny, Cheualier & de Sainctes au lieu de Sainctre, vous y prendrez garde de s'il vous plaist, sans pour les noms propres que pour les dantes, d'autant que tousiours ne s'accordent pas.*

LES CRONIQ. ET ANNALES DE FRANCE

tant qu'il suffiroit, & ainsi se departirent. En celle sepmaine ceux de l'Vniuersité, & le Preuost des Marchans de Paris, & ceux de sa secte, s'assemblerent, & allerent deuers mondict seigneur le Duc, au Palais : & par vn frere Iacobi, nommé maistre Symon de Langres, luy feirent dire qu'il rendist les places du Roy de Nauarre, ainsi que promis luy auoit esté, & qu'ilz auoient delibéré qu'ainsi se feroit : & au surplus qu'il luy pourueust sur ses autres requestes & appointast avec luy, autrement ilz seroient à l'encontre de celuy qui ne voudroit venir à appointement. L'vnziesme iour dudiect moys de

Mil trois cens lxxj. Feurier audict an mil trois cens cinquante & sept, se rassemblerent à Paris les gens des trois Estatz, comme ilz auoient fait parauant : & ordonnerent que les gens d'Eglise payeroient demy dixiesme pour vn an, & les villes fermées seroient pour septante & six feux vn homme armé. Le quatorziesme iour dudiect moys lediect Preuost des Marchans fait armer & assembler les gens de mestier de Paris, à saint Eloy, deuant le Palais : & estoient bien trois mil hommes armez : & ainsi qu'un Aduocat, nommé maistre Regnault d'Acy, alloit du Palais en sa maison, pres saint Landry, il fut tué par lediectz gens de mestier, deuant l'Eglise de la Magdaleine, en l'hostel d'un paticier, ou il se meit pour soy cuider sauuer. Apres ce, lediect Preuost & ceux de sa compaignie entrerent au Palais, & monterent en la chambre ou estoit mondict seigneur le Duc, auquel lediect Preuost deit telles parolles : Monseigneur ne vous esbahissez de chose que vous voyez : car il est ordonné, & conuient qu'ainsi soit fait : & ce dict, aucuns de sa compaignie coururent sus à messire Jehan de Conflans, Cheualier, Marechal de Champagne, & en la presence dudiect Duc, ioignant son liect, le tuerent : & aucuns autres coururent sus à messire Robert de Clermont, Marechal de mondict seigneur le Duc, qui se recula tant qu'il peut, & se retrahit en la chambre du retraict de mondict seigneur le Duc : mais ilz le suyurent, & là le tuerent : & lors mondict seigneur le Duc, qui de ce fut moult effrayé, pria lediect Preuost qu'il le voulsist sauuer (car tous ses gens & officiers s'en estoient ia fuys, & l'auoient abandonné) & adonc lediect Preuost luy deit : monseigneur n'ayez point de paour, car vous n'avez garde. Lors luy bailla lediect Preuost son chapperon, qui estoit miparty de rouge & de pers, à la liurée de ceux de la ville, lequel

Le Duc de Normandie qui fut contrainct pour sauuer sa vie de prendre un chapperon miparty de rouge & de pers. Duc le meit en sa teste : & lediect Preuost print le chapperon de mondict seigneur le Duc, qui estoit de brunette noire, orfauerizé d'or, & le porta tout le long du iour en sa teste : & lors aucuns de la compaignie prindrent les corps de ceux qui auoient esté tuez, & en la presence dudiect Duc les trainerent inhumainement iusques deuant la pierre de marbre, en la court dudiect Palais, & là demourerent estenduz & descouuers, iusques apres disner bien tard, & n'estoit nul qui les osast oster. Apres ce, lediect Preuost & ses gens s'en allerent en l'hostel commun de la ville, en Greue, & deit au peuple que ceux qui auoient esté tuez, estoient faulx & trahystres, & qu'ilz auoient esté tuez & mis à mort pour le bien de la chose publique, & leur requist qu'ilz ne s'abandonnassent point : & lors le populaire criant, deit qu'ilz aduouoient le fait, & qu'ilz soustiendroient lediect Preuost iusques à la mort : lequel Preuost apres ces choses faictes s'en retourna, & alla de rechef avec grand compaignie de gens armez au Palais, iusques à la chambre dudiect Duc, qu'il trouua moult dolé & esbahy de ce qui estoit aduenue : & luy deit qu'il ne s'esbahist de riens des choses qu'il auoit veues : car ce auoit esté fait pour euitier plus grand inconuenient : & requist lediect Preuost que mondict seigneur le Duc voulsist aduouër le fait, & estre tout vn avec eux, & si mestier estoit d'aucun pardon, le leur donner. Ce que lediect Duc leur octroya : & pria audict Preuost qu'il feist tant que ceux de Paris voulsissent estre ses bons amys, & il seroit le leur : & apres s'en retournerent lediect Preuost & sa compaignie : & tantost apres iceluy Preuost enuoya deux pieces de draps à mondict seigneur le Duc, l'une rouge, & l'autre perse, pour faire faire des chapperons luy & ses gens, à la liurée, & telz que ceux de ladiete ville les portotent. Ce qu'il feit, & les porterent, ausi feirent ceux de la chambre des Comptes, & tous autres officiers communement.

Du gouuernement que ceux de Paris entreprenoient.

LEs corps desdictz deux Marechaulx mors furēt par l'ordonāce dudiect Preuost des Marchs, enuiron l'heure de vespres, enuoyez en vne charrette à sainte Catherine du val des Escoliers : & là furent laissez en la court denāt l'Eglise, dedans ladiete charrette. Les religieux n'y osèrent toucher, & allerent deuers lediect Preuost des Marchans,

Marchâs, pour sçauoir qu'on uoloit qu'ilz en feissent. Il leur deit qu'ilz en feissent ainfi que lediçt Duc leur ordonneroit. Si allerent deuers luy: & il leur deit qu'ilz les enterrassent secretement sans solennité: mais assez tost apres l'Euesque de Paris feit deffendre aufdictz religieux qu'ilz n'enterrassent le corps dudiçt messire Robert de Clermôt, par ce qu'il le tenoit pour excōmunié, pource qu'il auoit aydé à mettre hors du monstier de sainct Iaques, Perrin Marc, qui auoit tué Iehan Baillet. Le lendemain dudiçt cas ainfi adueni lediçt Preuost des Marchans feit assembler les gens des Estarz qui estoient à Paris, au conuent des Augustins: & leur feit par maistre Regnault * de Corbie, faire des remonstrances, que ce qui auoit esté fait estoit pour le bien de la chose publique, & fait tant que les aucuns aduouierent lediçt cas. Et le Samedi vingtquatriesme dudiçt moys mondiçt seigneur le Duc alla en la chambre de Parlement, avec aucuns de ses Conseillers, qui luy estoient demourez: & alla deuers luy lediçt Preuost des Marchans & grand nombre de gens armez & desarmez: & luy requirent qu'il gardast & entretint les premieres ordonnances qui auoient esté faictes par les gens des Estarz, & que leurs commis gouuernassent leurs finances: aussi qu'il meist aucuns en son conseil qu'ilz luy nommeroient: le quel Duc accorda tout ce qu'ilz voulurent requerir.

* Parauant
en nomme m.
Robert qui
pourroit bien
estre cestuy cy.

Du retour du Roy de Nauarre à Paris.

LE Lundy vingtsixiesme iour dudiçt moys de Feurier le Roy de Nauarre vint & entra à Paris, en grand' compaignie de gens d'armes, tant de ses gens, comme ceux de Paris: & alla descēdre à l'hostel de Neelle, qui estoit au Duc de Normandie: & tantost qu'il fut arriué le Preuost alla deuers luy, le prier qu'il voulsist porter & fauoriser ceux de Paris, & soustenir & aduouër ce qu'ilz auoient fait: puis escriuit lediçt Preuost des Marchans aux bonnes villes du royaume, pour les alier à ceux de Paris, & qu'ilz prinssent tous chapperons de leur liurée, ainfi qu'ilz les auoient prins, & les portoiēt mondiçt seigneur le Duc de Normandie, le Roy de Nauarre, monseigneur d'Orleans, frere du Roy, le Comte d'Estampes, & plusieurs autres: mais de la part desdictes villes ilz n'eurent oncques responce, n'alliance, & ne prindrent point lesdictz chapperons. Lediçt Roy de Nauarre estant à Paris, lediçt Duc & luy mangerent souuent ensemble, & s'entrefaisoient bonne chere, par semblant: & luy donna lediçt Duc son hostel de Neelle: mais ce neātmoins ceux de Paris se mutinoient, & s'armoient tous les iours: pour laquelle cause plusieurs des officiers du Roy de Nauarre, & dudiçt Duc s'absenterent de ladiçte ville: & mesmement l'Euesque de Therouenne, Chancelier de France, qui nouuellement estoit retourné d'Angleterre, & auoit laissé ses seaulx au Roy, & s'e alla en son pais en Allemagne, * par ce qu'il * al. d'Au-
ueit qu'on uoloit vser d'autres seaux, que de celui du Chastelet, duquel on vsoit en l'ab uergne.
sence du grand. Durant que ces choses se faisoient, le Roy manda à mondiçt seigneur le Duc, son filz, qu'il luy enuoyast en Angleterre deux Prelatz, & quatre Cheualiers, pource qu'il estoit par delà petirement accompagné, & deux bons & habilles notaires, pour dresser les lettres du traité & appoinctement d'entre luy & le Roy d'Angleterre. Aussi deuant ce temps, le Roy d'Angleterre manda à ceux qui tenoient les fortresses en France, lesquelles auoient esté prinſes depuis les trefues accordées à Bourdeaux, qu'ilz les rendissent: & pour ce faire enuoya deux Cheualiers Angloys: mais plusieurs des Capitaines, qui estoient dedans, n'en voulurent riens faire: mesmemēt au pais Chartrain: & disoient qu'ilz n'estoient point au Roy d'Angleterre, & qu'ilz les tenoient pour le Roy de Nauarre, & faisoient plusieurs maulx & pilleries.

De l'autorité que uoloit prendre en France le Roy de Nauarre: & comment monseigneur le Duc de Normandie, ainsné filz du Roy, fut declairé Regent.

LE diçt Roy de Nauarre estant à Paris, donna plusieurs saulz conduictz, pour aller & venir par tout le royaume de France: par lequelz il commandoit à tous officiers du royaume, comme s'il eust esté Roy de France, & y obeissoit on plus à luy qu'on ne faisoit à ceux de mondiçt seigneur le Duc de Normandie, qui estoit filz du Roy: & le mardy douziesme iour de Mars ensuyuant iceluy Roy de Nauarre s'en partit de Paris, & alla

LES CRONIQ. ET ANNALES DE FRANCE.

*Du tiltre que
le Duc de
Normandie.
Regent en Fra
ce, mettoit és
lettres qu'il
estroyoit.*

à Mante: & mondict seigneur le Duc de Normandie demoura à Paris: lequel, le quatorziesme iour d'iceluy moys, fut publié & declairé Regent du royaume (car parauant il ne s'estoit nommé que Lieutenant, depuis la prinse de son pere) & fut ordonné que dorenavant on ne seelleroit plus du seel de Chastelet, ainsi qu'on auoit fait depuis ladicte prinse, mais seelleroit on des seaux dudiect Regent. Et és arrestz de Parlement, & lettres de Chancellerie, parloit lediect Regent, & estoit son tiltre tel qu'il s'ensuyt: Charles aîné filz du Roy de France, Regent du royaume, &c. & fut le nom du Roy estainct, & baillez les seaulx dudiect Regent à maistre Jehan des Dormans, son Chancelier, Euefque de Beauuais, & furét mis au conseil dudiect Regent, le Preuost de Paris, maistre Robert de Corbie, Charles Rouillac, & Jehan de l'Isle. Tantoist apres mondict seigneur le Regent alla à Senlis, & de là à Compiègne, ou il y auoit mandé les Nobles de Picardie: & tousiours y auoit gens d'armes, ou diuisions sur le païs, qui pilloient & gastoient tout & pillerent Montlehery, Chartres, Corbeil, & emmenerent grand nombre de prisonniers. Item, le dixseptiesme iour dudiect moys de Mars, fut prins auprès de saint Cloud vn Escuyer, nommé Philippot de Repenty, & amené à Paris: & le Lundy matin fut decapité, par ce qu'il confessa estre de la compagnie de plusieurs qui auoient entrepris de prendre mondict seigneur le Regent, en la noble maison de saint Ouen, pres Paris, ou il auoit esté trois ou quatre iours deuant.

De la responce des gens des Estatz de Champaigne: & comment ceux de Paris faisoient plusieurs entreprinſes.

*L'an mil ccc.
cinquante &
huit.*

** Cr. de Fran.
disent Robert
de Rouilly.*

** Cron. de
France disent
Bresne en
Laonnois.*

** al. Tau-
pin.*

*L'artillerie du
Louure mise
en l'hostel de
la ville, par
les muins de
Paris.*

LE Lundy apres Quasimodo, neufiesme iour d'Auril, l'an mil trois cés cinquâte & huit, mondict seigneur le Regēt se trouua à Prouins, ou il auoit mandé les gens des trois Estatz de Champaigne: & combien que le Roy de Nauarre eust promis s'y trouuer, toutesfois il n'y alla point, & y allerēt de par la ville de Paris, messire Robert de Corbie, messire Pierre de Rosny, * Archediacre de Brie. Et illec aux gens des Estatz, mondict seigneur le Regent par sa bouche leur deit & remōstra le danger en quoy estoit le royaume de France, & les affaires qu'il auoit, & leur requist qu'ilz y voullissent mettre remede: lesquelz luy feirēt par la bouche de messire Simon de Rouilly, Comte de Brienne, * responce, qu'ilz estoient prestz de le conseiller, seruir & ayder, de corps & de biens, comme bons & loyaux subiectz: mais pource que les plus grands & plus puissans de Champaigne n'estoient pas là, ilz requirēt qu'ilz se peussent assembler en la ville de Vertus: & disoit iceluy de Rouilly qu'ilz n'yroient plus à Paris: laquelle requeste fut accordée par lediect Regent: puis s'en partit iceluy Regent, & alla en l'Abbaye de Prully, & de là à Monstereau faultyonne, dont le chasteau estoit gardé de par la Royne Blanche sœur du Roy de Nauarre, par vn Cheualier, nommé messire Toupin, * que lediect Regēt feit sommer de le mettre en ses mains: & apres plusieurs difficultez il le rendit audiect Regent, qui entra dedans, & y coucha vne nuit: & là luy vindrent nouuelles que ceux de Paris s'esmouuoient, & auoient intention de leur mettre dans le marché de Meaulx, & le faire garder. Pourquoy le Regent vint audiect Meaulx, ou estoit madame la Duchesse, sa femme, & y auoit enuoyé deuant le Comte de loigny, & bien quarâte hommes d'armes: & ainsi qu'il s'en vouloit partir de Meaulx pour aller à Compiègne, ou il auoit mandé assembler ceux de Picardie, & de Vermandois, luy vindrent nouuelles que ceux de Paris, auoient mis gens de par eux dedans le chastel du Louure, & y auoient prins grand' quantité d'Artillerie, que lediect Regent y auoit fait retraire, & icelle auoient fait mener en leur hostel de ville, en Greue, & si auoient escript audiect Regent vnes bien estranges lettres closes.

De l'assemblée du Regent & du Roy de Nauarre: & comment ceux de Paris voulurent faire lediect Roy de Nauarre leur Capitaine.

EN ce temps, & depuis que le Regent estoit party de Paris, peu de Gentilz-hommes repairoient à Paris, dont ceux de la ville estoient desplaisans: & disoient que les Gentilz-hommes leur vouloient mal, & fut vne grande diuision au royaume: car plusieurs tenoient le party du Regent, comme leur droict seigneur, en l'absence de son pere, &

re, & les autres tenoient le party de ceux de Paris. Autres nouuelles vindrent audiēt Regent, luy estant à Compiēgne, que ceux d'Amyens auoient grand discord en leur ville, les menuz contre les grands: si se meit en voye d'y aller, & alla iusques à Corbye: mais pource que sur les champs y auoit plusieurs ennemys gens de guerre, Angloys & Nauarrois, qui gastoient & pilloient tout, & emmenoient mesmement ceux des forteresses d'Espēnon, Chasteaulandon, & plusieurs autres lieux, & emmenoient gens prisonniers, il n'alla plus auant, & disoit on qu'à celle course ledictz ennemys auoient bien gagné cinquante mil moutons d'or, & grand nombre de prisonniers.

Item le Dimenche vingtneufiesme iour d'Auril furent les Champenois assemblez en la ville de Vertus, pour faire responce audiēt Regent, ainsi qu'ilz auoient promis à l'assemblée de Prouins: mais ledict Regent n'y peut estre, par ce qu'il estoit encores occupé au voyage vers Amyens, & y enuoya monseigneur Simon de Rouilly, Comte de Brienne, qui leur feit par luy semblables requestes, qu'il leur auoit fait à Prouins, lesquelz de Champagne, luy octroyerent faire vn ayde: c'est à sçauoir de septante feux, es bonnes villes vn homme d'armes, & au plat pais de cent feux vn homme d'armes, & des personnes de mortes mains, & formariages, de deux cens feux vn homme d'armes: les gens d'Eglise vn dixiesme, les Nobles de cent liures cent solz: lesquelz aydes ilz leueroient par leurs mains, reserué le dixiesme des gens d'Eglise que ledict Regent auoit pour sa despence. Et pour ce qu'à la derniere assemblée, faite à Paris des gens des trois estatz, il auoit esté ordonné qu'ilz s'assembleroient en ladicte ville de Paris, au premier iour de May ensuyuant, ledict Regent manda & ordonna que ladicte assemblée seroit faite à Compiēgne: & ainsi se feit, dont ceux de Paris ne furent pas contens, mais ceux de toutes les autres villes en furent bien aydes: & là fut accordé vn subside tel que les Châpenoys l'auoient accordé: qui estoit vn dixiesme, sur les gens d'Eglise, sur les Nobles de cent liures de terre, cent solz, & es bonnes villes, de septante feux vn homme d'armes. Apres s'en alla ledict Regent loger à Clermont en Beauuoysin, tirant vers le Roy de Nauarre, qui estoit logé à Merlo, pour parler à luy: & le deuxiesme iour dudit mois de May s'assemblerent lesdictz deux Princes au marché dudit Clermont, chascun en grand' compaignie de gens d'armes: & là ledict Roy de Nauarre parla fort de ceux de Paris, à fin que ledict Regent voulüst accorder à eux: lequel Regent deit au Roy de Nauarre qu'il aymeroit la ville de Paris, & sçauoit bien qu'en icelle ville auoit de bonnes gens, mais il y en auoit aucuns qui luy auoient fait de grandes rudesses & vilennies, comme tué ses mareschaulx en sa presence, & aussi puis n'agueres fait prendre son artillerie au Loure: & oultre luy deit qu'il n'auoit pas intention d'entrer en Paris, que ses besongnes & affaires du royaume ne fussent autrement dressées: & requist audiēt Roy de Nauarre qu'à les dresser le voulüst ayder, ce qu'il promist faire: & le lendemain le Roy de Nauarre s'en partit, & vint à Paris, ou ceux de la ville le reçurent & s'esioyrent grandement & honorablement l'espace de dix iours, & deslors le cuidoient faire leur Capitaine. En ce temps la ville de Paris n'estoit point close de murs du costé de deuers la Bastille saint Anthoine: & pource deslors le Preuost des Marchans: & ceux de sa secte, qui vouloient tout entreprendre le gouuernement de la chose publique, au moyen aussi qu'ilz sçauoient certainement qu'ilz n'estoient point en la bonne grace de mondict seigneur le Regent, & qu'on leur deit que ledict Regent les auoit deffiez, iceluy Preuost des Marchans feit fermer ladicte ville de petitiz murs sangles, & de fossez tout au long depuis la riuere, du costé des Celestins, & tirant tout oultre les portes saint Anthoine, le Temple, saint Martin, saint Denis, Montmartre, saint Honoré, & iusques à la tour du Boys, qui est sur la riuere pres du Loure: & par ce feit encloire ledict chasteau du Loure, qui n'auoit plus d'issue hors la ville: & à faire ladicte closture y auoit chascun iour quatre mil ouuriers, l'espace d'un an.

*Plainte du
Regent au Roy
de Nauarre,
contre ceux de
Paris.*

*Closture des
murs de Pa-
ris.*

*Le chasteau
du Loure
souloit estre
hors Paris.*

Des grands maulx que le Roy de Nauarre & ses gens faisoient en France.

DVrant l'assemblée de Compiēgne fut dict audiēt Regēt que l'Euesque de Laon, qui estoit le principal en son conseil, luy estoit faulx & trahyste, & que par luy estoient aduenus tous les maulx, à cause des aduertissemēs qu'il faisoit audiēt Roy de Nauarre, & à ceux de Paris: pour laquelle cause ledict Euesque fut en danger d'estre villenné par aucuns Nobles, qui estoient avec ledict Regent: parquoy ledict Euesque, qui

LES CRONIQ. ET ANNALES DE FRANCE

en fut aduertý, s'en partit secrettement & hastiuement dudit Compiegne, & s'en vint iusques à saint Denis, & de là mada à Paris qu'on l'allast querir: parquoy ledict Roy de Nauarre, qui encores estoit à Paris, & ceux de ladiete ville, l'enuoyerent querir à grand nombre de gens d'armes, qui l'emmenerent à Paris. Durant ce temps messire Iehan * al. Men- de Meudan, * Chastelain d'Eureux, pour le Roy de France, qui n'auoit voulu bailler la place au Roy de Nauarre, meit le feu en ladiete ville d'Eureux, & fut trouué arse & de- Meulanc. struite, dõt ledict Roy de Nauarre fut moult indigné. Les gens dudit Roy de Nauarre, de la garnison d'Espéron, dont estoit Capitaine messire Iames Pippes, lequel en ses saufs-conduictz s'appelloit Lieutenant dudit Roy de Nauarre, cheuaucherent par Gastinois, & ardirent Nemours & toutes les places & villages d'enuiron, dont moult de gens s'esbahyrent: car ledict país estoit assigné en douaire à la Roïne Blanche, sœur dudit Roy de Nauarre. Le quinziesme iour de May audict an mil trois cens cinquante & huiet, furent enuoyées d'Angleterre plusieurs lettres de par plusieurs seigneurs de France, & d'ailleurs qui là estoient: par lesquelles estoit faicte mention que la paix des deux Roys de Frâce & d'Angleterre estoit faicte & accordée. Ce que plusieurs ne vouloient croire, par ce que parauant auoit esté ainsi mandé par diuerfes fois, dont n'estoit riens, & aussi que les aucuns ne l'eussent point voulu: & ce mesme moys ceux de Paris feirent decapiter & escarteler le Maistre des pons de ladiete ville, & le Maistre des oeures de charpentier, pour le Roy à Paris, pource qu'on disoit qu'ilz auoient entrepris de mettre par la riuere les gens dudit Regent, en icelle ville.

*L'an mil trois
cens cinquante
& huiet.*

*Des maistres
des Pons &
des oeures
de Paris, qui
furent decapi-
tez & escar-
telez.*

De la Iaquerie de Beauuoyfin.



*Pourquoy les
Iaques de
Beauuoyfin es-
toient ainsi
appellez.*

*L'an mil trois
cens lviij.*

*De la ville de
Meaulx qui
fut arse, brus-
lée & pillée.*

V D I C T moys de May s'esmeurēt plusieurs menus gens populaires au país de Beauuoyfin, & coururent sus à tous les Nobles qu'ilz peurent trouuer audict país: & tuerent eux, leurs femmes, & enfans, pillerent, bruslerent & desmolirēt leurs maisons: & auoiet faict vn Capitaine, nommé Guillaume Caillēt: puis allerēt à Compiegne, mais ceux de la ville ne les voulurent pas laisser entrer dedans, si s'en retournerent à Senlis, & feirent tant qu'ilz entrerent en la ville, & abbatirent le chastel d'Armenonuille, & plusieurs autres places d'enuiron, & allerent à Beaumont sur Aysē, & abbatirent partie du chastel: & la Duchesse d'Orleans, qui estoit dedans s'enfuyt, & s'en alla à Paris: & ladiete assemblée de Beauuoyfin, qu'on appelloit la Iaquerie, par ce qu'ilz estoient tous habillez de Iaques, se multiplioit tous les iours. Ce pendant ledict Regēt, qui estoit à Meaulx, s'en alla à Sens, ou il fut receu moult honorablement par ceux de la ville. Quand ceux de Paris sceurent qu'il estoit party de Meaulx, ilz assemblerent gens iusques à huiet cens homes, dont estoit Capitaine vn nommé Pierre Gille, espicier de Paris, & vn autre nommé Iehan Vaillant: lesquelz le neu- iesme iour de Iuin, audict an mil trois cens cinquante & huiet, allerent à Meaulx, & dedans la ville & citē les bouta vn nommée Iehan Soulas, Maire de ladiete ville: combien que ceux de ladiete ville eussent promis & iuré audict Regent, à son partement, luy estre bons & loyaux, & qu'ilz ne feroient ne souffriroient faire chose qui fust contre luy, neantmoins ilz reçeurent iceux gens de guerre, & dresserent tables, vin & viandes par les ruēs: & quand ilz eurent repeu, ilz s'allerent mettre en bataille deuant le Marché dudit Meaulx (qui est vne place moult forte, separée de ladiete ville & citē, la riuere de Marne entre deux) & avecques eux se meirēt plusieurs des habitans de ladiete ville & citē: auquel marché la Duchesse, femme dudit Regent, & la sœur d'iceluy nommée Ysabeau, qui apres fut Duchesse de Milan, & Comtesse de Vertus, que le Roy Iehan luy donna en son mariage, s'estoit retirée: & avec elles estoient le Comte de Foix, le seigneur d'Angest, & plusieurs autres Gentilz-hommes, que ledict Regent y auoit laissez pour les garder: & ysirent du marché le Comte de Foix, & enuiron vingt-cinq homes d'armes, qui frapperent sur ledict Pierre Gille & sa compaignie, avecques lesquelz s'estoient mis plusieurs de la ville de Meaulx, & les tuerent & desconfirent. Toutefois il fut tué vn Cheualier dudit Marché, nommé messire Loys de Chambly, qui fut frappé d'un vireton pres de l'œil: & puis ceux dudit Marché meirent le feu en ladiete ville & citē, & la pillerent & bruslerent, reserué la grand' Eglise, & aucunes maisons des Chanoyes, & fut bruslé le chastel, qui estoit au Roy, & y dura le feu bien quinze iours: & fut

DV ROY IEHAN, PREMIER DV NOM. fo. xxliij.

& fut prins ledict Iehan Soulas, Maire, & autres principaux de ladicte ville, & fut ledict Maire decapité. Ledit monseigneur le Regent, pour obuier aux assemblées desdictz Iaquierz de Beauuoyfin, feit grand' assemblée de Gentilz-hommes & autres, & leur feit courir sus:& par tout ou on les trouuoit on les mettoit à mort,& tellement que auant qu'il fust la sainct Iehan, on disoit qu'on en auoit bien tué vingt mille.

Comment le Roy de Nauarre fut fait Capitaine de Paris.

Embablement ledict Roy de Nauarre courut sus à ceux de Beauuoyfin, & tua plusieurs des communes : & en la ville de Clermont, feit couper la teste audict Guillaume Caillet leur Capitaine. Et pource que ceux de Paris luy manderent qu'il allast vers eux, il se retira à saint Ouen, en la noble maison, & illec alla parlementer avec le Preuost des Marchans : & le Ieudy quatorziesme iour de Iuin, iceluy Roy de Nauarre vint à Paris, & au deuant de luy allerent ledict Preuost des Marchans, & plusieurs autres, qui l'accompagnerent iusques en l'Abbaye de saint Germain des Prez, ou il alla loger. Le lendemain il alla en l'hostel de ladicte ville de Paris, & prescha longuement au peuple : & entre autres choses deit qu'il ay moit moult le royaume de France, & le bien de la chose publique, & qu'il y estoit bien tenu, car il estoit des fleurs de lys, de tous costez, & eust esté sa mere Roync de France, si elle eust esté homme, car elle estoit seule fille du Roy, & pource estoit prest de viure & mourir avec eux. Apres ce parla & prescha Charles Rouffac, & deit plusieurs choses contre les Officiers du Roy & du Regent, & que le royaume estoit mal gouuerné, & estoit besoing qu'ilz feissent vn Capitaine, qui bien les gouuernerait, & bien luy sembloit que meilleur ne pourroient ilz auoir que le Roy de Nauarre : & tellement les forgea & persuada que plusieurs qui là estoient à poste, crierent à haulte voix Nauarre, Nauarre, mais la plusgrand' partie se teut, & ne l'oserent contredire:& fut ledict Roy de Nauarre tenu & fait Capitaine de Paris:& luy deit le Preuost des Marchans qu'ilz escriroient à toutes les bonnes villes, à fin qu'ilz consentissent que il fust Capiraine vniuersel du royaume de France. Ledit Roy de Nauarre feit le serment à ceux de Paris, de les garder & deffendre enuers & contre tous : & puis leur deit Beaux seigneurs ce royaume est bien malade, & y est la maladie moult enracinée, & ne peult pas estre si tost guery : si ne vous vueillez mouuoir contre moy, si ie n'appaise si tost la chose, car il fault besongner avec le temps.

Du Capitaine des Iaques de Beauuoyfin, qui fut decapité à Clermont en Beauuoyfin.

Le Roy de Nauarre fut élu Capitaine de Paris, par ceux de Paris.

Des maulx que faisoient les Nauarrois au royaume de France.

LEDICT Roy de Nauarre, qui ne taschoit qu'à gaster & destruire le pais de France, & attraire le populaire à luy, contre ledict Regent, faisoit tousiours courir ses gensd'armes, pillant & gastant le pais, & auoit fait venir en sa compaignie grand nombre d'Anglois, dont il en feit mettre plusieurs dedans Paris:lesquelz à vne esmeute qui fut en la ville, furēt tuez,& estoit la chose en vne merueilleuse cōfution, dont ledict Regent fut aduerty, lequel auoit esté long temps sur les champs, pour departir les compaignies desdictz Iaques de Beauuoyfin,& aussi des Anglois & Nauarrois, qui estoient sur le pais, és marches de Sens, Prouins, Chasteauthierry, Gandeluz. Il fut aussi aduerty que plusieurs Gentilz-hommes, qui estoient avec ledict Roy de Nauarre, l'auoient habandonné, par ce qu'il faisoit courir sus & destruire les autres Gentilz-hommes du pais, contre lesquelz ilz ne vouloient point estre. Durant ces choses la Roync Iehanne, tante du Roy de Nauarre, qui estoit à Paris, mettoit grand' diligence à trouer façon de faire appointement entre ledict Regent & le Roy de Nauarre : si alla vers ledict Regent qui estoit enuiron Meaulx, artédant ses gensd'armes qui venoient:& tousiours ardoient les Gentilz-hommes de sa compaignie les maisons qu'ilz trouuoient estre à ceux de Paris, s'ilz n'estoient Officiers du Roy ou du Regent : & n'estoit homme qui allast par pais, qui s'osast aduoüer estre de Paris. Plusieurs Gentilz-hommes, qui s'estoient tenuz avec ledict Roy de Nauarre, principalement ceux du pais de Bourgongne, quand ilz veirent qu'il eut la Capitainerie de Paris, l'abandonnerēt, disans qu'ilz ne seroient point contre le Regent, & s'en allerent en leur pais.

Nul homme allant par pais ne se fust osé aduoüer estre de Paris.

LES CRONIQ. ET ANNALES DE FRANCE.

Le Roy de Nauarre & sa compaignie allerent vers Gonneffe, & de là vers Senlis : & lediſt Regent, avec grand compaignie, qu'on eſtimoit bien à trente mil hommes de cheual, s'approcha de Paris, & s'en vint loger à Chelle ſaincte Bauldour : & la Royne Iehanne eſtoit à Laigny, qui moult ſe penoit de faire l'appoinctement : mais elle ne pouuoit pour l'orgueil de ceux de Paris : parquoy lediſt Regent s'en vint loger à Conflans, au preſ du boys de Vincēnes, & au pont de Charenton, & la feit faire vn pont ſur bateaux pour paſſer la riuere de Seine : & tint lediſt Regent, qui auoit bien trente mil cheuaulx en ſa compaignie, ceux de ladiſte ville de Paris ſi preſſez qu'ilz ne pouuoient auoir viures, n'yſſir de ladiſte ville : & lors lediſt Roy de Nauarre s'en retourna, & s'en vint loger à ſainct Denis, avec grande compaignie de gens ennemys du Roy & du royaume, Angloys, & autres des garniſons contraires qu'il auoit mandez & amasſez. En ces entrefaictes ladiſte Royne Iehanne alloit & venoit chaſcun iour audict lieu de ſainct Denis, deuers lediſt Roy de Nauarre, & audict lieu de Conflans deuers lediſt Regent, & ſe penoit & trauailloit moult pour faire l'appoinctement, mais elle n'y pouuoit trouuer moyen : toutesſois elle feit tant qu'un iour huiſtième de Iuillet ſ'aſſemblerent leſdictz Regent & le Roy de Nauarre en vn pauillon, qui pource fut tendu preſ la porte ſainct Anthoine, ou fut chanté vne meſſe, pour confermer l'appoinctemēt que ladiſte Royne auoit pourparlé, & pour bailler le corps de Ieſus Chriſt aux deux Princes : mais lediſt Roy de Nauarre, qui n'auoit pas vouloir tenir choſe qu'il promiſt, le reſuſa, en diſant qu'il n'eſtoit pas à ieun. Durant que leſdictz deux Princees eſtoient au pauillon, leurs gens eſtoient tous armez, à cheual, & rengenſez en bataille, preſ à combattre d'une part & d'autre : toutesſois par certain appoinctemēt qu'ilz feirent fut promis audict Roy de Nauarre, pour toutes choſes qu'il pourroit demander, luy ſeroit baillé dix mil liures de rente, & quatre cens mil florins à l'eſcu, en quatre années, chaſcun an cent mil : & par ce promeit lediſt Roy de Nauarre aller à Paris, pour les mettre en l'obeiſſance dudiſt Regent, & luy en faire lendemain reſponſe : mais il n'en feit riens, & s'en retourna à ſainct Denis, & lediſt Regent és carrieres de Conflans, ou il eſtoit logé. Et combien que le diſt Roy de Nauarre euſt promis audict Regent luy porter le lendemain ladiſte reſpoſe de ceux de Paris, & qu'il feroit tant qu'ilz ſe mettroient en ſon obeiſſance, comme diſt eſt, & qu'ilz luy payeroient trois cens mil eſcus, pour ayder à la rançon de ſon pere, pourueu qu'il leur quictaſt toute peine criminelle, n'en feit riens lediſt Roy, ains pluſtoſt pource qu'on luy deit que ceux de Paris eſtoient mal cōtens qu'il auoit faiſt appoinctement ſans eux, & diſoient qu'ilz ſe paſſeroient bien de luy, il vint à Paris, & feit à eux plus fortes alliances, contre lediſt Regent, que iamais : & meit dedans la ville de Paris pluſieurs Angloys, & ennemys du royaume, qu'il auoit avec luy, leſquelz il laiſſa en ladiſte ville, & s'en retourna à ſainct Denis : & ſortirent ceux de Paris en grand nombre ſur les gens dudiſt Regent, qui eſtoient logez iuſques à la Granche aux merciers, preſ la porte ſainct Anthoine : leſquelz furēt tantost ſecouruz par l'oſt dudiſt Regent, & furēt ceux de Paris deſconfitz & mis en fuyte, & pluſieurs mors. Le lendemain douzième iour de Iuillet lediſt Regent enuoya à ſainct Denis deuers lediſt Roy de Nauarre, qui ſ'y en eſtoit allé, pour ſçauoir qu'il auoit volonté de faire, & le feit requerir qu'il vint avec luy (car il auoit promis luy ayder) & il deit que lediſt Regent auoit enſrainct le traité, & que ſes gens auoient couru ſur ceux de Paris, le iour precedent, combien que le contraire eſtoit vray, car ceux de Paris auoient aſſailly ceux dudiſt Regent. Le Samedi quatorzième iour dudiſt mois de Iuillet ceux de Paris ſaillirent avec grande compaignie d'Angloys, & allerent pour aſſaillir lediſt Regent ſecrettement, par le pont que il auoit faiſt du coſté de ſainct Victor : & auant que lediſt Regent & ſes gens ſ'en apperceuſſent il en y eut pluſieurs qui eſtoient ia bien auant ſur le pont : mais quand ilz furent apperceuz ilz furent lourdement reboutez, & en furent tuez pluſieurs : & tantost ceux de l'oſt dudiſt Regent paſſerent la riuere, & ardirent Vitry, & autres villages d'environ : & ladiſte Royne Iehanne alloit & venoit ſouuent deuers leſdictz Princes, pour renouer lediſt traité. Auſſi ce iour furent faiſtes pluſieurs eſcarmouches du coſté de la Baſtille ſainct Anthoine, ou les gens dudiſt Regent allerent courir : & finalement ceux de Paris, qui ſouſtenoient de grandes pertes & dommages, voyans que le baſt les bleſſoit, furent aucunement ennuyez deſdictes guerres & diſcordz : & diſoient que le Roy de Nauarre ne faiſoit que brouiller, & qu'il ne tenoit riens de choſe qu'il promiſt. Si commencerent à murmurer contre luy, & à traiter de faire leur appoinctement enuers

Le Roy de Nauarre reſuſa de receuoir le corps de noſtre ſeigneur Ieſus Chriſt.

Deſconfiture des Pariſiens preſ la porte de ſainct Anthoine.

Ceux de Paris ſe commencerent à ennuyer du Roy de Nauarre leur Capitaine.

uers lediēt Regent, par le moyen de ladiēte Roynē Iehanne : & allerent aucuns de par eux deuers lediēt Regent, du costé de par delà la riuierē de Seine, deuers Vitry : c'est à sçauoir ladiēte Roynē Iehanne, l'Archeuesque de Lyon, qui estoit enuoyé de par le Pape, l'Euesque de Paris, le Prieur de saint Martin des champs, Iehan Velot, * Escheuin, Colin le Flament, & autres : & auoient en leur compaignie plusieurs gens armez, * alias Belot. & parlerent à luy en vn des batteaux du pont qu'il auoit fait faire pour passer ladiēte riuierē de Seine : & fut requis par ceux de Paris audiēt Regent qu'il leur voulsist pardonner son maltalent, & qu'ilz se mettroient en sa mercy, par telle condition, qu'il ordonneroit de leur fait par le conseil de la Roynē Iehanne, du Roy de Nauarre, & du Duc d'Orleans, concordablement, & non autrement, adioinct avec eux le Comte d'Estampes : & que les alliances qu'ilz auoient faictes au Roy de Nauarre, avec les bonnes villes, & tous autres, demoureroient en leur vertu. Ce que lediēt Regent leur accorda : & aussi de faire ouurir les passages des riuieres, à fin que viures & marchandises peussent estre amenées à Paris : & fut ordonné iour au Mardy ensuyuant pour faire les choses dessusdictes en la ville de Laigny sur Marne : à ceste cause fut leué & departy post dudiēt Regent : mais ce neantmoins ceux de Paris ne voulurent laisser entrer en ladiēte ville aucuns des gens dudiēt Regent.

De plusieurs esmotions qui furent faictes à Paris : & comment ceux de Paris se declairerent du party du Regent, & tuerent le Preuost des Marchans, & autres.



LA veille de la Magdaleine, vingt & vniēme iour dudiēt mois, estoit le iour assigné pour soy trouuer à Laigny, mais il fut continué & remis à Corbeil vn autre iour : & celuy mesme iour, apres disner, s'esmeut grand discord à Paris, entre ceux de la ville & plusieurs Angloys, que lediēt Roy de Nauarre auoit laissez & mis dedans ladiēte ville : & vint le discord, pource qu'on disoit qu'aucuns autres Angloys qui estoient à saint Denis, & à saint Cloud, pilloient, & gastaient le pais. Si s'esmeut le commun de Paris, & coururent sus ausdictz Angloys, & en tuerent vingt & quatre, ou vingt cinq, & si en prindrent quarante sept des principaulx de ceux qui auoient disné avec lediēt Roy de Nauarre, en l'hostel de Neelle, & plus de quatre cens autres en diuers hostels de ladiēte ville, & les meirent prisonniers au Louure : dont lediēt Roy de Nauarre, le Preuost des Marchans, l'Euesque de Laon & les autres gouuerneurs, leurs alliez, furent moult courrouceez : parquoy le lendemain iour de Dimanche, feste de la Magdaleine, allerent en la maison de la ville, ou se rendit moult de peuple enuiron l'heure de Midy, tous armez en la place de Greue : ausquelz lediēt Roy de Nauarre deit qu'ilz auoient mal fait d'auoir tué lesdictz Angloys (car il les auoit fait venir soubz son sauf-conduit pour leur ayder) mais lediēt populaire commença à crier que tous lesdictz Angloys fussent tuez, & qu'ilz vouloient qu'ainsi fust fait : & avec ce qu'ilz vouloient aller à saint Denis pour tuer ceux qui y estoient, qui auoient tout pillé & gasté le pais : & deirent audiēt Roy de Nauarre, & audiēt Preuost, qu'ilz les y menassent. Ce qu'ilz leur accorderent, & promeirent qu'ilz yroient avec eux : mais auant que partir, fut bien enuiron l'heure de vespres, dont plusieurs presumerent qu'ilz diffieroient leur parlement, pour aduertir lesdictz Angloys, à fin qu'ilz ne fussent prins à despourueu. Lors se meirent à chemin, & disoit on qu'ilz estoient bien enuiron seize cens hommes de cheual, & huit mil hommes de pied. Les vns faillirent par la porte saint Honoré, & lediēt Roy de Nauarre, & le Preuost des Marchans, sortirent par la porte saint Denis, & se tindrent longuement en vn champ entre Montmartre, & le moulin à vent : & furent veuz des coureurs venir du costé deuers Montmartre, qui deirent qu'ilz auoient veu aucuns Angloys au boys de Boulogne. Lors ceux de Paris, qui estoient sortis par la porte saint Honoré & aucuns autres qui estoient allez quand & lediēt Roy de Nauarre & Preuost des Marchans, se meirent à chemin, tirant droit là, & en veirent quarante ou cinquante enuiron le long du boys de Boulogne, & cuidoient qu'il n'y eust que ceux qu'ilz voyoient : si les allerent assaillir, & à celle heure vne grand' turbe d'Angloys, qui estoit em-

Consentement de tuer tous les Angloys qui estoient à Paris.

LES CRONIQ. ET ANNALES DE FRANCE

*Occision d'un
nombre de
Parisiens par
les Angloys.*

*Mutinerie de
ceux de Paris
contre le Pre-
uost des Mar-
chans.*

*Le Preuost
des Marchans,
& le Clerc de
la ville de Pa-
ris furent tuez.*

buschée dedans le boys, sortit sur eux: parquoy ilz se meirent en fuyte vers Paris, & Angloys les chasserent, tuant, & en tuerent bien six cens: mais neantmoins, combien que ledict Roy de Nauarre & Preuost des Marchans les veissent ainsi tuer, ilz ne s'en remuerent oncques, & ne les secoururent aucunement. Celà fait, ledict Roy de Nauarre s'en alla à saint Denis, & ledict Preuost des Marchans s'en retourna à Paris, & luy & ceux de sa compagnie furent moult huyez & blasmez de ce qu'ilz auoient ainsi laissé tuer les autres, sans les secourir: & deslors le peuple de Paris commença fort à murmurer contre lesdictz gouuerneurs. Ce neantmoins le Vendredy ensuyuant vingt-septiesme iour dudit mois de Iuillet, ledict Preuost des Marchans, & en sa compagnie bien huitz vingtz ou deux cens hommes armez allerent au chasteau du Louure, & meirent hors lesdictz Angloys, qui estoient prisonniers, & les enuoyerent par la porte saint Honoré iusques hors la ville: & s'en allerent lesdictz Angloys deuers le Roy de Nauarre à saint Denis, & ledict Preuost des Marchans avec eux, lequel se tint trois iours qu'il n'osoit seurement retourner à Paris. Le Mardy dernier iour dudit mois de Iuillet, ledict Preuost des Marchans, & autres ses alliez, allerent dîner en la bastille, ou boulleuert de la porte saint Anthoine, tous armez: & quand ilz furent là ledict Preuost commanda à ceux qui gardoient ladicte porte, qu'ilz en baillassent les clefz à Iosseran de Mascon, qui estoit Thresorier du Roy de Nauarre: mais lesdictes gardes deirent qu'ilz n'en feroient riens: & sur celle question se meurent grosses parolles entr'eux, dont vn nommé Iehan Maillard, qui gardoit vn quartier des murs de ladicte ville, pres ladicte porte ouyt les nouuelles, & vint incontinent à ladicte porte: & quand il eut ouy le debat, il deit audict Preuost des Marchans que les clefz ne seroient point baillées audict Iosseran: & sur se meurent plusieurs grosses parolles: & ce voyant ledict Maillard il print vne banniere aux armes du Roy, & monta à cheual, & commença à crier à haulte voix: Montioye saint Denis: & cheuaucha par la ville, & tous ceux qui le veoyoient allerent apres luy criant: Montioye saint Denis, & alla iusques aux Halles: & vn Cheualier, qui auoit nom Pepin des Essars, print vne autre banniere aux armes du Roy, criant semblablement par la ville: Montioye saint Denis. Quoy voyant ledict Preuost s'en partit de là: puis print aucunes lettres que luy auoit enuoyées le Roy de Nauarre, & s'en alla à la Bastille, & en sa compagnie estoient Philippe Guyphart, & Simon Paulmier. Ceux qui estoient en ladicte Bastille requirent audict Preuost qu'il leur monstraist lesdictes lettres, & s'esmeut grosse riote entr'eux, tant qu'aucuns qui là estoient coururent sus audict Philippe Guyphart qui se deffendit vaillamment, toutesfois il fut tué: & apres tuerent ledict Estienne Marcel, Preuost, & ledict Simon Paulmier: lesquelz furent tantost despouilleez, & trainez parmy la rue deuant ladicte Bastille, iusques à sainte Catherine du val des Escoliers, ainsi qu'ilz auoient fait mettre les Mareschaulx de Champagne & de Clermont (car plusieurs tenoient que c'estoit de l'ordonnance de Dieu, qu'ilz estoient mors de pareille mort, qu'ilz les auoient fait mourir) & lors ledict peuple s'esmeut pour aller querir de leurs complices: & en allant par la rue, on leur deit que Iehan de l'Isle, le ieune, estoit en l'hostel de Tours à la porte Baudet: si y entrerent & le trouuerent, & le tuerent, & semblablement Gilles Marcel, Clerc de la marchandise, qui estoit avec luy: & tantost furent despouilleez, & trainez sur les carreaux, deuant l'hostel de la ville, & la laissez tous nudz. Semblablement fut tué vn nommé Iehan Pont, & autres, vers la porte saint Martin: & furent prins prisonniers Charles Roussac, Escheuin de Paris, & ledict Iosseran de Mascon, Thresorier de mondict seigneur de Nauarre: & le lendemain furent lesdictz Roussac, & de Mascon trainez de Chastelet iusques en Greue, & decapitez, & leurs corps ictez en la riuere.

*Comment le Regent entra à Paris: & comment le Roy de Nauarre le
deffia, & des maulx que faisoient les Nauarrois.
& Angloys.*

*L'an mil ccc.
cinquante &
huit.*

LE Vendredy second iour d'Aoust, audict an mil trois cens cinquante & huit, mondict seigneur le Regent vint à Paris, en moult belle compagnie, & fut receu à grand ioye du peuple de la ville: & le lendemain ledict Roy de Nauarre l'enuoya deffier, & se

& se declaira son ennemy & aduersaire. Aucuns iours apres furent decapitez plusieurs des trahystres de ladicte ville : c'est à sçauoir vn nommé Pierre Gilles, Melsire Pierre Caillart, Cheualier, natif d'Orleans qui estoit Chastellain du Louure, deux Aduocat, & autres plusieurs : & ce mesme iour mondict seigneur le Regent alla à l'hostel de la ville, & parla au peuple, & leur remonstra les grandes trahysons qu'auoient voulu faire contre le Roy son pere, & contre luy, les trahystres qui estoient mors, & aussi l'Euesque de Laon, & plusieurs autres qui encores viuoient, & qu'ilz tendoient à vouloir faire Roy de France ledict Roy de Nauarre, s'ilz fussent venus à leurs attainctes, & mettre les Angloys & Nauarrois dedans la ville de Paris, le iour que le Preuost des Marchans auoit esté tué : & deuoient piller & mettre à mort tous ceux qui se tenoient de la partie de son pere, & de luy, & auoient esté signées les maisons de plusieurs, de diuers signes, dont plusieurs furent esbahys. Les Angloys & Nauarrois, qui estoient tout vn, allerent à Meleun, & les meit la Roynne Blanche, sœur dudit Roy de Nauarre dedans le Chastel, & prindrent vne partie de ladicte ville, deçà la riuere : mais ledict Regent y enuoya, & feit garder l'autre partie : & gasterent & bruslerent lesdictz Nauarrois l'Abbaye du Lyz, & tous les lieux d'environ, du costé de la forest de Biere, & de Gastinois. Lesdictz Angloys & Nauarrois prindrent les fortereffes & places de Poissy, saint Germain en Laye, Raix, Creil, & plusieurs autres, & tous les iours couroient, pilloient & prenoient prisonniers, iusques auprès les portes de Paris, & feirent moult de maulx & dommages en France. Audiect moys d'Aoust plusieurs Gentilz-hommes, & gens de commune de Tournay, & autres villes de Picardie, meirent le siege deuant vn chastel qui estoit à l'Euesque de Noyon, que les Angloys & Nauarrois tenoient, & en estoit Capitaine messire Iehan de Piquigny, qui s'estoit rendu ennemy du Roy & du Regent, avec ledict Roy de Nauarre : mais lesdictes communes furent desconfites, & s'enfuyrent, & furent prins prisonniers bien six vingtz des Gentilz-hommes. Aussi furent prins ledict Euesque de Noyon, & furent menez prisonniers à Creil, que tenoit ledict de Piquigny depuis que ladicte place auoit esté prinse.

*Des remon-
frances que
feit le Regent
au peuple de
Paris.*

*Des fortes pla-
ces que prin-
drent en Frâ-
ce les An-
glois.*

Comment le Chancelier de Nauarre fut tué : & comment messire Iehan de Piquigny cuyda surprendre Amyens.

LA premiere sepmaine de Septembre, le Roy de Nauarre, partant de Mante, cheuaucha avec bien deux mil hommes, & alla à Meleun rafraeschir ses gens, & veoir ses sœurs * la Roynne Blanche, & vne autre nommée Iehanne, & en cheuauchât brusla & pilla Chastres soubz Môtlehery, & les autres lieux par ou il passa. Item le Mecredy douziesme iour dudit moys de Septembre, maistre Thomas de Ladit, Chancelier dudit Roy de Nauarre, qui auoit esté mis prisonnier au Palais de Paris, des le quatriesme iour du moys d'Aoust, fut par vertu d'vnes bulles de Pape ordonné estre rendu à l'Euesque de Paris : & ainsi que deux hommes le portoiēt dudit Palais en l'hostel dudit Euesque (par ce qu'il estoit enfermé, & ne pouuoit aller à pied) si tost qu'il fut hors la porte dudit Palais, aucuns compaignons de Paris le tirerēt, & l'abbatirent à terre, & le tuerent. Messire Iehan de Piquigny, qui trahystreusement s'estoit retiré avec le Roy de Nauarre, cōtre le Roy & le Regent, avec grand' cōpaignie de gens d'armes alla à Amyens, par ce qu'il auoit intelligence à aucuns Bourgeois de ladicte ville, qui auoient promis la luy liurer : mais il faillit à son entreprinse, par la volonté de Dieu, & aussi par la resistance que feirent les bons Bourgeois de ladicte ville, & le Comte de saint Paul, qui là vint hastiuement, & n'y entrerent point, & bruslerent les faulxbourgs : & lesdictz Bourgeois, qui auoient voulu faire ladicte trahyson furent prins & decapitez par ceux de ladicte ville. Lesdictz Angloys & Nauarrois cheuaucherent par diuerses fois le país de Mucian, Dampmartin, Gonnesse, la Ferté sur Marne, & autres lieux, & emmenoiēt prisonniers, & tout pillerent & gasterent, & tenoient en subiection toutes les riuieres d'entour Paris, dont ceux de Paris ne pouuoient auoir viures, tant au dessus comme au dessoubz : & pillerent la ville de Laigny sus Marne, & si gardoient que ceux de Tournay, l'Isle, Arras, & autres villes de Picardie n'eussent nulz viures : car ilz tenoient tout le país de Beauuoyfin.

** alias, la
sœur.*

*Du Chance-
lier de Nauar-
re, qui fut tué
en saillant du
Palais de Pa-
ris.*

LES CRONIQ. ET ANNALES DE FRANCE

De la course de Robin Canolle, Angloys: & comment les Angloys & Nauarrois pillerent le païs d'Auxerrois.

*L'an mil trois
cens cinquante
et huit.*

** Cro. Fran.
disent en
Puisse.*



*D'aucuns ha-
bitans de Pa-
ris qui adhe-
rerent au Roy
de Nauarre.*

** al.yerre.*

*La ville de
Laigny sur
Marne pillée.
* Cro.Fran.
disent Ars
en Ore.*

** Regennes
Cron. Fran.*

** al.Aerre
& Mettre.*

** Grand sen-
na Cro. Fran.*

V moys d'Octobre mil trois cens cinquante & huit, Robin Canolle, Capitaine de plusieurs fortresses Angloyses, en Bretagne & Normandie, cheuaucha & courut contremôt le long de la riuere de Loyre, & print en Orleánoys Chasteauneuf, sur Loyre, & plusieurs autres places: & tâtost apres la ville de Chastilló. Et puis tira en l'Auxerrois en Puysoye, * & print vne place nommée Malicorne, & plusieurs autres: mais les gens du païs s'assemblerent & avec eux se meit vn Cheualier nommé messire Arnault de Ceruolle, autrement dict l'Arche prestre, qui venoit au mandement du Regent, avec gens d'armes, & chasserent honteusement ledict Robin Canolle. Si s'en retourna: mais par tout ou il passoit il bouroit le feu, & emmenoit prisonniers. Item le vingtcinquesme iour dudit moys furent prins en la ville de Paris, par l'ordonnance dudit Regent, plusieurs des habitans, grands & puissans gens, par ce qu'il auoit esté aduertty qu'ilz auoient conspiré trahysons contre luy enuers le Roy de Nauarre, dont le peuple se cuida esmouuoir, & allerent deuers luy au Louure grand nombre de gens de mestier, & autres, parens & amys desdictz emprisonnez, & feirent par vn Aduocat, nommé maistre Iehan Blondel, luy requerrir qu'il les deliurast: & il deit que le lendemain il yroit à l'hostel de la ville, & quand ilz l'auroiet ouy parler s'ilz vouloient ilz les deliureroit. Si alla ledict Regent le lendemain, & monta sur les degrez de la croix, qui est en la place de Greue, & declaira les trahysons qu'ilz auoient machinées, & qu'ilz estoient aliez au Roy de Nauarre: & quand il eut parlé, & que le peuple eut ouy leur cas n'y eut plus nul qui poursuyuist leur deliurâce: & ledict Blondel cria mercy audict Regent de la poursuyte qu'il en auoit faicte, toutesfois, pour ce que leur entreprinse estoit si secrette qu'on ne la peut auerir, aucuns iours apres ilz furent deliurez. Au moys de Nouembre ensuyuant arriuerent à Paris les Cardinaulx de Perigort & Durget, que le Pape auoit enuoyez pour traicter la paix dudit Regent & du Roy de Nauarre, & allerent à Meulanc deuers le Roy de Nauarre, & apres à Meleun deuers la Royne Blanche sa sœur, & par tout ne feirent riens, si s'en retournerent en Auignon. Le huitiesme iour de Ianuier les Angloys & Nauarrois qui estoient à la Ferté sus Oyze, * prirent la ville de Laigny, & là pillerent, & emmenerent plusieurs prisonniers: & quand ilz en furent partis, aucuns brigans, qui estoient venus de Milan, s'allerent mettre dedans, & la gasterent, tellement que tous les habitans s'enfuyrent, & l'habandonnerent qu'elle demoura toute gastée: & le douziesme iour dudit moys enuiron quatre cens Angloys & Nauarrois, qui tenoient la place d'Aiz, * en Octe, appartenât à l'Euesque de Troyes, coururent deuât la ville de Troyes: mais le Comte de Vaudemont, & ceux de ladicte ville, sortirent sur eux, & en tuerent enuiron six vingtz, & autant de prins: parquoy les autres bruslerent ladicte place de Aiz, & s'en partirent. Item le iour des Brandons, dixiesme iour de Mars lesdictz Angloys & Nauarrois feirent vne assemblée à Rectemiers * en Champaigne, & allerent à Auxerre, ou ilz ne trouuerent nulle ou petite garde: & par nuit d'emblée prirent ladicte vile, & monterent par eschelles par dessus les murs, ou ilz ne trouuerent nulle resistance: & y furent faictz Cheualiers Robin Canolle, & Thomelin Fouque Angloys. Au chaste de ladicte ville fut prins messire Iehan de Chaalons, filz du Comte d'Auxerre, & sa femme: & prirent lesdictz Angloys & Nauarrois tous les biens des habitans, & faignirent vouloir brusler ladicte ville: mais lesdictz habitans la rançonnerent à quarante mille moutons d'or, & soixante perles, du prix de dix mille moutons: & pour contregarde desdictes sommes emporterent les reliques de ladicte Eglise saint Germain d'Auxerre, que lesdictz habitans promeirent degaiger: & si feirent abbatre les murs, & brusler les portes de ladicte ville, & emmenerent grand nombre d'hommes, femmes & enfans prisonniers: & toutesfois n'estoient pas lesdictz Angloys & Nauarrois plus de mille, comme on disoit: & apres allerent lesdictz Nauarrois à Aubigny sur Nerre, * en Berry, & prirent la ville d'emblée, par & Mettre. nuyt, & la pillerent. En ce mesme moys messire Iames de Pippes, & messire Ote de Hollande, Cheualier Angloys, partirent d'Eureux, pour aller deuers le Roy de Nauarre. Les compaignons du chaste de Senna, * qui estoient aux seigneurs de Garanciers, en furent aduertis, & allerent au deuant d'eux, & les prirent prisonniers, avec quinze

quinze ou seize de leurs gens. Ainsi que ceux de ladicte ville d'Auxerre, qui estoient al-
lez à Paris pour faire la finance de leur rançon, s'en retournoient pour porter grand'
partie de leur rançon, ilz furent prins par les Bourguignons, qui leur osterent leur ar-
gent. Item le deuxiesme iour de May mil trois cens lix. fut la ville de Chastillon sur
Louin * bruslée par messire Robin Canolle, & ses gens, qui emportoient leur part du
butin de la pillerie d'Auxerre, & s'en alloient à Chasteauneuf.

* alias
Loing, &
les Cron.
de Franc.
Louvain.

*De l'assemblée faicte à Paris par le Regent, pour veoir le pourparlé d'ap-
pointement faict par le Roy en Angleterre.*

LE Dimenche dixneufiesme iour de May, par lettres de môdiect sei-
gneur le Regent fut faicte vne conuocation de peuple à Paris, pour
ouyr & veoir le traicté de paix qui auoit esté accordé en Angleter-
re, entre le Roy de France & celui d'Angleterre: lequel auoit esté
apporté par monseigneur Guillaume de Meleun, Archeuesque de
Sens, le Comte de Tancarville son frere, le Côte de Dampmartin,
& messire Raoul Denhan* Mareschal de France, tous prisonniers
des Anglois. A laquelle assemblée furent peu de gens, par ce qu'on ne pouuoit venir à
Paris de nulle part, pour les dangiers des ennemys qui tenoient toutes les villes & pla-
ces d'entour. Audiect iour ledict Regent fut au Palais, sur le Perron de marbre, em-
my la court, & en la presence du peuple, illec assemblé, fait par maistre Guillaume des
Dormans, Aduocat du Roy en Parlement, lire ledict traicté: par lequel le Roy d'Angle-
terre vouloit auoir tout les pays & Duchez de Normandie, Guyenne, Xaintonge,
Agenois, Tarbe, Perigort, Lymosin, Cahors, Bigorre, Poitou, Aniou, le Maine, Tourai-
ne, les Comtez de Boulongne, Guynes, Ponthieu, Monstreul sur la mer, Calais, & toute
la terre de Merq, & toute souueraineté & seigneurie, & les tenir comme voysin du Roy:
& vouloit auoir l'hommage & souueraineté de la Duché de Bretaigne, & quatre mil-
lions d'escus d'or fin, de la monnoye du Roy Philippe: & si vouloit auoir la possession
des villes & Chasteaulx de Rouen, Caen, Vernon, le pont de Larche, Goulet, Gisors,
Molmeaulx, Arques, Gaillart, Vire, la Rochelle, cent mil liures d'Ostrelins, & qu'on
luy baillast dix seigneurs pour ostages: & ce faict, il mettroit le Roy en son royaume, tou-
tesfois loyal prisonnier, iusques à ce que les choses dessusdictes fussent accomplies.
Après ce que les gens des Estatz illec assemblez, eurent ouy le contenu esdictes lettres,
& eu sur ce deliberation, ilz respondirent que ledict traicté n'estoit point accordable: &
pour ce ordonner de faire bonne guerre ausdictz Anglois: & pour ce faire offrirent
vn grand ayde audiect Regent: lequel Regent r'appella la pluspart de ses Officiers, qui
auoient esté ostez, par les gens des trois estatz.

* Parauant
en nomme vn
d'Audāchan
que ie pense e-
stre cestuy cy.

La rançon
que le Roy
d'Angleter-
re demandoit
au Roy Iehan.

*De l'appointement de Bretigny, pour la redemption du Roy Iehan: &
de la course des Anglois par France.*

V moys de Nouëbre audiect an mil ccc. lix. le Roy d'Angleterre, le Prince
de Galles, & autres ses filz, le Duc de Lâclastre, & toute la puissance & sei-
gneurie d'Angleterre arriuerēt à Calais, avec grand nôbre de nauires &
de gēs, & cheuaucherēt par Artois & Vermadois, vindrēt en Châpaigne,
& meirēt le siege à Reims: ou ilz furent par xl. iours: & auoit intention le
Roy d'Angleterre de soy faire courōner Roy de Frâce, s'il y fust entré: & quād il veirēt
qu'ilz n'y pouuoierēt riēs faire, ilz se leuerēt, & passa le Roy d'Angleterre par deuāt Chaa-
lōs, sans y arrester: & puis trauerſa la riuere de Marne, au dessus de la ville: puis passerēt
les riuieres d'Aulbe & d'Aise: & cheuaucherēt toute la Châpaigne, & tirerēt à Sēs, à Au-
xerre, & à Pōs, & vindrēt deuers luy en la ville d'Aguillō ceux de Bourgōgne, & luy dō-
nerēt cc. mil florins: à fin qu'il ne feist nul mal à la Duché, & qu'il n'y entraſt point. Puis
passa la riuere d'Yonne, à Golanges la vineuse, & tira vers Neuers: mais ceux de la ville
cōposèrent pour le pays de Niernois & d'Ozois, à fin que les Anglois ne les pillassent
point: puis tirerēt vers Paris par Gastinois, & assiegea le Prince de Galles, la forteresse
d'Vſſeiz, * des Tournelles, pres Prouins, en laquelle auoit plusieurs Cheualiers Frāçoys
qu'il print, c'est à ſçauoir les seigneurs de Bonuille, Dorgeuille, Iehan des Barres, Iehan

L'an mil ccc.
cinquante &
neuf.

Du Roy de
Angleterre
qui meit le
siege deuant
Reims, eſſerāt
de soy faire
courōner Roy
de France.

* alias du
Pleſſeis.

LES CRONIQ. ET ANNALES DE FRANCE.

Braque, 10^e Cheualiers, & plusieurs autres. Le Mardy dernier iour de Mars, ledit Roy d'Angleterre s'alla loger en l'hostel du parc de Châtelou, entre Chastres & Môtlehery, & ses enfans en sa cōpaigrie, & son ost estoit à Chastres & à Môtlehery, à Corbeil, & à tout le pais d'environ Paris, iusques pres Corbeil & Lógiumeau : & fut prinse iournée pour traicter la paix entre ledit Roy d'Angleterre, & ledit Regent, par le moyen de frere Simon de Langres, General, Maistre des freres Prescheurs, Legat de par le Pape pour ladicte cause: & s'assemblerent les deputez des parties, à la maladerie de Longiumeau, mais ilz ne feirent riens: parquoy le Roy d'Angleterre & tout son ost se deslogerent & vindrēt loger pres Paris, à Mont-rouge, à Vanues, à Vaugirard, à Chastillon, à Gentilly, & autres lieux prochains, & se mōstrerent plusieurs fois en bataille deuant Paris, mais nul n'en sortit: & furent illec logez iusques au iour de Quasimodo ensuyuant mil trois cens soixante, qu'ilz deslogerent & bruslerent plusieurs deidictz villages, & firent mauix innumerables. Et voyant ledit Roy Anglois qu'il ne pouuoit riens faire à Paris, s'en partit pour s'en aller vers Normandie & le Maine, & tira vers Chartres: & quand luy & ses gens furēt entre Montlehery & Chartres, cheut vne si treshorrible & espouuētable gresle, esclairs, tōnerre & fouldres, qu'il en mourut plusieurs de ses gens: & à celle occasion ledit Roy d'Angleterre fut si espouēté, qu'il voua à Dieu qu'il feroit paix & appoinctement avec le Roy de France, & ledit Regent, son filz. Si manda & fait dire par messire Aubery, Abbé de Clugny, qui estoit venu de nouuel de par le Pape que si ledit Regent vouloit entendre à appoinctement, il seroit content d'y entendre: parquoy par grand' deliberation de conseil, ledit Regent enuoya grands Ambassades à Chartres, ou ledit Roy d'Angleterre estoit pres d'illec: & allerēt en ladicte Ambassade, messire Iehan des Dormans, Euesque de Beauuais, Châcelier de Normâdie, messire Iehan de Melun, Côte de Tâcaruille, qui encores estoit prisonnier aux Anglois, les Seigneurs de Bouciquault, Marechal de France, de Montmorency, de Vignay, messire Iehan Grolée, maistre Simon de Bucy, Estienne de Paris, maistre Iehan des Mares, Ad-uocat en Parlement, & Iehan Maillard, Bourgeois de Paris: & prindrent lieu pour eux assembler à vne lieue pres de ladicte ville, à vn village appellé Bretigny: auquel iour & lieu les dessusnommez se trouuerent pour la partie dudit Regent, & pour la partie du Roy d'Angleterre furent le Duc de Lancastre, les Comtes de Norantōne, de Vvaruic de Suffort, Regnault de Colestan, Gaultier de Marigny, Cheualier, & plusieurs autres: & par tant de iours s'assemblerent, que le huietieme iour de May audict an mil trois cens soixante, ilz vindrent à appoinctement: par lequel fut baillé audict Roy d'Angleterre, pour la rançon du Roy, le pays de Poitou, les fiefs de Touars & Belleville, les pais de Gascongne, Agenoys, Perigort, Lymosin, Cahors, Tarbe, Bigorre, Gaure, Rouergue, Angoulmoys, & toute souueraineté, avec les hommages des Seigneurs estans en iceux: Monstreul sur la mer, Ponthieu, Calais, Guynes, le pays de Merq, Saugate, Boulongne, Hames, Valles, & Oingnis. Et oultre ce fut promis payer la somme des trois millions d'escuz d'or, dont les deux valoiēt vn Noble d'Angleterre, & par ce moyen ledit Roy d'Angleterre, & son aîné filz renoncerent pour eux, & leurs successeurs aux droitz & tiltres qu'ilz pretendoient auoir en la couronne de France, & du royaume, à la souueraineté & ordonnance du Duché de Normandie, des pais de Touraine, Aniou & le Maine, à la souueraineté & hommages du Duché de Bretagne, & Comté de Flandres: & rendroit ledit Roy d'Angleterre le Roy de France à Calais, dedans trois sepmaines apres la saint Iehan ensuyuant, aux despens dudit Roy d'Angleterre, hors les fraiz de l'hostel du Roy de France: & audict lieu de Calais seroient payez audict Roy d'Angleterre six cens mille escus contens, & quatre cens mil dedans l'an prochain ensuyuant, & le surpl^s en ladicte ville de Calais à certains termes: & ne pourroit ledit Roy de France soy armer cōtre ledit Roy d'Angleterre, iusques à tant qu'il eust accomply tous les poinctz dudit traicté: & demouroient pour ostages en Angleterre mōseigneur Loys, Comte d'Aniou, monseigneur Iehan, Comte de Poitiers, qui apres fut Duc de Berry, enfans dudit Roy de France, monseigneur Philippe, Duc d'Orleans, frere du Roy, le Duc de Bourgongne, le Comte de Bloys, & son frere, le Comte d'Alençon, son frere, le Comte de saint Paul, les Comtes de Harecourt, de Porcian, Valentinoys, de grād Pré, de Brēne, de Forest, les seigneurs de Vaudemōt, de Coucy, de Fyennes, de S. Venât, de Preaulx, Garencieres, de la Roche Guyon, Destouteuille, de Hangeft, le Dauphin de Auvergne, le seigneur de Montmorency, d'Andrezel, Guillaume de Craon, Loys de Harecourt,

*Du Roy de
Angleterre
qui vint loger
son ost pres
Paris, en l'an
mil ccc. lx.*

*Appoinctement
fait entre
le Roy
d'Angleterre,
& le Roy
Iehan touchât
la rançon du
dit Roy.*

*Ostages qui
furēt bailliez
au Roy d'An-
gleterre pour
seureté de la
paix faicte
entre luy &
le Roy Iehan.*

DV ROY IEHAN, PREMIER DV NOM. fo. xxviii.

Harecourt, & autres: & furent faictes & publiées trefues de là iufques à la saint Michel de l'an fuyuant. Lequel appointement fut confirmé par mondict seigneur le Regent eftant à Paris, ou le Roy d'Angleterre enuoya fix Cheualiers, pour luy veoir faire le serment sur le corps de Dieu: & semblablement fait pareil serment & confirmation le Prince de Galles, eftant à Louiers, promettant tenir ledict traité ferme & stable. Cella fait, le xx. iour de May audict an, le Roy d'Angleterre, ses enfans, & les gens, avec les ostages, monterent sur mer à Honnefleu, & s'en allerent en Angleterre: & grand partie de leurs gens allerent passer la riuere de Seine, au Pont de l'Arche, du consentement du Regent, & de là tirerent à Calais: & demoura le Comte d'Vvaruich en France, pour le Roy d'Angleterre, pour faire tenir les trefues: mais il s'en acquita mal: car les Angloys se meirent à espier les chemins, & roboient & tuoient les gens, & faisoient plus de maulx que du temps que la guerre estoit ouuerte. Quand ledict Roy d'Angleterre, ses enfans & ostages furent là arriuez, le Roy Iehan de France les festoya grandement, à vn disner, en la tour de Londres, & promeirent l'un à l'autre garder & entretenir le traité de paix qui faict auoit esté.

Comment le Roy Iehan fut ramené en France.

En moys de Iuillet ensuyuant, c'est à sçauoir le huitiesme iour, le Roy de France fut amené à Calais: & lors mondict seigneur le Regent partit de Paris, & alla à saint Omer, pour accomplir ce qu'il pourroit du contenu audict traité, à fin que sondict pere fust deliuré: & furent faictz de grands empruntz par le royaume, & en presterent ceux de Paris, pour le premier payement cent mil Royaulx: & au moys d'Octobre ensuyuant arriua le Roy d'Angleterre & ses gens audict Calais: & alla le Roy de France (qui trespres de là estoit) au deuant de luy, iufques à sa nef. Aucuns iours apres le Roy de France, qui estoit au chasteau, l'alla veoir en son logis en la ville: & fait ledict Roy de France la paix d'entre le Roy d'Angleterre & le Comte de Flandres: & apres pria audict Roy d'Angleterre, que luy & ses enfans dinassent le lendemain au chasteau, ce qu'ilz feirent: & furent assis à la table le Roy d'Angleterre, le premier, au hault bout, le Roy de France le second, le Prince de Galles le tiers, & le Duc de Lâclastre le dernier: & eux estans à table, ledict Comte de Flandres arriua à Calais, qui alla au chasteau, iufques deuant la table ou ilz dinoient, & fait la reuerence, en soy agenouillant deuant le Roy de France, & apres salua le Roy d'Angleterre, sans soy agenouiller: & luy fait le Roy de France tresbonne chere. Apres disner les deux enfans du Roy d'Angleterre partirent de Calais, pour aller en pelerinage à nostre Dame de Boulongne, & deux des enfans du Roy de France les conduyrent: & mondict seigneur le Regent, qui estoit à Boulongne, alla au deuant d'eux enuiron demie lieuë. Le lendemain ledict Regent laissa les deux enfans d'Angleterre à Boulongne, & ses deux freres pour leur tenir compaignie, & s'en alla à Calais deuers son pere, ou il fut tout ce iour: & le lendemain il retourna au giste à Boulongne, & quasi au milieu du chemin il rencontra les enfans du Roy d'Angleterre qui s'en retournoient à Calais. Le Samedi vingtquatriesme iour dudiect moys, lesdictz deux Roys de France & d'Angleterre, ouyrent messe en vne oratoire, & iurerent sur le corps de Iesus Christ, qu'ilz vserent ensemble, qu'ilz tiendroient la paix qu'ilz auoient faicte, ferme & stable, & n'allerent point à l'offrande, par ce que l'un ne vouloit point aller deuant l'autre: & quand vint à la paix, on la presenta premierement au Roy de France, qui ne la voulut prendre, & la print en sa main, & la porta audict Roy d'Angleterre, qui ne la voulut prendre de sa main: & par ainsi s'entrebaiferent eux deux, sans prendre autre paix. En celuy iour fut faict l'appointement dudiect Roy de France, & dudiect Roy de Nauarre, & de messire Philippe de Nauarre, son frere combien que ledict Roy de Nauarre ne fust pas la present: mais bien y estoit ledict Philippe de Nauarre, son frere, qui se fait fort pour luy, & iura ladiète paix: & le Duc d'Orleans, frere du Roy de France, la iura pour le Roy. Lors ledict Roy Iehan erigea le pais d'Aniou en Duché, qui parauant n'estoit que Comté, & la donna à son filz Loys. A Iehan son autre filz donna les Duchez de Berry & d'Auuergne: & à Philippe le plus ieune de ses enfans, donna la Duché de Touraine. En ce temps messire Berault, Daulphin d'Auuergne, espousa la fille du Comte de Forestz, que ledict Comte auoit engendrée en la sœur de messire laques de Bourbon.

Du gros emprunt qui fut fait par le royaume de France pour payer la rançon du Roy Iehan.

Les Roys de France & d'Angleterre s'entrebaiferent l'un l'autre à la messe, en lieu de prendre la paix.

LES CRONIQ. ET ANNALES DE FRANCE.

Des ostages qui furent baillez pour la reste de la rançon du Roy.

LE vingtcinquiesme iour dudiect mois d'Octobre, lediect Roy Iehan fut ro-
talemēt mis hors de prison, & à son liberal arbitre. Si s'en partit de Calais,
& vint à Boulongne, ou il conuoya le Roy d'Angleterre bien vne lieue
hors de Calais : & le Prince de Galles vint avec le Roy iusques à Boulon-
gne : & le Lundy ensuyuant lediect Prince de Galles s'en retourna à Calais :
& par ainsi appert que lediect Roy de Frâce fut prisonnier audiect Roy d'Angleterre en-
uiron quatre ans. Le xxix. iour dudiect mois d'Octobre, le Roy partit de Boulongne, &
vint à saint Omer : & le Samedi ensuyuant, le Roy d'Angleterre monta sur mer pour
s'en aller en Angleterre, & emmena avec luy ses ostages qui luy auoient esté baillez
pour seureté du payement du reste de la rançon du Roy : c'est à sçauoir monseigneur
Loys, Duc d'Aniou, Comte du Maine, & monseigneur Iehan, Duc de Berry, & d'Au-
uergne, enfans dudiect Roy de France, monseigneur Loys, Duc de Bourbon, messire
Pierre, Comte d'Alençon, & monseigneur Iehan, frere du Comte d'Estampes, tous des
fleurs de Liz, Guy, frere du Comte de Bloys, le Comte de saint Paul, les Seigneurs de
Montmorency, de Hangeſt, de S. Venant, d'Andrezel, les Comtes de Brenne, de Cou-
cy, de Harecourt, de grand Pré, & le seigneur de la Roche Guyon. Le Roy de France
estant à saint Omer, furent faictes de moult belles iouſtes, pour l'honneur de luy, &
de sa venue. Puis s'en vint à Hesdin, & là fait les ordonnances de son hostel : ordonna six
Maistres des requestes, trois Clercs, & trois Laiz, & six Maistres de ses Comptes, trois
Seculiers, & trois Clercs : & apres s'en vint à Compiègne, à Senlis, & à saint Denis : &
là le Roy de Nauarre vint deuers luy, & luy fait la reuerence deuant le grand autel de
l'Eglise saint Denis, & ramena aucuns ostages qui luy auoient esté enuoyez : car il ne
s'osoit mettre en voye d'y venir sans seureté : toutesfois il se fia du tout aux parolles du
Roy, & iura sur le corps de Iesus Christ, que deslors en auant il seroit bon, feal, & loyal
subiect du Roy, & du royaume : & apres iurerent pour la partie du Roy, le Duc de Nor-
mandie, & messire Philippe de Nauarre, & lors le Roy le print par la main, & l'em-
mena disner avec luy : puis print congé lediect Roy de Nauarre, & s'en alla. En ce temps
moururent l'une apres l'autre les deux filles du Duc de Normandie, dont il fut moult
courroucé (car il n'auoit nulz autres enfans) & furent enterrées à l'Abbaye des Non-
nains de saint Anthoine des Champs, pres Paris.

*De la venue du Roy Iehan à Paris, apres son retour d'Angleterre : & comment
il alla en Auignon deuers le Pape.*

*L'an mil trois
cens lx.*

*Le don que
feirent ceux
de Paris au
Roy Iehan, a-
pres son re-
tour d'An-
gleterre.*



AN D I C T an mil trois cēs soixante, le treziesme iour du mois de De-
cēbre, entra le Roy Iehā dedans Paris, ou il fut receu moult hōnora-
blement, & furent les ruēs tenduēs, & portoit on vn poille de drap
d'or sur luy, & luy feirēt ceux de Paris present en dō de mille marcs
d'argent en vaisselle : & lors commença à tenir la court de Parlemēt,
qui auoit vaqué par l'espace d'un an, ou enuiron. En ce temps auoit
parmy le royaume en diuers lieux, mesmement en Champaigne &
Brie, plusieurs Angloys & Nauarrois, & autres gens vacabons, qui tenoient plusieurs
fortereſſes, & pilloient & gastoient tout le royaume, & s'appelloit vne bande de la grād'
compaignie : lesquelz quand ilz ſçērent le retour & la deliurance du Roy de France, ſe
reculerent & retirerent vers le païs de Languedoc, & prindrent & pillerent la ville du
Pont saint Esprit, & autres. En iceluy an fut faicte l'ordonnance de faire retourner
les luifz en France. Le vingt & vniesme iour de Nouembre en l'an mil trois cens lxj.
mourut à Rouure, pres Dy-ion, Philippe, Duc & Comte de Bourgongne, Comte d'Ar-
toys, d'Auuergne, de Boulongne, Palatin, de Brie, & de Champaigne, de l'age de treize
ans qu'environ : lequel Philippe auoit lors espouſé Marguerite, fille du Comte de Flan-
dres, que Philippe, quatriesme filz du Roy Iehan, espouſa apres : auquel Duché de Bour-
gogne lediect Roy Iehan luy ſucceda, à cauſe de ſa femme, qui eſtoit mere d'iceluy Phi-
lippe : & es Comtez d'Artoys & de Boulongne luy ſucceda messire Iehan de Boulon-
gne, ſon oncle, de par ſa mere : & alla lediect Roy Iehan prédre la poſſeſſion dudiect Du-
ché de Bourgongne, & de tous les droictz de Champaigne, au deſplaiſir du Roy de Na-
uarre,

*L'an mil trois
cens lxi.*

*La Duché de
Bourgongne
eſcheut au
Roy de Frâce.*

uarre, qui s'en disoit heritier & successeur: & vouloit le Roy d'Angleterre traicter le mariage de messire Hermon, * son quart filz, & de ladiete Marguerite, veufue dudit Philippe de Bourgongne, & fille dudit Loys, Comte de Flandres. Item audict an mil trois cens soixante & vn, se combatit le Comte de Tancarville, & plusieurs autres Cheualiers & Escuyers pour le Roy, contre ceux des compagnies, dont à esté parlé, en vn lieu appellé Brignes, pres Lyon sur le Roine, & y furent prins ledict Comte de Tancarville, le Comte de Sallebruche, le Comte de Joigny, messire Iaques de Bourbon, frere du feu Duc de Bourbon, Comte de la Marche, qui tãtost apres mourut, pour les playes qu'il auoit receues: & le Comte de Forest, & plusieurs autres Cheualiers moururent sur le champ de la bataille. Aussi mourut tantost apres messire Pierre de Bourbon, filz dudit feu messire Iaques de Bourbon. Au moys d'Aoust l'an mil trois cens soixante & deux, ledict Roy Iehan se meit en voye pour aller en Auignon, pour veoir le pape Innocent, qui lors viuoit: mais il sceut en chemin qu'il estoit trespassee: par la mort duquel fut esleu l'Abbé de Marseille, appellé messire Guillaume Grimoart, qui parauant auoit esté Abbé de saint Germain d'Auxerre, & estoit nay de Beaucaire: & fut esleu en son absence, & luy manderent les Cardinaux & Prelatz qu'il allast en Auignon, ou il alla, & fut sacré, & appellé Urbain le quint: lequel ledict Roy Iehan alla voir en Auignon, & le receut ioyeusement le Pape, & luy fait moult grand honneur: & fait ledict Pape vn sermon en Auignon, & prescha le voyage general d'oultre mer, pour le recouement de la terre sainte, & en fait ledict Roy Iehan de France, illec present, Capitaine general, & luy bailla la croix, & aussi au Roy de Cypre, qui y estoit, & plusieurs autres Princes, & Seigneurs: & ordonna le Cardinal de Perigort Legat, pour ledict voyage. En celle année madame Ysabeau de France, fille de feu Philippe le Bel, mourut en Angleterre, & est enterrée aux Cordeliers de Lódres. Item en celle année la Princesse de Galles accoucha, en Angoulesme, d'un filz, qui fut nommé Edouard, comme son pere.

* P. Verg.
Edmund
L'an mil
ccc. lxi.

L'an mil ccc.
lxi.

Le Roy Iehan
fut fait de
par le Pape
Capitaine ge-
neral de l'ar-
mée d'oultre
mer.

*De la mort du Roy Iehan, en Angleterre: & de la guerre que faisoit
messire Bertrand du Guesclin, contre les Angloys.*

L'An mil ccc. lxiij. le troisieme iour de Ianuier, ledict Roy de France par legiere volute, & cõtre le cõseil de tous ses Barõs, sans besoing qu'il en fust, retourna en Angleterre, & mena avecques luy messire Iehan d'Artois, Cõte d'Eu, & plusieurs autres Seigneurs, pour traicter la deliurace de son frere le Duc d'Orleãs, de son filz Iehan, Duc de Berry, & des autres ostages qui estoient demourez en Angleterre (car son filz Loys, Duc d'Aniou, auoit esté deliuré parauant) & fut ledict Roy Iehan par ledict Roy d'Angleterre, & par ceux de Lódres, receu moult grãdemẽt & hõorablemẽt: & là fut iusques au moys de Mars ensuyuant, qu'il luy print vne maladie, qui luy dura iusques au huietieme iour d'Auril ensuyuant, que l'on contoit mil ccc. lx. & quatre: auquel iour il alla de vie à trespassemẽt, en l'hostel de Sauoye, pres de ladiete ville de Londres: & fut son corps amené à Paris, par messire Iehan d'Artois, & autres plusieurs grands Seigneurs, & honnorablement enterré en l'Eglise saint Denis en France: & audict Roy Iehan succeda monseigneur Charles, Duc de Normandie, & D'aulphin de Viennois, son aîné filz, qui fut nommé Charles le Quint, surnommé le Sage. En ce temps messire Iehan de Montfort, qui pretendoit droit en la Duché de Bretagne, meit le siege deuant la place de Becherel, qui tenoit pour messire Charles de Bloys, & estoit avec luy messire Iehan Chandos, Conestable d'Angleterre, Robin Canolle, & autres Cheualiers d'Angleterre. Le Duc Charles assembla grand Cheualerie pour les combatre. Les Euesques de Bretagne, desirans les appoincter, traicterent en paix faisant qu'à chascun d'eux seroient baillées villes & chasteaux, & se pourroient dire & nommer chascun Duc de Bretagne: & furent baillez ostages pour tenir l'appoinctement: pour la partie du Duc Charles fut baillée Bertrand du Guesclin, au Comte de Montfort, avec d'autres: & de la partie du Comte de Montfort, furent baillez messire Guillaume Feleton, Cheualier Anglois, & autres. Ainsi eschaperent sans auoir batailles: mais ledict appoinctement fut rompu par la faulte dudit de Montfort: & furent lesditz ostages deliurez, reserué ledict Bertrãd, que ledict de Montfort ne voulu deliurer, & le bailla à garder audict messire Guillaume Feleton, & le garda bieu vn an, nonobstant les remonstrances dudit Bertrand, disant qu'il n'estoit ne

L'an mil ccc.
lxiij.

L'an mil ccc.
lxiij.

Le Roy Iehan
trespas-
sa en
l'hostel de
Sauoye pres
Londres en
Angleterre.

LES CRONIQ. ET ANNALES DE FRANCE.

*Stratage-
me, ou ruse de
guerre de
Bertrand du
Guesclin.*

** Ce mot s'es-
cript diuerse-
ment par uns
& autres, cō-
me aussi fait
Guesclin.*

** alias
Rouure.*

deuoit estre prisonnier:parquoy il trouua façon vn matin d'eschapper de la maison du-
dict Feleton , lequel aucun temps apres voulut dire que ledict Bertrand estoit son pri-
sonnier,& le feit conuenir au Parlement de France . Ledit Bertrand fut assez content
de venir en France , par ce qu'il scauoit que les Angloys & Nauarrois y faisoient guer-
re:si y vint, & fut iugé que ledict Bertrand n'auoit au Comte de Montfort, n'à Feleton,
foy ne prison brisée. Apres ledict Arrest monseigneur le Regent trouua façon d'attirer
de son party ledict Bertrand , pour les grands biens & vaillances qu'il auoit ouy dire de
luy. Alors la Royne Blanche,qui tenoit la ville de Meleun,pour son douaire, la meit es
mains du Roy de Nauarre,son frere.Si y alla ledict Regent pour l'en chasser,& en sa cō-
paignie ledict Bertrand du Guesclin , qui feit de grandes vaillances , iacoit ce que pour
lors il ne fust encores point congnu. Apres ladicte ville de Meleun prise,s'en alla ledict
Bertrand es marches de Normandie , pour faire guerre aux Angloys & Nauarrois , &
print la ville de Mante , qui estoit au Roy de Nauarre : & s'estoit mis ledict Bertrand,
luy & ses gens, en guise de vigneron. Puis apres print la ville de Meulanc , & dedans
furent prins aucuns de ceux de Paris , qui tenoient le party dudit Roy de Nauarre,
contre le Roy de France, & le Duc de Normadie : lesquelz ledict messire Bertrand en-
uoya prisonniers à Paris , & en furent les aucuns decapitez. Le xvj. iour de May au-
dict an , ce pendant que le Roy Charles cinquiesme estoit allé soy faire sacrer, & cou-
ronner à Reims , ledict Bertrand du Guesclin se combatit deuant Cocherel , contre le
Captau de Buch,Lientenant pour le Roy d'Angleterre, es marches de Normandie , &
fut ledict Captau prins prisonnier , & tous ses gens mors ou prins : & apres ce le nou-
ueau Roy , pour auoir ledict Captau de Buch * en sa main , donna audict Bertrand du
Guesclin la Comté de Longueuille la Guieffart , qu'il tenoit en sa main , par ce que le-
dict Roy de Nauarre, auquel elle auoit appartenu , s'estoit declairé son ennemy : & en-
uoya ledict Captau prisonnier au marché de Meaulx:& ledict Bertrand demoura pour
le Roy à Rouen, pensant selon sa charge de greuer les ennemys du royaume , & com-
ment il les pourroit extirper de la Duché de Normandie . Si se meit sur les champs, &
en brief temps print les chasteaulx de Valongnes, Carenten , Douure,* & plusieurs au-
tres en Normandie : & tout le gaing que faisoit ledict Bertrand, il le departoit liberalement
à ses Cheualiers & gens , sans rien ou peu en retenir à luy. Messire Charles de
Blois, Duc de Bretagne , enuoya deuers ledict Bertrand du Guesclin, luy requerir ay-
de,contre Iehan de Montfort,qui luy occupoit & greuoit sa Duché : si y alla ledict Ber-
trand, & sa compaignie.

Du Roy Charles, cinquiesme de ce nom, qui fut surnommé le Sage

*L'an trois cēs
lxxij.*



Charles, cinquiesme de ce nom, qui fut surnom-
mé le Sage, filz du Roy Iehan, commença à
regner l'an mil trois cens soixante & quatre , &
trespassa le dixseptiesme an de son regne, l'an mil
trois cens quatre vingtz, au chaste de Beaulté, pres
le boys de Vincennes, & gist à S. Denis en France.
Cestuy Charles & madame Iehanne de Bourbon,
sa femme, furent sacrez & couronnez en l'Eglise
de Reims, à grand honneur & reuerence, par mes-
sire Iehan de Craon, Archeuesque de Reims, le
iour de la Trinité, audict an mil trois cens soixan-
te & quatre : & furent present audict sacre Loys,
Duc d'Aniou, & Philippe, lors Duc de Touraine,
ses freres, la Comtesse de Flandres & d'Artoys, le
Roy de Cypre, le Duc de Braban, le frere de l'Em-
pereur, freres d'armes dudit Roy Charles, les Ducz de Lorraine, & de Bar, & plusieurs

*Entrée du
Roy Charles
quint à Paris.*

autres. Apres ledict sacre le Roy & la Royne s'en vindrent à Paris , & feirent leur en-
trée le vingt & quatriesme iour du mois de May, ou ilz furent receuz en moult grand
triumphe & honneur : & feit lon grandes ioustes au Palais, & y iousta le Roy de Cypre,
& plusieurs grands Seigneurs : & le dernier iour d'iceluy mois de May le Roy ostroya
à son frere Philippe, lors Duc de Touraine, la Duché de Bourgongne , & l'en recut à
hommage

hommage, & reprint en sa main ladiète Duché de Touraine. Oultre ce par ses lettres données au Loure, le second iour de Iuin audièt an, conferma le don & transport que le feu Roy Iehan, son pere, auoit faièt audièt Philippe, Duc de Bourgongne, doné à Germigny sur Marne, le sixiesme iour de Septembre, l'an precedent mil trois cens soixante & trois, de tout le droit qu'il auoit au Comté de Bourgongne. Le iour de la feste S. Michel audièt an mil trois cens soixante & quatre, messire Charles de Bloys, Duc de Bretagne, à cause de sa femme, & Iehan, Comte de Montfort, qui pretendoit droit audièt Duché, se combattirent pres le chastel d'Aulroy, en Bretagne: & fut ledièt messire Charles de Bloys tué en la bataille: & Bertrand du Guesclin, & le Comte d'Auxerre, qui estoiet allez à son ayde, prins prisonniers, par messire Iehan de Chandos, Cheualier Angloys, & tous ses gens desconfitz, mors & prins: & fut ledièt Bertrand du Guesclin mené prisonnier en Angleterre: depuis laquelle bataille ne trouua ledièt de Montfort, qui luy resista audièt Duché de Bretagne. Apres ladiète bataille d'Aulroy, ledièt messire Iehan de Montfort voulut veoir le corps de messire Charles de Bloys, mort entre les autres mors: & puis par son ordonnance fut ensepuely & porté inhumé à Guingant: & aucun temps apres fut ledièt corps releué & canonizé, comme saint, par le pape Urbain cinquième, qui lors regnoit, pour plusieurs grands & euidens miracles qui se faisoient au lieu ou estoit ledièt corps. Et est à sçauoir que mōseigneur Loys Duc d'Aniou, frere du Roy, lequel apres fut Roy de Cecille, auoit espousé la fille dudièt messire Charles de Bloys: & oultre ce ledièt de Bloys delaisa deux enfans masles, l'un nommé Iehan, l'autre Guy, lesquelz furent menez prisonniers en Angleterre. Ledièt Iehan fut marié à Marguerite, fille du seigneur de Clisson, Connestable de France, & d'elle eut Oliuier, Iehan, Charles, & Guillaume. Oliuier fut Comte de Ponthieure apres la mort de son pere, & Iehan fut seigneur de l'Aigle. Aucun temps apres, c'est à sçauoir l'an mil trois cens lxx. ledièt messire Iehan de Montfort enuoya deuers le Roy, luy requerir qu'il le vouldist receuoir à homme, & il luy feroit hommage qu'il deuoit à cause dudièt Duché de Bretagne, & le seruiroit tant qu'il viuroit. A ceste cause le Roy enuoya monseigneur Iehan de Craon, Archeuesque de Reims, & messire Iehan le Mengrée, dièt Bouciquault, Marechal de Frâce, en Bretagne, deuers ledièt de Montfort pour traicter appoinctement entre luy & la Duchesse, veufue dudièt feu messire Charles de Bloys: & fut accordé que ladiète Duché, laquelle vingt & quatre ans, ou environ parauant, vivant le Roy Philippe de Valloys, auoit esté adiugée par arrest audièt feu messire Charles de Bloys, à cause de sa femme, demoureroit en heritage audièt messire Iehan de Montfort: & ladiète Duchesse auroit la Comté de Ponthieure, & les seigneuries de Grelou, Auagour, Guingant, Chauerlin sur Trien, Chauerlin en Cornouaille, Duhault, Vlgohet, Respredon, & autres terres & seigneuries qui auoient esté heritages de messire Guy de Bretagne, son pere: & si se pourroit, sa vie durant, dire, porter, & nommer Duchesse de Bretagne: & si deuoit auoir la Vicomté de Lymoges. Et iacoit ce que la Duchesse ne fust personnellement à faire ledièt traité, mais y auoit commis aucuns Procureurs, neantmoins toutes les places & forteresses de Bretagne furent incontinent deliurées audièt de Montfort, auquel fut donné delay de faire hommage qu'il estoit tenu de faire au Roy, à cause dudièt Duché de Bretagne. Et par ledièt appoinctement fut messire Bertrand du Guesclin, & le Comte d'Auxerre, qui auoient esté prins à la bataille d'Aulroy prisonniers, & semblablement les autres prisonniers, deliurez parmy gracieuse rançon, & aussi le Captau de Buch, qui auoit esté prins à la bataille de Cocherel, fut aussi deliuré de prison, & deuint homme du Roy, & de son conseil: & par son moyen fut fait appoinctement en la ville de Vernon, entre les Roys de France, d'Angleterre, & de Nauarre, sur la guerre qui estoit encommencée pour raison de la prise qu'auoit faiète messire Bertrād du Guesclin, des villes de Manté & Meulanc: & aussi la Comté de Longueville, que le Roy auoit ia donnée audièt du Guesclin, pour la rançon dudièt Captau, fut rendué audièt Roy de Nauarre: & si deuoit oultre auoir ledièt Roy de Nauarre les Baronneries de Montpellier & Homelaz, & fut la paix criées. Mais dudièt appoinctement ne fut pas content monseigneur Loys de France, Duc d'Aniou, frere du Roy, qui auoit espousé la fille du feu Duc Charles de Bloys, & de ladiète Duchesse, & auoit intention de faire guerre audièt messire Iehan de Montfort: & pour ce faire auoit attraièt à luy grand' Cheualerie: mais le Roy, son frere, le luy deffendit: & de la en auant ne s'oserent trouuer deuant luy ledièt Archeues-

L'an mil trois cens lxxij.

Charles de Bloys canonizé.

L'an mil trois cens lxx.

** Cr. de Frā. disent Mau-*

** Ces noms sont un peu autres es Cro. de Bretagne.*

La Comté de de Longueville fut rendué au Roy de Nauarre.

LES CRONIQ. ET ANNALES DE FRANCE

que de Reims, ne le Marechal Bouciquault, qui ledict appoinctement auoient traicté.

Comment messire Bertrand du Guesclin, pour deliurer le royaume de gens d'armes vacabons, les mena en Hespaigne, contre les Sarrazins.

AN T O S T apres ledict messire Bertrād du Guesclin, qui estoit vn vaillant Cheualier, & qui moult aymoioit le bien du Roy & du royaume, à fin de deliurer le païs de plusieurs gens de guerre, des compagnies tant Angloys, Nauarrois, Normans, Galcons, que François, qui estoient en diuers lieux & tenoient plusieurs forteresses, & gastoient le païs, & le royaume, fait tant aux Capitaines, deuers lesquelz il alla par sauf-conduit, qu'il les assembla & les atrahit, & furent contens d'aller combattre pour la foy avec luy contre les Sarrazins, qui estoient en Hespaigne, & en payde du Roy d'Arragon, que le Roy Pierre d'Hespaigne, filz de feu Alphonse, vouloit contraindre luy faire hommage de son royaume. Et pour faire ledict voyage le pape Urbain, que ledict Bertrand alla veoir en Auignon, luy feit ayde de grād' somme de florins, & si luy octroya deux dixiesmes. Aussi ledict Bertrand alla veoir le Duc d'Aniou, qui estoit en Languedoc, gouuerneur pour le Roy, son frere: lequel le receut honnorablement, & luy feit de grands dons: & partirent tantost apres, & allerent à Parpignan, & passerent parmy le royaume d'Arragon: & avec eux se meit Henry d'Hespaigne, frere de Pierre, Roy d'Hespaigne: & prindrent plusieurs villes & places en Castille, sans ce que ledict Roy Pierre de Castille, qui toutesfois estoit tenu moult puissant de gens & d'argent, leur feist aucune contrarieté n'empeschement. Si cheuaucherent tant qu'ilz vindrent deuant la cité de Burgues, ou estoit ledict Roy Pierre: lequel, quand il sceut leur venue, s'en partit, & alla à Tollette: & entra ledict messire Bertrand & sa compagnie dedans Burgues, & y tuerent ses gens plusieurs Iuifz & Sarrazins. Ce pendant que lesdictes compagnies estoient par delà, fut couronné Roy de Castille Henry d'Hespaigne, Comte de Tristemare, soubz le nom & tiltre duquel ledict Guesclin, & ceux desdictes compagnies, estoient entrez audict royaume (lequel estoit frere dudit Pierre, Roy de Castille) par payde dudit de Guesclin, & des François de sa compagnie: lequel Henry parauant auoit par ledict Pierre esté mis hors, & banny du païs, par ce qu'il n'auoit voulu consentir qu'il eust la compagnie d'une sienne prochaine parente: & donna iceluy Henry audict messire Bertrand ladicte Comté de Tristemare, en Hespaigne. Lequel Henry tantost apres, à l'ayde d'iceluy messire Bertrand, & de ceux de sa compagnie, conquesta tout le royaume de Castille, & en chassa ledict Roy Pierre, son frere, en peu de temps: & disoit on que c'estoit aduenue par vengeance diuine: car ledict Roy Pierre auoit esté vn grand Tyran, & auoit meurdry mauuaisement sa loyalle espouse madame Blāche, qui estoit fille de mōseigneur le Duc de Bourbon, qui mourut en la bataille de Poitiers: lequel Pierre s'en vint à Bourdeaux, ou lors estoit le Prince de Galles, qui tenoit la Duché de Guyenne, par l'appoinctement fait de la rançon du Roy Iehan, & donna grandes richesses & ioyaulx audict Prince de Galles, qui fait alliance à luy, & luy promet qu'il luy ayderoit à recouurer son royaume. En ce temps messire Iehan de Montfort, Duc de Bretagne, estant morte sa premiere femme, sœur du Prince de Galles, print en mariage la fille de messire Thomas de Hollāde, qui estoit grand & puissant Seigneur en Angleterre. Item la femme dudit Prince de Galles accoucha à Bourdeaux d'un filz, qui fut nommé Richard, lequel fut depuis Roy d'Angleterre. Item messire Loys de Tarente, espousa lors la Royne de Naples.

*Cronique
d'un Roy de
Castille en-
uers sa fem-
me.*

Comment le Duc de Bretagne fait hommage au Roy, le mantel & le chapeau ostez, les genoulx flescis, comme à son souuerain Seigneur.

*L'an mil trois
cens lxxvi.*

EN V I R O N la feste de Pasques, mil trois cēs soixāte & six, messire Ichā de Montfort lors Duc de Bretagne, enuoya à Paris deuers le Roy, à fin qu'il voulüst confermer l'appoinctement qui auoit esté fait avec la veufue de feu messire Charles de Bloys, & requerir prorogation du delay de faire hommage: & y vindrent le Seigneur de Clichon, Breton, & messire Guillaume de la Cuuer Angloys: ausquelz fut à grand' difficulté baillée ladicte confirmation: toutesfois leur fut elle deliurée close & scellée, & promirent qu'elle ne seroit ouuerte

uerte iusques à ce que ledict de Montfort eust fait au Roy l'hommage de la Duché de Bretagne, Comté de Montfort, & autres terres qu'il tenoit de luy : & pour ce faire fut prefix delay iusques à la saint Michel ensuyuant. Lequel Iehan de Montfort vint au cun temps apres à Paris, & feit au Roy hommage dudit Duché de Bretagne, Comté de Montfort, & des autres terres qu'il tenoit au royaume, le mantel & le chapeau ostez, & les genoux flescis, comme à son souuerain seigneur : & lors en la presence du Roy, & de son conseil ladicte Duchesse veufue dudit feu messire Charles de Bloys, ratifia en sa personne l'appoinctement qui auoit esté fait par ses Procureurs, avec ledict de Montfort, par lequel elle renonçoit au droit qu'elle pretendoit à la Duché : lequel appoinctement le Roy conferma en force & vertu d'Arrest, & de chose iugée.

Hommage fait au Roy de France du Duché de Bretagne, & de la Comté de Montfort.

Comment le Roy de Nauarre par fiction & trahyson se fait prendre prisonnier en Hespaigne : & comment Bertrand du Guesclin fut prisonnier, & apres deliuré.



V moys de Feurier audict an mil trois cens soixâte & six, le Prince de Galles & le Roy Pietre d'Hespaigne, qui auoit esté debouté de son royaume, par son frere Henry, à l'ayde de messire Bertrand du Guesclin, & de sa cōpaigrie, descendirēt en Hespaigne avecques grand'cōpaigrie d'Angloys : & combien que le Roy de Nauarre eust promis ayder audict Henry, qui pour ce faire luy auoit donné grande finance, ce neantmoins il donna passage par son royaume de Nauarre ausdictz Prince de Galles & le Roy Pietre. Et se fait ledict Roy de Nauarre fainctement par vn Cheualier de leur party, prendre prisonnier, à fin qu'il allaist avecques eux en Castille : & tant cheuaucherent qu'ilz vindrent pres de la ville de saint Dominique, en vn lieu appelle Nadres. Et là le sixiesme iour d'Aoust eurent bataille contre ledict Roy Henry, en laquelle iceluy Henry fut desconfit, & messire Bertrand du Guesclin, messire Arnoul d'Euchan, Marechal de France, le Begue de Villaines, & plusieurs autres François, Bretons, Castilliens & Arragonnois, furent prins prisonniers, & y eut vingtquatre mil hommes mors : mais ledict Roy Henry eschappa & s'en vint vers France, & se tint par aucun temps luy & sa femme en la cité de Carcassonne, en laquelle estoit lors madame Marie de Bretagne, fille de feu messire Charles de Bloys, & femme de messire Loys Duc d'Aniou, gouuerneur pour le Roy au pais de Languedoc. Apres ladicte bataille de Nadres, fut deliuré ledict Roy de Nauarre, lequel par fiction laissa son filz en ostage. Et combien que ledict Pietre eust eu ladicte victoire, par le moyen dudit Prince de Galles, ce neantmoins il le laissa en ladicte bataille & l'abandonna, ne depuis ne le veid : parquoy ledict Prince de Galles fut mal content, & luy & le Duc de Lanclastre, son frere, s'en retournerēt à Bourdeaux, & emmenerent avec eux prisonnier ledict messire Bertrād du Guesclin : & luy estant ainsi prisonnier ledict Roy Héry d'Hespaigne, qui estoit pour lors à Carcassonne, vint secrettēmēt à Bourdeaux, en guise de Pelerin, & s'adressa à vn des gens dudit Bertrand qu'il congneut, & lequel deit à son maistre la venue du Roy Henry, dont ledict Bertrand fut moult esbahy, comment il s'estoit mis en tel danger : & moyennāt cent florins que ledict Bertrand donna au Geolier, il consentit que ledict Henry veid & disnast avec ledict Bertrād : puis s'en retourna ledict Henry en Languedoc, & alla à Villeneuve pres Auignon, ou il trouua monseigneur Loys, Duc d'Aniou, frere du Roy, qui moult le festoya. Apres le disner luy donna toute la vaisselle d'or & d'argent, en quoy ilz auoient esté seruis au disner, dont iceluy Henry fut moult ioyeux : car il en auoit bien besoing : & apres s'en allerent ensemble veoir le Pape en Auignon, & les receut & festoya grandement. Ledit Duc d'Aniou amassa gens de guerre, & bailla audict Roy Henry deux mil hommes, pour courir la terre du Prince de Galles, en Guyenne : lequel Prince, qui attendoit que le Roy Pietre luy eust fait deliurer le payement de luy & de ses gens, cōme promis l'auoit, dont il ne fait riens, quand il sceut la nouuelle que ledict Henry gastoit sa terre bailla la charge de ses gens de guerre à messire Iehan Chandos, pour courir la terre du Roy de France : & retint avec luy messire Bertrand du Guesclin, & autres prisonniers qu'il auoit amenez d'Hespaigne. Et pource que ledict Prince estoit pour lors en trefues avec le Roy de France, par fiction il bannist tous ses gens de guerre, & se nommoient la grand'compaignie. Pour la venue dudit Prince, le Duc d'Aniou manda au Roy

Le Roy Henry, qui en guise de Pelerin alla veoir Bertrand du Guesclin prisonnier à Bourdeaux.

LES CRONIQ. ET ANNALES DE FRANCE

Henry d'Hespaigne aller à luy à Villeneuve pres Auignon, lequel y alla: & ordonna ledict Duc que dedàs Hespaigne retourneroit ledict Henry. En ces entrefaictes fut deliuré le Begue de Villaines, qui s'en vint deuers le Roy de France. Aucuns familiers du Prince de Galles, qui estoient à Bourdeaux, luy deirét qu'il estoit bruyt que ledict Prince detenoit ledict Bertrand, pour la doubte qu'il auoit qu'il luy feist guerre, s'il estoit eschappé: & lors le Prince par orgueil & despit feit venir ledict Bertrand deuant luy, & luy deit que s'il luy vouloit promettre que iamais contre luy ne s'armeroit, ne semblablement pour le Roy Henry d'Hespaigne, qu'il luy acquiteroit sa rançon, & toutes ses debtes, & luy donneroit dix mil florins pour soy monter & armer: mais Bertrand luy deit qu'il aymeroit mieux mourir en sa prison, que telle chose luy promettre: & soyez certain (deit Bertrand au Prince) que ie seruiray de tout mon pouuoir ceux à qui ie suis tenu, se possible est que ie sorte hors de prison, ou trop longuement m'auiez tenu à tort & contre raison: car i'estoye party de France avecques mes cōpaignons en propos d'aller sur les Sarrazins, & pour faire le salut de noz ames. Et pourquoy n'y alliez vous sans arrester? deit le Prince. Ie le vous diray (deit Bertrand moult asseurement) nous trouuâmes vn Pietre d'Hespaigne, qui de Dieu soit mauidict, lequel auoit faict meurtir la bonne dame Blanche de Bourbon, sa femme, extraicte de la noble maison du Duc de Bourbō, & du sang saint Loys: laquelle estoit de vostre sang, & vostre cousine prochaine du plus grād & merueilleux costé que vous ayez: & vouloit iceluy Pietre espouser la fille d'un Iuif, son principal Conseiller & Medecin: si m'arrestay illec pour de luy prendre vengeance, & ayder à Henry son frere, lequel ie sçay estre vray heritier du royaume d'Hespaigne, & aussi pour destruire Iuifz & Sarrazins, dont ledict Pietre estoit fort accompagné. Or estes vous venu vous & voz Angloys, pour cōuoitise d'or & d'argent, que ledict Pietre vous donna & promet, & cuidant tenir le royaume apres luy faullement: auquel voyage vous auez tout premierement offensé Dieu nostre createur (car vous auez empesché la vengeance des aduerfaires de la loy, & si auez greué vostre sang, à soustenir leur querelle par vostre ambition, à la grād' perte de voz nobles Cheualiers, qui par guerre & par famine, & glaiue, y sont mors) & maintenant vous apperceuez à tard comme le desloyal Pietre vous à deceu, dont ie luy sçay bon gré. Quand Bertrand eut acheué sa raison, le Prince de Galles leua la chere & ne se peut tenir qu'il ne deit que Bertrand auoit raison, & les Barons, qui là estoient, disoient qu'il auoit deit verité. Or ça Bertrād (deit le Prince) on deit que ie vous tiés longuemēt prisonnier, pour doubte que i'ay de vous, parquoy ie vueil que vous en alliez, mais ce ne sera pas sans payer vostre rançon. Sire respondit Bertrand, vous sçauiez que ie suis vn pauvre Cheualier de petite estimation, qui n'ay gueres de terre ne de biens, & si tant peu que i'en ay est engagé pour mōture & pour harnois, & si dois en ceste ville mieux de dix mil escuz, si me vueillez mettre à gracieuse rançon, & vous ferez vostre honneur. Et ou yriez vous beau seigneur? deit le Prince, qui vous laisseroit aller. Ie m'en iray deit Bertrād, ou ie pourray tantost recouurer ma perte: & plus ne vous en dy, & vous prie que plus ne m'en demandez. Or vous aduisez, deit le Prince, combien vous me donnerez: car ie vous fais iuge de vostre cause mesme. Sire, deit Bertrād, ie vous mercie: & ie croy que ne daigneriez aller contre la parolle qu'auiez proposée: & puis que de ma rançon m'auiez faict iuge, ie vous donneray cent mil doubles d'or. Quand le Prince fuyt si haultemēt parler la couleur luy mua, & en regardant ses Barōs, deit: Voyez vous pas cōment Bertrand se sçait gabber & mocquer de moy, qui m'offre telle somme: car ie le quitteroye pour la quarte partie. Sire Bertrād ie n'en vueil pas tant: car vous ne le pourriez finer: & bien deit Bertrād, grād mercys: si en aurez vous soixante mil, ne ia moins, si pour tant me voulez quitter. Ouy certes, deit le Prince, i'en suis d'accord. Lors deit Bertrand haultemēt: Maintenant se peut bien vanter Henry qu'il mourra Roy d'Hespaigne: car ie l'en couronneray, quoy qu'il doiue couster: & me prestera la moytié de ma rançon, & le Roy de France l'autre. Le Prince s'esbahist du noble courage de Bertrand: & la Princesse de Galles, qui pour lors estoit en Angoulesme, qui ouyt la renōmée de Bertrād, alla à Bourdeaux expressement pour le veoir, & luy donna dix mil doubles en allegemēt de sa rançon. Si fut Bertrand deliuré pour aller faire finance de sa rançon, par ainsi qu'il pōmist ne porter armes tant que payée fauroit. Bertrand s'en partit de Bourdeaux, & s'en alla deuers monseigneur Loys, Duc d'Aniou, qui tenoit le siege deuant Tarrascon, contre la Roïne de Cecille: & tant feit Bertrand que par sa cōduicte & subtilité, la ville fut prinse dedans les

Bertrand du Guesclin par la vertueusement au Prince de Galles.

La rançon de Bertrand du Guesclin.

tiers iour de son arriuée : & ceux d'Arle aussi se rendirent par composition , moyennant grande finance. Le Duc deit à Bertrand qu'il luy donnoit vingt mil escus , & luy en feroit autant donner par le Pape , & que le Roy de France luy en donneroit soixante mil , & si plus en failloit il ne luy faudroit point . Bertrand le remercia humblement , & print congé de luy , & s'en vint deuers le Roy qui honnorablemēt le receut , & luy donna cent mil florins pour ayder à payer sa rançon & ses despens : puis luy donna congé : mais à son partement il luy feit promettre que toutes les fois qu'il le manderoit il reuiendrait à son ayde . Apres s'en alla Bertrand en Bretagne veoir madame Tiphaine sa femme , qui estoit à la Roche Derien , & passa par l'Abbaye du mont saint Michel , en laquelle auant son partement il auoit laissé en la presence de sa femme cent mil florins , en garde , & les cuidoit bien trouuer , mais sa femme les auoit receuz : & il luy demanda en quoy elle les auoit despédus : & elle respondit : Sire sçachez que ie les ay baillez & donnez aux Gentilz-hommes , qui vous ont seruy en la guerre , pour ayder à payer leurs rançons , & d'eux pourriez encores estre bien seruy . Si deit Bertrand que bon gré luy en sçauoit . Les Barons de Bretagne receurent honnorablement ledict Bertrand , & luy feirēt plusieurs dons pour sa rançon payer . Cela fait s'en retourna Bertrād à Bourdeaux , ou tantost apres sa rançon fut apportée , & rachepta Bertrand tous les autres prisonniers François . Apres , ledict Prince de Galles le feit grandement honorer & conduire par ses Cheualiers iusques hors de ses terres . Si s'en alla en Languedoc deuers le Duc d'Aniou , qui luy bailla mē sire Oliuier de Mannay , & bien douze cens lances de gens de guerre qu'il auoit assemblez pour aller en l'ayde du Roy Henry d'Hespaigne contre le Roy Pietre : lequel comme on disoit , pour auoir ayde contre ledict Henry , auoit prins alliance au Roy de Bellemarine , Sarrazin , & espousé sa fille : & pour ce faire il renia la loy de Iesus Christ . Ledit Henry eut cinq batailles contre ledict Pietre : lesquelles , par la conduicte dudit Bertrand , il gagna toutes . A la sixiesme iceluy Pietre fut prins prisonnier par le Begue de Villaines , Cheualier François , duquel ledict Henry rachepta , & luy feit couper la teste , & l'enuoya deuant la cité de Seville : & ainsi finas ses iours miserablement iceluy Roy Pietre , meurdrier de sa femme , & Apostat de la loy de Iesus Christ . Apres la mort duquel toutes les citez de Seville , de Tollette , & les autres villes & chasteaux d'Hespaigne se rendirēt tous en l'obeissance dudit Henry , qui demoura paisible Roy d'Hespaigne : & par ainsi ledict Royaume de Castille fut gagné par Henry , recouuert par Pietre , & regagné par Henry , tout en vn an & demy . Apres ces choses faictes le Roy manda à mē sire Bertrand du Guesclin par plusieurs messages , & à la parfin y enuoya le Marechal de Denehen , luy prier qu'il s'en retournast en France , pour luy ayder contre les Angloys , qui fort le guerroyent : & luy promet ledict Marechal , de par le Roy , l'espee de Conestable de France . Si s'en retourna & emmena à son retour d'Hespaigne cinq cens lances : & si tost qu'il fut en France , il passa par Languedoc pour veoir le Duc d'Aniou , qui ioyeusement le receut , lequel faisoit guerre aux Anglois , pour plusieurs tortz qu'ilz luy auoient faitz . Apres ce , Bertrand s'en passa par Perigort , ou le Comte le festoya fort , & s'en venant plusieurs gens de guerre se meirent en sa compagnie , tellement qu'il eut grand nombre de gens : & en passant & cheuauchant print plusieurs villes & places que tenoient les Angloys . L'an mil trois cens soixāte & sept , apres ce que le Prince de Galles & son frere , avec leurs compagnies , furent retournez d'Hespaigne ou ilz estoient allez en l'ayde du Roy Pietre , comme dessus a esté dict sejournerent vne espace de temps en Guyenne & à Bourdeaux , & iusques au mois de Decēbre , qu'ilz eurent receu la rançon de mē sire Bertrād du Guesclin , qu'ilz se meirent sur les champs , & vindrent & entrèrent es pais d'Auuergne , Berry , Bourbonnois , & allerent passer la riuere de Loire à Marcigny les Nonnains , & sejournerent aucun temps en Masconnois , puis entrerēt en la Duché de Bourgongne , ou ilz ne trouuerent nulz viures sur les champs : car monseigneur Philippe Duc de Bourgongne , frere du Roy , auoit tout fait retraire es forteresses qui estoient bien gardées . Si passerent en Auxerrois , ou ilz se rafraichirent de viures & d'habillemens , dont ilz auoient grand mestier , & entrerēt en Gastinoys , environ huit cens homes d'armes Anglois , & grand nombre de gens de pied , tellement qu'ilz estoient bien dix mil personnes : & vne autre plus grand' bande , ou ilz estoient bien vingt mil , qui passerent Seine , & allerent vers Troye . Puis passerent la riuere d'Aulbe , & allerent vers Espernay , & y meirent le siege , & furēt ceux de dedans si pressezz qu'ilz furent cōtrainctz bailer la ville , & rançonnerēt

Dons des Princes à Bertrand du Guesclin , pour sa rançon.

Du Roy Pietre d'Hespaigne qui espousa la fille d'un Sarrazin , & en ce faisant renouça à la loy de Iesus Christ.

L'an mil trois cens lxxvj.

LES CRONIQ. ET ANNALES DE FRANCE.

*Ceux d'Esp-
pergnay ra-
cheptèrent des
Anglois
leurs corps &
leur ville.*

*Des Anglois
qui prindrent
la ville de Vi-
re eux estans
habillez com-
me gens de la
bour.*

*L'an mil trois
cens lxxvij.*

*L'an mil trois
cens lxxvij.*

** Il le nomme
indifferem-
ment De-
neba & Deu-
chan.
* alias
Bauldrā.*

leurs corps & la ville de brusler de deux mil francs d'or, & demourerent dedans aucuns gens d'armes desdictes compagnies: puis allerent deuant le monstier d'Ay, qui estoit fort, & y auoit vingt hommes d'armes François qui le monstier deffendirent, & par tout pilloient & roboient, prenoient prisonniers, & faisoient autres grands maux: & ce sçachant le Roy, il feit diligence de faire assembler gens pour les combatre: parquoy ceux qui estoient venus en Gastinois, repasserent la riuere d'Yonne à Pons, & passerēt Seine à Nogent, sur Seine, & s'en retirerent à Espernay avec les autres: puis allerent vers Chaalons & Vitry en Parthois, & seiournerent en celle marche iusques enuiron le moys de Iuin: & le Roy auoit grād nombre de gens d'armes es bonnes villes pres d'eux, comme à Sens, Troyes, Chaalons, Prouins, & autres, qui semblablement venoient sur les champs, & faisoient de moult grandes rudesces. Le Roy feit parler ausdictz Anglois par plusieurs fois pour trouuer moyen de les faire vuyder hors dudit royaume: mais ilz faisoient trop grandes demandes: c'est à sçauoir quatorze cens mil francs d'or. Iceux Anglois repasserent la riuere assez pres de Troyes, & s'allerēt loger à Marigny, & illec enuiron. Le Duc de Bourgongne estoit lors à Troyes, mais il n'auoit pas assez gens pour les combatre & assaillir. Si s'en allerent passer la riuere d'Yonne vers Auxerre, & allerent vers Chastillon sur le Loin deuant Montargis, & par tout le Gastinois vers Estampes & Estrechy, ou ilz estoient logez au moys de Iuillet, & bouterent le feu en plusieurs villes & villages. Et poutce qu'on disoit qu'ilz tiroiēt vers Paris, le Roy manda ses gens d'armes venir à Paris, mais il s'ourdī aucunes deffiances entre les Gascons, qui estoient avec lesdictz Anglois, & aux Anglois des Gascons. Les Gascons se departirent d'avec eux, & s'en allerent deuers Baugency, & les Anglois allerent en Normandie, & prindrent d'arriuee en plain iour la ville de Vire: car il y en alla cinquante ou soixante, habillez comme gens de village sur leurs harnois, & gaignerent les portes & tuerent les portiers: & puis leurs routes qui estoient embuschées entrerēt dedans, mais ilz ne prindrent pas le chastel: puis vne partie d'eux alla en Aniou, & prindrent Chasteaugontier. Les Gascons qui estoient à Baugency, y seiournerent enuiron trois sepmaines, & alla le Seigneur d'Albret plusieurs fois deuers eux, pour trouuer moyen de les faire vuyder en esperance de certain appoinctement: & combien qu'il ne fust encores accordé lesdictz Gascons passerent Loyre du costé de Soulongne: & si tost qu'ilz furent passez, la riuere creut tellement qu'ilz ne la peurent repasser, & ainsi demourerent vne piece en attendant le traité dudit appoinctement, que ledict seigneur d'Albret auoit porté deuers le Roy. Audiēt an mil trois cens soixante sept, le Pape Urbain partit d'Auignon pour s'en aller tenir sa court à Romme, & emmena avec luy les Cardinaux: toutesfois il en demoura quatre qui n'y voulurent point aller, dont le Pape fut mal content d'eux, & ne leur laissa nulle puissance. L'an de grâce mil trois cens soixante & huit, le sixiesme iour d'Auril, arriua à Paris messire Lionnel, Duc de Clarence, filz du Roy d'Angleterre, qui alloit pour espouser la fille de messire Galiache, l'un des seigneurs de Milan, ou le Roy de France le receut à grand honneur: & allerent au deuant de luy iusques à saint Denis, monseigneur Iehan, Duc de Berry qui auoit, eut congé de venir en France, pour vn an (car il estoit l'un de ostages du feu Roy son pere) & monseigneur Philippe Duc de Bourgongne, frere germain du Roy: & le menerent descendre au chasteau du Loure ou le Roy estoit logé, & le feit disner & soupper avec luy, & le festoya moult grandement. Le lendemain le feit festoyer par la Royne & par les damos en l'hostel de saint Paul: & apres les festoyerent les Dutz de Berry & de Bourgongne, en l'hostel d'Artois, ou ilz tindrent maison ouuerte. Apres le Roy feit audiēt Lionnel, & à ses gens, des dons & presents qui valoient bien vingt mil florins, & le feit conuoyer iusques hors du royaume, à ses despens. En celle année au moys de Iuin, le Roy feit deux Mareschaux de France, c'est à sçauoir messire Loys de Sancerre, & messire Loys Moté, Seigneur de Blauille: car le Mareschal Bouciquault estoit mort: & messire Raoul de Deuchan, * qui ne pouoit plus s'oustenir la peine laissa l'office es mains du Roy, qui luy bailla l'Auriflambe: & enuiron quinze iours deuant, le Roy auoit fait Admiral messire François Perilleux, & en auoit osté le Baudouan * de la Houze. En ce mesme temps couroient tousiours plusieurs compagnies d'Anglois, Navarrois, Gascons, & autres gens assemblez parmy le royaume, & prenoient & pilloient les places, bautoient feu, & forçoient femmes & pucelles, & faisoient tant de maux que ce seroit pitié à raconter.

Des

*Des appellations que le Comte d'Armignac & autres seigneurs de Guyenne
feirent en Parlement contre le Prince de Galles.*

Nuiron celle faison les Comtes d'Armignac, d'Albret & Perigort, & plusieurs autres Barons, & Nobles de Guyenne & Gascongne, appellerent du Prince de Galles, Duc de Guyene, pour aucuns griefs qu'il leur auoit faitz: & requirent au Roy d'auoir lettres d'adiournemēt en cas d'appel: lesquelles, apres plusieurs difficultez, le Roy par la deliberation de son conseil pour ce assemble en la chambre de Parlement, auquel le Roy, la Royne, tous les Princes, Prelatz & gens de communitiez des bonnes villes de France estoient en grand nombre assemblez, leur bailla: car il estoit dict expressement par le traicté de paix fait entre les François & les Anglois, que les souverainetez, hommages, & ressors desdictz pais demoureroient au Roy de France, iusques à ce que lesdictz Roy d'Angleterre & Prince de Galles eussent fait certaines renociations: & mesmemēt qu'ilzeussent baillé lettres de renociation du droit qu'ilz pretendoient à la couronne de France & au royaume, desquelles bailler ilz auoient esté refusans & delayans, & ne les auoient point baillées. En celle année le seigneur d'Albret espousa la fille du Duc de Bourbon, sœur de la Royne & de la Comtesse de Sauoye. Item en ce temps Pierre Comte d'Alençon, l'un des ostages du Roy Iehan en Angleterre, retourna en France, & depuis n'y retourna, & paya trente mil francs d'or: & semblablement le Duc de Bourbon aussi par certains moyens s'en retourna, & paya vingt mil francs d'or.

Comment le Roy alla à Tournay, pour traicter le mariage du Duc de Bourgongne, son frere, & de la fille du Comte de Flandres.

L'entrée du mois de Septembre, audict an mil trois cens soixante & huit, ^{L'an mil trois cens lxviij.} le Roy partit de Paris, & alla iusques à Tournay, ou il auoit mandé venir Loys, Comte de Flandres, le Duc de Braban, le Comte de Haynault, & autres, en esperance de faire le mariage pourparlé de messire Philippe de France, Duc de Bourgongne, son frere, & de madame Marguerite seule fille & heritiere dudit Comte de Flandres, veufue de feu Philippe de Bourgongne, qui estoit mort en l'age de treize ans: mais iceluy Comte de Flandres auoit volenté & affection de marier sadicte fille à messire Aymond, Comte de Cantorbie, l'un des filz du Roy d'Angleterre: & feust fait: mais le Pape ne voulut donner dispence de la proximité du lignage qui estoit entr'eux: & par dissimulation se fait excuser ledict Comte de Flandres, par maladie, & par ce s'en retourna le Roy à Paris: mais madame Marguerite Comtesse d'Artoys, mere dudit Comte de Flādres, qui s'estoit trouuée audict lieu de Tournay, & qui pour celle cause moult desiroit ledict mariage estre accompli, alla par deuers ledict Comte, son filz, à Malines: & furent faitz, & pourparlez plusieurs appointemens touchant iceluy mariage, lequel ledict Loys Comte de Flandres ne vouloit consentir n'accorder, sinon que le Roy luy baillast & delaisast les villes & chastellenies de l'Isle & de Douay, & leurs appartenances, ce que le Roy promet faire, moyennant ce que ledict Philippe, Duc de Bourgongne, son frere, par ses lettres patentes données à Peronne, le douziesme iour de Septembre, audict an mil trois cens soixante & huit, promet que si tost qu'elles reuiendroient en ses mains apres le trespas dudit Cōte, qu'il les rendroit & restitueroit au Roy, son frere, ou à ses successeurs: & à ce obligea luy & ses hoirs, soubz les censures Apostoliques, & fut la matiere mise en surceance. En la fin d'iceluy mois les Anglois, qui estoient à Vire, en Normandie, moyennant certaine somme qui leur fut donnée, s'en saillirent, & s'en allerent à Chasteaugontier, avec leurs compaignons qui la estoient, & prindrent plusieurs forteresses illec enuiron, pour eux loger: & les Gascons, qui estoient passez Loyre (comme dict a esté) allerent en Touraine: & lors plusieurs gens de guerre, tant des ordonnances que sans gages, les suyui- rent, en esperance de les combattre, iusques à Faye la vineuse, en Poitou, ou ilz se retrahyrent, & ne les peurent auoir. Le vingt & troysiesme iour dudit mois aucuns Cheualiers & Escuyers de Bourgongne, allerent en Forest apres aucuns Anglois, qui auoient cheuauché par la Bourgongne, & les combattirent & desconfirent: & y en eut de tuez douze ou quatorze cens: les autres s'enfuyrent, & furent rescoux les prisonniers qu'ilz auoient prins en grand nombre.

Second volume.

FF iij

LES CRONIQ. ET ANNALES DE FRANCE

De la natiuité & baptesme de Charles, premier filz du Roy Charles cinquieme.

*L'an mil trois
cens lxviij.*



Le Dimenche troysiesme iour de Decembre audiēt an mil trois cens soixāte & huiēt, nasquit mōseigneur Charles, premier filz dudiēt Roy Charles cinquieme, en l'hostel de sainct Paul à Paris, dont grād' ioye fut par le royaume. Le Roy alla incontinent rendre graces à Dieu & à nostre Dame en l'Eglise nostre Dame de Paris, & le lendemain alla en pelerinage à sainct Denis, & feit donner aux colleges des Mendiās de Paris bien quatre mil florins. Le Mecredy vnzieme iour dudiēt moys fut lediēt Charles baptisé en l'Eglise S. Paul à Paris, & s'y trouua moult grand' multitude de peuple, & y auoit deux cens hommes qui portoient deux cens torches. Apres estoient mesire Hue de Chastillon grand Maistre des Arbalétriers de France, qui portoit vn cierge, & le Comte de Tancarville portoit vne coupe d'or, en laquelle auoit du sel. Apres estoit la Roynie Iehanne d'Eureux, qui portoit l'enfant, & mesire Charles de Dampmartin aupres d'elle. Apres l'enfant estoient monseigneur le Duc d'Orleans, oncle du Roy, & les Ducz de Berry & de Bourgogne, ses freres, le Duc de Bourbon, frere de la Roynie, & plusieurs autres: & aussi y estoient la Roynie Blanche, la Duchesse d'Orleans & sa fille, la Comtesse de Harecourt, la Dame d'Albret, & plusieurs autres Dames & Damoyelles, toutes habillées en couronnes, flocars & autres ioyaux, le plus richement qu'il estoit possible de faire: & en ladiēt Eglise estoient attendans la venue de l'enfant l'Euesque de Beauuais, Chancelier de France, lors declairé & prononcé Cardinal (lequel le baptiza) le Cardinal de Paris, nommé maistre Guy de Maignac, les Archeuesques de Lyon & de Sens, les Euesques d'Eureux, de Coustances, de Troyes, d'Arras, Meaux, Noyon, & plusieurs Abbez tous habillez en pontificat avec leurs chappes, mytres & crosses: & le tint sur sons mesire Charles, Seigneur de Montmorency, & luy bailla son nom. Apres ce, fut fait vne donnée de vingt deniers Parisis à chascune personne qui y vouloit aller, & y eut si grande presse que plusieurs femmes y furent estainctes. Le Roy donna à son filz le pais de Daulphiné, à fin qu'il fust appellé monseigneur le Daulphin: & tantost apres par bulles du Pape l'Archeuesque de Sens presenta audiēt Euesque de Beauuais, Chancelier de France, le Chapeau de Cardinal: & lors maistre Guy de Maignac, Euesque de Paris, s'en partit pour aller à Romme deuers le Pape.

*La pompe &
solennité qui
fut faite au
baptesme du
premier filz
du Roy Char-
les, le quint à
Paris.*

*Comment plusieurs villes en Guyenne, Ponthieu, & ailleurs,
se reduisirent es mains du Roy.*



En ce tēps plusieurs des villes & places dudiēt Duché de Guyenne, en adherāt aux appellations interiectées par les Comtes d'Armignac, d'Albret & Perigort, & autres dessusdictz, se reduisirent volontairement es mains du Roy de France, au moyen dequoy se sourdit guerres: & lors print audiēt Prince de Galles vne maladie, dont il deuint ydropique: & à ceste cause par le conseil des Medecins s'en partit d'Aquitaine, & s'en alla en Angleterre, pour changer l'air, & emmena avec luy la Princesse sa femme, & son filz Richard (car le premier nommé Edouard, estoit mort à Bourdeaux) & laissa son frere le Duc de Lancastre, pour gouverner le pais. Tantost apres le Roy d'Angleterre y enuoya son autre filz, nommé Lionnel, Duc de Clarence, avec grand nombre d'Anglois. Le Samedy d'apres Pasques, septiesme iour d'Auril, l'an mil trois cens soixante & neuf, fut accordé le traité du mariage, qui longuement auoit esté pourparlé d'entre mesire Philippe, Duc de Bourgogne, frere du Roy, & madame Marguerite, fille de mesire Loys Comtes de Flandres. Audiēt moys d'Auril, les villes d'Abeuille, de Rué, & toutes les autres de la Comté de Ponthieu, reserué Neelle, de leur volonté se meirent en l'obeissance du Roy de France, en moins de dix iours, es mains de mesire Hue de Chastillon, grand maistre des Arbalétriers de France.

*L'an mil trois
cens lxiij.*

*Des appellations que les Seigneurs & communaultez de Guyenne auoient
interiectées, contre le Prince de Galles, Duc de Guyenne.*

Le second iour de May, audiēt an, se presenterent en Parlemēt lesdictz Comte d'Armignac, de Foix, d'Albret, & autres Barons & Seigneurs, qui s'estoient portez pour appellans

appelans à l'encontre d'Edouard Prince de Galles, Duc de Guyenne: & le vingt & vn iefme iour dudiect moys le Roy alla en personne en Parlement: & estoit la Roynie Iehan^e assise aupres de luy, le Cardinal de Beauuais au dessoubz, les Archeuesques de Reims, Sens, Touars, quinze Euesques, & plusieurs Abbez, les Ducz d'Orleans & Bourgongne, les Comtes d'Alençon, d'Estampes, & plusieurs Barôs, Nobles, & gens de plusieurs bonnes villes illec assemblez, pour ladiecte cause: & meit le Roy lesdictes appellations, en conseil & deliberation, à fin de sçauoir s'il y auoit esté fait autrement que la raison le vouloit: & là estoient tous les Conseillers en Parlement, lesdictz Ducz, Comtes, Barons, Archeuesques & Euesques, lesquels furent tous d'opinion qu'à bonne & iuste cause le Roy auoit admis & receu les appellations, & qu'il ne les pouoit ne deuoit reffuser, & que si le Roy d'Angleterre vouloit mouuoir guerre pour ceste cause, ce seroit à tort & sans raison. Apres furent leuës les responses qui auoient esté aduisées de faire sur vne lettre ou cedulle qu'il auoit baillée, contenant plusieurs defraisonnables demandes, que faisoient les Anglois: & pour occasion des choses dessusdictes recommença la guerre entre François & Anglois. En ce temps le Duc de Lancastre, filz du Roy d'Angleterre, qui estoit demouré à Bourdeaux, espousa en vn village, pres Bourdeaux, Constance, fille du Roy don Pietre d'Hespaigne. Item en ce temps Yuain, filz du Prince Aymond de Galles, que le Roy d'Angleterre auoit fait mourir, pour auoir sa terre, vint en France, & seruit bien le Roy & ses gens contre les Anglois.

La Roynie de France estoit assise au pres du Roy en la court de Parlement.

Du mariage du Duc Philippe de Bourgongne, à la fille du Comte de Flandres.

LE Mardy dixneufiesme iour du moys de Iuin audiect an mil ccc. lxxix. fut celebré & accôply le mariage de mōseigneur Philippe, Duc de Bourgongne, frere du Roy, & madame Marguerite, seule fille & heritiere de Loys, Côte de Flādes, d'Artois, de Neuers, & de Rethel, & furent espousez en l'Eglise S. Bauō de Gād, par l'Archeuesque de Tournay, & y allerēt plusieurs grāds Princes & seigneurs de Frāce, & y estoient le Duc & la Duchesse de Brabā, oncle dudiect Comte de Flādes: & durāt ladiecte feste furent faictes ioustes, tournois, & autres grāds esbatemēs. Ladiecte Marguerite auoit parauāt esté femme de mōseigneur Philippe, Duc de Bourgogne, qui trespasa à Rouure, des l'an mil ccc. lx. & vn: & ainsi elle fut Duchesse de Bourgongne deux fois: & par le traicté dudiect mariage, pource que lediect Comte de Flandres, pere de ladiecte Marguerite, faisoit plusieurs difficultez, le Roy luy promet, & de fait luy bailla les villes, chasteaux, chastellenie, terres, & seigneuries de l'Isle, Douay & Orchies, & leurs appartenances, à faculté de les pouoir r'auoir & r'achepter par luy & ses successeurs, en deffaulte d'hoir masle en ligne directe, en baillant dix mil liures de terre: laquelle chose le Roy feit pour auantager lediect Philippe, Duc de Bourgongne, son frere, & à fin que lediect traicté de mariage fortist effect. Mais ce fut soubz telle cōdition, qu'iceluy Philippe promet, & bailla lettres au Roy que si tost que elles seroient venues en ses mains, par la mort dudiect Comte, son beau pere, ou autrement il les rendroit & restitueroit au Roy, son frere, ou à ses hoirs, ou ayans cause. Item le xv. iour de Iuillet le Roy partit de Paris pour aller en Normandie, veoir vne grand' quantité de nauires qu'il auoit fait preparer, pour faire vne course en Angleterre: & auoit le Roy ordonné que son frere le Duc de Bourgongne y passeroit.

L'an mil ccc. lxxix.

Marguerite fille du Côte de Flandres fut deux fois Duchesse de Bourgongne.

D'une descente d'Anglois en France.

EN ce temps le Roy fut aduertie que le Duc de Lancastre estoit descendu à Calais avec grand' compaignie de gens d'armes: & vindrent iusques à Therouenne, & à Aire, & bruslerent & gasterent le païs d'environ. Le Roy, qui parauant auoit fait assembler plusieurs nauires à Harfleu, pour enuoyer son frere le Duc de Bourgongne faire vne course en Angleterre, cessa son entreprinse, & enuoya incontinent le Duc de Bourgongne, qui hastiuement alla au deuant du Duc de Lancastre, & se logea aupres d'Ardre, & Tournehan: & là furent longuement les deux ostz sans combatre, puis se leua lediect Duc de Bourgongne, & s'en vint à Hedin, dont plusieurs gens murmurerent, & furent mal contens contre luy, car il estoit plus puissant de gens que lediect de Lancastre, & estoit assis son ost à l'auantage, & si auoit viures à planté. Quand lediect Duc

LES CRONICQVES, ET ANNALES DE FRANCE.

L'an mil ccc.
lxxix.

de Bourgongne fut leué, ledict Duc de Lanclastre se meit à cheuaucher par Ponthieu, vers le pais de Caux, & passerent la riuere de Somme, à la Blancquetacque, & allerent iusques à Harfleu, en intètion de brusler les nauires du Roy de France, qui la estoient : mais ilz ne peurent : parquoy ilz ardirent plusieurs villes en la Comté d'Eu, & s'en retournerent par Ponthieu : & aupres d'Abbeuille prindrent messire Hue de Chastillon, & plusieurs Cheualiers, Escuyers, & Bourgeois de ladicte ville, qui estoient failliz pour leur courir sus, & les enuoyerent prisonniers à Calais. Le vingt & deuxiesme iour de Septembre audiect an mil trois cens soixante & neuf, madame Marguerite de Flandres Duchesse de Bourgongne, entra à Paris, ou elle fut receue à grand honneur du Roy & de la Roynne, & des gens d'Eglise, Nobles, & autres de tous Estatz. En ce temps le Roy de Nauarre, qui longuement auoit demouré en Nauarre, vint par la mer, & descendit à Constantin : & feit sçauoir au Roy qu'il viédroit volontiers à luy s'il luy plaisoit, mais il auoit à luy faire aucunes requestes, qu'il diroit volontiers à aucuns de son conseil auant sa venue : & par ce le Roy luy enuoya à Cherebour, ou il estoit, le Comte de Sallesbruche, le Doyen de Paris, maistre Jacques le Riche, & Pierre Blancher : & estoient lesdictes requestes touchant les villes de Mante & Meulanc, que le Roy de Frâce tenoit en sa main : & pour celle cause feirent les Roynes Blâche & Iehanne plusieurs voyages deuers lesdictz Roys de France & de Nauarre : mais nonobstant ces choses ledict Roy de Nauarre auoit tousiours ses messagiers deuers le Roy d'Angleterre : & disoit on communemēt que s'il eust trouué bon appoinctement avec luy, il n'en eust point fait avec le Roy. En ce temps fut commencée la Bastille à Paris, & assise la premiere pierre par Hugues Aubriot, lors Preuost de Paris, qui la feit faire des deniers du Roy.

Le bastiment
de la Bastille
à Paris.

En ce mesme temps fut fait le mariage de madame Iehanne de France, fille du feu Roy Philippe de Vallois, & de madame Blanche de Nauarre, sa femme, qui encores viuoit, à Iehan, filz aîné du Roy d'Arragon, Duc de Gironne, & fut espousée par procuration : & tantost apres, ainsi qu'on la menoit en Arragon, elle mourut à Beziers en Languedoc.

De la course de Robin Canolle, & autres Anglois : & comment messire Bertrand du Guesclin, fut fait Connestable de France.

L'an milccc.
lxx.



Les Anglois
se vindrent
loger iusques
pres Paris.

Au mois de Iuillet mil trois cens soixante & dix, Robin Canolle & messire Thomas Grancon, Anglois, accompaignez de six mil hommes d'armes, & cinq cens Archiers, partirent de Calais, & cheuaucherent vers saint Omer, & Arras, & ardirēt les faulxbourgs, & les bledz du pais d'environ qui encores estoient debout. Apres cheuaucherēt vers Noyon, par Vermadois. Puis passerent les riuieres d'Aulbe & de Seine, passerent par Joigny, Nemours, Gastinois, & vindrēt à Corbeil, & Essonne, & iusques deuant Paris, en bruslant & gastant tout les pays, par ou ilz passoient, qui ne se vouloient rançonner, & ne furent point combatuz, sinon que aucuns de Paris saillirent sur eux, & en tuerent pres de sept cens, car ilz furent aucuns iours logez par les villages d'entour Paris, & furent vn iour longuement en bataille entre Villeiuifue & Paris, & coururent iusques à saint Marcel & saint Victor, & apres s'allerent loger au pont d'Antonis, au Bourg la Roynne, & illec enuiron : puis tirerent à Estampes, & s'en retournerent par la Beaussie iusques en Aniou, tousiours faisant si rigoureux exploitz de guerre, qu'ennuy seroit de les racompter. Item au mois d'Octobre audiect an le Pape Urbain, qui estoit allé es parties de Romme, s'en retourna en Auignon, es gallées que le Roy luy auoit enuoyées par l'Abbé de Fescamp, & par vn Cheualier, nommé messire Iehan de Chambly. Item en ce temps feit le Roy conuocation des Prelatz, Nobles, & bonnes villes de son royaume, pour auoir conseil & ayde sur le fait de sa guerre : & apres ses remonstrances faictes luy fut octroyé vn ayde, c'est à sçauoir l'imposition de douze deniers pour liures de toutes denrées vendues, la gabel le du sel, & quatre francs pour feu es bonnes villes, & vn franc au plat pais, le quatriesme du vin vendu en broche, douze deniers Parisis pour queuē de vin François, qui entroit à Paris, & vingt quatre solz pour queuē de vin de Bourgongne. Le deuxiesme iour dudiect mois d'Octobre le Roy cōgnoissant les sens, vaillance & preudhommie de messire Bertrand du Guesclin, qui nouuellement estoit retourné de la guerre d'Hespaingne

De l'imposi-
tion qui fut
faicte sur les
denrées &
marchandises
en France.

gne de l'ayde du Roy Henry, le feist Cōnestable de France: lequel tantost apres s'en alla en Aniou, ou estoient les Anglois, que conduisoit Robin Canolle, & Thomas Granson, & les cōbatit, & d'arriuee en tua bien six cens, & print lediēt mē sire Thomas prisonnier. Puis alla à Viarzon en Berry, que tenoiēt les Anglois & print la place, & en tua bien trois cens: & apres alla à Ruilly, mais les Anglois abandonerent la place, & s'en fuyrent. Le Duc du Guesclin les suyuit iusques à Bressure en Poitou, & là les combatit, & y eut que de mors que de prins quatre cens hommes. Le sixiesme iour de Ianuier, mil trois cens soixante & dix, lediēt Roy achepta de mē sire Jehan de Chaalons la Comté d'Auxerre, le pris & somme de trente & vn mil francs d'or, qu'il paya content, & la ioignit au demaine de la couronne de France, & ordonna que iamais n'en fust separée.

Bertrand du Guesclin crée Connestable de France.

De l'appointement du Roy de Nauarre: & comment mē sire Bertrand du Guesclin meit es mains du Roy le pais de Poitou, de Xaintonge, & aussi pres- que tout le pais de Bretagne, par ce que le Duc s'en estoit allé en Angleterre.

AV moys de Decembre audict an mil trois cens septante, trespassa le Pape Urbain en Auignon: au temps duquel fut saincte Catherine de Seine, vierge de grande saincteté. Apres lediēt Urbain fut esleu mē sire Pierre Roger Cardinal François, qui estoit nepueu du feu Pape Clement, & rappelloit-on le Cardinal de Beaufort, car il estoit filz du Comte de Beaufort en Val- lée, & n'auoit que quarante ans, & par aucun temps ne voulut accepter la charge: mais finalement fut sacré aux Iacobins d'Auignon & nommé Gregoire, en la presence du Duc d'Aniou, frere du Roy, Lieutenāt en Languedoc: lequel Duc ramena lediēt Pape depuis les Iacobins iusques au Palais d'Auignon, allant à pied, tenant la resne de son cheval. En ce temps le Roy estant à Viarzon, enuoya mē sire Bertrand du Guesclin, son Cōnestable, plusieurs fois à Eureux, pour faire venir le Roy de Nauarre, son serourge, vers luy, lequel diffiera longuement sa venue, car il scauoit bien qu'il n'estoit point en la grace du Roy, par ce qu'il auoit donné passage au Prince de Galles, quand il alla en Hespaigne, en l'ayde du Roy Pietre, & aussi attēdoit ses gens qu'il auoit enuoyez deuers le Roy d'Angleterre. Finablement le vingt & vniesme iour de Mars audict an, il vint, moyenant que le Roy enuoyast pour ostages le Duc de Berry, son frere, à Eureux & feirent appointemēt, par lequel lediēt Roy de Nauarre deuoit auoir les Baronnies de Montpellier & Homelaz, qui auttesfois luy auoient esté promises: & lediēt Roy de Nauarre feit hommage au Roy des terres qu'il tenoit de luy, dont le Roy & le peuple furent tous ioyeux, car on doutoit qu'il ne se voulsist faire ennemy du Roy: & quand lediēt Roy de Nauarre s'en partit, il laissa ses deux filz Charles & Pierre, avec le Roy leur oncle, & s'en retourna en Nauarre. En ce temps mē sire Jehan des Dormans, Cardinal: Euesque de Beauuais, Chācelier de Frāce rendit au Roy les seaulx, & remeit lediēt office es mains du Roy, & fut maistre Guillaume des Dormans, son frere, par grand deliberation fait Chancelier de France, & tint lediēt mē sire Jehan des Dormans lediēt office de Chancelier trois ans quatre moys depuis qu'il fut fait Cardinal. En ceste saison le Pape Gregoire, qui estoit en Auignon, enuoya & feit Legatz pour traicter la paix des François & Anglois, les Cardinaulx de Cantorbie & de Beauuais, & enuoya le pouuoir audict Cardinal de Beauuais, qui estoit à Paris: lequel alla iusques à Meulāc, au deuant dudiēt Cardinal de Cantorbie, & là furent ensemble quatre iours. Puis vindrent à Paris deuers le Roy, & luy dirent leur legation. Le Roy feit responce que volontiers entendroit à appointement, & ne tiendrait point à luy de sa part. Puis lediēt Cardinal de Cantorbie s'en alla à Calais, ou le Roy le feit conuoyer, & passa en Angleterre, & lediēt Cardinal de Beauuais demoura à Paris. Le tresiesme iour de Mars, mil trois cens septante & vn, nasquit à Paris mē sire Loys, second filz du Roy Charles.

L'an mil ccc. septante.

Des dormans Chancelier de France, rendit au Roy les seaulx.

L'an mil ccc. lxxi.

En ceste mesme saison les François recouterent plusieurs villes & places que tenoient les Anglois en Guyenne: & par especial la cité de Lymoges, & le pais de Lymosin. Tantost apres les liures des Turelupins furent bruslez à Paris, en la place de Greue, & leur religion condamnée, & du tout abolie. Au moys de Iuillet ensuyuant le Roy enuoya lediēt du Guesclin, son Connestable, au pais de Poitou, ou il print plu-

Des Turlupins, qui furent aboliz.

LES CRONIQ. ET ANNALES DE FRANCE.

* Froissard
dict Penne-
brosh.

L'an mil ccc.
lxxij.

Ceux de Poi-
tou se rendi-
rent en l'obeis-
sance du Roy
de France.

La prudence
du Roy Char-
les le quint,
qui faisoit
toutes ses be-
songnes par
conseil.

seurs villes & places, & en diuers lieux desconfit grand nombre d'Anglois: & furent presque tous ceux qui auoient couru par le royaume avecques Robin Canolle, ou mors ou prins: & semblablement le nauire du Roy Henry d'Espagne vint pour secourir le Roy de France deuant la Rochelle: & d'aduenture trouuerēt en mer vingt & cinq grosses nefz Anglesches, lesquelles ilz combattirent & desconfirent, & y mourut moult de Anglois, & y en fut prins prisonniers plus de huit mil, & entre autres le Comte de Pantbror,* & moult grande finance ilz gaignerent. Asez tost apres mondict seigneur le Connestable Bertrand, & monseigneur le Duc de Berry, allerent deuant Poitiers ou la ville se meit amyablement en l'obeissance du Roy, & assaillerēt le chastel qu'ilz prindrent par force, & les Anglois qui estoient dedans, & tantost apres les François combattirent deuant Soubize le Captau de Buch, Lieutenant du Roy d'Angleterre, en Poitou & Xainctonge: & furent les Anglois desconfitz, & prins ledict Captau de Buch, & plusieurs Anglois. Ledit Captau de Buch fut amené prisonnier à Paris, & mis en la tour du Tēple, ou il mourut cinq ans apres. Lors se trouuerent lesdictz Anglois moult foibles audict pais, & estoient les François les plus fors: car les Ducz de Bourgongne & de Berry, freres du Roy, y estoient avec ledict Connestable, & plusieurs gēds d'armes. Le sixiesme iour de Septēbre mil trois cens septāte deux, mesdictz seigneurs les Ducz de Berry & de Bourgongne, allerent deuant la Rochelle, qui se meit en l'obeissance du Roy, aussi feirent tātost apres en ce mesme moys ceux d'Angoulesme, Xainctes, saint Iehan d'Angely, Touars, & presque toutes les autres villes & places dudit pais.

Item, le iour de la saint Andry ensuyuant lesdictz Ducz de Berry, de Bourgongne, & le Connestable allerent deuant Touars à tout quatre mil hommes d'armes, laquelle ville estoit encores pour les Anglois, & illec attendirent tout le iour: car parauant auoit esté traitté entre les gens du Roy de France, & les Nobles de Poitou, qui encores tenoient le party du Roy d'Angleterre, que si audict iour ilz se trouuoient deuant la ville, & Anglois ne les vinssent cōbatre, ilz se mettroient en l'obeissance du Roy: mais nul ne vint pour ledict Roy Anglois. Si fut la ville baillée aux François, & se rendirent tous ceux de Poitou: & feirent lesdictz Nobles hommage audict Duc de Berry, auquel le Roy auoit donné la Comté de Poitou en heritaige, & le pais de Xainctonge à vie, retenue la souueraineté: mais il demoura encores trois forteresses Anglesches: c'est à sçauoir Mortaigne, Lusignan & Gensay. Et est à noter que durant le siege, qui estoit deuant Touars, le Roy Anglois, qui estoit en Angleterre, se delibera de venir en persōne secourir ladicte ville de Touars, & assēbla grāde quātité de nauires, & se meit sus mer pour passer avec quatre mil lāces & vnze mil archiers, mais ilz eurent vent si contraire qu'ilz ne peurent prendre terre en France, parquoy il s'en retourna tout despitē, & deit telles parolles dudit Roy Charles cinquiesme. Il n'y eut oncques-mais Roy en France, qui moins s'armast que cestuy cy, qui ne bouge de son comptouer à escrire lettres, & si n'y eut oncques Roy qui tant me donnast à besongner qu'il faict.

En quoy on peut noter la bonne direction & conduicte dudit Roy Charles, qui faisoit toutes ses besongnes par conseil, & qu'es armes ne gist pas du tout la recourance des royaumes. En ce temps le Roy qui sentoit le Duc de Bretagne moult fauorable aux Anglois, & qui auoit espousé Iehanne, fille du Roy de Nauarre, contre son vouloir, enuoya par plusieurs fois deuers luy, dire qu'il feist son deuoir enuers luy, comme son vassal & hommage lige, & ne voulsist laisser entrer les Anglois en son pais, ne les fauoriser, lequel tousiours respondit qu'ainsi feroit il, mais ce neantmoins dedans la feste de Pasques ensuyuant, iceluy Duc, en venant contre ses promesses, feit venir grand nombre d'Anglois en Bretagne, que les Nobles, ne ceux dudit pais, ne voulurent receuoir: & luy dirent qu'ilz ne seroient ia Anglois, & que le Roy de France estoit leur souuerain seigneur: & requierent audict Duc, qu'il voulsist faire vuyder lesdictz Anglois hors de Bretagne. Ce qu'il ne voulut faire: mais les meit en plusieurs villes, & places, & en mettoit hors les Bretons: lesquelz à ceste cause enuoyerent deuers le Roy, leur souuerain seigneur, luy requierir qu'il y meist remede: & par ce enuoya le Roy en Bretagne ledict messire Bertrand du Guesclin, son Cōnestable, le seigneur de Craon, le seigneur de Clisson, & autres: & quand le Duc sceut leur venue, il s'en partit, & s'en alla en Angleterre. Si cheuaucha ledict Cōnestable par tout le pais de Bretagne, tant Galo comme Bretonnant, & se rendirent à luy, Nobles, gens d'Eglise, bonnes villes, & toutes les places dudit pais, excepté Brest & Aulroy, & Derual. Si meit le siege deuant Brest, & fut

fut appoincté par ceux, qui estoient dedans, que s'ilz n'estoient les plus fors deuant la place dedans vn iour qu'ilz nommerét, pèdant lequel temps ilz enuoyèrent en Angleterre, ilz rendroient la place: & de ce baillerent douze ostages, desquelz ledict Conneftable eflargit les six sur leur foy: mais ce neantmoins au iour escheu, ilz ne furēt point combatuz, & ne rendirent point la place: parquoy les ostages demourerent audict Conneftable.

D'une course que feirent les Anglois, tout au trauers du royaume de France.



V moys de Iuillet mil trois cēs septāte & trois, Iehan, Duc de Lancastre, filz du Roy d'Angleterre, & le Duc de Bretagne, qui s'en estoit fuy en Angleterre, descendirent à Calais, avec grand nombre de gens d'armes & d'archiers, & tirerent & cheuaucherēt vers Hedin, Dourlens, Corbie, ou ilz passerent la riuere de Somme, & allerēt à Roie, & là seiournerēt six iours dedans la ville: & pource que ilz ne peurent prendre l'Eglise, qui estoit forte, ilz bruslerent la ville à leur partement. *L'an milccc. septante & trois.* Apres tirerent en Laonnois, & passerent la riuere d'Aisne, à Villy, & moult ardirent de villes: puis passerent la riuere d'Aulbe, vers Gye, & trauerferent Champaigne, & les riuieres de Marne, Seine, Yonne, & Loyre, vers Marcigny les Nonnains: & tousiours les François les cheuauchioient & costioient, & par tout ou ilz en trouuoiet ilz en tuoient, puis s'en retirerent à Bourdeaux, sans riens assaillir: car ilz estoient tenus de si pres par le Duc de Bourgongne, & autres gens du Roy, qu'ilz n'auoient ne viures n'habillemens, & auoient tous perdus leurs cheualx, tellement que il y auoit plus de trois mil Cheualiers allans à pied, & tous deschirez. Et combien que la cheuauchée semblast de prime face leur auoit esté bien honorable, toutesfois leur fut elle moult dommageable: car auāt qu'ilz fussēt à Bourdeaux ilz se trouuerēt si las, & si trauaillez, qu'ilz demouroit par tout de leurs gēs & cheualx: & ceux qui tiroient auant, laissoient & abandonnoient leurs harnois & habillemens: & à la fin, quand ilz furēt à Bourdeaux, ilz ne se trouuerent que six mil hommes bien mal accoustrez, & ilz estoient partis biē trēte mil: & apres lesdictz Ducz de Lancastre, & de Bretagne s'en retournerent en Angleterre, avec ce peu de gens qui leur estoient demourez: & disoient que de ladiete course le Roy d'Angleterre, son pere, & le Prince de Galles, son frere, n'en furent pas cōtens de luy, ne dudiēt Duc de Bretagne, pour la grand' perte de gēs & biens qu'ilz y auoient eue: parquoy iceluy Duc de Bretagne partit, & s'en vint parmer à Bourdeaux: puis s'en tira en Bretagne, ou il trouua encores lesdictes trois forteresses qui tenoient pour luy: c'est à sçauoir Derval, Brest, & Aulroy: & descendit premierement à Aulroy, ou estoit sa femme, qui estoit sœur du Roy de Nauarre, & amena plusieurs Anglois: puis manda plusieurs du païs, pour venir parler à luy. *De trente mil Anglois qui estoient descenduz en France ne s'en retourna au païs que six mil.* Quand le Roy le sçeuſt il y enuoya des gens d'armes, pour secourir le païs, combien que le Cōneſtable & le seigneur de Clifſon y estoient ia. Le vingtiesme iour de May, iour de Pentecoste, mil trois cens septante & quatre, faillirent les trefues d'entre François & Anglois: *L'an milccc. septante & quatre.* & le vingt & vniesme iour d'Aoust ensuyuant, la ville de la Reolle, sur Gironde fut rendue au Duc d'Aniou, frere du Roy, apres ce qu'il y eut longuement tenu le siege: mais le chastel ne luy fut pas rendu: & à ceste cause il y meit le siege, & fut appoincté entre luy & les Anglois, qui estoient dedans, que si le Roy d'Angleterre ou l'un de ses filz n'estoient deuant ladiete place, puiffans pour combatre l'armée des François, au huietiesme iour de Septembre ensuyuant, iceux Anglois rendroient ladiete place au Duc d'Aniou: & pource qu'audiēt iour, ne ce pèdant, lesdictz Anglois ne cōparurent point, elle luy fut liurée. En celuy an furent enuoyez par le Pape, l'Archeuesque de Rauenne, & l'Euesque de Carpentras, pour faire paix entre François & Anglois, & s'assemblerent à Bruges, ou estoiet de par le Roy de Frâce, le Duc de Bourgongne, son frere, l'Euesque d'Amyens, & plusieurs autres: & pour le Roy d'Angleterre le Duc de Lancastre, son filz, l'Euesque de Londres, & plusieurs autres. Les Anglois demandoient les souverainetez & reſſors des terres qu'ilz deuoient auoir par le traicté de paix: mais le Roy fut conseilé qu'il ne le pouoit faire, & seroit contre son serment & son honneur, & au detrimēt de son ame (car il n'est qu'administrateur des biens de la couronne de France) & pour plusieurs autres raisons. Le vingtsixiesme iour de May, mil trois cens septante & cinq, ledict Roy Charles le Quint, feit vne Loy & Edict, que les enfans *Le Roy n'est qu'administrateur des biens de la couronne de France.*

LES CRONICQVES, ET ANNALES DE FRANCE.

de France ne seroient point couronner Roys de France, iusques à ce qu'ilz eussent l'age de treize ans accomplis: laquelle Loy ou Edict en la presence de l'ainé filz du Roy, des Ducz de Berry, & de Bourgogne, ses freres, & plusieurs Princes & seigneurs, Clercz & gens de l'vniuersité, fut publicée & approuuée par les gens de la court de Parlement.

Mort du Prince de Galles.

** Autres disent Cantebrige & Volengy au lieu de Boulegny & le vieil exemplaire mesme.*

Audiēt an mil trois cens septante & cinq; le iour de la Trinité, lediēt Edouard, Prince de Galles, trespassa en Angleterre: & fut fait Prince Richard, son filz, qui estoit ieune enfant: & est à noter que parauant, quand le Roy d'Angleterre voulu partir pour venir en Frâce, secourir ceux de Touars, il auoit esté appointé entre lediēt Roy d'Angleterre & lediēt Prince de Galles, son filz, que s'il aduenoit que lediēt Roy mourust par deçà auant son retour, que lediēt petit Richard, son filz, qui estoit ieune enfant, filz dudiēt Prince, seroit Roy d'Angleterre: nō obstant que lediēt Roy eust d'autres enfans: laquelle ordonnance & appointement lediēt Roy d'Angleterre fait confermer & iurer au Duc de Lancastre, au Comte de Cantorbie, & à messire Thomas, Comte de Bouleigny, ses enfans, & aux barons d'Angleterre. Quand le Roy de France sceut le trespas dudiēt Prince de Galles, il feit faire vn honorable obsequie pour l'ame de luy, en la sainte Chappelle du Palais de Paris. En ce temps plusieurs villes & places, tant en Poitou, qu'en Normandie, se reduirent es mains du Roy, par la poursuite & diligence dudiēt messire Bertrand du Guesclin, Connestable, qui estoit en Poitou, & de messire Pierre de Vienne, Admiral, qui estoit en Normandie: & lors retournerent de Flandres monseigneur le Duc de Bourgogne, frere du Roy, & plusieurs Conseillers, qui estoient allez à Bruges, pour lediēt traité de paix, ou ilz feirent peu, fors qu'ilz prindrent terme sous esperance d'appointement, iusques à la Toussainctz ensuyuant: auquel iour monseigneur le Duc d'Aniou, & le Duc de Bourgogne, freres du Roy, & plusieurs autres, retournerent & allerent à S. Omer: & pour le Roy d'Angleterre, vindrent à Bruges le Duc de Lancastre, & messire Aymōd Côte de Cantorbie, enfans du Roy d'Angleterre, & plusieurs autres. Puis allerēt ceux du party du Roy de France à Bruges, par le moyen des Archeuesques de Rauanne & de Rouen, qui parauant estoit Euesque de Carpetras, (lesquelz estoient la enuoyez de par le Pape, pour traiter ladicte paix) auquel lieu lediēt freres du Roy de France, de son comandement feirent pour l'honneur de Dieu & de la reuerence du Pape: qui là auoit enuoyé, & pour compassion du peuple, & euter à l'effusion du sang humain, au Roy d'Angleterre de grands offres de plusieurs terres & seigneuries & de grands sommes d'argent, mais tousiours reseruoient la souueraineté: car il auoient mise la chose en deliberation, & ne trouuerent par conseil qu'il peust transporter la souueraineté: lesquelles choses les Anglois ne voulurent accepter, & dirēt qu'il le rapporteroient à leur Roy, & en feroient respones à Bruges, au moys d'Aouust ensuyuant, à ceux que le Roy de France enuoyeroit pour celle cause, & furent les trefues prolongées de terme en terme, iusques à la saint Iehan mil trois cens septante & sept: & s'en retournerent les François en France, & les Anglois en Angleterre. Et la veille de ladicte feste saint Iehan, audiēt an mil trois cens septante & sept, trespassa lediēt Edouard, Roy d'Angleterre, & luy succeda Richard, filz du feu Prince de Galles qui estoit mort en l'an mil trois cens septante & cinq, auant lediēt Roy Edouard, son pere, combien qu'iceluy Edouard eust trois autres filz: c'est à sçauoir Iehan, Duc de Lancastre, Aymond, Comte de Cantorbie, & messire Thomas: dont moult de gens furent esbahys: car la mere dudiēt petit Richard auoit esté premierement mariée au Côte de Sallebery, & auoit esté cinq ans en sa compaignie: & apres elle maintint qu'un Cheualier, appelé messire Thomas de Hollande, l'auoit fiancée auant que lediēt Comte de Sallebery l'espousast, & l'auoit congneue charnellement: & pource lediēt Comte de Sallebery la laissa, & lediēt messire Thomas de Hollande l'espousa, avec lequel elle fut longuement, & en eut plusieurs enfans: & apres la mort dudiēt messire Thomas, le Prince de Galles, ainé filz du Roy d'Angleterre, l'espousa, viuāt encor' le Côte de Sallebery, son premier mary: & de ce mariage n'asquit lediēt Richard, qui fut fait Roy.

L'an mil cc. lxxvij, De Richard qui fut fait Roy d'Angleterre, combien qu'il fust Bastard.

Comment le Roy eut cinq grandes armées en un mesme temps sur les champs.

LE Duc d'Aniou, frere du Roy, & lediēt du Guesclin, Connestable, allerent en Guyenne à grand puissance de gens d'armes: & si y auoit grand nombre de nauires sur mer, dont il y auoit trente cinq gallées, & foison de barques, & autres vaisseaulx moult bien arméz & aitallez: & par toutes les frontieres de Picardie auoit grand garnison, qui

qui tenoient les fortes places: & en estoit chef monseigneur Philippe, Duc de Bourgogne. Auec ce auoit grandes armées qui tenoient siege deuant Brest & Aulroy, deux fortes places de Bretagne, qui tenoient pour messire Jehan de Monfort, Duc de Bretagne. Oultre ce monseigneur le Duc de Berry, frere du Roy, tenoit siege deuant Darlat en Quercy, que tenoient ceux des compagnies de la partie des Anglois, & ainsi auoit le Roy en vne mesme saison cinq grandes & puissantes armées sur les champs, ou auoit grand nombre de Ducz, Comtes, Princes, Cheualiers, Escuyers, & autres grands personages: & n'est pas de memoire que iamais gens feissent si grands exploitz de guerre, que faisoient lesdictz gens de guerre François. Car premierement au moys d'Aoust, mondict seigneur le Duc d'Aniou, frere du Roy, & en sa compagnie le Cōestable, le Marechal de Sancerre, le seigneur de Coucy, les seigneurs de Montfort, de la Hunaudaye, de Roze, de Montauban, de Rochefort, de Manny, le Begue de Villaines, le seigneur de Chasteauguyon, & plusieurs autres iusques à seize cens lances, allerēt logger à Nanton, qu'ilz prindrent, & semblablement Condac, les Bernadiers, Bordeilles, ou tindrent siege quatre iours: & là vint en ladicte compagnie messire Jehan de Bueil, Seneschal de Thoulouse, Lieutenant du Duc d'Aniou, & parties de Rouergue, Quercy, Agenay, Bigorre, Bazades, & amena cinq cens hommes d'armes, & deux cens Arbalestriers: & de là partirent pour aller deuant Bergerat: & pour plus tost la prédre & domager mondict seigneur d'Aniou enuoya ledict de Bueil à la Reolle, pour querir l'artillerie qui y estoit. Quād le Seneschal de Bourdeaux le sceut, il assembla plusieurs Anglois, & se meit entre la Reolle & Bergerat, pour garder qu'ilz ne retournassent. Quād le Duc d'Aniou le sceut il fit par messire Pierre de Bueil prendre trois ou quatre cens hommes d'armes, pour aller secourir ledict messire Jehā de Bueil, son frere: si alla avec luy le Begue de Villaines, le Marechal de Sancerre, & autres: & cheuaucherent iusques aupres d'Aymet, * ou ilz trouuerēt ledict Seneschal de Bourdeaux, & plusieurs seigneurs de Guyenne, pour le Roy d'Angleterre, & se combattirent moult aprement. A la parfin par la grace de Dieu furent Anglois desconfitz, & y furent prins ledict Seneschal de Bourdeaux, les Seigneurs de Langoissan, de Mussidan, de Duras, de Rozan, & plusieurs autres: & les autres furent tuez & mis en fuyte, & s'en noya plusieurs à la riuere du Dort. Apres ce, messire verdune d'Albret se meit luy & ses places en l'obeissance du Roy de France: puis prindrent les François Bergerat, Aymet, Castillon, Liborne, saint Million, Sauueterre, Montsegne, Cadoyn, saint Macaire, Langon, Strandas, Duras, & plusieurs autres places iusques au nombre de six vingtz quatorze forteresses. Durant ce temps que mondict seigneur d'Aniou estoit deuant Liborne, furent amenez deuers luy les seigneurs de Langoissan, de Meysidan, de Duras, & de Rozan, qui firent serment d'estre désormais bons & loyaux au Roy de France: mais tantost apres lesdictz seigneurs de Duras & de Rozan se pariurerent, & se tournerent vers les Anglois, & s'en allerent à Bourdeaux: & apres que les François eurent mis bonnes garnisons es forteresses, ilz s'en retournerent en France, pour la saison d'hyuer. En ce mesme temps, c'est à sçauoir le iour de la my Aoust, ceux qui tenoient le chasteau d'Aulroy, en Bretagne, se rendirent es mains du seigneur de Clisson, pour le Roy de France, & s'en allerent en Angleterre: & ainsi demoura toute la Duché de Bretagne es mains du Roy de France, reserué le chastel de Brest, deuant lequel on fit vne Bastille, tellement que ceux de dedans ne pouuoient saillir. Semblablement le Duc de Bourgogne avec plusieurs des gens du Roy, fit vne course deuant Calais, & illec enuiron, & print la ville d'Ardre, & plusieurs places que tenoient les Anglois, & puis s'en retourna. Aussi le nauiere du Roy de France fit vne course en Angleterre, ou ilz prindrēt & pillerēt aucunes villes & villages: & en rapporterent moult de biens. Audiēt moys d'Aoust deuoient retourner les Ambassadeurs d'Angleterre à Bruges, pour faire leurs responses, mais ilz n'y vindrent point, dont il ne chalut gueres au Roy. L'an mil trois cens seprante & huit, le Roy acquist de monseigneur de Bourbon la seigneurie de Creil, sur la riuere d'Ayse: & luy en bailla en contrechange la seigneurie de Chasteauchinon.

Du Roy de France, qui en vne mesme saison auoit cinq grandes & puissantes armées sur les champs.

** Croni. de France, disent d'Aymet.*

Anglois de confit deuant Bergerat, par les François.

La seigneurie de Creil sur l'Ayse, acquise par le Roy.

Comment l'Empereur & le Roy des Romains, son filz, vindrent veoir le Roy Charles à Paris.

Second volume.

GG

* alias vij.



N l'an mil ccc. lxxviii, * Charles Empereur de Rôme, oncle dudit Roy Charles, luy escriuit vnes lettres, p lesquelles il luy madoit qu'il auoit desir de venir en Frâce le veoir, & accóplir aucuns voyages & pelerinages, ou il auoit deuotiõ, & qu'avec luy ameneroit le Roy des Rómain, son filz, dõt le Roy fut moult ioyeux: & quand il sceut qu'il approchoit il enuoya plusieurs seigneurs & hõnorables persõnes au deuant de luy iusques à Cãbray, ou ceux de la ville le receurēt moult hõnorablement (car cest ville d'Empire) & là feit la feste de Noel: car l'Empereur a de coustume de dire vne leçon à matines, habillé de ses habitz, & faire autres grãdes cerimonies. Puis vint & tira vers Paris, & passa par S. Quentin, à Han, à Noyon, à Cõpiegne, & par tout ceux des villes, du cõmandement du Roy, le receurēt, & allerent au deuant hõnorablement, & en grãd' reuerence, & luy deirent qu'il fust le tresbien venu en la ville du Roy, & par tout luy feit on de beaux presens: toutesfois à l'entrée des villes on ne s'õna point les cloches, ny ne porta son point de poille, & autres choses que l'on a accoustumé faire à la persõne du Roy de France: iusques audict lieu de Compiegne, là ou le Roy enuoya à l'encontre dudit Empereur le Duc de Bourbõ, frere de la Royne, le Comte d'Eu, son cousin, l'Euesque de Beauuais, l'Euesque de Paris, & plusieurs Barons, Cheualiers, & grands personnages iusques à trois cens cheualx, & tous leurs gens habillez de liurée, c'est à sçauoir chapperons mypartis de blanc & de bleu: & luy feirent la reuerce, & luy deirent que bien il fust venu, & que le Roy les auoit là enuoyez pour l'accompagner, & estoit le Roy moult ioyeux de sa venue: & là ledict Duc de Bourbõ festoya au soupper le Roy des Rommains, filz de l'Empereur, & les Cheualiers qui estoient venus avec eux, & tous autres qui y voulurent aller. Et deit ledict Empereur, qu'il fut allé soupper sans semondre, si ne fust esté vne goutte qui luy estoit prinse en la iambe, dont il ne se pouoit soustenir: & furent là assemblées les Dames & Damoyelles de la ville, & des enuiron. Le lendemain s'en vindrent au giste à Senlis: & là vindrent au deuant pour l'accompagner à l'entrée de ladicte ville les Ducz de Berry & de Bourgõgne, freres du Roy, le Comte de Harecourt, l'Archeuesque de Sens, l'Euesque de Laon, & plusieurs seigneurs, Cheualiers & Escuyers: & le lendemain, qui estoit iour de Samedy, vindrent à Louures au giste: & là pour ce que le Roy sceut la maladie de goutte dudit Empereur, au moyen de laquelle il ne pouoit bonnement cheuaucher, il luy enuoya vu chariot tout doré de fin or, richement appareillé & attelé de beaux grands cheualx tous blancs. Aussi luy enuoya la liètiere de monseigneur le Daulphin, son filz, richement aornée & attelée de deux grosses mulles à fin qu'il vint plus aise: dont ledict Empereur fut ioyeux, & mercia moult le Roy, & monta en ladicte liètiere, & vint dedans iusques à saint Denis & là luy allerent au deuant les Archeuesques de Rouen, Sens, Reims, & les Euesques de Laon, Beauuais, Paris, & plusieurs autres iusques à vingt ou enuiron, qui deirēt audict Empereur que le Roy les auoit là enuoyez pour l'accompagner & hõnorer: & ainsi vint à saint Denis, & pour ce qu'il ne pouoit aller pour sa goutte fut portée sa liètiere à bras iusques deuant le grand autel, ou il feit sa priere: & luy furent monstrées les reliques & thresors, & voulut ueoir les sepultures des Roys: puis fut mené en sa chambre, & luy feit l'Abbé de S. Denis de grands presens de viures.

Du beau & riche chariot que le Roy enuoya à l'Empereur, estant à Louures en Paris.

De l'entrée de l'Empereur & de son filz, Roy des Rommains, en la ville de Paris.



E Lundy ensuyuant, quatriesme iour de Ianuier, ledict Empereur se leua bien matin, & ainsi qu'il estoit aux fenestres de sa chãbre vindrent emmy la court messire Bureau de la riuiere, premier Chãbelan, & le grãd Escuyer du Roy de France, & amenerēt deux moult beaux destriers richement habillez & couuers des armes de Frâce: lesquelz ilz preseterēt, l'un audict Empereur, l'autre au Roy des Rómain, sõ filz, dõt il mercia le Roy, & deit qu'il mōteroit dess' & les enuoya iusqu'au village de la Chappelle, ou il alla en sa liètiere: & là vindrent eux preseter deuant l'Empereur, le Preuost de Paris & les Sergent, habillez de liurée, le Preuost des Marchans, les Escheuins, les Bourgeois de Paris, & plusieurs autres tous vestuz de robes mypartis de blãc & de violet. Quand ledict Empereur fut à la Chappelle, & que ceux

ceux qui estoient venus au deuant de luy, luy eurent fait la reuerence, il descendit de sa liètiere, & mōta sur le cheual que le Roy luy auoit enuoyé, & aussi fait le Roy des Romains: & à celle heure le Roy se partit de son Palais, & en sa compaignie son filz aîné Dauphin de France, les Ducz de Bourgogne, & de Berry, de Bourbon & de Bar, les Comtes de Sallebruche, de Tancarville, Sancerre, Dampmartin, Porcian, Grand Pré, de Fiennes, de Bloys, & plusieurs autres grāds seigneurs: & estoient les gens & Officiers du Roy, & des Princes, tous habillez de liurée de leurs maistres: & alla le Roy iusques hors la ville, & rencōtra l'Empereur & son filz entre la Chappelle & le moulin à vent, ou ilz feirent grand' reuerence l'un à l'autre, puis se meirent en voye, & fait le Roy mettre l'Empereur à sa dextre (combien que lediēt Empereur le refusast longuement) & puis le Roy des Romains à sa senestre: & ainſi cheuaucherēt iusques au Palais en moult grand triumphe. Le lendemain le Roy les festoya, & tint table ronde en la plus grande magnificence & planté de viādes, & autres choses qu'on veit oncques: & les autres iours les mena & festoya au boys de Vincēnes, à Beauté, & ailieurs. Puis leur fait le Roy monſtrer par Gillet Mallet, son varlet de chambre, ses couronnes & ioyaux, & en donna plusieurs audiēt Empereur, & à son filz, & aux Seigneurs qui estoient avec eux. Lediēt Empereur fait plusieurs dons de ioyaux & autres choses à monſeigneur le Dauphin, filz du Roy, & le fait Vicaire de l'Empire irreuocable, sa vie durant, & luy donna les chasteaulx de Pompes, & Chamaulx au Dauphiné, & luy en bailla ses lettres seellées en ſeau d'or. Quand l'Empereur & son filz eurent esté vu temps à Paris, ilz s'en allerent, & les fait le Roy conuoyer iusques à Moson, hors le royaume, moult honnorablement, & à ses despens. Le ieudy, quatriesme de Feurier, audiēt an mil trois cens septante & huit, * madame Iehanne de Bourbō, femme du Roy en l'hostel de ſainēt Paul à Paris accoucha d'une fille, qui fut nommée Marie: & le sixiesme iour dudiēt moys icelle Roynne trespasſa, dont fut fait grand dueil: car c'estoit vne moult bōne Dame. Ses obseques & funerailles furent faites moult hōnorablemēt, & fut portée enterrer à ſainēt Denis en France. En iceluy moys de Feurier se remeirent sus les deputez ou commis à faire la paix d'entre les Roys de France & d'Angleterre, par le moyen deſdiēt Archeueſque de Rauēne & de Rouen, Legatz du Pape, & enuoyerent leſdiēt deux Roys leurs meſſages à Bruges, ou ilz furent longuement. Le vingthuiētiesme iour de Mars enſuyuāt trespasſa le Pape Gregoire à Rōme, & fut esleu par aucuns des Cardinaulx, qui estoient à Romme, Barthelemy, Archeueſque de Bar, & fut appellé Urbain: sur laquelle election eut grand' controuersie, & s'en partirent les Cardinaulx de Romme, combien que lediēt Archeueſque de Bar euſt esté courōné & appellé Urbain: & feirēt ladiēt election pour la crainēte des Romains & ſans appeller les ſix Cardinaulx qui estoient en Auignon, leſquelz n'estoient voulu aller à Romme: & depuis fut ladiēt election caſſée, & fut esleu vn Cardinal, appellé monſeigneur de Geneure, & fut nommé Clemēt septiesme, & se declaira le Roy de sa partie, & qu'il le tenoit à vray Pape.

Le Roy Charles le Quint alla au deuant de l'Empereur & de son filz hors Paris, vers la Chappelle.

Le Dauphin de France fut fait vicaire de l'Empire.

** al. sept cōme dessus, & mieux ce me ſemble.*

Urbain Pape.

Comment le Roy de Nauarre voulut faire empoisonner le Roy.

EN ce temps le Roy fut aduerty, par plusieurs grāds Princes & seigneurs de son ſang, que le Roy de Nauarre auoit machiné de le faire empoisonner, par vn nommé Iaquet Ruē, son Chambellan: lequel fut prins prisonnier, & confeſſa lediēt cas & plusieurs autres: & ſemblablemēt pour lediēt cas & autres, fut prins maistre Pierre du Tertre, Secretaire dudiēt Roy de Nauarre, & furent condamnez par le Parlement à eſtre trainez iusques aux halles, & auoir les teſtes & les quatre membres coupez. En celle meſme ſaiſon Charles, aîné filz du Roy de Nauarre, qui longuement auoit esté en Nauarre, avec son pere, vint en France, & par ſauf-conduit vint à Senlis deuers le Roy, qui luy fait remonſtrer en la preſēce de plusieurs Princes & Seigneurs, gēs de son cōſeil, les grāds brouillis & mauulx que le Roy de Nauarre son pere auoit faitz en France, tant du tēps du feu Roy Iehan son pere, que depuis: parquoy le Roy deliberoit de faire mettre en sa main les places qu'il tenoit en Normādie, & de fait y enuoya le Duc de Bourgōgne, son frere, qui toutes les print, & dedās la tour de Bertueil fut prins meſſire Pierre de Nauarre, & sa ſœur leſquelz le Roy fait mener dās la tour de Bernay, & cōmanda qu'on les peſaſt treſbien,

LES CRONIQ. ET ANNALES DE FRANCE

*Les fortref-
ses du Roy de
Navarre fio-
rent abbatuës
& demolies.*

*L'empereur
de Rome tref-
passa tantost
apres son re-
tour de Fran-
ce.*

comme ceux qui estoient son nepueu, & sa niepce: mais il les feist tenir en seure garde. Apres ce que ledict Duc de Bourgogne, eut prins & mis toutes les places du Roy de Nauarre en l'obeissance du Roy, les vnes par force, les autres par composition, le Roy fut conseillé, pour obuyer pour l'aduenir à semblables inconueniens, qui en estoient aduenus parauant, par la malice dudit Roy de Nauarre, de les faire abbatre: & feit desmolir les chasteaulx de Bertueil, Berual, Orbec, Beaumont le Roger, Vacy, Amiet: & abbatir les clostures des villes, la Tour, & chastel de Nogent le Roy, les chasteaux de Eureux, le Pontheau de mer, Mortaigne, Gauray, & plusieurs autres en Costentin: mais le chastel de Cherebourg demoura entier, par ce que les Nauarrois, qui estoient dedas, ne le voulurent bailler: mais firent venir dedans plusieurs Anglois: lesquelz Anglois, quand ilz furent dedans, & qu'ilz se veirent les plus fors, en chasserent lesdicts Nauarrois. Au moys de Novembre audict an mil trois cens septante & huit, trespassa ledict Charles Empereur de Romme, & Roy de Boesme, oncle du Roy de par sa mere: lequel & son filz auoient esté en France: & fut par les Electeurs de l'Empire esleu sondict filz: lequel de son viuant il auoit pourchassé de le faire Roy des Rommains: & disoit l'on qu'il tenoit le party de Barthelemy, appellé Pape Urbain, nouuellement esleu: aussi faisoit le Roy de Hongrie: & pareillement les Flamens deirēt qu'ilz ne tiendroient point à Pape ledict Urbain, iusques à ce qu'ilz fussent plus amplement informez: & feit ledict Barthelemy à Romme trente Cardinaulx.

De l' Arrest donné contre messire Iehan de Montfort, Duc de Bretagne.



*La Duché de
Bretaigne fut
confisquée au
Roy, & la felon-
nie & for-
fait de Iehan
de Montfort.*

*Ceux de Gand
s'esleuerent
contre le Comte
de Flandres,
leur seigneur.*

N ce temps pour les grands maulx & felonniez que messire Iehan de Montfort, soy portant Duc de Bretagne, auoit commis contre le Roy & le royaume, en fauorisant les Anglois, & cheuauché à trauers du royaume, avec ledict Duc de Lancastre, & autres ennemys, faisant guerre au Roy, & au royaume, boutant feux, tuant hommes, rauissant femmes & filles, il fut adiourné par diuerses fois, à comparoir personnellement en Parlement, ou il ne comparut point: & pource fut il dict par le Roy, seant en son Parlement, garny des Pers de France, & de plusieurs Ducz, Comtes, Archeuesques, Euesques, grands & notables Conseillers, que ledict de Montfort auoit commis crime de leze maiesté, & felonnie enuers le Roy, son souuerain Seigneur: & par ce fut priué de tous droitz, honneurs, dignitez & noblesse de Parrie, son corps ensemble tous ses biens terres & seigneuries estans au royaume, tant en la Duché de Bretagne, comme autres, confisquez. Tantost apres le Roy feit venir de Bretagne, le seigneur de Laual, messire Bertrand du Guesclin, Connestable, le seigneur de Clifson, le seigneur de Rohan, & plusieurs autres Barons de Bretagne: & en son Palais, presés plusieurs Princes, Seigneurs & gens de Conseil, leur remonstra les grands maulx & felonniez dudit de Montfort, & l'Arrest qui auoit esté donné contre luy, leur requérāt qu'ilz voulussent tenir la main & luy ayder à faire mettre les places en son obeissance: ce qu'ilz promeirent & iurerent faire: & par ce leur octroya plusieurs requestes qu'ilz luy feirēt, tant pour eux que pour ledict pais de Bretagne, & autres: puis s'en retournerent: mais ce neantmoins ledict seigneur de Rohan: & plusieurs autres, en venant contre leur foy & promesse, enuoyerent en Angleterre querir ledict de Montfort, qui vint incontinent avec grand nombre d'Anglois, & prindrent plusieurs places, que les gens du Roy tenoient. Si enuoya incontinent le Roy monseigneur d'Aniou, son frere, par deuers lequel ledict Rohan & ses adherās, pour contre-attendre la venue dudit de Montfort & des Anglois, enuoyerent, faignant de faire l'appoinctement. Audiēt an mil trois cens septante & huit, au moys d'Octobre, ceux de Gand s'esmeurēt contre le Comte de Flādrès, leur seigneur, pour aucuns excez que les gens dudit Comte leur auoient faitz: & tuerent le Baillif de Gand, & autres ses Officiers, & firent esleuer grande partie de ceux des villes & pais de Flandres, & firent forte guerre audict Comte: parquoy monseigneur Philippe Duc de Bourgogne, frere du Roy, qui auoit espousé la fille d'iceluy Comte, y alla, & les appoincta. Item en ce temps le Comte de saint Paul, qui auoit esté longuement en Angleterre, vint en Flandres, & fut le Roy aduertuy qu'il auoit promis aux Anglois leur bailler ses places, pour faire guerre au Roy: si feit le Roy saisir lesdictes places: & quand ledict Comte veit que son cas estoit desconuert, il s'en retourna en Angleterre, & espousa la sœur du Roy d'Angleterre, de par sa mere.

Item

Item les Anglois firent grand' armée sus mer, pour passer en Bretagne: mais ilz eurent si grand' fortune qu'il perit plusieurs de leurs nauires, & bien six cens homes d'armes, & les autres s'en retournerent en Angleterre.

De la rebellion que firent ceux de Montpellier, & de la griefue punition qui en fut faicte.

AV moys d'Octobre audict an mil trois cens septante & huit, pour ce ^{L'an mil ccc.} qu'on demandoit vn ayde, pour le fait de la guerre, à ceux de Montpel- ^{lxxviij.} lier, ilz se rebellerent contre les Officiers du Roy, & contre ceux de monseigneur le Duc d'Aniou, son frere Gouverneur & Lieutenant en Languedoc: & y eut si grand' esmotion de peuple qu'ilz tuerent messire Jacques Pointel, Cheualier, & Chancelier dudit Duc d'Aniou, messire Guy de Scery, Seneschal de Rouergue, Arnault de Laur, gouverneur de Montpellier, & plusieurs autres Officiers, tant du Roy que dudit Duc d'Aniou, iusques au nōbre de quatre vingtz personnes, & puis getterēt leurs corps dedans les puy: lequel quād il en fut aduerty, en fut moult courroucé. Si y alla hastiuement, & entra en ladicte ville avec grand' compaignie de gens d'armes & archiers, & au deuant de luy allerent tous les Officiers du Roy, qui estoient en ladicte ville, le Cardinal de la Lune, tous les colleges Mendiās, & autres Eglises en processio, l'Vniuersité, & plusieurs autres: & par les lieux ou ledict Duc deuoit passer estoit tout le peuple de la ville à genoulx, nudz testes, criās misericorde. Apres estoient les Consulz de ladicte ville, chascun vn licol au col, & apportoient au deuant dudit Duc les clefz de ladicte ville, & toutes les femmes en piteux habitz, crians misericorde. Lors ledict Cardinal se meit au pied, & requist au Duc pour ceux de ladicte ville misericorde & grace. Ledit Duc entra en la ville: puis manda des Officiers du Consulat, & fait apporter deuers luy tous les harnoys & bastōs qui estoient en icelle ville: & le lendemain ledict Duc monta sur vn eschauffault, en vne des places de ladicte ville, & donna vne sentence, par laquelle il declaira que ceux de ladicte ville auoient perdu leur Vniuersité, leur Consulat, maisons, arches communes, scel cloches, & toute la iurisdiction, qu'ilz auoient: & les condamna enuers le Roy & luy, ^{De la merueilleuse sentence donnée par le Duc d'Aniou, contre ceux de Montpellier.} en six vingtz mil francs d'or, & en ses despens: & qu'il en y auroit six cens hommes seculiers faictz mourir: c'est à sçauoir deux cens decapitez, deux cens pendus, & deux cēs bruslez, leurs enfans infames à perpetuelle seruitude, & tous leurs biens confisquezz, & tous leurs harnoys & armeures bruslez: tous les biens desdictz six cens confisquezz, & la moitié desdictz biens de tous les autres habitans: les Consulz & plus notables de ladicte ville condampnez à tirer les mors des puy, ou ilz auoient esté iettez, & que l'Vniuersité fonderoit vne Eglise, ou il y auroit six chappelles, de chascune soixante liures, & là seroit mis la cloche dōt on sonna le tocquessein, & seroient abbatuz les murs & portaulx de ladicte ville. Mais apres ce, à l'intercessio du Cardinal & d'autres Prelatz, qui là furent enuoyez de par le Pape estant en Auignon, fut ladicte sentence moderée à six vingtz mil francs, & de l'execution desdictz six cens condampnez, & aussi que les murs & portaulx ne seroient point abbatuz, & si leur rendit leur Consulat & l'Vniuersité. Item, le treiziesme iour de Feurier, mil trois cens septante & neuf, le Roy estant au boys de Vincennes, le Duc de Iuilliers vint deuers luy, & luy fit hommage lige de sa Duché auquel le Roy le receut. ^{L'an mil ccc. lxxix.}

De la mort de messire Bertrand du Guesclin, Connestable de France.

ENuiron Pasques de l'année commençant mil trois cens iiij. xx. ceux de ^{L'an mil ccc.} Languedoc enuoyerēt deuers le Roy, luy supplier qu'il leur enuoyast vn ^{iiij vingtz.} Capitaine de par luy pour les deffendre contre les gens d'armes des compaignies, qui gastoient le pais: & pour ceste cause octroyerent vne grand' ayde au Roy, qui leur enuoya pour estre leur Capitaine ledict messire Bertrād du Guesclin, Cōnestable de Frāce: lequel en y allant meit le siege deuant vne place, appelé le Chastel de Rençon, & tant assaillit ceux de dedans, qu'ilz furent sur le point de rendre la place: & aduint qu'une griefue maladie print audict Connestable, tellement qu'il mourut. Mais ce neantmoins le iour de son trespas (qui fut le treiziesme iour de Iuillet) ceux de ladicte place se rendirent, & furent les clefz apportées & mises sur le cercueil ou estoit le corps dudit Cōnestable: de la mort duquel fut

Second volume. GG iij

LES CRONIQ. ET ANNALES DE FRANCE.

moult grand dommage : car c'estoit vn moult bon & vaillant Cheualier, qui auoit ay-
mé & seruy le Roy & le royaume, plus que Cheualier qui fut en son temps : & pour les
grands biens & vertus que le Roy son maistre auoit congneuës en sa personne, il feist
apporter & enterrer son corps en l'Eglise saint Denis en France, en la Chappelle ou
il auoit esleu sa sepulture.

*D'une descente d'Anglois, qui traueserent de Calais iusques en Bretaigne, au
trauers du royaume, sans estre combatus : & de la mort du
Roy Charles le Quint.*

*L'an mil ccc.
iiij. vingtz.*



** Il l'escriit
parauant
Clichon.*

*Esmeute des
Flamens con-
tre le Comte.*

*Le Roy Char-
les le Quint
mourut a Be-
aute pres le
boys de Vin-
cennes.*

Vdict moys de Iuillet, mil trois cës quatre vingtz, messire Thomas
filz du feu Edouard, Roy d'Angleterre, avec vij. mil Anglois en sa cõ-
pagnie, descendit à Calais, & feist vne course tout au trauers du roy-
aume, cõme autresfois auoit esté faict par le Duc de Lancastre, &
messire Iehan de Montfort, Duc de Bretaigne : & vindrent passer la
riuiere de Somme à Clery, pres Peronne, & tirerēt vers Soissons, &
passerent les riuieres d'Aise, & d'Aisne, & de la vers Chaalõs, & pas-
serent Marne, & à Plaucy passerent Aulbe, & allerent deuant Troyes : & de là entre Vil-
leneufue & Sens, passerēt Seine, & cheuaucherent par Gastinoys & Beauffe, & allerēt
à Bonneual, & par tout mettoient le feu, & prindrent & emmenerent plusieurs bons &
riches prisonniers, tant nobles qu'autres : & tant cheuaucherent faisans tous exploitz
de guerre, que sans estre combatus ilz allerent iusques en Bretaigne, ou ledict messire
Iehan de Montfort, qui là estoit, les receut. En ceste saison furent pourparlez plusieurs
fois de traicter paix entre les gens du Roy, ledict de Mõtfort, & les Bretõs, & aucunes-
fois par le moyen du Côte de Flãdres, & autresfois par le moyen du Seigneur de Clif-
son : * mais riens n'y fut cõclud. En celle saison les Gãtois & les Flamens, de leur alliance,
s'esleuerēt contre leur Côte, & y alla le Duc de Bourgongne son gendre, pour en cui-
der faire l'appoinctement : mais il ne peut. Si eurent plusieurs rencontres, en toutes les-
quelles le Côte eut tousiours victoire, & les feist venir à mercy, & plusieurs en feist deca-
piter, les autres condãner en grandes amēdes. Au moys de Septembre, l'an mil ccc. iiij.
xx. print vne griefue maladie au Roy Charles le Quint : & ainsi qu'on veit qu'elle s'ag-
grauoit, & que Medecins n'y pouuoient dõner remede, furēt mandez ses freres, le Duc
d'Aniou, de Berry, & de Bourgongne, & aussi le Duc de Bourbõ, frere de la feuë Roy-
ne sa femme, lesquelz estoient sur les frontieres des ennemys, occupez à la deffense du
royaume, ou ilz commeirent des gens à la garde des places, chascun en son esgard au
mieux qu'ilz peurent, auant leur partement. Finablement par la volenté de Dieu le-
dict Roy Charles, apres qu'il eut disposé moult grandement & sagement du salut de
son ame, des faictz & affaires du royaume, faict son Testamēt, & ordõne les executeurs
aucuns grands & notables personnes, le seiziesme iour de Septembre audict an, mil
trois cens quatre vingtz, au Chastel de Beaulté, pres le boys de Vincennes, rendit son
esprit à Dieu : & ledict iour qu'il trespasfa feist bailler & deliurer comptant, auant son
trespas, à sesdictz executeurs, la somme de huiet vingtz mil florins d'or, qu'il auoit mis
en reserue, pour l'execution de sondict testament : & furent ses obseques & funerailles
faictes & accomplies, en la plus grande solennité & honneur, que iamais fust à Roy
n'a autre Prince : & fut enterré à saint Denis, aupres de ladicte Roynne Iehanne sa fem-
me, en la chapelle qu'il auoit fait ædifier : en laquelle il auoit aussi fait apporter le corps
dudict Bertrand du Guesclin, son Connestable, pour les grands vertus qu'il auoit con-
gneuës en sa personne. Son cœur fut porté en l'Eglise cathedrale de Rouen, & ses en-
traillles à Maubuisson.

*De l'ordonnance que feist le Roy Charles, cinquiesme, auant son trespas : & de la confirmation de l'appoinctement de Iehan
de Montfort, Duc de Bretaigne.*

AVant son trespas il auoit faict vne ordonnance, par laquelle il ordonna qu'apres son
trespas en attendant que Charles, son aîné filz, eut l'age de quatorze ans, & qu'il
fust couronné Roy de France, monseigneur Loys Duc d'Aniou, son frere, auroit le gou-
uernemēt des faictz & fināces du royaume, & que mōseigneur Philippe Duc de Bour-
gongne,

gongne, son plus ieune frere, & le Duc de Bourbon, frere de feuë la Roynie Iehanne sa femme, auroient le gouuernement de la personne dudit monseigneur Charles, son filz, iusques à ce qu'il fust audict aage de quatorze ans : & aussi de Loys son autre filz, qui depuis fut Duc d'Orleans, & semblablement de ses autres enfans : & pretendoient pour leur nourriture & entretenement les profitz ordinaires & eztraordinaires, tant de Normandie que du Baillage de Sens, Melun, ville & Vicomté de Paris, excepté le Palais, le Parlement, & Requestes, & Officiers du thresor, que ledict Roy vouloit demourer soubz le gouuernement dudit Duc d'Aniou. Et pource qu'apres le trespas dudit Roy, lesdictz Ducz n'estoient point d'accord touchant ledict gouuernement, & commençoient à eux diuiser les vns contre les autres : les Princes, Barons, Prelatz, & gens de conseil de France, furent d'opinion pour les tenir en vnitè, que ledict Charles, aîné filz du Roy, seroit couronné Roy, receuroit en sa personne les hommages des vassaulx, & seroit gouuerné le royaume en son nom. En ce temps furent continuez les traictez pour parlez entre le Roy & messire Iehan de Montfort : lesquelz furent cōcludz la seconde sepmaine de Ianuier ensuyuant : & durant ledict temps ledict messire Thomas, filz du feu Roy d'Angleterre, & ses Anglois furent tousiours en Bretagne avec ledict de Mōrtfort, & tindrent longuemēt siege deuant Nantes, qui se tenoit pour le Roy : mais riens n'y feirent, & si y moururent plusieurs de leurs gens & cheualx : puis s'en alerent aucuns en Angleterre, & emmenerent grand nombre de prisonniers.

Le quatriesme iour de Nouembre audict an, furent tous les Iuifz qui estoient à Paris, pillèz par le populaire de Paris, qui s'esleua contr'eux.

*Iuifz pillèz
à Paris.*

Des bonnes mœurs & vertus qui estoient au Roy Charles le Quint.

EST VY feu Roy Charles cinquiesme, que Dieu absolue, des le tēps de sa ieunesse ayma & craignit Dieu, reuera son Eglise & les suppostz d'icelle, fut bon catholique, tresamoureux de sçiences, & plein de bonnes mœurs & louables vertus, sage en conseil, prudent en armes, & diligent en execution : & eut merueilleusemēt vn grand zele & affection au faict de la conduicte & direction de la iustice, & police de son royaume. Et ce peut on veoir par plusieurs belles ordonnances & statutz faictz de son temps, lesquelles sont es registres de la court de Parlement, Chambre des Comptes & du Thresor. Il esleut pour son instructeur vn tresnotable & grand Theologien, nommé maistre Nicole Oresme, Euesque de Bayeux, qui feit à sa requeste plusieurs beaux volumes de liures, tant en Latin qu'en François : & entre autres il feit vn traicté contre l'erreur des Iacobins, de la Conception de la glorieuse vierge Marie, qui se commence : *Necdum erant abyssi, & ego concepta eram* : & translata Oeconomiques, Ethiques, & Politiques. Il ayma & honnora moult les sages Clercz, vertueux & vaillans hommes, tellement que de son temps & regne, pource qu'on veoit qu'il y prenoit plaisir, plusieurs gens de toutes vacations s'estudioient à qui plus de bien pourroit sçauoir & valoir. Il alloit souuent & asistoit en personne en sa court de Parlement, & en sa chambre des Comptes : & quand il sçauoit aucuns de ses Barons & loyaux seruiteurs, qui auoient filles à marier, ou autres affaires à quoy ilz ne pouuoient fournir, il les faisoit venir à luy, & secrettement leur donnoit & departoit de l'argent : & luy mesmes oyoit aucuns iours de la sepmaine les requestes de ses subiectz, & leur faisoit faire prompte iustice, & reparation des tortz faictz. Sur toutes choses il gardoit & deffendoit les droitz des Eglises, femmes veufues, & enfans mineurs. Il laissa son royaume riche, & opulent de biens. Il feit de moult grands biens aux Eglises, & les enrichit de moult beaux reliquaires, sanctuaires d'or & d'argent, paremens, & ornemens, chappes, chasubles de draps d'or & de soye, & decora le royaume de France de moult beaux & sumptueux ædifices : & entre autres feit de neuf les chasteaux de Montargis, Creil, saint Germain en Laye, le Louure, la Bastille saint Anthoine à Paris, & plusieurs autres de moult grand despençe : & si laissa moult grand nombre de florins en son thresor : & tellement laboura que pour les grands sens, vertus, conduicte, & bonne prudence qui estoient en sa personne, ce nom glorieux qui luy demourera perpetuellement, luy est attribué qu'entre tous les autres Roys qui ont esté en France, il estoit dict & appellé Charles le sage : & doit estre patron & miroër à ses successeurs.

*Maistre Ni-
colle Oresme
instructeur
& directeur
du Roy Char-
les le quint.*

*Charles le
quint est ap-
pellé Charles
le sage.*

LES CRONIQ. ET ANNALES DE FRANCE.

Du Roy Charles sixiesme, appelé le bien aymé.

*L'an mil trois
cents iij. xx.*



Charles vj. de ce nom, filz de Charles v. fut tres-debonnaire, & sage : & est entre les autres Roys de France appelé & intitulé le bien aymé : & comença à regner l'an mil ccc. iij. xx. & trespassa au xlij. de son regne, & gist à saint Denis en France. Il eut à femme madame Ysabeau de Bauiere : de laquelle il eut cinq filz & quatre filles : lesquelz cinq filz furent tous Daulphins, les vns apres les autres, & tous moururent, reserué le plus ieune, qui auoit nom Charles, qui suruescut, & succeda à la couronne de Frâce. L'une desdictes filles, nommée Marie, fut religieuse, & Prieure de Poissy : l'autre nommée Ysabeau, fut mariée au Roy Richard d'Angleterre, ou elle ne fut que trois ans, par ce que les Anglois tuerent ledict Richard : & depuis fut mariée au filz

du Duc d'Orleans, son cousin : l'autre fut mariée par dispense au filz du Duc de Berry, & gueres ne vécurent tous deux : l'autre nommée Marguerite, fut accordée à Iehan, Duc de Bretaigne, mais elle trespassa auant la consummation du mariage. Au temps du trespas du feu Roy Charles le quint, il laissa ses deux filz ieunes, & en bas aage : c'est à sçauoir ledict Charles sixiesme, qui fut Roy en l'aage de treize à quatorze ans, & Loys, son frere, qui fut Duc d'Orleans. Quand on congneut la grauité de la maladie dudit feu Roy Charles le quint, & que les Medecins estoient hors d'esperance de sa guerison, on manda ses trois freres : c'est à sçauoir Loys, Duc d'Aniou, & Roy de Cecille, Iehan, Duc de Berry, & Philippe, Duc de Bourgongne : tous lesquelz estoient es frontieres, à la conduite des armes en diuers lieux, pour obuier aux entreprinſes que faisoient les Anglois, en diuerses parties du royaume : & quand ilz furent arriuez à Paris, ilz trouuerent le Roy, leur frere, mort. Si assemblerent vn grand Conseil à Paris, touchant l'ordre & gouuernement du Royaume : & pource qu'on veoyt ia sourdres aucunes questios & secrettes enuies, entre lesdictz Seigneurs, pour l'affection que chascun auoit de gouuerner, & auoient ia subitement esleué & mis sus les champs plusieurs gens de guerre, pour obuier aux inconueniens qui s'en pouuoient ensuyuir, fut ordonné & appointé pour plusieurs raisons, en la presence desdictz Seigneurs, & des gens des Estatz, qui furent alleguées par maistre Iehan des Mares, Aduocat du Roy, en Parlement, homme fort authorisé, que nonobstant que le ieune Roy n'eust encores quatorze ans accomplis, neantmoins il seroit sacré & couronné Roy, & que les vassaulx & subiectz luy feroient hommage. Et entre autres raisons ledict des Mares deit & allegua que plusieurs Roys en moindre aage auoient eu le gouuernement de leurs royaumes & seigneuries, & mesme le Roy saint Loys : & remonstra que quelconque loy & ordonnance qui auroit esté faite au parauant, elle se pouuoit muer & changer, pour obuier à plus grâds inconueniens, lesquelz estoient taillez d'estre bien grands en France, pour la diuision des Seigneurs qu'on veoit estre euidente, & que les faitz & affaires du royaume se conduiroient en son nom, & par ses lettres & mandemens soubz son seel : & que ledict ieune Roy & son frere, seroient mis es mains des Ducz de Bourgongne, & de Bourbon, oncle desdictz enfans, l'un de par pere, l'autre de par mere, pour les conduire & endoctriner en bonnes mœurs, iusques à ce qu'ilz fussent en aage de puberté, & que les affaires tant de la guerre, que des finances & autres, se conduiroient par l'ordonnance dudit Duc d'Aniou, lequel quand à ce yseroit de ce nom de Regent : & fut ladicte ordonnance publiée.

*Charles vi.
fut couronné
Roy en l'aage
de treize à
quatorze ans.*

Comment le Roy Charles, sixiesme, fut mené sacrer à Reims : & comment le Duc d'Aniou print les thresors du Roy Charles, le quint.

Tantost apres ladicte conclusion, fut mis en deliberation de pourueoir à l'office de Connestable de France : car depuis le trespas de messire Bertrand du Guesclin, n'y auoit esté pourueu : & disoit ledict Duc d'Aniou, qu'à luy, comme Regent appartenoit à y com-

à y commettre: mais lesditz Ducz de Berry, de Bourgongne, & de Bourbon, le contredirent, disans qu'il auoit esté appoincté que tous les grands faitz du royaume se deuoyent conduire & commettre au nom du Roy, & ainsi fut conclud qu'il se feroit: & pour y pourueoir fut assemblé grand Conseil des Princes, Seigneurs, Barons & Cheualiers: auquel Conseil fut esleu audict office de Conestable, vn vaillant Cheualier Breton, nommé mesire Oliuier, Seigneur de Clifson, & luy fut baillée l'espee de Conestable: lequel seigneur de Clifson incontinent, par l'ordonnance du Roy, assembla plusieurs gens d'armes, pour le conduire & mener sacrer à Reims. Et passa le Roy par Melun, ou il voulut aller veoir les armeures de son pere, qu'il luy auoit fait monstrier de son viuant, & y prenoit grand plaisir: & y estoient en sa compaignie ses oncles, les Ducz de Berry, de Bourgongne, de Bourbon, & de Bar: & ledict Duc d'Aniou demoura aucuns iours à Paris apres eux, & contraignit vn nommé Sauoisy, qui auoit esté Thresorier & grand gouuerneur des finances de France, à luy reueler & bailler le thresor du feu Roy: & pource qu'il en faisoit difficulté, luy voulut faire couper la teste: & tant fait qui le luy bailla, & estoit en gros lingotz d'or, & grande quantité de beaux ioyaux & riches bagues. Quand ledict Duc eut prins ledict thresor, il s'en alla hastiuement apres le Roy à Reims: & fut le Roy couronné & sacré en grand honneur, le Dimanche deuant la Touffainctz, presens selditz oncles, les Ducz d'Aniou, de Berry, de Bourgongne, de Bar, ledict Conestable & les Pers & Seigneurs de France, en grand nombre, & richement aornez. Il y eut grand different pour salsiette desditz Seigneurs, par ce que le Duc d'Aniou vouloit estre le premier, & le plus prochain du Roy, disant, qu'il estoit Regent en France, & l'ainé des enfans du feu Roy: & le Duc de Bourgongne disoit qu'il estoit premier Per, & Doyen des Pers de France: & fut par le Roy & son conseil deit qu'au cas present ledict Duc de Bourgongne seroit le premier assis au Sacre: mais ce neantmoins ledict Duc d'Aniou s'alla seoir tout aupres de luy: & quand les Pers & Seigneurs furent tous rengez, ledict Philippe, Duc de Bourgongne, saillit par dessus les bancs, & s'alla mettre entre le Roy & ledict Loys, Duc d'Aniou, son frere, qui le dissimula pour l'heure: & de la fut appelé le Duc de Bourgogne, Philippe le Hardy. Tantost apres le Roy s'en retourna à Paris faire son entrée, ou il fut receu honorablement: & y auoit de ceux de Paris bien deux mil personnes habillez d'une liurée: & furent faictes ioustes & tournois dedans la court du Palais. Là fut le Comte de saint Paul fort chargé & accusé de ce qui s'en estoit allé en Angleterre, & auoit espousé la sœur du Roy d'Angleterre, sans le sceu & congé du Roy: & apres aucunes excusations, qu'il proposa, ouyes, le Roy luy pardonna ses deffaultes. Aussi fut chargé mesire Bureau de la Riuiere d'auoir escript aux Anglois, & les faire venir en France: desquelles charges ledict Conestable de Clifson s'excusa, iusques à l'exposition de son corps pour le sien. Le Duc de Bourgogne se plaignoit de ce que le Duc d'Aniou auoit seul print les thresors du feu Roy, leur frere, sans en faire aucune prouision au Roy: parquoy auoit conuenu mettre sus les aydes: & pour ceste cause, & autres secrettes inimitiez, se meurent de grâdes diuisions: & estoient les gens d'armes sur les champs, que les Seigneurs entretenoient, & gastoient tout le pais d'environ Paris, dont on donnoit principale charge audict Duc d'Aniou: & pour y donner prouision fut faicte vne assemblée à Paris, en laquelle maistre Iehan des Mares, qui estoit Aduocat du Roy en Parlement, loua fort le Duc d'Aniou, de ses vertus, en taisant ceux de ses freres, dont ilz conceurent hayne contre luy.

Les grands faitz & affaires du royaume se doivent conduire au nom du Roy, & non pas au nom du Regent.

Pourquoy Philippe Duc de Bourgogne fut surnommé le Hardy.

De l'esmeute de ceux de Paris pour les aydes: & comment ilz pillerent les maisons des fermiers desdictes aydes, & celles des Iuifz.

Aucuns du menu populaire de Paris s'assemblerent, & esleuerēt, & vindrēt deuers le Preuost des Marchs, & luy requirent que les aydes qui nouuellement auoient esté mises sus, fussent abatuës & abolies. Ce qui fut fait, comme par force, pour euitier à inconuenient, & pour appaiser ledict populaire: lequel apres leurdicte requeste octroyée requirēt encores que les Iuifz & vsuriers fussent mis hors de Paris. Surquoy leur fut dict qu'on en parleroit au Roy: mais ilz ne furent pas contens: & sans attendre la responce de la volonté du Roy, s'esmeurent, & coururent par la ville, rompirent les maisons, comptoirs, & boistes des

Les vsuriers & Iuifz de Paris furent pilléz par aucuns habitans.

LES CRONICQVES, ET ANNALES DE FRANCE.

fermiers desdictes aydes, iettoient leur argent, biens & papiers par les ruës, entrèrent enuiron en quarante maisons desdictz luifz, pillerent & emporterent or & argent, vaisselle, ioyaux, robbes, obligations & autres biens, & en tuerent aucuns: laquelle chose despleut au Roy, & à ses oncles, qui feirent crier que tout fust rapporté par deuers le Preuost de Paris: mais peu y fut obey.

Des courses que faisoient les Anglois en France, & apres se retiroient en Bretagne: mais en fin les Barons ne les voulurent plus souffrir.



MESSIRE Thomas, filz du feu Roy d'Angleterre, & les Anglois qui estoient en Bretagne, avec messire Jehan de Montfort, voyans les diuisions qui estoient entre les Seigneurs de France, se leuerent du siege qu'ilz tenoient deuant Nantes, qui tenoit pour le Roy de France, & couroient les pais de Touraine, Aniou, le Maine, & autres circonuoyfins: & apres se retiroient en Bretagne, comme avec leurs amys & alliez: parquoy ledict messire Oliuier de Clifson, Connestable de France, escriuit à vn notable & puissant Cheualier Breton, nommé messire Pierre de Beauuoir, qu'ausdictes choses il voulsist obuier, & qu'il en pourroit aduenir de grands inconueniens. Lequel tantost parla aux Seigneurs de Bretagne, qui auoient fait serment au feu Roy Charles le quint, leur remonstrant les mauuaisez couuertes du Duc de Bretagne, & d'aucuns Seigneurs du pais, & comment le Roy estoit leur souuerain Seigneur, deuers lequel ilz enuoyerent tantost: & à ceste cause le Roy enuoya ses Ambassadeurs en Bretagne, l'Euesque de Chartres, le Seigneur de Cheureuze, & maistre Arnault de Corbie, President en Parlement: lesquelz Ambassadeurs en la presence du Duc & des Barons de Bretagne, proposerent leur Legation, & leurent les alliances anciennes, submissions, & sermens faitz par les Ducz de Bretagne, & les Barons & Nobles du pais, leurs predecesseurs: lequel Duc iura solennellement, aussi feirent semblablement lesdictz Barons & Nobles, & promeirent garder lesdictes alliances, & submissions, combien qu'on disoit que ledict Duc ne iuroit point volontiers: & feirent vn appoinctement, par lequel ladicte Duché de Bretagne fut renduë audict de Montfort, nonobstant l'arrest prononcé contre luy. Quand les Anglois qui estoient à grand' puissance en Normandie, sceurent la nouuelle alliance, & que le Duc & ses Barons s'estoient tournez, & auoient fait avec le Roy, ilz le porterent impatiemment, & en furent moult courroucez: car ilz le cuidoient bien leur amy: & à ceste cause entrèrent en Bretagne, & y feirent forte guerre, & coururent parmy iusques à la basse Bretagne, gastant & y faisant mauix innumerables: mais les Nobles du pais s'assemblerent & les rebouterent: parquoy iceux Anglois allerent deuant Nantes, & assiegerent: & doubant messire Amaury de Clifson, Capitaine de Nantes, que ceux de la ville ne l'abandonnassent, il manda au Roy qu'il luy enuoyast secours. Ce que le Roy feit: & cheuaucherent les François si hastiuement qu'ilz surprindrent les Anglois, en leur siege, auant qu'ilz fussent aduertis de leur venue, & frapperent dessus si roidement que lesdictz Anglois furent presque tous mors ou prins: & durant ces choses les Ducz & Princes qui auoient le gouvernement des affaires du Roy & du royaume, congnoissans la petite valeur du domaine du Roy, & qu'il ne pouuoit suffire aux affaires vrges & necessaires du Roy & du royaume, à ceste cause assemblerent des plus notables de Paris, lesquelz furent assez contens qu'on leuast vn ayde, de douze deniers pour liure: & fut ledict ayde crié & publié à Paris, Rouen, Amyens, & autres villes & lieux: mais le populaire contredirent tous d'une volonté, tellement que riens n'en fut leué. Apres ces choses le Roy s'en partit de Paris, & alla à saint Denis: puis tira vers Senlis pour soy deduire & chasser: & en chassant fut trouué & prins au laz, vn cerf qui auoit au col vne chayne, ou collier de cuyure doré, ou auoit escript en lettre ancienne: *Cesar hoc mihi donauit*: & de la en auant le Roy de son propre mouuement voulut porter en sa deuise vn cerf volant, ayant vne couronne au col: & par tout ou on mettoit ses armes y auoit deux cerfs volans, qui les soustenoient d'un costé & d'autre. Semblablement voulut & ordonna que la ou ses predecesseurs Roys auoient porté en leurs armes vn escu d'azur, tout semé de fleurs de lyz, sans nombre, que deslors en auant n'y en eust que trois fleurs de lyz seulement.

D'un cerf trouué en la forest de Senlis.

Commencement de porter trois fleurs de lyz en l'escu de France.

Du scisme

EN ce temps, apres le trespas du Pape Gregoire xj. de ce nom, cōme deuant a esté dict, les Cardinaulx par force & par la craincte des Rōmains, esleurent pape Urbain vj. de ce nom : parquoy ilz s'enfuyrent en Auignon, & esleurent vn autre nommé Clement, dont sourdit grand Scisme en l'Eglise : & aucun temps apres les Roys d'Espaigne & de Hongrie enuoyerent leurs Ambassades deuers le Roy de France, luy remonstrer que l'election dudit Pape Urbain estoit sainte & Canonique, comme ilz trouuoient par le Conseil & Clergé de leurs royaumes, que pour ceste cause ilz auoient assemblez, & auoient conclud de luy obeir, requerans au Roy qu'ainsi le voulsist faire, autrement ilz estoient deliberez d'eux departir des alliances qu'ilz auoient au Roy & au royaume, & reputeroient ceux qui n'obeiroient audit Urbain Scismatiques, & telz qu'avec eux on ne deuoit point auoir amour n'alliance. Ausquelz Ambassadeurs fut respondu, & recité la maniere de l'election dudit Urbain, qui auoit esté faicte par force & violence, & l'auoient les Cardinaulx esleu pour euitier l'esmotion & fureur des Rommains, qui les vouloient occire : & que tantost apres ilz s'estoient absentez de Romme : & scachant icelle election estre nulle, auoient esleu Clement, lequel tantost apres son election auoit enuoyé en France trois Cardinaulx, que le Roy auoit faict ouyr, & pour ce faict assembler le Clergé de son royaume, & trouué que ladicte election de Clement estoit iuste & Canonique, & celle d'Urbain à reprouuer : parquoy le Roy estoit delibéré d'obeir audit Clement, & le tenir pour Pape. Ledit Scisme & debat fait de grands maulx & inconueniens à l'Eglise de France. Car avec ledit Clement, qui estoit en Auignon, auoit bien xxxvj. Cardinaulx, qui embrasserent & reseruerent à eux, tous les benefices, par reseruations & graces expectatiues : tellement que nul homme graue, n'autre, n'en pouuoit estre pourueu : & se faisoient de grandes exactions d'argent, tant pour les vaquans, que de dixiesmes & arreraiges qu'on demandoit aux heritiers de ceux qui auoient tenu les benefices : & disoient que tous les biens des gens d'Eglise deuoient estre aux Pape. Lesquelz inconueniens ceux de l'vniuersité de Paris firent remonstrer au Duc d'Aniou, Regent, par vn notable homme Docteur, nommé maistre Iehan Ronce, qui demouroit au college du Cardinal le Moyne. En hayne dequoy ledit Duc ennoya par nuit audit college, prendre ledit Docteur, & fut mis en vne estroicte prison, au Chastelet de Paris. Parquoy l'Vniuersité s'assembla, & allerent deuers le Roy & ledit Regent, requerans ledit maistre Iehan Ronce, comme leur subiect, leur estre rendu : & apres plusieurs delaiz, iceluy maistre Iehan Ronce leur fut deliuré par ledit Regent, pourueu qu'ilz obeiroient audit Clement, comme Pape. Si tost que ledit Ronce fut deliuré, il s'en partit hastiement de Paris, & s'en alla à Romme, vers ledit pape Urbain, qui le receut honnestement : & tantost apres iceluy Urbain escripuit à ladicte Vniuersité de Paris, vnes gracieuses lettres, les remerciant de la faueur qu'ilz luy auoient faicte, en les exhortant au surplus qu'ilz luy voulsissent obeir. Lesdictes lettres furent receuës par le Recteur, qui fait assembler l'vniuersité, & les fait lire en pleine congregation, dont ledit Duc d'Aniou fut mal cōtent, & voulut faire prédre ledit Recteur, par ce qu'il ne les auoit presentées au Roy, ou à luy, deuant que de les faire lire en ladicte Vniuersité : mais ledit Recteur, qui en fut aduertý, & doubtant sa personne, s'en partit secrettement & hastiement, & s'en alla à Romme, deuers ledit pape Urbain. Tantost apres, ceux de ladicte Vniuersité, voyans ledit Scisme, & les termes qu'on leur tenoit, s'en partit la pluspart des grands Clercz & gens de bien : & mesmement vn grand & notable Clerc, nommé maistre Gilles, lequel estoit chantre de Paris, & l'esmeurent plusieurs qui s'en allerent en sa cōpaignie. Lesquelles choses venuës à la congnoissance dudit pape Clement, qui estoit en Auignon, pour tousiours capter la beniuolence dudit Duc d'Aniou, & à ce qu'il tint la main pour luy, octroya vn dixiesme sur toutes les Eglises du royaume, & fut leué par gens Laiz, & par force, nonobstant plusieurs appellations, que plusieurs gens d'Eglise interiecterent, dont mal en print audit Duc d'Aniou.

Comment le Duc de Berry fut faict gouverneur de Languedoc.

LE Duc Iehan de Berry, qui estoit oncle du Roy, voyant que le Duc Loys d'Aniou auoit esté faict Regent, & auoit toute la charge des faictz & affaires du royaume, &

LES CRONIQ. ET ANNALES DE FRANCE.

qu'aux Ducz de Bourgongne & de Bourbon auoit esté baillée la charge & conduicte des personnes du Roy & de son frere, n'estoit pas content qu'il n'auoit aucune grand' charge & gouuernement: & requist audiect Duc d'Aniou qu'il luy feist bailler la charge & gouuernement des pais de Languedoc & Guyenne, que tenoit le Comte de Foix, des le viuant du Roy Charles cinquiesme, ce qui luy fut oëtroiyé & accordé. Quand le Comte de Foix le sceut, il assembla le Conseil, & les gens des Estatz dudiect pais de Languedoc, ou il estoit moult aymé: & fut conclud qu'ilz ne receuroient point gouuerneur lediect Duc de Berry, & qu'ilz auoient vescu & viuroient en bonne paix & iustice soubz lediect Comte de Foix, auquel le feu Roy Charles cinquiesme l'auoit baillé, & en auoit osté le Duc d'Aniou, pour les grandes exactions qu'il y faisoit, & disoient que lediect Duc ne vouloit auoir lediect gouuernement que pour auoir occasion d'y faire de grandes exactions, ainsi qu'il faisoit en Poitou, & autres pais qu'il tenoit. Ce sçachant lediect Duc de Berry, y alla en personne, à puissance de gens d'armes: & lediect Comte de Foix en assembla de sa part, & s'entrerentrent & s'entrebarrent tresbien, & y en eut bien trois cens hommes dudiect Duc de tuez. Quand le Roy sceut la desobeissance que ceux de Languedoc faisoient de recevoir lediect Duc de Berry, son oncle, il en fut mal content, & delibera d'y aller en personne: & alla à saint Denis prédre congé des Martyrs, & prendre l'Auriflambe, pour porter audiect voyage: mais lediect Duc d'Aniou s'en destourna de la porter, disant qu'il en pourroit bien auoir affaire plus pres, & en brief temps, par ce que les Flamens s'esleuoient. Ce pendant lediect Duc de Berry assembla plusieurs gens d'armes au pais de Languedoc, qui pilloient & gastoient tout: & voyant lediect Comte de Foix les grands inconueniens qui estoient au pais, pour la question dudiect gouuernement, & aussi que le Roy tenoit fort la main pour lediect Duc de Berry, s'en departit volontairement, & feirent appoinctement. Ainsi demoura lediect Duc de Berry gouuerneur desdictz pais de Languedoc.

*Comment Hugues Aubriot, Preuost de Paris, fut declairé hærétique,
& condamné à perpetuelle prison.*

*L'an mil trois
cens iij. xx.
viii.*



N l'an mil trois cens quatre vingtz & vn, Hugues Aubriot, natif de Bourgongne, qui parauant auoit eu grand gouuernement des finances de France, & par le moyen du Duc de Bourgongne auoit esté fait Preuost de Paris, & qui durant son temps gouerna tresbien la iustice & police de Paris, & au moyen & conduicte duquel furent faitz & ædifiez plusieurs beaux & sumptueux ædifices, comme le pont saint Michel, les murs de deuers la Bastille saint Anthoine, & le long de la riuere de Seine, le petit Pôt & Chastelet de Paris, & plusieurs autres, fut accusé de plusieurs crimes, pource qu'il auoit, comme on disoit, en grand irreuerence les gens d'Eglise, & principalement estoit fort contraire à ceux de l'Vniuersité de Paris, lesquelz auoient conceu grand' hayne contre luy, mesmement à l'occasion de ce qu'il auoit fait ædifier la tour du petit Chastelet, sur petit Pont, pour contrarier & obuier aux maux & courses que faisoient les Escoliers par nuit, & pour les arrester s'ilz couroient plus par nuit: parquoy à leur poursuyte furent faictes plusieurs enquestes secretes de sa vie, qui estoit orde & deshonneste, & lubrique, à prendre & decevoir femmes, partie par force, & partie par promesses, dons, autorité & puissance: & disoient qu'il auoit eu compaignie des Iuifues, & qu'il ne croyoit point au Sacrement de l'Autel, & s'en moquoit, & ne se confessoit point, & fut trouué chargé par lesdictes informations, tellement qu'il fut emprisonné au Chastelet. Apres fut rendu es prisons de l'Euesque de Paris: & ouye sa confession, fut declairé hærétique, & qu'il estoit digne d'estre brulé: mais à la requeste des Princes la sentence fut moderée, & fut presché publiquement au paruy nostre Dame de Paris, comme hærétique, & declairé estre de la loy des Iuifz, & contemneur des saintz Sacremens, & condamné à perpetuelle prison, au pain & à l'eau, & fut mis en oubliette en la prison de l'Euesque.

*La sentence
donnée contre
Hugues Aubriot.*

De l'esmeute des Flamens, contre leur Comte.

Pource que Loys, Comte de Flandres, vouloit leuer sus les Flamens, mesmement sur ceux de Gand, aucunes aydes, par maniere de tailles, contre les priuileges du pais,

païs, ilz s'esleuerent contre luy, & feirent vn nommé Iaques * Arteuelle leur Capitaine, lequel estoit homme de basse condition, mais il estoit grand & beau personnage: lequel Arteuelle en print volontiers la charge (car ledict Comte auoit parauant faict couper la teste à son pere) & assembla grand nombre de Gantoys & Flamens, tant des villes que du plat país, & se meit sur les champs pour guerroyer le Comte, qui auoit faict venir des Anglois, & auoit amassé grand' armée, & se combattirent, & fut desconfit le Comte, & y eut bien cinq mil de ses gens mortz. Depuis ledict Comte se retrahit à Bruges: & pour le surprendre, vn iour qu'on a accoustumé faire vne Procession solennelle, & porter le saint Sang par ladicte ville de Bruges, ou tout les gens du plat país ont accoustumé se trouuer en grand nombre, iceluy Arteuelle ordonna deux mil Flamens, des plus vaillans de son party, armez secrettement soubz leurs robes, lesquels par diuerses portes à plusieurs fois entrerent en ladicte ville, faignans d'aller à ladicte Procession: & quand ilz furent tous entrez, ilz se rencontrerent au marché, & crierent alarme. Lors le Comte assembla subitement aucunes gens, ce qu'il peut, & leur courut sus: mais luy & ses gens furent reboutez, & se retrahit ledict Comte en la maison de ladicte ville, ou lesdictz Flamens le vindrent chercher: mais il s'en estoit sorty par derriere, par vne fenestre, & se meit en l'hostel d'une bonne femme, ou il fut iusques à la nuit, qu'il trouua façon de soy embler & partir de ladicte ville, & s'en alla à l'Escluse: parquoy lesdictz Gantois deirent que ceux dudiect Bruges estoient cause que ledict Comte estoit eschappé, & leur coururent sus, & en tuerent plusieurs, pillerent & roberent leurs maisons, & s'en retournerent avec grande proye.

* Gag. & autres le nomment Philippe filz de Iaques.

Bruges pillée par ceux de Gant.

Comment monseigneur Loys, Duc d'Aniou, fut faict Roy de Cecille, par l'adoption de la Roynie Iehanne.

Iehanne, Roynie de Cecille & de Hierusalem, Comtesse de Prouence, fille de Charles, Duc de Calabre, * filz de Robert, Roy de Cecille, & de Naples, laquelle auoit regné trente ans, & n'auoit peu auoir lignée, adopta son filz, & fit son heritier ledict monseigneur Loys de France, Duc d'Aniou, oncle du Roy, & Regent en France: lequel deslors print le tiltre de Duc de Calabre, dont Charles, Prince de Tarente, * qui auoit espousé la sœur de ladicte Roynie Iehanne, fut mal content: & à ceste cause s'allia des plus grands Seigneurs de Cecille, & de Calabre: & principalement le pape Urbain, qui estoit à Romme, luy fit ayde: car il scauoit biē que si ledict Duc d'Aniou fust venu au dessus qu'il feust debouté, & eust faict obeir au pape Clement. A ceste cause ledict Duc d'Aniou meit sus grand' armée, & en fit chef mesire Philippe d'Artois: auquel semblablement le pape Clement, qui estoit en Auignon, fit ayde de gens & d'argent: & alla ledict Philippe d'Artois & ses gens en Lombardie, & eurent bataille, en laquelle ceux dudiect Duc d'Aniou furent desconfitz: & ladicte Roynie Iehanne, & son mary, nommé mesire Charles Bresleuich, * & ledict mesire Philippe d'Artois, & plusieurs autres grands Seigneurs, Barons & Cheualiers furent prins prisonniers, & payerent grandes rançons. Apres ladicte victoire ledict pape Urbain, qui estoit à Romme, fit couronner ledict Charles, Prince de Tarente, Roy de Cecille: & tantost apres ladicte Roynie trespassa. Ces choses venuës à la congnoissance du Pape Clement, qui estoit en Auignon, lequel eut grand' doubte que les autres se fortifiassent fort, manda audiect Duc d'Aniou, qu'il se donnast garde de ses besongnes, & qu'il pensast de se mettre sus, & venger la mort de ladicte Roynie Iehanne, sa mere par adoption: lequel delibera d'y aller luy mesme en personne l'année ensuyuant. En celle année le Marechal de Sancerre alla en Lymosin, par ce qu'il y auoit grand nombre de Anglois, qui faisoient moult de maulx au país, & meit le siege deuant la ville de Soubzterrene, qui luy fut rendue: & lesdictz Anglois s'en saillirēt leurs bagues sauues: & pour ce qu'ilz pilloient & gastoiēt tout le país par la où ilz passoiēt, ledict Marechal les suyuit, & à plusieurs rencontres les tua & desconfit tous. Le vingtcinquesme iour de Septembre audiect an, ledict Duc de Bretagne vint deuers le Roy bien honnestement & grandement accompagné, & luy fit hommage de sa Duché, & autres Comtez qu'il tenoit de luy: auquel hommage le Roy le receut.

* Les Cron. de Nap. le nomment Charles sans terre.

* Cron. de Nap. disent de Durazzo, & parlent un peu mieus de cecy.

* Cron. de Nap. disent Osto de Bresleuich.

LES CRONIQ. ET ANNALES DE FRANCE

De l'esmeute qui fut à Paris, pour les aydes qu'on vouloit mettre sus: & comment le populaire meit hors de prison Hugues Aubriot.

*L'an mil trois
cens iij. xx.
& deux.*



*Des fermiers
des aydes, qui
furent tue^z &
le peuple de
Paris, &
leurs maisons
pillées.*

*De l'assemblée
des Maillotins
& pourquoy
ilz furent
ainsi nommez.*

*De l'esmeute
de ceux de
Rouen, qu'on
appelloit la
Harelle.*

N l'an mil trois cens iij. xx. & deux, ledict Duc d'Aniou & les autres Seigneurs, qui estoient autour du ieune Roy de France, voulurent de rechef mettre sus certaines aydes à Paris & ailleurs: mais le peuple y cōtraria, & n'y voulut obeïr, quelques remonstrances que leur feissent messire Pierre de Villiers, & messire Jehan des Mares, qui fort estoient en la grace du peuple de Paris: & de fait furent les fermes desdictz aydes baillées & liurées au plus offrant, & baillez mādemens & commissions aux fermiers pour les leuer. A cause dequoy s'assemblerent & meirent sus en armes plusieurs marchans & menus gens de ladicte ville de Paris, & feirent tendre les chaines par les ruës de Paris, & fermer les portes, & allerent par toutes les maisons de ceux qui sçauoient auoir prinſes lesdictes fermes, & tuerent ceux qu'ilz peurent trouuer, leurs papiers brulerent, & pillerent, & despecerent leurs maisons, & deffonçerent les vins parmy les caues: Vn desdictz fermiers y eut qui eschappa, & s'en alla en l'Eglise S. Iaques de la boucherie, pour estre en franchise: mais ce nonobstant le populaire en grand' fureur y alla, & le prindrent sus le grand autel, tenant l'image nostre Dame entre ses bras, leur criant mercy, ce nonobstant ilz le tuerent. Apres allerent au Chastelet, rompirent les prisons, & meirent hors tous les prisonniers: & semblablement par toutes les autres prisons, & principalement allerent es prisons de l'Euesque de Paris, lesquelles ilz rompirent, & meirent hors tous les prisonniers qui estoient: entre lesquels ilz trouuerent ledict Hugues Aubriot, Preuost de Paris, qui estoit condamné à perpetuelle prison, comme dict a esté dessus, & le prierent qu'il fust leur Capitaine, ce qu'il leur accorda, & fut avec eux tout ce iour: & la nuit ensuyuant, luy voyant le grand tumulte qui estoit à Paris, & le dangier qui y estoit, se partit secrettement, & s'en alla à Dy-ion, dont il estoit natif, dont ledict populaire fut moult courroucé. Semblablement icelle nuit l'Euesque de Paris, les Officiers du Roy, & les plus gens de bien de la ville s'absenterent, & en emporterent secrettemēt de leurs biens ce qu'ilz peurent: & le lendemain au matin ledict populaire se rassembla en grand' fureur, & allerent en l'hostel de la ville, ou ilz entrerent par force, & prindrent tous les habillemens de guerre qu'ilz trouuerent, & principalement grand' quantité de mailletz, de plōb, que ledict Hugues Aubriot, luy estāt Preuost de Paris, auoit fait faire, pour enuoyer en vne course qu'auoit fait le feu Connestable sur les Anglois, au moyen desquelz mailletz on appella ladicte assemblée, l'assemblée des Maillietz. Quand la fureur dudit populaire fut passée & rafsise, sçachant que le Roy en seroit fort courroucé & mal cōtent, & que d'eux en prendroit vengeance: parquoy eux, & ceux de l'Vniuersité enuoyerēt Ambassade deuers luy, qui estoit au boys de Vincēnes: & feirent tāt les Ambassadeurs qu'ilz implorerēt misericorde, enuers le Roy, qui leur pardonna, & ordōna q lesdictes aydes ne seroient point leuées en ladicte ville, moyennant qu'ilz donneroient & payeroient au Roy cent mil francs, & qu'il y en auroit quarāte executez à la volūtē du Roy: & pendant que lesdictz Ambassadeurs estoient deuers le Roy, le Preuost de Paris en feit prēdre plusieurs secrettemēt des plus coupables, & p nuit en feit executer & noyer quatorze en la riuere de Seine, dōt le peuple se cuida de rechef esleuer: parquoy le Roy manda qu'on cessast, & qu'on laissast la chose en suspens iusques à vne autre fois: & ainsi demourerent les choses en cest estat iusques au xvij. iour de Mars, que le Roy s'en partit du boys de Vincennes, pour aller à Rouen, en laquelle ville y auoit eu vne semblable esmeute, qu'on appella la Harelle, & pour pareille cause que ceux de Paris: & par le cōmandement du Roy, auant qu'il entra en ladicte ville, furent prins six des plus coupables de l'esmeute, & fut le barail de la cloche de l'hostel de la ville ostē, & toutes les armeures & bastons qui estoient en ladicte ville, portez au chasteau, & semblablement les chaines de fer qui estoient es ruës, & la porte de la ville, du costē de sainte Catherine abatuē: & apres ces choses faictes le Roy y entra. Quand il y eut seiourné aucuns iours il s'en retourna: mais pource que ceux de Paris n'estoient pas encores biē appelez, n'en voye d'obeissance, il n'alla point en ladicte ville, iusques à ce que ceux de ladicte ville le requissent de rechef en grād' instance, & s'en alla à Compiegne, à Meaux, à Melun: & durant que ces choses se faisoient le Duc d'Aniou estoit en Auignon, le Duc de Berry en Languedoc, & le Comte de Flandres auoit grand' guerre contre les Gantois.

Comment

Comment on voulut de rechef mettre sus les aydes, dont aduindrent plusieurs commotions en France.

Les gouuerneurs, qui estoient autour du Roy, qui ne tendoient qu'à mettre sus les aydes, afin qu'ilz en peussent mieux faire leurs besongnes, feirēt assembler les gens des trois Estatz à Paris : & quand ilz furent assemblez maistre Arnault de Corbie, premier President en Parlement, proposa en remonstrant les grands charges & affaires que le Roy auoit à supporter : lesquelz ne se pouuoient conduire sans leuer ayde sur le peuple : à ceste cause il requeroit qu'on n'empeschast point que lesdictes aydes ne fussent leuées : mais quand les deleguez des villes eurent ouy ladicte proposition, ilz parlerent ensemble, & pour toute responce ilz deirent qu'ilz n'auoient puissance ne charge, sinon d'ouyr ce qu'on leur voudroit dire, & de le rapporter. Si leur fut ordonné que dedās certain iour ilz en feissent sçauoir la responce à Pontoise : & combien que les deleguez de la ville de Sens en ladicte assemblée eussent dict comme forz, que ceux de ladicte ville s'y consentiroient, toutesfois quand ilz furent retournez à Sens ceux de ladicte ville deirent qu'ilz n'en feroient riens : & pour raison desdictes aydes aduindrent au royaume de France de grāds maulx, commotions, & inconueniens en plusieurs villes & lieux.

Les gouuerneurs d'en-tour le Prince ne demādent qu'a mettre sus nouveaux aydes sur le peuple.

Comment monseigneur Loys, Duc d'Aniou, fut couronné Roy de Cecille, par le Pape Clement : & comment il conquist Prouence, & apres alla en Lombardie.

Vdict an mil ccc. quatre vingtz & deux, ledict Loys, Duc d'Aniou, considerant qu'il auoit eu du Roy grandes finances & thresors, delibera d'aller conquetter la Comté de Prouence, & lesdictz royaumes de Cecille, & de Hierusalem : & pour ladicte cause assembla grand' armée, & print son chemin vers Auignon, ou le Pape Clemēt le receut en grand honneur & triūphe, & enuoya plusieurs Cardinaulx au deuant de luy : & apres le courōna Roy de Cecille & de Hierusalē : & le receut à hōmage desdictz royaumes de Cecille, Hierusalē, Naples, Duché de Calabre & Comté de Prouēce : & meit ledict Duc ses gens d'armes en la Comté de Prouence : mais les Prouenceaux se deffendirent, & resisterent, & y dura la guerre bien huit moys. A la fin lesdictz Prouenceaux, qui n'auoient point de secours, se meirent es mains dudiēt Duc d'Aniou, nouveau Roy de Cecille, lequel y meit gens, & Officiers de par luy. Tantost apres se meit à chemin luy & son armée pour tirer vers Naples, & passerent la Lombardie, non pas sans grands empeschemēs & pertes de gens, cheuaulx, & biens : & quād Charles, qui se disoit Roy de Cecille, sçeut qu'il approchoit, il meit sus grand' armée, en laquelle luy ayda le Pape Urbain, qui l'auoit couronné Roy desdictz royaumes. Iceluy Roy Charles s'adressa à vn compaignon qui se faisoit fort d'empoisonner ledict Roy Loys, Duc d'Aniou, s'il vouloit : parquoy ledict Charles le fait habiller en estat de messagier, pour venir empoisonner ledict Roy Loys : mais iceluy Loys en fut aduertý par vn Italien : parquoy ledict messagier auant que venir en la presence dudiēt Roy Loys, fut prins, & legierement confessa le cas, & fut decapité.

L'an mil trois cens iij. xx. & deux.

La conqueste de la Comté de Prouence faicte par Loys, Duc d'Aniou.

De la guerre du Comte de Flandres contre les Gantoys & Flamens, qui s'allierent avec les Angloys.

Nicelle mesme année, pource que Loys, Comte de Flandres, vouloit mettre aucunes malerostes sur ses subiectz, qui estoient contre les statutz & priuileges de Flandres, ce que les Flamens ne voulurent consentir ne souffrir, comme dessus a esté dict, & mesmement ceux de Gand, ilz s'esleuerent de rechef contre luy, & s'allierent des Angloys, & feirent Arteuelle leur Capitaine. Le Comte qui auoit assemblé grand' armée se meit sur les champs, quand il sçeut que ledict Arteuelle y estoit ilz s'entrerentcontrerent les deux armées, qui se combaterent : & en ladicte bataille mourut des gens du party du Comte bien dix mil hommes, & de ceux du party d'Arteuelle en mourut enuiron quatre mille : & finalement le champ demoura audiēt Arteuelle, & s'enfuyt le Comte de Flandres au trauers des boys & chemins communs, iusques à l'Isle. Apres la bataille ledict mens.

La desconfiture des gens du Comte de Flandres, faicte par les Flamens.

Second volume.

HH ij

LES CRONIQ. ET ANNALES DE FRANCE.

Arteuelle, qui se doubta que le Roy de France n'aydast audiēt Comte de Flandres, luy escripuit vnes lettres en parolles arrogantes, par lesquelles il luy mandoit qu'il ne feist aucun ayde audiēt Comte contre lesdictz Flamens, autrement il luy faisoit à sçauoir que luy & les Flamens s'allieroient aux Anglois: & de fait s'y allierent: & lesdictes lettres il enuoya par vn cheuaucheur ou Herault seulement: lequel les presenta au Roy en la presence des Princes & Seigneurs de son sang: & apres ce qu'elles eurent esté leuës, veu que ce n'estoit qu'un messagier, il fut gracieusement enuoyé sans responce. Tantost apres ledict Comte de Flandres, qui se veoit ainsi oultragé par lesdictz Flamens, ses subiectz, s'en vint deuers le Roy, & luy exposa la rebellion de sesdictz subiectz, & qu'il estoit son vassal, & Per, à cause de la Comté de Flandres, & des Comtez d'Artois, & d'autres plusieurs terres & seigneuries qu'il tenoit de luy, luy requerant qu'il luy voulsist donner confort & ayde: & combien qu'iceluy Comte eust fait plusieurs commotions & maux au Roy, & se fust parauant allié aux Anglois, toutesfois le Roy delibera pour aucunes raisons lors alleguées, & mesmement en la faueur & requeste du Duc Philippe de Bourgongne, son oncle, qui estoit gendre d'iceluy Comte, de luy faire ayde & secours: & fait diligemment mander & assembler son armée vers Arras. Quand son armée fut prestee, il alla à saint Denis, & print l'Auriflambe qu'il bailla à garder & porter à vn vieil & vaillant Cheualier, nommé messire Pierre de Villiers: lequel auant qu'il la print, receut le corps de Iesus Christ, & fait les sermens en telz cas accoustumez.

De l'ayde que fait le Roy au Comte de Flandres, contre les Flamens.



Aucuns des gens de l'armée du Roy, qui estoient allez les premiers, auant que le Roy y allast, s'allèrent mettre dedans la ville d'Audenarde, avec les gens du Comte de Flandres. Quand Arteuelle le sceut, il les alla assieger: mais ilz se deffendirent vaillamment, & feirent plusieurs faillies, & tuerēt moult desdictz Flamens, qui estoient en vn merueilleusement grand nombre. Lesdictz François furent si fort lassez & trauaillez qu'ilz manderent au Duc de Bourgongne, & audiēt Comte de Flandres, qu'ilz ne pouuoient plus tenir sans secours, & aussi que viures leur failloient: & aduint vn iour que lesdictz François, qui estoient dedans Audenarde, veirent vn troupeau de pourceaux, ou il y en auoit bien quatre cēs, qui estoient pour l'auitaillement de l'armée des Flamens, & les faisoient paistre en la prairie pres de la ville, & pour trouuer façon de les auoir feirent vne assemblée de gens à cheual & de gens à pied, & sortirent hors entre la ville & l'ost des Flamens: & puis aucuns des gēs de pied allerent mussément & à cachette au lieu ou estoit ledict troupeau de pourceaux, & en prindrent deux seulement: lesquels ilz attacherent par les piedz de derriere, pour les entrainer: parquoy lesdictz deux pourceaux se prindrent à crier, & incontinct tout le grand troupeau accourut au cry d'iceux deux pourceaux, & les suyuirent ainsi criers, tellement qu'ilz entrerent tous iusques en ladicte ville, dont lesdictz François furent fort reconfortez.

D'un grand troupeau de pourceaux qui fut subtilment prins sur les Flamens, pres Audenarde, par les François.

De plusieurs rencontres & desconfitures faictes par les François, sur les Flamens.



Environ la fin d'Octobre ensuyuant, le Roy arriua à Arras, avec moult belle & grande compaignie, & enuoya vn Gentilhomme, qui parloit & entendoit Flamēt, par deuers Arteuelle, & les Flamēs, pour les desmouuoit, & leur remonstrer les inconueniens qui leur pouuoient aduenir, à cause de leur entreprinse qu'ilz faisoient. Lesdictz Flamens feirent bonne chere au Gentilhomme, & luy feirent responce que pour riens ne laisseroient les armes, & qu'ilz poursuyuroient leur entreprinse, veu que c'estoit pour la liberté du pais, & ainsi s'en retourna le Gentilhomme. Le Comte de Flandres, lequel estoit à Bruges, qui sçauoit que bien difficile chose seroit que l'armée du Roy peust passer la riuere de l'Escau ailleurs qu'au pont à Bouynes, que lesdictz Flamens occupoient, y enuoya son armée, pour despescher & ouurir le passage, & se combatarent ses gens & lesdictz Flamens tresasprement & durement, & furent iceux Flamens desconfitz, & la pluspart tuez, & prindrent les gens d'iceluy Comte ledict pont à Bouynes: mais tantost apres iceux Flamēs se rallierēt bien huiēt mil hōmes, & regaignerēt le pōt. Le Roy meit son armée sus chāps: & pour

La desconfiture des Flamens faicte au pont à Bouynes par le Comte de Flandres.

& pour auoir passage fut trouué, qu'il conuenoit premierement gagner ledict pont à Bouynes. Si y enuoya le Connestable de Clifson, & le Marechal de Sancerre avec deux mil hommes: lesquelz sceurent que du costé de l'armée du Roy lesdictz Flamens auoient rompu les arches dudit pont: parquoy il leur estoit impossible de les venir assaillir par la. Si trouuerent façon la nuit ensuyuant de passer la riuere au dessus dudit pont en deux lieux, par les batteaux qu'ilz eurent: & le lendemain vindrent deuant les Flamens de l'autre costé de la riuere: lesquelz furent bien esbahys quād ilz les apparceurēt estre passez la riuere, si se meirent en bataille entre ledict pont, & les François, qui les assaillirent & combattirent, & furent les Flamens desconfitz, & en mourut plusieurs: & ainsi les François gaignerent ledict pont, qui tantost fut réparé, & passa le Roy & son armée oultre la riuere. Messire Jehan de Vienne, Admiral de France, fut commis à conduire les viures & bagage de l'armée du Roy, & dressa son chemin vers la ville d'Ypre. Les Flamens qui estoient dedans, sortirent sur lesdictz viures: mais ledict Admiral les combattit & desconfit, & y en eut plus de trois cens mortz, & plusieurs prisonniers: parquoy ceux de ladicte ville, voyans ladicte desconfiture, enuoyerent vn Religieux, & crierent mercy au Roy, qui leur pardonna, & se meirent en sa subiection. Vne compaignie de François allerent vers la ville du Dan, qui est vn port de mer, & forte place, & y auoit plusieurs viures, mesmement grand' quantité de vin, & assaillirent ceux de ladicte ville, qui se deffendirent: mais ilz ne peurent resister, & fut ladicte ville prinse d'assault: & pendāt ce temps de guerre les François dommagerent fort de tous costez les Flamens: dont ledict Arteuelle se cōmença à esbahir: mais il estoit obstiné, & n'en osoit ne vouloit monstret le semblant. Le Seigneur de Hancelles, qui estoit moult puissant, lequel par l'induction d'Arteuelle s'estoit ioinct avec les Flamens, quand il apperceut la puissance du Roy, il congneut sa follie, & le danger ou il estoit, & le remonstra ausdictz Flamens: mais ilz n'en tindrent compte: & par ce il monta secrettement à cheual, & les abandonna: & dient aucuns que pareillement voulut faire Arteuelle, & deit au peuple desdictz Flamens qu'on luy laissast prendre iusques à dix mil combatans, & il se faisoit fort de deffaire l'armée du Roy: mais ilz respondirent qu'ilz ne souffriroient point qu'il partist d'eux, comme auoit fait le Seigneur de Hancelles.

Le Pont à Bouynes fut gaigné par les François.

De la bataille qui fut entre le Roy & les Flamens à Rosebec, ou il mourut bien quarante mil Flamens.

LE xxj. iour de Nouembre audict an mil trois cens quatre vingtz & deux, le Roy voyant que les Flamens estoient en grand nombre sur les champs, & pres de luy, se delibera de les combattre: & ordonna ses batailles: & eurent charge de l'auantgarde le Connestable Clifson, le Marechal de Sancerre, & le Mouton de Blanville, aussi Marechal: & avec eux se ioignirent les Comtes de saint Paul, de Harecourt, de grand Pré, de Seines en Allemagne, de Tonnerre, le Vicomte d'Aunay, les Seigneurs de Chastillon, d'Anglade & de Hangest: & les Ducz de Berry & de Bourbon, l'Euesque de Beauuais, & le Seigneur de Paupy faisoient les aelles de ladicte auantgarde. En la bataille estoient le Duc de Bourgogne, le Comte de Vallois, & ses freres, & plusieurs haultz Princes, & Seigneurs, Barons, Cheualiers, & Escuyers: & fut crié de par le Roy que tous se meissent à pied, & que nul ne se meit en fuyte sur peine de perdre la vie, & ne demoura que le Roy seul à cheual: & à l'entour de sa personne furent ordonnez certains Cheualiers, c'est à sçauoir le Begue de Villaines, le Seigneur de Pomiers, le Vicomte d'Acy, messire Guy de Bayeux. Semblablement fut ordonné messire Robert de Beauvoir avecques quatre cens lances, pour aller escarmoucher & esmouoir l'armée desdictz Flamens, ce qu'il feit bien diligemment: & puis s'en retourna avec ceux de l'auantgarde, & se meirent tous à pied, & renuoyerent leurs cheualx avec les autres. Deux choses merueilleuses aduindrent, auant la bataille, dont on s'esbahissoit fort: l'une c'estoit qu'il vint si grande abondance de corbeaux que c'estoit merueilleuse chose à regarder, & tant y en auoit qu'ilz environnerent toutes les deux armées: l'autre fut que par toutes les deux armées, cinq ou six iours precedens, le temps fut si obscur & chargé de nuées & de brouillars qu'on ne se pouuoit veoir n'apperceuoir l'un l'autre. Finablement les deux armées s'approcherēt l'une de l'autre: & lors le Roy feit desployer l'Auriflambe, & tout incontinent le temps

l'an mil trois cens iij. xx. & deux.

De la multitude des corbeaux qui apparurent sur l'ost du Roy de France, & des Flamens, auant la bataille.

LES CRONIQ. ET ANNALES DE FRANCE

deuint bel & cler, & commença le Soleil à luyre, & s'entreueirent les batailles, & marcherent les vnes contre les autres, & tellement approcherent qu'ilz vindrent à combattre main à main : & y eut de premiere rencontre moult aspre & dure bataille, ou les Flamens se porterent si vaillamment que de prime face ilz feirent reculer les François, mais les François prindrent courage, tellement qu'ilz rebouterent & rompirent les Flamens, si vaillamment & fermement que les Flamens tomberent à grand tas, les vns sus les autres, & furent desconfitz : & à la fin de la bataille on estimoit les mortz du costé desdictz Flamens à bien quarante mil personnes, & des François n'en mourut que trespeu : & fut ladicte bataille en vn lieu qu'on appelle Rosebec. Apres ladicte desconfiture on doubta fort que les Flamens ne se t'alliasent : si furent commis les Seigneurs d'Albret & de Coucy à les suyuir & chasser, ce qu'ilz feirent, tellement que lesdictz Flamens n'eurent loysir d'eux r'assembler, & s'enfuyrent plusieurs parmy les boys & maretz, ou il s'en noya moult grand nombre. Quand les Flamens, qui tenoient le siege deuant Audenarde, sceurent la desconfiture de leurs gens, ilz leuerent leur siege, comme sans arroy, & s'en alloient par petites compagnies & tourbes : & lors les François, & gens du Comte de Flandres, qui estoient dedans, faillirent sur eux, & les chasserent, & y en eut de rechef plusieurs mortz & prins. Le Roy & ceux de sa compagnie furent ioyeux, & rendirent graces à Dieu de la victoire qu'il leur auoit donnée : & lors ledict Loys, Comte de Flandres, en faisant son deuoir, vint deuant le Roy, & en la presence des Seigneurs & Princes les remercia de l'ayde qui luy auoit faicte, & ausi remercia lesdictz Princes & Seigneurs : & le Roy luy deit, Beau cousin ie vous ay voluntiers secouru, & tellement que la Dieu mercy voz ennemys sont desconfitz, combien que du temps de feu monseigneur mon pere, que Dieu absolve, vous fustes fort chargé d'auoir eu alliance & fauorisé à noz ennemys les Anglois, si vous en gardez dorenavant, si vous voulez auoir nostre grace : lequel Comte luy promet & iura qu'à tousioursmais luy seroit vray & loyal seruiteur, vassal & subiect. Le Roy auoit grand desir de sçauoir si Arteuelle estoit mort ou non : & pource qu'il y auoit vn des Capitaines desdictz Flamens, qui auoit esté moult fort nauré en la bataille, & estoit prisonnier, ou luy demanda s'il n'en sçauoit riens : & il deit qu'il croyoit certainement qu'il fust mort, car il estoit embesongné assez pres de luy : lequel Flament fut mené sur le champ, ou le Roy & les Princes cheuauchoiét pour veoir les mortz, & trouua le corps dudiect Arteuelle mort : lequel il monstra au Roy & à ceux de sa compagnie. Le Roy voulut faire habiller les playes dudiect Flament, prisonnier, & faire guerir : mais il ne le voulut souffrir, & deit que pour la liberté de son pais il vouloit mourir avecques les autres : & par ainsi à cause de leuacuation de son sang, il mourut tantost apres.

*D'un Flamant
qui fut si ob-
stiné qu'il ay-
ma mieulx
mourir pour
son pais, que
de sauuer sa
vie.*

Comment la ville de Courtray fut pillée & bruslée.

APRES ladicte victoire le Roy delibera s'en retourner en France, & de passer par Courtray, pour faire abatre les portes & murailles. Ceux de la ville qui estoient fort riches & auitaillez, luy feirent resistance : & à ceste cause les François passailirent, & la prindrent par force : & combien que le Roy feit crier qu'on n'y tuast personne, & qu'on ne feist desplaisir à nul, neantmoins lesdictz François en despit de la bataille qui auoit esté audiect Courtray, ou les François auoient esté desconfitz, tuerent presque tous ceux de ladicte ville, & les pillerent : & puis bouterent le feu par toutes les maisons de la ville, ou ilz trouuerent plusieurs biens & richesses.

Comment apres la guerre de Flandres le Roy s'en retourna vers Paris, mal content de ceux de la ville.

EN ladicte ville de Courtray furent trouuées, vnes lettres comme on disoit, que ceux de Paris auoient escriptes aux Flamens, touchant le faict des aydes, dont le Roy fut bien mal content d'eux : parquoy il delibera de s'en venir droit à Paris : & en s'en venant il passa les villes de Picardie, ou il fut grandement receu, & luy feit on de beaux dons : puis vint à Compiègne, ou il fut aucun peu de temps, pour soy solacier à la chasse : car il aymoient moult le lieu, pour la delectation de l'asietie & beauté de la ville, & du pais d'environ. En ladicte ville de Compiègne les Ducz de Berry & de Bourgogne, oncles du Roy, osterent à l'Euesque de Beauuais les grands seaulx de la Chancellerie, & furent mis

*Le Roy aymoist
fort la ville
de Compiè-
gne, & le pais
d'environ.*

mis és coffres du Roy : & fut ordonné que iusques à ce que le Roy eust fait vn autre Chancelier , on scelleroit du petit scel , qui estoit ordonné en l'absence du grand : duquel petit scel on bailla la charge & garde à l'Euesque de Laon , & à maistre Roger de Corbie : premier President de Parlement , & à maistre Philippe des Moulins , Chanoyne de Paris, puis vint le Roy iusques à saint Denis , & alla à l'Eglise ou il rapporta l'Auriflambe, laquelle nuë teste, & sans seincture , il bailla és mains de l'Abbé , & rendit graces & louanges à Dieu & aux martyrs , qui sont conseruateurs des Roys & de la couronne de France, de la grace & victoire qu'ilz luy auoient donnée , en la presence des Ducz de Berry & de Bourgongne, ses oncles, & de plusieurs grands Princes & seigneurs: lesquelz feirēt de riches dons en ladicte Eglise: & en ladicte ville de saint Denis le Roy & sa compaignie furent par aucuns iours , tenant conseil , delibérant en toutes manieres de ce qui estoit à faire pour rabatte l'orgueil de ceux de Paris, lesquelz estoient de ce bien esbahys, & non sans cause . En ladicte ville saint Denis vindrent vers le Roy, le Preuost des Marchans, & plusieurs grands & notables personnes de ladicte ville de Paris, pour eux vouloir excuser: & luy deirent que Dieu mercy tout estoit bien appaisé, & que seurement il pouoit venir à Paris quand il luy plairoit , & que ceux de la ville estoiet bien deliberez de luy obeyr & complaire de corps & de biens : en luy priant qu'il les voulüst tenir & remettre en sa bonne grace, & leur pardonner s'aucunes faultes & offenses auoient commises enuers luy . Ce qu'aucuns des Princes ne vouloient croire, & disoient que le peuple les desaduouroit , & qu'il ne leur auoit point donné ceste charge: & nourrissoient tousiours lesdictz Princes le Roy, qui estoit ieune, en maltalent contre ladicte ville , par ce qu'ilz ne taschoient qu'à faire faire exactions, pour en auoir les deniers : ce neantmoins le Roy bailla iour au Preuost des Marchans pour venir entrer dedans Paris: auquel iour il se trouua en grand' triumphe , & avecq' grand nombre de gens d'armes tous armez . Quand il fut à la porte saint Denis , auant qu'entrer en ladicte ville, il meit & ordonna ses gens d'armes en trois batailles. En la premiere estoit le Conestable Clifson , & le Marschal de Sancerre, En la seconde estoit le Roy grandement accompagné, armé, & monté sur vn beau cheual, & tous ses gens d'armes à pied, reseruez ses oncles le Duc de Berry & de Bourgongne : & à ladicte porte fait rompre les barrieres & les portes de la ville en sa presence : & illec estoient venus à pied & en grand' humilité le Preuost des Marchans, les Escheuins & Bourgeois de Paris: lesquelz luy voulurent faire la reuerence, & aucune briefue propositiō de bouche, mais il ne les voulut ouyr n'entendre , & sans faire semblant de les veoir passa oultre & cheuaucha iusques à nostre Dame de Paris , en laquelle il fait ses oraisons , & y donna la banniere qui auoit esté portée deuant luy , le iour de la bataille de Rosebec en Flandres. Apres s'alla descendre & loger au Palais: & quand luy & ses gens d'armes furent logez, il fait crier à son de trompe par toute la ville qu'on ne feist aucuns outrages ne dire aucunes parolles iniurieuses à ceux de ladicte ville , & qu'on ne print nulz prisonniers, ne feist mal à personne. Ce neantmoins il y en eut deux de ladicte ville, lesquelz vserent de manieres mauuaises , & deirent du Roy aucunes parolles mal sonnantes: parquoy ilz furent prins prisonniers , & le lendemain furent pendus aux fenestres de leurs maisons: & incontinent apres ladicte execution , les Ducz de Berry & de Bourgongne cheuaucherent par la ville, & feirent prédre plusieurs de ladicte ville prisonniers, & entre autres , maistre Guillaume de Sens , maistre Jehan Filleul , maistre Martin Doublet, & plusieurs autres, iusques au nombre de trois cēs: & n'y auoit iceluy de ladicte ville de Paris qui n'eust grand' pœur : & emmena les aucuns des principaux aux Halles, & là furent decapitez sans faire long proces, dont la femme de l'vn , voyant passer son marry qu'on menoit executer, se precipita & ietta à bas, par les fenestres emmy la ruë , & se tua, & son enfant qu'elle auoit au ventre . Apres ces choses, les dessusdictz seigneurs allerēt par ladicte ville, & feirent attacher toutes les chaines de fer qui sont au trauers des ruës de ladicte ville, & les feirent porter au boys de Vincennes: & apres furent par toutes les maisons, & prindrēt tous les harnoys & habillemēs de guerre qu'ilz trouuerent , & en feirent porter vne partie au Louure, l'autre au Palais, & l'autre en la Bastille, & disoit-on qu'il y en auoit assez pour armer cent mil hommes . La Duchesse d'Orleans, & l'Vniuersité de Paris, vindrent deuers le Roy luy requerir qu'on procedast seulement à punir ceux qui estoient cause de la commotion, & non pas contre la generalité: à quoy le Roy respondit qu'il aduiseroit qu'il auroit à faire . Durant

Le Roy delibera d'abbatre l'orgueil de ceux de Paris.

Le Roy voulut entrer dedans Paris à main armée.

La grand' pitié d'une femme grosse d'enfant.

LES CRONICQ. ET ANNALES DE FRANCE.

L'an mil ccc.
iii vingtz.
& trois.

L'aduocat du
Roy en sa
court de Parle-
mēt fut deca-
pitē.

La preuostē
& Escheui-
nage de Paris
abolī.

ce tumulte, qui fut à Paris, en l'année mil trois cēs quatre vingtz & trois, maistre Jehan des Mares, qui fut Conseiller & Aduocat du Roy en son Parlement à Paris, vn grand sage homme, & qui auoit esté Cōseiller du feu Roy Charles le Quint, auquel ledict feu Roy adioustoit grand' foy, fut prins prisonnier, & ne sçauoit son bonnemēt pour quelle cause (car il n'auoit point esté cause ne consentant desdictes commotions : mais luy desplaioient terriblement les brouilleries qui auoient esté à Paris) & fut mis en Chastelet, & ne luy feit on pas long proces, & à peine print on le loisir de l'examiner : & disoit-on que s'estoit pour la hayne qu'auoient cōceue cōtre luy les Ducz de Berry, & de Bourgongne, durant les questions d'entr'eux & leur frere le Roy de Cecille, Duc de Aniou: si fut condamné à estre decapité : & combien qu'il allegast sa cléricature (car il n'auoit esté marié qu'une fois à vne ieune pucelle) & requist estre ouy en ses iustificacions, ce neantmoins il fut mené es Halles de Paris : & fut decapité à la tresgrand' desplaissance de plusieurs, tant grands comme petis (car il estoit fort aymé à Paris) & en luy menant disoit tousiours ce pseume: *Iudica me Dēus, & discerne causam meam de gente non sancta, &c.* & avec luy en furent decapitez douze autres. Et combien que l'entendement humain ne puisse apposer raison sur les iugemens de Dieu, toutefois plusieurs deirent que celà estoit adueni audict Aduocat, pource que luy estāt Aduocat il prenoit & acceptoit volontiers charge des causes qui estoient contre les droictz, priuileges, & immunitē des Eglises, & s'y dilectoit fort: & au contraire faisoit, comme on disoit vn nommé maistre Pierre de Frontbrac, aussi Aduocat en Parlemēt du temps dudit des Mares, qui estoit zelateur & deffenseur des droictz de l'Eglise: & combien qu'iceluy de Frōtbrac ne fust qu'un simple Aduocat, & pour tous benefices Chanoyne de Chartres, homme ancien, mais vertueux, il fut par le Pape Clement fait & déclaré Cardinal, sans ce qu'il en feist aucune poursuyte, & par tant Dieu en punist vn & l'autre il exalta. Apres ces choses ainsi faictes, le Roy feit crier, bailler, & liurer les fermes des aydes en ladicte ville de Paris: c'est à sçauoir gabelles & impositions: & fut la Preuostē & Escheuinage de ladicte ville condamnēe & abolie: & fut ordōné qu'il n'y auroit plus nul Preuost des Marchās n'Escheuins, & que la iustice du fait de la marchandise de l'eau, qui se souloit faire par ledict Preuost des Marchans, se feroit dorenavant par le Preuost de Paris: & estoient tous les habitans de Paris en grand' pœur & crainte, & non sans cause, pour la grāde perturbation qui estoit en ladicte ville.

Comment le Roy feit faire vn siege en la court du Palais: & de la proposition qu'il feit faire par messire Pierre d'Orgemont son Chancelier.



La proposition
que feit le
Chancelier
d'Orgemont
en la court du
Palais, au po-
pulaire de
Paris.

Après ces choses le Roy feit faire vn siege au hault des degrez du Palais deuant la representation du Roy Philippe le Bel, bien notablemēt paré, auquel il s'asseist, & aupres de luy furēt ses oncles assis, les Ducz de Bourgōgne & de Bourbō, & plusieurs autres grands Princes, seigneurs & Conseillers: & là feit on venir le populaire de Paris, qui estoit en si grand nōbre que c'estoit merueilleuse chose à veoir, tous nuēs testes. Et lors commanda le Roy à messire Pierre d'Orgemont, qui auoit esté nouuellement crée son Chancelier de France, qu'il deit ce qu'il luy auoit chargé de dire: lequel Chancelier commença à parler du feu Roy Charles le Quint, & commēt il auoit honnestement traitē & entretenu ceux de Paris, nonobstāt les oultraiges qu'autresfois ilz luy auoient faictz: & comment le Roy, son filz, auoit delibéré de les bien traiter: mais qu'on congnoissoit bien leur ingratitude, & la grande dureté de leurs cœurs, dont ilz estoient dignes de grāde punition, en declarant les matieres qui s'offroiēt & les principales: parquoy on ne se deuoit esmerveiller des executions qui auoient esté faictes: en concluād qu'encores en y auoit il plusieurs qui estoient bien à punir. Apres ces choses dictes, lesdictz Ducz de Berry & de Bourgongne, oncles du Roy, se meirent à genoulx deuant ses piedz, en luy priant & suppliant qu'il voulsist auoir pitié de son pauvre peuple de ladicte ville de Paris: & apres plusieurs Dames & Damoyelles de ladicte ville, qu'on auoit fait venir: lesquelles estoient toutes decheuelēes, en pleurant feirent pareille requeste au Roy, & tout le demourant du peuple se meit à genoulx, & nuēs testes, & tous commencerēt à crier à haulte voix & par plusieurs fois, Misericorde, qui estoit piteuse chose à veoir & ouyr: & lors respondit le Roy qu'il

qu'il estoit content que la peine criminelle qu'ilz auoient encorue fust conuertie en ciuile: & par ce furent mis les prisonniers hors de prison, & fut l'amende ciuile imposée sur les coupables, qui fut telle qu'il failloit qu'ilz baillaissent la moytié de ce qu'ilz auoient vaillant: & fut icelle finance baillée aux gens de guerre, à fin qu'ilz ne feissent nulles pilleries, car pour lors n'estoient nulles ordonances de gens d'armes souldoyez. Et combien que lesdictz gens d'armes eussent esté tresbien payez de tout ce qui leur estoit deu, & que par ce ilz eussent promis ne faire aucuns excez, ce neantmoins si tost qu'ilz furent sur les champs, ilz feirent de grâdes pilleries & roberies, & rançonnoient tous ceux de la ville de Paris, qu'ilz rencontroient, & faisoient maulx innumerables.

*La sentence.
donnée contre
ceux de Paris
par le Roy.*

De la commotion que feirent ceux de Rouen, pour les aydes qu'on vouloit mettre sus.

EANTOST apres ceux de Rouen, qui s'estoient esleuez, & auoient fait comme ceux de Paris, ou pis, & auoient meurtry les fermiers du Roy, sceurent comme ceux de Paris auoient esté rudement traictez: si enuoyèrent deuers le Roy demander pardon & misericorde de leur meffait. Parquoy le Roy y enuoya messire Iehan de Vienne, Admiral de France, vaillant Cheualier & preud'homme, accompagné de gens de guerre, & avec luy messire Iehan Pastourel, & le seigneur de Noniant: lesquelz entrèrent dedans ladiète ville de Rouen, & feirent abbatre aucunes des portes, & prendre grand' quantité des habitans, specialemēt ceux qui auoient contredit à payer lesdictes aydes, & qui auoient esté cause des commotions qui auoient esté faictes en ladiète ville, & qui auoient couru sus aux fermiers: & d'iceux y eut plusieurs executez, & les restes couppees: & lors les habitans demanderent pardon & misericorde. Et pour ce que c'estoit pres de Pasques les prisonniers furent deliurez, & l'amende criminelle conuertie en ciuile, & pour abbreger ilz feirent comme ceux de Paris.

*La punition
de ceux de
Rouen.*

D'une descente d'Anglois que les Flamens recueillirent: & de la rebellion de ceux d'Orleans, pour le fait des aydes.

L'An mil trois cens quatre vingtz & trois, y eut de grandes commotions en Angleterre: & disoient les Anglois que le Roy Richard estoit lasche de ce qu'il ne faisoit guerre en France: & à vn Parlemēt à Londres, delibererent de faire la guerre aux Frāçoys. Les aucuns estoient d'opinion qu'on deuoit faire paix: & soustenoit fort ceste opinion l'Euesque de Cantorbie, parquoy il fut tué bien inhumainement, & plusieurs autres de son opinion. Le filz du Roy * d'Angleterre, Hugues de Carnelay, Crestonnal, & Robin Canolle, Anglois, assemblerent huit cens hommes d'armes & douze mil archiers, & mōterent sus mer, pour venir en France: mais ilz eurent vent contraire, qui les rechassa, & perirent la plus part de leurs nefz: mais tanrost ilz en assemblerent d'autres, & vindrent descendre à Calais, & auoit la charge l'Euesque de Norvvic, avec bien six vingtz nefz, & allerent en Flandres, ou les Flamens les receurent lyement, & leur administrerent viures. Le Lundy vingtsixiesme iour de May, se combaterent lesdictz Anglois deuant Dunkerque, cōtre aucuns Flamens, qui tenoient le party du Roy, & du Comte de Flandres, & furent lesdictz Flamens desconfitz: & apres allerent lesdictz Anglois mettre le siege deuant Ypre. Le Roy qui estoit à Paris, qui rien ne scauoit de la descēte desdictz Anglois, s'en alla en pelerinage par deuotion à nostre Dame de Chartres, ou ilz fut tresbien receu: & apres ses oraisons faictes, luy vindrent nouuelles que ceux d'Orleans auoient fait pareilles desobeissance, à payer les aydes, & s'estoient esleuez, comme ceux de Paris: parquoy le Roy delibera d'y aller, & de fait y alla, & fut notablement receu de ceux de ladiète ville: mais pourtant ne demourerent pas leurs fautes impunies, car (comme aux autres) il leur feit abatre leurs portes, & oster les chaines, & des principaux feit decapiter grand nombre, & le demourant payerent grande finance, comme à eux importable: puis s'en retourna à Paris.

*L'an mil ccc.
quatre vingt
& trois.*

** Froiss. &
Pol. Verg. ne
parlent point
de ce filz de
Ang. & font
ces noms un
peu autres.*

*Punition fai-
te cōtre ceux
d'Orleans, qui
auoient esté
desobeissans
au Roy.*

Du voyage que le Roy feit contre les Anglois & Flamens, ou il porta l'Auriflambe.

LES CRONIQ. ET ANNALES DE FRANCE.



LE ROY estant à Paris, luy vindrent nouuelles que les Anglois, qui estoient descendus en Flandres, faisoient mauulx infinis es pais de Picardie: si delibera d'y remedier, & manda gens de toutes pars. Les Gantois, qui furent aduertis de l'assemblée que faisoit le Roy, enuoyèrent deuers luy Ambassadeurs: mais le Roy, qui fut bien aduertty qu'ilz ne vouloient que l'amuser, à fin qu'il n'allast contre eux, ne les voulut ouyr. Quand l'armée & viures du Roy furent prestz, il alla à saint Denis, prendre congé des Martyrs, conseruateurs de luy & du royaume, & print l'Auriflambe, & la bailla à garder & porter, à messire Guy de la Trimouille, Cheualier: puis se meit en voye vers Flandres, & alla à Arras, & à Therouène, & auoit bien vingt mil hommes d'armes, que Cheualiers qu'Escuyers, sans les gens du Duc de Bretaigne, qui estoient venus pour seruir le Roy en sa guerre. Les Anglois, qui estoient en Flandres, à la requeste des Gantois, tenoient le siege deuant Ypre. Le Roy tira vers là, & le Conneftable Clifson, & le Duc de Bretaigne, qui menoient l'auantgarde du Roy, les suyurent. Apres estoit la bataille, ou estoit le Duc de Berry, de Bourgongne, de Bourbon, de Lorraine, de Bar, & plusieurs autres, & estoient bien dix mil lances, & furent logez à Blandelle, à deux lieuës pres de Cassel, ou estoient les Anglois, qui meirent le feu dedans, & s'en fuyrent. Si prindrent les gens du Roy plusieurs forteresses: & tâtost lesdictz Anglois, qui estoient au siege deuant Ypre, se leuerent, & meirent le feu dedans leurs tentes, & se retirerent à Grauelines & à Bergues. Ledit Robin canolle s'en alla à Bergues, où lesdictz Conneftable & Duc l'allerent assieger: mais quand il le sceust, il s'en alla à Grauelines, & buta le feu en ladicte ville de Bergues: ou les François entrerent, & y auoit encores des Anglois: & pour ce que ceux de ladicte ville les auoient fort fauorisez, les François tuerent tous les gens de deffense qu'ilz y trouuerent. Puis allerent apres lesdictz Anglois à Graueleines, & y meirerent le siege, & y eut de grâdes armes: mais pource que les Anglois veirent qu'on les chassoit de pres, ilz s'en partirent secrettement par nuict, par vne porte qui n'estoit point assiegée: lequel partement les François ne voulurent croire. Il y eut aucuns François qui prindrent vn bateau, & en petit nombre des plus vaillâs, entrèrent dedans ladicte ville par eue. Ceux de ladicte ville s'assemblerent pour les rebouter, mais les François les tuerent: & apres toute l'armée des François entra dedans, & pillerent & bruslerent presque toute la ville. Apres la prinse de ladicte ville de Grauelines, ledit Conneftable, & le Duc de Bretaigne, menerent leur armée à Bourbourg, ou les Anglois s'estoient retirez, & fut la ville assiegée de toutes pars. Vn iour fut aduisé de donner l'assault, ou les François feirent de grandes vaillances, & entre autres, messire Philippe d'Artois, Comte d'Eu, print vne banniere du Roy, à fleurs de lyz, & monta iusques sus les murs vaillamment, & dura l'assault iusques à la nuict: & celle journée feit le Roy plusieurs Cheualiers, & y en eut plusieurs mortz. Lors demâderent les Anglois, qui estoient dedans, à parler au Duc de Bretaigne, qui là estoit, qui leur fut accordé: & en parlant à luy, ilz luy ramenerent à memoire les seruices qu'ilz luy auoient faitz, & que s'ilz ne luy fussent ayde, il n'eust point esté Duc de Bretaigne, & que ses predecesseurs auoient tousiours seruy la maison d'Angleterre, & que par ce il leur voulsist ayder, & trouuer moyen qu'ilz s'en retournassent hōnestement: & le Duc leur promet faire enuers le Roy le mieulx qu'il pourroit pour eux, si s'en alla deuers le Roy, & parla à luy, non pas par maniere de supplication, mais par admonestement & remonstrence, disant, que les faitz de guerre sont aduētueux & à doubter, & que les Anglois estoient puissans, & qu'à les prendre d'assault on pourroit perdre beaucoup de gens de bien, dōt apres il seroit courroucé, aussi que l'hyuer s'approchoit, & que le pais de Flandres estoit froid & aquatique: & tant fait par le moyen d'aucuns seigneurs qu'il attira le Roy à sa cordelle, tellement qu'ilz fut accordé ausdictz Anglois, qu'ilz s'en yroient leurs biens & vies saulues, & laisseroient la ville à la volūtē du Roy. Si s'en sortirent les Anglois, & vindrēt deuers le Roy, bien pōpeusement, le remercier du gracieux traité qu'il leur auoit fait: & apres s'en allerēt à Calais, & aucuns s'en allerēt dedans Grauelines: mais on leur dōna de l'argent, & ilz s'en sortirēt sans siege. Apres leur partement, le seigneur de Sempy, Capitaine pour le Roy, se meit dedans pour renforcer la ville: & par ce moyen fut clos aux Anglois le passage, de pouuoir aller en Flādres. Dudit traité furēt la plus part des gens de guerre mal contens, & mauldissoient ledit Duc de Bretaigne, qui en auoit esté cause, & disoient diuerfes parolles mal sonnantes de luy: & les François

*La ville de
Grauelines
fut prinse &
pillée par les
François.*

coys entrèrent en ladicte ville de Bourbourg, & y en eut vn qui par force entra en vne Eglise, & veit vne image d'argent de saint Iehan, sur vn autel, qu'il vouloit prendre & emporter: mais l'ymage luy tourna le dos, & deuint iceluy homme enragé & hors du sens, & à cause de ce, les gens de guerre ne firent nul mal aux Eglises, & par la ville se porterent gracieusement, & pour ce que le temps d'hyuer estoit prochain le Roy s'en retourna à Paris, & le Duc de Bretagne, qui demoura derriere, print & accorda aux Anglois vne abstinence de guerre, soubz esperance de paix, & l'apporta au Roy. Le Roy en s'en retournant ouit parler aucuns de ses Capitaines: & par leurs parolles congneut la fraude dudit Duc: mais il la dissimula pour l'heure, & quand iceluy Duc eut parlé au Roy, il s'en retourna en Bretagne, le plus-tost qu'il peut: & furent lesdictes trefues publiées en Guyenne: mais les Anglois courroient tousiours & faisoient maux innombrables, en guise de brigans: & disoient les Capitaines Anglois, que ce n'estoient point de leurs gens, & pour ce que lesdictes trefues estoient princes soubz esperance de paix, le sixiesme iour de Decembre le Roy enuoya le Duc de Berry, son oncle, à Boulongne: & là vint le Duc de Lancastre à Calais, pour le party d'Angleterre, pour cuider traiter paix: & eurent plusieurs parlemens de peu de profit, sinon vne trefue qu'ilz prindrent, qui ne durerent gueres. Tantost apres, c'est à sçauoir le trentiesme iour de Ianuier, audict an mil trois cens quatre vingtz & trois, trespassa monseigneur Loys, Comte de Flandres: & fut enterré à saint Pierre de Lille: & luy succeda monseigneur Philippe Duc de Bourgogne, son gendre, & oncle du Roy, lequel fut nommé Philippe le Hardy, qui auoit espousé madame Marguerite, fille dudit Comte de Flandres: à cause de laquelle luy vindrent les Comtez de Flandres, & lors se leuerent merueilleux ventz & tempestes, dont plusieurs gens disoient ce que bon leur sembloit: car il auoit esté mauuais François.

D'un cheualier qui deuit enragé pour auoir commis sacrilege.

L'an mil cc. iij. vingt & trois. Philippe le Hardy, Duc de Bourgogne, succeda à la Comté de Flandres.

Du voyage que le Duc de Bourbon, & autres Seigneurs de France firent en Barbarie, sur les Sarrazins.

EN ce temps partit de France, monseigneur Loys Duc de Bourbon: deliberé de faire guerre aux Sarrazins, & en sa cōpaignie le Comte de Harecourt, le seigneur de la Trimouille, & plusieurs autres, iusques au nōbre de viij. cens Cheualiers, tant de France, que d'autres nations: & descēdirent en la Barbarie & en Afrique, ou ilz feirēt plusieurs assaulx & escarmouches ausdictz Sarrazins: mais iceux Sarrazins quād ilz sçurent leur venue, ilz firent tellement serrer & amasser les viures, & retirer és villes & citez, que les Chrestiens n'en pouuoient auoir, & y eurent de grandes indigēces l'espace de six semaines, tellement qu'ilz furent contrainctz de leuer le siege qu'ilz auoient mis, & retourner en leurs pais.

Des maux que plusieurs gens du commun d'Auuergne faisoient, & de la punition que le Duc de Berry en feit.

L'An mil trois cens quatre vingtz & quatre, les trefues qui auoient esté pourparlées entre les Ducs de Berry, & de Lancastre, furent de rechef publiées par mer & par terre, & assez competamment gardées: & lors le Duc de Berry se delibera d'aller en Auignō, pour veoir & visiter le Pape, pour ce que les trefues estoient princes entre les François & Anglois, & de rechef publiées, cōme dict est. Et en y allant sçeut que plusieurs des communes, gens mecaniques & laboureurs d'Auuergne, Poitou, & Lymosin, s'estoient mis sus en armes, & auoient fait leur Capitaine vn nommé Pierre de Bruyers, & n'estoit mal au monde qu'ilz ne feissent: & entre autres choses quand ilz trouuoient aucuns, fussent Nobles ou Bourgeois des villes, ilz mettoient tout à mort. Il aduint qu'ilz trouuerent vn moult vaillant Cheualier, qui estoit d'Ecosse, auquel ilz meirēt vn bassinet sur la teste, tout ardent, & piteusement le firent mourir. Ilz prindrent vn prestre, & luy coupperent les doigtz, luy escorcherent la couronne, puis le bouterent en vn feu & l'ardirent. Ilz trouuerent vn Cheualier de Rhodes, & le pendirent à vn arbre par les aisselles: puis luy tirerent traitz d'arbalestres & dardz, & d'autres glaiues, & ainsi piteusement le feirēt mourir, & feirēt plusieurs autres grands inhumanitez. Ledit Duc de Berry assemble plusieurs gens Nobles &

L'an mil cc. quatre. & quatre.

De l'inhumanité cruelle de ceux d'Auuergne, de Lymosin & de Poitou.

LES CRONICQ. ET ANNALES DE FRANCE.

autres de guerre, & cheuaucha hastiuement vers eux bien accompagné, & arriva à vn matin au lieu ou ilz estoient, & illec les assaillit, ou ilz ne firent pas grand' resistance: parquoy legierement furent desconfitz, & grand foison y en eut de tuez sur le champ, & le residu furent tous penduz, excepté aucuns qui s'eschapperent, & retournerent en leurs maisons labourer, comme ilz auoient accoustumé, ou ilz furent delaissez, & leur fut pardonné: de laquelle execution ledict Duc de Berry eut grand' honneur, & grâdes prieres du peuple. Apres ce alla deuers le Pape en Auignon, qui le receut, & par plusieurs foys le festoya moult honnorablement, & expedia toutes les requestes qu'il luy voulut demander: & au departit luy donna moult de beaux ioyaux & de saintes reliques, & n'y eut si petit des seruiteurs dudit Duc à qui le Pape ne feist faire aucun don.

En ce temps le Roy d'Armenie, qui estoit vaillant & sage Prince, fut si trauaillé des Turcz, qu'il fut contrainct abandonner son royaume, & s'en vint à refuge en France deuers le Roy, qui le receut honnorablement, & ordonna que son estat fust entretenu à ses despens.

D'aucuns docteurs Iacobins, qui voulurent soustenir la vierge Marie auoir esté conceüe en peché originel, & pourquoy on les appella Huetz.

EN VIRON ce temps y eut aucuns Docteurs, & autres de l'ordre des freres Prescheurs, qui disoient, & prescherent publiquement, que la vierge Marie, mere de Iesus Christ auoit esté engendrée & conceüe en peché originel, & en eut vn qui deit que s'il ne le sçauoit monstrier & prouuer peremptoirement, qu'il vouloit qu'on l'appelast Huet: & en contempt de ce par derisiõ, quand on veoit aucuns desdictz Iacobins aller par la ville de Paris, & passer par les rues, les menus gens, Escoliers, & enfans crioyent apres eux: aux Huetz, aux Huetz: tellemēt que de honte qu'ilz auoiēt, ilz n'osoïēt plus aller par la ville: & pour ladicte erreur fut assemblé vn grand conseil de Clercz & notables gens à Paris: & par eux fut ladicte proposition declairée erronée en plaine assemblée & procession generale de l'Vniuersité de Paris. En celle mesme année, à la requeste de ceux de l'Vniuersité de Paris, fut ordonné que nul or n'argent ne fust transporté hors du royaume: & outre que la tierce partie du reuenu des benefices de ce royaume fust mise es reparations des Eglises & benefices, l'autre tierce partie à payer les charges: & l'autre tierce partie pour viure les gens d'Eglise, & autres qui feroient le diuin seruice: & fut faicte ladicte ordonnance par ce que le Pape & les Cardinaulx faisoient de grandes exactions sur l'Eglise de France, & prenoient & emportoient tout le reuenu des benefices.

Des freres Prescheurs, qu'on souloit appeller Huetz.

Bonne ordonnance, touchant les benefices.

De la mort du Roy de Cecille, Duc d'Aniou: & comment le Roy de Nauarre voulut faire empoisonner les Ducz de Berry, & de Bourgongne, oncles du Roy.

** Croni. de Nap. disent 4. le 21 de Septembre.*

L'AN mil trois cens quatre vingtz & cinq, * le neufiesme iour de Septembre, mourut monseigneur Loys Roy de Cecille & de Naples, Duc d'Aniou, & oncle du Roy, apres ce qu'il eut passé les montaignes du royaume de Naples, ou il eut de grandes pertes de ses gens, cheuaulx & biens, tellement que ceux qui estoient en sa compagnie moururent de faim: car Charles, Roy de Cecille, son aduersaire, auoit tout faict retraire les viures dedans les villes, si qu'ilz ne trouuoient que manger sur les champs, & auoient par neccessité vendu toutes leurs bagues & ioliuetes, & estoient en si grande pauureté, que ledict Roy Loys mesmes n'auoit qu'une cotte d'armes de toille paincte. Apres son trespas son corps fut mis en vn coffre de plõb, & luy fait on telles obseques qu'on peut: & ses gens s'en retournerēt tous à pied, mal en point, chascun vn bastõ au poing: & par ainsi la grande cheuance qu'il auoit prinse du Roy & du royaume de France, fut toute perdue. Aucun temps parauant le trespas dudit Roy Loys de Cecille, estant en Cecille, il enuoya messire Guillaume de Craon en Frâce, deuers sa femme, qui fille estoit du Comte de Bloys, pour auoir argēt: laquelle luy bailla tout ce qu'elle peut finer: mais ledict de Craon meit plus à partir qu'il ne deuoit, & alla à Venise orgueilleusement habillé, & là sçeut la mort du Roy Loys, dont il deit qu'il en estoit bien ioyeux: si s'en re-

De messire Guillaume de Craon, qui retint l'argent qu'on enuoyoit au Duc d'Aniou.

tourna

tourna en France, & vint à Paris en grands pompes. Vn iour monseigneur le Duc de Berry estoit au conseil du Roy, & quand il veid ledict de Craon, il luy deit: Ha faulx tra-hyste, mauuais & desloyal, tu es cause de la mort de mon frere: si tu eusses fait diligence de porter l'argent, que tu auois receu, les choses fussent bien autrement allées, & le voulut faire prendre prisonnier, mais il ne le fait point: car il n'apparoissoit riens de ce qu'il disoit. Ledit Loys Roy de Cecille, laissa deux filz, l'un nommé Loys, qui fut couronné Roy aucun temps apres, & l'autre Charles. En celle année fut en la ville de Cambray fait le mariage du Comte de Neuers, filz dudit Duc de Bourgongne, & de la fille du Comte de Henault, & fut le Roy aux nopces: & le lendemain à vnes ioustes, qui furent faites, le Roy voulut iouster, & de fait iousta contre vn nommé Colart d'Espinau, qui estoit grand & puissant, & fort vité à la iouste; & combien que ledict Roy ne eust iamais iousté, & qu'il fust ieune, neantmoins il se porta vaillamment & honnestement à la iouste, & rompit plusieurs lances, dont il fut fort loué, & en estoit le peuple bien ioyeux. Audiect an le Roy de Nauarre enuoya vn Anglois, nommé Iehan d'Estuy, en France, pour empoisonner les Ducz de Berry & de Bourgongne, auquel il bailla grand finance: mais iceluy Iehan d'Estuy en fut attainct, & confessa le cas: parquoy il fut escartelé. En ce temps fut le mariage du Roy & de madame Ysabeau, seule fille, & heritiere de monseigneur Guillaume, Duc de Bauiere, en la ville d'Amiens.

En celle mesme saison les Anglois feirent sçauoir qu'ilz estoient contens d'entendre à appoinctement: & vint le Duc de Lancastre, filz du feu Roy d'Angleterre, à Calais: & le Roy enuoya monseigneur le Duc de Berry, son oncle, à Boulongne: & furent leurs tentes rendues entre deux villes, à fin qu'ilz fussent plus pres pour parler ensemble: & ce pendant on faisoit la procesion par tout le royaume, pour la paix: & fait ledict Duc de Berry plusieurs grandes offres, à quoy ledict de Lancastre ne voulut obtemperer, & veoyoit on bien que lesdictz Anglois n'auoient point de vouloir de paruenir à appoinctement: parquoy ledict Duc de Berry s'en retourna à Paris deuers le Roy: & apres s'en alla es marches de Languedoc & Guyenne, dont il estoit Gouverneur.

De la guerre que feirent les Anglois: & du grand nauire qu'assembla le Roy pour leur faire guerre.

L'AN mil trois cés quatre vingtz & six, le Roy qui veoyoit bien que les Anglois ne faisoient que dissimuler, & n'auoient pas vouloir de faire ne conclusion appoinctement de paix, se delibera de descēdre en Angleterre, pour leur faire guerre, & assembla grand nombre de gens & de nauires: mais le Roy d'Armenie, qui estoit venu vers les Roys de France & d'Angleterre, leur requerant ayde contre les Sarrazins, remonstra au Roy les grandes tyrannies & persecutions que faisoient lesdictz Sarrazins à la Chrestienté, & qu'ilz ne pouuoient estre reboutez sans l'ayde desdictz deux Roys & royaumes, en les admonnestant qu'ilz feissent paix ensemble, & qu'ilz y allassent: lesquels Roys deirent qu'ilz estoient contés de faire appoinctement, & fut faite vne assemblée à Boulongne: mais les Anglois estoient si orgueilleux & si arrogans, & faisoient de si excessiues demandes qu'il apparroissoit bien qu'ilz n'auoient point de vouloir de faire appoinctement: & par tant se departirent sans riens faire, & se meirent les Anglois sur mer, & feirent grāde guerre aux François, pour celle année, & prindrent Cherebourg, & Brest en Bretagne: & fut dict que le Duc Iehan de Bretagne fauorisoit ausdictz Anglois: & furent trouuées vnes lettres, qui de ce faisoient mention: mais ledict Duc s'en enuoya excuser deuers le Roy, disant que lesdictz Anglois les auoient contrefaites pour luy donner charge enuers luy. Si fut mis par lesdictz François & Bretons le siege deuant Brest, par mer & par terre, & y fut longuement: mais ilz ne peurent auoir la place. En l'année ensuyuant, mil trois cens quatre vingtz & sept, le Roy fait faire vn moult grand amas de nauites, mettre sus plusieurs gens d'armes pour aller descēdre en Angleterre, & y auoit neuf cens nauires: & se meit à chemin vers Picardie, & print la ville du Dan d'assault, & le Duc de Berry, son oncle, qui deuoit auoir la principale charge & conduite de l'armée demoura derriere à Paris, ou il se tint si longuement sans venir, que la saison de guerroyer se passa pour celle année, durant sa dissimulation, & ne feir l'on rien pour celle année, dont on luy donnoit grand charge: car pour mettre sus ladicte armée auoit on

LES CRONIQ. ET ANNALES DE FRANCE.

faict de grands empruntz, & leué de grâdes subſides, tant ſur gens d'Egliſe que ſur gens laiz : & furent les nauires & viures prins & gaignez par les Angloys, qui eſtoïent ſur mer.

De la mort du Roy de Nauarre.

DE N celle année mourut le Roy de Nauarre, qui filz auoit eſté de madame Iehan de France, fille du Roy Loys Hutin : lequel Roy de Nauarre auoit eſté cauſe de faire pluſieurs inhumanitez en France, & deſmolir, brul-
ler & ardoir pluſieurs villes, chasteaux, & places és marches de Norman-
die & ailleurs : & aduint comme par punition diuine, qu'une maladie le
print, & diſoient les medecins qu'il auoit les membres refroidis, & ordonnerent qu'il
fuſt bien enuelopé & couſu eſtroictement en vn drap mouillé en ſeauë de vic, qu'on ap-
pelle autremēt eauë ardant, pour luy reſchauffer les nerfz. Celuy, qui le couſoit, auoit v-
ne chandelle de bougie : & pour vouloir rompre le fil dont il auoit couſu, il vouloir brul-
ler le bout du fil de ladiſte chandelle, & ſubitement tout le drap qui eſtoit mouillé de
ladiſte eauë ardant s'enflamba, & n'y peut on mettre remede : & veſcut trois iours en
criant en ce martyre. Audiſt an mil trois cens quatre vingtz & ſept, les Nobles & gens
de guerre, qui eſtoïent en Normandie, aſſemblerent grand nauire, & ſe meirent ſus mer
pour greuer les Anglois. Les Anglois feirent ſemblablement leur appareil, & vindrent
au deuant pour y reſiſter, & eſtoit leur chef Hue le Deſpenſier, & ſe rencontrerent les
deux armées, & y eut cruelle bataille, & furent preſque tous les Anglois tuez ou iettez
en mer, & leurs nauires, ou il y auoit de grandes richèſſes prins & butinez. Lediſt Hue
le Deſpenſier fut prins priſonnier, & par le moyen d'aucuns tantost apres il fut deliuré
à petite rançon. En celle meſme année mourut Pierre, Cardinal de Luxembourg, hom-
me de ſaincte vie, & fut enterré aux Celeſtins d'Auignon, & y eut aucugles, boyteux,
& pluſieurs autres malades de diuerſes maladies, gueris.

*De l'horrible
mort du Roy
de Nauarre,
qui tant de
maux auoit
faict en Fra-
nce.*

*De S. Pierre
de Luxembourg.*

Comment le Duc de Bretagne feit prendre priſonnier par trahyſon le Conneſtable Clifſon, qui alloit faire guerre en Angleterre, dont il fut adiourné à comparoir en perſonne deuant le Roy à Paris.

*L'an mil trois
cens iij. xx.
& huiſt.*

L'AN mil trois cens quatre vingtz, & huiſt, le Conneſtable Clifſon &
meſſire Iehan de Vienne, Admiral, ſçachās qu'en Angleterre auoit
de grandes diuiſions, delibererent d'y aller, & feirent de grandes ap-
preſtes. Lediſt Admiral paſſa par Normâdie, & lediſt Conneſtable
alla par Bretagne, pour veoir ſes parens, & pour auoir des Nauires
& finances. Le Duc de Bretagne eſtoit à Vennes, qui manda le
Conneſtable, ſoubz vmbre de le vouloir feſtoyer, lequel alla deuers
luy : & apres qu'il luy euſt faiſt par ſemblant bonne chere, à liſſue du diſner, pour aucu-
nes haynes ſecrettes qu'il auoit contre luy, le feit prendre & mettre en priſon eſtroite
& mauuaïſe, ou il fut rudement traité, & tellement que lediſt Conneſtable attendoit à
y mourir : & finalement il fut contrainct à baïller audiſt Duc de ſes places, & apres il
fut deſhuré, & s'en retira deuers le Roy, qui eſtoit à Paris, ou il fut conclud & deliberé du
Conſeil dudiſt Roy, que le Duc de Bretagne ſeroit adiourné à comparoir en perſonne
deuant lediſt Roy, pour ſoy venir purger, ce qui fut executé, & audiſt iour ſe trouua de-
uant le Roy bien accompagné : & apres les doleances prinſes pour le Roy, par le Chan-
celier de France, & ouyes les excuſations dudiſt Duc qu'il feit propoſer, en diſant qu'il
auoit faiſt prendre le Conneſtable comme ſon vaffal, & non pas comme Conneſtable,
n'officier du Roy : finalement apres pluſieurs pourſuytes & choſes alleguées par lediſt
Conneſtable, lediſt Duc fut condamné à rendre audiſt Conneſtable toutes ſes places, &
cent mil francz pour les intereſtz : & le Roy à la requeſte de ſes oncles les Ducz de Ber-
ry & de Bourgongne, remeit, & pardonna par lettres de remiſſion audiſt Duc de Bre-
tagne, le cas, & luy quitta ſon amende.

En celle année les Princes & Nobles d'Angleterre s'eſleuerent contre leur Roy Ri-
chard, par ce qu'ilz diſoient qu'il ſe gouuernoit par petite gens de baſſe condition, &
eurent la bataille deuant Londres, & fut l'armée du Roy Richard deſconfite : luy & le
Duc d'Ibernie, & aucuns de ſon conſeil, ſe retrahyrent en aucuns prochains chasteaux.
pluſieurs autres Seigneurs, qui eſtoient de la bande furent prins & decapitez, & les
autres

autres par le conseil dudit Richard, vindrent en Frâce deuers le Roy, qui les receut benignement, & leur ordonna leur estat estre entretenu. Quand le Roy Richard le sceut, il en fut bien ioyeux, & trouua façon d'auoir trefues avec le Roy, & pacifia les Nobles.

En celle mesme année vn Capitaine nommé Teste-noire, qui tenoit le party des Anglois print par nuict d'emblée la ville de Montferrant, & la pilla, & print les habitans prisonniers. Quand le Marechal de Sancerre le sceut, il voulut aller assieger Teste-noire dedans ladicte ville: mais il en fut aduerty, & s'en partit hastiuement, & en emmena de grandes richesses, & plusieurs prisonniers. En ce temps vint deuers le Roy vn Her-
D'un Her-
mite qui con-
silla au Roy,
qu'il meist
us, & abba-
tist les aydes
en son royaume.
 mite, qui bien sembloit homme de sainte vie, & en son bras dextre portoit vne Croix rouge, & faisoit plusieurs abstinences, & feit tant qu'il parla au Roy, combien que par long temps on l'en auoit gardé: & luy deit & admonnesta qu'il feist cheoir & abbatre les aydes, autrement que Dieu le puniroit & n'auroit ia lignée qui vescuist, dont le Roy eut grandes imaginations, & voulut faire abbatre lesdictes aydes: mais les Ducz de Berry & de Bourgongne, ses oncles, l'en garderent & desmeurēt, en disant que ledict Her-
me.
 mite n'estoit qu'un fol.

Comment le Duc de Gueldres enuoya deffier le Roy, dont apres il se repentir.

EN ce temps le Duc de Gueldres, qui auoit espousé la fille du Comte de Iuiliers, enuoya deffier le Roy de France par ses lettres. Le Roy receut honorablement le messager, & luy feit de beaux dōs, puis l'en uoya: & fut le Roy conseillé pour son hōneur qu'il deuoit faire guerre audict Duc de Gueldres. Si assembla son armée, & tira vers Ardenne. Quand il fut à Verdun, il enuoya deuers le Comte de Iuiliers, beaupere dudit Duc, pour sçauoir s'il aduouoit & vouloit soustenir ledict Duc de Gueldres, son gendre, lequel deit que non, & qu'il vouloit estre amy & seruiteur du Roy: & la vint deuers le Roy l'Archeuesque de Coulongne, & amena ledict Comte de Iuiliers, qui parla au Roy treshumblement, & luy promet foy & loyauté, & qu'à son pouuoir il feroit humilier son gendre: & alla deuers luy & luy remonstra sa folie d'auoir si de legier deffié le Roy, qui estoit puissant pour le destruire & chasser de sa terre, dont de prime face le Duc ne tint contre: mais à la parfin ledict Archeuesque de Coulongne, & luy, le reconcilierent avec le Roy, & l'amenerent deuers luy, en sa personne.

Comment en vn Conseil, tenu à Reims, le Roy fut mis hors du gouuernement de ses oncles, & fut dict qu'il estoit en aage pour iouyr de ses droictz.

Antost apres le Roy s'en retourna par Champaigne, & arriua à Reims: & illec fut tenu vn grād conseil, auquel estoient ses oncles, les Ducz de Berry & de Bourgongne, le Cardinal de Laon, l'Archeuesque de Reims, & plusieurs grands seigneurs, & gens de Conseil en grand nombre. Illec fut mis le Roy hors de tutelle, & du gouuernement de sesdictz oncles: & fut dict qu'attendu son aage & le sens, discretion & beauté qui estoient en sa personne, il estoit deslors en auant capable à gouverner son royaume luy mesmes: laquelle deliberation fut à la grande desplaisance de sesdictz oncles. Le Cardinal de Laon, qui fut pressé de parler & deliberer le premier en ladicte assemblée, mourut tantost apres, & fut ouuert, & disoit on qu'il auoit esté empoisonné. Tantost apres lesdictz Ducz s'en allerent: c'est à sçauoir, ledict Duc de Berry, en Languedoc, dont il estoit gouverneur, & le Duc de Bourgongne, en ses païs. Le Roy tint aupres de luy trois cheualiers, pour le conseiller en ses affaires: cest à sçauoir le seigneur de Noniant, lequel il feit son grād maistre d'hôtel, le seigneur de la Riuiere, & messire Jehan le Mercier, qui estoit Gentilhomme, mais de petit lieu: & bailla audict Mercier, & au filz d'un sien secretaire, surnommé Montagu tout le gouuernement de ses finances, dont le Duc de Bourgongne fut fort desplaisant. Ledit seigneur de Noniant en peu de temps mesnagea si bien qu'il feit vn grand thesor au Roy, pour subuenir à ses affaires, quand le cas y escherroit: & pource qu'il veoit le Roy fort liberal & enclin à donner, luy & autres du conseil delibererēt qu'on ne garderoit point d'or monoyé, & aduiserent de le mettre en gros lingotz: & apres ledict seigneur de Noniant deit qu'il feroit faire vn grand cerf tout d'or massif: & pour le patron
Le seigneur
de Noniant,
bon meynager
pour le Roy.
 fait faire celuy qui est en la salle du Palais, esleué entre deux pilliers, & deslors fut com-
Du cerf du
Palais, &
pourquoy il
fut fait.
 mencé, & en fut faicte la teste & le col, & non plus.

Second volume.

II ij

LES CRONIQ. ET ANNALES DE FRANCE

Comment la Preuosté des Marchans & Escheuins fut restituée à ceux de la ville de Paris.

Vdict an le Preuost de Paris, nommé messire Jehan de Folleuile, lequel auoit esté des Conseillers du Roy en Parlement, & estoit bon Clerc & fort saige, vint deuers le Roy, & luy remonstra en son conseil comment il estoit impossible de pouuoit gouverner seul toute la iustice de Paris: parquoy fut conclud audiect conseil que on feroit eslire par la court de Parlement, & par Chastelet vn preud'homme pour estre Preuost des Marchans de ladicte ville de Paris, & qui auroit seulement congnoissance du faict des Marchandises de l'eauë, & non point de la iustice: car desia y auoit de grandes surprinses sur les riuieres, de marchandises: & fut esleu maistre Jehan luuenel des Vrsins, grand homme de bien, lequel alla demourer en l'hostel commun de ladicte ville de Paris: & puis feit tant iceluy Preuost que les Escheuins d'icelle ville furent remis, lesquels auoient esté abolis à la commotion de Paris, qu'on appelloit les Maillertz.

De l'entrée de la Royne à Paris.

L'an mil trois cens iij. xx. & neuf.

L'an mil trois cens quatre vingtz & neuf, le Roy qui auoit espousé, aucun temps parauant, en la ville d'Amiens, madame Ysabeau, fille du Duc de Bauieres, voulut qu'elle feist son entrée en la ville de Paris. Si furent les choses apprestées, & fut ladicte Royne mise en vne littiere couuerte & toute batuë de drap d'or, par ce qu'elle estoit ia grosse d'enfant: & apres elle estoient plusieurs Dames & Damoyelles, les vnes sur hacquenées blanches, & les autres sur chariotz tous dorez: & fut receuë à grand ioye & triumphe. Le Roy estoit à saint Denis le iour de ladicte entrée, & sceut qu'ô faisoit merueilleux appareil pour ladicte Royne: ce qu'il eut grand desir de veoir: & lors secrettement feit monter vn nommé Sauoisfy sur vn cheual & se deguisa, & semblablement ledict Sauoisfy, & monta le Roy derriere luy, voulüst ou non ledict Sauoisfy, qui de ce fort s'excusoit: & vindrent veoir les appareilz par carrefours de ladicte ville, & par lesdictz carrefours auoit grand nombre de Sergens qui baillerent au Roy & audiect Sauoisfy, ainsi desguisez, plusieurs coups de Boulaye, dont le Roy fut depuis bien farcé. En celle année le Duc de Berry fut remarié avec la fille du Comte de Boulongne, de laquelle il ne peut auoir nulz enfans.

Le Roy qui se desguisa pour veoir l'entrée de la Royne sa femme à Paris.

Comment le Roy alla visiter le Pape en Auignon.

Vdict an furent faictes plusieurs allées & venuës & Ambassades entre les Roys de France & d'Angleterre, pour le faict de la paix: mais riens ne peurent faire, & furent seulement prinsez vnes trefues pour trois ans. Et pource que le Pape auoit plusieurs fois rescrit au Roy qu'il auoit grand desir de le veoir & parler à luy, le Roy alla en Auignon, ou il fut grandement & honnorablement receu par le Pape & les Cardinaulx, & fut au Conclauë du Pape assis pres de luy, non point si hault d'un peu que le Pape. Deuers le Roy vint en la ville d'Auignon, la Royne de Cecille, veufue du feu Roy de Cecille, Loys Duc d'Aniou, qui fille estoit d'un Comte de Bloys, & ses deux enfans Loys & Charles, qui estoient cousins germains du Roy. Le Pape à sa requeste courónna Loys, aîné desdictz filz, en Roy de Cecille & de Naples. Apres le couronnement dudit Roy de Cecille, le Roy print congé du Pape, qui luy feit de beaux dons, & pareillement à ses gés: & print le Roy son chemin à Môtpellier, à Narbonne, & à Thoulouze, qui est la principale ville de Lâguedoc, & illec luy furent faictes de grandes plainctes par les habitâs du país de Languedoc, du Duc de Berry son oncle, leur gouuerneur, qui leur faisoit (côme ilz disoient de grâdes exactions & iniustices. Le Roy excusa le plus honnestement qu'il peut sondiect oncle, & leur donna des provisions, telles quilz furent pour lors contens. Au partir de Thoulouze le Roy alla veoir le Côte de Foix, qui estoit fort vieil, & fort riche seigneur, lequel feit de moult beaux & honnestes presens au Roy: & apres plusieurs grands festoyement, luy feit hommage de la Comté de Foix, & de tout ce qu'il tenoit en France: & deit au Roy qu'apres sa mort il vouloit qu'il fust son heritier: & ce feit il pour les raisons qui s'ensuyuent. Aucun temps parauant

Le Roy allant en Auignon fut assis au pres du Pape.

Le Comte de Foix feit le Roy son heritier.

parauât lediſt Comte, auoit vn filz, duquel pource qu'il le voyoit de malle inclination, il entretenoit leſtat moyennement: toutesfois honneſtement, mais non pas ſi grandement que lediſt filz euſt bien voulu: & à ceſte cauſe ſ'en alla lediſt filz deuers le Roy de Nauarre, duquel il eſtoit nepueu de par ſa mere, ſoy plaindre de ſon pere, diſât qu'il ne tenoit conte de luy: & fut par aucun temps avec lediſt Roy de Nauarre, ſon oncle: le-quel luy conſeilla qu'il empoisonnaſt ſon pere, & par ainſi il ſeroit ſeigneur & maistre, & qu'il luy bailleroit de ſi fortes poiſons qu'il ne la feroit pas longue: & de faiſt les luy bailla. Apres ce lediſt filz ſ'en retourna deuers ſon pere, & faignoit le bien aymer, ſer-uir & honorer: & ſoubz ceſte couleur alloit plus ſouuent à la cuyſine de ſon diſt pere, qu'il n'auoit accouſtumé, pour trouuer faſç de luy bailler leſdiſtes poiſons: mais il ad-uint vn iour entre les autres: ainſi que Dieu le permet, que la boette ou eſtoient leſdi-ſtes poiſons luy tomba de ſa manche, & fut leuée par vn des Gentilz-hommes de leās, & monſtrée aux Medecins, pour ſçauoir que ſ'eſtoit: leſquelz congneurēt bien que ſ'e-ſtoient poiſons: & par ce fut monſtrée audiſt Comte, & pour ce eſprouuer ce iour y a-uoit vn homme que la iuſtice enuoyoit mourir, auquel on bailla à manger deſdiſtes poiſons, avec d'autre viande, & incontinent il mourut: parquoy lediſt Comte feit pren-
*Le filz du cō-
te de Poix, eut
la teſte coup-
pée.*

*Comment le Roy oſta au Duc de Berry, ſon oncle, le gouuernement de Languedoc,
& du Sciſme qui fut en l'Egliſe, par le treſpas du Pape Urbain.*

L'An mil trois cens quatre vingtz & dix, apres le retour de Languedoc, le Roy ſ'en vint à Paris: & en ſ'en venant feit ſçauoir à ſon oncle le Duc de Berry, qui eſtoit à Poitiers, les grandes plainſtes qu'il auoit eues de luy, es païs de Languedoc: le quel Duc n'en tint pas grand' conte. Quoy qu'il ſoit il feit comme deuât, ainſi qu'on rapporta au Roy: & par les informa-
*L'an mil cc.
quatre vingtz
& dix.*

tions, luy eſtant à Paris, veuës par le Roy & ſon conſeil, il deſappointa ſon diſt oncle le Duc de Berry, dudiſt gouuernement, & y enuoya pour eſtre gouuerneur, vn ſimple Cheualier, nommé meſſire Iaques de la Capreuſe, homme ſage & prudent: le quel in-continently alla, & en peu de temps ſi porta tellement, que le peuple en eſtoit fort content: mais ſi toſt qu'il vint à la congnoiſſance dudiſt Duc de Berry, que le Roy ſa-uoit deſapointé, il le porta treſimpatiemment, & fut moult mal content de ceux qui eſtoient autour du Roy, & principalement du Conneſtable Clifton: & manda audiſt de la Capreuſe, qui eſtoit enuoyé en Languedoc, ſur la vie que dudiſt gouuernement il ne ſ'entremeiſt plus: le quel Cheualier, voyant qu'il n'eſtoit point pour reſiſter contre la puissance dudiſt Duc, ſ'en retourna deuers le Roy. En ce temps mourut le Pape Urbain à Romme: mais pourtant ne ceſſa point le Sciſme en l'Egliſe: car les Rômaines eleurent Pierre de Thomaffelis, Cardināl, & fut appelé Boniface: & fut par lediſt Ur-
*Fefte de la vi-
ſitation no-
ſtre Dame,
& de ſainte
Elizabeth.*

bain inſtituée la feſte de la viſitation noſtre Dame, & de ſainte Elizabeth, & donna de grands pardons & indulgences, à ceux qui lediſt iour, & durant les oſtaues, iroient au ſeruice, à l'exemple de la feſte du corps de Dieu.

*De l'armée que le Roy enuoya contre les Sarrazins, dont eſtoit cheſ le
Duc de Bourbon.*

AVDICT an les Ambaſſadeurs de Genes vindrent deuers le Roy, luy requerrir ayde contre les Sarrazins, qui eſtoient venus courir iuſques à Genes, & y enuoya le Roy vne moult belle armée, dont eſtoit cheſ le Duc de Bourbon, le Comte d'Eu, & meſſire Iehan de Vienne, de Harrecourt, & pluſieurs autres Cheualiers, Seigneurs, & Eſcuyers: & eſtoient bien en nôbre xv. cēs lances, que Cheualiers, qu'Eſcuyers, ſans les archiers, arbaleſtriers & gēs de pied. Ladiſte armée fut publiée & ſçeuë en Angleterre: parquoy le Comte de Sallebery, Anglois, ſ'en partit, & ſ'en vint à Paris, avec vne belle cōpaignie, & alla avec lediſt Duc de Bourbon, cōtre les Sarrazins: & tant cheuaucherēt qu'ilz vindrent à Ge-
Second volume.

LES CRONIQ. ET ANNALES DE FRANCE.


*Sarrasins
deffaitz à
Thunes par
les François.*

mainz, vaillant homme, qui auoit esté en bataille plusieurs fois, contre lesdictz Sarrazins, & scauoit leur mode & façon de faire: & eurent plusieurs empeschemens de vents sur mer, & de tempestes: mais ilz se meirent tous en oraisons, & cessa le temps: & tant allerent qu'ilz arriuerent au port de Thunes, ou estoit grand nombre de Sarrazins, qu'ilz combattirent & desconfirent. Apres, les François oüroyerent aux Sarrazins vnes trefues: ce faict s'en retournerent en France, dont ilz eurent grand honneur, & rapporterent de grandes richesses.

En ce temps le Duc de Milan, faisoit guerre aux Florétins, & ceux de Boulongne: & pour ce qu'ilz se sentoient les plus foibles, ilz enuoyerent deuers le Roy, vne solennelle Ambassade, luy supplier qu'il les voulüst prendre à sa seigneurie, & qu'ilz se donnoient à luy. Le Roy assemblea sur ce son conseil, & trouua qu'il auoit grandes alliances iurées audict Duc de Milan, & que ce ne seroit pas grand honneur de les prédre en sa seigneurie: si leur fut faicte la responce: mais que si ledict Duc leur faisoit aucuns griefz, il leur ayderoit. Quand lesdictz Florentins & Boullenois sceurent la responce du Roy, ilz prierent le Comte d'Armignac, qu'il les voulüst ayder: lequel apres plusieurs difficultez leur promeit de ce faire, & assemblea plusieurs gens, qu'on disoit des compagnies, lesquels n'auoient nulz gaiges: & gastoient & pilloient tout en France, & les teit passer, & passa les mons iusques à vne cité, nommée Alexandrie, qui est en la plaine de Lombardie, sur la riuere du Pau, & se meirent deuant. Le Duc de Milan, qui en fut aduertý, & y enuoya plusieurs gens d'armes, & eurent bataille, ou ledict Comte d'Armignac fût tué, & tous ses gens desconfitz.

De l'appanage de monseigneur Loys, Duc d'Orleans, frere du Roy.

*L'an mil ccc.
viij. xx. & xi.*



*Mort casuel-
le d'un Roy
d'Espaigne.*

L'An mil trois cens quatre vingtz & vnze, mourut Philippe, Duc de Orleans, & par son trespas ladicte Duché reuint à la couronne de France: parquoy le Roy, desirât appanager monseigneur Loys, son frere, qui estoit encores ieune, luy dóna ladicte Duché d'Orleans. Ce que ceux d'Orleans cuyderent empeschier: & disoient qu'ilz auoient priuilege que le Roy ne mettroit iamais ladicte Duché hors de la couronne de France, s'il y retournoit. Iceluy Loys, Duc de Orleans, combien qu'il feust ieune d'age, toutesfois estoit sage, prudent, & bon mesnager, & bien y apparut: car quand il mourut il n'auoit pas quarante ans, & si auoit acquis de ses propres deniers les Comtez de Bloys, & Soissons, & de Beaumont, la seigneurie de Coucy, & plusieurs autres, & par tout faict & encommencé de grands & sumptueux ædifices, & auoit de moult beaulx meubles, tant en bagues, & ioyaux, qu'en vaisselle, librairie, & tapisserie. En ce temps mourut le Comte de Foix, aagé de quatre vingtz ans, d'une apoplexie. Il auoit (comme dessus est dict) donné sa Comté au Roy: mais le Roy, qui estoit fort liberal, la donna à vn bastard que ledict Comte auoit bel & vaillant homme, & fort aymé de ceux du païs, & sen receurent en foy & hommage: & pareillement luy donna le thresor de sondict pere le Comte de Foix, qui estoit grand: mais depuis le Roy voulut que le Comte de Candalle iouist dudit Comté de Foix, & le luy bailla. En celle saison le Roy Jehan d'Espaigne, en allant à la chasse, courut apres vn lieure, son cheual tomba, & il se rompit le col. Apres son trespas, son filz enuoya deuers le Roy, pour confermer les alliance que sondict feu pere auoit faictes: ce que le Roy feit voluntiers.

Des doleances que le Connestable de France, Clisson, feit au Roy, du Duc de Bretaigne.



Messire Oliuier de Clisson, Connestable de France, se plaignit au Roy de ce que le Duc de Bretaigne ne luy auoit poit rédu ses places, ne fourny à l'apoinctement que le Roy auoit faict entr'eux, come dessus a esté dict. Si enuoya le Roy deuers le Duc, luy dire qu'il accóplist ce qu'il auoit promis: mais il n'etint cote: & par ce ledict Clisson assébla gens d'armes, & feit forte guerre en Bretaigne: parquoy le Roy enuoya le Duc de Berry, son oncle, en Bretaigne deuers le Duc, qui le festoya gracieusement & grandement: & auoit avec luy, de par le Roy, de grands

grands & notables gens, ses conseillers : par leſquelz fut expoſé audiſt Duc de Bre-
tagne pluſieurs choſes . Premierement que le Roy ſe plaignoit de ce qu'il faiſoit forger
monnoye d'or & d'argent, & il ne luy appartenoit point, & ne la deuoit faire que noi-
re. Secondement de ce qu'il n'auoit point fourny à l'appoinctement donné audiſt Sei-
gneur de Clifſon, & autres choſes, il ſembla bien aux Barons de Bretagne que les re-
monſtrances du Roy eſtoient raiſonnables: mais le Duc n'y voulut entendre, & en ſ'en
allant du Conſeil deit qu'il feroit emprifonner tous les Ambaſſadeurs : mais meſſire
Pierre de Nauarre, frere de la Duchefſe, l'en feit deſmouuoir par ladiſte Duchefſe &
ſes enfans, diſant, que ſ'il le faiſoit, ilz ſeroient tous perduz. A la parſin le Duc ſeit re-
ſponſe audiſtz Ambaſſadeurs, que luy meſmes viendroit deuers le Roy, & feroit tant
qu'il ſeroit content, ſi ſ'en retournerent : & tantost apres y vint grandement accompa-
gné, & ſ'excusa principalement du faiſt dudiſt Conneſtable, diſant qu'il luy faiſoit grãd
mal que ſon vaſſal ſe portoit ſi orgueilleuſement contre luy, & luy auoit faiſt ſi forte
guerre : parquoy on ne ſe deuoit pas eſbahyr ſ'il ne luy auoit rendu ſes places. Finable-
ment fut appoincté que lediſt Ducourniroit au premier appoinctement, ce qu'il pro-
meit, & ſ'en retourna . En celle année le Roy eut vn filz, qui fut nommé Charles, &
le baptiza l'Archeueſque de Sens, accompagné de dix Eueſques, & en fut faiſte grãde
ioye par tout le royaume . En celle meſme année le Roy d'Angleterre enuoya le Duc
de Lancaſtre deuers le Roy, qui eſtoit vers Amiens : lequel receut lediſt Duc honno-
rablement, & l'amena à Paris, & là ſeit & deit ſa legation. Le Roy d'Angleterre deman-
doit, pour ce qu'il reſtoit de la rãçon du Roy Iehan, vn millió d'or, & la Duché de Guye-
ne, & Comté de Poitou, comprenant iuſques aux portes d'Orleans : auquel fut respon-
du qu'ilz rendiſſent lediſt Roy Iehan, & les oſtages qui eſtoient mors en Angleterre, par
leur faulte : & auſſi apres le traicté ilz n'auoient pas faiſt vider leurs genſ d'armes des
fortereſſes de France (comme ilz auoient promis) dont ſ'eſtoient enſuyuis mauſx in-
numerables : pour leſquelz il demandoit audiſt Roy d'Angleterre trois millions d'or :
& quand ilz auroient faiſt ce que diſt eſt, on luy feroit reſponſe à ſes demãdes qu'il fai-
ſoit : leſquelles choſes ouyes, lediſt Duc print congé, & ſ'en retourna en Angleterre.

*Le Duc de
Bretaigne n'a
puiffance de
forger mon-
noye d'or ne
d'argent.*

*Comment le Seigneur de Craon cuyda tuer, à Paris, le Seigneur de
Clifſon, Conneſtable de France.*



Vdiſt an mil trois cens quatre vingtz & douze, pource qu'on diſoit aucu-
nement que le Duc d'Orleans, frere du Roy, qui eſtoit ieune d'aage: mais
aſſez de bon ſens, beau & gracieux Prince, par le moyé d'aucus qui eſtoient
pres de luy, entendoit volontiers parler gens ſuperſtitieux, & ſoupeçõnez
d'exercer ſortileges, meſſire Pierre de Craon, qui ſe tenoit bien ſon ſer-
teur, par le meilleur moyen qu'il peut ſ'en aduertit : dont lediſt Duc ne fut pas content,
& penſa que lediſt Craon le reputoit ſortilege, & ſecretement pourchaffa tant qu'il fut
mis hors de court. Iceluy de Craon cuyda qu'il euſt eſté chaffé par le moyé & à la pour-
ſuyte & conſeil du Conneſtable de Clifſon : & pour ſ'en vouloir venger, vn iour deuers
le ſoir il ſ'embuſcha en vn lieu ſecret, luy vingtieſme de gens bien armez à couuert, en
vne maiſon pres le cymetiere ſainct Iehan, à Paris, & guetterent lediſt Conneſtable,
qui ſ'en venoit deuers le Roy, qui eſtoit en ſon hoſtel de ſainct Paul : & quãd ilz l'apper-
çurent venir, ilz ſortirent de ladiſte maiſon, & paſſaillirent, & l'abbatirent de deſſus
ſon cheual: mais promptement ſe releua, & ſe deffendit vaillamment : car il eſtoit armé
d'un haultbergon ſoubz ſa robbe. Ce nonobſtant ilz luy feirent pluſieurs playes, & ſe
retrahit en vne maiſon, ou le peuple ſ'aſſembla incontinent au bruyt, & le ſauuerent
de mort: & lors lediſt Seigneur de Craon & ſes complices ſ'enfuyrent bien haſtiuemẽt,
pour la doubte dudiſt peuple : toutesfois ilz ne ſçurent ſi bien fuyr qu'on n'en print
trois, & les mena lon en Chaſtelet, & lediſt de Craon & ſa compaignie ſ'enfuyrent en
Bretaigne . Le lendemain les trois, qui auoient eſté prins furent examinez, & confeſſe-
rent le cas, & incontinẽt furent decapitez. Lediſt Seigneur de Craon fut appelé à ban,
& par coutumace declairé banny du royaume de France, & ſes biens conſiſquez. L'Ad-
miral de France, pour executer ladiſte ſentence, ſ'en alla en vn Chaſteau ou l'on cuy-
doit que lediſt de Craon ſe fuſt retiré : mais il n'y trouua que ſa femme, & ſes enfans, &
ſ'eſtoit party . Lediſt Admiral print le Chaſteau & entra dedans, & trouua bien des

*L'an mil trois
cens iij. xx.
& douze.*

*Du ſeigneur
de Craon qui
fut banny du
royaume de
France.*

LES CRONIQ. ET ANNALES DE FRANCE.

meubles qui se montoient à quarante mil escus:lesquelz ilz print tous,& ne laissa rien à sa femme, sinon trois pauures habillemens, & la meir hors du Chasteau, & s'en alla ou bon luy sembla. En celuy temps le Roy bailla à monseigneur Loys, Duc d'Orleans, son frere, en augmentation de son appanage, les Chasteaux de Pierre fons, & de la Ferré Bernard. Tantost apres delibera d'aller en Bretagne,pource qu'il sceut que ledict Duc auoit recueilly le Seigneur de Craon, & l'entretenoit contre son vouloir & plaisir, & fut aussi aduertty qu'il estoit consentant de la barure & oultrage qui auoit esté faicte au Connestable Clisson:parquoy il fut conclud, & son conseil tenu à saint Germain en Laye,qu'il yroit en personne, attendu aussi qu'il n'auoit pas obtemperé à la sentence, donnée à Orleans,comme dessus est dict: & pour ceste cause manda les Ducz de Berry & de Bourgongne,ses oncles:lesquelz furent tresmal-contens de l'entreprinse qui auoit esté faicte sans eux: & disoient que c'estoit du conseil de Clisson, des Seigneurs de la Riuere, & de Noniant, qui ne regardoient point aux inconueniens qui en pourroient aduenir, de faire si grâde entreprinse, dont se pouuoit ensuyuir de grâds inconueniens. Et à la verité plusieurs du royaume, tant gens d'Eglise que autres, estoient mal contents de ce que lesdictz Clisson,la Riuere, & Noniant auoient si grand gouuernement: car ilz tenoient le Roy de si pres,que nul Office n'estoit donné,n'autre chose faicte que par eux: & leur sembloit qu'ilz estoient perpetuelz en leursdictes Offices & gouuernement: & entre autres, ceux de l'Vniuersité de Paris estoient tresmal-contens d'eux, par ce qu'ilz faisoient & faisoient faire aux gens d'Eglise plusieurs maulx, contre les priuileges de ladiete Vniuersité: & à fin qu'on n'eust accez à la personne du Roy,ilz le tenoient, & faisoient tenir à saint Germain en Laye. Ceux de ladiete Vniuersité enuoyerent deuers le Roy audiect lieu, pour luy faire aucunes remonstrances: mais il ne fut possible que leurs deleguez peussent auoir audience, & s'en retournerent sans riens faire,dont les suppostz de ladiete Vniuersité furent tresmal-contens.

Trois person-
nages princi-
palement gou-
uernoient le
Roy, en sorte
que riens ne se
faisoit sans
eux.

Comment le Roy deuint malade en la ville du Mans.

L'an mil trois
cents iij. xx.
c. xij.



ANDICT an mil ccc.iiij.xx.& xij.le Roy,pour executer ce qu'il auoit entre-
pris d'aller en Bretagne,se partit des marches deParis,& tant cheuaucha
qu'il arriua au Mans, vers la fin de Iuillet, attendant ses oncles de Berry &
de Bourgongne,qu'il auoit mandez,pour aller avec luy: car ledict Duc de
Berry estoit lors fort occupé à la cōqueste de la marche de Guyéne,& en a-
uoit cōquesté la grand' partie. Ce pendât le Roy enuoya à Sablé vn Herault,pour som-
mer ceux qui le tenoient de luy rendre la place (& disoit on que le Seigneur de Craon
estoit dedans)lesquelz feirent les sourdz,& n'y obeïrent pas. Quand le Duc de Bretai-
gne sceut que le Roy s'en alloit en Bretagne,à si grand' puissance, il enuoya deuers luy
vne Ambassade,pour rompre le voyage,en luy faisant de grâds offres:& disoit qu'il n'e-
stoit ia besoing qu'il allast en armes,& que par toute la Duché il luy feroit obeïr, & que
tout estoit sien,& à son commandement,& estoit prest de luy faire tout seruice,comme
son vray & loyal vassal & subiect. Quand le Roy sceut le refus qu'auoiēt fait ceux de Sa-
blé,il fut courroucé & desplaisant: & deslors on congneut qu'il auoit aucune alteration
en diuersitez de langages,non bien entretenans:& deit qu'il vouloit aller au champs en
armes: & à l'heure cōmanda qu'on l'armast, & qu'on luy amenast son cheual:& de faict
on luy amena,& monta dessus, & tous ses gens apres faillirent de la ville du Mans,& se
meirent aux champs en armes. Tout aussi tost qu'il fut aux champs,hors de ladiete ville
du Mans,s'adressa deuers luy vn pauure meschant hōme de village, mal habillé,& vile
personne,lequel luy deit telles parolles:Roy ou vas tu? ne passe plus oultre,car tu es tra-
hy,& te doit on icy liurer à tes ennemis:& de ce le Roy entra subitement en vne melā-
colie,si merueilleuse,qu'il deuint aliené de son entēdement,couroit çà & là, & frappoit
de son espée qu'il tenoit toute nuë, sur tous ceux qu'il rencontroit,& tellement qu'illec
tua quatre hōmes:& lors on feit diligēce de le prendre & arrester, & fut ramené en son
logis,& mis sur vn liēt,& là fut long temps qu'il ne remuoit ne piedz ne mains,tellemēt
que les Medecins iugerēt qu'il estoit mort. Tout le mode ploroit,& en cest estat leueoit
qui vouloit. Les Anglois mesmes qui estoient venus en Ambassade deuers luy, lalle-
rent veoir,par le moyen du seigneur de la Riuere: dont le Duc de Bourgōgne fut tref-
mal content de luy, & luy deit qu'il en batroit vne fois ses paulmes, & s'en repentiroit.

Le Roy deuint
aliené de son
entendement
& en grand
frenaisie pour
les parolles
d'un pauure
homme seule-
ment.

Le Roy

Le Roy fut par tout le royaume moult plaint, & feit on pour luy de grâdes processions & prieres: & tellement qu'aucunement il recouura santé, & se voua à nostre Dame de Chartres, & à monseigneur S. Denis: & lors il fut mené en vne Abbaye de religieux, ou il feit sa neufueine, puis alla à Chartres faire ses oraisons & offrandes, & de là fut ramené à Paris: & tousiours entretenoiēt leſdictz Seigneurs de la Riuiere & de Noniant, leur autorité le mieux qu'ilz pouuoient.

Comment apres la maladie du Roy, les Ducz de Berry, & de Bourgongne entreprirent le gouuernement.

INCONTINENT ledict cas adueni, & que les Ducz de Berry & de Bourgongne furent arriuez deuers le Roy, ilz reprindrent le gouuernement du royaume, & amenerent le Roy vers Paris: & auoient en grande hayne le Connestable Clifſon, & leſdictz Seigneurs de la Riuiere, & de Noniant. Ledit Connestable fut par eux enuoyé querir, au nom du Roy: lequel n'osa venir, & deit au meſſager que le Roy n'auoit que faire de Cōneſtable: & doubtant ſa perſonne (non ſans cauſe) s'abſenta: parquoy il fut deſapointé, & banny: & au lieu de luy fut fait Connestable le Comte d'Eu. Tantost apres le Duc de Bourgongne trouua au Palais à Paris, le ſeigneur de Noniant, auquel il deit: Noniant incontinent trouuez moy pour vn affaire qui m'eſt adueni trente mil eſcus, & lès me faites apporter à mon logis, ſoit du threſor du Roy, ou autrement, & ie les rendray vne autre fois: lequel Seigneur de Noniant luy reſpondit doucement que ce n'eſtoit pas à luy à faire, & qu'il parlaſt au Roy & au conſeil, & que de ſa part il y feroit tout ce qu'il pourroit. Ledit Duc, qui vouloit auoir ladiſte ſomme, ſans qu'on n'en ſceuſt riens, luy deit: Or bien vous ne me voulez pas faire ce plaſir: mais ie vous aſſure que vous en repentirez, & vous deſtruiray. Lors ledict de Noniant alla deuers maistre Iehan Iuuenel, Preuoſt des Marchans, duquel auoit eſpouſé la niepce, & luy conta ce que le Duc de Bourgongne luy auoit dict: lequel Iuuenel le reconforta, diſant qu'aucunesfois les grâds Seigneurs diſoient des parolles qu'ilz ne mertoient pas à execution: & lors ledict Noniant luy deit qu'il congnoiſſoit bien ledict Duc, & qu'il auoit bien monſtré ſon courage, au fait de maistre Iehan des Mares: & le lendemain furent prins leſdictz Seigneurs de Noniant & de la Riuiere, & mis en la Baſtille ſainct Antoine, ou nul n'oſoit parler à eux: & vindrent contre eux pluſieurs plainctes & doleances, & diſoit-on communement qu'ilz auroient les teſtes couppees: mais il eurent de bons amys, & meſmement ledict maistre Iehan Iuuenel, Preuoſt des Marchans, qui eſtoit parent de tous les deux: lequel s'employa vertueuſement à leurs excuſations, dont ledict Duc ne fut pas content dudiſt Iuuenel, & deſlors commença à machiner contre luy, pour le deſtruire. Finablement, par le moyen d'iceluy Iuuenel, la choſe fut tellement conduicte que leſdictz ſeigneurs de la Riuiere & de Noniant furent ſeulement bannis de la court du Roy, à quinze lieues pres, ſur peine de la hart. Le Roy eſtoit ſouuent malade, & aucunesfois recouuroit ſanté. Il voulut ſçauoir du Connestable Clifſon, qu'il eſtoit deueni, & luy conta l'on le cas: parquoy il en parla auſdictz Ducz de Berry & de Bourgogne, leſquelz feirent caſſer & annuller tout ce qui auoit eſté fait cōtre luy: & fut ledict Clifſon refait Connestable, mais tousiours demoura en l'indignatiō dudiſt Duc de Berry. Vne eſpace de temps fut que le Roy auoit recouuert aucunement ſanté: & pour le reſiouyr fut fait vn beau ſouper, en vn hoſtel qui eſtoit à la Roynne Blāche, hors Paris, aux faulxbourgz S. Marceau: & là fut fait apres ſouper vne mommerie d'hommes ſauuages, enchainez enſemble, leurs habitz velus & faitz de lin, ou deſtoupes, engreſſez pour reluyre mieux, & entrerent en la ſalle, dāſans à torches, de laquelle mommerie le Roy eſtoit l'un, & aduint qu'apres qu'ilz eurent longuement danſé, le feu deſdictes torches ſe meit dedans tous leurs habitz, qui eſtoient bien laſſez & couſus ioignans au corps: & là auoit vne Dame, qui auoit vn grand manteau, laquelle en affubla le Roy, & fut incontinent le feu eſtainct: mais il y en eut deux des autres qui furent ſi brullez qu'ilz en moururent. Pluſieurs diligences furent faites, pour ſçauoir dont ce cas eſtoit adueni (car on en parloit en pluſieurs manieres) mais ce ne peut eſtre adueré: toutesfois pour l'enormité du cas il fut ordonné que l'hoſtel ou furent faites ces choſes, nommé l'hoſtel de la Roynne Blanche, ſeroit abatu & demoly: ce qui fut fait. Enuiron ce temps le Comte de ſainct Paul faiſoit demāde au Roy de Boeſme de certaine grande ſomme

Du Connestable qui fut deſapointé & banny du royaume de France.

Du banquet qui fut fait à S. Marceau, dont ſurnirent gros inconueniens à la compaignie.

LES CRONIQUE ET ANNALES DE FRANCE.

de deniers, qu'il disoit que son pere auoit presté audict Roy, dont il en auoit obligation: laquelle ledict Comte de bone foy luy enuoya par aucuns de ses gens. Quand ledict Roy l'eut veü & leuë, il la ietta dedans le feu, & deit qu'il n'en payeroit iamais riens: parquoy iceluy Comte esmeut guerre contre luy, & demāda ayde au Roy: lequel luy enuoya son Cōnestable, & huit mil hommes d'armes, lesquelz prindrent presque toute la Duché de Luxembourg, & y estoit obey. Ledit Roy de Boëme assembla gens, & enuoya droit à eux, & meirent le siege deuant vne place. Quand les François le sceurent, ilz y allerent, mais les Boësmes qui sceurent leur venü, leuerent ledict siege & s'en fuyrent, & là gaignerent les François de grandes richesses.

Du dixiesme qui fut leué en France.



*Le Roy donna
deux cens
marcs d'or
pour faire la
chasse saint
Loys.*

En ce temps le Pape Clement ordonna en France & ailleurs, par le consentement du Roy, vne decime, pour ayder à recouurer le royaume de Cecille, au ieune Roy Loys: lequel comme dessus est dict, il en auoit couronné Roy, & de Naples. A quoy s'opposerent les gens d'Eglise, & l'Vniuersité de Paris: mais on leur bailla seulement Apostres refutatoires, & nonobstant oppositions ou appellations, ilz la payerent. Le Roy qui s'estoit voué à saint Denis, y alla en grande deuotion, & fit ses offrandes, & donna deux cens marcs d'or, pour faire vne chasse à mettre le corps saint Loys, & mil liures pour faire vn chapiteau sur ladicte chasse. En ce temps mourut le Roy d'Armenie, à Paris, qui estoit venu en France, ou il auoit longuement esté aux despens du Roy, pour suyuant qu'on luy feist ayde contre les Sarrazins, qui l'auoient expulsé de son royaume: & fut enterré en l'Eglise des Celestins, à Paris, en grand honneur & solennité.

*Des accusations qui furent faictes contre maistre Jehan Iuuenel,
Preuost des Marchans de Paris.*

*L'an mil ccc.
iiij. xx. &
treize.*



En l'an mil ccc. iiij. xx. & xiiij. aucuns de la ville de Paris, q se sentoient du tēps passé, prindrēt hayne cōtre maistre Jehā Iuuenel, Preuost des Marchāds de Paris (lequel estoit vn treshōme de bien) & l'allerēt dire au Duc de Bourgogne (pour ce qu'ilz scauoient bien qu'il l'auoit en hayne, au moyen de ce qu'il auoit pourchassé la deliurāce de prisō des seigneurs de la Riuiere & de Noniāt) lequel Duc leur presta l'aureille, & leur bailla aucuns Cōmissaires de Chastelet, qui examinerēt trente ou xl. tesmoings, qui leurs furēt baillez, tous hayneux du dict Iuuenel: & par ladicte information le chargerēt de si grand cas, que finalement il fut adiourné à comparoir en personne deuant le Roy, au boys de Vincennes: & fut ordonné qu'il seroit là mis prisonnier en vne tour: mais le Roy, qui estoit lors en santé, voulut qu'il se iustificast en plain Conseil, & fit si bien & si honnestement qu'il fut renuoyé. Aux Pasques ensuyuant, par vn Legat, qui estoit à Paris, les faulx tesmoings qui l'auoient faulxement accusé, lesquelz l'Euesque luy r'enuoya, furent condamnēz à aller tous nudz, vn seul drap sur eux, le iour du grād Vendredy au matin, à luy en sa maison, luy requerir mercy & pardon, ce qu'ilz feirēt. En celle mesme année furent faictes plusieurs colloquutions, pour trouuer paix entre François & Anglois: & y eut vne grande assemblée à Abbeuille, ou allerent les Ducz de Berry & de Bourgogne: & vne grande & notable Ambassade vint d'Angleterre, & furent comme d'accord: & pour accorder ladicte paix, fut deit que le Roy de France yroit à Abbeuille, & celuy d'Angleterre viendrait à Calais: mais la maladie reprit au Roy: parquoy il n'y peut aller, & ne fut riens conclud: & lors fut le Roy si malade qu'il ne congnoissoit la Royne sa femme, quād on luy amenoit, ne nulle autre personne, reserüee la Duchesse d'Orleans, laquelle il veoit voluntiers, & l'appelloit belle sœur: & disoient aucunes mauuaises langues que par le moyen du pere de ladicte Duchesse, qui estoit Duc de Milan, on l'auoit fait enforcer, duquel bruyt ladicte Duchesse estoit fort desplaisante, & ne feust voulu penser. En ce temps le Connestable Clifson se reconcilia aux Ducz de Berry, & de Bourgogne, qui le reprindrent en leur grace: & tantost apres fut enuoyée vne grande Ambassade, pour traicter l'appoinctement du Duc de Bretaigne, & dudit Connestable: mais pour celle fois ne feirent riens: parquoy le Duc de Bourgogne alla en personne deuers le Duc de Bretaigne: & fut mandé Clifson pour aller deuers eux, qui y alla, & se humilia

*Du Roy qui
fut si malade
qu'il ne con-
gnoissoit la
Royne sa fem-
me, n'autre.*

& se humilia vers lediſt Duc:& par ainſi fut fait l'appointement,& vint lediſt Duc de Bretagne à Paris,& laiffa Cliffon ſon Lieutenant general,en Bretagne.

Des Iuiſz qui furent chaffeſez, & d'une courſe des Sarrazins.

A V D I C T an mil ccc. quatre vingtz & treize, le Duc de Berry feit tāt en-
uers l'Abbē & conuent de ſainſt Denis, qu'ilz luy baillerent vne partie du
chef ſainſt Hilaire, le quel, & tout le corps, fut entieremēt apportē en la-
diſte Abbaye, des le temps du Roy Dagobert, qui deſtruiſit Poitiers, cō-
me à eſtē diſt cy deuant ēs faiſtz & geſtes dudiſt Dagobert : & feit lediſt
Duc faire vn moult bel & riche chef d'or, ou il le feit mettre & porter en l'Egliſe de S.
Hilaire audiſt Poitiers, dōt il eſtoit Côte : & en recompēſe de ce lediſt Duc de Berry
dōna à ladiſte Eglife de ſainſt Denis, vne partie du chef & du bras ſainſt Benoift, qu'il
feit richement enchaffier. Semblablement feit faire, & donna à l'Eglife noſtre Dame de
Paris, vn beau chef de ſainſt Philippe Apoſtre : le quel eſt richement enchaffē en or, &
enrichy de moult belles perles & pierres precieufes. En celle meſme annēe les Iuiſz,
eſtans à Paris, feirent pluſieurs inhumanitez à vn Chreſtien, & le tuerent en deſpit de
Jeſus Chriſt, & de ſa loy: parquoy il y en eut pluſieurs prins & emprifonnez, & aucuns
faiſtz mourir, & les autres batuz de verges, & la totalitē d'eux cōdamnez en dixhuiſt
mil eſcuz, qu'ilz payerent, & furent conuertis en l'edifice du petit Chaſteler, & de petit
Pont, à Paris, qui en fut faiſt tout de pierre. Semblablement en ce temps le Roy en-
uoya le Comte d'Eu, qui auoit eſtē faiſt Conneſtable de France, au lieu de Cliffon, &
pluſieurs genſd'armes, en ayde du Roy de Hongrie, cōtre les Turcz & Sarrazins : mais
quand le Prince deſdiſtz Turcz ſceut la venuē deſdiſtz Frāçoys, il ceſſa la guerre qu'il
 faiſoit au Roy de Hongrie: & par ce qu'il ennuyoit audiſt Comte d'Eu, ſans faire quel-
que choſe, il delibera de s'en retourner, & auſſi qu'il ſceut, & fut aduertty que le Roy de
Boēſme ſentoit mal en aucuns poinctz & articles de la foy, & tellement qu'il ne valoit
guerres mieux qu'un Sarrazin, il s'en entra audiſt royaume de Boēſme, & meit le Roy
& le païs en ſa ſubiection : puis s'en retourna à grand honneur & louange.

Du ſciſme qui fut en l'Egliſe, pour la Papauté.

E N L'ANNEE mil trois cens quatre vingtz & quatorze, furent prinſes
& accordēes trefues entre les Roys de France & d'Angleterre, iuſques
à quatre ans enſuyuans, en eſperance de paix : & pour mieux paruenir
à appointement, fut pourparlé du mariage du Roy d'Angleterre, &
d'une des filles du Roy, combien que l'aiſnée deſdiſtes filles n'eut que
ſept ans. En ces entrefaiſtes le Pape Clement, qui tenoit ſon ſiege en Auignon,
enuoya en France le Cardinal de la Lune, ſaignant de vouloir entendre au faiſt de
l'vnion de l'Egliſe : le quel Cardinal ſ'accointa du Duc de Berry, & comme l'on dit,
luy feit de grands dons de par le Pape, & feit pluſieurs remonſtrances, & eut de gran-
des parolles avec ceux de l'Vniuerſité de Paris, touchant leurs priuileges : leſquelz de
l'Vniuerſité, qui congnoiſſoient bien que lediſt Pape n'auoit point de vouloir d'enten-
dre à ladiſte vnion, & leur auoit faiſt pluſieurs griefz contre leurſdiſtz priuileges, luy
contrariērent de tout leur pouuoir: & pour auoir port, ſ'accointērent du Duc de Bour-
gogne, qui les porta & fauoriſa : parquoy lediſt Cardinal s'en retourna ſans riens fai-
re: & incontinent lediſt Pape Clement mourut, & fut enſepulturē en Auignon. Auant
ſon trespas il donna & transporta au Roy tous les droitz & ſouueraineté & ſeigneurie
temporelle des Ville, Cité, Bourg, & habitans de ſainſt Malo: & enuoya le Roy en pré-
dre poceſſion meſſire Robert Brezille, & maiſtre Guy Chreſtien. Le vingt & troiſieſ-
me iour de Ianuier, audiſt an, ſemblablement lediſt Pape Clement, auant ſon trespas,
donna & octroya aux Vniuerſitez roolles pour auoir benefices, Les Cardinaulx, qui là
eſtoient, voulurent eſlire vn autre Pape, en ſon lieu: mais le Roy leur manda qu'ilz ne
ſe haſtaſſent paſ: ce neantmoins tantost apres ilz eſleurent Pape lediſt Cardinal de la
Lune, & le nommerent Benedic : & par ainſi demoura encores le Scifme en l'Egliſe.
Lediſt Benedic manda au Roy, & à l'Vniuerſité qu'il deſiroit ſingulierement l'vnion
de l'Egliſe, & qu'il eſtoit preſt de faire ceſſion, ſi on veoyoit que faire le deuiſt, dont on
fut bien ioyeux : & feit le Roy aſſembler vn grand Conſeil à Paris, de tous les Arche-
ueſques, Eueſques, Abbez, & Prelatz du royaume : & fut mis en deliberation de ſçauoir

LES CRONIQ. ET ANNALES DE FRANCE.

si touchant la matiere on deuoit tendre à fin de cession, ou demander assemblée de Concile general: & fut trouué que la voye de cession estoit meilleure & plus briefue: & pour ceste cause allerent en Ambassade, de par le Roy, deuers ledict Benedic, les Ducz de Berry & de Bourgongne, ses oncles, le Duc d'Orleans, son frere, l'Euesque de Senlis, & autres. Aussi y furent quelques autres Ambassades, de par l'Vniuersité de Paris, & de par le Clergé, qui y allerent, & y furent longuement, & eurent plusieurs audiences: mais ledict Benedic ne leur vsa que de dissimulations, & sans riens faire s'en retournerent à Paris: & ne fut pas le Roy content de ce que ledict Pape n'auoit voulu autrement entendre à ladicte vnion, & de ce aduertit plusieurs Princes, & ennoya plusieurs Ambassades, tant en Allemagne, qu'en Angleterre, & ailleurs.

Du mariage du Roy Richard d'Angleterre, & de Madame Ysabeau de France, fille du Roy Charles sixiesme: & comment ceux de Gennes se donnerent au Roy.

Entost apres vint vne moult belle & grâde Ambassade d'Angleterre, pour le mariage du Roy Richard d'Angleterre, qui auoit trente ans d'aage, & madame Ysabeau, fille du Roy, qui n'auoit que sept ans: lequel mariage fut accordé, & l'espousa le Comte Rolād de Corbie, * cōme Procureur du Roy d'Angleterre: & furent les nopces faictes au Palais, ou il y auoit trois Roys: c'est à sçauoir le Roy de France, le Roy de Cecille, & le Roy de Nauarre. Aussi estoient les Ducz de Berry & de Bourgongne, d'Orleans, & plusieurs autres Comtes, Barons, Cheualiers, & gens des bonnes villes de ce royaume de France, pour ce assemblez: mais neantmoins ladicte Ysabeau demoura encores en la garde de la Roync, sa mere. En ce temps aussi ceux de Gennes se donnerent au Roy de France, & y fut enuoyé pour Gouverneur messire Jehan le Maingre, dict Bouciquault, Mareschal de France: lequel meit en l'obeissance du Roy, les citez de Plaisance, Paue, Milan, & plusieurs autres en Lombardie: & alla deux voyages sur les Sarrazins, qui tenoient le siege deuant Constantinople, dedans laquelle estoit Capitaine vn François, nommé Chasteaumorant: & fait ledict Bouciquault plusieurs grands faictz d'armes, tellement qu'il contrainit lesdictz Sarrazins à eux leuer dudit siege, & eux en aller: mais tantost apres ilz se rassemblerent en merueilleusement grand nombre. Quand le Roy de Hongrie le sceut, il assembla gens, & y alla, & y eut vne merueilleuse bataille, en laquelle l'Admiral des Sarrazins, son filz, & son nepueu, & bien cent mil desdictz Sarrazins furent tuez. Quand le Roy en sceut les nouvelles, pour en redre graces à Dieu, il fait faire processions generales, par toutes les Eglises de France. Le Duc de Milan, qui fut aduertty du bon vouloir que tous les Geneuois auoient au Roy, les cuida desmouuoir par belles & blandes parolles, & les attirer à luy: mais ilz n'y voulurent entēdre, & se meirent du tout en l'obeissance du Roy, plus fort que deuant.

Du traicté de paix faict entre les Roys de France & d'Angleterre, moyennant le mariage de Madame Ysabeau de France.

L'an mil ccc. iij. vingt & seiſe. Les Roys de France & d'Angleterre parlerent ensemble pres Calais.

N l'an mil trois cens quatre vingtz & seiſe, le Roy de France alla à Boulongne, & le Roy d'Angleterre vint à Calais, & s'entreueirent, & parlerent ensemble plusieurs fois, & feirent traicté de paix: & là fut menée madame Ysabeau, fille du Roy de France, & liurées es mains du Roy d'Angleterre, son mary: & pour la receuoir vindrent au deuant les Duchesses de Lancastre, & de Clocestre, & grande compagnie de Dames & Damoyelles, venuës d'Angleterre: & s'entreseirent lesdictz Roys & les Princes, qui estoient en leurs compagnies, de moult beaux grands & riches dons: puis se departirent, & s'en retourna le Roy à Paris: & le Roy d'Angleterre en Angleterre. Tantost apres, le Roy Richard d'Angleterre, soy sentant fort de l'alliance qu'il auoit au Roy de France, commença à leuer de grands subſides, dont les Anglois ne furent pas contents, ne aussi de l'appoinctement qu'il auoit faict avec le Roy de France, & qu'il luy auoit rendu, par ledict appoinctement, les places de Cherebourg & Brest: & pource qu'il sceut que le Duc de Clocestre, & le Côte d'Arondel en parloient, en voulant esleuer le peuple contre luy, il les fait prendre, & leur fait coupper les testes.

De la

*De la piteuse desconfiture, qui fut faicte par les Turcz, sur les
Chrestiens, en Hongrie*



Vdict an, combien que le Roy de Hongrie l'année precedēte eust eu vne grande victoire contre les Sarrazins, par le moyen & ayde des François, toutesfois lesdictz Sarrazins s'estoient assemblez en grād nombre, & luy faisoient, & aux autres Chrestiens voylins, moult de persecutions & cruau-
tez: & à ceste cause, il enuoya deuers le Roy vne solennelle Ambassade: & apres ce qu'elle eut exposé sa creance, en la presence du Roy, & des Ptinces, il fut con-
clud de luy faire ayde: & le Duc de Bourgogne, qui estoit present, offrit d'y enuoyer pour luy son aîné filz, Ichā, Côte de Neuers. Aussi s'offrirēt d'y aller le Côte d'Eu, Cō-
nestable de Frāce, le Marechal Bouciquault, l'Admiral de Viēne, les Seigneurs de Cou-
cy, de Roze, de la Trimouille, & plusieurs autres: & furēt assēblez plusieurs gēs de guer-
re, & se meirent à chemin vers les Allemaignes, ou ilz trouuerent qu'on leur feist plu-
sieurs gratuitez de viures & autres choses: & toutesfois ilz faisoient de grāds maux & pil-
leries par tout ou ilz passoient. Ilz passerent le fleue de la Dunoé, & vindrent en Hon-
grie. Le Roy de Hongrie conseilloit qu'on meist deuant les gens de guerre du païs, qui
congnoissoient les manieres des Turcz: mais les Frāçoys deirēt qu'il seroient des pre-
miers. Le Basaac, * Prince des Sarrazins, quād il sceut leur venuē, vint alencōtre d'eux,
auec grād nōbre de gens, & eurent bataille, ou les Chrestiens furēt tous mortz ou prins.
Après la bataille le Basaac commanda qu'on amenaist les prisonniers deuant luy: & on
luy amena bien ccc. des François. Quand il les veit, il cōmanda que tous fussent mis à
mort, en sa presence, q fut moult grād pitie: mais entre les autres feist reseruer de mort
le Marechal Bouciquault, pour ce qu'on luy deit qu'en guerre il auoit faict autresfois
bonne composition à ses gens: & cōbien que ledict Ichā, Côte de Neuers, filz du Duc
de Bourgogne, fust en grand danger d'estre tué, toutesfois il fut reseruē, par ce que là
se trouua vn Sarrazin, grand Nigromancien, deuin, ou forcier, lequel apres ce qu'il feut
regardé, deit qu'on le sauuaist, & qu'il estoit bien taillé de faire mourir plus de Chrestiens
que tous ceux de leur loy ne scauroient faire. Aussi feist il par les guerres dont il fut de-
puis cause en France. Il estoit cōmune renōmée que nostre seigneur Iesus Christ souf-
frit la chose ainsi aduenir, par l'orgueil desdictz François, qui n'auoient voulu croire le
conseil du Roy de Hongrie, aussi pour la punition des grandes pilleries, larrecins, ri-
baudises, dissolutions de ieux, d'habillemens, & autres maux qu'ilz auoient commis en
y allant. Vne chose miraculeuse aduint: car les Turcz ne vouloiēt souffrir que les corps
des Chrestiens mortz fussent enterrez, afin qu'ilz fussent deuorez des Loups, bestes sau-
uages, & oyseaux: si furent treize moys sur terre, tous blancs, sans que beste n'y oiseau y
touchast. Lesdictz Côte de Neuers, & le Marechal Bouciquault, furent mis à rançon,
qu'ilz payerēt: & puis s'en retournerēt en Frāce. En celle année la Duchesse de Brabāt
vint veoir le Roy, estant à Cōpiegne, & s'offrit en son seruice: & en sa presence declaira
au Duc Philippe de Bourgogne, qu'apres son trespas elle vouloit que ladiēte Duchē
luy reuint: toutesfois elle le pria qu'il la laissast à Antoine, son second filz: ce que luy ac-
corda: & lors la Royne eut vn filz, que le Duc d'Orleans leua sur les fons, & fut nōmé
Loys. En ce temps fut faict le mariage de Ichā, filz du Duc de Bretagne, & d'une des
filles du Roy: & luy fut promis ccc. mil francs. Aussi en celle année madame Marie de
France, fille du Roy, de son grē & à sa requeste fut réduē religieuse au conuent de Pois-
sy, & depuis fut Prieure du conuent. En celle mesme année, l'Euesque & les manans &
habitans de la cité de Verdun enuoyerent deuers le Roy, pour ce que ladiēte cité estoit
neutre, & que le Duc de Lorraine, ses Officiers, & autres Seigneurs, leurs voylins, leur
faisoient plusieurs molestes: & feirēt requerir le Roy qu'il les voulsist prendre en sa pro-
tection, & sauuegarde, & estre leur cōseruateur: ce que ledict Seigneur leur promet &
accorda de faire, moyēnāt ce que lesdictz habitāz luy promeirēt payer chascun an à ses
successeurs, à la recepte ordinaire de Viētry, la sōme de cinq cens liures: & ledict Euef-
que la somme de quarante liures: & sur ce furent baillées lettres, rant du costé du Roy,
que par lesdictz Euesque & habitans. Durant ladiēte année l'Empereur, les Roys
de France & d'Angleterre, d'Hespaigne & de Hongrie, & plusieurs autres Roys
& Princes trauaillerēt fort pour cuyder mettre vnion en l'Eglise, & en oster le Scisme:
mais le Pape Benedic, qui estoit en Auignon, vsoit tousiours de dissimulations, & luy

* Les uns le
nomment par
son propre
nom Bayseth,
et les autres
Paizaites, cō-
bien aussi que
Bassa soit nom
d'Office ou di-
gnité en Tur-
quie.

Punition di-
uine sur les
François, à
cause des
maux qu'ilz
auoient faictz.

De la fille du
Roy qui fut
rendue religi-
euse à Poissy.

LES CRONIQ. ET ANNALES DE FRANCE

suffisoit qu'il iouist de la Papauté, & en print les profitz : parquoy aucun téps apres fut ordonné estre assemblée à Paris vn grand Concille general, ou les Cardinaulx, tant d'un costé que d'autre, seroient, afin qu'on trouuast façon qu'il y eust vn Pape vnique en l'Eglise. Et pource que ledict Benedic n'y vouloit entendre, il fut ordonné qu'en luy seroit planiere subtraction de toute obeissance, & que l'Eglise de France seroit reduite à ses libertez: c'est à sçauoir que toutes reseruatiōs, & graces expectatiues, n'auroient point de lieu, & que les Chanoyne & Religieux des Eglises Collegialles & Conuentuelles esliroient, & que les elections seroient confermées par les Diocesains, & que les ordinaires donneroient tous les autres benefices, sans plus auoir recours audit Benedic: & fut ledict Benedic assiegé dedans le Palais d'Auignon: lequel siege dura bié par cinq ans: car vn nommé Rodigo, de la Lune, son frere, trouuoit façon de luy faire secretement ayde de gens, & de viures: & aussi il y auoit plusieurs qui dissimuloient de le faire plus aigrement assaillir, doubtant les censures Ecclesiastiques.

Comment la Seigneurie de Nemours fut errigée en Duché, & baillée au Roy de Nauarre, en recompense de quelques terres.

*L'an mil ecc.
iij. xx. &
xviij.*



L'An mil trois cés quatre vingtz dixsept, le nouveau Roy de Nauarre, Charles, enuoya l'Euesque de Pampelune deuers le Roy, luy requerir qu'il luy voulsist rendre les terres qui luy deuoient appartenir en Normâdie: & fut sur ce assemblé Cōseil, & disoient plusieurs qu'on ne les luy deuoit point bailler, veu les horribles maulx & inconueniēcs que son pere auoit faictz au païs & royaume de France, & qu'on ne sçauoit la volonté du filz, qu'il en pourroit faire autant. Les autres disoient qu'il y auoit eu accord & appoinctement avec le pere, & que par ce on luy deuoit rendre ses terres, ou luy en bailler recompense, sans auoir regard au temps passé. Finablement fut conclud & ordonné qu'il n'auroit point lesdictes terres de Normandie, attendu qu'elles estoient trop prochaines des Anglois, & des limites de France: mais qu'on luy en feroit recōpense, iusques à dix mil liures de rēte: & pour icelle recompense bailler, le Roy erigea en Duché la seigneurie de Nemours, & Gastoinois, & y ioignit Nogent, Pons sur Seine, Columiers, & autres terres, si prendre les vouloit, iusques à ladicte valeur. En celle mesme année le Roy fut malade par plusieurs fois, de sa maladie, & quād il venoit aucunes fois à cōualecence & bon propos, s'estoit pitié des regretz qu'il faisoit, quand il pensoit à sa subiectiō en laquelle il estoit d'y deuoir renchoir: & moult deuotemēt reclamoit Dieu, nostre Dame, & plusieurs Sainctz. On print par souspeçon son barbier, & deux des seruiteurs du Duc d'Orleans, pour sçauoir si on ne luy auoit point faict de sort, ou autre chose, dōt procedast ladicte maladie: mais on ne peut riens auer, & furent trouuez innocens, & deliurez.

*Des regretz
que faisoit le
Roy quand il
pensoit à la
maladie qui
le prenoit si
souuent.*

De la mutation de plusieurs Officiers, & des haynes secretttes qui estoient entre les Ducz d'Orleans & de Bourgongne.



EN CE temps y eut grande mutation d'Officiers, par ce que plusieurs estoient mortz vn peu deuant, en vne bataille sur les Sarrazins: & fut faict Conestable de France le Comte de Sancerre, & messire Jehan le Maingre, dict Bouciquault, fut faict Marechal, * Iaques de Bourbon, grand Chambellan, & messire Hutin d'Amont ordonné pour porter l'Auriflambe. En ce temps y eut deux Augustins à Paris, qui entreprindrent à guerir le Roy, & luy feirent aucunes incisions en la teste, dont il fut en tresgrand danger de sa personne. Il fut enquis de leurs vies, & fut trouué qu'ilz n'estoient qu'abuseurs. A ceste cause ilz furent emprisonnez, & fut faict leur proces, & par l'Euesque de Paris furent amenez sur vn eschauffault en la place de Greue, & estoit ledict Euesque habillé *in pontificalibus*, lesdictz Augustins, cōme reuestus à chanter messe. Ledit Euesque, en disant aucunes parolles leur osta tous leurs habillemēs de prestre, & furent despoillez nudz en chemises, & leurs couronnes rasées, & apres liurez par ledict Euesque à la Iustice laye, q̄ les mena es Halles de Paris, & là eurent les testes coupées, & leurs corps enuoyez pendre au gibet. On disoit que ledict Duc de Bourgongne pourchassa la mort desdictz deux Augustins, qui s'aduouerent au Duc d'Orleans, par ce que peu parauant ledict Duc

** Toutesfoi
parauant il le
dict desia tel.*

*De deux Augustins qui
furent decapitez
es Halles de Paris.*

Duc d'Orleans auoit pourchassé la mort d'un nommé maistre Iehan de Bar, grãd clerc, qu'on disoit estre Nigromancien, & inuocateur, qui estoit audict Duc de Bourgogne, & luy auoit promis qu'il luy feroit venir le Diable, qui luy respondroit de tout ce qu'il luy demanderoit : & luy furent trouuez plusieurs liures, miroirs, & autres choses diuerses, qui en sa presence furent bruslez en la place de Greue : & y auoit deslors moult grandes & secrettes haynes & inimitiez entre lesdictz deux Ducz d'Orleãs, & de Bourgogne. En celle mesme annéel'Empereur de Constantinople enuoya de rechef deuers le Roy, requerir ayde cõtre les Sarrazins : & cõbien que le Roy y eust enuoyé l'année precedente à grands frais, & y eust perdu plusieurs grands personnages, neãtmoins il delibera d'ẽcores y enuoyer : & lors le Duc d'Orleãs, son frere, s'agenouilla deuant luy, & luy supplia qu'il eust la conduicte de l'armée, dont il eut tresgrand honneur : mais le Roy ne voulut pas permettre qu'il y allast. En celle saison le Connestable du Basaac enuoya au Roy de beaux & gracieux dons, & choses plaissantes & estranges : lesquelles il receut benignement, & feit de grands dons à celui qui les apporta. Le Roy de Boesme, qui auoit grand desir de veoir le Roy de Frãce, se mit à chemin pour y venir, & sceut que le Roy estoit allé à Reims en pelerinage, si tira droit là. Le Roy, quand il sceut sa venue, alla voller & chasser, pour le rencontrer sur les champs, à deux lieues de là. Si le rencontra, & le receut honnorablement, & puis l'emmena iusques à Reims, ou il le festoya, & honnora grandement.

Comment Henry de Lanclastre, qui fut banny d'Angleterre, se retira en France.

L'AN mil trois cens quatre vingtz & dixhuiẽt, tantost apres que le Roy Richard eut fait mettre à mort les Ducz de Clocestre & le Cõte d'Arõdel, s'ẽleuerent de grandes dissensions en Angleterre, & y eut vn Parlement assemblé à Londres, auquel Hery de Lãclastre, Cõte d'Erby, deit au Cõte Marechal, que cõme trahyste il auoit fait mourir son oncle de Clocestre, & avec ce qu'il auoit emblé les deniers du royaume, & appliqué à son profit : à quoy ledict Comte luy respondit qu'il auoit menty, & y eut gaigné de bataille, & se trouuerent au champ, & coururent les lances, mais en vn moment tous deux ietterent leurs lances à terre : parquoy ledict Roy Richard les feit prendre, & les feit bannir d'Angleterre : c'est à sçauoir, ledict Comte à cent ans, & ledict Henry à dix ans : lequel Henry s'en vint en France deuers le Roy, qui le receut honnorablemẽt, dont le Roy d'Angleterre ne fut pas contẽt : & tantost apres le Duc de Lanclastre, pere dudit Henry, alla de vie à trespas : & cuida ledict Hery que le Roy Richard deust appaiser son ire contre luy & le r'appeler, & luy rendre les terres & meubles de son pere, qui estoient grands, mais riens n'en feit, & les print à son profit, dont iceluy Henry delibera bien de s'en venger.

Comment ledict Henry de Lanclastre s'en retourna en Angleterre, pour faire guerre au Roy Richard, qu'il print prisonnier, & le feit mourir, & se feit Roy.

L'AN mil trois cens quatre vingtz & dixneuf, ceux d'Ibernie se rebellerent contre ledict Roy Richard d'Angleterre, & par ce alla contre eux en personne : & apres son partement plusieurs monopoles & conspirations se firent contre luy audict royaume d'Angleterre, tellement qu'aucuns vindrent au lieu ou estoit madame Ysabeau, Roïne d'Angleterre, fille de Frãce, qui ieune enfant estoit, & luy osterent tous ses seruiteurs & seruantes, de la langue de France, excepté vne Damoysele & son Confesseur : & luy laisserent aucuns Anglois, qui parloient François, & la meirent en vn chastel, bien gardée, qui fut vn exploict bien merueilleux. Laquelle chose venue à la congnoissance dudit Henry de Lanclastre, Cõte d'Erby, qui estoit banny d'Angleterre pour dix ans, comme dict est, & s'estoit retiré en France, pour estre en seureté, s'en partit secrettement, & trouua facon de passer en Angleterre. On dict qu'auant son partement furent iurées & accordées grandes alliances entre monseigneur Loys, Duc d'Orleans, & luy : & si tost qu'il fut en Angleterre, il se feit Duc de Lanclastre, aux lieu de Iehan de Lanclastre, son pere, & feit plusieurs seditions & entreprinẽs, & attrahit à luy grand nombre de gens, dont son oncle d'Yort le reprint fort, mais il n'en tint conte : & feit prendre plusieurs Nobles d'Angleterre : c'est à sçauoir les Comtes de Kent & Sallebery, de Suffort, de Vermeton, Hue le Despensier, & autres, & leur feit couper les testes, & icelles enuoya à Londres, & se meirent en

LES CRONIQ. ET ANNALES DE FRANCE.

ses mains plusieurs places. Tantost apres, lesdictes choses vindrent à la congnoissance du Roy Richard, qui en fut moult troublé, & non sans cause, & le plus tost qu'il peut s'en partut d'Ibernie, ou il estoit allé faire guerre, & s'en vint vers Londres: mais il fut tantost de tous ses gens delaisé: & qui pis est, ceux en qui il se fioit le prindrēt prisonnier: & le liurerent es mains dudit Henry de Lanclastre, son ennemy: & tantost tout le peuple d'Angleterre, qui est subit, & ne demāde que mutation de seigneurie, tant gens d'Eglise qu'autres, crierent à haulte voix qu'on le deuoit desappoincter & priver du royaume, & mettre en chartre perpetuelle, attendu qu'il auoit faict mourir ses parens, sans cause, & aussi qu'il auoit baillé au Roy de France les places de Cherebourg & Brest, qui estoient deux entrées aux Anglois, pour venir en France, & auoit faict alliance au Roy de France, sans y appeler les gens des trois Estatz d'Angleterre: & qui pis estoit, il auoit leué sur le peuple grandes sommes de deniers, comme dessus est dict: & print on tous ses amys bien-ueillans, & les fait on mourir, & furent leurs hostels pillés. Et lors commença Henry de Lanclastre, à soy nommer & porter Roy d'Angleterre, & se fait couronner, & est appelé Henry le quart. Tantost apres le Roy de France sceut ce qui auoit esté faict en Angleterre, contre ledict Roy Richard, son beau beau filz, dont il fut fort courroucé: car il congneut bien que toutes trefues & alliances estoient faillies, & qu'on estoit à la guerre comme deuant: toutesfois ledict Henry de Lanclastre, soy disant Roy d'Angleterre, enuoya deuers luy faire sçauoir s'il vouloit enuoyer gens à Calais, & il y enuoyeroit de sa part pour ouurir aucunes matieres touchant le faict de la guerre, ce qu'il fait:


Mort soudaine du Comte d'Estampes.

Du S. Suaire de nostre Seigneur.

& furent prinles vnes trefues iusques à la Pentecoste ensuyuant, tant seulement. En ce temps le Comte d'Estampes, qui souuēt buuoit & mangoit à la table du Duc de Berry, en disant mourut subitement d'une Apoplexie, à la table, & luy tomba la teste sur le bras qu'il auoit ployé sur la table: & quād ledict Duc de Berry l'aduisa, cuidant qu'il dormist, deit en riāt: Le beau cousin s'endort, leuez le, mais on trouua qu'il estoit mort. Audict Comte d'Estampes luy succeda ledict Duc de Berry, qui l'auoit parauant acheptée, reserué à luy en iouyr, sa vie durant. En celle année aucuns religieux de l'ordre saint Bernard apporterent le Suaire ou nostre Seigneur fut ensepuely au tombeau, & le meirrent en vne Abbaye de leur ordre, nommé Cadouyn, au diocèse de Cahors.

De la venue de l'Empereur de Constantinople à Paris.

L'an mil quatre cens.



Le seruice Dieu célébré à Paris, deuant l'Empereur de Constantinople.

L'AN mil quatre cens, il vint à la congnoissance du Roy que l'Empereur de Cōstantinople vouloit venir vers luy en France, tant pour le veoir que pour luy requérir ayde contre les mescreās, & aussi pour le remercier des aydes qu'il luy auoit faictes le temps passé: & quād le Roy sceut qu'il approchoit, il enuoya au deuant de luy de grands Seigneurs, pour le remercier à l'entrée du royaume, & le desfrayer. Quād il fut pres de Paris, il enuoya ses oncles les Ducz de Berry & de Bourgogne au deuant de luy, & luy mesmes lalla receuoir à la porte, & furent faictes grandes triumphes à sa reception, en la ville de Paris: & l'amena le Roy à nostre Dame de Paris, & au Palais, & de là au Loure, ou il fut logé, & là tint son estat aux despens du Roy: mais toutesfois il ne fait chose qui touchast droit d'Empire, ne souueraineté contre la couronne de France. Puis s'en partit, & s'en alla en Angleterre, ou pareillement il fut honnorablemēt receu, & de là s'en retourna en son pais. On chatoit en la chappelle dudit Empereur le seruice, à la mode de son pais: c'est à dire en Grec, qui sembloit biē estrange aux gens du royaume, qui par singularité l'alloient veoir & ouyr. Au commencement de celle année mourut Iehan de Montfort, Duc de Bretagne, auquel succeda Iehan, son filz, premier nay, qui auoit espousé la fille du Roy de France: parquoy le Duc de Bourgogne alla en Bretagne prédre possession de la Duché, pour ledict ieune Duc: laquelle possesiō luy fut baillée: puis s'en passa par Nātes, pour veoir la Duchesse, veufue, qui sœur estoit du Roy de Nauarre, laquelle, cōme on disoit, auoit ia promis d'espouser le nouveau Roy d'Angleterre, Héry de Lāclastre. En celle mesme année fut faict & traité le mariage de Iehan, Côte de Clermōt en Beauuoysin, filz de mōseigneur Loys, Duc de Bourbon, & de madame Marie, fille de monseigneur Iehan de Berry: par traité duquel mariage mondict Seigneur de Berry, du congé & permission du Roy luy donna la Duché d'Auergne, & Comté de Montpensier, soubz telle condition que s'il aduenoit que la ligne masculine deffaillist en ligne directe de dictz Ducz de Bourbon, la Duché

Duché de Bourbonnois, & ladicte Comté de Clermont viendroient au Roy & à la couronne de France. En l'an mil quatre cens & vn, fut mis en deliberation d'enuoyer que-^{L'an mil qua-}
rir en Angleterre madame Ysabeau de France, laquelle estoit encore ieune pucelle (car ^{tre ces & vn.}
le Roy Richard n'auoit point couché avec elle) & y fut enuoyé le Seigneur de Hugue-
uille, & vn maistre des requestes, nommé maistre Pierre Blâchet, ausquelz elle fut pour
lors refusée: & fut aucune renommée que les Anglois auoient faict empoisonner les-
dictz Ambassadeurs: quoy que soit ledict Blanchet y mourut, & ledict de Hugueuille
vomissoit iusques au sang: toutesfois il guerist, & s'en reuint en France: mais tantost
apres les Anglois, cōgnoissant que ce ne leur seroit pas honneur de retenir ladicte Roy-
ne, l'amenerent à Calais, & le firent sçauoir au Roy, qui y enuoya l'Euesque de Char-
tres, messire Vvaleram, Comte de saint Paul, le Seigneur de Longueuille, & autres, aus-
quelz elle fut baillée & liurée. Aussi furent enuoyées pour la receuoir honnestement les
Dames de Montpensier & de Luxembourg: & firent les Seigneurs d'Angleterre, qui ^{La Roynie de}
là estoient venus, à ladicte Dame & à ses Damoyelles & seruiteurs de beaux dons: puis ^{Angleterre,}
s'en retournerent, & ladicte Dame fut amenée à Paris, ou le Roy son pere la receut: & ^{filles de France,}
en venant passa par Abbeuille, ou le Duc de Bourgongne alla au deuant, & la festoya ^{fut ramené}
grandement: puis s'en retourna ledict Duc en son pais d'Artois. ^{viierge à son}
^{pere.}

*Comment la hayne secrette d'entre les Ducz d'Orleans & de
Bourgongne, se manifesta.*

A Vdict an monseigneur Loys Duc d'Orleans, frere du Roy, partit de Paris,
& alla iusques à Mozon, accompagné de bien cinq cens laces: & là feit &
iura alliance avec le Duc de Gueldres, qui y estoit venu, & auoit bien au-
tant de gés, & l'amena iusques à Paris: & pource qu'il n'en auoit point par-
lé aux Ducz de Berry & de Bourgongne, ses oncles, ilz en furēt fort cour-
roucez & mal contens, & fort en murmurèrent, mesmement le Duc de Bourgongne:
& y eut de grandes & estranges manieres tenuës entr'eux, tellement qu'on apperce-
uoit bien deslors qu'il y auoit entr'eux de grande haine mortelle: mais toute la princi-
pale haine ne venoit que par l'ambition du gouuernement du royaume, & par especial
des finances: & de faict manderent & assemblerent chascun d'eux grandes armées de
gens de guerre, qui tous tirerent es enuironz de Paris, ou ilz faisoient de grands maulx.
Finablement le Duc de Berry s'entremet de faire la paix d'entre eux, & furent r'en-
uoyez leurs gens d'armes: & les feit tous deux aller disner en son hostel de Neelle, & fu-
rent d'accord, & baisèrent l'un l'autre, & firent promesses & grand serment d'auoir
tousiours bonne paix & amytie ensemble, mais elle ne dura gueres.

Du debat qui estoit entre les Princes, pour le gouuernement des finances.

L'AN de grace mil quatre cens & deux, y eut de rechef debat entre les ^{L'an mil qua-}
Princes de France, mesmement entre les Ducz d'Orleans & de Bourgon-^{tre cens &}
gne, pour le gouuernement du royaume: car quand le Roy estoit en santé, ^{deux.}
il disoit qu'il vouloit que ledict Duc d'Orleans, son frere, eust le gouuer-
nement & administration de tous les faictz du royaume, tant des finances
qu'autrément: lequel Duc, ayans prins ledict gouuernement, feit mettre sus vne grande
taille & ayde, & tellement qu'il vouloit que les gens d'Eglise payassent imposition. A
quoy l'Archeuesque de Reims s'opposa pour luy, & pour tous ses adherens: l'Archeuef-
que de Sens excommunia tous ceux qui le contredisoient & empeschoient: & y auoit de
grāds brouilliz. D'autre part les Ducz de Berry & de Bourgongne disoient & publioient
qu'ilz n'en estoient point consentans. Le Roy tantost apres fut malade: & tout incont-
inent tous les autres Seigneurs esleurent le Duc de Bourgongne, pour auoir le gouuer-
nement, disans que ledict Duc d'Orleans estoit trop ieune d'aage, & qu'il auoit mieux
besoing d'estre gouuerné, que de gouuerner. Parquoy ledict Duc de Bourgongne print
ledict gouuernement: & incontinent qu'il l'eut, il voulut semblablement trouuer façon
& maniere d'auoir argent, & meit sus tailles & aydes, & ne voulut souffrir que ledict
Duc d'Orleans en eust aucune administration: & pour trouuer promptement argent il
feit leuer & ordonner commissions extraordinaires, pour reformer toutes manieres de
gens qui auoient eu gouuernement du Roy, & par especial ceux qui auoient gouuer-
né & manié les finances, iusques sur les gens d'Eglise: & vouloit prendre sur ceux qui a-
^{Du Duc de}
^{Bourgongne,}
^{qui fut esleu}
^{gouuerneur}
^{du royaume}
^{de France,}

LES CRONIQ. ET ANNALES DE FRANCE

uoient eu aucuns dons ou biens-faiçtz du Roy oultre les gaiges, ou prins les gaiges de diuers Officiers. Parquoy en vint de grandes plainçtes, & iusques à la chambre du Conseil: & allerent deuers luy messire Guy Archeuesque de Reims, grand notable homme, & autres: lequel Archeuesque se vint opposer à toutes ces choses, & apres luy tout le monde s'opposa. Quand il veid ainsi tout le monde crier contre luy, il cessa de son intention, & de faire executer ladicte commission: & enuiron le moys de Iuin, le Roy fut de rechef surprins de sa maladie: & pource que toute autorité est impatiente de compaignon, & ne le peut souffrir, on craignoit que lesdictz deux Ducz, demenez par les esguillons d'enuie, ne se descordassent: si fut de rechef ordonné au Conseil, auquel estoient la Royne & les Ducz de Berry & de Bourbon, que lesdictz deux Ducz d'Orleans, & de Bourgongne, cesseroient d'vser de l'autorité & du gouuernemēt du royaume, iusques à ce que le Roy eust receu sa santé.

Toute autorité est impatiente d'auoir compaignon.

De la desconfiture de sept Anglois, qui combattirent en champ contre sept François.



* al. Morauie.

* Tous ces nōs se trouuent un peu autres en vieil exemp. & ailleurs: mais c'est peu de cas pour cela.

Vand le Duc d'Orleans veid qu'il n'auoit plus lediçt gouuernement, il feit semblant & publia qu'il ne luy en challoit (combien qu'il luy en feit grand mal) & s'en alla à la Duché de Luxembourg, qu'il auoit nouuellement acquise du Roy de Boësmē, qui l'auoit deuant engagée au Marquis de Moriane,* là ou il fut honnorablemēt receu: & quand il fut là, il trouua qu'il y auoit guerre entre le Duc de Lorraine & ceux de Metz, & y alla & les meit d'accord, & si gouerna tellement qu'il y eut profit & honneur. En ce temps vn vaillant Cheualier, nommé messire Iehan de Harpedanne, Seigneur de Belleuille, & Seneschal de Xaintonge, feit sçauoir au Roy qui estoit à Paris, & aux grands Seigneurs, qu'il y auoit en Guyenne sept Anglois fort vaillans gens, & renommez en guerre, lesquelz faisoient sçauoir à tous François, que s'il y en auoit autant qui les voulsissent cōbatre, ilz estoient prestz pour l'amour de leurs dames de les combattre: & estoient les noms d'iceux Anglois, le seigneur del'Escale, * messire Aymond Cloier, Iehan Haron, Richard Vite-naille, Iehan Flory, Thomas Thahis, & Robert d'Escalles. Cecy fut publié par toutes les cours & contrées de France: & ce venu à la congnoissance de ceux qui estoient en la court de monseigneur le Duc d'Orleans, furent sept qui entreprendrent lediçt voyage, mais à grand' peine peurent ilz auoir congé. Finablement ilz y allerent: c'est à sçauoir, messire Arnault, Guillem, Seigneur de Barbazan, messire Guillaume du Chastel, messire Colinet de Brabant, messire Guillaume Bataille, Archambault de Corroise, & Champaigne, tous vaillans Gentilz-hommes, & se rendirent deuers lediçt Seneschal de Xaintonge: & estoit lediçt seigneur de Barbazan Chef, & des Anglois, le seigneur de l'Escale: & fut la iournée prinse au dixneufiesme iour de May, auquelz tous comparurent bien ordonnez ainsi qu'au cas appartient. Au matin apres qu'ilz eurent ouy messe & receu le corps de Iesus Christ, au moins les François, lediçt Seigneur de Barbazan les enhorta de bien besongner & de garder leur honneur, en leur demonstrent la vraye querelle que le Roy auoit contr'eux, & qu'ilz n'eussent pas regard aux Dames, ne pour acquerir la grace du monde, mais seulement pour eux deffendre, avec autres bonnes parolles qu'il leur deit: & incontinent entrerent au champ en grande & fiere maniere, tant d'un costé que d'autre: & apres que le Herault eut crié, par le commandement dudiçt Seneschal, ilz commencerent à frapper de grands coups de haches, & finalement les Anglois furent desconfitz, & y mourut messire Robert d'Escalles, & se rendirent tous les autres aux François.

Du mariage de la Duchesse de Bretagne au Roy d'Angleterre, & des deffiances du Duc d'Orleans audict Roy d'Angleterre.

EN ce temps la Duchesse de Bretagne, veufue du feu Duc Iehan, qui fille estoit du Roy de Nauarre, se maria à Héry de Lancastre, nouveau Roy d'Angleterre, laquelle auoit trois filz du feu Duc: c'est à sçauoir Iehan l'aîné, qui auoit fiancé vne des filles du Roy Charles, Richard le second, & Artus le tiers, lesquelz elle vouloit mener en Angleterre: & ce vint on hastiuement dire au Roy & au Duc de Bourgongne, qui auoit esté ordonné curateur desdictz enfans: lequel Duc alla incontinent en Bretagne, & print

print lesdictz enfans, & les amena tous trois en France. Audiſt an le Duc d'Orleans enuoya deffier ledict Roy d'Angleterre: & par les lettres de deſſiâce, il luy eſcriuoit les cauſes parquoy: qui eſtoient en effect qu'il le chargeoit d'auoir occis & faiſt mourir le Roy Richard ſon naturel Seigneur, & n'auoit pas honnoré ſa niepce, veufue dudiſt Richard, ains ſ'auoit deſnuée de ſon douaire, & deſpouillée de ſes ioyaux, dôt ledict Roy fut moult courroucé, & luy feiſt dire qu'il n'eſtoit pas vray ce qu'il diſoit, & qu'il en auoit menty, & enuoya audiſt Duc d'Orleans autres lettres de deſſiance. Le vingt & huiſtième iour de Feurier audiſt an mil quatre cens & deux, fut né mōſeigneur Charles, filz dudiſt Roy Charles ſixième, & de dame Yſabeau de Bauieres: lequel depuis fut Roy apres la mort de ſon pere, par ce que ſes freres aiſnez eſtoient tous mortz, comme ſera cy apres declairé. Audiſt an meſſire Loys de Sancerre, Conneſtable de France, mourut: lequel pour les vaillāces qu'il auoit faiſtes en ſon temps fut enterré en la Chapelle, & à la dextre main du Roy Charles le Quint, diſt le Saige: & apres ſon trespas fut par election du Roy & des Princes faiſt Cōneſtable meſſire Charles d'Albret, Comte de Dreux, Seigneur de Sully & de Craon: lequel reſſuſa l'office pluſieurs fois, mais à la fin il l'accepta: & bailla le Roy de ſa main leſpée au Duc d'Orleans, ſon frere, qui la luy ſeignit és preſences des Ducz de Berry & de Bourgōgne & de Bourbon, ſes oncles, au iardin de l'hoſtel ſainſt Paul à Paris: & là feiſt ledict d'Albret le ſerment dudiſt Office és mains de meſſire Iehan de Corbie, Chancelier de France. En celle année le Duc Philippe de Bourgōgne, oncle du Roy, feiſt le mariage d'Anthoine ſon ſecōd filz (lequel filz fut depuis Duc de Brabant) avec la ſeule fille de Vvaleran, Comte de S. Paul, & de Mahault ſœur du Roy d'Angleterre.

L'an mil cccc.
& deux.
De la natiuité
du Roy Char-
les ſeptième.

Le ſeigneur
d'Albret fut
faiſt Conne-
ſtable de
France.

D'une courſe que feiſt en Guyenne, ſur les Anglois, le Conneſtable d'Albret.

L'An mil quatre cens & trois, partit le Conneſtable d'Albret, & vne noble compagnie avec luy, nombrée à mil cinq cēs Cheualiers, avec les gēs de traict, pour aller en Guyēne, faire guerre aux Anglois & meit ſiege à vn fort Chaſtel eſtāt en Lymoſin, nommé Carbaſin, que tenoient les Anglois, & faiſoient moult de mal au païs, & le print par force, & pluſieurs autres places en Guyenne: & auoit avec luy les Comtes de Tōnerre, de Breſne, de Roucy, le Seigneur de la Rochefoucault, le ſeigneur de Belleuille, le gouuerneur de la Rochelle, meſſire Iehan de Grauille, Seigneur de Montagu, & pluſieurs autres Seigneurs: & ne trouuerent pas ledict Conneſtable, & ceux de ſa compagnie grande reſiſtance, par ce qu'en ce temps auoit grand different entre les Seigneurs d'Angleterre, pour la mort du Roy Richard qui auoit eſté tué. Apres ledict voyage s'en retourna ledict Conneſtable deuers le Roy, à Paris. * En celle année vint vers le Roy vne grande & ſolennelle Ambaſſade, de par ceux de Gennes, & apporterent la carte blanche, pour faire les lettres du don qu'ilz faiſoient au Roy de la ſeigneurie dudiſt Gennes, en telle forme qu'ilz plairoit au Roy, & accepta le Roy ladiſte donation: & aucun temps apres enuoya meſſire Iehan le Meingre, diſt Bouciquault, Mareſchal de France, pour en prēdre la poſſeſſion, & en eſtre ſon Lieutenant: car c'eſtoit vn ſaige & vaillant Cheualier, & qui gouerna ledict païs, tellement que ſ'authorité du Roy y fut grandement gardée, non pas ſeulement audiſt Gennes, mais par toutes les Itales, & allerent avec luy pluſieurs vaillans Cheualiers & Eſcuyers François.

L'an mil cccc.
& trois.

* Le vieil
exemplaire ne
en a rien en
ce lieu cy, ſou-
teſſois il me
ſemble qu'il
eſt mieux que
par cy deuant

De l'appoinctement faiſt ſur le debat des Ducz d'Orleans & de Bourgongne, touchant le gouuernement du royaume.

EN L'AN mil quatre cens & quatre, ſe meut de rechef grande diſſenſion & debat entre les Ducz d'Orleans, frere du Roy, & Philippe de Bourgongne, ſon oncle, pour cauſe du gouuernement du royaume, que chaſcun d'eux vouloit auoir, meſmement touchant l'adminiſtration des finances: & feirent venir lesdictz deux Ducz entout Paris chaſcun grandes armées de tous leurs païs, amys & alliez: & ſe trouuerent à ceſte aſſemblée des deux coſtez bien dix mil Cheualiers & Eſcuyers, tant du royaume de France, que des païs voyſins: mais à la bōne ayde des Seigneurs du ſang, & autres gens du cōſeil furent

L'an mil cccc.
& quatre.

LES CRONICQ. ET ANNALES DE FRANCE.

d'accord les deux parties, parmy ce q̄ le gouuernemēt du royaume seroit fait & tenu par les Seigneurs du sang tous ensemble, & ausi de la Roïne, & ne dura le debat que quinze iours, à la bonne diligence qui y fut mise: & s'en retournerent les gens d'armes chascun en sa maison. Et en faisant ledict accord feirent plusieurs mariages: c'est à sçauoir le mariage de Charles, filz dudit Loys, Duc d'Orleans, & de l'aînée fille du Roy nommée Ysabeau, sa cousine germaine (laquelle, comme dessus a esté dict, auoit esté mariée au Roy Richard d'Angleterre) & semblablement celuy de monseigneur Loys, Duc de Guyēne, Dauphin de Viennois, aîné filz du Roy de France, à la fille de Iehan Comte de Neuers, aîné filz du Duc de Bourgongne, nommée Marguerite: & ausi fut fait le mariage du second filz du Roy nommé Iehan, Duc de Touraine, & de la seule fille du Duc Guillaume de Bauieres, Côte de Henault: & fut ausi fait le mariage du Duc Iehan de Bretagne, & de la seconde fille du Roy nommée Marguerite: lequel Duc estoit bien ieune, & l'auoit amené le Duc de Bourgongne, par le consentement des Barōs de Bretagne, pource que la Duchesse sa mere, qui estoit sœur du Roy de Nauarre, s'estoit de nouuel mariée à Henry de Lanclastre, Roy d'Angleterre, comme dict est dessus, sans le consentement du Roy & desdictz Barons: & tantost apres ledict Duc de Bourgongne s'en alla en ses païs.

Du trespas du Duc Philippe de Bourgongne.

*L'an mil cccc.
& cinq.*

Des Chartreux de Dy-ion que fonda le Duc Philippe de Bourgongne.



An mil quatre cens & cinq, trespasla ledict Duc de Bourgongne, qui fut appelé Philippe le Hardy, & fut sō corps enterré à nostre dame de Haux en Brabāt, & son cœur aux Chartreux de Dy-ion, qu'il fōda en son viuāt: & tātost apres son filz aîné, nommé Iehan, Comte de Neuers, vint à Paris deuers le Roy, & luy feit hommage de la Duché de Bourgōgne, & autres terres qu'il tenoit de luy: & luy estant à Paris par mauuais rapport & conseil s'engendra grande haine entre monseigneur le Duc d'Orleans, frere du Roy, & ledict Duc Iehan de Bourgongne, par ambition du gouuernemēt, dont depuis sont aduenus grās maulx en France. Item en celle diēte année le Marechal Bouciquault, qui estoit gouuerneur de Genes pour le Roy, s'en partit dudit Genes par l'ordonnance du Roy, pour venir en France, & laissa messire Gilbert, seigneur de la Fayette (qui estoit vaillant Cheualier, & fut depuis Marechal de France) son Lieutenant general: lequel gouverna tresbien la seigneurie de Genes, en l'obeissance du Roy, & depuis s'en partit pour aller estre Gouverneur & Poteſtat de Milan, pour le Roy: & laissa audict Genes, en son lieu, vn Cheualier d'Auuergne, nommé Chauleron, lequel par sa simpleſſe fut tué à Genes, & se rebellerēt les Geneuois contre le Roy: & aucuns d'eux des principaulx se feirent Ducz & Gouverneurs. En celle année fut par appointement fait mis es mains du Roy la ville de Cherebourg, que tenoit Charles Roy de Nauarre, qui lors estoit venu à Paris: moyennant qu'on luy promet bailler recompense de ladiēte ville & des Comtez d'Eureux, Mortaigne & Conſtentin, qu'il pretendoit à luy appartenir: & pour ladiēte recompense luy fut baillée la seigneurie de Nemours en Gaſtinois, qui fut par ce erigée en Duché, & autres terres & seigneuries y furent adioustées. En ce temps ledict Duc d'Orleans s'en alla en la Duché de Luxembourg, qu'il auoit acquise, & y conquist & print certaines places, comme la ville de Mommedie, Yury, Danuiller & Ochimont, en intention d'acquerir terres en Allemagne, pour paruenir à estre Empereur. Puis s'en vint à Paris, & s'en alla en Auignon, pour ayder au Pape de la Lune, contre l'Vniuersité de Paris, qui le vouloit deposer.

La seigneurie de Nemours erigée en Duché.

Des condamnations faictes contre Sauoisfy.

*L'an mil cccc.
& cinq.*



Vdiēt an mil cccc. & v. le Page d'vn Cheualier nōmé messire Charles de Sauoisfy, en retournāt d'abbreuuer vn cheual, cheuauchāt le lōg de la ruē derriere S. Anthoine de Paris, ainsi que la procession de l'Vniuersité passoit, par son cheual esclabora de la bouē contre vn Escolier, qui pour ceste cause frappa ledict page, ce qu'on alla incontinent dire au gens dudit Sauoisfy, en sa maison, qui estoit pres ladiēte ruē: & d'icelle maison en sortit aucuns embastonnez, qui poursuyrent lesdictz Escoliers iusques en l'Eglise ſainte Catherine du Val des Escoliers: & y eut vn desdictz seruiteurs q̄ tira plusieurs fiesches, & en tira vne de la porte de ladiēte Eglise iusques au grād autel, ou on chantoit la messe, dont ladiēte Vniuersité feit grande poursuyte. Et pource que ledict

que lediſt Sauoiſy, qui auoit lors grand' authorité, & eſtoit Threſorier de France aduoua ſediſtes gens, & luy ſembloit que nul ne luy pouuoit nuyre, il fut banny du royaume de France, & ſa maiſon rafée & abbatuë, & luy excommunié : lequel ſ'en alla en Auignon deuers le Pape Benedic, qui l'abſolut, & arma quatre gallées, & alla faire guerre aux Sarrazins, ou il gaigna moult grandes cheuances, puis ſ'en retourna à Paris, & fut ſa paix faiſte, & r'appelé, & feit refaire ſa maiſon : mais elle ne fut pas parfaicte, pour les empelchemens que luy feirent ceux de ladiſte Vniuerſité de Paris : & feit auſſi ædifier par les Sarrazins qu'il auoit amenez d'oultre mer, vn bel & gent chaſtel, nommé Saingnelay, pres Auxerre.

La maiſon de Sauoiſy, derrière S. Anthoine fut abbatuë & eſt celle du Threſorier Morlet.

D'un autre appointement, qui fut faiſt entre les Ducz d'Orleans & de Bourgongne.

EN l'an mil cccc. & ſix, la Royne Yſabeau de Bauieres, & monſieur le Duc d'Orleans, à belle compagnie ſe partirent de Paris pour aller à Melun à la chaſſe, & donnerent charge au Duc de Bauieres, frere de ladiſte Royne, d'amener apres eux monſieur le Duc de Guyenne, Daulphin ainſné filz du Roy, & madame Marguerite ſa femme, qui fille eſtoit du Duc de Bourgongne. Or fut ainſi qu'aucuns ſedicieux de Paris manderent audiſt Duc de Bourgongne, haſtiuement, que la Royne & le Duc d'Orleans ſ'eſtoient partis de Paris, & emmenoient avec eux monſieur le Daulphin & madame ſa femme, & qu'ilz auoient ſceu qu'ilz ſ'en alloient, & les emmenoient en Allemagne : & tout incontinent lediſt Duc de Bourgongne, qui eſtoit en la ville d'Arras, à ſon de trompe aſſembla ſes gens, leſquelz monterent incontinent à cheual. Quand il fut à Paris, il trouua que tout eſtoit party, & tira apres, & trouua à Iuuiſy, entre Paris & Corbeil, monſieur le Daulphin, & madame ſa femme, que le Duc de Bauiere, le Marquis du Pôrt, filz du Duc de Bar, le Comte Dampmartin, & le grand Maïſtre d'hoſtel, nommé Môtagu, emmenoient apres la Royne, leſquelz il feit ramener à Paris, & les feit loger au Louure, & luy meſmes y logea. De ceſte choſe ſourdit grand murmure pour les partialitez qu'auoit le Peuple de Paris au deux Princes. Le lendemain ceux de l'Vniuerſité de la ville de Paris, allerent deuers lediſt Duc de Bourgogne, & le louerent, & mercierent de ce qu'ilz auoit faiſt, & qu'ilz ſçauoiēt bien qu'il procedoit de bonne affectiō, en le priant qu'il vouluſt perſeuerer en ſon propos. Le Dimenche enſuyuant, lediſt Duc de Bourgongne ſe deſlogea du Louure, & ſ'en alla loger en ſon logis d'Artois, que on dit l'hoſtel de Bourgongne pres les Halles : & par les ruës feit faire de grandes fortifications de paliz de boys à l'entour de ſa maiſon, à fin qu'on ne le peuſt ayſcément ſurprendre : & feit rendre à ceux de Paris leurs chaines, qui parauant leur auoient eſté abatues & oſtées, dont il acquiſt grandement la grace des Pariſiens. Le chaſtel du Louure demoura en la garde de meſſire Jehan Dagiennez, & la Baſtille ſainct Anthoine és mains du grand maïſtre d'hoſtel Montagu : & le Duc de Guyenne fut au gouuernement du Duc de Berry, par ordonnance de ceux du conſeil du Roy. Ces nouuelles venuës à la congnoiſſance de la Royne & de monſieur d'Orleans, ilz en furent bien courrouceez, non ſans cauſe. Lors lediſt Duc d'Orleans māda de toutes pars Seigneurs & gens, ſes allies, & tous ſes bons amys, qu'ilz vinſſent à ſon ſecours, en leur faiſant ſçauoir que le Duc de Bourgongne auoit oſté des mains de la Royne, par force & violence, monſieur le Daulphin ſon filz, & le vouloit mener ou bon luy ſembloit : & tout incontinent vindrent & furent à ſon ayde le Duc de Lorraine, le Comte d'Alençon, le Marquis du Pont, filz du Duc de Bar, le Comte d'Armignac, le Côte de Clermont, filz ainſné du Duc de Bourbon, le Comte du Perche, le Comte de Harecourt, le Vicomte de Chaſtellerault, le Seigneur de Beaumont, & pluſieurs Nobles, & grands Seigneurs, iuſques au nombre de cinq à ſix mille Cheualiers & Eſcuyers : & porterent ceux du party du Duc d'Orleans, eſcrit au bout de leurs lances, par deuïſe : Je ſenuie : & ceux du Duc de Bourgongne portoient ſemblablement en leurs deuïſes au bout de leurs lances, eſcrit en Flament, Hic houd, qui en François eſt à dire, Je le tiens. Et auoit lediſt Duc de Bourgogne de ſa part bien autant de gens, c'eſt à ſçauoir l'Eueſque du Liege, le Côte de ſainct Paul, le Prince d'Orenge, le ſeigneur de Vergy, Mareſchal de Bourgongne, & pluſieurs autres, qui tous eſtoient logez en l'Iſle de France. Le Duc d'Orleans amena la Royne au boys de Vincennes : incontinent ſe meirent ſur les champs, & les gens

L'an mil cccc. & ſix.

Des chaines de fer, qui furent rendues à ceux de Paris, pour eſtre rendues par les ruës.

La deuïſe du Duc d'Orleans, & celle du Duc de Bourgongne.

LES CRONIQ. ET ANNALES DE FRANCE.

dudiſt Duc de Bourgongne ſ'allerent monſtrer en bataille deuant eux , au deſſus de Montfaucon:& ceux de la ville de Paris ſ'armerent , & porterent au Duc de Bourgongne toute la faueur qu'ilz peurent,tellement que lès deux puiffances eſtoient bien pres l'vne de l'autre . Pluſieurs ſe trauaillerent de toutes pars à faire l'appoinctement : car le Duc de Bourgongne auoit gaigné le peuple de Paris,& leur donnoit à entendre que iamais ilz ne payeroient nulles malletotes,aydes,ne ſubſides . Le Chancelier du Roy , & autres gens ſages de conſeil, voyans le trouble qui eſtoit,allerent en l'hoſtel d'Aniou ou eſtoit le Roy de Cecille,Duc d'Aniou,les Ducz de Berry & de Bourbon,& tant trauaillerent que l'appoinctement fut faiſt entre les Ducz:& ſe baiſerent l'vn l'autre par alliance . Le lendemain allerent querir la Royne au boys de Vincennes,ou elle eſtoit venue,& ſamenerent à Paris en grand' triumphe : & eſtoit le Duc d'Orleans à la dextre de la liſtiere,& le Duc de Bourgongne à la ſeſtre : & par l'appoinctement faiſant , le Duc d'Orleans deuoit aller mener la moytié de l'armée contre les Anglois en Guyenne,dont il fut faiſt Gouverneur , & l'autre le Duc de Bourgongne à Calais , & luy fut baillé le gouvernement des païs de Picardie,& fut faiſte vne moult grand' taille par le royaume,qui mōta en principal deux cens mil vieilz eſcuz,dōt chaſcun deſdictz Ducz eut cent mil pour la conduicte de la guerre : & alla le Duc d'Orleans en Guyenne , & voulut mettre le ſiege deuant le chaſtel de Blaye,ſur Gironde:mais à la priere de la dame,qui luy promet ſa ville rendre ſi toſt que de la ville de Bourg , qui eſt à deux lieues pres,ſur la riuere de Gironde, auroit obeïſſance,il paſſa oultre , & meit le ſiege deuant Bourg,ou il fut long temps . Pendant lequel meſſire Clinet de Brabant , Admiral de France,amena grand' nauire de France,ſur ladiſte riuere de Gironde,pour empeschier que ceux de Bourdeaux n'aitaillaïſſēt Bourg : & vn iour les nauires de Bourdeaux eurent bataille audiſt Admiral,qui perdit vne de ſes nefz,ou furent prins les ſeigneurs de Bracquemont & de Garancieres:mais à la fin furent les Anglois deſconfitz , & furent prins le Maire de Bourdeaux , & autres grands priſonniers:& pour le temps d'hyuer qui fut fort pluuieux,fut lediſt Duc contrainſt ſoy leuer & retourner ſans riens faire, dont luy deſpleut forment.

Du Duc de Bourgongne qui eut cent mil eſcus vi- eux pour fai- re guerre aux Anglois de Calais,ce qu'il ne fit.

Quand au Duc de Bourgongne ſi toſt qu'il eut l'argent qu'il deuoit auoir : il ſ'en alla en ſes païs , & n'en ſe fit nulles guerres aux Anglois , fors qu'il meit aucunes garniſons : & tātōſt apres vindrent en France aucuns Ambaſſadeurs du Roy Henry d'Angleterre , qui requirerent & demanderent à auoir trefues marchandes entre les deux royaumes,& à grand' instance requirēt que madame Yſabel, fille ainſnée du Roy, qui parauant auoit eſté femme du Roy Richard d'Angleterre,qui eſtoit fiancée à Charles,filz du Duc d'Orleāſ,leur fuſt octroyée à femme,pour le filz ainſné dudiſt Roy Henry d'Angleterre,promettant que ſi toſt que lediſt mariage ſeroit conſommé,lediſt Roy Henry d'Angleterre,laiſſeroit le royaume à ſon filz , & le feroit couronner:leſquelles requestes furēt longuement debatues au conſeil du Roy, mais pour les fraudes qu'on auoit trouuées auſdictz Anglois elles ne leur furent point octroyées : & auſſi le Duc d'Orleans auoit ia accordée & fiancée ladiſte Yſabel, en mariage , pour lediſt Charles ſon ainſné filz:& ſ'en retournerent leſdictz Ambaſſadeurs,ſans riens faire: ſi fut guerre ouuerte entre François & Anglois,plus fort que deuant . En celuy an de nuiſt enuiron viij. heures,veille du iour de ſan , en la ville de Paris,meſſire Iehan de Grauille, ſeigneur de Montagu , barit meſſire Geoffroy le Maingre , diſt Bouciquault,pour ce qu'à ſéblable iour,ſan precedent,lediſt Bouciquault auoit baillé ſur la ioué audiſt de Grauille,par ialouſie d'vne damoyſelle de l'hoſtel de la Royne,nōmée Charlotte la Cochette,de laquelle ilz eſtoiēt tous deux amoureux:& touſiours depuis lediſt de Grauille diſoit qu'il ſ'en végeroit auāt que ſan fuſt hors. Audiſt an furent les Prelatz de France aſſéblez à Paris , pour le diſcord qui eſtoit en l'Egliſe,à cauſe des deux contendans à la Papauté:& fut ordōné au cōſeil du Roy,que tous les benefices des Royaume de Daulphiné ne fuſſent dōnez par leſdictz cōtendans,mais fuſſēt dōnez par les patrons & colateurs ordinaires:& qu'aucunes finances qu'on auoir accouſtumé porter en la chambre Apoſtolique,n'y fuſſent portées,ainſi que iadis auoit eſté faiſt auāt les reſeruations faiſtes par le Pape Clement,ſixieſme du nom.Tantōſt apres Gregoire, Pape Romain, enuoya ſes Ambaſſadeurs deuers le Roy,& l'Vniuerſité de Paris,diſant qu'il eſtoit preſt de ceder la Papauté , & faire tout ce qu'on aduiſeroit pour paruenir à l'vniō de l'Egliſe , moyennant que Benedic ſon aduerſaire le vouliſt ſemblablement faire,parquoy le Roy & ladiſte Vniuerſité enuoyerent deuers lediſt Benedic qui lors ſe tenoit à Marſeille

Deſenſes de ne porter or, n'y argēs des parties de France,à la chambre Apoſtolique.

à Marseille, luy remontrer ce qu'offroit ledict Gregoire, & le sommer d'ainſi le faire, autrement s'il eſtoit deſobeiſſant ilz eſtoient deliberez de faire ſubſtraction: mais iceluy Benedic en amuſant les Ambaſſadeurs du Roy, leur uſa long temps de diſſimulation.

De l'ordonnance faiſte ſur les priuileges de l'Egliſe de France.

EN ladiſte année mil quatre cēs & ſix, pource que le Pape & les Cardinaulx, *L'an mil ccc. & ſix.* venans contre les ſainctz decretz, & ordonnāces des treſglorieux Roys de France, s'eſſorçoient de faire pluſieurs exactions & uſurpations contre les libertez de l'Egliſe Gallicane, ledict Roy Charles ſixieſme, par la deliberation des Princes & Seigneurs de ſon ſang, & des Prelatz & Clergé de France & Dauphiné, pour ce aſſemblez, ordonna que ladiſte Eglife ſeroit reduiſte, & la reduiſit à ſes libertez & anciennes franchiſes, & qu'elle ſeroit en icelle perpetuellement maintenue & gardée: & fut ladiſte ordonnance enreſtrée en la court de Parlement, en l'année enſuyuant mil quatre cēs & ſept.

Comment le Duc de Bourgongne feit tuer le Duc d'Orleans, en trahyſon.

L'AN mil quatre cēs & ſept, s'en retournèrent les Ducz d'Orleans & de Bourgongne, à Paris: & apres leur retour commencerent ſecrettement à *L'an mil ccc. & ſept.* murmurer l'un contre l'autre, comme deuant, pour raiſon du gouvernement du royaume: & tantost apres print vne griefue maladie au Duc de Orleans, lequel ſe feit porter au chaſtel de Beauté ſur Marne, pres le boys de Vincennes, ou les ſeigneurs ſalloient veoir ſouuent: & environ la Touſſainctz recouura guerison, & s'en vint à Paris deuers le Roy, qui à celle heure eſtoit en bon propos, & demandoit à toute heure à veoir ſondict frere, le Duc d'Orleans, Quand il fut deuers luy venu, il deit preſent le Duc de Bourgongne, qu'il vouloit que ledict Duc de Orleans euſt le gouvernement du royaume, dont ledict Jehan Duc de Bourgongne, ne fut pas content, combien qu'il n'en monſtraſt pas le ſemblant: & pour mettre ſa haine à exécution, aduint qu'un iour de Mecredy, veille de la feſte ſainct Clement, vingt & deuxieſme iour de Nouembre, le Duc d'Orleans environ de ſept à huit heures du ſoir, ſe partit de ſa maiſon, pres l'hoſtel de ſainct Paul, pour aller veoir la Roynie, qui eſtoit en l'hoſtel de la Barbette, accouchée d'un filz, qui ia eſtoit treſpaſſé: & luy eſtant audict hoſtel vint deuers luy un nommé Thomas de Courtenſi, varlet de chambre du Roy, qui auoit intelligence au Duc de Bourgongne, & luy deit: Monſeigneur, venez au Roy, car il vous demande haſtiuement. Si s'en partit le Duc d'Orleans, & monta à cheual: & ainſi qu'il s'en retournoit, luy eſtant pres la porte Barbette, deuant l'hoſtel du Mareſchal d'Eureux, pres un puy, qui eſtoit en la rue, ſaillirent d'une maiſon aucunes gens embaſtonnez, deſquelz eſtoit le chef & conducteur un nommé Raoulet d'Antonuille: leſquelz ſans mot ſonner frapperent ſur ledict Duc d'Orleans, & tellement qu'ilz le ietterent à terre, de deſſus ſa mulle; & du premier coup qu'ilz luy baillerent luy couperent la main dont il tenoit l'arſon de ſa ſelle: & lors qu'il fut abbatu, un ſien Eſcuyer Allemand, qu'il auoit, cuidant le ſauuer ſe ietta ſur luy, & haultement ſ'eſcria, diſant: C'eſt le Duc d'Orleans, & aucuns d'iceux reſpondirent: C'eſt ce que nous demandons: & *Le Duc d'Orleans fut tué pres la porte Barbette, & ſon Eſcuyer ſur luy.* commencerent à frapper, & à marteler ſur luy, tellement qu'ilz luy eſcartelerent la teſte & perçerent en pluſieurs lieux: & fut ledict Eſcuyer Allemand tué ſur luy. Apres le meurtre accompli s'enfuyrent leſdictz meurtriers, par les rues obliques à l'eſcart, iuſques en l'hoſtel d'Artois, appartenāt audict Duc de Bourgongne: & en fuyant iettoient chauſſetrapes apres eux, à fin qu'on ne les peuſt pourſuyure. Tantost le bruyt fut grād par la ville: le peuple de la rue ſ'aſſembla, & prindrent le corps dudit Duc & ſ'emporterent en vne maiſon. Tantost apres vindrent illec le Roy Loys de Cecille, Duc de Aniou, les Ducz de Berry, & de Bourbon, qui plorerent fort quand ilz le veirent: & ſemblablement y vint le Duc de Bourgongne, qui monſtra auſſi ſemblant de ducil: & apres s'en retournerent chaſcun en ſon hoſtel. Le lendemain au matin fut la main dudit feu Duc d'Orleā, & partie de ſa ceruelle, trouuée ſur les carreaux emmy la rue, qui fut recueillie, & miſe en ſon cercueil. Tantost apres le ſeigneur d'Albret, Conneſtable de France, le Preuoſt de Paris, nommé meſſire Guillaume de Tignonuille, & autres gēs du Conſeil, retournerent en l'hoſtel ou eſtoit ledict corps mort, & le feirent porter en l'Egliſe des Guillemins, autremēt appelez les Blancs mâteaulx: & fut conduit par leſ-

*Les Blancs
manteaulx
au parauant
souloient estre
appelez les
Guillemins.* dictz Roy de Cecille, le Duc de Berry, le Duc de Bourbon, & le Duc de Bourgongne, tous portans le dueil, qui portoient chascun vne torche en leur main: & fut fait vn seruice. Apres le seruice fait le porterent enterrer en l'Eglise des Celestins, en vne chapelle qu'il auoit en son viuant fait faire, moult belle & riche: & à ses piedz fut enterré l'Escuyer, qui auoit esté tué avec luy.

Comment le Duc de Bourgongne s'enfuyt apres la mort du Duc d'Orleans.



APRES l'enterrement fait, les Princes dessusdictz s'assemblerent au Conseil en l'hostel du Roy, à saint Paul, & illec ledict Duc de Bourgongne, & le Chancelier furent ordonnez Commissaires pour faire information dudit crime & meurtre, & le Preuost de Paris, maistre Pierre l'Orfeure, Conseiller dudit feu Duc d'Orleā, & maistre Robert de Tuilliers, Cōseiller du Roy, & Lieutenant dudit Preuost avec eux: & tāt fut par eux enquis qu'ilz trouuerēt qu'à faire ledict meurtre auoit esté vn porteur d'eau de la cuytine du Duc de Bourgongne, lequel s'en estoit allé en l'hostel d'Artois, ou se tenoit ledict Duc de Bourgongne. Or estoit il qu'en ce temps nulz officiers n'osoient prendre vn homme, ne faire quelque execution en l'hostel d'un Prince, sans auoir congé dudit Prince: parquoy lesdictz Commissaires retournerent en l'hostel du Roy, qui estoit lors logé au Louure, ou estoient lesdictz Princes, pour demander congé audit Duc de Bourgongne de pouuoir prendre ledict porteur d'eau en son hostel: & ainsi qu'ilz demandoient le congé audit Duc, le Roy de Cecille, son cousin, apperceut qu'il rougissoit & muoit de couleur, & contenance: parquoy il l'appela à part, & luy demanda s'il scauoit riens de ce fait: lequel en plourant luy deit, que par mauuais conseil il auoit ce fait faire: & lors le Duc de Berry s'approcha d'eux, pource qu'il les veoyt plorer: & tout incontinent le Duc de Bourgongne descendit de la chambre, & en descendant trouua le Duc de Bourbon, lequel venoit au Conseil, qui luy demanda ou il alloit, & il luy deit qu'il alloit pisser de seau. Quand ledict Duc de Bourbon fut monté en la chambre, il trouua lesdictz Roy de Cecille & Duc de Berry, plorans, qui luy conterent tout le fait, lequel leur deit: & pourquoy ne l'avez vous arresté? Le Duc de Berry de rechef se print lors plus fort à plorer, en disant: Helas quelle fortune est-ce cy. Le pers aujourd'huy mes deux nepueux. Lors tous trois se parirēt d'illec, & l'allerent dire au Roy, en la presence de tout le Conseil: & là fut ordonné que le Duc de Bourgongne seroit prins. Ce pendant que ces choses se faisoient, ledict Duc de Bourgongne, qui s'en estoit allé en son hostel d'Artois, monta hastiuement sur vn bon cheual, & vn sien seruiteur seulement sur vn autre, & cheuaucha tellement qu'il alla sans repaistre iusques à Bapaulmes, ou il dormit vn petit: & de là s'en alla à Arras, ou il y a quarante & quatre grandes lieues de Paris: & puis sans delay s'en alla à l'Isle, lez Flandres: & en passant par dessus le pont sainte Maixance, lequel pont est sur la riuere d'Oise, il fit par son homme abbatre & iecter en l'eau aucunes des planches de boys dudit pont, à fin qu'on ne le peust suyuir. Aucuns des gens dudit feu Duc d'Orleans, & autre grand peuple cheuaucherent apres: mais quand il trouuerent ledict pont sainte Maixance abbatu, & qu'ilz sceurent le temps qu'il y auoit passé, & la diligence qu'il faisoit, ilz s'en retournerent. Au temps dudit meurtre la Duchesse d'Orleans estoit à Chasteauthierry, qui appartenoit audit Duc d'Orleans, & avec elle auoit Charles, Comte de Vallois, son aîné filz, & madame Yfabeau de France sa femme, qui parauant auoit esté femme du Roy Richard d'Angleterre: & aussi estoient avec elle Philippe, Comte de Vertuz, & Iehan, Comte d'Angoulesme, ses enfans: lesquelz enfans elle enuoya incontinent en la ville de Bloys, pour estre en seureté, reserué ledict Iehan, Comte d'Angoulesme qu'elle retint avecques elle, & vint à Paris, vers le Roy demander iustice & reparation dudit cas, ce qu'on luy promeist faire le plus brief que faire ce pourroit: & apres ce qu'elle eust fait hommage au Roy, des terres que tenoit son feu mary, elle s'en alla à Bloys avecques lesdictz enfans. Aucun temps apres le Roy de Cecille, & le Duc de Berry, oncles du Roy, allerent de par luy en la ville d'Amiens, ou le deuoit trouuer le Duc de Bourgongne, qui y vint en hault estat, & tenant fieres manieres, disant d'estre aussi content de la guerre que de paix: & feirent tant lesdictz Seigneurs, que pour trouuer voye de paix le Duc de Bourgongne viendroit à Paris deuers le Roy accompagné des gens de son hostel, à certain iour lors ensuyuant. Ce fait

*Du Duc de
Bourgongne
qui ne peut
dissimuler le
meurtre &
homicide du
Duc d'Orleā.*

faict, se departirent lesdictz seigneurs, & s'en vindrent lesdictz Roy de Cecille, & le Duc de Berry, à Paris, & ledict Duc de Bourgogne s'en alla en Flandres deux iours apres. Le Roy estant en son Palais, en la chambre de Parlement, accompagné des Princes & Seigneurs de son sang, feit vn edict, que s'il aduenoit qu'il decedast auant que son filz le Duc d'Aquitaine, Daulphin, fust en aage competant, ce nantmoins il ordonnoit qu'il gouuernast le royaume en son nom, par la deliberation des gens des trois Estarz du royaume, iusques à ce qu'il fust en aage: & s'il aduenoit que ledict Duc d'Aquitaine decedast auant son aage, il vouloit que Jehan son second filz, Comte de de Touraine, luy succedast en ce droit, & pareillemēt Charles, son filz, Comte de Ponthieu, s'il aduenoit que ledict Duc de Touraine mourust.

En celle année fut vn moult grand hyuer, qui dura depuis la feste saint Clement iusques à la Chandeleur, sans degeler: & au degeler les glacions emporterent presque tous les pōts, de Paris (qui fut vn moult grand dommage) & pareillement en toutes les grādes riuieres, ou il fut perdu maintz hommes, femmes & enfans: & plusieurs ponts, moulins, & ædifices abbatuz.

De deux Escoliers que le Preuost de Paris par hastiueté feit pendre, parquoy fut condamné à les faire despendre, & baisser en la bouche.



V moys de Septembre, audict an mil quatre cens & sept, le Preuost de Paris, nommé messire Guillaume de Tignonuille, * feit pendre au gibet de Paris deux Escoliers estudians en l'Vniuersité de Paris, qui auoient tué vn homme: & par hastiueté, à fin que remede ne fust donné à leur fait, les fait pendre de nuit aux torches: dont ceux de ladiete Vniuersité feirent telle pourfuyte, qu'au moys de May ensuyuant conuint que lesdictz deux Clercz fussent despenduz, & que ledict Preuost y fust present en personne, & les baïst en la bouche: & conuoyast luy & ses sergens iusques aux Mathurins, ou ilz furent enterrez.

Les glacions emporterent quasi tous les pōts de Paris.

*L'an mil cccc. & sept. * alias Tignonuille.*

Touchant les Priuileges, de l'Eglise de France.



En celle mesme année mil quatre cens & sept, pource que le Pape Bendic & ses Officiers faisoient en ce royaume plusieurs exactions de pecunes, les Prelatz & gens d'Eglise en feirēt plaincte au Roy, & fut la matiere verilée en la court de Parlemēt: en laquelle comparut l'Vniuersité de Paris, qui proposa grandemēt & notablement de ladiete matiere, & requist que son feist cesser lesdictes exactions. Pareillemēt le requist le Procureur general du Roy, & oultre requist que les pecunes receuēs fussent renduēs & restituées, & qu'inhibitions & defences fussent faictes, que dorefnauant on ne feist telles exactions en ce royaume: à prendre lesquelles conclusions y estoient presens les Officiers de la chambre Apostolique, qui requierent ce que bon leur sembla: & parties ouyes furent appointées au Conseil, & depuis tout veu par ladiete Court, fut dict que toutes exactions annates, vaccans, & ausi decimes, que s'efforçoit de faire leuer en ce royaume ledict Pape, cesseroient: ensemble tous arreraiges que son s'efforçoit de leuer sur tous les subiectz du royaume, & que defense seroit faicte que desdictz arreraiges on ne payast aucune chose, & que ceux qu'on auoit excommuniez, pour ceste cause, seroient relaxez, comme on pourroit veoir par ledict arrest, prononcé audict an, l'vnielme iour de Septembre. Et depuis, iceluy Roy feit vne Ordonnāce conforme audict arrest, & voulut & ordonna qu'iceluy arrest fust gardé, comme Loy, Edict, & Ordonnance perpetuelle: laquelle Ordonnance fut publiée & enregistrée le quinzielme iour de May, mil quatre cens & huit, & consequemment en fut faict vn autre mil quatre cens dix-huit.

De l'arrest qui fut donné contre la chambre Apostolique que au profit de l'Eglise de France.

L'an mil cccc. & huit.

Comment le Duc de Bourgogne vint à Paris, pour soy excuser de la mort du Duc d'Orleans, voulant soustenir qu'il auoit faict bien & saintement, & en obtint remission.



V moys de Feurier ensuyuant ledict Duc de Bourgogne vint en grand orgueil & triumphe à Paris, ou estoit le Roy, & amena grande armée: & vn iour alla en l'hostel du Roy, ou estoient assemblez le Duc de Guyenne, Daulphin, son gendre, aîné filz & representant la personne du Roy son pere, le Roy de Cecille, le Duc de Berry, le Duc de Bourbon, le seigneur

LES CRONIQ. ET ANNALES DE FRANCE.

d'Albret, Connestable, le Chancelier, les Presidens & Conseillers de la court de Parlement, l'Vniuersité, le Preuost des Marchans, & plusieurs autres en tresgrand nombre: & en la presence desquelz le Duc de Bourgongne, pour vouloir soy couvrir & purger de la trahyson & meurtre qu'il auoit commis & perpetré en la personne du Duc d'Orléans fait par maistre Jehan Petit, docteur en Theologie, homme fort eloqué, natif de Normandie, faire vne grande proposition, palliée de mensonges, en faisant plusieurs allegations, tant de droict diuin, qu'humain, Canon, & Ciuil, en les appliquât à son propos, contre leur vray sens & entendement, autrement qu'elles ne se deuoient entendre, contre le feu Duc d'Orléans, le chargeant fort de son honneur, voulant soustenir que de l'auoir fait mourir, il auoit bien & sainctement fait, & que le Roy & le royaume le deuoient remunerer en biens & honneurs: mais là ne fut nul qui respondist, ne soustint la querelle dudit feu Duc d'Orléans. Apres ledict conseil departit iceluy Duc de Bourgongne, qui auoit fait escrire vne remission du cas, telle que bon luy auoit semblé, & alla deuers le Roy, qui pour l'heure estoit malade, & n'estoit pas en bon propos, & luy requist qu'il luy octroyast ladicte remission, sans riens luy dire ne delairer du contenu: lequel non scachant qui estoit en ladicte lettre, ne qu'elle parlaist de la mort de sondict frere le Duc d'Orléans, ne dequoy il luy parloit, à raison de ladicte maladie, dont il estoit à l'heure

La Royne de France emmena le Dauphin hors de court, pour le desordre qui y estoit.

troublé & affligé, là luy octroya: laquelle chose voyant le Roy de Cecille, les Ducs de Berry & de Bourbon, & autres Princes, & que ledict Duc de Bourgongne auoit reprins du tout le gouuernement, & qu'il commençoit à desappoincter Officiers, & mesme tous ceux qui auoient tenu le party dudit feu Duc d'Orléans, ilz se departirent de court, & s'en allerent viure chascun en leur pais. Semblablement la Royne de France, qui moult estoit esmerueillée de ce qu'elle veoyt faire, elle accompaignée de Loys de Bauieres, son frere, emmena monseigneur le Duc de Guyenne, Dauphin, son aîné filz, & ses autres enfans, & allerent faire leur residence à Melun. En ce temps vindrent à Paris deuers le Roy, & l'Vniuersité, aucuns messagiers qui r'apporterent que le Pape Benedic, qui estoit en Auignon, & Gregoire, Rommain, ne vouloiét aucunement faire cesser ne delaisser la Papauté, ainsi qu'ilz auoient promis, mais prolongeoient la besongne par dissimulations frauduleuses, au preiudice de l'Vniuerselle Eglise: parquoy le Roy enuoya deuers ledict Benedic, luy signifier que s'il ne la faisoit, il ne souffrirait plus qu'on luy feist obeissance en son royaume & Dauphiné. Apres ladicte signification, & les Ambassadeurs retournez, ledict Benedic enuoya secrettement vn messagier à Paris, qui vn iour, ainsi que le Roy commençoit à ouyr sa messe, & estoit en son oratoire, luy meit deuant luy lettres, de par ledict Benedic, contenant excommuniement contre le Roy, & ses subiectz: & apres icelles leuës, demanda le messagier qui les auoit presentées: mais il ne fut pas trouué, & s'en estoit ia party, le plus secrettement qu'il auoit peu:

De l'Vniuersité de Paris qui declaira le Pape Benedic heretique & indigne de la dignité Papale.

mais ce neantmoins il fut prins aupres de Lyon. Tantoist apres ceux de l'Vniuersité de Paris, firent en la presence du Roy, plusieurs conclusions, & remonstrances contre ledict Pape: & fut declairé scismatique, voire heretique, & indigne de dignité Papale, & tout ce qu'il auoit fait nul, & qu'à luy ne seroit obey: laquelle chose venue à la cognoissance dudit Benedic, s'en partit de Marseille avec quatre Cardinaulx, & s'en alla en Auignon, & Parpignan.

D'une desconfiture de Liegeois.



'An mil cccc. & huit, au moys de Iuillet, ledict Jehan Duc de Bourgongne, avec ses deux freres, s'en partit de Paris, en grâde indignation de plusieurs des Princes & Seigneurs du royaume: toutesfois la commune de Paris le fauorisoit tousiours: & s'en alla à Arras, mettre en possession de l'Euesché vn Iacobin, son confesseur, qu'il en auoit fait faire Euesque. Puis s'en alla à Gand visiter sa femme: & là

Des Liegeois qui deposerent leur Euesque, pource qu'il ne vouloit chanter messe.

eut nouuelles du Duc Guillaume de Bauieres, Seigneur de Hollande, & Comte de Henault, duquel il auoit espousé la sœur, que les Liegeois s'estoient rebellez contre Jehan de Bauieres, son frere, qui estoit leur Euesque, pource qu'il ne vouloit chanter messe, ne prendre les ordres de prestre: & auoient les Chanoyne esté contrainctz à eslire vn autre Euesque, & auoient esleu vn des Chanoyne, filz du Seigneur d'Espernay, & iceluy enuoyèrent confermer à Romme, & ia auoient lesdictz Liegeois

pour luy

pourfuiuy lediēt Iehan de Bauieres, leur Euesque, iusques en la ville du Trekt, & là Pa-
uoient assiegé, & prioit lediēt Duc de Bauieres audiēt Duc de Bourgongne, qu'il allast
à son ayde. Lediēt Duc de Bourgongne incontinent qu'il le sceut assembla grande ar-
mée, iusques au nombre de cinq ou six mil Cheualiers & Escuyers, & lediēt Duc de Ba-
uieres autre belle armée : & quand ilz furent assemblez ilz entrerent dedans le païs du
Liege, & bouterent les feux par tout ou ilz passoient : & ce qu'ilz rencontroiēt de gens,
hommes, femmes, & enfans, mettoient tout à sang : & brusloient les bledz qui estoient
prestz à cueillir, & faisoient tous autres degatz. Quand les Liegeois, qui tenoient le sie-
ge deuant la ville du Trekt, comme diēt est, ou estoit lediēt Euesque, sceurent l'exploit *Grosse descō-*
qu'ilz faisoient, ilz leuerent leur siege, & delibererent de les aller combattre aux champs: *siure de Lie-*
& de fait le iour saint Crespin, se meirent en belle bataille rengée contr'eux à pied. *geois par le*
Lediēt Ducz trouuerent façon d'enuoyer par derriere leur bataille enuiron cinq cens *Duc de Bour-*
lances, qui à l'heure que la bataille commença à frapper, frapperent par derriere, telle- *gongne.*
ment que finalement la bataille des Liegeois fut desconfite, & en mourut bien trente
mil sur le chāp, & en fut prins prisonniers plus de deux mil. Apres ce fait lediēt deux
Ducz de Bourgogne & de Bauieres, entrerēt dedans la ville du Liege, & meirent leurs
bānieres sur les portes d'icelle : & entre les mortz fut trouué le seigneur d'Espernay, &
son filz, q̄ les Liegeois auoiēt fait leur Euesque, & furent cōdamnez iceux Liegeois à o-
beir à leur Euesque, & à payer la somme de cēt mil escuz viculx, d'or : & feirent lediēt
Ducz couper les testes à plusieurs grands seigneurs, qui auoient esté prins à la iournée,
pource qu'ilz auoiēt ayde ausdiēt Liegeois: puis s'en retournerēt lediēt Ducz en Frā
ce. La Duchesse d'Orleans & ses enfans vindrent à Paris, & par leur cōseil feirent pro-
poser deuāt le Roy, & les Princes, les excusations du feu Duc d'Orleans cōtre les accu-
sations qu'auoit fait proposer contre luy le Duc de Bourgongne : & fut faite grande
armée & assemblée, pour aller cōtre lediēt Duc de Bourgongne: mais les nouuelles vin-
drent au Roy, & à la Roïne, & aux Princes, de la victoire qu'il auoit eue au Liege, & aus-
si qu'il auoit vne si grande assemblée de gens que merueilles: voyans aussi, & considerās
que le peuple, & habitans de Paris, qui estoient fauorables audiēt Duc de Bourgongne,
à toute heure murmuroient pour l'absence dudiēt Duc, & contre ceux qui tenoient le
party du Duc d'Orleans, delibererent de mener le Roy & le Duc de Guyenne, son aî-
né filz au païs de Touraine : & de fait les y menerent : & pour y aller l'accompagne-
rent les Ducz de Berry, de Bourbon, de Bretagne, & plusieurs autres grands seigneurs,
& seiournerent par aucun temps en la ville de Tours. Pendant lediēt temps trespassa
la Duchesse d'Orleans, l'aînée, qui fille estoit au Duc de Milan, & delaisa Charles, son
aîné filz, Duc d'Orleans, qui auoit espousé la fille du Roy, & Philippe, Comte de Ver-
rus, & Iehan Comte d'Angoulesme, ses filz, soubz bas aage: lesquelz elle enuoya deuers
le Roy : & eut lediēt Charles ses terres, & gouuernement de ses freres, par oïroy & au-
thorité du Roy, combien qu'il ne fust pas aagé : & tantost apres madame Ysabeau de
France, femme dudiēt Charles, le ieune Duc d'Orleans, qui parauant auoit esté fem-
me du Roy Richard d'Angleterre, accoucha d'une fille, au chastel de Bloys, & en sa ge-
sine trespassa, & fut son corps enterré à saint Lomer de Bloys.

*De l'appoinctement fait à Chartres entre le ieune Duc d'Orleans, & ses
freres, & le Duc de Bourgongne, présent le Roy*



Vand le Duc de Bourgongne sceut les nouuelles que les Seigneurs
auoient emmené le Roy à Tours, & qu'ilz auoient aussi emmené
monseigneur le Duc de Guyenne, Daulphin, qui auoit espousé sa
fillo, il pria au Duc de Bauieres, son beau frere, qu'il le voulüst ac-
compagner pour venir en France, pour les aller querir & ramener
à Paris. Le Duc de Bauieres, voyant le seruice que lediēt Duc de
Bourgongne luy auoit fait audiēt voyage du Liege, ne l'osa refuser,
& s'en vindrent à tout leur armée pres Paris. Puis entrerent dedans, ou les habitans
receurent lediēt Duc de Bourgongne à grand' ioye, & crierent aucuns Noel à son en-
trée. Lediēt Duc de Bauieres, congnoissant & considerant la proximité du lignage qui
estoit entr'eux, & luy mesmes qui estoit cousin germain de la Roïne, & aussi que mon-
seigneur Iehan de France, second filz du Roy, auoit espousé sa seule fille, & que ladiēt

LES CRONIQ. ET ANNALES DE FRANCE

guerre estoit la destruction du royaume, pria tant lediſt Duc de Bourgongne qu'il fut content d'entendre à appoinctement. Si s'en alla lediſt Duc de Bauieres à Tours, ou estoit le Roy, & Loys, Roy de Cecille, & Duc d'Aniou, les Ducz Iehan de Berry, de Bourbon, & de Bretagne, les Comtes d'Alençon, & de Clermont, & d'Albret, tous tenans la querelle dudiſt Duc d'Orleans, & feit tant lediſt Duc de Bauieres qu'ilz furent tous contens d'eux trouuer à Chartres, & là faire venir le Duc d'Orleans, pour traicter appoinctement, & pareillement que lediſt Duc de Bourgongne s'y trouueroit, ce que ilz feirent tous: & feit venir le Roy par deuers luy le Duc Charles d'Orleans, son gendre, Philippe, son frere, Comte de Vertus: & lediſt Duc de Bourgongne amena en sa compaignie le Duc de Brabant, le Comte de Neuers, ses freres, le Comte saint Paul, le Prince d'Orenge, & plusieurs autres: & là par le Roy, presens les Roys de Cecille, & de Nauarre, les Ducz de Guyenne, de Berry, & de Bourbon, de Bar, de Bauieres, le Connestable d'Albret, les Comtes d'Alençon, de la Marche, de Vendosme, & plusieurs Conseillers de Parlement, le Preuost des Marchans de Paris, & autres plusieurs gens notables, fut fait vn appoinctement entre lesdiſtz Ducz d'Orleans & de Bourgongne, lesquelz iurerent & promeirent solennellement deuant nostre dame de Chartres, le Roy & la Roynie, & tous lesdiſtz Princes & Seigneurs, presens, de iamais ne porter rumeur, ne se ne debat l'un à l'autre, & d'estre bons vrayz parens & amys: & semblablement tous lesdiſtz seigneurs iurerent l'appoinctement: & fut ordonné que lediſt Duc de Bauieres, Comte de Henault, qui tousiours tenoit sa banniere en sa main, seroit conseruateur des deux parties: & par ainsi furent d'accord ensemble (lequel accord ne dura gueres) & s'en retourna le Roy, la Roynie, & ses enfans à Paris, & tous les autres Princes & Seigneurs pareillement. Tantost apres la pluspart desdiſtz Princes & Seigneurs s'en allerent chascun en leurs terres: mais le Duc de Bourgongne demoura à Paris, & entreprint tout le gouuernement du royaume. En celle année le Roy & l'Vniuersité de Paris, enuoyerent solennelz messages à Pize en Lombardie, ou fut assemblé vn Concile pour le fait de l'vniõ de l'Eglise: & furent condamnez, & priuez les deux contendans à la Papauté: c'est à sçauoir Pierre de la Lune, qui estoit en Arragon, & longuement s'estoit tenu en France, & se faisoit appeler le Pape Benedic, & Angle Corronan, Romain, qui se faisoit appeler Pape Gregoire: & au lieu d'eux fut esleu Pierre de Candie, Cordelier, de nation Græcque, appelé le Cardinal de Milan: & fut sacré, & nommé Alexandre. En ceste diſte année Anthoine, Duc de Brabant, frere du Duc de Bourgongne, espousa la niepce du Roy de Boesme, à laquelle appartenoit la Duché de Luxembourg, en la ville de Brucelles. Aussi le grand maistre d'hostel Montagu, pour la grand autorité qu'il auoit traicté le mariage de son filz, à la fille du seigneur d'Albret, Connestable: & furent les nopces faictes aux despens du Roy, dont lediſt Montagu encourut grande indignation, & enuie des Princes, & Seigneurs de France, tellement qu'en la fin il en eut la teste coupée

Appoinctement d'entre les Ducz de Bourgongne & d'Orleans.

Des deux contendans à la Papauté, qui furent condamnez & priuez de la dignité Papale.

Du Roy de Nauarre, qui s'allia au Duc de Bourgongne: & du desappoinctement de plusieurs Officiers, & du seigneur de Montagu, qui eut la teste coupée.

L'an milccc. & neuf.

L'AN mil quatre cens & neuf, le Comte de Sauoye esmeut guerre contre monseigneur Loys de Bourbon, oncle du Roy, pour raison d'aucunes places, alsises au païs de Bresse, appartenant audiſt Duc, que lediſt Comte disoit estre tenuës de luy en feage & hommage: & feit passer plusieurs gens d'armes la riuiere de la Sosne, qui fort domagerent le païs de Beauuiols. Lediſt Duc assembla plusieurs gens d'armes, & à son ayde allerent plusieurs Seigneurs, qui reprindrent les villes de Hance, & de Belleuille, que lediſt Comte auoit prinſes sur luy: & fut fait appoinctement, par lequel fut diſt, que le Comte de Clermont, filz dudiſt Duc, feroit hommage desdiſtes places audiſt Comte de Sauoye. En ce temps le Mareſchal Bouciquault, qui estoit à Gennes, enuoya au Roy pour auoir secours contre le Comte Francisque, & le Marquis de Montferrat, qui gastoient la terre des Geneuois. Le Roy y enuoya mil hommes d'armes, que conduisoit messire Raoul de Gaucourt, & passerent les monts. Lediſt Mareſchal Bouciquault les mena à Pauie, ou tenoient le ſiege lesdiſtz Comte & Marquis, lesquelz se leuerent quand ilz ſceurēt la venue des François: parquoy iceluy Mareſchal alla à Milan, ou estoit le Duc, qui frere estoit de la ſeuë Duchesse d'Orleans, lequel alla au deuant de luy, & luy feit hommage au nom du Roy, & faisoit

& faisoit on en ladicte ville tous les crys de par lediſt Bouciquault, Gouverneur de Gé-
nes, & de Milan: & ce pendât que lediſt Bouciquault & ſes gens eſtoient là, le Marquis *Trahyson des*
de Montferrat, & Francisque, par le moyen d'aucuns Geneuois, entrerēt dedans ladicte *Geneuois cō-*
cité de Gennes, & tuerent tous les François qui y eſtoient. Quand ceux de Milan ſeu- *tre les Fran-*
rent ces nouuelles, ilz cuiderēt tuer de nuit tous les François, chaſcū en leurs maiſons,
mais les François, qui en furent aduertis, s'armerent, & cheuaucherent toute nuit en
bataille par ladicte ville, & le lendemain s'en partirent, & leur promeit le Duc detenir
ladicte ville pour le Roy: mais ſi toſt que lediſt Mareſchal fut party, il ſeit prendre aucū
François, qui là eſtoient demourez, & les ſeit māger aux chiens. Si s'en retourna lediſt
Mareſchal: & toſt apres, toutes les places dudiſt païs de Gennes furent abandonnées,
par les gens du Roy. En celle année le Roy de Nauarre arriua à Paris, ou il fut bien fe-
ſtoyé, & ſeit hommage au Roy de la Duché de Nemours. Tantost apres s'allierent luy
& le Duc de Bourgogne, le Comte de la Marche, & le Comte de ſainct Paul, & autres,
& deſappoinctèrent de feſtat d'Admiral meſſire Colinet de Brabant, & meſſire Guil-
laume de Tignonuille, Preuoſt de Paris: & feirent Preuoſt de Paris meſſire Pierre des
Eſſars, qui eſtoit vn homme arrogant, & de grand orgueil & tyrannie: & pour trouuer
façon d'auoir argent, ilz voulurent reformer tous les Officiers du Roy, & autres qui
aucuns biens auoient eu de luy par leurs ſeruices: & prindrent à machiner pour trouuer
moyen de les deſtruire: & feirent prendre meſſire Jehan de Montagu, Cheualier, Vi-
dame de Laonnois, grand Maistre d'hoſtel de France, & luy baillerent Commiſſaires
extraordinaires, à leur poſte, plains de tyrannie & cruauté: c'eſt à ſçauoir du coſté du
Duc de Bourgogne, meſſire Pierre des Eſſars, & le Seigneur de Hely, & meſſire Can-
cher* de Ruppes, & pour la partie du Roy de Nauarre meſſire Ruſto, leſquelz le gehē-
nerent ſi piteuſement qu'il fut contrainct de dire ce qu'ilz voulurent, & luy feirent ſi-
gner ſa confeſſion. Si le feirent decapiter és Halles de Paris: & deuant ſa mort, il re-
quiſt mercy au peuple, & afferma qu'onques il n'auoit commis les cas contenus en la
confeſſion qu'on luy auoit faiſt ſigner, & qu'il les auoit confeſſez par force de gehenne:
dont le Duc de Berry eut grand' deſplaiſance: car il auoit aymé de ieuneſſe lediſt Mōt-
agu, & l'auoit touſiours congneu loyal enuers le Roy. Si print lediſt Duc lors congé de
court & en ſon païs de Berry s'en alla: ſi feiſt pareillement le Duc Loys de Bourbon:
& fut faiſt grand Maistre d'hoſtel meſſire Guichard, Dauphin d'Auuergne: & audiſt
des Eſſars fut baillé le gouuernement deſdiſtes finances du royaume, & meit iceluy
des Eſſars ſes parens en l'hoſtel du Roy, en deboutant tous ceux qui y eſtoient au par-
auant, & en la faueur dudiſt grand maistre de Montagu furent les maiſons de plu-
ſieurs pillées, pource qu'ilz s'enfuyrent, & ſe retirerent deuers mondiſt ſeigneur le Duc
d'Orleans, nonobſtant lediſt appointement qui auoit eſté faiſt à Chartres.

* alias
Concher.

*Du ſeigneur
de Montagu
qui fut decap-
ité és Halles
de Paris.*

*Meſſire Pierre
des Eſſars eut
le gouuerne-
ment des finā-
ces de France.*

*De l'aſſemblée de pluſieurs Princes qui tenoient le party du Duc d'Or-
leans, & de la Royne, pour venir deuant Paris, ou eſtoit le Duc
de Bourgogne, qui tontoit le Roy en ſes mains.*

L'AN mil quatre cens & dix, les choſes deſſuſdiſtes venuës à la congnoiſ-
ſance du Duc d'Orleans, & des Ducz de Berry, Bourbon, Bretagne, & au-
tres Princes & Seigneurs de France, & que lediſt Duc de Bourgogne
faisoit tout le contraire de ce qui auoit eſté promis, & iuré audiſt traité
& appointement, qui auoit eſté faiſt à Chartres, s'aſſemblerent, & tin-
drent Conſeil à Gyen ſur Loyre, & feirent veu qu'ilz viendroient mettre le ſiege à Pa-
ris, pour le Roy, la Royne, & leurs enfans, que lediſt Duc de Bourgogne tenoit en ſa
ſubiection & captiuité, en leur liberal arbitre. Si allerent apres lediſt Conſeil, chaſcun
en ſon païs, pour aſſembler gens, & apres ſe rendirent à Tours, avec grand' compaignie
de genſd'armes, & leuerent la banniere de France: & rant cheuaucherent qu'ilz vin-
drent iuſques au chaſtel de Viceſtre, lez Paris: & là ſe rendirent le Duc d'Alençon, le
Comte de Richemont, le Seigneur d'Albret, Conneſtable de France, le Comte d'Ar-
mignac, & pluſieurs autres, iuſques au nombre de quatre mil Cheualiers & Eſcuyers,
pour vouloir venger le crime & deſhonneur que lediſt Duc de Bourgogne auoit faiſt
faire aux pauvres officiers du Roy, & du Duc d'Orleans: car par l'appointement faiſt à
Chartres, lediſt Duc de Bourgogne auoit iuré & promis qu'aux Officiers, & autres

*L'an mil cccc.
& dix.*

*De l'aſſemblée
des Princes
qui ſe ſeit au
chaſteau de
Viceſtre, pres
Paris.*

LES CRONIQ. ET ANNALES DE FRANCE.

qui auoient tenu le party & seruy le Duc d'Orleans, il ne feroit aucū dommaige ne des-
 plaisir, & toutesfois il feit tout le contraire, tellement que plusieurs s'absenterent de Pa-
 ris, pour la crainte de luy, & s'en allerēt à Orleās, & ailleurs. Ledit Duc de Bourgogne,
 qui scauoit l'entreprise & l'assemblée desdictz Seigneurs, manda ausi de toutes pars
 Bourguignons, Flamens, & Picardz, & autres alliez: & auecques luy se trouuerent grand
 nombre de gens d'armes: & cheminerent iusques entre Paris & Senlis. Anthoine, Duc
 de Braban, frere dudit de Bourgogne, qui estoit fort agreable aux Seigneurs de Frā-
 ce, vint iusques à Vicestre deuers eux: & en sa compaignie le Roy de Nauarre: & feit
 tāt qu'un autre appointement se feit: par lequel fut dict que lesdictz Seigneurs s'eslōge-
 roient chascū de sept lieues de la personne du Roy, & que le Roy ne demāderoit point
 lesdictz Ducz d'Orleans, ne de Bourgogne, l'un sans l'autre: mais que le Duc de Berry y
 pourroit venir seul, quand mandé seroit, & s'en retournerēt chascun en ses païs: toutef-
 fois il ne demoura gueres de gēs autour du Roy, que tous ne fussent fauorables au Duc
 de Bourgogne, lequel tātost apres enuoya le Seigneur de Croy, deuers le Duc de Ber-
 ry, qui s'en estoit allé en Berry, pour trouuer facon de rompre les alliances entre luy
 & le Duc d'Orleans. Ledit Duc d'Orleans en fut aduert, & enuoya son Marechal
 au deuant dudit Seigneur de Croy, qui comme on disoit auoit esté eonsentant de la
 mort du feu Duc d'Orleās, son pere: & fut ledit de Croy rencōtré en la Soulongne, par
 les gens dudit Duc d'Orleans, & prins prisonnier, & mené deuers ledit Duc d'Or-
 leans, au chastel de Bloys: mais à la grand' priere dudit Duc de Berry il fut enuoyé en
 son hostel de Meleun, sur Yeure, moyennant qu'il promet qu'il luy en feroit iustice.
 Par ledit appointement de Vicestre il fut dict que ledit messire Pierre des Essars, que
 le Duc de Bourgogne auoit fait Preuost de Paris, se departiroit dudit Office de Pre-
 uost, & en fut deschargé: & au lieu de luy fut fait Preuost de Paris vn vaillant & sage
 Cheualier Breton, nommé messire Taneguy du Chastel. En iceluy an, mourut mon-
 seigneur Loys Duc de Bourbon, lequel estoit vn peu boiteux: & luy succeda monsei-
 gneur Iehan son filz, qui parauant auoit esté Comte de Clermont. Son corps fut porté
 enterrer au monastere & prieuré de Souigny, qui est de la fondation de ses predeces-
 seurs. Iceluy Duc Loys fonda le conuent des Celestins de Vichy, en Bourbonnois, & les
 ædificia tout de neuf, & en premier don leur donna cinq cens liures de rente en l'assiete
 de Bourbonnoys, & plusieurs autres biens.

*La prieuré de
 Souigny est
 de la founda-
 tion de mes-
 seigneurs de
 Bourbon.*

*Comment messire Pierre des Essars, Preuost de Paris, tenant le party du
 Duc de Bourgogne, esleua les Bouchiers & Escorcheurs de
 Paris, & en feit Capitaine vn nommé Caboche.*

*L'an mil cccc.
 & vnze.*

EN l'an mil quatre cens & vnze, s'en alla le Roy de Nauarre en son païs de
 Nauarre, & le Duc de Bourgogne en son païs d'Artois: & demoura le
 Roy, la Royne, monseigneur le Duc de Guyenne, Dauphin, & monsei-
 gneur Charles de Ponthieu, ses deux enfans, à Paris. Le Duc de Bour-
 gogne laissa à Paris messire Pierre des Essars: lequel incontinent a-
 pres l'armée rompuë meit sus à Paris plusieurs Bouchiers & gens de basse condition,
 dont estoit Capitaine vn nommé Caboche, qu'on disoit estre escorcheur de la grande
 boucherie de Paris, pour estre ses complices & ayde à tenir ceux de Paris en subiection,
 specialement ceux qui tenoient le party du Duc d'Orleans, & ses alliez: & inconti-
 nent feit ledit des Essars prendre vn Cheualier, nommé messire Vignet d'Espineuse,
 & luy feit couper la teste aux Halles, & porter son corps au gibet: dōt ledit Duc d'Or-
 leans fut fort mal content, & manda les Ducz de Bourbon, d'Alençon, les Côtes d'Ar-
 magnac & de Richemont, le seigneur d'Albret, Connestable, & autres accompaignez
 de six à sept mil Cheualiers & Escuyers, qui vindrent à son ayde, & passerent la riuiere
 de Seine aupres de Moret, & vindrent à Meleun, & cheuaucherent tant qu'ilz vindrent
 en Valloys, Soissonnoys, & en la terre de Coucy, & de là enuoyerent leur Ambassade
 à Han, & en Vermandois, pour faire la guerre au Duc de Bourgogne. En ce temps
 le Duc de Berry, qui estoit venu à Paris, luy estant en son hostel de Neelle, eut grand'
 paour & effroy de l'assemblée desdictz Bouchiers, lesquels faisoient moult de cruau-
 rez: & à ceste cause s'en partit de Paris, & s'en alla à Meleun: & là vindrent deuers luy
 lesdictz Ducz d'Orleans, d'Alençon & de Bourbon, les Comtes d'Armignac, de Riche-
 mont,

mont, de Vienne, de Tonnerre, le Connestable, Seigneur d'Albret, & leurs alliez, qui estoient en nombre de six à sept mille Cheualiers, & Escuyers, comme dict est, prestz & deliberez de faire guerre au Duc de Bourgogne: & passerent la riuiere de Seine, au pôt de Samois, & cheuaucherent tirant vers Picardie.

Des deffiances du Duc d'Orleans & ses freres, & du Duc de Bourgogne qui s'en fuit d'aupres de Montdidier, ou il estoit parqué.

A V MOYS de Iuillet audist an, monseigneur le Duc d'Orleans, & ses freres, enuoyerent audist Duc de Bourgogne lettres de deffiance, desquelles la teneur s'ensuyt. Charles, Duc d'Orleans, de Milan, & de Vallois, Comte de Bloys, Philippe, Comte de Vertus, & Iehan Comte d'Angoulesme, freres, à toy Iehan, qui te dis Duc de Bourgogne, pour le cruel meurtre par toy commis en trahyson, en la personne de nostre tresredoubté seigneur & pere, le Duc d'Orleans, que Dieu absolue, seul frere de monseigneur le Roy, ton cousin germain, nonobstant les alliances, fraternité & compaignie d'armes que tu auoys à luy, & pour plusieurs trahysions & desloyautez par toy commises, te mādons & faisons sçauoir, que de ceste heure en auant de tout nostre puissance te serons nuyfans contre toy, pour te punir de ta desloyalle trahyson, appelons Dieu en ayde, & tous les preud'hommes du monde. En tesmoing de ce nous Charles, auons fait mettre nostre sēel à ces lettres, données à Iargueau sur Loyre, au moys de Iuillet, lan mil quatre cens & vnze. Et semblable deffiance luy enuoya aussi Iehan, Duc de Bourbon. Apres lesdictes lettres de deffiance receuēs, se meit pareillement sur les champs le Duc de Bourgogne: & auoit bien de ses subiectz & alliez seize mil combatans: & non content de son armée, il s'en alla à Calais, & s'allia aux Anglois: & à son ayde vindrent le Comte d'Arondel, & le Comte de Tan, * les seigneurs de Roux & de Gray, avec trois cens lances, & mil Archiers d'Angleterre: & vindrent iusques deuant la ville de Laon, qui appartenoit audist Duc d'Orleans, & peu de resistance y trouuerent. Si prindrent ladicte ville, & la forteresse fait desmolir: puis s'en alla à Montdidier, & illec sur vn mont, pres le gibet, se parqua, & lefeit clorre de son charroy. Quād le Duc d'Orleans, qui estoit à Chaulmes * le sçeut, il passa son ost oultre la riuiere d'Oyse, sur vn pôt de boys qu'il auoit fait faire (car Compiègne, & Pont sainte Maixance, & les autres passages de ladicte riuiere estoient tous en la faueur dudiēt Duc de Bourgogne) & vint iusques à Clermont en Beauuoysin, à vne commanderie, nommée S. Anthoine de Cathenay: & de là enuoya son auantgarde iusques aupres du parc dudiēt Duc de Bourgogne: laquelle conduisoit le Comte d'Armignac, le Bernadon de Sorre, Escuyer de renom: & demoura luy & sa bataille és villages d'entour Clermont & Cathenay: & y estoient les Ducz de Bourbon & d'Alençon, les Comtes de Vertus & de Vienne, l'Archeuesque de Sens, messire Geofroy Bouciquault, les Seigneurs de Craon & de Montbason, le Seigneur de Hangest, Maistre des Arbalestriers de France, le Seigneur d'Albret, Connestable, & plusieurs autres Seigneurs, Barons, & Cheualiers, qui manderent bataille audist Duc de Bourgogne: mais quād il sçeut que ses ennemys estoient si prochains de luy, il feit mettre le feu en ses tentes & pauillons, & abandonna son charroy, viures & marchandises, qui estoient en son ost, & s'en fuit honteusement.

Lettres de deffiance, enuoyées au Duc de Bourgogne.

* al. Tain.

* alias, Chaulny.

Honteusement fuit le Duc de Bourgogne.

Comment ceux de Paris tenoient le party du Duc de Bourgogne, qui leur enuoya pour secours le Comte de saint Paul: lequel le Roy feit Connestable, & ainsi estoient deux Connestables en France: & de la venue du Duc de Bourgogne à Paris, ou fut crié Noel.

Ncontinent apres la fuite dudiēt Duc de Bourgogne, le Duc d'Orleās, & les Seigneurs deliberent de venir vers Paris, & mādèrent au Roy que son plaisir fust leur donner prouision de iustice contre ceux qui son frere le Duc d'Orleans auoient tué: & vindrent iusques à S. Ouyn, pres Paris, & se logerēt és villages d'entour: mais messire Pierre des Essars, qui estoit retourné & restitué Preuost de Paris, ne voulut pas souffrir que leurs Heraulx entrassēt à Paris, & meit en garnison à S. Denis le Prince d'Orège, & trois cens hommes d'armes: & feirent ceux de Paris plusieurs sorties sur Post des Seigneurs, & rousiours furent lesdictz de Paris reboutez & grand nombre de tuez. Si manderent audist

LES CRONIQ. ET ANNALES DE FRANCE.

Duc de Bourgogne, la necessité ou ilz estoient, & il leur enuoya messire Vvaleran de Luxembourg, Comte de S. Paul: lequel à leur requeste le Roy feit Connestable à sa venue, en debourât dudit Office le seigneur d'Albret, qui festoit parauât: & le Duc d'Orleans print la ville de S. Denis, que tenoit ledit Prince d'Orége, qui la rēdit par cōposition, & promet que luy ne ses gēs ne s'armeroiēt de vij. moys cōtre lesdictz Seigneurs. En icelle ville lesdictz Seigneurs se logerēt: & illec seiournāt prindrēt le pont S. Cloud: parquoy vn iour ceux de Paris sortirent en bataille, au costé de la porte S. Denis, sur l'auātgarde d'Orleans: mais ilz furent lourdemēt reboutez, & en fut tué plus de vij. cens: & cedit iour perdirēt toute leur artillerie, dōt ilz tiroiēt d'oultre l'eauē à ceux q̄ estoēt à S. Ouyn. Au moys d'Octobre ensuyuant, à la requeste de ceux de Paris, ledit Duc de Bourgogne avec grād' armée vint iusques à Pontoise: & là ceux de Paris allerent deuers luy, & tāt feirent qu'ilz l'amenerent iusques à Paris: & à son entrée en ladicte ville, qui fut de nuit, crierent Noel, & là seiourna aucuns iours. Et le neuuesme iour de Nouembre l'armée dudit Duc de Bourgogne alla pour prēdre le pont saint Cloud, & y eut grande bataille: en laquelle les gens de monseigneur d'Orleans eurent du pire, & y mourut de neuf cens à mil hōmes. Apres laquelle desconfiture le Duc de Bourgogne se retira à Paris, & amena ses prisonniers. Le Duc d'Orleās & ceux de sa compaignie se retrahirent à saint Denis: & la nuit ensuyuant s'en allerent par dessus vn pont de bateaux au trauers de Seine, au droict de saint Denis, & cheuaucherent tant qu'ilz vindrent à Chasteaudun: & en leur chemin prindrent Galarдон, & autres forteresses, puis allerent à Iargeau qu'ilz prindrent: & de là vint ledit Duc d'Orleans faire sa noble entrée en ladicte ville d'Orleans, ou fut receū en grand' ioye de ses subieçz.

D'une desconfiture qui fut faicte au pont saint Cloud, par le Duc de Bourgogne.

Le Duc de Bourgogne amena le Roy & monseigneur le Duc de Guyenne, son filz, deuant Estampes, ou il meit le siege, & la print: & dedans fut prins le Duc de Bourbon, qui fut enuoyé prisonnier en Flandres: puis le Duc de Bourgogne enuoya son auantgarde en Beauſſe. Le Seigneur de Barbazan, & le Seigneur de Gaucourt, qui tenoiēt le party du Duc d'Orleans, le ſceurent, & allerent au deuant, & les rencōtrèrent au Puyſet, & les desconfirent: & y furent prins messire laques de Bourbon, Comte de la Marche, le seigneur de Hambre, & plusieurs autres iusques à douze cens, qui furent menez prisonniers en la grosse tour de Bourges. Apres ladicte desconfiture le Duc de Bourgogne se retira, & amena le Roy, & son filz le Duc de Guyenne, à Paris: & lors le Côte d'Arondel, & les autres Seigneurs Angloys, qui estoient venus en son ayde se departirent d'avec ledit Duc de Bourgogne, & tātost apres ledit Duc de Bourbon fut deliuré de prison en rendant autres prisonniers.

Le Duc de Bourbon qui fut prins par le Duc de Bourgogne dedas Estampes, & mené prisonnier en Flandres.

La deliurance du Duc de Bourbon.

De la sentence d'excommuniment que feit proferer le Duc de Bourgogne, contre les Seigneurs.



L'ENCOTRE des Ducz Charles d'Orleās, Iehan de Berry, Iehan de Bourbon, Iehan d'Alençon, & autres Seigneurs de leurs alliances, feit le Duc de Bourgogne proferer sentence d'excommuniment, qui fut publiée par toutes les villes de son obeissance & alliance, à cloches sonnans & chandelles estaincte, par ce qu'il vouloit dire & maintenir qu'ilz auoient enfraint les traictēz & appoinctemens parauant faictz. Et fut ladicte sentence enuoyée, par vn des Heraulx du Duc de Bourgogne, à l'Euesque d'Orleans: lequel Herault fut prins, & mené audict Duc d'Orleans, qui feir venir l'Archeuesque de Sens, & assembla les Euesques de Chartres, Orleans, & plusieurs autres Prelatz, gens d'Eglise, Docteurs & Clercz solennelz, qui debatirent la matiere: & fut trouuē que ladicte sentence s'adaptoit directement contre ledit Duc de Bourgogne & ses adherens, & non contre autre. Et par ce fut vn eschauffault, present ledit Herault, fut ledit Duc de Bourgogne, & ses adherens declairez excommuniez en ladicte ville d'Orleans, apres vne predication & procession generale: & furent toutes les cloches de la ville sonnans, & chandelles estainctes, presens lesdictz Prelatz en pōtificat. Et apres ce fut ladicte sentence seellée, & baillée audict Herault, qui l'emporta: & fut mandé par toutes Eglises du païs, & obeissances desdictz Seigneurs, publier ladicte sentence.

Comment le Roy d'Angleterre enuoya son filz, & son frere, à l'ayde du Duc d'Orleans: & du siege de Bourges.

L'an

L'An mil quatre cens & douze, les Ducz de Berry, d'Orléans, de Bourbon, & le Comte d'Alençon, estans à Bourges, tindrent conseil & enuoyerent le Seigneur d'Albret, Cōestable de Frâce, en Angleterre deuers le Roy Henry, pour auoir ayde: lequel bailla son secōd filz Thomas, Duc de Clarence, & son frere le Duc d'Yort, & messire Jehan de Cornouaille, Comte d'Orcet, accompagnez de huiſt cens lances, & quatre mil Archiers, pour ayder auidictz Ducz, pource que luy estant en France ilz auoient bien traicté, moyennant ce qu'ilz les feroient payer & souldoyer. En celle saison le Duc de Bourgongne enuoya en Berry, Poitou, & Touraine, le Seigneur de Hely, avec grand' armée & commission par lettres du Roy, pour saisir les terres des Ducz d'Orléans, Berry, Bourbon & des autres Seigneurs & Barons leurs adherens: & auoit bien en sa compaignie quatorze cens hommes de cheual, & alla iusques à Linieres en Berry: & quand le Duc de Bourbon le sceut, il se partit de Bourges: ou il estoit avec le Duc de Berry, & vint au point du iour auidict lieu de Linieres, frapper sur ledict Seigneur de Hely, & sa compaignie, & le descofit & destroussa, & perdit ledict Hely presque tous ses gés: mais il ne fut point prins, car il se sauua dedas le Chasteau duidict Linieres, duquel il s'en fuyt d'emblée. Ces nouvelles venuës à Paris au Duc de Bourgongne, il feit partir le Roy, monseigneur de Guyenne, son aîné filz, les Ducz de Bauieres, & plusieurs Comtes & Seigneurs, pour aller mettre le siege à Bourges, ou estoient les Ducz de Berry & de Bourbon, avec grād' Cheualerie, & prindrent la ville de Dam le Roy. Puis vindrent mettre ledict siege deuant l'une des portes de ladiete ville de Bourges, du costé de la grosse tour, ou ilz furent six sepmaines sans riens faire: puis se leuerent, & allerent deuant une des autres portes, nommée la porte saint Priuë, du costé de Soulongne, ou ilz demourerent grand tēps: & là vint le Roy Loys de Cecille, qui amena à l'ayde du Roy, auidict siege, six cens hommes d'armes: & illec fut aduertie le Duc de Guyenne, aîné filz du Roy, que ledict Seigneur d'Albret, Connestable de France, amenoit au secours desdictz Ducz d'Orléans, de Berry, & de Bourbon, grande & grosse armée d'Angleterre, & y estoit en personne le Duc de Clarence, filz du Roy, le Duc d'Yort, & le Comte d'Orcet, & des plus vaillās & grands seigneurs du païs, qui ia estoient au païs du Perche. Parquoy fut tenu Conseil, & parlerent aux champs lesdictz Ducz ensemble, tant d'un costé que d'autre: & là fut conclud de faire paix, & de se trouuer à certain iour ensemble en leur simple estat, en un lieu nommé les Roches, pres la Charité, ce qu'ilz feirent: & leur remonstroit le Conseil, que les Anglois, s'ilz entroient plus auant au royaume qu'on ne les chasseroit pas aisément quand on voudroit, & se pourroient fortifier au royaume, & que s'estoit assez pour perdre tout ledict royaume. Auidict lieu des Roches ne purent tout conclure ledict appointement, & prindrent autre iournée, en un lieu nommé Vanterre, pres Auxerre, & là deuoit estre le Roy: & par ce moyen fut leué le siege de deuant Bourges. Au iour assigné se trouuerent tous les Seigneurs en la cité d'Auxerre, & fut fait appointement final, & furent chascun restituez en leurs terres: à quoy se consentit le Duc de Bourgongne fainctement, mais il le feit pour la crainte des Anglois. Apres ce, le Duc d'Orléans print congé de court: & le Duc de Bourgongne mena le Roy, la Roïne, & monseigneur de Guyenne, à Melun, où vindrent nouvelles que lesdictz Anglois, qui nagueres estoient venus en France, en la faueur & ayde duidict Duc d'Orléans, gastoient & destruisoient les païs du Maine, & Touraine, & prenoient villes, chasteaux & forteresses, & ia auoient prins la tour de Laigle, & pillé la ville, & aussi les villes de Buzençois, & Beaulieu, auidict païs de Touraine, & prenoient prisonniers indifferemment, & mesmemēt auoient prins l'Abbé de Beaulieu, & bruslerent l'Abbaye, & faisoient tous les excès qu'ilz pouoient, par ce que les Ducz d'Orléans, de Berry, & de Bourbon, qui les auoient fait venir en France, auoient appointé sans eux avec ledict Duc de Bourgongne. Et pour ceste cause fut mādē ledict Duc d'Orléans venir deuers le Roy, par ce que lesdictz Anglois disoient qu'ilz ne s'en retourneroient point en Angleterre, si ledict Duc d'Orléans n'y estoit, & aussi qu'ilz ne fussent payez de leurs gages du temps qu'ilz auoient esté en France: & fut appointé à eux à la somme de deux cens quarante mil escus, dont ilz receurent cent xl. mil content: & pour cent mil escus qui leur restoient emmenerent en Angleterre, pour ostage, le Comte d'Angoulême, frere duidict Duc d'Orléans. En ce temps fut prins un Cheualier nommé Iourdain de Sailligny, Chambellan du Duc de Bourgongne, & le feit ledict Duc mener en

Du siege que le Duc de Bourgongne met deuant la ville de Bourges.

De l'appointement fait à Auxerre, entre le Duc de Bourgongne, & le Duc d'Orléans.

De l'Abbaye de Beaulieu en Touraine, que les Anglois bruslerent & prindrent l'Abbé.

LES CRONICQ. ET ANNALES DE FRANCE.

Flandres, pour ce que le seigneur de Iaqueuille, en Gastinois, le chargea qu'il vouloit tuer iceluy Duc son maistre, par l'enhortement de la veufue du feu grand maistre de Montagu, que ledict Duc auoit fait decapiter: & disoit iceluy de Iaqueuille, que ledict Iourdain la maintenoit. Enuiron la fin d'Octobre ensuyuant furent menez le Roy, la Roynie, & leurs enfâs à Vicestre, pres Paris, accompagnez des Ducz de Berry, d'Orleans, & de Bourgongne, lesquelz se deuoient trouuer à vne autre iournée assignée à Auxerre, & illec deuoient ordôner du gouuernemēt du royaume: lesquelz Ducz d'Orleans, de Berry, & de Bourbon, furent aduertis par messire Pierre des Essars, Preuost de Paris, qu'en l'hostel du Duc de Bourgogne auoit esté tenu vn Conseil secret, ou estoiet le Seigneur de Iaqueuille, & ledict mē sire Pierre des Essars: auquel fut conclud que si on trouuoit lesdictz Ducz d'Orleâs, de Berry, & de Bourbon, apoinct, on les feroit tous mourir. A quoy ledict des Essars ne voulut donner son consentement, & deit que s'estoit trop grāde chose, & mal faict, d'auoir faict mourir le pere dudiēt Duc d'Orleans, & puis encores faire mourir le filz, & les autres Ducz & Comtes, qui deuoient venir pour faire le traicté de paix: dont ledict Duc de Bourgongne fut tresmal cōtent dudiēt des Essars, & delibera de le luy rendre: & feit ledict des Essars hastiuement & secrettement iour & nuict sçauoir ausdictz Ducz l'entreprinse faicte sur eux. Parquoy lesdictz Seigneurs d'Orleans, de Berry, & de Bourbon ne vindrent point, & le tindrent entr'eux le plus secrettement qu'ilz peurent: mais en la fin de l'hyuer ilz sçeurent que le Duc de Guyenne, aîné filz du Roy, auoit prins le gouuernement du royaume: si vindrent lesdictz Seigneurs deuers luy, à Melun: lequel les receut grandement, & leur feit bonne chere: & print ledict Duc de Guyenne, pour soy seruir, deux des seruiteurs du Duc d'Orleans, l'un nommé Iagues de la Riuiere, Cheualier, Seigneur d'Anuel, pres Chartres, & l'autre Escuyer, nommé le petit Mesnil: lesquelz n'y demourerent gueres, car on les

Du Roy Henry d'Angleterre, qui fut entrepris de maladie de lepre, dont il mourut.

fait mourir. En ce temps mourut Henry, quatriesme de ce nom, Roy d'Angleterre, filz de Iehan de Lancastre, lequel estoit entrepris de maladie de lepre: parquoy Thomas le Duc de Clarence, son filz, qui estoit venu en France, s'en retourna hastiuement en Angleterre. Apres ledict Henry fut couronné Henry son filz, cinquiesme de ce nō. En ceste saison, à la poursuyte du Duc de Bourgongne, & de maistre Iehan de Troyes, Cyrurgien, l'un des Capitaines des escorcheurs & mutins de Paris, furent mandez de par le Roy les Princes & les gens des trois Estatx du royaume, dont peu y en vint, mē mement des Nobles: parquoy ceux de Paris ne peurent rien executer de leur entre-

Des Escoliers de Harecourt qui feirent tāt que Pierre des Essars, Preuost de Paris, fist desapoincté de son office de Preuost.

prinse. En ces entrefaictes aduint qu'un Sergent, hostellier, demourant en la ruē de la Harpe, feit par nuict trainer vn cheual qui estoit mort en sa maison, iusques au college de Harecourt. Le lendemain les Escoliers dudiēt college sçeurent que ledict cheual estoit party de l'hostel dudiēt Sergent: si le luy feirent retrainer deuāt sa maison. Lediēt Sergent fut fier & orgueilleux, par ce qu'il estoit compere de Pierre des Essars, Preuost de Paris, & alla deuers ledict Preuost: lequel tantost vint avec plusieurs Sergēs, & print debat ausdictz Escoliers, qui s'assemblerent en grād nombre, & s'en allerent à plaindre audiēt Duc de Bourgongne, qui auoit conceu hayne mortelle contre ledict Preuost, pour la bonne opinion qu'il auoit eue de garder la paix: & promet ledict Duc donner toute faueur ausdictz Escoliers: lesquelz poursuyrirent tellement que ledict Preuost fut desapoincté de son office: & luy conuint soy en aller en son chastel de la Morhe de Tilhy, pres Sens: & fut ledict Sergent puny.

D'une commotion que les bouchiers & escorcheurs de la boucherie de Paris feirent par le commandement du Duc de Bourgongne: & comment ilz prindrent prisonniers des Officiers des Ducz de Guyenne, d'Orleans & de Bourbon.

L'an mil cccc. & treizē.



** al. Porc Epi, pres la ruē S. Anthoine, ou estoit logé & c.*

L'an mil cccc. & xiiij. au moys de May, en la faueur & à la poursuyte du Duc de Bourgongne, de rechef se meirent sus, & esleuerent vn tas de bouchiers, escorcheurs, & autres gēs mecaniques de la ville de Paris, & feirēt Capitaine sur eux, cōme autresfois auoiēt fait, Simonet Caboche, le Seigneur de Iaqueuille, & aussi vn nōmé maistre Iehā de Troyes: & tout incōtinent feirēt vne moult grād' assēblée, & se redirēt tous en armes deuāt l'hostel de la ville de Paris: & illec tous embarōnez au soir, avec torches & lāternes, vindrēt deuāt l'hostel du port * aupres la poterne, qui est deuāt l'Eglise sainct Paul, ou estoit logé pour lors monseigneur le Duc de Guyenne: auquel hostel

hostel estoit allé vn peu deuant lediſt Duc de Bourgongne, qui là les attendoit, & illec lesdiſtz trois Capitaines demãderent audiſt Duc de Guyenne, qu'il baillast & feist deliurer tous ses Officiers, & ceux desdiſtz Ducz de Berry & d'Orleãs, qu'il auoit recueillis autour de luy, dont ilz auoient les noms en vn roolle, ou autrement ilz les detaille- roient tous en pieces: & entre autres y estoient nommez les Ducz de Bar & de Bauie- res, le Chancelier de Guyenne, meſſire Iaques de la Riuiere, Seigneur d'Anuel, meſſi- re Regnault de Gènes, Guillot du Meſnil, la dame de Gueſnay, Yſabeau de Bretagne, & plusieurs autres Cheualiers, Eſcuyers, Dames & Damoyſelles ſeruãs le Roy, la Roy- ne, le Duc de Guyenne & ſa femme, dont faisoit grand mal audiſt Duc de Guyenne: leſquelz en la fin leur ſalut bailler, par lediſt roole, qui leur auoit eſté baillé: car lediſt Duc de Guyenne congnoiſſoit bien que tout ce faisoit par lediſt Duc de Bourgogne, combien qu'il n'en feist pas le ſemblant. Auant que les bailler lediſt Duc de Guyen- ne feist iurer lediſt Duc de Bourgogne, ſur la vraye Croix, qui là fut apportée en la pre- ſence de la Duchefſe de Guyenne ſa fille, que lesdiſtz Officiers n'auoient nul mal, & qu'ilz les renuoyeroit ſi toſt que le menu peuple ſeroit apaiſé: & quand ilz les eurent en leurs mains ilz les menerent priſonniers en l'hoſtel d'Artois, qui estoit ſon logis: & apres furent menez en diuerſes priſons. Ces choſes ainſi aduenues, mondiſt Seigneur de Guyenne manda au Roy de Cecille, aux Ducz d'Orleans, de Bourbon, d'Alençon, de Bretagne, & ſi manda audiſt meſſire Pierre des Effars, qu'il vint deuers luy à Paris: le quel, ſi toſt qu'il fut arriué, lediſt Duc de Guyenne, ſçachant la hayne qu'auoit contre luy lediſt Duc de Bourgongne, pour ſa ſeureté ſenuoya loger en la Baſtille.

Comment le Duc de Bourgongne feist couper la teſte à meſſire Pierre des Effars, Pre- uoſt de Paris, & à meſſire Iaques de la Riuiere, & autres, & feist mettre les Damoyſelles de la Royne, & de Madame de Guyenne, priſonnieres.

Antoſt apres, & le meſme iour de ſon arriuée, lediſt Duc de Bourgongne, ſ'en alla deuant la Baſtille S. Anthoine, ou estoit lediſt Pierre des Effars, & vindrent auſſi ceux de Paris en grand nombre, à eſtandars & bannieres deſployées. Lediſt Duc de Bourgogne feist eſlongner lesdiſtz Pariſiens, & feist dire audiſt des Effars, qu'il parlaſt à luy à ſeureté: le quel, ſoy cōſiant de ſa foy, ſaillit hors: & incōtinent ceux de Paris le prindrent & le menerent priſonier: & tout incōtinent qu'il fut hors de la Baſtille, le Seigneur de la Trimouille, & vn Capitai- ne, nommé Enguerrand de Bournouille, entrerent dedans, & prindrent & pillerent tous les biens, gens & cheuaux dudiſt des Effars, qui dedans estoient. Le lendemain le Duc de Bourgogne feist publier, par Paris, que lediſt des Effars auoit prins & tenu plu- ſieurs Offices, & Capitaineries, dont il auoit eu de grands profitz (qui estoit cōtre les ſtatuz royaulx) & qu'il auoit eu profit de trois ou quatre cens mil eſcus (qui estoit cō- tre le Roy & le bien de la choſe publique) & toutes ces choſes faisoit publier, afin de le faire mettre en la malle grace du peuple, pour le faire mourir: & tout ce luy cōſeilloit le Seigneur de Iaqueuille, pour auoir les eſtatz & Offices dudiſt Pierre des Effars. Fi- nablement luy feirent couper la teſte aux Halles de Paris: & pareillement la feirent couper à meſſire Iaques de la Riuiere, qu'ilz trouuerent mort en la priſon, & luy mei- rent ſus que luy meſme ſ'etoit tué & precipité, pource qu'on ne luy pouoit ou ſçauoit aucune choſe impoſer. Il auoit vne robe fourrée de Martres: & fut attaché à la queue d'vne charette, & fut traſné aux Halles: & puis on alla querir le petit Meſnil, à qui on coupa auſſi la teſte: & pluſieurs autres feirent decapiter, pendre & noyer, tuer & aſſom- mer. Apres allerēt iceux bouchiers en l'hoſtel de la Royne, & là prindrēt toutes ſes Da- mes & Damoyſelles, & pareillemēt celles de madame de Guyene, & les menerēt tou- tes en priſon, & pillerēt moult de maiſōs, & tuerēt beaucoup de gens, tellemēt que nul ne ſ'oſoit trouuer par les ruës, & ne failloit que dire vn mor, ou auoir quelque hayne, qu'on estoit incōtinent tué & aſſommé: puis meirent ſus tailles & empruntz, comme importables, tant ſur le peuple que ſur gens d'Egliſe, & autres gens de bien, qui estoient moult deſplaiſans & en grand' doute: car ilz n'auoient regard à quelque choſe.

Meſſire Pier- re des Effars, Preuoſt de Paris, eut la teſte coupée.

De l'eſmotion qui fut de recheſſaïcte à Paris, par les bouchiers: & comment le Duc de Bourgongne ſ'en fuyt hors de Paris.

LES CRONIQ. ET ANNALES DE FRANCE.



L'ADVINT vn iour que le premier President de Parlement, nommé messire Henry de Marle, & messire Jehan luuenel des Vrsins, aduocat du Roy audi& Parlement, grands gens de bien, & qui estoient bien & grandement alignagez de tous les plus grands de Paris, & fort autorisez, eux & leurs amys se meirent sus, avec grande multitude de peuple, & vindrent en l'hostel de saint Paul, ou estoit le Roy, & monseigneur le Duc de Guyenne, son filz aîné: & illec, present tout le Conseil & l'Vniuersité de Paris, remonstrerent au Roy & à sondict filz aîné, les inconueniens ou ilz estoient en leurdict& bône ville de Paris: & qui plus estoit, monseigneur d'Orleans, auoit grand nombre de gens d'armes, & mandoit de toutes pars ses alliez, & que ia estoient à Vernon: parquoy le royaume estoit en dâger d'estre perdu du tout. Et lors mondict Seigneur de Guyenne, Daulphin, & le Duc de Berry, son oncle, desplaisans de la mort de tant de notables gens, ses bons seruiteurs, veu la promesse que luy auoit faicte le Duc de Bourgongne, son beau pere, considerant le peril & dâger dessusdict, trouuerent façon de gagner aucuns des principaux de Paris: & vn iour de Vendredy, troisi&me iour d'Aoust, s'assemblerent plusieurs Parisiens de leur intelligence en l'Eglise saint Germain de Lauxerrois, & estoit chef de l'entreprinse vn nommé Augier, qui feit desployer vn estandard aux armes du Roy: & au point du iour partir&ent, all&ant vers l'hostel dudit Duc de Guyenne, en cri&ant à haulte voix par les ru&es, la paix. Ledit Duc de Bourgongne qui en sceut la nouuelle, alla au deu&ant, pour cuider empescher l'entreprinse: mais ledit Augier feit rousiours marcher l'estandard cri&ant: La paix: plus fort que deu&ant, & vindrent iusques deu&ant l'hostel des Tournelles. Lors ledit Duc de Berry feit m&oter son nepueu le Duc de Guyenne à cheual, & vindrent au deu&ant dudit populaire, qui luy feit grand' reuerence, & il les receut benignement, & feit desployer son estandard, & cheuaucha avec eux par la ville, & allerent mettre hors de prison lesdictz Ducz de Bar, & de Bauieres, & tous autres prisonniers, Dames & Damoyelles: & pour lors lesdictz bouchiers & escorcheurs de Paris, & autres menus populaires, leurs complices, qui estoient du party du Duc de Bourgongne, estoient en l'hostel de la ville: lesquelz quand ilz sceurent & veirent que le Duc de Guyenne venoit & estoit le plus fort, se muss&erent & s'en fuyrent chascun ou ilz pouoient trouuer seureté: & s'en fuyr&ent la pluspart & s&es pais du Duc de Bourgongne, & se nommoient les Caboches: & tout incontinent ledit Duc de Guyenne manda le Duc d'Orleans, & ses alliez, pour venir deuers luy. Quand le Duc de Bourgongne en fut aduert&y, il eut p&eur, doubtant que quand le Duc d'Orleans seroit venu, il ne se voulsist venger de la mort de son feu pere, par iustice ou autrement: si pensa en luy de soy retirer, & comment il pourroit emmener avec luy le Roy, & le tirer hors de Paris: & feit & practiqua à luy vn Cheualier, nommé Charles de Saucuse, qui gouuernoit le Roy, tellement qu'il le mena à la chasse, afin qu'il peust saillir avec luy, & semmener. Si alla le Roy iusques à B&odis, chasser: mais les Seigneurs, & ceux de Paris, le conuoyerent si fort que le Duc de Bourgongne n'eut pas la puissance: & s'en alla avec luy Enguerrand de Bournouille, Cheualier, qui estoit Capitaine de la garde de mondict seigneur le Duc de Guyenne, & cheuaucherent hastiement iusques à Compi&egne, ou ledit Duc meit garnison, aussi feit il à Soisons. T&at&ost arriuerent les Ducz d'Orleans, de Bourbon, & d'Alençon, à Paris, & les autres Seigneurs leurs alliez, que ledit Duc de Guyenne auoit mandez: lesquelz &eux de Paris receurent à grand' honneur, & allerent au deu&ant d'eux en robes de lurr&ées, & y furent tout l'hyuer. Depuis y vint le Roy Loys de Cecille, Duc d'Aniou, qui s'allia au Duc d'Orleans, de Bourbon, & autres Princes de leur alliance: parquoy il r&enuoya audi& Duc de Bourgongne, la fille, laquelle estoit fiancée à son filz aîné, & renonça à l'alliance qu'ilz auoient ensemble: d&ot ledit Duc de Bourg&ogne, fut fort desplaisant & courroucé: & par ladi&te alli&ance fut faicte & traict&é le mariage de m&onseigneur Charles, dernier filz du Roy, & Comte de Ponthieu, & de la fille dudit Loys, Roy de Cecille, nommée Marie d'Aniou. Les seigneurs de France requierent reparation des choses qu'il auoit mal faict&es contr'eux, tant pour les exc&omunimens, que pour auoir saisy leurs terres, & banny leurs subiectz, & en tout ce qu'il fut possible obtindrent prouision du Roy.

*De l'assemblée
des Parisiens,
qui se feit en
l'Eglise S. Ger-
main de Lau-
xerrois.*

*Le Duc de
Bourgongne
cuida emme-
ner le Roy a-
vec luy.*

Du siege

Du siege de Compiègne & Soissons, qui tenoient pour le Duc de Bourgongne.

LN lan mil quatre cēs quatorze, au moys d'Auril, se partit de Paris le Roy, l'an mil cccc. monseigneur de Guyenne son aîné filz, les Ducz d'Orleans, de Berry, de Bourbon, d'Alençon & de Bar, les Comtes de la Marche, de Richemont, d'Armignac, de Vendosme, le Seigneur d'Albret, Cōestable de France, & plusieurs grands Seigneurs & Cheualiers, en nombre de six à sept mil hommes d'armes : & meirent le siege à Compiègne, que les gens du Duc de Bourgongne tenoient : lesquelz rendirent la ville par composition . Puis alla le Roy à Soissons, qui tenoit pour lediēt Duc de Bourgongne messire Enguerrand de Bournouille, & vn Cheualier de Touraine, nommé monseigneur Menou : en haine desquelz, pource qu'ilz auoient tenu ladiēte ville contre le Roy, & tué Hector le bon bastart de Bourbon, ladiēte ville fut prinse d'affault & pillée, & les Eglises : dont fut grand' pitié & dommage : & là furēt decapitez lediēt Enguerrand de Bournouille, & le Seigneur de Menou, & messire Guyot du Plessis, qui fut prins en l'Abbaye de saint Marc, qui est hors la ville, & fut enuoyé à Paris, & decapité aux Halles . Tous ceux de ladiēte ville furent prins prisonniers, & leurs maisons pillées, & y trouuerent les François de grandes richesses . De ladiēte ville de Soissons s'en alla le Roy à Laon : & illec le Comte de Neuers, frere dudiēt Jehan de Bourgongne, vint deuers luy faire le serment de bien & loyaument le seruir enuers & contre tous, & iamais n'ayder au Duc de Bourgongne contre le Roy, ne son aîné filz le Duc de Guyēne. De là s'en alla le Roy à saint Quētin, ou il ouyt nouuelles qu'il venoit grand' armée des païs de Bourgongne, pour secourir le Duc, & ia estoient au païs de Thierasse : * & incontinent monterent à cheual en armes, par le commandement du Roy, les Ducz de Bourbon & d'Alençon, & de Bar, le Comte d'Armignac, & le Connestable de France, & chasserent iceux Bourguignons depuis la chappelle Haulteresse, iusques à nostre Dame de Haultz, en Brabant : & en tuerent plusieurs, & prindrent grād nombre de prisonniers, & y gaagnerent les François de grandes richesses. De là tirerent lesdiētz Seigneurs à Bapaulmes, qu'ilz prindrent, & en chasserent les Bourguignons. Puis meirent le siege deuant la ville d'Arras, ou le Roy vint en personne avec lesdiētz Princes : & le siege durant, le Roy fut griefuement malade . Lediēt Duc de Bourgongne seiournant lors en la ville de Douay, ladiēte ville d'Arras fut fort batuē d'Artillerie : & ce pendant la Comtesse de Hollande, sœur dudiēt Duc de Bourgongne, vint plusieurs fois deuers le Duc de Guyenne, qui auoit espousé sa fille, pour faire l'appointement . Lediēt Duc de Guyenne fut fressé, & tellement mené & persuadé qu'il fit leuer lediēt siege, disant que lediēt Duc de Bourgogne enuoyeroit à Paris messages, ayans puissance de traicter de paix : & se mit à chemin pour venir à Paris : dont les Seigneurs ne furent pas contens . Tantost apres lediēt retour fit lediēt Duc de Guyenne assembler vn grand Conseil à saint Denis, ou estoient les Ducz de Berry, d'Orleans, de Bourbon, de Bar, & autres grands Princes. Le Duc de Bourgongne y enuoya le Comte de Hollande, qui auoit sa sœur espousée, qui fit de grandes remonstrances, pour auoir preēminence : & les choses debatues, lediēt Duc de Guyēne fit dire à tous lesdiētz Seigneurs, par l'Euesque de Chartres, son Chancelier, qu'il vouloit la paix entretenir & garder entr'eux : & à tant se departit du Conseil.

La ville de Soissons fut prinse & pillée.

** Aucune-fois il nomme ce païs Thierasse.*

Le siege mis deuant la ville d'Arras.

Comment le Duc de Guyenne, Dauphin, print le gouvernement du Royaume.

Antost apres le Duc de Guyēne s'en retourna à Paris, & print le gouvernement du royaume, & se nomma Regent : & accueillit au tour de luy ieune gens, adonnez à plaifance, en telle maniere que nulles gens, mesme les Ducz d'Orleans, de Berry, & de Bourbon, ny autres ne pouoient auoir accez à luy, pour luy parler des grāds affaires du royaume, ausquelz failloit donner prouision. Aucc ce ne voulut veoir la Duchesse, sa femme, & l'enuoya à Marcoucy, à petit estat : & par despit de ce que les Princes, qui estoient à Paris, alsistoiēt au Conseil, & expedioient les besongnes & affaires sans luy, par ce qu'il n'y entendoit point, il s'en alla à Meleun, & n'en voulut reuenir de long temps : & pour son absence ne pouuoit on cōclurre es faitz du royaume. La Royne, sa mere, & le Duc de Berry delibererent d'aller à Meleun, pour le faire retourner, & allereut iusques à Corbeil : mais quand il sceut la venue, il leur manda qu'ilz n'allassent plus auant, & que le lendemain

LES CRONIQ. ET ANNALES DE FRANCE

Du Regent en France qui feist apporter en son logis les clefs de toutes les portes de Paris.

** Parauant il eſcrit Orceſ.*

La Comté d'Alençon en Duché.

il feroit à eux audiſt Corbeil, & y enuoya ſes Fourriers pour faire ſon logis : mais le lendemain bien matin il partit de Meleun, & tint le droict chemin de Paris, ſans paſſer à Corbeil: & quand luy & ſes gens eurent paſſé le pont de Charenton, il feist leuer le pont & fermer la porte, & emporta auec luy les clefs, puis vint à Paris: & en entrant feist leuer le pont, & fermer la porte S. Anthoine. Quand il fut en ſon logis, il enuoya querir les clefs de toutes les portes de Paris, & alla logger au Loure, dont ceux de la ville furent effrayez: car lors eſtoient tous les Seigneurs hors de Paris, par deuers leſquelz il enuoya le lendemain, leur dire qu'ilz s'en allaſſent viure en leurs Seigneuries, & ne retournaſſent point en Cour, ſans ſon commandement expreſ: leſquelz obeïrent, & s'en allerent: & tantost apres il manda le Duc de Berry, qui aſſiſta au Conſeil, comme deuant ou lediſt Duc de Guyenne ne ſe trouuoit que peu. Celuy an vint à Paris (par ſauf conduict) le Duc d'Yort, l'Archeueſque de Vviciſtre, & le Comte d'Orſet, * oncles du Roy Henry d'Angleterre, pour demâder en mariage madame Catherine de France, fille du Roy: & furent bien feſtoyez: & apres leur demande faiſte, leur fut reſpondu que pour l'heure on n'y pouuoit entédre, & leur feist on ladiſte reſponſe, par ce qu'on ſçauoit certainement que lediſt Roy d'Angleterre faiſoit groſſe armée pour deſcédre en Normâdie, parquoy s'en retournerent bien deſplaiſans: & requirent qu'on les menaſt monter ſur mer, pour retourner en Angleterre, & qu'ilz vouloient monter à Harſieu: mais c'eſtoit principalement pour veoir & conſiderer la ville, & comment elle eſtoit fortifiée. En celle année mil quatre cens quatorze, la Comté d'Alençon fut erigée en Duché.

De la bataille d'Azincourt, dommageable aux François.

L'an mil cccc. & quinze.



De la ville de Harſieu qui fut contraincte de ſoy rendre au Roy d'Angleterre.

De la groſſe deſconfiture des François, pres Azincourt, par les Anglois.

N l'an mil cccc. xv. au moys d'Aouſt, Henry, Roy d'Angleterre, quint de ce nom, deſcendit en France en moult grand' armée, & entra par la bouche de Seine au Chef de Caux, & meit le ſiege deuât Harſieu, ou s'eſtoït retraictz la pluſpart des Barons de Caux: & auec eux eſtoit le ſeigneur de Gaucourt. Les Ducz de Guyenne & de Berry allerent à Rouen, & aſſemblerent gens & viures pour aller ſecourir ceux de Harſieu: mais ilz furent ſi clos, & ſi preſſez de la bäterie des Canons, qu'ilz ne peurent eſtre ſecourus, & y en mourut pluſieurs, & entre autres vn vaillant Cheualier nommé le Boudoan de la Heuze. Finablement furent les François tenus ſi à deſtroit, tant par diminution de leurs gens, que par bleſſures & par famine, qu'ilz furent contrainctz bailler ladiſte ville, à la voluté du Roy d'Angleterre. Puis cheuaucha toute Normâdie, & preſque Picardie, pour tirer à Calais, le long du riuage de la mer: & paſſerēt la riuere de Sôme, entre Corbie & Perône, à vn lieu nommé Beauqueſne: & ſe trouuerēt au deuât deſdiſtz Anglois preſque tous les Princes, & grâds Seigneurs de France, qui auoient eſté mandez à Blangy, pres d'Azincourt: c'eſt à ſçauoir le Duc d'Orleâs, le Duc de Bourbon, le Duc de Bar, le Côte de Neuers, le Duc de Brabâ, le Côte d'Eu, le Côte de Vendosme, le ſeigneur d'Albret, Cōneſtable de France, Bouciquault, Mareſchal de France, le Comte d'Aumalle, le Comte de Vaudemont, frere du Duc de Lorraine, le Côte de Rouſſy & de Vienne. Tous leſquelz auoïēt en leur compaignie dix mil hōmes d'armes, tous Cheualiers, & Eſcuyers. Le Roy d'Angleterre auoit en ſa compaignie ceux de ſon ſang & lignage, & mil cinq cens hommes d'armes, & de xvj. à xvij. mil Archiers: leſquelz François & Angloys eſtoient bien pres les vns des autres. Le Roy d'Angleterre veid que les François eſtoient en mauuais ordre: car les vns ſe pourmenoient, & les autres ſ'alloient chauffer & repaiſtre, eux & leurs cheuaulx, & ne ſe tenoient point enſemble en bataille, & ne cuidoient point que les Anglois les oſaſſent combatre, veu la contenance qu'on leur auoit veu tenir par deux iours. Leſdiſtz Anglois ſoubdainement aſſaillirent & frapperent deſſus les François, le iour S. Creſpin xiiij. iour d'Oôtre, mil cccc. xv. & par la permiſſion diuine furent leſdiſtz Seigneurs, Ducz, & Comtes François deſconfitz, & y moururent les Ducz d'Alençon, de Bar, de Lorraine, & de Brabant, le Comte de Neuers, le Seigneur d'Albret, Cōneſtable de France, l'Archeueſque de Sens, & pluſieurs autres grâds Seigneurs, Barons, Cheualiers, Eſcuyers, & autres: & les Ducz d'Orleans & de Bourbon, les Comtes d'Eu, de Vendosme, & de Richemont, filz du Duc de Bretagne, qui depuis fut Cōneſtable de France, & le Mareſchal Bouciquault, & pluſieurs autres grands Seigneurs, Barons, Capitaines, Cheualiers, & Eſcuyers furent prins priſonniers: & de la partie du Roy d'Angleterre y mourut le Duc d'Yort, & enuiron quatre cens Anglois, & des

& des François bien quatre mil, que Cheualiers qu'Efcuyers. A ce iour estoient le Roy, le Duc de Guyenne, & le Duc de Berry à Rouen : lesquelz deux iours apres, sçeurēt ces nouvelles, dont ilz furent fors desplaisans. Le Roy d'Angleterre meit lesdictz prisonniers à rançon, & les enuoya en Angleterre, ou ledict Duc de Bourbon trespasla, apres qu'il y eut esté prisonnier xvij. ans, & payé presque toute sa rançon : & gist à Londres en l'Eglise des Cordeliers. Dieu en vueille auoir l'ame, car c'estoit vn bon Prince.

De Duc de Bourbon qui fut xviij. ans prisonnier en Angleterre, ou il mourut.

Comment le Comte d'Armignac fut fait Connestable de France : & comment le Duc de Bourgogne vint deuers le Roy, en armes.

Antoist apres ladicte desconfiture en vindrent nouvelles au Roy, luy estant en ladicte ville de Rouen, si assembla son Cōseil; & enuoya querir le Comte d'Armignac: lequel vint, & avec luy amena vne grosse armée: & quand il fut venu, le Roy par grande deliberation de conseil, le feit Connestable de France: lequel fut receu au serment, & en feit hommage au Roy: & tout incontinent il sçeut que le Comte d'Orfer, Anglois, estoit au pais de Caux, & gastoit tout le pais, & s'estoit parqué en vn lieu appelé Vallemont. Ledit Connestable tira droit là, & en sa compaignie estoient messeigneurs Loys de Longny, Marechal de France, & plusieurs Capitaines: & l'assallirent moult asprement, & combattirent tout le iour, iusques à la nuit, & en tuerent bien quatre cens. Quand la nuit s'approcha, ledict Comte d'Orfer enuoya deuers ledict Connestable, requerir trefues iusques au lendemain: lesquelles il luy octroya, mais la nuit iceluy Côte s'enfuyt si hastiement que luy & ses gens perdirēt tous leurs cheuaulx: & le lendemain au point du iour, quand ledict Connestable s'en apperçeut, il courut apres le long de la coste de la mer, & moult en tua, & feit noyer en la mer, mais ledict Comte d'Orfer se sauua dedans Harfieu.

En ce temps le Duc de Bourgogne, qui fut courroucé de la mort de ses deux freres, qui estoient mors à Azincourt, se partit de ses pais à tout grand' armée, & s'en vint vers Troyes. Le Roy, qui sçeut sa venue, luy manda que s'il vouloit aller contre les Anglois, il luy bailleroit le Gouuernement: mais il feit responce aux Ambassadeurs qu'il s'en venoit pour parler au Roy, & à mōseigneur de Guyenne, son gendre: lesquelz furent courroucez contre luy, de ce qu'il venoit vers eux en armes: & manda le Roy aux villes d'entre Paris & Troyes, qu'on ne luy feist nulle ouuerture: ce neantmoins, ceux de Lagny le bouterent en leur ville, ou il fut depuis la saint Martin d'hyuer iusques à Karesme-prenant, esperant tousiours qu'en la ville de Paris y auroit quelque commotion, & que ceux de ladicte ville le mettroient dedans.

De la mort du Duc de Guyenne, & Iehan, son frere, aîné filz du Roy.

Nuiron la feste de Noel, audiēt an mil quatre cens & quinze, alla de vie à trespas mondiēt seigneur Loys, Duc de Guyenne, Daulphin de Viennois, aîné filz du Roy, & fut enterré dedās l'Eglise nostre Dame de Paris: lequel ne fut gueres plaint, par ce qu'il estoit mal conditioné, & ne vouloit faire les choses qu'à sa volunté, sans croire conseil. Et lors demourerēt à la garde de Paris le Comte d'Armignac, Connestable de France, & mē sire Tanneguy du Chastel, Preuost de Paris, & fut fait Capitaine d'icelle ville mōseigneur Charles, Comte de Ponthieu, dernier filz du Roy. Ce voyant le Duc de Bourgogne vint à Lagny à grand' puissance, & y seiourna par aucuns iours, esperant qu'aucune commotion se feist en la ville de Paris, & que les Bourgeois le mandassent: mais tellement y fut pourueu qu'aucun inconuenient n'y aduint: & voyant qu'il estoit loing de son entente, il feit requerir que sa fille la Duchesse de Guyenne, qui estoit veufue, luy fust renduë, ce qui fut accordé, & luy fut menée iusques à Brie Comterobert, ou il passa querir, & s'en emmena en son pais. En icelle année le Prince d'Orenge, qui tenoit le party du Duc de Bourgogne, print & saisit presque tout le pais de Languedoc, & n'y auoit personne qui luy resistast pour le Roy. Apres le trespas de mōdiēt seigneur de Guyenne, aîné filz du Roy, fut mandé au Duc de Bauiere, Comte de Henault, qu'il amenast mōseigneur Iehan de France, second filz du Roy, qu'il auoit avec luy, par ce qu'il auoit espousé sa fille, pour prendre la Regence, & auoir le Gouuernement du royaume, & entretenir la guerre: lequel se meit à chemin, & vint insques à Compiègne, & là mourut: & fut enterré en l'Eglise

L'an milccc. & quinze.

LES CRONIQ. ET ANNALES DE FRANCE.

sainct Cornille, & par sa mort mōseigneur Charles, Comte de Ponthieu, fut Daulphin.

De la venue de l'Empereur à Paris: & de la mort du Duc de Berry.

L'an mil cccc.
C. lxxc.



Du Doyen de
Tours qui fut
condamné à
perpetuelle
prison.

Bastiment du
Chasteau de
Vicestre, &
autres places
faites par le
Duc de Berry.

* Les Cron.
d'Aniou, &
autres, metent
Loys ij. son
filz, devant
René.

N l'an mil cccc. xvj. le Duc de Bourgogne enuoya secrettement dedans Paris, messire Jehan de Poix, par deuers aucuns ses fauteurs, qui auoient entrepris faire esmouuoir le commun, le iour de Pasques deuers le soir, & faire tuer tous ceux qui auoient accointance au Ducz de Berry, d'Orleās, & de Bourbon: mais messire Tāneguy du Chastel, Preuost de Paris, en fut aduertty, & assembla & feit armer force gens, & cheuaucha par Paris, & prindrent plusieurs des coupables prisonniers: mais ledict de Poix s'eschappa & s'efuit. Entre lesdictz prisonniers fut prins le Doyen de Tours, qu'on appelloit le Boiteux d'Orgemont, qui fut filz de Pierre d'Orgemont, en son viuant Chancelier de France: lequel estoit des principaux de la conspiration, & par sentence fut condamné, & mené es prisons de l'Euesque d'Orleās, à Mehun sur Loire, en chartre perpetuelle, apres ce qu'il eut esté preché au paruy nostre Dame de Paris, & là mourut miserablement insensé: & plusieurs des autres coupables furent descapitez. En ladicte année l'Empereur Sigismond vint à Paris, & le festoya moult grandement le Duc de Berry, son oncle, & de là s'en alla ledict Empereur en Angleterre, pour cuider trouuer façon de faire appointement entre les François & Angloys, & pour la deliurance des prisonniers: mais riens n'y feit. Tantost apres mourut à Paris le Duc de Berry, en son hostel de Neelle (lequel auoit d'age iiii. xx. & ix. ans) dont fut dommage de sa mort: car il estoit bon, doulx, & paisible, Prince de noble courage, liberal, & abandonné, ayment ioyaux & edifices: & fut son corps porté enterrer en sa sainte Chapelle du Palais de Bourges, qu'il auoit fait edifier de moult bel & riche ouurage: & ausi auoit fait edifier le Palais de Poitiers, l'hostel de Neelle à Paris, & de Vicestre, les chasteaux d'Vifson la Nonette, en Auvergne, Mehū, sur Yeure, en Berry, & autres iusques au nombre de xvij. Palais & Chasteaux: & si auoit donné à l'Eglise de Paris le chef saint Philippe Apostre, à saint Denis en France le chef S. Benoist, & plusieurs autres grands, riches, & sumptueux reliquaires & ornemēs d'Eglise, aornez de riches pierres precieuses de grands pris, & semblablement par toutes les Eglises & villes de ce royaume, plus que iamais n'auoit fait Prince viuāt sur terre. Aux seigneuries dudit Duc succeda le Roy, excepte que le Duc de Bourbon, qui auoit espousé sa fille, succeda en la Duché d'Auvergne, & Comté de Montpensier. Au Careme ensuyuāt, en iceluy an, mourut Loys, Roy de Cecille, Duc d'Aniou, en la ville d'Angiers: & luy succeda monseigneur René, * son filz aisné, au royaume de Cecille, d'Arragon, & de Hierusalem, & audit Duché d'Aniou: & monseigneur Charles, son second filz, fut depuis Comte du Maine, & eut encores d'autres terres: & ne demoura plus aucuns Princes du sang du Roy autour de luy: parquoy ledict Comte d'Armignac, Cōestable, print tout le gouuernement du royaume, tant des finances qu'autres affaires, qui ne fut pas à chascun agreable: car il n'entretenoit que Gascons, & gens de son pais. En ce temps, par l'ordonnāce dudit Comte d'Armignac, fut la Roynie, & madame Catherine, sa fille, menée à Bloys, & de là à Tours, par le President de Prouence, messire Jehan Louuet: & feit ledict d'Armignac grande mutation d'Officiers & seruiteurs: & pource que ladicte Roynie auoit mis de grands thresors & bagues en plusieurs Eglises collegiales & autres lieux, ledict Comte d'Armignac par mandemēt royal les feit prendre, pour conuertir es affaires du Roy, comme il disoit.

De la guerre que feit le Duc de Bourgogne contre monseigneur le Daulphin: & comment il print la Roynie, & sa fille, en ses mains: & comment monseigneur le Daulphin vint à Paris.

L'an mil cccc.
dixsept.
Ceux de Rouē
tuerent leur
Baillif, Aduo
cat, & le Pro
cureur du
Roy.



L'AN mil cccc. xvij. monseigneur le Daulphin Charles, qui parauant estoit nommé Comte de Ponthieu, s'en partit secrettement de Paris, ou il estoit, pour aller à Angiers, à l'obsequie du feu Roy Loys de Cecille, Duc d'Aniou, son beau pere: lequel fut enterré en la grand' Eglise saint Maurice: & luy estāt à Angiers luy vindrent nouuelles que ceux de la ville de Rouen s'estoient esleuez, & auoient tué le seigneur de Gaucourt, qui estoit le Baillif dudit lieu, nommé Raoul de Gaucourt, & les Aduocat & Procureur du Roy, & auoient mis & tenoient

& tenoient le siege deuant le chasteil, duquel estoit Capitaine messire Jehan de Bourbon, seigneur de Preaux. Si se meit à chemin pour y aller, & passa par Chartres, ou il eut nouuelles que le seigneur de Chastellun, & messire Guy de Bar, le Comte de Joigny, & autres Seigneurs de Bourgongne estoient venus mettre le siege deuant S. Florentin. Si y enuoya mondict seigneur le Daulphin le grand Maistre des Arbalestriers de France, le Marechal d'Orleans, le seigneur de Vaugour, & autres, avec viij. cens homes d'armes: mais auant qu'ilz fussent là arriuez lesdictz Bourguignons estoient entrez en ladicte ville. Quand ceux de ladicte ville de Rouen sceurent la venue de monseigneur le Daulphin, en si grand' puissance qu'il estoit, ilz allerent au deuant de luy, & luy remonstre-
rent que ce qu'ilz auoient fait, c'estoit pour les grands extorsions que leur faisoient les gens d'armes du Roy, qui estoient au pais de Caux (desquelz estoit Capitaine Jehan Rollet) & nō pas pour empescher l'autorité de mondict seigneur le Daulphin, & le receurent dedans la ville honnorablement: parquoy il leur pardonna benignement l'offense qu'ilz auoient faite: & leur fut baillé pour Capitaine & gouuerneur de ladicte ville & chasteil, le Comte d'Aumalle, & demourerent avec luy plusieurs Seigneurs de Normandie. Audiect lieu de Rouen mondict seigneur le Daulphin eut nouuelles que le Roy d'Angleterre estoit descendu en Normandie, & ia auoit mis le siege deuant le chasteil de Touque, qui luy fut baillé: & tost apres, vne heure ou deux, eut autres nouuelles que le Duc de Bourgongne estoit en Beauuoy sin, & venoit à grand' puissance deuant Paris. Si vint iceluy Duc à Pontoise, qui luy fut baillée sans resistance, & passa Seine, à Poissy. Si eut illec mondict seigneur le Daulphin conseil, pour scauoir s'il demoutroit à Rouen, pour resister au Roy d'Angleterre, ou s'il yroit garder Paris contre le Duc de Bourgongne: & illec fut deliberé qu'il yroit à Paris pour le mieux, ce qu'il feir: & tantost apres qu'il y fut arriué, le Duc de Bourgongne y arriua aussi du costé de Montlehery, & se logea en vn village nommé Vanues, & au Bourg la Roynne, & autres villages d'environ, à grand' armée, ou il fut trois sepmaines sans en partir: & dedans la ville estoient avecques mondict seigneur le Daulphin, le Comte d'Armignac, Connestable de Frâce, le Vicomte de Narbonne, messire Tāneguy du Chasteil, Preuost de Paris, les Seigneurs d'Arpaion, de Seuerac, & plusieurs autres grands Seigneurs, qui faisoient tous les iours plusieurs grandes faillies, & escarmouches, sur lesdictz Bourguignons. De là s'en partit le Duc de Bourgongne, & s'en alla par Montlehery, qu'il print. Puis alla à Corbeil, ou il meit le siege: mais riens n'y feir: car pour defendre la ville y estoit allé le seigneur de Barbazan, & enuoya le seigneur de Tholongon, à tout grand nombre de gens, qui meit le siege deuant la place d'Orsay. Les Seigneurs qui estoient à Paris, y enuoyerent hastiement des gens d'armes, qui frapperent sur les Bourguignons, & les desconfirent, & en amenerent grand nōbre de prisonniers à Paris: & par ce s'en alla en Gastinois. Apres tira ledict Duc de Bourgongne au Puiset, ou il trouua ledict seigneur de Barbazan, & Bertrand de la Tour, filz du seigneur de la Tour en Auuergne, qui luy resisterent si bien qu'il fut cōtrainct de passer oultre, & s'en alla iusques à Chartres: car la ville s'estoit mise en son obeissance, par le moyen de Helyon, seigneur de laqueuille, lequel auoit fait emprisonner plusieurs Bourgeoys & Nobles personnes, & rendoit à toutes fins de les faire descapiter, pour auoir leurs biens: & vn iour obtint congé dudit Duc de Bourgongne de ce faire: mais Dieu luy retrencha sa malle volonté: car vn nommé Hector de Saucuse, qui auoit debat à luy, en entrant en l'Eglise nostre Dame de Chartres le rencontra. Si le feir prendre par ses varletz, & le feir ietter hors de l'Eglise, & tuer, & traîner iusques deuant le logis du Duc de Bourgongne: & à grande diligence s'en alla ledict Duc de Bourgongne deuers la Roynne, qui estoit en Touraine: laquelle l'auoit secrettement mandé, pour aucuns desplaisirs qu'elle disoit que le Comte d'Armignac, & autres des Officiers du Roy, & de mondict seigneur le Daulphin, luy auoient faitz: & furent prins les Chancelier & secretares de ladicte Roynne, par ce qu'elle disoit qu'ilz auoient descelé les thresors du Roy, qui estoient en aucunes Eglises, ou elle les auoit mis en garde, & que ledict Comte d'Armignac, & le President de Prouence, maistre Jehan Louuet, les auoient prins: & alla ledict Duc de Bourgongne iusques à Marmonstier, lez Tours, ou il trouua la Roynne, qui ioyeusement le receut, & le mena à Tours, & à sa venue ceux de la cité crierent Noel. Quand ilz eurent là seiourné aucuns iours s'en reuint ledict Duc de Bourgongne, & amena ladicte Roynne, & sa fille Catherine, à Chartres, ou il fut longuement: & ce pendant aucuns trahystres luy cuiderent donner

*Du Roy de
Angleterre
qui descendit
en Norman-
die, & print
le chasteil de
Touque.*

*Du Duc de
Bourgongne
qui vouloit
entrer à Paris,
& se vint lo-
ger à Vanues,
au Bourg la
Roynne, &
aux environs.*

*De la venue
du Duc de
Bourgongne à
Tours.*

LES CRONIQ. ET ANNALES DE FRANCE

*Le royaume
de France qui
cheut en gros-
ses diuisions.*

entrée à Paris, & y vint lediſt Duc ſecrètement : mais la trahyſon fut deſcouuerte, & en furent deſcapitez aucuns qui en eſtoient cauſe : & par ce ſ'en retourna lediſt Duc à Chartres : & audiſt voyage perdit grand nombre de ſes gens, de trauail & de froidure : & là ſe print ſi grande mortalité ſur ſes gens qu'ilz mouroient ſur les fumiers. Adonc ſ'en partirent de Chartres, luy, la Roynne, & madame Catherine, & les mena à loigny, & de là à Troyes : & là constitua vn Parlement, & feit maistre Eustace de Lestre, Chancelier de par le Roy. Le Comte d'Armignac, Conneſtable de France, avec quinze cens lances ſuyuit lediſt Duc de Bourgongne, iusques à loigny, mais il ne peut paſſer la riuere. Si ſ'en retourna ſans riens faire. Par ce que diſt eſt, on peut veoir que le royaume cheut en grande diuiſion : car le Roy Henry d'Angleterre, duquel lediſt Duc de Bourgongne ſ'eſtoit allié, eſtoit en celle ſaiſon faiſant guerre en Normandie, conquerant villes & chasteaux : & d'autre part lediſt Duc meit en ſon obeïſſance pluſieurs villes, citez & chasteaux, & preſque toute Picardie, Champaigne, & Vermendois, dont pluſieurs ſe repentirent. Tantost apres, meſſire TanneGuy du Chastel, Preuoſt de Paris, print le chasteſt de Montlehery, ſur les Bourguignōs : puis alla mettre le ſiege à Senlis, qui tenoit pour le Duc de Bourgongne. Ceux de la cité promeirent la rendre à certain iour s'ilz n'eſtoient ſecourus, & de ce baillerent oſtages : & pource qu'ilz ne la rendirent pas au iour promis, lediſt Preuoſt feit couper la teſte aux oſtages & ſ'en retourna. Puis alla lediſt Preuoſt à Cheureuſe, & print & pilla la ville, mais il ne peut prendre le chasteſt.


De la prinſe de Caen par les Anglois.

*Le Duc de
Bourgongne
fut prononcé
excommunié.*

EN celle ſaiſon le Roy d'Angleterre print d'aſſault la ville de Caë, ou eſtoit le ſeigneur de Montenay : puis meit le ſiege à Falaiſe, ou eſtoit meſſire Oliuier de Manny : & apres print ſainct Lo, Bayeux, & pluſieurs autres villes & fortereſſes, les vnes par aſſault, & les autres par compoſition. En ce tēps fut mis és mains des maiſtres de la foy à Paris, la propoſition que le Duc de Bourgogne auoit faiſt faire, pour vouloir ſouſtenir qu'il auoit biē faiſt de faire mourir le Duc d'Orleans, & auſſi la ſentence d'excommuniement qu'il auoit faiſt prononcer contre les Seigneurs du ſang : & apres pluſieurs Conſeilz, furent leſdictes propoſitions & ſentence condamnées, comme erronées, & mal ſonnantes touchant la foy, & le Duc de Bourgogne prononcé excommunié, à cloches ſonnans, & chandelles eſtainctes. En celle ſaiſon meſſire Iehan de Chaalons, Prince d'Orenge, le Seigneur de ſainct George, & autres qui tenoient le party du Duc de Bourgogne, avec grand' armée ſe partirent de Bourgongne, & paſſa par Lyonnois : & de là tira le long du Roſne, par le païs de Viennois, iusques en Aignon, & print le pont ſainct Eſprit. Meſſire Regnault de Chartres, Archeueſque de Reims, & meſſire Iehan de Lenis, Cheualier, Seigneur de Vauuert, aſſemblerēt les Nobles d'Auuergne, & de Viennois, pour luy aller reſiſter : mais auant qu'ilz y fuſſent lediſt Prince auoit ia mis toutes, ou la pluſpart des citez, villes & places de Languedoc, en obeïſſance pour lediſt Duc de Bourgogne (reſeruées les villes de Beaucaire, & de Villeneufue, lez Aignon) & en fut lediſt Prince d'Orenge Gouverneur pour lediſt Duc : & ce faiſoit faire iceluy Duc, principalement à fin que modict Seigneur le Daulphin ne ſe peult ayder des finances dudiſt païs.

*Comment le Seigneur de Liſleadam entra à Paris, criant, Viue Bourgongne :
& comment monſeigneur le Daulphin ſe retrahit en la Baſtille : & com-
ment le Comte d'Armignac, Conneſtable de France, fut tué,
& pluſieurs autres, à Paris.*

*L'an mil cccc.
dixhuiſt.*



L'AN mil cccc. dixhuiſt ſ'aſſemblerent aucuns des Conſeillers du Roy, du Duc de Bourgongne, en vn village, nommé la Tumbes, pres Monſtereau Fault-Yonne, pour trouuer moyē de faire quelque appoinctement : mais lediſt Duc de Bourgongne faiſoit de ſi exceſſiues demandes, contre l'honneur du Roy & du Daulphin, qu'il ſembloit bien qu'il ne vouloit point d'appoinctement : & par ce ſ'en retournerent ſans riens faire. Ceux de Paris eſtoient ſi laſſez & foulez de la guerre deſdictz ſeigneurs, qu'ilz commencerent à murmurer contre lediſt Conneſtable d'Armignac, par la perſuaſiō que leur faiſoit faire lediſt Duc de Bourgongne : & le ving-

& le vingtneufiesme iour de May, au poinct du iour, messire Iehâ de Villiers, seigneur de Lisleadam, à tout trois cens hommes combatans, entra par la porte saint Germain des Prez dedans la ville de Paris, de par le Duc de Bourgogne: & luy ouurit la porte vn nommé Pertinet le Clerc, vendeur de fer, qui auoit emblé la clef de ladicte porte: & fut ledict seigneur de Lisleadam au milieu de ladicte ville auant qu'on s'en apperceust, cheuauchant luy & ses gens à banniere desployée, en criant: La paix, bonnes gēs, la paix, viue Bourgogne. Ceux qui estoient du party dudiect Duc de Bourgogne, & qui estoient en la ville, & demouroient en icelle: au quartier des Halles, & pareillement tous les bouchiers, prenoient la Croix blanche saint André, & tant plus alloient dedans la ville, tant plus croissoient leurs compaignies: & ceux qui tenoient le party du Roy, dudiect Duc d'Orleans de Berry, de Bourbon, d'Alençon, & des autres Seigneurs s'en fuyoient, & se mussioient ou ilz pouuoient, & furent leurs maisons pillées. Quand monseigneur le Daulphin, messire Tanneguy du Chastel, le President de Prouence, & messire Iehan Louuet, & autres grands gens de la maison de mondiect seigneur le Daulphin, qui estoient en la ville, sceurent ces nouuelles, ilz se retrahyrent en la Bastille saint Anthoine: & lors iceluy seigneur de Lisleadam vint à saint Paul, ou estoit le Roy accompagné de plusieurs qui auoient esté Officiers du Roy, pendant le temps que le Duc de Bourgogne gouuernoit, & prindrent congnoissance au Roy, & le feirent monter à cheual (car pour l'heure il n'estoit pas en bon propos) & le feirent cheuaucher & aller par la ville, parquoy ilz eurent tout le commun pour eux: & prindrent & pillerent toutes les maisons des Seigneurs, & Bourgeois, qui demouroient en ladicte ville: c'est à sçauoir de ceux qui tenoient & aymoient le party dudiect Roy, de monseigneur le Daulphin, & de monseigneur le Duc d'Orleans, & en prindrent plusieurs prisonniers: & en tuerent beaucoup: & entre autres ilz tuerent le Comte de Armignac, Connestable de France, messire Henry de Marle, Chancelier de France, le Comte de Grand pré, & autres, tant Prelatz, Barons, Cheualiers, & Escuyers, qu'Officiers, Bourgeois, & Marchans: & en tuerent dedans les prisons, ou ilz les auoient mis & estoient conducteurs de ceste besongne, & malfaiect, le seigneur de Lisleadam, messire Iehan de Luxembourg, messire Charles de Lan, messire Claude de Chastelez, & messire Guy de Bar. Quand ledict Comte d'Armignac, Connestable de France, fut ainsi tué, ilz le meirent en la court du Palais, tout nud, sur la pierre de marbre: & pource qu'il portoit en ses liurées & deuises vne bande, lesdictz seducteurs luy leuerent vne courroye de sa peau, depuys l'espaule iusques au genoil, & la luy meirent en bande au trauers de son corps, & plusieurs desdictz prisonniers feirent saillir par les fenestres, & par dessus les murs des prisons, par le Bourreau de Paris, & par plusieurs portefaix & brigans des villages d'entour Paris: & en feirent bien tuer & noyer iusques au nombre de trois mil: car si vn homme eust parlé du sien, ou qu'il eust demadé aucune debte d'or, ou d'argent, son ennemy le faisoit tuer, en donnant vn escu, soubz vmbre de luy mettre sus qu'il estoit de la partie du Roy, & du Comte d'Armignac.

*De l'audace
du seigneur de
Lisleadam.*

*De la grosse
pillerie qui
fut faicte à
Paris, par les
gens du sei-
gneur de Lis-
leadam.*

*De l'inhu-
manité qui fut
faicte au Co-
te d'Armi-
gnac à Paris.*

*Comment les gens de monseigneur le Daulphin faillirent à recouurer Paris:
parquoy il s'en alla à Bourges, & puis à Saumur.*

NCONTINENT, & le lendemain, que ses gens furent entrez dedans Paris, monseigneur le Daulphin fut par messire Tanneguy du Chastel, transporté nuyctamment hors de ladicte Bastille, & mené à Meleun, & en passant laisserent garnison au pont de Charenton, & furent mandez audiect Meleun tous les gens d'armes de son party, venir autour de luy. Si vindrent deuers luy messire Pierre de Rieux, Marechal de France, le Seigneur de Barbazan, & plusieurs autres Capitaines, & retournerent à Paris, & entrerent dedans par la Bastille saint Anthoine, cuidans recouurer la ville: & vindrent les gens par la grand' rue saint Anthoine, iusques à la Porte Baudet: mais pource qu'aucuns se bouterent dedans les maisons, pour les piller & rober, à ceste occasion ilz perdirent à recouurer la ville, & furent reboutez & contrainctz à eux retirer. Parquoy s'en retira mondiect Seigneur le Daulphin, & son armée a Meleun, & de là alla à Bourges: & ainsi demoura le Roy es mains dudiect Duc de Bourgogne: & madame la Daulphine, qui estoit à Paris, se meist en l'hostel de Bourbon, ayant grand' pœur, veu les maux qu'elle veoyt faire en la ville de Paris. Mondiect seigneur le Daulphin enuoya

M M iiii

LES CRONICQ. ET ANNALES DE FRANCE.

ses gens d'armes à Meaux, à Coucy, & à Guyse, & es places d'enuiron : & fait son Capitaine & Lieutenant general ledict messire Tanneguy du Chastel, Preuost de Paris, es pais de France, Champagne, & Brye. En ce temps monseigneur le Daulphin enuoya au Comte de Foix lettres pour estre de par luy Gouverneur des pais de Languedoc, qu'auoit entrepris le Prince d'Orenge, pour le Duc de Bourgongne: si accepta le dict Comte : & incontinct fit son armée, & manda tous ses amys & allicz, & mesme-ment le fait sçauoir aux gens des bonnes villes dudit pais de Languedoc: parquoy en peu de temps il recouura tout le pais de Languedoc, & le mit en l'obeyssance de mondict seigneur le Daulphin, & en chassa honteusement ledict Prince d'Orenge, iusques en Bourgongne. En celle saison mondict seigneur le Daulphin alla mettre le siege à Suilly, par ce que le Seigneur de la Trimouille, Seigneur dudit lieu, auoit prins l'Euesque de Clermont, son conseiller, lequel s'estoit eschappé de Paris des mains de ses aduersaires, & fut ledict Euesque deliuré. Parquoy mondict seigneur le Daulphin s'en alla droit à Tours, qui tenoit pour le Duc de Bourgongne, & en estoit Capitaine vn Breton, nommé Charles l'Abbé: lequel par composition s'en alla en son pais, & ceux de la ville demourerent sans riens perdre: puis s'en alla mondict seigneur le Daulphin à Chinon, & de là à Bourges. En ce temps, c'est à sçauoir enuiron quarante iours apres ledict meurtre, le Duc de Bourgongne vint à Paris: & illec vint deuers luy le Duc de Bretagne, qui estoit fort son amy, pour cuider trouuer moyen de faire l'appoinctement entre mondict seigneur le Daulphin & luy, & luy pria qu'il luy deliurast madame la Daulphine sa femme: ce qu'il feit: & la mena ledict Duc de Bretagne à mondict seigneur le Daulphin son mary, à Saumur. Le Samedy treiziesme iour d'Aoust audict an, par le moyen dudit Duc de Bourgongne, & de ses gens & Officiers, le peuple de Paris s'esleua pour la seconde fois en commotion, & comencerent à meurtrir gens de toutes pars: & allerent par toutes les prisons, & puis en la Bastille saint Anthoine, ou estoient prisonniers messire Hector de Chartres, messire Enguerrand de Merconet, Lancelot d'Harainuillier, Cheualiers, Charles Poyart, Argentier du Roy, James Tarenne, & plusieurs autres: lesquelz ilz prindrēt pour mener au Chastelet, & en chemin en meurtrirēt plusieurs, les autres tuerēt sur les carreaux audict Chastelet, & plusieurs en feirent getter par le Bourreau du hault dudit Chastelet en bas: & ceux qui estoient sur le paué les receuoient à pointes de lances, iauelines, & autres bastons: & ainsi estoient meurtris par le moyen & commandement de ce cruel Duc de Bourgongne. De là s'en alla ledict populaire au Loure, & prindrent maistre Charles Cudoc, grand riche homme, Bourgeois de Paris, & le feirent monter derriere Capeluche, Bourreau, qui estoit à cheual, vestu d'une robe de damas fourrée de martres, & tenoit vne doloire en sa main: lequel Bourreau mena ledict Cudoc deuers ledict Duc de Bourgongne, qu'il trouua en chemin, & luy presenta: lequel Duc le fait descendre de derriere ledict Capeluche, & deist à vn sien Cheualier qu'il le luy gardast: depuis, moyennant finance, le deliura. Enuers ledict Duc de Bourgongne furent aucunes notables personnes à qui lesdictz meurtriers ennuyèrent moult, & remonstrenterent audict Duc qu'en donnant telle autorité audict populaire de Paris, ilz pourroient en brief courir sur les Nobles & Seigneurs. Si fut aduisé de les faire vider: & pour auoir occasion fut delibéré de les mener mettre le siege deuant Montlehery, que tenoit pour le Daulphin le Seigneur de Rechoef: & leur fut baillé pour les conduire messire Gaucher de Rupes, & messire Gaulcher Railhart, qui allerēt mettre ledict siege à Montlehery, & feirent battre & assaillir la place: mais riens n'y feirent. Si y enuoya le Daulphin messire Tanneguy du chastel à tout grand nombre de gens, pour secourir ceux de la place: & eux venus à Estampes, ceux du siege en furent aduertis, & ne les oserent attendre: si ardirēt leurs pouldres, leur trait & viures, & abandonnerent Bombardes, Canons & charroy, & s'en retournerent droit vers Paris, mais on leur refusa l'entrée: si furent par plusieurs iours espars par les villages, viuant & faisans plusieurs maux. Au moys de Septembre, mondict Seigneur le Daulphin partit de Bourges: pour aller à Chinon, & arriua à Azay sur Yndre, & fait sommer ceux de la ville & place de luy faire obeissance, & bailler des viures: & dedans s'estoient retirez plusieurs Nobles & laboureurs du pais, qui le refusoient, & disoient aucunes vilaines parolles: dont luy en despleut, si fait assaillir la place, & fut prinse d'assault, & y eut plusieurs de ceux de dedās mortz: & ceux qui furent prins en vie furent par son commandement tous penduz: si s'en alla à Chinon.

Autre commotion des Parisiens inhumains.

Castelle de faire vider de Paris, le populaire sedicieux.

Lors

Lors auoit vn Escuyer vaillant homme, nommé Iehan de Xainctrailles, qui tenoit la ville & le chastel de Coucy, & auoit avec luy cent hommes d'armes, qui estoient logez à l'entour de ladicte ville. Or est il que ledict Capitaine, Escuyer, auoit vne chamberiere, laquelle s'accointa d'un prisonnier, qui estoit en la grosse tour, à laquelle il promet ^{De la chambre} que si elle le pouuoit mettre hors de celle prison il l'espouseroit. A quoy elle s'accorda, ^{riere du capi-} & finalement vn iour entre les autres qu'elle estoit couchée avec ledict Capitaine, ^{taine de Cou-} quand elle veit qu'il fut bien endormy, elle se leua, & soubz le cheuet de son liêt print ^{cy, qui ioue} les clefz de ladicte tour, & là vint bien tost ouurir audict prisonnier, qui tenoit pour gros ^{un tresma-} se rançon, & avec luy en auoit plusieurs, lesquelz elle mena au lieu ou estoit ledict Ca- ^{mais tour à} pitaine, auquel ilz couperent la gorge: puis tuerent tous ses seruiteurs, & par ainsi furēt ^{son maistre.} Seigneurs & maistres dudict Chastel, & de la grosse tour: & incontinent celsdictz prisonniers, qui auoient comme dict est, gaigné tout, le manderent à messire Iehan de Luxembourg, qui tenoit leur party, à fin qu'il leur amenast secours. Lesdictz prisonniers gagnerent leans en or & argent monnoyé cent mil escus: & quand vint au matin les gens d'armes qui estoient autour de ladicte place s'apperçurent qu'elle estoit perduë: & incontinent monterent à cheual, & s'en allerent à Guyse & à Montagu, & feirent deux Capitaines sur eux de leur compaignie, lesquelz ilz congnoissoient vaillans en armes: l'un nommé Estienne de Vignolles, dict la Hire, & l'autre nommé Poton de Xainctrailles: lesquelz ont depuis bien faict parler d'eux, comme on verra cy apres.

Des Capitaines Poton & la Hire.

LAntoist apres qu'on eut donné ceste charge audict Poton & la Hire, ilz se partirent & vindrent vers Soissons, & là sceurent que le seigneur de Longueual estoit pres d'eux en armes: lesquelz Hire, & Poton, qui n'auoiēt enuiron que quarante hommes d'armes en leur compaignie, sans auoir regard au petit nombre qu'ilz estoient frapperent sur ledict de Longueual, qui auoit quatre cens lances, hommes d'armes du party du Duc de Bourgogne, & les desconfirent, & en tuerent plusieurs, & le demourant prindrēt prisonniers. Tantost apres leur compaignie creut, tellement qu'ilz auoient bien deux cens hommes d'armes, & vn iour ilz furent aduertis qu'Hector de Saueuze estoit pres de nostre Dame de Liesse, qui auoit bien mil combatans: ce neantmoins ilz frapperent dessus, en beau plain pais, & les desconfirent, & en meirent à mort la pluspart, & le demourant prindrent prisonniers.

Comment le Duc de Bourgogne traicta le mariage du Roy d'Angleterre, à la fille du Roy de France.

Vdict an le Duc de Bretagne retourna à Paris, pour cuider traicter paix, & alla deuers le Duc de Bourgogne, à Poilly le Fort, pres Corbeil, & furent faictes trefues, & prins iournée à Monstereau fault Yône: mais quand ledict Duc de Bretagne s'en fut allé, ledict Duc de Bourgogne mena le Roy, la Roïne, & madame Catherine de France, leur fille, entre Pontoise & Meulanc: & là traicterent du mariage de madiete dame Catherine, & du Roy Henry d'Angleterre, qui estoit à Mante: mais pour lors n'en fut riens conclud: & de là vint à Pontoise, ou ledict Duc de Bourgogne laissa le seigneur de Lisleadan, Capitaine, & emmena le Roy, & la Roïne, & leur fille, à Troyes en Champaigne,

Des libertez de l'Eglise de France.


Vdict an mil quatre cens dixhuit, au moys de Mars, ^{de consilio Pre-} l'an mil cccc. ^{latorum, & aliarum gentium Ecclesiasticarum Regni, propter hoc congregatorum,} fut dix-huit. faicte vne Ordonnance pour entretenir l'Eglise de France, & du Daulphiné, en ses prerogatiues, libertez, & franchises: laquelle estoit conforme à l'Ordonnance de saint Loys, faicte l'an mil deux cens quarante & huit, * & certaines autres Ordonnances faictes l'an ^{* Le vieil ex.} mil quatre cens & six, & certains Arrestz pronôcez l'vnielme iour ^{dict 68. mais} de Septembre, mil quatre cens & sept, & le quinziesme de May, mil quatre cens & viij. ^{parcy deuant} & par icelle ordonnance fut dict que toutes reseruations, graces expectatiues, & toutes ^{il semble la} ^{mettre en l'an} 1258.

LES CRONIQ. ET ANNALES DE FRANCE.

exactions de court de Romme cesseroient. Et pour ce qu'audiēt an aucuns par grād' autorite, par lettres de Chancellerie s'efforçoient faire reuocquer ladiēte ordonnance, le Procureur du Roy, General, s'opposa formellement en Parlemē, à ce qu'aucunes lettres reuocatoires ne fussent faictes ne baillées, sans ce qu'il fust ouy: & fut ladiēte opposition enregistrée au liure du conseil de Parlement, le quinziesme iour de Feurier. Et pource que nonobstant ladiēte opposition, aucuns de leur grand' autorité (dont on chargeoit le Duc de Bourgogne) feirent de faict publier lesdictes lettres, la Court de Parlement declaira que ladiēte telle publication n'auoit point esté faict de son ordonnance, deliberation ne consentement, comme appert par ladiēte sentence enregistrée audiēt liure du Conseil, le trentiesme iour de Mars, audiēt an.

Du Parlement qu'eurent ensemble, à Corbeil, monseigneur le Daulphin & le Duc de Bourgogne: & de la prinse de Rouen, par les Anglois.


*L'an mil cccc.
dixneuf.*



An mil quatre cens dixneuf, lediēt Seigneur de Lisleadam, qui estoit Capitaine de Pontoise, liura la ville aux Anglois: & y estoit à la prendre, en persōne, le Duc de Clarence, frere du Roy d'Angleterre: & aucun temps apres s'assēblerent mōdiēt seigneur le Daulphin, & le Duc de Bourgogne, à moult grand' difficulté, pour ce que les Conseillers du Duc de Bourgogne estoient d'opinion, & luy conseilloyent les aucuns de mettre le Roy & la Royne és mains du Roy d'Angleterre, & qu'ilz s'alliassent à luy: & les autres luy conseilloyent qu'il meist le Roy & la Royne és mains de monseigneur le Daulphin; & qu'il allast à luy: toutesfois par le Conseil de madame de Giac, & de monseigneur de Giac, son filz, de Philippe Iossequin, & de monseigneur de Tholongon, Marechal de Bourgogne, vint le Duc de Bourgogne d'aupres de Pontoise, ou il estoit allé parlementer à ceux de Angleterre, à monseigneur le Daulphin à Poilly le Fort, pres Corbeil: & illec parlerent ensemble, & prindrent iournée pour aller parlementer à la fontaine du Pimot, pres Meleun, ou ilz se rendirent, & parlerent ensemble, & remeirent la matiere à certain autre iour à Monstereau fault Yonne, pour traicter plus à plain des besongnes du roy. aume, & de faire paix: mais apres le departement lediēt Duc de Bourgogne mena le Roy, la Royne, & madame Catherine, leur fille à Pōtoise, pour parlemēter du mariage de ladiēte Catherine au Roy Hēry d'Angleterre, qui estoit à Meulāc. Celuy an le Roy d'Angleterre assiegea Rouen, ou il fut sept moys, & par faulte de secours & de viures, apres ce qu'ilz eurent mangé rartz & souritz, rendirent la ville au Roy d'Angleterre.

*Rouen rendu
aux Anglois
par famine.*

De l'assemblée de Monstereau, ou fut tuē le Duc de Bourgogne.



Antoist apres, c'est à sçauoir vn iour de Dimenche au moys de No- uembre, audiēt an mil quatre cens & dixneuf, mōseigneur le Daulphin, & le Duc de Bourgogne s'assēblerent à Monstereau fault Yonne: & fut ordonné que lediēt Duc de Bourgogne auroit le Chasteau pour sa retraicte & sa persōne, & monseigneur le Daulphin auroit la ville: & fut faict vn parquet sur le pont & grands bar- rieres, entre lesquelles ne deuoiet estre de chacun costé que dix per- sonnes notables, qui furent nommées. Or aduint que quand ilz furent dedans entrez, il sourdit aucun debat entr'eux, par ce que lediēt Duc de Bourgogne par- loit trop arrogamment, & irreueremment à monseigneur le Daulphin: parquoy aucuns de ceux du party de monseigneur le Daulphin, lesquels secrettement, comme on dict depuis, auoient iuré la mort de monseigneur le Duc de Bourgogne, luy cour- rurent sus: & fut tuē iceluy Duc de Bourgogne, & vn Gentil homme de ses gens, ap- pelé le Vicomte de Noailles, qui se iecta sur luy pour le sauuer: dont leffroy fut grand en ladiēte assemblée: & incōtinent vne partie des Seigneurs, qui estoiet avec luy, furent prins, & les autres fuyrent audiēt Chasteau: & les autres allerent à Bray sur Seine, & les autres à Troye: & tātost apres ceux qui s'estoient retirez audiēt Chasteau de Monste- reau, se rendirent leurs vies & corps sauues. En ces entrefaictes les Anglois prindrent Meulanc, Poissy, & saint Germain en Laye, & tantost apres Gisors, Gournay, Chau- mont, Aumale, & presque toute la Normandie, reserué le mont saint Michel: & quād Philippe,

*Des Anglois
qui prindrent
quasi toute la
Normandie,
reserué le
mont saint
Michel.*

Philippe, Comte de Charolois, filz dudiect feu Duc de Bourgongne, sceut la mort de son pere, il enuoya vers Paris, & pareillement ceux de Paris, qui se veoyent enclauéz de toutes pars, enuoyerent deuers lediect Comte, nouveau Duc de Bourgogne, & luy conseillèrent, & par especial ceux qui tenoient les Offices du Royaume, doubtant la fureur de mondiect seigneur le Daulphin, & de perdre leurs Offices, qu'il s'alliait du Roy d'Angleterre, ce qu'il feit: & meit entre les mains des Anglois le Roy, la Royné, & madame Catherine de France, sœur de mondiect Seigneur le Daulphin: & conclurēt lediect Duc, & ceux de Paris, le mariage de madiete dame Catherine, avec lediect Roy Henry d'Angleterre, par telle condition que lediect Roy d'Angleterre auroit par adoption la propriété du royaume, & en priueroit mondiect seigneur le Daulphin, seul filz, & droict heritier du Roy: mais ilz contoient sans leur hoste (car il en alla bien autrement, ainsi que Dieu le permet, & que raison le vouloit) & meirent es mains dudiect Roy d'Angleterre, la ville de Paris, & bien seize citez, & toutes les villes & chasteaux du pais de France, Champaigne, Brie, Vermandois & Bourgogne, que lediect feu Duc de Bourgongne auoit prinſes & mises en ses mains durant les diuisions deuant dictes, dont y en auoit aucunes, lesquelles il auoit eues soubz vmbre de leur faire entendre qu'ilz ne payeroient nulles malletostes.

Du mariage du Roy d'Angleterre à madame Catherine de France: & comment lediect Roy d'Angleterre se porta & nomma Roy de France.

E T tantost apres ladiete matiere concludē, lediect Roy d'Angleterre & le Duc de Bourgongne allerent à Troye, ou estoit le Roy, la Royné, & madame Catherine de France, leur fille, que lediect Roy d'Angleterre espousa, soubz la cōdition dessus declairée: & apres lediect mariage & ratificatiō du traicté fait par lediect Roy Henry, se porta Roy de France & d'Angleterre, & scella-on de ses seaulx. En ce temps monseigneur le Daulphin alla en Languedoc, & meit le pais en son obeissance, & en meit hors du gouuernement le Comte de Foix, auquel il auoit baillé lediect gouuernement, par ce qu'il ne luy vouloit bailler ne souffrir estre baillez les deniers qui en venoient, & bailla lediect gouuernement à monseigneur Charles de Bourbon, Comte de Clermont, & s'en retourna en Berry & en Touraine: lors mondiect seigneur le Daulphin print la Regence & tiltre de Regent du royaume de France.

Du Daulphin de France, qui print la regence du royaume.

Des sieges de Meleun & Compiègne, mis par les Anglois: & comment le Roy d'Angleterre emmena sa femme, & laissa le Duc de Clarence, son frere, Lieutenant en France: & de plusieurs Seigneurs d'Escoſſe, qui vindrent au secours du Daulphin.

E N l'an mil quatre cens & vingr, en venant de Troyes à Paris, les dessusdictz Roy d'Angleterre & Duc de Bourgongne, meirent le siege deuant la ville de Meleun, ou estoit le Seigneur de Barbazan, qui vaillamment se defendit: & tant souffrit en defendant ladiete ville, esperant d'auoir secours, que luy & ses gens mangerent leurs cheualx: & finablement fut la ville renduē par composition, & furent prisonniers lediect Seigneur de Barbazan & les autres Seigneurs, qui furent amenez à Paris: & la ville de Meaux par pareil cas fut prinſe, & apres allerēt mettre le siege deuant Compiègne: mais ilz furent reboutez & desconfitz par les gens du Duc d'Orleans. Puis le Roy d'Angleterre feit amener de Troyes, le Roy, la Royné, & sa femme, & les mena à Paris, ou ilz furent receuz à grand' honneur, & tindrent à Noel haulte feste: apres laquelle il feit le Duc de Clarence son Lieutenant en France, & s'en alla à Rouen, ou il tint ses estatx: & apres passa la mer, & amena sa femme en Angleterre, & laissa lediect Duc de Clarence, son frere, Lieutenant general deçà la mer, avec les Comtes de Vvyniton, * Sombrefſet, Salbery, Suffort, & plusieurs autres grands Seigneurs Anglois. En ce temps le Comte de Ponthieure print le Duc de Bretagne, qui estoit allē au deduit, & le mena à vn sien Chasteau en Lymſin: mais tant feit lediect Duc de Bretagne par belles, & humbles parolles, que lediect de Ponthieure le laissa aller, moyennant certaines promesses qu'il luy feit, dont il ne tint rien: mais, qui pis est, si tost qu'il fut retournē en Bretagne feit demolir toutes

L'an mil cccc. vingt.

Ceux de Cō-piègne qui se defendirent vaillamment contre les Anglois.
* al. Voy-tinton.

LES CRONICQ. ET ANNALES DE FRANCE.

* alias
Stuart.

les places que lediēt de Ponthieure y tenoit, & le bannit de sondiēt Duché. En France vindrent au secours de monseigneur le Daulphin, plusieurs grands Seigneurs d'Escoffe avec grand' armée, dont estoient conducteurs & Chefs le Comte de Boucan & de Victon, & messire Jehan Senart, * Conneſtable d'Escoffe: leſquelz guerroyerēt fort cōtre les Anglois: & fut par ce que leur Roy estoit lors detenu prisonnier en Angleterre: & l'année ensuyuant le Roy d'Angleterre amena en France lediēt Roy d'Escoffe, en intention que les Escossois, qui estoient avec le Daulphin se tournassent avec luy: mais ilz n'en voulurent riens faire, & tousiours tindrent le party de monseigneur le Daulphin, qui pour lors auoit prins nom & tiltre de Regent.

De la bataille de Baugé, ou fut tué le Duc de Clarence, frere du Roy d'Angleterre: & comment le Comte de Boucan, Escossois, fut faict Conneſtable de France.

L'an mil cccc.
vingt & vn.



An mil quatre cens vingt & vn, à la fin du mois de Mars, le Duc de Clarence, frere du Roy d'Angleterre, & plusieurs autres grands Seigneurs Anglois, partirent de Normâdie, & vindrent en Anjou, & se presenterent en bataille deuant Angiers, mais ilz n'y feirēt riens: & de là s'en allerent loger à Beaufort en vallée. Si s'assemblerent les François, & Escossois, en vn village nommé Baugé, audict païs de Vallée. Les Anglois prindrēt quatre Escossois en allant au fourrage, & les amenerent deuant le Duc de Clarence: lequel leur demanda en son langage du gouuernement de leur armée, & quelz gens y estoient: leſquelz deirēt que presentement leur armée estoit arriuée à Baugé en Vallée, pres d'illec, & du costé des Escossois y estoient les Comtes de Boucā & de Victon, le seigneur Deſualle, & plusieurs autres Seigneurs d'Ecoffe: & que des François y estoient le Vicomte de Narbonne, le Mareſchal de la Fayette, le Seigneur de Fontaines & autres Seigneurs François: & tout incontinct ces nouuelles ouyes, se leua de table lediēt Duc de Clarence, en disant Allons leur courir sus, ilz sont nostres, & qu'il ne vienne avec nous que les hommes d'armes. Si cheuaucherent lesdictz Anglois, tant qu'ilz vindrent au petit baugé pres du grand, ou illec trouuerent vn Cheualier, nommé messire Jehan de la Croix: lequel, quand il apperceut l'armée des Anglois, se retira en l'Eglise, & monta luy & ses gés au clocher, & là vaillamment se defendirent à force de pierres, tellemēt que les Anglois ne les peurent auoir. Quand lediēt Duc de Clarence veit qu'ilz s'amusoient trop illec ilz se partirent pour aller combattre l'armée des François & Escossois, leſquelz ilz trouuerent en bon ordre: & quand lediēt Duc de Clarence les veit il print vn chapeau de fer en sa teste, & dessus vn chapeau d'or, couuert de pierrerie moult riche, & meit ses gens en bataille, & se meit à l'auantgarde. Finablement les deux batailles frapperent l'une contre l'autre, de grand courage, & furent les Anglois desconfitz: & y mourut le Duc de Clarence, le Comte de Suffort * vaillant homme, le Seigneur de Grey, le seigneur de Roours, * & plusieurs autres grands seigneurs Anglois, & autres iusques au nombre de quinze cens: & furent prins prisonniers les Comtes de Hautuiron, & de Roors. Sombreſſet, freres, * messire Thomas de Beaufort, & plusieurs Cheualiers & Escuyers Anglois: & fut ceste bataille la veille de Pasques, que l'on commença à conter, mil quatre cens vingt & vn, & porta l'on les nouuelles à monseigneur le Daulphin, qui estoit à Poitiers, lequel en fut moult ioyeux. Tantost apres se partit hastiuement de Poitiers, & s'en vint à Touars, & illec se rendit à luy le Comte de Boucan, Escossois, qui auoit esté en ladiete iournée de Baugé: lequel il feit Conneſtable de France. L'Estandard du Duc de Clarence fut porté à nostre Dame du Puys, par vn Escuyer, nommé Estienne Fragente, qui l'auoit gaigné. Puis s'en alla mondiēt seigneur le Daulphin, Regent, au Mans: & prindrent les François le chastel de Montmiral, & la ville de Garlandon sur les Bourguignons, qui estoient alliez aux Anglois: & apres s'en retourna mondiēt seigneur le Daulphin, à Amboise.

* alias
Stanfort.
* alias
Roors.
* al. son
frere mes
fire, & c.

De la ve-

De la venüe du Roy d'Angleterre, apres la mort du Duc de Clarence, son frere.

A Vdict an partit le Roy d'Angleterre de son pais, apres ce qu'il sceut la mort & desconfiture de sondict frere le Duc de Clarence, & autres: & descendit à Calais avec douze mil homes, & tira par le pais de Ponthieu, en Normandie: & tant cheuacha qu'il vint iusques à Dreux, ou il meit le siege, & luy fut baillée par composition: & de là vint à Chartres, ou il fut receu à grand' honneur: puis tira à Baugency, ou il cuidoit passer Loire: mais il trouua l'armée de monseigneur le Daulphin, qui gardoit tous les passages de Loire, laquelle il n'osa assaillir: si s'en alla à Bonneuil, ou il seiourna aucuns iours: puis se meit aux champs, & alla soy parquer entre Mehun sur Loire, & la Bruyre, ou les François luy feirent de grâdes escarmouches: & luy faillirent les viures, & fut contrainct de partir, & vint loger deuant Orleans: & d'illec se retira par Gastinois à Meleun, à tresgrande perte de ses gens, charroy, & artillerie. Tantost apres ledict Roy d'Angleterre alla deuant Meaux, & y tint le siege, si longuement que ceux de la ville furent contrainctz par famine, rendre ladiete ville: & estoient lors en sa compagnie messire Artus de Bretagne, Comte de Richemont, qui depuis fut Connestable de France. En ce temps le seigneur de Rochebarô de Forestz qui auoit plusieurs places fortes, & tenoit le party du Duc de Bourgogne, feit venir le seigneur de Sallenonne, & plusieurs gens d'armes, tant Bourguignons Sauoy siens, que Lombars, & les meit en ses places: & feirent plusieurs maux aux subiectz du Roy, des pais d'Auuergne, Lymosin, Forestz & Vezelay. Les seigneurs d'iceux pais s'assemblerent en grand nombre, & feirēt leur Capitaine messire Imbert de Grollee, Baillif de Lyon, les seigneurs de Beauchastel, & de la Fayette, & messire Bernard d'Armignac, Comte de Perdriac, & se partirēt de la cité du Puy, pour courir sus aux dessusdictz. Quand leurs ennemys le sceurent ilz s'assemblerēt en vne petite ville fermée, nommée Seruerette. Les François allerent deuant, & ainsi qu'ilz deliberoiēt de y mettre le siege, vn archier entra en vn moulin, qui estoit ioignāt la muraille, & y meit le feu. Quād le feu fut allumé il se print par dessus les murs aux maisons de la ville, laquelle en peu d'heure fut toute embrasée, tellement que les Bourguignons ne peurent saillir à tēps: si en furent plusieurs bruslez, & leurs cheualx: & les autres seiertoiet par dessus les murs, & se venoiet rendre prisonniers. Quād le seigneur de Rochebarô veit celle fortune, il trouua façō d'eschaper à cheual, & s'en fuyt par les mōtaignes, & se retira en Bourgogne, & furent toutes ses places, dont il auoit plusieurs princes, pillées, & confisquées, & ainsi fut du tout destruit.

De la mort du Roy Henry d'Angleterre: & comment le Duc de Bethfort fut Regent en France, pour le ieune Roy d'Angleterre.

L'An mil quatre cens vingt & deux, monseigneur le Daulphin, Regent, feit assieger Cosne, sur Loire. Ceux de la ville feirent composition avec ses gens d'eux rendre à vn iour nommé, au cas que ilz ne seroient secourus, & de ce baillerent ostages. Le Roy d'Angleterre le sceut, q se partit de Paris, pour les aller secourir, & quād il fut à Corbeil vne maladie le print: parquoy il s'en retourna au boys de Vincēnes, & enuoya le Duc de Bethfort à Cosne, en grāde puissance, & pareillement le Duc de Bourgogne & sa puissance: & quand les François veirent qu'ilz n'estoient pas assez fors, ilz rendirent les ostages. Quand lesdictz Ducz de Bethfort & Bourgogne veirent que les François ne les vouloient attendre, si cheuacherent contremont ladiete riuere de Loire, & la passerent pour aller courir les pais de Berry, deliberez d'aller ou seroient lesdictz François: & iceux François, qui estoient aupres de Sancerre, sceurent la deliberation, & incontinent feirent leur assemblée tant de François que d'Escois: & là se trouuerent le Comte de Boucan, Connestable de France, qui estoit filz du Duc d'Albanye, le Comte d'Anglatz, & le Comte de Viçton, tous Escois, le Vicomte de Narbone, messire Tanneguy du Chastel, Preuost de Paris, le Marechal de la Fayette, le Seigneur de la Tour d'Auuergne, le Seigneur de Torcy, & plusieurs autres seigneurs: tous lesquelz se delibererēt d'atten-

LES CRONIQ. ET ANNALES DE FRANCE.

dre & combattre lesditz Anglois, & estoient ia les deux puissances à vne lieue pres l'une de l'autre. Lors vindrent nouvelles ausditz Anglois que le vingtneufiesme iour d'Aoust, qui estoit le iour saint Fiacre, ledict Roy Henry d'Angleterre estoit mort au boys de Vincennes, de la maladie dudiect saint Fiacre: & aussi auoit esté tout esprins de menuë vermine de poulz, qui luy failloient par les yeulx, par le nez, & par les oreilles, & luy croissoient sur toutes les parties de son corps, en si grand'abondance que les Medecins n'y peurent donner remede, qu'ilz ne luy mangeassent & entamassent tous ses membres, tellement qu'il luy conuint mourir: parquoy, quand les Anglois sceurent sa mort, fut leur entreprinse rompuë: si se departirent lesditz Anglois & Bourguignós, & s'en retournerent chascun en leur pais: pareillement lost des François s'en tira en Berry, & Auvergne. Le corps dudiect Roy Henry fut porté en Angleterre, & madame Catherine sa femme, demoura grosse d'un filz, qu'elle enfanta tantost apres, lequel fut nommé Henry, sixiesme de ce nom: & fut la Regence de Frâce baillée par les Anglois aux Ducz de Bethfort & Clocestre. En celle saison le Vicomte de Narbonne, & le Comte d'Aumalle, & ceux de leur compaignie, allerent à Bernay, ou ilz entrerent dedans, & y trouuerent grandes richesses. Les Anglois qui estoient là aupres le sceurent & y allerent. Les François saillirent sur eux, & les batirent tresbien: & furent les Anglois desconfitz, & y en eut trois cens mors, & plusieurs prisonniers: parquoy les Anglois, qui estoient es marches de Normandie & du Perche, s'assemblerent, & eurent François & Anglois rencontre aupres de Mortaigne, & furent les Anglois desconfitz & y en mourut huiect cens, & plusieurs prins prisonniers. Nouvelles vindrent à monseigneur le Daulphin, Regent, que le Duc de Bretagne, qui s'estoit allié des Anglois, estoit entré en Poitou, & auoit cuidé prendre la Rochelle: si y alla, & entra dedans pour obuier à son entreprinse: & l'vnziesme iour d'Octobre, luy estant en ladiete ville, il tint grand Conseil, assis en vne chaire, au dedans du gros mur, dont toute la charpenterie de la maison fondit, & y en eut aucuns mortz & plusieurs blecez, de ceux qui là estoient: mais par la grace de Dieu mondict seigneur le Daulphin n'eut aucun mal à l'occasion que sondict siege estoit dedans ledict gros mur: puis s'en partit d'icelle ville, & suyuit & rencontra l'armée desditz Bretons, au bas de Poitou, pres Montagu, & les combatit & desconfit, & y en mourut grand nombre.

*Du Roy de
Angleterre,
qui mourut
plein de
poulx, au boys
de Vincennes.*

*De la desconfiture des
Anglois, pres
Mortaigne.*

*D'un gros
danger, &
inconuenient
que le Daulphin
eschappa
en la ville de
la Rochelle.*


De la mort du seigneur de Partenay: & comment la seigneurie dudiect lieu vint au Roy, comme heritier du Duc de Berry, qui l'auoit acquise.



Vdiect an messire Jacques de Harecourt bailla la ville & Chastel de Crottoy au Comte de Salbery: & apres s'en alla à refuge deuers le Seigneur de Partenay, duquel il auoit espousé la seule niepce: & vn iour s'efforça à luy tollir son chastel, & le mettre hors: mais luy & ses gens se meirent sus, avecques les Bourgeois & habitans de la ville, qu'ilz appellerēt à leur ayde, & se defendirēt tellemēt que ledict de Harecourt fut la meurtry: & tātost apres ledict Seigneur de Partenay mourut de mort naturelle, lequel en sa vie auoit venduë la seigneurie de Partenay au feu Duc de Berry, à l'auoir apres sa mort: & par ledict trespas icelle seigneurie de Partenay vint au Roy, comme heritier dudiect Duc de Berry.

Du trespas du Roy Charles, sixiesme.

*L'an mil cccc.
vingt deux.
* Parauant
dist quarante
deux, mais la
il près les ans
entiers.*



E vingt & vniesme iour d'Octobre, auidict an mil quatre cés vingt & deux, ledict Roy Charles sixiesme de ce nom, trespassa en son hostel de saint Paul, à Paris: & fut son corps porté & enterré à saint Denis en Frâce, en petite solennité, au quarante* troiesme an de son regne: & delaiissa madame Ysabeau de Bauieres, sa femme, veufue: apres le trespas duquel, mondict Seigneur Charles, Daulphin, seul filz, qui parauant se disoit Regent, & fut appelé Charles septiesme: toutesfois il ne fut sacré, ne couronné iusques à sept ans, ou enuiron apres, pour les dures guerres que luy faisoient ses aduersaires les Anglois, Bourguignons, Bretons, & leurs alliez.

d'Angleterre: mais p la grace de Dieu
luy vint en son ayde vne Pucelle, nō-
mée Ichâne, laquelle le mena sacrer à
Reims: & apres recouura tout son roy-
aume.

LES CRONIQ. ET ANNALES DE FRANCE.

Du Roy Charles septiesme.

*L'an mil cccc.
vingt-deux.*



Charles, septiesme de ce nō, fut tref-victorieux & debonnaire, & commença à regner l'an mil quatre cens vingt & deux, & regna trente neuf ans, ou enuiron: & trespassa à Mehun sur Yeure, pres Bourges, le iour de la Magdaleine, vingtdeuxiesme iour de Iuillet, mil quatre cens lxxj. & gist à S. Denis en France, en la chappelle ou gisent Charles cinquiesme & sixiesme ses ayeul & pere. Cestuy eut à femme madame Marie, fille du Roy de Cécille Loys deuxiesme du nom, Duc d'Aniou, de la quelle il eut deux filz (c'est à sçauoir Loys, qui fut Roy apres luy, & Charles, qui au commencement fut Duc de Berry, apres Duc de Normãdie, & dernièrement Duc de Guyenne) & quatre filles: c'est à sçauoir Catherine (qui par le traicté d'Arras fut

** Il ne la met
point en la
fig. toutesfois
elle est au vi-
cil exempl.*

*Charles vij.
Roy de Bour-
ges.*

fiancée à Charles Comte de Charolois, aîné filz de Philippe Duc de Bourgogne, laquelle Catherine mourut auant la consommation du mariage) * Yoland, qui fut mariée au Comte de Piemont, qui apres fut Duc de Sauoye, Iehanne, qui fut mariée à Iehan, Duc de Bourbon & d'Auuergne, & Magdaleine, qui fut mariée au Prince de Nauarre, aîné filz du Comte de Foix, hãritier presumptif au royaume de Nauarre. Par ce que dict a esté cy deuât, des choses aduenues auant le trespas du Roy Charles vij. on peult assez cōgnoistre que le Roy Charles vij. au cōmençemēt de son regne trouua son royaume fort brouillé de toutes pars, & occupé de ses aduersaires, tellement que par aucun temps il fut contrainct soy tenir en la cité de Bourges, qui tousiours luy fut de vraye obeissance: & par derision seldictz aduersaires & desobeissans l'appeloient le Roy de Bourges, & luy fut fortune fort contraire: mais par son sens, bonne conduite, & moyennant bon conseil, qu'il creut toute sa vie, & la bōne iustice qu'il feit faire & administrer à ses subiectz, il subiugua ses ennemys, & laissa à son filz Loys le Royaume paisible, & le dilata & eslargit grandement.

Comment Henry, le ieune Roy d'Angleterre, fut nommé Roy de France: & comment on scella de ses seaulx, à la Chancellerie, à Paris.

*L'an mil cccc.
vingt-deux.*

*Du Roy Henry
d'Angle-
terre qui fut
appelé à Paris
Roy de France,
& d'Angle-
terre.*

EN France fut enuoyé par le Conseil d'Angleterre, Iehan, Duc de Bethfort, pour y estre Regent, de par les Anglois: & quand le Duc de Bourgogne sçeut sa venue, il alla deuers luy, à Amyens, & en sa compaignie il mena deux de ses sœurs, dont l'aînée estoit veufue de feu monseigneur le Duc de Guyēne, Daulphin, aîné filz dudit feu Roy Charles sixiesme, & là feist espouser à messire Artus de Bretagne, & l'autre donna en mariage, audit Duc de Bethfort. Et le douziesme iour de Nouembre, audit an mil quatre cens xx. & deux, le ieune Roy Henry d'Angleterre fut dict, porté, & nommé en la ville de Paris, & autres villes & lieux, qui estoient vsurpez par les Anglois, Roy de France: & fut scellé de son grand scel, en la Chancellerie, à Paris: & intituloit-on Henry par la grace de Dieu Roy de France, & d'Angleterre: & en sōdict scel estoit engraué vn Roy assis en vne chaire, tenant deux sceptrs: & par bas, au costé dextre, estoit l'escu de France, & à senestre estoit l'escu d'Angleterre, escartelé des armes de France, & d'Angleterre: & forgea-lon monnoye blanche, de dix deniers tournois piece, au nom & aux armes dudit Henry. Pareillement ledict Roy Charles, septiesme, parauant Daulphin, se porta & intitula Roy de France: & faire le pouuoit, & debuait, comme seul hoir masse & hãritier de la couronne de France: & lors commença & esleua forte guerre contre les Anglois, ses ennemys, comme sera veu cy apres: car il eut lors plus grande & apparente couleur, qu'il n'auoit eu au parauant, par ce que son pere viuoit, & estoit es mains desdictz Anglois: qui en faisoient leur escu & targe.

Enuiron ce temps messire Ambrois de Lore, Baron d'Yury, & de saint Andry en la Marche,

la Marche qui estoit vn bon & vaillant Cheualier, lequel se tenoit en la Marche de Normandie, & estoit Capitaine de sainte Susanne, feit vne entreprinse pour cuider prendre Fresnoy le Vicomte, que tenoient les Anglois, & avec luy estoit vn autre Cheualier, nommé messire Jehan du Bellay: & coururent deuant ladicte place, avec vne bonne puissance de gens de guerre: mais ceux de Fresnoy en furent aduertis, parquoy il s'en retourna audict lieu de sainte Susanne: & ledict messire Jehan du Bellay, qui estoit avec luy, print le chemin du Mans, & emmena bien deux cens combatans, & furent rencontrez par vn Anglois, nommé Birry, qui auoit quatre vingtz bons Archiers, & les François les assaillirent, & lesdictz Anglois se meirent à pied, & se rengerent pres d'une haye, & se defendirent vaillamment, & par force de trait, dont ilz tuoient les cheualx desdictz François, les departirent & meirent en desarroy, tellemēt qu'ilz furent desconfitz, & y en eut plusieurs mortz & prins. Semblablement Philippe, Duc de Bourgongne, avec plusieurs gens de guerre, rencōtra pres saint Riquier, vne compaignie de François, & se combattirent longuement & vaillamment: mais à la parfin lesdictz François furent desconfitz, & y en eut plusieurs mortz & prins. Tantost apres le Seigneur de Gamaches, & messire Amaury de saint Ligier, rencontrèrent grand nombre de Bourguignons en vn lieu nommé la Blancquetacque: lesquelz ilz assaillirēt & desconfirent, & y en eut plusieurs mortz & prins. Le Seigneur de Fontaines, qui estoit au pais du Maine, rencontra vne compaignie d'Anglois, en vn lieu appelé la Neuf-ville, ou il les assaillit, & en tua, & print prisonniers bien huiet cens.

Bourguignons desconfitz à Blancquetacque.

*Du siege de Crauant, & de la bataille de la Granelle. **

* al. Granelle.



Vdiēt an mil quatre cens vingt & deux, les Comtes de Salbery & de Suffort, Anglois, & le seigneur de Tholongon, Mareschal de Bourgongne, avec grand' armée d'Anglois & Bourguignons, allerent mettre le siege deuant Crauant. Quand les François le sceurent, ilz feirent grand' armée pour aller secourir ceux de la ville: de laquelle armée eurent la charge messire Jehan Senar, Cheualier Escossois, Conneftable d'Escoffe, qui estoit nouuellemēt venu en l'ayde du Roy de France, avec de quatre à cinq mil Escossois, bons combatans: & le seigneur de Seuerac, Mareschal de France, le seigneur de Fontaines, & autres, y allerent hastiuement, & indiscrettement assaillirent leurs ennemys, qui tenoient le siege: lesquelz se defendirent & combattirent si vertueusement, que les François furent desconfitz, & furent prins prisonniers ledict Senar d'Escoffe, qui y eut vn œil creué, le seigneur de Bellay, le seigneur de Gamaches, & quarante quatre autres Nobles, qui long temps tindrent prison: & y en eut iusques au nombre de trois mil, que mortz, que prins. Tantost apres le seigneur de Tholongon, Mareschal de Bourgongne, à grande compaignie de Bourguignons, meit le siege deuant la Boisiere, en Beau-iolois: sur lequel le Baillif de Lyon, & le Borgne de Carcasan, avec six vingtz Gentilz-hommes allerent frapper & les desconfirent, & moult en tuerent, & prindrent ledict Mareschal de Bourgogne, & bien sept cens de ses gens prisonniers. Iceluy Mareschal fut deliuré par la deliurance de messire Jehan Senar, Conneftable d'Escoffe: auquel apres son retour de prison le Roy donna la Comté d'Eureux, & la seigneurie de Concreffault en Berry. En celle saison, vn Cheualier Anglois, qu'on appeloit le seigneur de la Poulle, se partit de Normandie, ou il estoit, avec bien ij. mil v. c. cōbatans, pour aller courir le pais du Maine & d'Aniou, & alla iusques deuant le chastel de Segré, audict pais d'Aniou: dont messire Ambrois de Lore en fut aduertit: si le manda à messire Jehan de Harecourt, Comte de Aumalle, qui estoit Lieutenant du Roy, esdictz pais d'Aniou & du Maine, lequel estoit pour lors à Tours, en intention de faire quelque entreprinse contre les Anglois, lequel incontinent s'en partit, & enuoya plusieurs messagiers pour assembler gens de toutes pars, & tira droit à Laual: & là se rendirent à luy le seigneur de Lore, messire Jehan de la Haye baron de Coulōces, & messire Loys de Tromargon, qui amenerēt belle cōpaignie. Ilz sceurēt & furēt aduertis q'les Anglois s'en retournoient de deuant le chastel de Segré, & emmenoient les ostages du chasteau grand nōbre de prisonniers, & bien dix ou xij. mil, que bœufz que vaches, & tiroient droit à vn chastel, qu'on appelle la Granelle: si tirerēt celle part: & lors les Anglois, qui les apperceurēt venir, ficherent grand nō-

Desconfiture des François à Crauant.

Deffaictes de plusieurs Bourguignons deuant la Boisiere en Beau-iolois.

LES CRONIQ. ET ANNALES DE FRANCE.

*Desconfiture
des Anglois,
pres la Gra-
nelle en
Anjou.*

*La ville de
Compiègne
recouuerte par
les François,
sur les An-
glois.*

bre de pieux ferrez qu'ilz portoient avec eux, pour garder que les François n'enfon-
drassent sur eux de prime face: laquelle chose empescha fort lesdictz François, &
moult blessa de gens & de cheuaux. Si allerent les François au costé & à l'entour, & tât
feirent qu'ilz entrerent dedans lesdictz Anglois, & rompirent leur bataille, & meirent
en desarroy, & si vaillamment besongnerent, que finablement lesdictz Anglois furent
desconfitz, & y en mourut bien quatorze cens, & tous les autres furent prins prison-
niers: & furent les ostages prisonniers, & les bœufz & vaches, & autres biens que les-
dictz Anglois auoient pillez, rescoux: entre lesquels prisonniers furent prins par les
François le Seigneur de la Poulle, frere du Côte de Suffort, messire Thomas Abourg,
messire Thomas Clisseton, & autres grands personages, qui payerent grâdes rāçons.
En celle rencontre furēt faictz plusieurs Cheualiers, & entre autres, messire Andry de
Lual, seigneur de Loheac: & apres ladicte bataille, ledict Côte d'Aumalle s'en tira vers
Normandie, & alla deuers Auranches, & là laissa le seigneur d'Aussebouc, pour la cuider
mettre en l'obeïssāce du Roy, mais il ne peut. Puis tira à S. Lo, & se logea es faulxbourgs,
ou il fut iiii. iours: puis la pillā, & print plusieurs prisonniers, & s'en retourna au païs du
Maine. En celle saison fut la ville de Compiègne recouuerte par les François, sur les
Anglois. Le seigneur de Lisleadam avec grand' cōpaignie de Bourguignōs vint pour y
mettre le siege. Les François saillirēt sur eux, & d'arriuée en tuerent bien v. cens, & les
autres meirēt en descōfiture, tellemēt que ledict Seigneur de Lisleadam print la fuyte,
& gaignerēt les François moult de prisonniers, de biens & viures qu'ilz meirēt en ladi-
cte ville, & couroient depuis chascun iour iusques aux portes de Creil, & de Paris.

Des sieges de Sedane, & du mont saint Michel.

*L'an mil cccc.
vingt trois.
* alias
Sezane.*



*La prinse de
la ville de Se-
dane par les
Anglois.*

*Desconfiture
des Anglois
par les Fran-
çois, au siege
du mont S.
Michel.*

N l'an mil quatre cens vingt-trois, le Comte de Salbery & grand nombre
d'Anglois meirent le siege deuant la ville de Sedane, * en Champaigne,
& dedans estoit le Capitaine, nommé Guillaume Marin, & vn Cheua-
lier de Normandie, nommé messire Roger de Criquetot, avec cent
cinquante combatans: & furent les Anglois deuant, depuis Pasques
iusques à la saint Iehan, qu'ilz prindrent ladicte ville par armes & par assault, & y
furent tuez bien quarante François, & bien autant que ledict Comte feit pendre,
& les autres prisonniers. Ledit Guillaume Marin, Capitaine, fut tué à l'assault, & le-
dict Roger de Criquetot fut prisonnier. Apres la prinse de ladicte ville de Sedane, le-
dict Comte de Salbery print Montaguillon, Espernay, Vertuz, & la plus part des for-
teresses du païs de Champaigne, les vnes d'assault, les autres par famine, & par compo-
sition. En ce mesme temps les Anglois meirent le siege deuant le mont saint Mi-
chel, & furent ceux de dedās en grand' destresse de viures: & pour leurs faire secours &
ayde leur fut fait armée par mer à saint Malo, laquelle cōduisoit le seigneur de Beau-
fort, Admiral de Bretaigne: lequel vint courir sus aux nauires des Anglois, & les print
& desconfit, & y eut plusieurs desdictz Anglois mortz, & grād nombre de prisonniers,
& ausi fut le siege leué: mais lesdictz Anglois feirent vne Bastille à Ardenon, & cou-
roient & faisoient moult de maulx à ceux dudit mont saint Michel. Vn iour mes-
sire Iehan de la Haye, Barō de Colonces, qui estoit Capitaine du Maine la Iuhez, sçeut
que lesdictz Anglois estoient partis de leur Bastille, & estoient allez courir es greues,
deuant ledict mont saint Michel. Il y alla, & se meit entre eux & ladicte Bastille, &
les desconfit, & y en eut bien deux cens quarāte de mortz, & plusieurs prisonniers: entre
lesquelz fut prins vn Cheualier Anglois, nommé Nicolas Bourdet.

De la Bastille de Vernueil.

*L'an mil cccc.
vingt quatre.*


** al. Don-
glas.*



L'an mil quatre cens vingt & quatre, le Comte du Glas, avec gran-
de Cheualerie d'Escoffe, vindrent en l'ayde du Roy de France: & à
leur arriuée le Roy donna la Duché de Touraine audit Comte du
Glas. * En celle saison vn gentil Escuyer, nommé Girault de la Pail-
liere, print le chastel d'Iury, sur les gens du Comte de Richemont, qui
le tenoit par don des Anglois: car la seigneurie appartenoit à messire Ambrois de Lo-
re. Quand le Duc de Bethfort, qui se disoit Regent en France, pour le Roy d'An-
gleterre, le sçeut, il alla mettre le siege deuant, & y fut bien quatre moys: & fut prins
appoin-

appoinctement entre ledict Duc de Bethfort, & ledict Girault de la Pailliere, * par tel si
 qu'il rendroit ledict Chastel & la ville, au cas qu'il ne fust secouru dedans certain iour, ^{* le trouue}
 & de ce bailla ostages : & ledict appoinctement feit ledict de la Pailliere sçauoir au Roy, ^{indifferem-}
 afin qu'il le feist secourir, autrement il seroit contrainct bailler ledict Chastel & ville. In- ^{ment Pailliere.}
 continent le Roy enuoya le Duc d'Alençon, le Comte du Glas, Duc de Touraine, le
 Comte de Boucan, Connestable de France, le Comte d'Aumalle, le Vicomte de Nar-
 bonne, & plusieurs autres. Puis allerent loger à Nonancourt, pres Dreux : & là eurent
 nouuelles que lesdictz Chastel & ville d'Iury estoient rendus audict Duc de Bethfort,
 qui auoit rendu les ostages audict de la Pailliere: lequel s'en alla, & se retira à Orleans. Si
 s'en allerent les François deuant la ville de Vernueil : laquelle fut incontinent mise és
 mains du Duc d'Alençon, qui en estoit seigneur, excepté la tour, qui apres luy fut
 renduë par composition : & là tindrent Conseil les Seigneurs François, pour sçauoir
 qu'il estoit de faire, & delibererent de mettre bonne garnison és villes & chastel de Ver-
 nueil, & mettre peine à recouurer aucunes forteresses, que tenoient les Anglois illec
 entour, combien que les aucuns disoient qu'on leur deuoit donner bataille : & ainsi
 qu'ilz deuisoient & debatoient de la matiere, ilz sçeurent que ledict Duc de Bethfort
 estoit à trois ou quatre lieues pres d'eux : si fut conclud la bataille : & vn leudy matin,
 seizieime iour du moys d'Aoust audict an, mil quatre cens vingt & quatre, les Seigneurs ^{L'an mil cccc.}
 François meirent & rengerent leur bataille sur les chaps : & lesdictz Ducz de Bethfort ^{xxiiij.}
 & Comtes de Salbery, & de Suffort, & autres chefz de guerre, tant Anglois, Bourgui-
 gnons, que faulx François, avec bien grand' armée, se meirent à pied & en bataille de-
 uant les François. Si s'entr'approcherēt & se batirent fierement & aigrement : & telle-
 mēt que d'un costé & d'autre y eut de mors iusques au nombre de quatre mil hommes,
 & entre autres y moururent des gens de nom du party de France : c'est à sçauoir le Duc
 de Touraine, Comte du Glas, son filz, le Comte de Boucan, Connestable de France, le
 Comte d'Aumalle, le Vicomte de Narbonne, le Comte de Vantadour, le Seigneur de ^{La grosse des-}
 Grauille, le Seigneur, de Beau-fault, messire Anthoine de Chourfes, Seigneur de Mali- ^{confiture des}
 corne, messire Guillaume de Lapalu, & plusieurs autres haultz & vaillans hommes : & ^{François, pres}
 y furent prins prisonniers le Duc d'Alençon, le Bastard d'Alençon, le Seigneur de la ^{Vernueil au}
 Fayette, Marechal de France, & plusieurs autres grands personnages du costé du Roy. ^{Perche.}
 Le lendemain ladicte ville & tour de Vernueil furent remises és mains des Anglois, &
 s'en allerent les François, qui s'estoient retirez, leurs corps & bagues sauues. Deux ou
 trois iours apres messire Iehan Fastol Anglois, Capitaine d'Alençon, alla mettre le sie-
 ge deuant vn chastel, au païs du Maine, nommé Tenuye, qui leur fut rendu, vies &
 biens saulz, de ceux qui estoient dedans. En celle mesme saison les Anglois assiegerent
 le chastel de Galardon, en Beausse, & le prindrent. Au moys de Nouembre audict an, ^{Chasteau de}
 vn nommé Geoffroy d'Aleyne, Capitaine de Marchesnay, en Beausse, par trahyson meit ^{Galardon en}
 les Anglois & Bourguignons dedans la place, dont furent fort greuez les païs de Beauf- ^{Beausse, fut}
 se & Soulongne : car par ce moyen les Anglois, qui estoient dedans, pouuoient courir ^{prins des An-}
 iusques aux portes d'Orleans, & y coururent chascun iour. ^{glois.}

Des sieges du Mans, & de la Ferté Bernard.


 Vdict an le Comte de Salbery, Anglois, se meit en chemin pour aller met-
 tre le siege deuant la cité du Mans. Messire Pierre le Porc, Cheualier, Ca-
 pitaine du Maine la Iuhez, le sçeut : si se meit sur les champs, avec huit
 vingtz combatans, & feit vne embusche aupres de la ville de Séez, & frap-
 pa sur la queue desdictz Anglois, & en furent plusieurs tuez & prins. Puis
 s'en retourna ledict le Porc, & emmena grand nombre de prisonniers, sans quelque de-
 stourbier : mais ce neantmoins ledict de Salbery passa oultre, & alla mettre son siege
 deuant le Mans, dont estoit Capitaine le Seigneur de Crissé. Ladicte ville fut fort batuë
 de grosses Bombardes & engins, tellement qu'il conuint audict Capitaine faire com-
 position, qui fut telle, que ladicte ville seroit baillée audict Salbery, & que ceux qui
 estoient dedans auroient leurs personnes & vies sauues : & qui y voudroit demourer y
 demoureroit, & qui s'en voudroit aller s'en yroit : & eut le Comte pour ses fraiz, deux
 cens escus. Tantost apres iceluy Comte de Salbery alla mettre le siege deuant la pla-
 ce de sainte Susanne, qu'il print, & puis la ville de la Ferté Bernard, dont estoit Cap-
 itaine. ^{La ville du}
^{Mans, qui fut}
^{prinse par les}
^{Anglois.}

LES CRONIQ. ET ANNALES DE FRANCE

raine vn nommé Dauaugour, & fut bien quatre moys deuant : & apres luy fut ladicte ville renduë par composition : mais ledict Comte retint prisonnier ledict Dauaugour, Capitaine:lequel tantost apres trouua façon d'eschapper, pour s'en venir seruir le Roy, son Seigneur. En celle saison le Roy Charles fut si pressé de ses ennemys, qu'il ne sçauoit bonnement ou soy retraire : & estoit en si grande necessité & faulte d'argent qu'un iour que les Capitaines Poton & la Hyre le vindrent veoir, pour luy faire reuerence, ilz le trouuerent à table, ou il ne fut seruy que d'une queue de mouton, & deux poussins : qui est bien le rebours des despens superflus que font à present les Princes & Seigneurs.

*Le Roy en ne-
cessité & faulte
d'argent.*

Comment le Comte de Richemont fut faict Conestable de France.

*L'an mil cccc.
xxv.*

*Du Comte de
Richemont
que le Roy feit
Conestable
de France.*

LN l'an mil quatre cens vingt & cinq, messire Artus, Comte de Richemont, frere du Duc de Bretagne, lequel parauant tenoit le party des Anglois, & long temps auoir esté prins prisonnier, en l'an mil quatre cens & quinze à la bataille d'Azincourt, & auoit esté deliuré par certain traité fait entre ledict Duc de Bretagne, & le Duc de Bourgongne, moyennant aussi le mariage de luy & de la sœur dudit Duc de Bourgongne, qui parauant auoit eu espousé mōseigneur le Duc de Guyène, Dauphin, aîné frere du Roy Charles septiesme, soubz certaines promesses qu'il auoit faictes au feu Roy Henry d'Angleterre, par crainte & par force, & qu'il luy sembla qu'attēdu que ledict feu Roy d'Angleterre estoit mort, ledictes promesses cessoient: s'en vint deuers le Roy, qui lors estoit à Chinon: lequel le receut à grād' ioye & hōneur: & voyant sa loyauté & bonne volonté, luy donna l'office de Conestable de France, vacquant par le trespas du Comte de Boucan, qui estoit mort à la bataille de Vernueil, & luy bailla l'Espée, & luy feit faire le serment, en tel cas accoustumé. Tantost apres ledict Conestable feit venir sa femme, qui sœur estoit du Duc de Bourgongne, & l'enuoya à Bourges. Alors le Roy luy donna les Seigneuries de Parnay, Secondigny, Vomiant, Mermant, & Chastellaillon, & autres qui luy estoient aduenues par la succession du Duc de Berry, qui les auoit parauant acquiescées de feu messire Jehan l'Archeuesque, par grande sommes de deniers, & icelles vnies & ioinctes à son domaine, pour en iouyr par ledict Conestable & ses hoirs, descēdans de luy en loyal mariage. En ce temps les Seigneurs de Manny & de Crestain, deux vaillans Cheualiers François assemblerēt gens, & allerent courir deuant le Parc l'Euesque, pres Auranches, ou auoit plusieurs Anglois, qui saillirent sur eux, & se combaterent vaillamment d'une part & d'autre: mais à la parfin les François eurent du pire, & fut prins prisonnier ledict de Manny. Tantost apres ledict Comte de Richemont, Conestable, feit vn grand amas de gens, & disoit on qu'ilz estoient estimez à vingt mil combatans, & alla mettre le siege deuant sainte Iame de Beuron, que les Anglois auoient prins & emparé, & mis dedans bien sept ou huit mil Anglois, & y fut mené grand nombre d'artillerie: & vn iour donnerent l'assault, & ceux de dedans se defendirent vaillamment, & ainsi qu'ilz combatoyent main à main, saillirent les Anglois de dedans la ville, par vne porterne qui estoit sur vn estang, & vindrent frapper par derriere sur les François, qui ne s'en donnoient garde, tellement qu'il leur conuint cesser ledict assault, & en furent que tuez que noyez, audit estang, bien quatre cens. Si se retirent en leurs logis: & la nuit ensuyuant, par le moyen de l'Euesque de Nantes, qui estoit Chancelier de Bretagne, & parent de ceux de Malestret, se sourdit & esleua en l'ost des François vn grād defarroy, tellement qu'ilz se deslogerent & s'en allerent chascun ou bon leur sembla, & abandonnerent ledict Conestable: & ainsi fut ledict siege leué, dont iceluy Conestable fut moult courroucé: mais autre chose n'en peut faire. Ledit Conestable s'en vint de là à la Fleche, & enuoya ses gens mettre le siege deuant vne place, nommée Gaillerande, ou il eut plusieurs escarmouches: & à la parfin les François prindrent la basse court d'assault, & le Don-ion, par composition. Puis print ledict Conestable le chastel de Pontorson, pres le mont saint Michel, & le feit abatre, par ce qu'il estoit preiudiciable aux François. En ce temps les Anglois prindrent par eschelle vne place nommée Ramefort: & les seigneurs de Rays, de Beaumont, & de Lore, s'assemblerent & allerent loger à saint Laurens des Mortiers, pres dudit Romefort: & ce mesme iour ledict de Lore alla courir deuant la place dudit Romefort: & à l'arriuee les Anglois saillirent sur luy, & y eut forte escarmouche: mais iceux Anglois furent contrainctz

contrainctz eux retirer : & gaigna lediēt de Lore le Bouleuert , & se logea dedans , & y fut toute la nuit , & le lendemain iusques à dix heures, que les Anglois, qui estoient dedans le chastel, feirent composition que s'ilz n'estoient secourus dedans le lendemain, ilz rendroient la place , & de ce baillerent ostages : & pource qu'ilz n'eurent point de secours au iour assigné baillerent icelle place: mais tous ceux qui estoient de ladiēte garnison de la langue de France, furent pendus: car par ladiēte composition ilz estoient reservez à la volonté dudiēt de Lore. Vn Capitaine du païs du Maine, nommé Guyon du Coing, se partit de Sablé , avec cent ou six vingtz combatans , pour rencontrer les Anglois sur les champs. Il trouua messire Guillaume de Hodecalle , Cheualier Anglois, entre le Mans & Alençon , & auoit seize ou vingt Anglois en sa compaignie seulement. Quand lesdiēt Anglois apperceurent lesdiēt François, ilz se meirent à pied en vn grand chemin pour eux deffendre , lesquels François les assaillirent tous à cheual. Iceux Anglois, se deffendirent si vaillamment qu'ilz demourerent maistres, & y eut plusieurs desdiēt François mors & prins , & s'en alla lediēt de Hodecalle & ses gens, prisonniers en ladiēte ville du Mans. Lesdiēt Seigneurs de Raiz, de Beaumont & de Lore, allerent deuant le chastel de Malicorne, que tenoient les Anglois , & l'assaillirent asprement. Les Anglois qui se veirent pressez parlementerent audiēt seigneur de Lore, & se rendirent tous prisonniers de guerre, & ceux de la langue de France à volonté, lesquels incontinent furent tous pendus.

Seize ou vingt Anglois deffierēt cent ou six vingtz François.

Comment les gouverneurs du Roy furent chassez de court.

LN l'année mil quatre cens vingt & six, le Roy enuoya deuers le Duc de Bretagne, pour auoir secours de gens cōtre les Anglois, ce que lediēt Duc luy refusa , sinon qu'il meist hors de son hostel ceux qui auoient conseillé le Comte de Ponthieure à le prendre . Semblablement le Roy enuoya ses messagiers deuers le Duc de Sauoye , à ce qu'il fust moyen enuers le Duc de Bourgongne, de venir à quelque appointement: à quoy lediēt Duc de Bourgongne, ne voulut entendre, sinon que le Roy meist hors d'entour luy ceux qui auoient conseillé, & fait mourir son pere, lesquels estoient principaux gouverneurs du Roy: & estoient en ce temps lesdiēt principaux & plus prochains du Roy messire Tanneguy du Chastel, le President de Prouence, nommé maistre Iehan Louuet, l'Euesque de Clermont, maistre Iehan Cadart, Medecin, messire Robert le Maçon, & Guillaume d'Auangour. Et disoient aucuns qu'ilz gouvernoient & conduisoient tresbien les faitz du Roy , & les autres disoient que non : mais quoy qu'il en soit, le Roy faisoit pour lors de grandes armes & resistance contre les Anglois & Bourguignons : toutesfoiſ afin qu'appointement se peust trouuer entre le Roy & lesdiēt Ducz de Bretagne , & de Bourgongne, iceux Conseillers en furent enuoyez & mis hors de l'hostel du Roy . Lediēt Euesque de Clermont s'en alla en son diocese. Lediēt du Chastel s'en alla à Beaucaire, ou il demoura iusques à la mort : & lesdiēt Louuet, President, & Cadart, Medecin, en Auignon : & iusques là les conduisit monseigneur le Bastard d'Orleans , qui eut à femme la fille dudiēt President . Aussi en fut enuoyée Ichāne Bonnette, femme du Seigneur de Ioyeuse, laquelle auoit esté longuement fort en la grace du Roy, elle estant Domoyſelle en l'hostel de la Roynne . Lors entra en la grace du Roy le seigneur de Giac , qui auoit esté au Seigneur de la Trimouille, & tellement qu'il gouvernoit tous les grands faitz du royaume: mais aucū temps apres courut si grāde enuie sur lediēt de Giac, qu'un iour luy estāt couché avec sa femme, au chastel d'Issouldun en Berry, le Roy estant illec, par le Conseil (comme on disoit) dudiēt Seigneur de la Trimouille, lediēt Connestable le fit prendre, & sans aucune declaration le fit mener & noyer en vne petite riuiere , aupres de Bourges : dont le Roy fut si mal content dudiēt Connestable , que de long temps ne le vouloit veoir. Tantost apres lediēt seigneur de la Trimouille espousa la femme dudiēt de Giac: laquelle, & lediēt de la Trimouille, furent à ceste cause tous deux soupçonnez plus que parauant, de la mort dudiēt feu de Giac . Apres la mort d'iceluy de Giac, entra en son lieu en grace , & eu gouvernement vn nommé le Camus de Beaulieu : lequel aussi tost apres fut tué à Poitiers en l'hostel du Roy , par les gens dudiēt Connestable : & fait faire l'execution messire Pierre de Brosse, seigneur de Bouffac, qui apres fut Mareſchal de France : mais ce neātmoins lediēt Connestable trouua façon de faire son appointement avec le Roy, cōme sera dict cy apres: & puis entra audiēt gouuernement, & en grāde

Des gouverneurs d'entour le Roy, qui furent desappointez.

Le seigneur de Giac grāde Gouverneur des affaires du Roy, qui fut noyé.

LES CRONICQ. ET ANNALES DE FRANCE.

autorité le Seigneur de la Trimouille. En ce tēps vint au seruice du Roy, & à son mandement, le Comte de Foix, avec grande armée pour resister, par puissance aux Anglois, qui estoient pres Bonneual : & passa oultre Orleans pres dudiēt Bonneual, ou estoient les Anglois à moindre puissance que luy: neantmoins il ne se combatit point à eux, ains se retira à Orleans, sans gloire, ne sans honneur: & puis s'en alla vers le Roy, à Saumur.

Comment le Duc de Bretaigne feit hommage & alliance au Roy.

L'an mil cccc
xxvi



AVDICT an, mil quatre cens vingt & six, apres ce que le Roy eut fait sçauoir au Duc de Bretaigne, qu'il auoit mis hors de sa maison ceux qui auoient esté cause de sa prinse, le Roy s'en alla à Saumur : & là vint deuers luy lediēt Duc de Bretaigne & ses freres, qui alliance iurerēt : & feit lediēt Duc hōmage au Roy de sa Duché & d'autres terres qu'il tenoit de la couronne de France, & feirent ausi ses freres alliance & appoinctement au Roy. Semblablement se rendit audict lieu de Saumur, le Comte de Foix : & apres plusieurs Conseilz tenus, lesdiētz Duc & Comte s'en retournerent en leurs païs.

Du siege de Montargis tenu par les Anglois, qui fut leué par les François: & de la conspiration d'aucuns Princes.



ENuiron ce temps les Comtes de Vvaruic & de Suffort, avec grande compaignie d'Anglois, meirēt le siege deuant Montargis, ou ilz furent plus de trois moys, & auoient fortifié & fossoyé leur parc, & fait vne forte Bastille de grands pieux & fossez: & furent les François, qui estoient dedans, en grande necessité, par la baterie des Bombardes, & Canons que tiroient les Anglois, & n'auoient plus nulz viures dedans ladiēte ville: dont le Cōnestable fut aduertý, & assembla les Seigneurs Dorual, le Bastard d'Orleans, le Comte de Dunoys, de Grauille, de Gaucourt, Estienne de Vignolles, dict la Hire, & plusieurs gens de guerre, & les enuoya pour besongner sur lesdiētz Anglois, comme ilz verroient estre à faire, sans prendre autre conclusion. Ilz y allerēt, & de plaine arriuée sans marchāder donnerent sur le siege desdiētz Anglois, du costé deuers le chastel: & feirent tant qu'ilz entrerent dedans leur parc, & y eut merueilleuse baterie, & tous les estandārs desdiētz Anglois iectez par terre, & furēt tous lesdiētz Anglois desconfitz, mors ou prins. Ainsi fut lediēt siege leué, & la Bastille desmolie : & y gaagnerent les François de grands prisonniers, & grande quantité d'artillerie, & autres biens sans nombre. En celle saison le Comte de Clermōt, & de la Marche, filz du Duc de Bourbon, le Seigneur de Bossac, & autres de leur alliance, feirent conspiration contre le Roy, & allerent en la ville de Bourges, & les meirent dedans ladiēte ville: aucuns d'icelle ville, qui estoient à la porte, & estoit allié avec eux le Comte de Richemont, Connestable de France. Quand ilz furent dedans ladiēte ville, ilz meirent le siege deuant la grosse Tour par dedans, & par dehors la ville, en laquelle Tour estoient les Seigneurs de Prie, & de la Borde : lequel de Prie fut rué d'un coup de trait. Le Roy sçeut celle entreprinse & le seigneur de la Trimouille, qui lors estoit en gouuernement: si allerent avec grosse armée, & leuerent le siege, qui estoient deuant la Tour par dehors la ville: & quand les dessusdiētz veirent que le Roy estoit en personne en ladiēte armée, & qu'il estoit le plus fort, ilz feirent leur retraicte & s'en allerent. En celle saison messire Ambrois de Lore, fut aduertý que messire Jehan Fastol, Cheualier Anglois, estant au païs du Maine, estoit sur les champs avec bien deux ou trois mil combatans, & alloit deuant le chastel de sainte Susanne, dont iceluy de Lore estoit Capitaine pour le Duc d'Anlençon: si se partit de Sablé, ou il estoit lors, avec sept ou huiēt vingtz hommes de guerre seulement. Il sçeut qu'en vn village nommé Ambrieres, à demy lieuē pres dudiēt sainte Susanne y auoit vne bande de bien mil ou douze cens desdiētz Anglois. Il tira droit là, & de prime face donna hardiment dessus, & en tua bien huiēt vingtz, & n'y eut de prisonniers que Henry Blanche, qui les conduysoit, & vn homme d'armes. Les autres Anglois s'enfuyrent, & se meirent en desarray: si s'en retourna lediēt de Lore, à Sablé, avec plusieurs cheualx & harnois. Tost apres les Seigneurs de Rays, & de Beaumont, & de Lore feirent vne course & allerent mettre le siege deuant le chasteau du Lude, & tant le batirent d'artillerie, qu'ilz le prindrent d'assault: & y eut plusieurs Anglois tuez, & entre autres vn nommé Blanquebourne, qu'on disoit estre vaillant en armes. Enuiron celle

Des Anglois
qui furēt tous
desconfitz de-
uant Montar-
gis qu'ilz a-
uoient assiege.

D'aucuns sei-
gneurs de Frā-
ce, conspira-
teurs contre le
Roy.

D'une autre
deffaicte de
Anglois, que
feit le seigneur
de Lore, pres
sainte Susa-
ne, & au cha-
teau du Lude.

celle saison fut mis hors de prison monseigneur le Duc d'Alençon, qui auoit esté prins à la journée de Vernueil, & paya bien deux cens mil escus, dont on bailla cent mil content : & du reste il bailla ostages, qu'il rachetta honnestement au iour nommé.

Comment la ville du Mans fut reprise par les François, & puis recouffée par les Anglois, à l'ayde de Talbot.

L'AN mil cccc.xxvij. les Seigneurs Dorual, d'Albret, de Bucil, Estienne de Vignolles, dict la Hire, & autres Capitaines François, firent vne entre-^{L'an mil cccc. xxvij.} prise de prendre la ville du Mans, que tenoient les Anglois, par le moyen d'aucuns d'icelle ville, ausquelz ilz auoient intelligence. Si assemblerent gens, & y allerent hastiuement & secrettement, & par le moyen de leursdictes intelligences entrerent dedans, & la prindrent. Les Anglois qui estoient en icelle ville se retirerent en vne grosse Tour, appelée la Tour d'Orbrindelle, là ou les François les assaillirent : mais ilz se deffendirent vaillamment pour tout le iour. Si enuoyerent iceux Anglois deuers le seigneur de Talbot, qui estoit en la ville d'Alençon, lequel partit incontinent, & si diligemment cheuaucha qu'il arriua au point du iour en ladicte ville du Mans, & entra en icelle par la porte saint Vincent, qui est ioignant ladicte Tour, ou s'estoient retraictz lesdictz Anglois, & assaillirent les François, & y en eut plusieurs mors ou prins : les autres s'en faillirent hastiuement de ladicte ville, laquelle demoura es mains desdictz Anglois, qui feirent descapiter & pendre ceux qui auoient esté de l'entreprise de la bailler aux François. Peu apres ledict Talbot print d'emblée la ville de Laual, qui estoit moult riche : & y trouuerent & prindrent lesdictz Anglois grand thresor & cheuance.

De la prinse de Pontorson, par les Anglois.

EN ce temps le Comte de Richemont, Connestable de France, feit réparer & aitailler le chastel & la ville de Pontorson, contre les Anglois, pres le mont saint Michel, & y meit Capitaine le sire de Rothelain : lequel vn iour vint courir deuant Auranches, ou il fut prins prisonnier par les Anglois. Apres la prinse fut enuoyé Capitaine audict Pontorson, Bertrand de Dinan, frere du seigneur de Chasteaubruyant, Mareschal de Bretagne, avec bien grosse armée : mais tantost apres ledict Comte de Vvaruic, & le Seigneur de Talbot, avec grand compaignie d'Anglois, allerent mettre le siege deuant Pontorson, & y furent par long temps, & y fut fait par ceux de dedans plusieurs faillies, escarmouches, & grands faitz d'armes. Durant iceluy siege, messire Ichon de la Haye, Baron de Coulôces, les Seigneurs de la Hunaudaye & de Chasteau-giron, rencontrèrent es greues de la mer, entre Auranches & le mont saint Michel, le Seigneur d'Escalles, Anglois, qui menoit viures à ceux du siege, & se combattirent fort & ferme : mais finalement les François eurent du pire, & furent lesdictz Seigneurs de Coulôces, de la Hunaudaye & Chasteau-giron mors, & plusieurs de leurs gens prisonniers. Si s'en alla ledict d'Escalles avec ses viures audict siege de Pontorson, & leur fut tost baillée la place par composition. En celle année le Comte de Salbery, Anglois, s'en partit de France & s'en alla en Angleterre, ou il fut receu grandement : & tantost apres les François recouurerent sur les Anglois les villes & places de la Ferté Bertrand, * Marchesnoir, Nogent le Retrou, & plusieurs autres forteresses. Aussi en ceste saison Girault de la Pailhere, Escuyer Gascon, qui se tenoit à Thoury en Beauſſe, dont il auoit la garde, print & empara contre les Anglois, Nogent le Roy, Chasteau-neuf en Thunerois, Bertrancourt, & autres places es marches d'environ, & fort greua les Anglois es enuirs. En celle saison les Anglois & le Duc de Bourgogne meirent grande peine & firent de grandes diligences de reduire & mettre en leur obeissance la ville de Tournay : mais les habitans, comme vrayz & loyaux subiectz & obeissans ne voulurent auoir autre Seigneur que le Roy leur droict naturel & souverain Seigneur, auquel ilz ont tousiours tenu vraye obeissance, dont ilz auoient tousiours esté recommandez.

La ville de Pontorson que les Anglois, prindrent par composition.

** al. Ber-nard.*

Ceux de Tour nay auoient tousiours esté loyaux subiects au Roy de France.

LES CRONIQ. ET ANNALES DE FRANCE.

Comment le Comte de Salbery se meit à chemin pour aller assaillir Orleans: & en y allant print toutes les places de la Beauffe.

L'an mil cccc. xxviij.



N l'an mil cccc. xxviij. retourna en France, en grande puissance & appareil de guerre, le Comte de Salbery, qui l'année precedente s'en estoit allé en Angleterre, & s'en vint à Paris deuers le Duc de Bethfort, qui se portoit Regent en France, pour le Roy d'Angleterre: & combien que par le Conseil d'Angleterre eust esté promis & octroyé au Duc d'Orleans, lors prisonnier des Anglois, qu'on ne toucheroit point à ses villes & pais d'Orleans & de Bloys, ce neantmoins iceluy de Salbery, à la poursuyte de ceux de Paris, comme on disoit, fut chargé par ledict Duc de Bethfort, Regent en France pour le Roy d'Angleterre, d'aller mettre le siege à Orleans. Car, par ce que ladiète ville d'Orleans estoit Francoyse, ceux de Paris n'auoient point de passage. Si se partit de Paris, iceluy Comte, & en sa compagnie le Comte de Suffort, le Seigneur de Talbot, & grande compagnie de Cheualiers & gens de guerre d'Angleterre, & autres. Si print son chemin par le pais Chartrain, & alla mettre le siege deuant Nogent le Retrou, que luy baillerent les gens de Girault de la Pailliere, par composition: & prindrent aussi ses gens Chasteau-neuf d'assault, & luy amenerent ceux qui estoient dedans: lesquelz il feit tous pendre: puis s'en alla à Chartres, ou il fut receu honnorablement par les habitans: & au departir de ladiète ville, qui estoit au moys de Iuillet, il alla mettre le siege au Puiset, qu'il print d'assault, & feit semblablement pendre ceux qui estoient dedans. Puis enuoya gens d'armes deuant Thoury en Beauffe. Quand Girault de la Pailliere le sceut, il s'en partit, & laissa vn peu de gens de guerre dedans, qui tost apres rendirent la place, qui estoit fort garnie de viures que les Anglois feirent mener en leur ost, & feirent raser la forteresse. Quand ceux qui estoient dedans Rochefort & Bertrancourt, sceurent les nouuelles de Thoury, ilz des-emparerent lesdictes places: si alla ledict Salbery deuant Ienuille, & la feit assieger & assaillir de toutes pars: dedans estoit pour la defense Iehan Progent, messire Simon Daud, & autres Nobles hommes, & tant pressa ceux de la ville qu'il la print par puissance. Les gens de guerre se retrahirent au chastel: si les feit le Comte Salbery assaillir, tellement que le lendemain ilz se meirent en sa mercy: si feit lors ledict Comte emmener à grandes charrettes tous les prisonniers qu'il auoit, à Paris, qui estoient grand nombre: & ce feit il afin de tousiours entretenir & animer de son party ceux de ladiète ville de Paris. Quand ceux de la ville de Mehun sur Loire, sceurent la prinse dudiète Ienuille, & que les Anglois vouloient aller deuant leur ville, sçachât qu'ilz n'estoient pas puissans pour eux tenir ne defendre contre si grande puissance, ilz enuoyerent deuers ledict Comte de Salbery, & luy offrirent de mettre ladiète ville de Mehun en ses mains. Si enuoya iceluy Comte gens avec leurs messages, qui entrerent en ladiète ville, & fut le Samedi quatriesme iour de Septembre audict an: & y alla en personne ledict Comte, & en chemin receut l'obeissance de Montpipeau, & plusieurs autres menuës places de la Beauffe, sans resistance. Puis feit remparer le fort dudiète Mehun, & y meit foison d'Anglois: lesquelz en vne nuit allerent piller l'Eglise & bourg de nostre Dame de Clery.

La prinse du Puiset, Thoury & Ienuille en Beauffe par les Anglois.

Nostre Dame de Clery fut pillée en vne nuit, par les Anglois.

De la prinse des villes de Baugency, Iargueau & Suilly, par les Anglois.



V A N D ledict Comte de Salbery, eut ainsi deffriché & mis en sa puissance les places de la Beauffe, qui luy pouuoient nuyre à tenir le siege deuant Orleans, le huitiesme iour de Septembre, audict an mil cccc. xxviij. il se vint monstrier en bataille deuant ladiète cité d'Orleans, du costé de la porte Renard. A la venue y sirent de ladiète ville, monseigneur le Bastard d'Orleans, Comte de Dunoys, Estienne de Vignolles, dict la Hire, Poton de Xaintrailles, & autres Capitaines, & plusieurs gens de guerre, & là eut grande & longue escarmouche, pendant laquelle les chariotz, artillerie, viures & bagages des Anglois passerent, & se rendirent dedans ladiète ville de Mehun. Puis enuiron vespres ledict Comte retira sa puissance, & s'en alla à Mehun. Tantost apres enuoya ledict Comte de Salbery grande puissance d'Anglois deuant la ville de Baugency, & l'assiegerent, tant du costé de Beauffe que de Soulongne: & furent ceux de la ville si pressees que le cinquiesme iour d'Octobre furēt cōtrainctz eux rendre par cōposition ausdictz Anglois. Puis Chasteau-neuf

La ville de Baugency fut prinse par les Anglois par composition.

neuf sur Loire, & autres places d'illec autour, se meirent semblablement toutes en leur obeïssance. Semblablement ledict Comte de Salbery enuoya le Seigneur de la Poulle à grande puissance de gens deuant Iargueau, & y meit le siege. Ceux de dedans se defendirent vaillamment iusques au cinquiesme iour d'Octobre: & eux voyans qu'ilz n'estoient point puissans pour resister, rendirent ladicte ville. Lors auoit dedans Suilly vn vaillant Capitaine, nommé Iehan de Lesgot, Cheualier, qui auoit grand nombre de gens & garnison: mais il y vint le Seigneur de Rochefort, qui estoit parent du Seigneur de la Trimouille, Seigneur dudit Suilly, qui dedans ladicte ville meit plusieurs Bourguignons, & en meit dehors ledict Lesgot Capitaine: & fut iceluy de Rochefort trahistre: car il se rendit, & s'en alla audict Comte de Salbery, pour seruir contre le Roy.

Le Seigneur de Rochefort liura aux Anglois la place de Suilly.

Le septiesme iour dudit mois d'Octobre, ledict Seigneur de la Poulle en soy retournât de Iargueau, qu'il auoit prins, vint à grâde puissance frapper iusques aux faulxbourgs & aux barrieres du portereau du bout du pont d'Orleans, deuers Soulongne: & lors saillirent au deuant de luy le Comte de Dunois, Bastard d'Orleans, la Hire, Poton, les seigneurs, de Villars, de Viêtry, messire Nicole de Giresme, & plusieurs gens de guerre, & Bourgeois d'Orleans: & combattirent & rebouterent si rudement lesdictz Anglois qu'ilz furent contrainctz reculer & eux retirer iusques à Oliuet (qui est à vne lieue de ladicte ville) ou ilz furent la nuit: & le lendemain bien matin ilz s'enfuyrent.

Du siege d'Orleans du costé de la Soulongne.

LE douziesme iour d'Octobre audict an mil quatre cens vingt & huiet, environ midy, vint ledict Côte de Salbery à grande puissance deuant le pont dudit Orleans, du costé de Soulongne. A celle heure les habitans d'Orleans, & les Seigneurs qui estoient dedans, faisoient paracheuer vn Bouleuert deuant la tournelle du bout dudit pont, & faisoient brusler & abatre les faulxbourgs d'icelle part. Quand on apperceut lesdictz Anglois approcher, les Seigneurs, Capitaines, & gens de guerre saillirent contre eux, & fort defendirent les barrieres desdictz faulxbourgs & des Eglises, tellement qu'il conuint ausdictz Anglois reculer, & se retirerent loing desdictz faulxbourgs, & tendirent leurs trefz & pavilions. Si se retirerent pour la nuit ceux d'Orleans, qui dehors de ladicte ville estoient failliz, & meirent par tout le feu esdictz faulxbourgs. Quand le feu, qui auoit esté mis es maisons desdictz faulxbours, fut estainct, lesdictz Anglois approcherent, & y vindrent asseoir leur siege, & dedans l'Eglise des Augustins feirent & fortifierent vne forte Bastille, & y asseirent leurs Bombardes, Canons & Artillerie qu'ilz feirent tirer iour & nuit, tellement qu'en peu de temps ilz dommagerent fort le portereau du bout dudit pont, & commencerent à faire mines en terre pour aller au Bouleuert des tournelles. Lors partirent de ladicte ville mondict seigneur le Bastard d'Orleans, & la Hire, pour aller deuers le Roy, pour auoir secours: & le vingt & vniesme iour dudit mois d'Octobre donnerent lesdictz Anglois vn merueilleux & fier assault au dict Bouleuert: ou ceux de dedans se defendirent vaillamment & vertueusement. Les Capitaines & gens de la ville vindrent à la defense, & administrerent à ceux qui estoient dedans, ce que leur estoit besoing, & en grande diligence leur apportoyent chaulx viue, cendres, gressés, & eauës chaudes, sercles liez en croysée, vin & viandes, pommes, & vinaigre pour les rafreschir, & tous les seruices & gracieusetez qui leur pouuoient faire: & si fort furent les Anglois chargez qu'il en mourut dedans les fossez bien grand nombre audict assault, qui leur fut fort honteux & dommageable, & fort honorable aux François, dont plusieurs furent fort blesez. Si veirent bien que le portereau estoit trop foible pour longuement tenir contre telle puissance: & par ce feirent faire vne Bastille sur le meillieu du pont: puis meirent le feu audict Bouleuert desdictes tournelles & portereau, dont lesdictz Anglois auoient ia miné bien la moytié, & se retirerent en celuy qu'ilz auoient fait sur le pont: toutesfois il demoura aucuns François, qui vouloyent garder lesdictes tournelles: mais ledict Comte Salbery les fait assaillir & leuer eschelles, & tant fait qu'il les print, dont ceux de la ville en furent bien esbahys. Incontinent apres, ledict Comte de Salbery fait reparer ledict Bouleuert des tournelles, & meit dedans vn Capitaine, nommé Guillaume Clafidas. Le Lundy, qui fut deux iours apres, arriuerent

L'an mil cccc. xxviij.

Dur assault que les Anglois feirent à ceux d'Orleans.

LES CRONIQUE ET ANNALES DE FRANCE

en ladicte ville, de par le Roy, ledict Bastard d'Orleans, la Hire, les seigneurs de Brosse, de Bouffac, de sainte Seuer, Marechal de France, Jaques de Chabanes, & autres grâds Seigneurs & Capitaines, avec plusieurs gens de guerre, dont ceux de la ville furent fort resiois. Lesdictz Anglois feirent quatre Bastilles, tant au dessus comme au dessous desdictes tournelles & Bouleuert, le long de la riuere de Loire, tellement que par eau ne par terre on n'eust sceu entrer dedans ladicte ville du costé de la Soulongne, & tiroient nuit & iour de leur artillerie sur la ville : & lors estoit ladicte riuere de Loire si basse, & y auoit si peu d'eau, qu'on la pouuoit bien passer à gué en plusieurs lieux : parquoy souuentesfoys les François trauersoient ladicte riuere, & faisoient de grandes escarmouches sur le siege desdictz Anglois, & moult en tuerent : & ainsi s'entretint la chose iusques au Noel ensuyuant : durant lequel temps ne fut point tué dedans ladicte ville d'Orleans, des coups de l'artillerie desdictz Anglois, six personnes. Vn iour, durant ledict siege, aduint que le Comte de Salbery, dict à Clásidas, qui auoit la garde de ladicte tournelle ou Bouleuert du portereau du bout du pont, qu'il vouloit monter en ladicte tournelle, pour plus aysement veoir la ville. Si y alla, & vn Cheualier avec luy : & ainsi qu'il regardoit par vne fenestre du costé de ladicte ville, & ledict Cheualier aupres de luy, aduint que par la volonté de Dieu, fut iecté vn coup d'vne piece de Canon de ladicte ville (& ne peut on oncques sçauoir qui l'auoit iectée, ne de quel baston ladicte pierre estoit faillie) laquelle alla frapper contre les barreaux de fer de la fenestre ou regardoit ledict de Salbery, & rompit & esclata contre lesdictz barreaux de fer de ladicte fenestre, dont lvn des esclats frappa iceluy Comte de Salbery, & luy creua vn œil, & luy froissa tout le corps, & tua ledict Cheualier qui estoit avec luy. Ledit Comte cheut à terre subitement, & fut tost releué & emporté en sa tente. Puis la nuit, fut mené par eau à Mehun, ou il mourut tost apres, & fut son corps emporté en Angleterre. Lesdictz Anglois furent bien desplaisans de sa mort, & la celerent le plus longuement qu'ilz peurent : mais elle fut sçeuë par aucuns prisonniers François, qui furent deliurez des mains desdictz Anglois : mais nonobstant que ledict de Salbery fust Chef de ladicte armée, si ne cesserent point lesdictz Anglois de tenir ledict siege.

Le Comte de Salbery fut tué d'un coup d'artillerie deuant Orleans.

Du siege d'Orleans du costé de la Beauisse.



VAND messire Jehan, Duc de Bethfort, Regent en France, pour le Roy d'Angleterre, sçeut la mort du Comte de Salbery, il fut bien desplaisant : si s'en partit incōtinent, & alla à Chartres avec grande compagnie de gens, & là tint grād Conseil pour pourueoir au fait dudit siege d'Orleans, dont auoit la charge ledict feu Comte de Salbery. Si constitua Chef principal de ladicte armée & siege, le Comte de Suffort, & avec luy les Seigneurs d'Escalles, de Talbor, & de Graiz, qu'il enuoya à Baugency, & à Iargueau, ou plusieurs iours se tindrent. Ceux d'Orleans sçachans & aduertis qu'ilz vouloient assieger leur ville du costé de la Beauisse, abatirent & bruslerent tous les faulxbourgs : & fut trouué qu'en la demolition desdictz faulxbourgs, tant d'un costé que d'autre, auoient esté demolies vingt & deux Eglises, dont y en auoit de bien notables, comme l'Eglise collegiale de saint Aignan, l'Abbaye saint Yuerre, les quatre ordres des Mendians, & autres Eglises, tant parrochiales que autres, & bien trois mil cc. maisons. Le iour saint Thomas, quatre iours apres Noel, audit an mil cccc. xxviij. iceux Anglois vindrent mettre le siege deuant ladicte ville du costé de la Beauisse, & pour eux fortifier, & garder les allées & venuës, & que nul ne peust entrer en ladicte ville, ne frapper sur eux, ilz rompirent les chemins, & feirent de grands fossiez, & fermerent plusieurs Bastilles : l'une à saint Laurès du costé de Mehun, en vne isle appelée l'isle Charlemaigne, pour garder la riuere, vne autre grande deuant la porte, qu'ilz nommerent Londres, vne autre au pressouer qu'ilz nommerent Rouen, à saint Ponas * vne nommée Paris, à saint Leu, du costé de Iargueau, vne autre grande & forte : & y assirent leurs Bombardes & Artilleries, & tirerent de toutes pars à grande force iour & nuit, & abatirent plusieurs maisons & cheminées, mais peu de gens tuerent. Chascun iour les Princes & Seigneurs, Capitaines, & gens de guerre François, qui estoient en ladicte ville, failloient, & faisoient de grandes escarmouches sur les Anglois, qui fort les redoubtoient : car ilz les alloient assaillir iusques aux barrieres de leurs clostures, & moult en tuoient.

Des Bastilles que feirent les Anglois, pres la ville d'Orleans.

** alias Pouais, & Priué.*

De la

De la bataille des Harens.

DE la renommée dudit siege courut grād bruit par tout le royaume, si que les Princes, Seigneurs, cōmunaultez, & gens de tous Estatz auoient grāde pitié de ladicte ville, & de ceux qui estoient dedans fort pressez de viures & de necessitez, & bien veoyoient qu'ilz ne pouuoient longuement resister à si grande puissance comme estoient lesdictz Anglois, si Dieu n'y mettoit sa grace & ayde. Si se taillerent volontairement plusieurs citez & villes pour leur faire secours de viures, d'artillerie & de gens, & en firent grand amas, & pour les conduire eut la charge monseigneur le Comte de Clermont, filz du Duc de Bourbon, avecques grande Cheualerie de Bourbonnois, d'Auuergne, de Berry & Poitou. Si vindrent droit à Bloys: & quād ilz furent là, ilz sçeuient que messire Jehan Fastol, Cheualier Anglois, estoit party de Paris, & amenoit grande quantité de viures, Artillerie, pouldres & habillemēs de guerre, pour le siege renforcer: & entreprirent mōdict seigneur de Clermont & sa compagnie, de les aller rencontrer & combattre: & firent secrettement sçauoir leur entreprinse au Bastard d'Orleans, & autres Capitaines, qui estoient dedans Orleans, & leur manda qu'ilz allassent hastiuemēt deuers luy, & qu'il le trouueroit pres Ienuille. Si partirent d'Orleans ledict Bastard, le Marechal de Bouffac, messire Loys de Culant, Admiral, & autres Nobles, le Samedy des Brandons, au moys de Feurier. Quand ilz furent ensemble ilz se trouuerent bien six mil hommes en bataille, si se meirent & cheuaucherent tant que leurs ennemys rencontrerent pres d'un village qu'on appelle Rouuray. Quand les Anglois les veirent approcher ilz se meirent de pied, & se cloyrent de leurs chariotz & de grands pieux fichez en terre, & ferrez par les boutz, & meirent leurs Archiers deuāt. Les François, qui auoient force de couleures, commencerent à tirer sur les Archiers Anglois, qui estoient fort ferrez, & peu renoient de place: & lors les François effondrerent sur le charroy des Anglois, & tuerent plusieurs des marchans, tant de Paris que d'autres, qui cōduisoient lesdictz viures: entre lesquelz viures y auoit grand' foison de Harens, pource que c'estoit la saison du Careme: à l'occasion dequoy ladicte bataille est nommée la bataille des Harens. Messire Jehā Stuart, Connestable d'Escoce, vaillant Cheualier, qui moult fut desirant des Anglois combattre se mit à pied: si fit le Comte de Dunois, Bastard d'Orleans, & autres Cheualiers, iāçoit ce qu'il eust esté aduisé que point ne descendroit à terre, & tirerent droit aux Anglois dedans leur cloz, & bien s'attendoient que des gens de cheual auroient secours, & tant combattirent que plusieurs se meirent à saillir hors de leur closture. Quād les Auuerghois & Poiteuins, qui estoient de cheual, demourez dehors ladicte closture, veirent sortir les Anglois, ilz se meirent à la sūyte vers Orleans: si se rassemblèrent Anglois à bataille contre ledict Connestable d'Escoce & son frere, sur lesquelz tourna la desconfiture: & y furent tuez ledict Connestable & son frere, les Seigneurs d'Orual, de Chasteaubrun, messire Jehan l'Escot, & plusieurs autres. De ceste bataille qu'on apeloit lors la bataille des Harens, furent ceux d'Orleans desplaisans, & en grand esmoy: mais ce neantmoins tousiours s'enforçerent de continuer leurs saillies & escarmouches sur les Anglois.

De l'Ambassade que ceux d'Orleans enuoyerent au Duc de Bourgogne.

CAuse dudit siege, qui longuement duroit, ceux de ladicte ville d'Orleans se trouuerent tout perplex & en grande necessité, & eussent volūtiers trouué moyen de faire composition aux Anglois, en leur payant grande somme d'argent, sans leur bailler ladicte ville en leurs mains, mais remede n'y pouuoient trouuer. Si s'aduiserent que cōbien que ledict Duc de Bourgogne tint le party desdictz Anglois, ce neantmoins il auoit aucunemēt pitié de la longue detētion de prison du Duc d'Orleans, & luy eust voulu son biē: & à ceste cause enuoyerent en Ambassade deuers luy Poton, seigneur de Xainctailles, & plusieurs notables gens de la ville: lesquelz soubz la cōduite & adresse de messire Jehan de Luxebourg, remonstrent audit Duc la longue detētion de prison de leur Seigneur, & comment par le cōseil d'Agleterre auoit esté promis qu'on ne toucheroit ne courroit sus à ses terres & seigneuries, ce neantmoins le Duc de Bethfort, à la persūasion de ceux de Paris, auoit fait mettre le siege deuant la ville d'Orleans, luy requerant que son plaisir fust ne

Second volume.

OO ij

LES CRONIQ. ET ANNALES DE FRANCE.

Les Bourguignons se départirent d'auec les Anglois.

vouloir du tout permettre la destruction des terres de leurdict Seigneur, & qu'il voulsist prendre la ville en ses mains, luy offrant la luy bailler: lequel Duc de Bourgongne, meu de pitié, vint à Paris deuers ledict Duc de Bethfort, qui auoit espousé sa sœur: & par tous moyens à luy possibles pourchassa que ledict siege fust leué, dont riens ne voulut faire ledict de Bethfort, & l'en refusa tout platement: & à ceste cause s'en retourna ledict Duc de Bourgongne mal content, & par vn sien Herault manda querir tous les Nobles de ses pais, qui estoient audiect siege auec les Anglois: lesquelz incontinent s'en allerent.

De la venue de la pucelle vers le Roy de France.

EN ce temps auoit vne ieune pucelle, pres Vaucouleur, es marches de Barrois, nommée Iehanne, à laquelle (comme elle disoit) s'estoient apparuz par diuerses fois plusieurs Anges, & aussi madame sainte Catherine, sainte Marguerite, & autres saintz & saintes, qui luy auoient dict & reuelé de par Dieu plusieurs choses: & mesmement durant ce temps que ledict siege d'Orleans estoit, s'apparurent à elle, en luy disant qu'il luy conuenoit aller deuers le Roy de France, & que Dieu l'auoit ordonnée pour luy faire ayde au recouurement de son royaume, pour leuer ledict siege d'Orleans, & le mener sacrer & couronner à Reims: & elle demanda ausdictz saintz, comment en cela elle se pourroit gouuerner. Si luy fut dict qu'elle s'habillast en habit d'homme, & s'adressast au Capitaine dudiect Vaucouleur; & luy requist qu'il luy baillast gens pour la conduire iusques deuers le Roy: lequel luy en bailleroit, qui la meneroient seurement & sauement: & luy deirent lesdictz saintz qu'elle deit au Roy, qu'elle estoit enuoyée à luy de par Dieu, & au nom de Dieu, pour le secourir luy & son royaume, & autres choses secretes qu'elle ne diroit ne reueleroit fors qu'à luy, & que de là elle viendrait à Orleans, & que par son moyen ledict siege seroit leué: puis meneroit le Roy sacrer & couronner à Reims. Laquelle Iehanne s'adressa à messire Robert de Baudricourt, Capitaine dudiect Vaucouleur, & luy conta & recita ses aduisions: lequel Capitaine, qui congnoissoit & voyoit ladiete Iehanne estre pauvre simple Pucelle, qui iamais n'auoit fait que garder les brebis, née de pauvre gens, viuans de labour & de leurs bestes, n'en tint pas grand conte, & cuidoit que ce fust fantosme: toutesfois ladiete Iehanne le pressa par tant de fois qu'il luy bailla vn Gentil-homme, nommé Villerober, & autres gens qui la meirent en chemin, & comme miraculeusement la trauerferent par plusieurs villes & lieux que tenoient les Anglois & Bourguignons, sans ce qu'on leur demandast riens, & tant firent qu'ilz vindrent iusques à Chinon en Touraine, ou estoit lors le Roy. Quand ladiete Iehanne fut là arriuee, elle requist qu'on la menast au Roy: si fut amenée en la chambre, ou il y auoit plusieurs Princes & Seigneurs, & s'estoit retiré le Roy derriere les autres, qui estoient plus richement habillez qu'il n'estoit pour lors: mais si tost qu'elle entra en la chambre elle ietta l'œil sur luy, & falla saluer derriere les autres, tout ainsi que si elle leust veu toute sa vie, sans que nul luy feist adresse par parolles ne par signe: & le Roy luy deit que ce n'estoit il pas qui estoit le Roy, mais estoit vn autre qu'il luy monstra deuant luy, mais elle luy deit: En nom Dieu Gentil Roy c'est vous mesmes à qui ie vueil parler. Si luy deit illec plusieurs choses, dont le Roy fut moult esmerueillé, & ne scauoit que ce pouuoit estre. Si ordonna qu'elle fust examinée par les gens de son Conseil, & par Docteurs & Maistres en Theologie: lesquelz, apres ce qu'ilz leurent examinée, rapporterent qu'en toutes ses parolles ne congnoissoient riens, qui ne fust bon, & digne de louenge: & en aucunes de ses responses sembloit qu'elle eust veu les escriptures, sans aucune superstition, ne foule de la foy: & estoit icelle Iehanne de belle forme de corps, visage humain, & sachant son estre entre gens de tous estarz, & sagement parlant. Apres ce que les Commissaires leurent examinée, & qu'ilz eurent fait leur rapport au Roy, elle fut mené en la presence du Roy, qui humblement la receut, & l'escouta en tout ce qu'elle luy voulut dire, & luy deit à part qu'il n'y auoit qu'eux deux aucunes choses secretes qui demourerent entr'eux, & lesquelles le Roy ne voulut iamais reueler: & de celle heure le Roy, qui parauant estoit fort triste & pensif en courage, fut plus lié & ioyeux de courage que iamais n'auoit esté. Aprés ces choses ladiete Iehanne pria au Roy qu'il luy enuoyast querir par vn de ses Armuriers vne espée qui luy auoit esté denoncée estre en certain lieu en l'Eglise sainte Catherine du Fierboys, en laquelle

La Pucelle Iehanne fut amenée au Roy qui lors estoit à Chinon, & comment elle le congneut, combien que iamais ne l'eust veu.

L'espée que la Pucelle Iehanne demanda au Roy, pour expeller les ennemis de France.


laquelle auoit pour empraincte de chascun costé trois fleurs de lys, & estoit entre plusieurs autres espées roillée. Si luy demanda le Roy si elle auoit autresfois esté en ladicte Eglise de sainte Catherine, laquelle deit que non, & qu'elle le sçauoit par reuelation diuine, & que d'icelle espée elle deuoit expeller ses ennemys, & le mener sacrer à Reims. Si y enuoya le Roy vn de ses Sommeliers d'armures, qui là trouua au lieu, & ainsi que ladicte Iehanne le luy auoit dict, & la luy apporta.

Auitaillement d'Orleans par la Pucelle.

L'AN mil quatre cens vingt & neuf, apres ces choses ainsi faictes, le Vendredy deuant l'Ascension, ladicte Iehanne la Pucelle supplia au Roy luy bail- L'an mil cccc. xxix.
 ler gens, & donner congé d'aller secourir ladicte ville d'Orleans: ce que le Roy luy octroya: & pour l'accompagner manda plusieurs Capitaines, & entre autres les Seigneurs de Raiz & de Lore, & assemblerēt grand nombre de gens de guerre, & grande quantité de viures. Si vindrent à Bloys, ou estoient la pluspart des Chefz de guerre, & là fut armée tout à blanc ladicte Iehanne Pucelle: La Pucelle armée tout à blanc alla a- uitailler ceux d'Orleans.
 & se meit icelle Iehanne à estendart desployé, & tous les Chefz de guerre en chemin du costé de la Soulongne, pour venir à Orleans. Si passerent lesdictz Chefz de guerre, à la veüe des Anglois, qui n'en feirent aucun semblant, tous les viures par la riuere, & les feirent mener en ladicte ville d'Orleans: puis s'en retournerent lesdictz Capitaines à Bloys, pour querir le demourant des viures, artilleries & pouldres: & ladicte Pucelle demoura en ladicte ville d'Orleans, ou elle fut honnorablemēt & ioyeusement receuë, & entretenue par mondiēt seigneur le Comte de Dunois, Bastard d'Orleans, & par les Bourgeois & femmes de bien de ladicte ville, qui fort l'accompagnerent. Lors lediēt Bastard d'Orleans manda tous les Capitaines & gens d'armes des villes & chasteau de Montargis, Chasteaudun, & autres forteresses d'environ, qui tous vindrent à Orleans: & le quatriesme iour de May, sçeut lediēt Bastard que l'Admiral, le Mareschal Bouffac, les seigneurs de Raiz, de Lore, de Gaucourt, & autres Capitaines estoient partis de Bloys, pour amener le demourant des viures dedans Orleans, du costé de la Beausse, & prenoient leur voye droit à vn village, nommé Patay: parquoy celle nuit se partirent d'Orleans lediēt Bastard, la Pucelle, & les gens d'armes de garnison qui là estoient venus & assemblez, & trouuerent leurs gens & viures qu'ilz amenerent, & passerent deuant toutes les Bastilles desdictz Anglois, & entrerent dedans ladicte ville à sauueté, sans ce que les Anglois se monstrassent ne faillissent hors desdictes Bastilles. Celuy mesme iour, Ceux d'Orleans, à la conduite de la Pucelle, gaignerent l'une des plus fortes Bastilles des Anglois.
 sans conduicte de nulz des Capitaines, faillirent d'Orleans plusieurs Arbalétriers, Archiers, & gens de pied, & allerent assaillir l'une des plus fortes Bastilles desdictz Anglois, qui estoient deuers saint Lou. Les Anglois se deffendirent vertueusement, si que l'assault y fut dur & cruel. Là Pucelle le sçeut, qui tost & subitement monta à cheual pour y aller, & plusieurs la suyirent, & fut l'assault plus fort que deuant: & par puissance fut ladicte Bastille honnorablement & vaillamment conquise par les François, & y eut bien soixante Anglois tuez & vingt & deux prisonniers. Les Anglois des autres Bastilles feirent assez de contenance d'eux monstrer en bataille, faisant semblant de vouloir aller secourir leurs gens: mais pas si hardis ne furent d'approcher. Le sixiesme iour de May, audiēt an mil quatre cens vingt & neuf, à la venue de Clafsidas, Capitaine du Bouleuert & portereau du bout du pont, & aussi des Anglois, qui estoient en diuerses Bastilles, qu'ilz auoient faictes du costé de Soulongne, ladicte Iehanne la Pucelle, & plusieurs Capitaines & gens de guerre faillirent d'Orleans, & trauerserent la riuere de Loire, & vindrent du costé de Soulongne: & ce voyans grand nombre d'Anglois, qui estoient en vne forte Bastille, grandement garnie d'Artillerie, viures & autres biens, abandonnerent ladicte Bastille, & se retirerent en la Bastille que les Anglois auoient faicte aux Augustins. Ladicte Iehanne mettant ladicte Bastille en abandon passa oultre, & enuoya coureurs à cheual, pour descourir deuant le Bouleuert des tournelles, & deuant la Bastille des Augustins vint son estandart planter, & se meit à pied. L'assault feit commencer de toutes pars. Anglois se deffendirent vaillamment, & moult y eut de François blecez de chauffe-trappes qu'ilz auoient semées, & mesmement ladicte Pucelle qui eut vn coup de trait, qui semblant n'en feit. Lors les Anglois desdictes tournelles, & de la Bastille des Augustins, esleuerent vn si merueilleux & hor-

rible cry, que François en furent espouentez, & cuidoyent que les Anglois qui estoient dedans les Bastilles du costé de la Beaulle, eussent passé la riuiere pour les venir secourir. Si se prindrent François à eux retirer contre bas la riuiere repasser, delaisant la Pucelle à peu de gens : laquelle monta à cheual, & avec vingt hommes de cheual seulement print à poursuyuir ceux qui s'enfuyoient : & voyant lesdictz Anglois qu'elle alloit apres, cuydant qu'elle s'en fust, y firent hastiement de leurs Bastilles, & coururent apres à grands crys, disans grands diffames de sa personne : laquelle, ce voyant & oyant, print son estendart en sa main, & tourna son cheual faisant visaige ausdictz Anglois : lesquels de sa contenance firent si espouentez que sans resistance s'enfuyrēt hastiement chacun en leurs Bastilles. Si leuerent François vn grand cry, & hastiement retournerent à la Pucelle : laquelle incontinent retourna à ladicte Bastille des Augustins, & feit donner l'assault si grand & si merueilleux, qu'en peu d'heure fut par puissance ladicte Bastille prinse, & moult y eut d'Anglois mortz. Et pource que la Pucelle veit que les François entendoient trop au pillage des biens qui estoient en ladicte Bastille, dont il y auoit moult grand nombre, elle feit mettre le feu dedans, & fut toute ladicte Bastille brulée, avec tous les biens qui y estoient : & ce faict, elle alla planter son estendart sur les fossez du Bouleuert des Tournelles, & y voulut mettre le siege : mais pource que la nuit s'approchoit, elle fut conseillée de foy retirer : si s'en alla dedans Orleans, & feit demourer ses gens en vne isle en intention de retourner le lendemain : mais celle nuit les Anglois ardirent & des-emparerent l'Eglise saint Iehan le Blanc, & leur Bouleuert du champ saint Priué.

Du siege d'Orleans, leué par la Pucelle.



LE Samedi septiesme iour de May, fut tenu Conseil dedans Orleans par ce que la Pucelle vouloit à toute force passer la riuiere pour assaillir lesdictes Tournelles du pont d'Orleans : mais aucuns furent qui la desconseillerent, mesmement le seigneur de Gaucourt, qui estoit Gouverneur d'Orleans. Si vindrent les gens d'Eglise & Bourgeois, qui estoient tant fatiguez & trauaillez que plus ne pouuoient, deuers la Pucelle & les Capitaines, leur supplier qu'ilz poursuyussent leur bonne fortune, & qu'ilz deliurassent le passage dudit pont, autrement ilz ne pouuoient plus durer : & en ce offroient employer leurs personnes, & tous & chascuns leurs biens, sans riens y espargner : & pource que ledict Seigneur de Gaucourt persistoit contre leur requeste, ilz luy cuiderent courir sus. Finablement à leur requeste il fut conclud qu'on passeroit oultre. Si passerent la Pucelle, le Bastard d'Orleans, les Seigneurs de Raiz : & de Lore, & autres Chefz de guerre, & leurs gens deuers la Soulongne, & laisserent aucuns gens d'armes avec les Bourgeois de la ville, pour combattre ladicte Bastille, du costé de la ville : laquelle Bastille estoit si fortifiée & si haulte de pieux, de terre, & de fagotz, qu'à peine la pouuoit on veoir. La pucelle & les Capitaines donnerent l'assault par dehors, & ceux de la ville iettoient cōtre leur Bouleuert, du costé du pont, fuzées de feu Gregeois, & autres engins pour mettre feu esdictz fagotz. L'assault commença à trois heures deuant midy, & dura iusques à la nuit, si dur & si aspre que les Anglois n'en peurent plus, & leur faillit leur trait & leur pouldre. Lors les François leuerent eschelles, & par puissance entrerent dedans le Bouleuert, tuant les Anglois de toutes pars. Si se retira ledict Clásidas, & plusieurs autres Capitaines Anglois, dudit Bouleuert, & se retirerent dedans les tournelles, & saillirent du costé du pont pour aller combattre ceux de la ville, qui estoient dessus : mais ilz furent rudement reboutez, & aduint comme par punition diuine, qu'en eux retirant, le pont qu'ilz auoient réparé de boys, rompit soubz eux, & tous armez cheurent en la riuiere, & se noyerent tous : & lors les François entrerent dedans lesdictes tournelles, tant du costé de la Pucelle que du costé de la ville, & là eut grande occision, & y furent prins moult de prisonniers & grandes richesses : & entra la Pucelle & sa compaignie en ladicte ville par dessus le pont (qui tost fut réparé) laquelle auoit esté blecée d'un trait, mais elle n'en faisoit conte. Si fut songneusement pensée & habillée de sa blessure, & moult louée de tout le pais & de tout le peuple : & disoient que Dieu les auoit visitez, & en demonstrent sa puissance les auoit deliurez de si grand danger, par les mains d'une ieune Pucelle. Le lendemain

*La vertueuse
bataille &
desconfiture
que firent
ceux d'Orleans
contre les
Anglois,
moyennant le
bon conseil de
la Pucelle le-
banne.*

Dimen-

Dimenche huytiesme iour de May, mil quatre cēs vingt & neuf, le Comte de Suffort, les Comtes d'Escalles, & Talbot, Anglois, voyans la grande desconfiture qui estoit aduenue sur leurs gens, yssirent de leurs Bastilles, & tous armez se meirent aux champs en bataille, & feirent mettre le feu en leursdictes Bastilles : & feirent passer leurs chariotz, artillerie, prisonniers & sommages : puis s'en retirerent à Mehun, Baugency, Iargueau, Ienuille, & autres forteresses qu'ilz tenoient. Aucuns François, mesmement ceux de la ville d'Orleans, vouloient qu'on allast apres eux : mais la Pucelle ne le voulut souffrir, & disoit qu'on les trouueroit assez à temps. Quand ilz furent si eslongnez qu'on en eut perdu la veüe, la Pucelle & ceux de la ville saillirent aux champs, & emporterent les viures & biens qu'ilz trouuerent esdictes Bastilles, dont y auoit grand nombre, & feirent demolir du tout lesdictes Bastilles. Apres s'en retournerent dedans la ville : & feit la Pucelle venir les gens d'Eglise & le populaire, & feit chanter par toutes les Eglises : *Te Deum laudamus*, & dire plusieurs Anthiennes & Oraisons, pour rendre graces à Dieu & à la vierge Marie, & sonnerent toutes les cloches de ladicte ville. Les François allerent aux Bastilles des Anglois, ou ilz trouuerēt encores plusieurs biens & viures, & furent incontinent icelles Bastilles demolies & abbatuës. A semblable iour, que fut leuē ledict siege des Anglois, font ceux de ladicte ville d'Orleans chascun an solennelles processions, & beau seruice des trespassez, en memoire perpetuelle. Les Capitaines Anglois feirent incontinent sçauoir au Duc de Bethfort, leur aduenture, qui moult desplaisant en fut, lequel estoit lors à Paris : si se retira incontinent au boys de Vincennes, & là tint Conseil par plusieurs iours.

De l'allée de la Pucelle deuers le Roy : & de la prinse de Iargueau, & de Baugency.



Pres le siege d'Orleā, ainsi leuē, Iehanne la Pucelle print congé de monseigneur le Comte de Dunois, bastard d'Orleans, & des Seigneurs & Capitaines, & aussi des Bourgeois d'Orleans, qui moult la mercierent, & moult grand' honneur luy porterent : & s'en alla deuers le Roy, qui estoit à Chinon, lequel la receut honnorablement, & grand' honneur luy porta : car il congneut lors euidentement que elle estoit venue diuinement, & que ses faitz le demonstroient.

Semblablement vint deuers le Roy monseigneur le Duc d'Alençon, apres ce qu'il eut payé & acquité ses ostages, de la rançon de prison, ou il auoit esté prins à la iournée de Vernueil. Si tint le Roy grand Conseil, pour nettoier & mettre hors les Anglois des villes, & places qu'ilz tenoient à l'entour d'Orleans : & feit son mandement, auquel vindrent grand nombre de haults hommes, Princes, Barons, & Cheualiers à belles compagnies : & feit chef de celle armée monseigneur le Duc d'Alençon, avec ladicte Iehanne la Pucelle. Si se meirent à chemin, & allerent droit à Iargueau, ou ilz meirent le siege, & fort batirent la muraille de bombardes & artilleries : & là vindrent le bastard de Orleans, les seigneurs de Grauille, & de Gaucourt, & autres chefs de guerre, qui auoient esté dedans Orleans, durant le siege, & aucuns iours apres donnerent l'assault audict lieu de Iargueau : ou estoit Capitaine & chef, le Côte de Suffort, le seigneur de la Poulle son frere, & Alexandre de la Poulle, son autre frere, & grand nombre d'Anglois.


Le douziesme iour de Iuin, audict an mil quatre cens vingt & neuf, les François donnerent l'assault si merueilleux, que les Anglois ne sçauoient ou eux cacher, & feirent signe de vouloir parlementer : mais la Hire, qui là estoit, & fort travailloit, deit qu'ilz n'auroient autre parlement qu'à la poincte de l'espée : & fut ladicte ville prinse d'assault, & y fut prins prisonnier ledict Comte de Suffort, par vn Escuyer, nommé Guillaume Regnault, aussi fut prins le seigneur de la Poulle, son frere : mais Alexandre, son autre frere, fut noyé, & bien cinq cens Anglois : & prindrent les François plusieurs prisonniers, qu'ilz emmenoiēt à Orleans : mais en chemin aucun de bat se soudit entr'eux, à l'occasiō de quoy ilz tuerent presque tous lesdictz prisonniers : puis se retira l'armée des François à Orleans. Le quinziesme iour dudiēt mois, ledict Duc d'Alençon, & la Pucelle, avec leur armée, partirent d'Orleans, & se vindrent mettre en bataille deuant Mehun, sur Loire, du costé de la Soulongne : & d'arriué prindrēt le fort du pont, & y meirent bonne garnison contre les Anglois, qui tenoient la ville.

*De la prinse
de Iargueau
sur les An-
glois, en la
quelle fut pris
le Comte de
Suffort.*

LES CRONIQ. ET ANNALES DE FRANCE

Le lendemain ensuyuant ilz passerent oultre, & allerent deuant Baugency, ou ilz voulurent mettre le siege: mais les Anglois qui veirent leur puissance, & qu'ilz n'estoient point pour resister, abandonnerent la ville, & se retirerent au Chasteau, à l'entour du pont. Ceux du pont, qui estoient bien six vingtz hommes, demanderent composition, & semblablement ceux du chasteau: qui leur fut octroyée, & qu'ilz s'en yroient vn baston au poing, bagues fauues, & par tel si qu'ilz ne s'armeroient d'vn moys apres. Audict Baugency arriuerent monseigneur le Comte de Richemont, Conestable de France, & en la cōpaignie le seigneur d'Albret, avec bien mil ou douze cens hommes, dont l'armée des François fut fort resiouie & renforcée. Durant que ces choses se faisoient, le seigneur de Talbot alla à Lual, & par eschelles prindrent la ville d'emblée, & y gagnerent les Anglois moult de biens. Dedans le chastel estoit messire André de Lual, seigneur de Loheac, qui composa pour luy & les autres du chastel à vingt cinq mil escus, & demourer prisonnier iusques à ce qu'il les eust payez.

De la Bataille de Patay, & prinse de Talbot.



E toutes pars commencerēt lors à arriuer gens en post des François, dont les plusieurs venoient sans mandement: car le courage leur estoit creu, pour le siege d'Orléans, qui auoit esté leué, & aussi pour la venue de la Pucelle, dont la renommée estoit ia moult grāde par le royaume, & desiroit chascun à la veoir: & au cōtraire les Anglois estoient foiblissoient, & s'esbahissoient d'en ouyr parler. Si delibererent ledict Duc d'Alençon, la Pucelle, le Cōestable, le Comte de Vendosme, & autres chefz de guerre, d'aller à Mehun: & fut cōmis messire Ambrois, seigneur de Lore, à mettre les Anglois hors de ladicte ville de Baugency, & les conduire à sauueté: & enuiron vne heure, ainsi que lesdictz seigneurs vouloient partir, & qu'ilz faisoient saillir leurs gens aux champs, & les mettoient en bataille, ilz furent aduertis par les cheuaucheurs & auātcoureurs qu'ilz auoient enuoyez pour descouurir, que les Anglois qui estoient dedans Mehun, auoient abandonné la ville, & qu'ilz s'en alloient vers Ienuille, & que là on auoit veu le seigneur de Talbot, messire Iehan Fastol, & plusieurs autres Capitaines Anglois, avec bien six mil cōbatans. Si conclurent lesdictz seigneurs François, qu'ilz iroient hastiuement celle part, pour les combattre: si feirent marcher leurs batailles, & cheuaucherent le plus diligemment qu'ilz peurent, & vindrent vers vne Eglise forte, en vn village de la Beausse, nommé Patay, là s'entrerencontrerent les batailles & s'entrapprocherent, & commencerent à escarmoucher: & lors le seigneur de Lore, de Beaumont, Poton, & autres Capitaines, qui menoiēt l'auantgarde frapperent hardiment & roidement sur lesdictz Anglois, tellement que grande partie de ceux qui estoient à cheual commencerent à fuyr dedans vn petit boys, dedans le village, qui estoit là aupres. Lors commença la bataille desdictz François à donner dedans, & feirent grand abatiz d'Anglois, qui en peu d'heure furent desconfitz: & y en eut bien quatre mil de mortz, & bien trois cens prisonniers: & entre autres furent prins prisonniers les seigneurs de Talbot (lequel Talbot fut depuis deliuré par la deliurance de Poton de Xaintrailles) d'Escalles, Gaultier de Hongrefort, & plusieurs autres seigneurs & Capitaines Anglois: & dura la chasse apres lesdictz Anglois iusques à Ienuille, qu'ilz tenoient: laquelle ville fut lors prinse. Si furent aussi prinse Mehun, la Ferté, & la pluspart des forteresses de la Beausse. Messire Iehan Fastol, & autres Anglois, qui peurent eschapper de la bataille, s'en fuyrent, & se rendirent à Corbeil, & les François coucherent celle nuit au champ de la bataille.

La desconfiture des Anglois pres Patay en Beausse.

Comment le Roy se meist à chemin pour aller à Reims, soy faire sacrer.

L'an mil cccc. trente.

EN l'an mil quatre cens trente, quand le Roy sceut les nouuelles de ladicte bataille, il fut bien ioyeux, & en rendit graces à Dieu & à nostre Dame. Messieurs d'Alençon, & de Vendosme, & la Pucelle allerent deuers luy: & lors ladicte Iehanne l'admonnesta fort de soy aller faire couronner & sacrer à Reims. La chose fut mise en deliberation, & y auoit plusieurs des Princes, Seigneurs & chefz de guerre, qui n'estoient pas d'opinion qu'il y deust encores aller, & qu'il ne se pouoit faire: car ladicte ville de

Reims,

Reims, & les villes de Troyes, Chaalons, Auxerre, Laon, Soissons, & generallyment toutes les autres villes & places de Champagne, Brye, & Gastinois, par ou il conuenoit passer, estoient en l'obeissance & puissance des Anglois. Si estoient semblablement celles de Picardie, de l'Isle de France, & tous les païs d'entre la riuere de Loire & la mer. Toutesfois tant le pressa & persuada ladiète Iehanne la Pucelle, disant qu'elle estoit enuoyée de par Dieu, pour sy mener, & que le temps que Dieu auoit ordonné estoit venu, que lediēt Roy delibera d'y aller : & de fait fit mander & assembler à Orleans, au moys de Iuin, toute la Cheualerie & puissance qu'il peut, & se mit à chemin & alla droit à Gyen. Entre les autres estoient en sa compagnie les Ducz de Bourbo, d'Alençon, les Comte de Vendosme, de Dunoy, & de Richemont, Poitou, la Hire, & plusieurs autres grands Princes, Seigneurs, Barons, Capitaines, & Chefz de guerre : & en vindrent plusieurs sans mander pour le seruir, & estre audict couronnement.

*La Pucelle
admonnestoit
fort le Roy de
s'en aller faire
couronner &
sacrer à Reims*

En celle saison le Seigneur de la Trimouille gouernoit totalement le Roy, & les faitz du royaume, dont il estoit fort enuié du Connestable & des autres Seigneurs & Capitaines, qui estoient avec luy : lesquelz auoient bien douze cens hommes en leur compagnie, qu'il conuint demourer, par ce que lediēt de la Trimouille ne vouloit pas que le Roy receust en sa compagnie si grand nombre de gens qui venoient pour le seruir, pour la doubte qu'il auoit de sa personne, dont s'en ensuyuit grand dommage au royaume : car s'il eust souffert recevoir tous ceux qui y venoient, & vouloient venir, on eust en peu de temps recouuert tout ce que les Anglois occupoient en France : mais on n'osoit lors parler contre lediēt seigneur de la Trimouille, combien qu'on cōgneust bien que la faulte procedast de luy. Quand le Roy fut à Gyen il fut fait vn payement aux gens d'armes, & leur fut baillé à chascun trois francs seulement. Dudiēt lieu se partit ladiète Iehanne la Pucelle, & autres Capitaines qui allerent deuant coucher à quatre lieues, tirant vers Auxerre : & le lendemain le Roy y alla apres, & fut la tout son ost ensemble : & pource qu'en la compagnie auoit plusieurs femmes diffamées, qui empeschoient aucuns gens d'armes d'aller auant, ladiète Iehanne la Pucelle fit crier qu'elles s'en departissent. Apres le cry fait chascun se mit à aller auant : & pource que ladiète Iehanne, qui estoit à cheual, en rencontra deux ou trois en sa voye, elle tira son espée pour les battre, & frappa sur l'ynes d'elles, du plat de son espée, si grand coup qu'elle rompit ladiète espée, dont le Roy fut fort desplaisant quand il le sceut, & luy deit qu'elle deuoit prendre vn baston pour les frapper, sans abandonner ladiète espée, qui luy auoit esté reuelée de par Dieu. Tant cheuaucha le Roy ce iour qu'il vint iusques deuant Auxerre. Ceux de la ville ne le voulurent pas mettre dedans de prime face, & disoient qu'ilz auoient donné argent audict seigneur de la Trimouille, pour demourer en abstinance de guerre, dont on murmura fort contre luy. Ladiète Iehanne vouloit qu'à toute force on assaillist la ville : mais finalement elle demoura en abstinance, moyennant que ceux de ladiète ville baillerent grand' foison de viures à ceux de l'ost du Roy pour leur argent. De là s'en alla le Roy à saint Florentin, qui luy fit planiere obeissance. Apres s'en alla deuant la cité de Troyes, en laquelle auoir bien six cens, que Anglois, que Bourguignons, gens de guerre, qui à l'arriuee saillirent sur l'ost du Roy : parquoy il se logea tout autour de ladiète ville, & y fut environ sept iours en parlementant, & cuidant que ladiète ville luy feist obeissance : & auoient ses gens grande necessité de viures. Si eut le Roy Conseil avec les Ducz d'Alençon & de Bourbon, le Comte de Vendosme, l'Archeuesque de Reims, Chancelier de France, & autres Capitaines : & consideroient que les gens du Roy n'auoient ne viures n'argent, ne lieu dont leur en peust venir, & que ladiète ville de Troyes estoit fort garnie de gés de guerre & de commune, de viures, d'artillerie, & choses necessaires, & sembloit bien que ilz n'auoient point de volenté d'eux mettre es mains du Roy : & si n'auoit le Roy Bombardés, n'artillerie, pour battre les murs de la ville, ne n'auoit forteresse, ou il y en eust plus pres que Gyen, ou auoit bien trente lieues, & autres choses que lediēt Chancelier remonstra : mesmement que le Roy auoit esté ia refusé à Auxerre : & demanda sur ce les opinions : & furent les aucuns d'aduis que le Roy retournaist sans demourer plus deuant ladiète ville, n'y aller plus auant. Quand vint à l'opinion de messire Robert le Maçon, Cheualier, seigneur de Treues, il deit qu'on deuoit enuoyer querir Iehanne la Pucelle, & la faire venir audict Conseil : & que par aduenture elle diroit quelque chose qui seroit profitable pour le Roy & sa compagnie : car lediēt voyage auoit esté entre-

*Iehanne la
Pucelle fait
crier, que les
femmes diffamées
se partis-
sent de l'ost
du Roy.*

LES CRONICQ. ET ANNALES DE FRANCE.

*La Pucelle
Iehanne con-
tre l'opinion
des Princes,
fut d'aduis
que le Roy de-
uoit tenir bon
deuant la vil-
le de Troyes.*

prins par l'admonnestement de ladiſte Iehanne, & non pas pour puissance d'argent, ne de gens, que le Roy eust. Si fut ladiſte Iehanne mandée, & à son arriuée elle feit la reuerence au Roy: & apres le Chancellier luy remonstra les raisons & remonstrances qu'il auoit dictes, & luy demanda qu'il luy en sembloit, & lors elle iecta sa veuë sur le Roy, & luy demanda si elle seroit creuë. A quoy le Roy luy respondit que si elle disoit quelque raison apparente, qu'on la croyroit: & ladiſte Iehanne reprint de rechef sa parolle, demandant au Roy si elle estoit creuë, qui luy deit qu'elle deit hardiment ce qu'il luy en sembloit, & que ouy, seſc ce qu'elle disoit. Lors deit ladiſte Iehanne: En nom de Dieu, gentil Roy, si vous voulez encores demourer deuant vostre ville de Troyes, auant qu'il soit deux iours entiers elle sera en vostre obeïſſance, ou par force, ou par amour, & n'en faiſtes doubte. Et lors luy deit le Roy: Iehanne, m'amy, qui seroit certain de l'auoir on attendroit bien six iours, & plus se besoing estoit. A quoy elle respondit: Gentil Roy n'en faiſtes nulle doubte, car ie vous en assure: & à celle oppinion fut conclud de demourer là. Incontinent ladiſte Iehanne s'alla armer, & monter sur vn gros courſier, vn baſton en sa main, & alla par ſost, & meit en besongne Cheualiers, Eſcuyers, & gens de tous estatz, & feit porter huys, fenestres, tables, ſagotz, & autre boys qu'elle feit prédre és maisons des fauxbourgs, pour faire taudis aprochās cōtre la ville pour assortir aucun peu d'artillerie qui estoit en ſost, & faisoit de merueilleuse diligēces, tellement que quād ceux de la ville apperçurent leurs cōtenances, ilz furent si espouuētez que l'Euesque, & plusieurs des Bourgeois & Capitaines, qui estoient dedās vindrent parlementer, & feirent composition que les gens de guerre, Anglois, s'en iroient leurs bagues sauues, & que ladiſte ville seroit mise en l'obeïſſance du Roy. Si s'en allerent lesdictz gens de guerre: & le Roy, & les Princes en sa compaignie, y entre- rent le ledemain au matin. Les Anglois & Bourguignons vouloient emmener à leur partement les prisonniers François qu'ilz auoient: mais ladiſte Iehanne par force les leur osta realement & de faiſt à la porte de la ville: & conuint que le Roy les contentast de leurs finances & rançons. Le Roy meit Bailly, Capitaines, & autres Officiers de par luy, en ladiſte vile de Troyes: & pource que son ost estoit demouré hors ladiſte ville, & auoit laïſſé la garde d'iceluy à messire Ambrois, seigneur de Lore, quād le Roy fut party d'icelle ville, ledict de Lore, & tout ſost, passa & trauersa par icelle ville. Le lendemain que le Roy fut party de Troyes, il tira vers Chaalons. Quand ceux de la ville ſçeurēt sa venuë, l'Euesque, le Clergé & les Bourgeois & habitans d'icelle, cōgnoiſſans que c'estoit leur vray & naturel seigneur, allerent au deuant de luy, & à grand' hōneur & reuerence le reçurent, & luy baillerent les clefz de la ville. Si entra dedans, & y meit vn Cpitaine: & au regard des autres Officiers, ilz y estoient mis de par l'Euesque, qui est Per de France, Comte & Seigneur temporel & spirituel d'icelle ville.

*La ville de
Troyes se ren-
dit à l'obeïſ-
ſance du Roy
ainsi que la
Pucelle auoit
predit au Roy.*

Du Sacre du Roy, à Reims.

*De l'entrēe
du Roy en la
ville de
Reims.*

DE CHAALONS se partit le Roy, & se meist à chemin pour aller en la cité de Reims, qui estoit occupée par les Anglois, comme aussi estoient toutes les autres villes, & places du païs: & quand il approcha de ladiſte ville, le Clergé, & les habitans d'icelle, vindrent au deuant, & luy feirent planiere obeïſſance, & luy apporterent les clefz, en disant qu'il fust le tresbien venu. Si entra le Roy dedans, ou il fut receu à grand' honneur & reuerence. Là vindrent deuers luy pour le seruir & honorer les Ducz de Bar, de Lorraine, & le Seigneur de Commercy, auec grand' compaignie de gens de guerre. Le Dimenche ensuyuant, le Roy alla au matin en la grand' Eglise de Reims, & là fut apportée la saincte Ampoule, qui est en l'Abbaye de sainct Remy en ladiſte ville: & demourerēt en ladiſte Abbaye quatre Barons en ostage, iusques à ce qu'elle fust reportée en ladiſte Abbaye, ainsi qu'il est tousiours accoustumé de faire en tel cas. En la compaignie du Roy estoient les Duc d'Alençon, de Bourbon, de Bar, de Lorraine, le Comte de Vendosme, d'Albret, le Bastard d'Orleans, les Mareſchaulx, l'Admiral & maître des Arbalestriers de France, & grand nombre d'autres Princes, Seigneurs, Barons, Cheualiers, & gens de tous estats: & fut le Roy oingt, sacré & couronné Roy de France, par messire Regnault de Chartres, Archeuesque de Reims, & Chancellier de France: & audict Sacre fut tousiours pres & presente ladiſte Iehanne la Pucelle, toute armée à blanc, & tenant son estandart en la main: & bien y deuoit estre, comme celle qui estoit

*La Pucelle
Iehanne fut
presente, &
assista au Sa-
cre du Roy, ar-
mée tout à
blanc, tenant
son estandart
en sa main.*

estoit principalement cause, de l'ordonnance & volonté de Dieu, d'iceluy Sacre. Là feist le Roy, le Duc d'Alençon, & le Seigneur de Loheac, & grand nombre d'autres, Cheualiers. Trois iours seiourna le Roy en ladicte ville de Reims, après son sacre: puis s'en partit, & s'en vint au prioré de saint Marcou, au diocèse de Laon, dependant de l'Abbaye de saint Remy de Reims, à six lieues pres de ladicte ville, ainsi qu'ont accoustumé de faire les Roys de France, & leur faict on seruice propre, & là leur est donnée de Dieu la puissance de guerir, en la vertu de luy, de la maladie des Escrouelles. Puis s'en partit le Roy dudit saint Marcou, & vint droit à vne ville nommée Velly, que tenoient les Anglois, laquelle ville appartient à l'Euesque de Reims, & ladicte ville se meit incontinent en lobeissance du Roy, & s'y logea le Roy. De là le Roy enuoya ses Heraulx & messages a Laon, pour sommer ceux de la ville: lesquelz luy feirent semblablement obeissance. Au partement de Laon le Roy vint à Soissons, qui incōtinent se rendit en ses mains, & y seiourna le Roy, & son ost, par trois iours: durant lesquelz luy enuoyerent & vindrent faire obeissance ceux des villes de Chasteauthierry, Prouins, Colommiers, Crecy en Brye, & plusieurs autres places d'illec enuiron.

Comment le Roy, apres son Sacre, tira vers Paris, & se meirent plusieurs villes & forteresses en son obeissance.

LE Roy se deslogea de Soissons, & tira droit à Prouins: & lors le Duc de Bethfort, Regent en Frâce, pour le ieune Roy Henry d'Angleterre, sceut le recouurement des villes & places que le Roy auoit faict en Champaigne, & comment il auoit esté sacré & couronné à Reims, dont se trouua moult esmerueillé. Si assembla gens, & se partit de Paris avec bien douze mil combatās, en intētion de trouuer le Roy sur les champs, pour le combattre. Incontinent que le Roy sceut ces nouuelles il se deslogea de Prouins, & se meit aux champs: & vint au deuant dudit Duc, pour le rencontrer, iusques pres d'un Chasteau qui est en la Brie, appelé la Motte de Nangis: & sachant le Roy que ledict Duc de Bethfort estoit prochain il renga ses gens en bataille, & se tint aux champs presque tout le iour, pource que cōtinuellement luy venoient nouuelles que ledict Duc de Bethfort venoit pour le combattre: mais iceluy Duc, qui estoit tout aupres de luy, n'osa marcher, & s'en fuyt, & s'en retourna vers Paris avec son ost. Le Roy de France, tant par l'admonnestement de aucuns, qu'aussi qu'il estoit trauaillé de la guerre, se delibera de s'en venir, & se retirer és pais qui luy estoient obeissans sur le long de la riuierē de Loire: & ordonna de passer le lendemain la riuierē de Seine en vne ville nommée Bray, ou ceux de ladicte ville promeirent luy donner passage, mais la nuit vindrent les Anglois en icelle ville de Bray, pour deffendre le passage, & y eut aucuns des gens du Roy, qui s'estoient ia auancez de passer ladicte riuierē, les vns prins, les autres desconfitz: & ainsi fut ledict passai-ge rompu, dont les Ducz de Bar, d'Alençon, de Bourbon, les Comtes de Vendosme, de Laual, Jehanne la Pucelle, & autres seigneurs, Capitaines, & gens de guerre furent tous ioyeux: car ilz estoient courroucez de ladicte conclusion, & de ce que le Roy s'elongnoit, & desiroient que le Roy suyüst la bone fortune que Dieu luy auoit enuoyée. Et à ceste cause feirent tant que la veille de la Mi-aoust le Roy retourna à Chasteauthierry, pour passer la riuierē de Marne, & de là alla à Crecy en Vallois: puis vint vers Dampmartin, repāt les champs. Quand le Duc de Bethfort le sceut, il faillit de Paris avec grand ost, & tira droit à Mittry en Frâce, au dessoubz dudit Dampmartin, & là, pres d'un boys, renga ses gens en bataille, en vn lieu de forte venue, & auantageux pour luy & pour ses gens, & courroient les auantcoureurs desdictz Anglois iusques au village de Thieux. Le Roy enuoya la Hire, & autres Capitaines, pour veoir la contenance desdictz Anglois, & les escarmoucher, & durerent les escarmouches presque tout le iour: & fut rapporté au Roy que lesdictz Anglois estoient en vn lieu trop fort & auantageux pour eux, parquoy il ne fut pas cōseillé de les aller assail-
De la ville de
Beauuais qui
ne fut iamais
en l'obeyssance
des Anglois.
 lir au lieu ou ilz estoient. Le lendemain matin ledict Duc de Berhfort se leua, & s'en retourna avec son ost sans riēs faire: & le Roy retourna vers Crecy, & enuoya certains messages deuers les villes de Beauuais & Compiègne, qui luy maderent & feirent sçauoir qu'ilz estoient prestz de luy faire planiere obeissance, combien qu'on disoit que

LES CRONIQ. ET ANNALES DE FRANCE.

ladiete ville de Beauuais n'auoit esté es mains des Anglois. En celle mesme année fut le ieune Henry couronné Roy d'Angleterre, à Londres, Tantost apres se partit le Roy de Crecy, pour aller à Compiègne, & vint loger à vn village, nommé Barron, pres Senlis: & là le lendemain eut nouuelles que le Duc de Bethfort estoit party de Paris avec son ost, & que le Cardinal, oncle du Roy d'Angleterre, luy auoit amené bien trois mil Anglois, qu'on disoit estre souldoyez de l'argent du Pape, & que ledict Cardinal, les auoit tirez d'Angleterre, soubz vmbre de les mener contre les Bohemiens: qui erroient lors en la foy des Chrestiens. Lors chargea le Roy messire Ambrois, seigneur de Lo-

* al. Sain-
re & le seigneur de Xaintrailles, * aller au deuant pour en sçauoir la verité. Si monte-
re treil-
rent à cheual & prindrent enuiron vingt hommes d'armes, & cheuaucherent sur le
le. chemin de Paris, tant qu'ilz apperceurēt grâdes pouldres, que faisoit fust dudit Bethfort en marchant. Si le manderent hastiement au Roy, & tirerent plus auant, tant qu'ilz veirent à œil fust desdictz Anglois, qui estoient en grand nombre, & marchoient fierement & hastiement. Si le manderent de rechef hastiement par vn autre messager au Roy, qui tantost feit mettre ses gens aux champs, & renger en bataille & commencerent à marcher vers Monstier Pilloe, * le chemin de Senlis, pource que les Anglois y tiroient: & pres de Senlis arriua l'armée desdictz Anglois à l'heure de vespres, & se meirent à passer vne petite riuere, qui est entre Senlis & Barron, & estoit le paissaige si estroit qu'ilz ne pouuoient passer que deux à la fois. Quand lesdictz seigneurs de Lore & de Xaintrailles apperceurent qu'ilz passoient, ilz s'en retournerent hastiement deuers le Roy, pour luy dire que lesdictz Anglois passoient. Quand

* alias
Pillouer.

*De l'ost des
Françoys, &
de l'ost des
Anglois, qui
furent pres
l'un de l'autre,
& prestz
de combattre.*

*Du Duc de
Bethfort qui
n'osa donner
la bataille au
Roy, ains s'en
retourna à
Paris.*

le Roy les eut ouyz parler il feit marcher ses batailles pour aller combattre audict passage: mais auant qu'ilz y fussent lesdictz Anglois estoient presque tous passez. Si estoient les deux ostz prochains l'un de l'autre, & ce iour s'entr'escarmoucherent fort, à celle heure estoit soleil couchant: si se logerent les Anglois sur le bort de ladiete riuere, & les François pres d'iceux, audict lieu de Monstier Pilloe. Le lendemain le Roy meit & rangea ses batailles sur les champs. Les Ducz d'Alençon, & Comte de Vendosme conduisoient la premiere. La seconde conduisoit le Duc de Bar: les seigneurs de Raiz, & de Bouffac, Marechaulx de France, vn autre, qui estoit en maniere d'vne aille: & vne autre conduisoient Iehanne la Pucelle, le Bastard d'Orleans, le seigneur d'Albret, & plusieurs Capitaines: & à la conduite & gouuernement des Archiers estoit le seigneur de Grauille, grand Maistre des Arbalestriers, & messire Iehan Foulcalt. Pres lesdictes batailles se tenoit le Roy, & auoit avec luy le Duc de Bourbon, le seigneur de la Trimouille, & autres. Les Anglois s'estoient embastillez & fortifiez celle nuit de fossez & pieux, & auoient vn estang au dos de ladiete riuere, & ne faillirent point aux champs hors de leur fortification. Plusieurs fois marcha & se mōstra le Roy deuant iceux Anglois: & combien que conclusion eust esté prise de les combattre, ce neantmoins, quand les Capitaines eurent veu & considéré la place ou ilz estoient, & les fortifications qu'ilz auoient faictes, le Roy fut conseillé de non les combattre en ladiete place. Tantost les batailles du Roy s'approcherent des Anglois à biē deux traits d'arc, leur feit plusieurs escarmouches, & souuent s'approcherent à pied & à cheual, iusques à combattre main à main. Enuiron l'heure de soleil couchant s'approcherent les François en plus grāde puissance qu'ilz n'auoient fait de tout le iour: & vindrent sur le parc desdictz Anglois combattre main à main, & dura celle escarmouche iusques à la noire nuit, & y eut plusieurs Anglois tuez. Quand la nuit fut venue François se retrahyrent au lieu ou ilz auoient couché la nuit precedente, & les Anglois demourerent en leur parc. Le lendemain matin les Anglois se deslogerent, & s'en retournerent à Senlis, & de là à Paris: parquoy le Roy deslogea semblablement, & s'en alla vers Crespy: & le lendemain ensuyuant, le Roy print son chemin, & alla à Compiègne, qui luy feit obeissance, & y fut huit iours. En celle ville meit vn Capitaine, nommé Claude de Elauy. En ladiete ville vint deuers le Roy messire Iehan de Luxembourg, qui luy feit moult de promesses de faire la paix entre luy & le Duc de Bourgongne: dont il ne feit riens, sinon le deçeuoir: & luy bailla le Roy sauf-conduit pour ledict Duc de Bourgongne, pour venir à Paris deuers le Duc de Bethfort, pour traicter de paix. Là vindrent deuers le Roy les Bourgeoys de Beauuais, qui meirēt ladiete ville en son obeissance. Aussi feirēt semblablement ceux de Sēlis: & luy apporterēt les clefz l'uesque & aucūs Bourgeoys de la ville: & tātost apres le Roy vint en icelle ville de Sēlis.

Quand

Quand le Duc de Bethfort sceut ces nouuelles, il se partit de Paris avec son ost, & alla vers Normâdie pour garder le pais, pource qu'il sceut que Beauuais & Aumalle s'estoiēt rendus François. Puis il departit ses gens, & les mit en la garde des places qui tenoiēt le party des Anglois, & laissa à Paris messire Loys de Luxebourg, Euesque de Therouenne, soy disant Chancelier de Frâce pour le Roy d'Angleterre, vn Cheualier Anglois, nommé Iehan Rochelle, & vn autre François, nommé Simon Morhier, lors Preuost de Paris, & bien deux mil Anglois en leur compagnie, pour la garde de ladicte ville.

Comment le Roy, Iehanne la Pucelle, & plusieurs Seigneurs François vindrent deuant Paris.

EN la fin du moys d'Aoust, audict an mil quatre cens trente, le Roy se partit de Senlis ou il estoit, & s'en vint à saint Denis, ou il entra sans resistance, & y logea son ost, & illec se tint enuiron quatre iours, & y eut plusieurs escarmouches entre François & Anglois, qui estoient à Paris, car les François alloient chascun iour courir iusques pres de Paris. Si s'en vint Iehanne la Pucelle, les Ducz d'Alençon, & de Bourbon, les Comtes de Vendosme, de Laual, les seigneurs d'Albrét, de Lore, de Raiz, & autres Capitaines loger à la Chappelle, qui est entre Paris & saint Denis: & le lendemain y eut de grandes escarmouches. Si allerent les François escarmoucher iusques à la porte saint Honoré, au lieu ou l'on fait le marché aux pourceaux, & feirent assortir Canons & Couleurines, dont ilz tiroient en la ville: & les Anglois tournoient tout autour des murailles par dedans la ville, & portoient leurs enseignes. Les François donnerent l'assault au Bouleuert de la porte saint Honoré: & audict assaut se porta vaillamment le seigneur de saint Vallier & ses gens, & tant feirēt qu'ilz le prindrent d'assault. Les Ducz d'Alençon, de Bourbon, & le seigneur de Montmorency se tenoient en bataille, derriere la butte de la voirie, pour garder que les Anglois ne saillissent par la porte saint Denis, ou par vne autre des portes: & vouloit Iehanne la Pucelle à toute force que la ville fust assaillie, car elle n'estoit pas informée de la grande eauē qui estoit es fosses de ladicte ville, & ne la peut on garder qu'elle & le Mareschal de Raiz, avec grand nombre de gens, ne se vinssent mettre dedans l'arriere fossé, ou elle se tint toute iour, & y fut naurée d'un vireton par la iambe: mais ce non obstant bouger ne s'en vouloit, & faisoit à toutes puissances iecter fagotz, boys & pierres dedans le grand fossé, pour le cuider combler, mais possible n'estoit pour la grande eauē. Quand la nuit fut venue le Duc d'Alençon l'enuoya querir, mais elle n'en vouloit partir. Si y alla ledict Duc luy mesmes en personne & l'emmena, & s'en retournerent à la Chappelle, ou ilz auoient couché: & fut ladicte Iehanne habillée de sa playe: & le lendemain s'en allerent ladicte Iehanne, lesdictz Ducz, & autres, deuers le Roy, à saint Denis. Audict moys d'Aoust, vn Escuyer, nommé Iehan Armengue, & vn nommé Henry de Villeblanche, hommes d'armes de la compagnie du seigneur de Lore, prindrent & remparerent le Chasteau de saint Scelerin, pres d'Alençon. Au tiers iour qu'ilz y furēt entrez, les Anglois de la garnison d'Alençon le sceurent: si les allerent assaillir à grande puissance: mais si vaillamment se deffendirent qu'ilz demourerent maistres de leur place, & s'en retournerent lesdictz Anglois honteusement.

De la prinse de Laigny, & du partement du Roy pour aller en Touraine.

E vingtneufiesme iour dudit moys d'Aoust, le Roy estant à saint Denis, le grand Prieur de l'Abbaye de Laigny, vn Escuyer nommé Artus de saint Marry, & autres de ladicte ville de Laigny vindrēt deuers le Roy, pour luy mettre la ville en son obeissance. Si y enuoya le Roy messire Ambrois de Lore, auquel elle fut baillée, & fait faire le sermēt à tous ceux de ladicte ville, d'estre deslors en auant loyaux au Roy. En ce temps le Roy auoit à merueilles grand desir de soy retirer en ses places le long de Loire, pour soy reposer: car par les parolles que luy auoit dictes messire Iehan de Luxembourg, il s'attendoit bien d'auoir appoinctement avec le Duc de Bourgogne: parquoy le douziesme iour de Septembre, audict an, il tint conseil: & fut aduisé & ordonné que le Duc de Bourbon, le Comte de Vendosme, messire Loys de Culant, & autres Capitaines, yroient es villes, qui de ce voyage s'estoiēt

LES CRONIQ. ET ANNALES DE FRANCE

nouvellement reduictes en son obeïssance, pour les y entretenir : & y demoura le Duc de Bourbon Lieutenant General pour le Roy. Puis se meit à chemin le Roy partant de saint Denis, & alla coucher à Laigny sur Marne, & là laissa ledict Seigneur de Lore, & messire Jehan Foulcalt : & le lendemain partit le Roy, de Laigny, & s'en alla passer les riuieres de Seine & Yonne, à gué, aupres de Sens : puis tira à Montargis, & passa outre. Tantost apres le partement du Roy, les François, qui estoient à saint Denis, abandonnerent, & s'en allerēt à Senlis. Quand les Anglois & Bourguignons, qui estoient à Paris, le sceurent, ilz vindrent & reprindrent la ville de saint Denis : & par l'ordonnance de l'Euesque de Therouenne, Chancelier des Anglois, osterent, de ladicte Eglise de saint Denis, les armeures que y auoit donnée Jehanne la Pucelle, & les emporterent, sans en faire aucune recompense à ladicte Eglise. En celle saison le Duc Philippe de Bourgongne, soubz le sauconduit du Roy, vint deuers le Duc de Bethfort, à Paris : & combien qu'il eust mandé au Roy, par ledict messire Jehan de Luxembourg, qu'il traiteroit l'appoinctement, ce neantmoins il n'en fit riens : & fit plus fortes alliances que deuant, avec ledict Duc de Bethfort, qui auoit espousé sa sœur.

*Des Anglois
qui reprin-
drent la ville
saint Denis,
& osterent ce
que la Pucelle
y auoit doné.*

En celle mesme année ledict Philippe, Duc de Bourgongne, espousa la fille du Roy de Portugal. Audiēt moys les Anglois & Bourguignons, qui estoient à Paris, allerent à grande puissance deuant Laigny, pour y mettre le siege. Messire Ambrois de Lore, & messire Jehan Foulcalt, qui estoient dedans, voyans la foiblesse de la ville, qui n'estoit pas pour attendre siege, faillirent aux champs, au deuant desdictz Anglois : & par trois iours & trois nuitz entresuyuans feirent les escarmouches, si roidement que les Anglois ne peurent oncques approcher les barrieres, à vn trait d'arc pres d'icelle ville : & voyans iceux Anglois la grande vaillance & resistance desdictz de Lore & Foulcalt, ilz s'en retournerent à Paris sans riens faire. En ce mesme moys le seigneur de Hommet, du Bouchet, & Bertrand de la Ferriere, feirent vne entreprinse & assemblée de gēs secretement : & estoient enuiron trois cens hommes, & allerent vn matin deuant la ville de Laual, laquelle par Talbot auoit esté prinse d'eschelles par emblee, & s'embucherent en vn moulin, ainsi que le Meufnier les auoit aduertis : & ainsi qu'on vint ouvrir les portes, ilz entrerēt dedans ladicte ville, en laquelle estoient bien cinq cens Anglois, lesquelz furent tous morrz ou prins, reseruez aucuns qui se sauuerent & ietterent es fosses par dessus les murs.

Comment le Duc de Bourbon s'en alla en ses païs, pour la pillerie que faisoient les gens du Roy, sur le peuple.



** Icy me fault
le vieil exem-
plaire.*

D V R A N T ce temps, le Duc de Bourbon, qui estoit demouré Lieutenant du Roy es marches de France, Champaigne, & Brie, se tenoit communement à Beauuais, Senlis, Soissons, Laon, & autres villes prochaines, & s'acquittoit pour le biē du Roy, le mieux que il pouoit : toutesfois il veid que les Capitaines & gens de guerre du Roy, qui estoient esdictz païs, n'estoient point payez, & à ceste cause ilz pilloient, robboient, & gastoient tous iceux païs, & faisoit chascunle maistre, si que plusieurs maisons & terres demouroiēt inhabitées & sans labour, dont il luy desplaioit. * A ceste cause il delibera de s'en aller en ses païs, & si en alla : & demoura le Comte de Vendosme, qui principalement eut la charge de la cité de Senlis : & depuis par le Roy fut fait Lieutenant en iceux païs, & luy enuoya le Roy le seigneur de Bouillac, Marechal de Frāce, & enuiron mil combatans, dont estoit grande necessité : car les Anglois qui estoient es marches de Normandie, & les Bourguignons qui estoient du costé de Picardie, leur faisoient maintes courses.

La prinse de saint Pierre le Monstier, par la Pucelle.



E N ce mesme temps le Roy fit vne armée, dont eut la charge Jehanne la Pucelle, & autres chefs de guerre, & les voulut enuoyer deuant Rouen : mais les Capitaines ne furent pas de ceste opinion. Si furent enuoyez deuant la ville de saint Pierre le Monstier, qu'ilz prindrent d'affault. Puis allerent deuant la ville de la Charité, sur Loire, dont estoit Capitaine vn nommé Pertinet Craffer, & y meirent le siege, qu'ilz tindrent par l'espace d'un moys : mais quand ilz veirent qu'ilz n'y pouuoient riens faire, ilz leuerent le siege & s'en allerent.

Ren-

Rencontre des Anglois : & des sieges de saint Sclerin , & Laigny.



Au mois d'Octobre, messire Ambrois, seigneur de Lore, messire Jehā Foulcault, & vn Capitaine Escossois, nommé Guenede, qui estoit en la garde de Laigny, se partirent de ladicte ville, avec quatre ou cinq cens combatans, & se vindrent loger à Louures, entre Paris & Senlis : & le lendemain allerent sur le chemin d'entre Paris & Pontoise, pour trouuer certain nombre d'Anglois, qu'on leur auoit dict qui deuoient passer, mais il ne les trouuerent point. Si s'en retournerent audiect lieu de Louures, & en retournant sur le chemin rencontrerent vn Capitaine Anglois, nommé Ferrieres, accompagné de deux cens qu'Anglois que Bourguignons : si donnerent dessus, tellement qu'iceux Anglois furent desconfitz, & y en eut plusieurs mortz, & plusieurs prisonniers : mesmement ledict Ferrieres fut prins prisonnier : & le lendemain vindrent ledict de Lore & Foulcault, courir deuant Paris, iusques aux barrieres des portes de saint Denis, & saint Anthoine : puis s'en retournerent à Laigny, avec leurs prisonniers. Au mois de Decembre audiect an, monseigneur le Duc d'Alençon manda ledict messire Ambrois de Lore, qui estoit à Laigny, pour aller deuers luy : lequel laissa à la garde dudit Laigny ledict messire Jehan Foulcault, Guenede, & Geoffroy de saint Aulbin. Quand ledict de Lore fut arriué vers mondict seigneur d'Alençon, il le fit son Marechal, & l'enuoya au chasteau de saint Sclerin, pres Alençon, qui auoit esté de nouuel réparé. Si fit ledict de Lore besongner en diligence à le fortifier, & garnir de viures & d'artillerie : & tantost apres messeigneurs d'Escalles, Raoul le Bouteiller, Robert de Roz, messire Guillaume de Hodealle, & autres Capitaines Anglois, à grand ost allerent mettre le siege deuant le Chastel de saint Sclerin, & auoient grosses Bombardes, Canons, & artilleries, & si n'estoit pas encores le Chastel bien fortifié : & sembloit bien ausdictz Anglois que puis que le seigneur de Lore estoit enclos dedans qu'il n'auoit nul secours : & apres que ledict seigneur de Lore eut estably ses gens, & à chascun sa garde & son quartier, il fut requis tres-instammēt par ses compaignons, qu'il se voulsist mettre à l'adventure de saillir dehors, pour aller querir secours, autrement ilz veoient bien qu'ilz estoient perdus. Ledit seigneur de Lore en fit grande difficulté, & disoit que ce seroit contre son honneur de les abandonner : toutesfois ilz feirent tant qu'il s'y accorda, & soubz vmbre d'une grande saillie que ceux de dedans feirent par nuit sur lesdictz Anglois, il s'en partit luy cinquiesme, & cheuaucha iour & nuit tant qu'il vint à Chinon, ou il trouua le Roy, & le Duc d'Alençon, ausquelz il remonstra la necessité ou estoient les François, qui estoient en ladicte place de saint Sclerin. Si manderent le Roy & ledict Duc d'Alençon gens de toutes pars, qu'ilz feirent tirer au pais du Maine, pour combattre lesdictz Anglois. Quand iceux Anglois le sceurent, apres qu'ilz auoient esté douze iours deuant la place, ilz feirent donner vn merueilleux assaut, & dura bien cinq heures, & y en eut plusieurs Anglois & autres François tuez (car ilz vindrent iusques à combattre main à main) toutesfois à la parfin furent les Anglois reboutez, & le lendemain s'en retournerent honteusement. En ce mesme temps les Anglois qui estoient à Paris, retournerent pour mettre le siege à Laigny, & asseirent leurs Bombardes & Canons, dont ilz tirerent plusieurs iours : mais ledict messire Jehan Foulcault, Guenede, & aucuns qui estoient dedans, se deffendirent si vaillamment, que lesdictz Anglois furent contrainctz leuer le siege honteusement, & s'en retournerent sans riens faire. Jehanne la Pucelle, qui pour lors estoit es marches de Berry, sceut la grande enuie que les Anglois auoient d'auoir la ville de Laigny : si assembla ses gens, & autres Capitaines, qui vindrent à Laigny : & à leur arriué furent aduertis qu'ilz trauersoient trois ou quatre cens Anglois en l'Isle de France : si se mit à cheminer pour aller à iceux, & y allerent aussi messire Jehan Foulcault, Guenede, Geoffroy de saint Aulbin, & autres de la garnison dudit Laigny, & vindrent trouuer lesdictz Anglois, qui se meirent tous à pied, cōtre vne haye. Les François, qui n'estoient point plus que les Anglois donnerent hardiment dessus, & meirent iceux Anglois en desconfiture, & furent presque tous mortz, & ceux qui demourerent furent prisonniers. Si s'en retournerent ladicte Jehanne la Pucelle, & les François, en ladicte ville de Laigny avec leurs prisonniers.

Du siege qui fut mis deuant saint Sclerin, par les Anglois.

D'une desconfiture de Anglois que feist Jehanne la Pucelle, & ceux de sa compaignie.

LES CRONIQ. ET ANNALES DE FRANCE.

*De la prinse de la Pucelle deuant Compiègne : laquelle les Anglois
feirent mourir.*



*Du siege mis
deuant la vil-
le de Compie-
gne par les
Anglois.*

*Les Anglois
feirent brusler
Iehanne la
Pucelle.*

N celle mesme saison le Duc de Bourgongne, messire Iehan de Luxembourg, chef de l'armée des Bourguignons, les Comtes de Hantonne, & autres Capitaines Anglois & Bourguignons, avec grande compaignie, allerent mettre le siege deuant le chastel de Soisy, & le prindrēt. Les seigneurs & Capitaines François, & la Pucelle les voulurent aller combattre : mais vn Capitaine Picard, qui estoit dedans Soissons, ne les voulut laisser passer par ladicte ville, & la vendit au Duc de Bourgongne, & la meit es mains dudiēt de Luxembourg : & par ce moyen allerent mettre le siege deuant Compiègne : & là vindrent à leur ayde, les Comtes de Suffort & d'Arondel, avec mil cinq cens combatans, & asirent lesdictz Anglois & Bourguignons leurs Bombardes & Canons, & y feirēt plusieurs Bastilles : mais messire Guillaume de Flauy, Capitaine d'icelle ville, & ceux qui estoient dedans feirent chascun iour de grandes escarmouches sur lesdictz sieges. Iehanne la Pucelle & les seigneurs & Capitaines François, qui estoient à Laigny, sceurent que ceux de la ville de Compiègne estoient vn peu à destroit : si y alla à grande diligence, & entra dedans ladicte ville, dont ilz furent tous resionys : mais aucuns iours apres sa venue, à vne escarmouche ou elle estoit faillie hors de la ville, lesdictz Anglois & Bourguignons se rebellerent, tellement que les François furent cōtrainctz d'eux retirer en ladicte ville : & en eux retirāt ladicte Iehanne fut prinse prisonniere, par les gens de messire Iehan de Luxembourg : & disoient aucuns qu'à ladicte retraicte la presse estoit si grande à la porte, qu'elle n'estoit peu entrer. Les autres disoient que les barrieres luy auoient esté fermées, à l'appetit de aucuns des Capitaines François, qui estoient desplaisans de ce que de tout ce qui se faisoit es guerres, la gloire estoit attribuée à ladicte Iehanne. Lediēt messire Iehan de Luxembourg vendit ladicte Iehanne aux Anglois, qui l'amenerent à Rouen, ou durement la traicterent, & apres la feirent mourir, & la bruslerent publiquement. Le siege fut deuant ladicte ville de Compiègne bien l'espace de six mois, & estoient les François dedans en grande necessité de viures. Vn Escuyer, nommé Iamet du Tilloy, s'alla mettre dedans ladicte ville, accompagné de quatorze vingtz ou cent hommes, dont ceux de la ville se resiouyrent, & moult vaillamment se porta lediēt Iamet. Apres fut fait vne armée de mil & cinq cens combatans, pour aller secourir ladicte ville, & en eurent la charge le Côte de Vendosme, & le Marechal de Bouffac. Si y allerent, & d'arriuee frapperent vertueusemēt sur les Bourguignons & Anglois qui tenoient le siege, & entrerēt dedans leurs fortifications, qui estoient faictes à grandes fosses, palliz & pieux, & plusieurs Bastilles, & là eut de grands faitz d'armes, & en tuerent moult les François, dont plusieurs d'iceux Anglois se reculerent par dessus vn pont qu'ilz auoient fait à trauers de la riuere d'Aise. A l'heure qu'ilz se combatirent, ceux de dedans la ville assaillirent vne Bastille, que lesdictz Anglois & Bourguignons auoient faicte deuant leur porte, ou auoit bien cinq cens Picards, de la compaignie dudiēt de Luxembourg, qui tous furent mis à mort en la place : & pource que la nuit estoit venue conuint ausdictz Comte & Marechal eux mettre dedans la ville. Toute celle nuit les Anglois, Picards & Bourguignons se deslogerent, & s'en allerent, qui s'en peut aller, sans ordonnance & en grād desarroy, les vns en Normandie, les autres en Picardie : & abandonnerent trois grosses Bombardes & plusieurs Canons & autres Artileries, & grande quantité de vins, viures, & autres biens. Dedans ladicte ville, estoit messire Philippe de Gamaches, Abbé de saint Pharon de Meaulx : lequel, comme on disoit, fut cause de tenir ladicte ville si longuement contre lesdictz Anglois. Aussi se porta vaillamment, lediēt Guillaume de Flauy, Capitaine d'icelle ville de Compiègne. Durant lediēt siege auoit esté fait certain appointemēt pour traicter paix, & par iceluy estoit accordé que ladicte ville de Compiègne seroit mise es mains dudiēt Duc de Bourgongne, par ce que c'estoit passage de riuere, à fin que lediēt Duc de Bourgongne peust aller & venir de ses pais à Paris & ailleurs, pour besongner au fait du traicte : & pour ceste cause lediēt Duc estoit venu à Noyon : mais pour quelque mandement que le Roy fait audiēt de Flauy, il ne voulut point bailler ladicte ville audiēt Duc de Bourgongne, sachant qu'il n'esteroit ia bien au Roy, ny au royaume : & estoit ladicte ville & passage bien gardée, pour entretenir toutes les autres qui estoient en l'obeissance du Roy. Quand lediēt Duc de Bourgongne, qui estoit

estoit à Noyon, sceut que ledict siege estoit leué, il fut bien courroucé, & s'en alla incontinent en Artois. Enuiron celle saison Estienne de Vignolles, dict la Hire, & aucuns gend'armes, qui estoient à Louuiers passerent la riuere de Seine, & par eschelle prindrent Chasteau-gaillard: par laquelle prinse le seigneur de Barbazan, qui auoit esté illec detenu prisonnier par les Anglois, l'espace de neuf moys, enferré en vne basse fosse, fut deliuré, dont le Roy & toutes gens furent bien ioyeux: car c'estoit vn bon, vaillant & preux Cheualier, & bien aymé de chascun. En celle mesme saison le Roy alla à Sens, & en chemin fut prinse la ville de Villeneufue, par le Roy, ou estoit Pertinet Crasset, qui tenoit le party des Anglois: lequel s'enfuyt par dessus le mur, & s'en alla à la Charité qu'il tenoit. Aussi ledict Seigneur de Barbazan, & aucuns François qu'il auoit avec luy prindrent Pons sur Seine, par composition. En la cité d'Auxerre vint de par le Pape le Cardinal de sainte Croix, Legat, pour traicter paix entre les Roy de France & d'Angleterre: & allerent deuers luy audiect lieu Ambassadeurs, tant de France, d'Angleterre, que de Bourgogne: mais il ne feit riens, car chascun se vouloit dire & porter Roy de France.

De la reduction de Meleun, Moret, Corbeil, le boys de Vincennes, & autres places.

DN celle mesme saison les Anglois & Bourguignons estans dedans Melun, saillirent de ladiete ville pour aller à quelque course. Quand ceux de la ville veirent qu'il n'y en auoit plus gueres, ilz s'esleuerent contre aucuns qui estoient demourez: & lors vn vieil Trompette, qui auoit seruy le Roy, commença à sonner de sa trompette, & crier, Viue le Roy de France. Lors ceux de la ville s'esleuerent & fermerent leurs portes: & ce peu de gens Anglois, qui estoient demourez, se retrahyrent au chasteau: parquoy ceux de ladiete ville enuoyerent querir deux Cheualiers, qui tenoient aucunes fortresses pour le Roy illec enuiron, l'un nommé le Commandeur de Giresme, l'autre nommé messire Denis de Chailly, qui vindrēt diligemment avecques ce qu'ilz peurent finer de gens d'armes, & assiegerent ceux du chasteau. Les Anglois, qui estoient à Paris, enuoyerent incontinent plusieurs gens d'armes, pour les cuyder secourir, mais ilz furent reboutez par lesdictz deux Cheualiers, & par messire Jehan Foulcault, & autres de la garnison de Laigny, qui ia estoient venus au secours de ladiete ville: & tantost apres ceux dudiect chasteau se rendirent par composition. Apres ladiete prinse, lesdictz, de Giresme, de Chailly, avecques plusieurs gens d'armes allerent à Prouins, & prindrent le Chasteau d'assault, ou il y auoit de quatre à cinq cens Anglois, auquelz ilz feirent tous couper les testes. Puis allerēt à Moret, à Crecy, à Coulommiers: toutes lesquelles places ilz meirent en l'obeissance du Roy, par composition, & prindrent Blandit par siege & d'assault: puis furent cause de redre la ville de Corbeil, & le chastel du boys de Vincennes, & feirent plusieurs autres grands seruices au Roy, & au royaume, dont ilz sont à recommander, & dignes de memoire.

*De la finesse
que ceux de
Meleun iouèrent
aux Anglois.*

D'une grande desconfiture d'Anglois, pres Chaalons.

VN compaignie d'Anglois & Bourguignons s'assemblerent, & estoient bien huiect mil combatans, & tirerent vers Chaalons, en Champaigne, pour querir leur aduantage: & quand ilz furent entre Chaalons & nostre Dame de l'Espine, ceux de la ville en furent aduertis, & doubterent qu'ilz n'eussent fait entreprinse sur la ville. Si allerent au conseil vers le seigneur de Barbazan, qui estoit en ladiete ville, pour le Roy, logé en l'Abbaye saint Mauge: lequel attendu qu'il congnoissoit que ladiete ville n'estoit pas de grande force, fut d'opinion qu'on preuint lesdictz Anglois, & qu'on les allast combattre aux champs. Si furent mandez tous les gens d'armes des garnisons, qui estoient prochaines la autour: & aussi estoient en la ville messire Eustace de Conflans, Capitaine de ladiete ville, & vn vaillant Escuyer, nommé Versailles. Quand les garnisons furent assemblées, ilz se trouuerent bien quatre mil, qui estoit bien peu au regard de la compaignie desdictz Anglois: mais ce neantmoins ilz se meirent aux champs, & allerēt courir sus à leurs ennemys, qu'ilz trouuerent en vn village, appelé la Croisette: & là les assaillirent, & y furent faitz de grands faitz d'armes: & tellement se porterent François, qu'Anglois furent desconfitz, & peu en demoura que tous ne fussent mortz, ou prins: & y eut de cinq à six cens prisonniers, qui furent menez en ladiete ville de Chaalons, & des François n'y eut de mortz qu'environ quatre vingtz hommes.

LES CRONIQ. ET ANNALES DE FRANCE.

De la iournée d'Anthon, au Daulphiné.

EN celle année au mois de May, le iour de la Trinité, le Prince d'Orange, qui tenoit le party du Duc de Bourgongne, alla en Daulphiné, à grande assemblée de gēs. Or fut ainsi que le Duc Ame de Sauoye, & ledit Prince auoient conclud de vouloir auoir ledit pais: c'est à sçauoir ledit Prince Viennois, & ledit Duc de Grenoble, les montaignes: & y enuoya le seigneur de Verambon, & trois cens lances, Si entra ledit Prince d'Orange audict pais, & passa la riuere du Rhosne à Anthon, qu'il tenoit: & lors le Seigneur de Gaucourt, qui estoit gouuerneur d'iceluy pais, pour le Roy, mē sire Himbert de la Grolée, Baillif de Lyon, & Mareschal du Daulphiné, & vn Capitaine Hespaignol, qui estoit vaillāt en armes, nommé Rodigo de Villandras, assemblerent gens de toutes pars: & ledit iour de la Trinité, les allerent rencontrer entre Colombiers, & ledit lieu d'Anthon, pres la riuere du Rhosne, & les combattirent & desconfirent. Et y furent les gens dudit Prince d'Orēge presque tous mortz ou prins, & ledit Prince, qui estoit sur vn bon coursier, fut si pressé qu'il feist saillir son cheual du hault bort dedans ladicte riuere du Rhosne: & la trauersa sondict cheual, luy armé à blanc, sa lāce en la main, tout au trauers de ladicte riuere, qui fut vne merueilleuse aduētūre: car ladicte riuere est merueilleusemēt profonde, royde, & impetueuse. Et là furent prins prisonniers plusieurs grāds Seigneurs du pais de Bourgongne, parens dudit Prince, & y gagnerēt les François moult de biens: & par celle destrouffe fut tout le pais du Daulphine remis en l'obeissance du Roy: & perdit ledit Prince toutes les places qu'il auoit: mais depuis le Roy de sa grace les luy restitua.

Du cheual du Prince d'Orēge qui passa son maistre à trauers le Rhosne, & se sauua.

De la venue du ieune Roy d'Angleterre, & de son couronnement à Paris.

** Autres disent 32. & aagé d'enuiron dix ans, qui accorderoit bien avecques le fucillet. 74.*

Couronnement du Roy d'Angleterre en Roy de Frāce, à nostre Dame de Paris.

EN l'an mil cccc. xxxj. * Henry le ieune Roy d'Angleterre, aagé d'environ douze ans, lequel estoit filz de madame Catherine de Frāce, descendit en France, & vint droit à Paris, accompagné du Cardinal de Vicestre, du Duc de Bethfort, son oncle, du Comte de Vvaruic, & autres Seigneurs de Angleterre, & fut grandemēt receu des Parisiens, & feist lon plusieurs mysteres & personages par les rues, qui estoient toutes tenduēs de tapisseries: & s'en alla loger au Palais. Tantoist apres furent faitz en l'Eglise de Paris de grands eschauffaux, richement parez & aornez: & le Dimenche ensuyuant, deuant lesdictz Princes & tout le peuple, fut couronné Roy de France, par ledit Cardinal de Vicestre, en ladicte Eglise de Paris (qui n'est pas le lieu accoustumé pour sacrer les Roys de Frāce) & là auoit deux courōnes, dont l'vne luy fut mise sur la teste, & l'autre estoit tenuē aupres de luy, & signifioient qu'il estoit Roy de France & d'Angleterre. Apres son Sacre, il s'en alla disner au Palais, ou il tint estat royal, & court planiere. En ce temps vn nommé l'Arragonnois, qui tenoit le party des Anglois, print la ville & chastel de Montargis d'emblée, par le moyē d'vne Damoyfelle, chamberiere du Seigneur de Villars, qui en estoit Capitaine pour le Roy, & d'vn sien Barbier, auquel ledit l'Arragonnois auoit fait promettre deux mil escus, dont il ne luy tint riens. En celle saison le Comte d'Arondel, & bien deux mil combatans Anglois, allerent faire vne embusche aupres de Beauuais, & enuoyerent aucuns coureurs: mais le Mareschal de Bouffac, & Poton de Xainctrailles, qui estoient dedans ladicte ville, saillirent sur les coureurs, & allerent apres bien demie lieuē. Lors lesdictz Anglois se meirent entre la ville & eux, & frapperēt dessus ledit Poton de Xainctrailles, qui fut prins & emmené prisonnier, & ledit Mareschal trouua facon de soy retirer en ladicte ville de Beauuais. Iceluy Poton fut depuis deliuré, pour la deliurance du Seigneur Talbot, qui auoit esté prins à Patay. Le Duc de Bar, & le Seigneur de Barbazan allerent mettre le siege deuant Chappes, que tenoient les Anglois & Bourguignons, pres Troyes en Champaigne. Le Comte de Vaudemont & le Mareschal de Bourgongne, avec plusieurs Anglois & Bourguignons allerent pour ayder à leurs gens, mais ilz furent lourdement reboutez & desconfitz, & s'enfuyrent sans riens faire. En celle mesme année, se sourdit debat entre René, Duc de Bar, & le Cōte de Vaudemont, pour raison de leurs terres: & estoient avec ledit Duc de Bar, de sa partie l'Euesque de Metz, le Seigneur de Barbazan, & plusieurs François: & ledit Comte auoit grand nōbre de Bourguignons, Sauoyiens, & Anglois, qui luy furēt enuoyez par le Duc de Bourgongne. Si eurent bataille en vn lieu, nommé Belleuille, pres Nancy, en laquelle ledit René,

René, Duc de Bar, fut descōfit, & luy mēmes, l'Euesque de Metz, & plusieurs autres pris prisonniers : & fut lediēt Seigneur de Barbazan tué, & bien douze cens Lorrains & Barrois. En celle mēme année le Seigneur de Villeby, le Bastard de Salbery, le Seigneur de Mathago, & plusieurs autres Capitaines Anglois, allerent mettre le siege deuant la place de saint Sclerin, en Aniou, à grande puissance de gens & d'artillerie, & fort longuement assaillirent la place. Dedans estoit vn vaillāt Escuyer, nommé Iehan Armagne, Lieutenant de messire Ambrois, seigneur de Lore, Cheualier, qui se deffendit vaillamment. Lediēt Seigneur de Lore, sachant & aduertie dudiēt siege, alla deuers le Duc d'Alençon, & messire Charles d'Aniou, Comte du Maine, Lieutenant & gouuerneur de par le Roy, és marches de par delà, pour auoir secours : lesquelz luy baillerent aucuns Capitaines, qui s'allerēt loger a Beaumont, à cinq lieuës pres dudiēt saint Sclerin. Les Anglois le sçeuert : si print lediēt Bastard de Salbery vne partie des Anglois, qui estoient audiēt siege, & passa la riuere de Sartres sur vn pont, & alla rencontrer vne bande de François qu'il assaillit, & meit en desarroy & desconfiture. Tantost apres ladiēte bande venoient le Seigneur de Lore, & le Seigneur de Bueil, qui menoient vn autre bande, ou auoit seulement de lx. à iiii. xx. lances, & environ cccc. Archiers. Quand ilz sçeuert la desconfiture de leurs gens, qui estoient deuant, ilz se hastèrent pour les aller secourir, & trouuerēt lesdiēt Anglois à vn village, nōmé Binaiuig,* qui estoient ia au logis, bien embesongnez à garder & lier leurs prisonniers. Si dōnerent fermement & hardiment sur eux, tellement qu'ilz les meirent en fuyte, & les contrainquirent d'abandonner leursdiēt prisonniers, leurs cheualx, bagues & harnois, & les suynirent longuement, iusques pres de deux lieuës, & en tuerēt bien six cens, & y mourut vn Capitaine Anglois, nommé messire Iehan Artus. Aussi prindrent plusieurs prisonniers : & entre autres fut prins lediēt Seigneur de Mathago, & des François n'y eut que xxv. mortz, & xxx. prisonniers. Durant le conflit de la bataille, lediēt de Lore fut descōfit, & prins prisonnier. Quand les François le sçenrent, ilz furent si desplaisans que plus ne pouoient : & disoient les vns qu'il estoit mort : & pour en sçauoir la verité se frapperent si auant en la bataille qu'ilz le trouuerēt. Lors se combattirent moult fort pour le rauoir, & recouurer. Les Anglois le deffendirent vaillamment, & y eut là des François naurez & tuez : toutesfois à la parfin il fut rescoux & ramené. Lors s'e retourna lediēt Seigneur de Villeby audiēt siege, qui estoit à saint Sclerin : & le lēdemain au matin lesdiēt Anglois leuerent lediēt siege, sans aucune ordonnance, pour eux en aller vers Alençon. Quand lediēt Iehan Armagne, qui estoit dedans ladiēte place, les apperceut ainsi aller, il faillit de la place, & leur courut sus, & moult en tua & print prisonniers : & aussi gaigna plusieurs cheualx, viures, & autres biens & richesses. Lediēt Seigneur de Bueil & plusieurs autres Capitaines François s'en alletent à Sablé, & emmenerent leurs prisonniers, dont ilz auoient grand nombre : & lediēt Seigneur de Lore, messire Iehan de Lore, son cousin, Guillaume de Plassac, & bien vingt & cinq autres, qui estoient blesez, demourerent audiēt lieu de Beaumont, pour eux faire penser de leurs playes. Durant le temps dudiēt siege de saint Sclerin, le Bastard d'Orleans, Comte de Dunois, & le seigneur de Gaucourt, feirent vne entreprinse sur la ville de Chartres, par le moyen de messire Florent d'Illiers, Cheualier : lequel par certaines intelligences meit les François dedās ladiēte ville. Quand ilz furent entrez, lediēt d'Illiers print la banniere du Roy, & tout à pied armé à blanc, la portoit : & se meit à marcher par la ville, criant viue le Roy : & ainsi alla iusques deuant la porte de la grand' Eglise, & là s'arresta. Lors furent enuoyez par les ruës & carrefours de ladiēte ville gens d'armes François : & pource qu'ilz trouuerent aucuns qui se vouloient rebeller, & esleuer cōtr'eux, ilz en meirent plusieurs à mort, & l'Euesque mēme de ladiēte ville, qui estoit Bourguignon : & y fut tué le Bailif, nommé l'Aubespain : & plusieurs autres du party des Anglois & Bourguignons faillirent par dessus les murs de ladiēte ville, & s'enfuyrent.

Du grand siege de Lagny, par le Duc de Bethfort, qui fut leué par les François.

EN celle mēme année mil cccc. xxxj le Duc de Bethfort, à grād' compaignie de gēs, viures, & artilleries, partit de Paris, & alla mettre le siege deuant la ville de Lagny : & du costé de la brie, tout aupres des murs de la ville, fait faire fossoyer & fortifier vn grand parc, qui contenoit plus que ladiēte ville. Puis fait faire vn pont, pour trauerfer la riuere de Marne, du

PP iiii

Guerre entre le Duc de Bar, depuis Roy de Sic. & le Comte de Flandres, ou mourut le Capitaine Barbazan.

** Croni. de France disent Binaiug, & autres Ambigny.*

Le Seigneur de Lore fut pris des Anglois, & puis tantost apres rescoué par les François.

La ville de Chartres prise par les François & l'Euesque tué.

L'an mil cccc. trente & vi.

LES CRONICQ. ET ANNALES DE FRANCE.

*Du bon se-
cours qui
vint à ceux
de Lagny.*

*Des Anglois
qui leuerent
le siege de
Lagny.*

costé de la France : & au bout dudit pont fait faire vn grand & fort Bouleuert. Dedans icelle ville estoient trois Cheualiers , Capitaines : lvn nommé Guenede, l'autre messire Iehan Foulcault, & l'autre Regnault de saint Iehan , avecques plusieurs François : lesquels, pour la longueur dudit siege, eurent beaucoup à souffrir : parquoy le Roy fait vne armée, qu'il y enuoya pour les secourir : & y estoit le Bastard d'Orleans, le Seigneur de Rieux, Marechal de France, Poton, la Hire, messire Rodigo de Villandras, Hespagnol, les Seigneurs de Culât, & de Gaucourt, gouuerneur du Daulphiné , & plusieurs autres, qui menerent avec eux grand' quantité de viures : & cheuaucherent tant qu'ilz vindrent à demie lieuë pres de ladicte ville de Lagny : & là se meirent d'arriuee en bataille, & enuoyerent escarmoucher les Anglois iusques en leur fortificatiõ, pour veoir leur contenance: mais lesdictz Anglois ne voulurent sortir: & pource que la nuit vint, ilz se logerēt en ce mesme lieu. Le lendemain matin se vindrent mettre de rechef en bataille, au plus pres des Anglois, & firent passer par derriere eux , & emmener grand' quantité de viures , pour mettre audict lieu de Lagny : & firent lesdictz François de grandes escarmouches sur l'ost desdictz Anglois : car leur parc estoit si fortifié qu'ilz n'estoient pas conßeillez de les assaillir dedās . Esdictes escarmouches y eut plusieurs tuez, naurez, & prins prisonniers : & entre autres y fut tué messire Iehan, Seigneur de Xaintrailles , frere de Poton. Les François, qui estoient dedans la ville , sortirent, & assaillirent vne bande d'Anglois, qui tenoient siege deuant vne des portes : & ce voyant ceux de dehors allerent pareillement sur eux par derriere, tellement qu'iceux Anglois , qui là estoient, furent presque tous mortz ou prins: & entrèrent iceux François tout à leur bandon en ladicte ville, avec leurs viures . A icelle heure le Duc de Bethfort, & grand nombre d'Anglois , se desmarcherēt de leur parc , pour cuider aller empescher l'entrée desdictz viures & gens : mais les François, qui estoient derriere , s'arrestèrent tout coy pour les attendre , & se meirent en belle ordonnance , & retournerent courir sus audictz Anglois , & là eut forte bataille , & s'entremeslerent François & Anglois , tellement qu'ilz ne s'entrecongnoissoient : & faisoit ce iour si grand chault, que plusieurs furent estainctz & mortz, sans estre frappez . A la longue lesdictz de Bethfort & ses gens furent contrainctz eux retirer bien en haste , dedans leur parc : & les François se retirerent semblablement, & se logerent ceste nuit au lieu ou ilz estoient . Le lendemain ledict Seigneur de Gaucourt , avec certain nombre de gens , par deliberation entra en ladicte ville, pour ayder à garder & deffendre : & les autres Capitaines François prindrent leur chemin , & allerent vers la Ferté soubz Yerre , & là firent vn pont sur bateaux, pour passer la riuere de Marne , pour venir en la France , ou ilz prindrent & reduisirent plusieurs forteresses qui faisoient moult de maux aux François . Quand ledict Duc de Bethfort, qui estoit audict siege deuant Lagny , sceut que les François estoient passez la riuere de Marne, il se doubta qu'ilz eussent quelque entreprinse sur la ville de Paris : si leua sondict siege hastiuement, & s'en vindrent luy & ses gens à Paris , sans ordonnance, les vns par la France, & les autres par la Brie : & laisserent leurs Bombardes, viures, & autres biens . Lors voyans ceux de ladicte ville de Lagny , ilz saillirent apres eux & les suyirent, & en tuerent foison , & grand nombre de prisonniers prindrent, & gaignerent plusieurs beaux cheuaux, harnois, & autres biens .

D'une belle entreprinse que feit le Seigneur de Lore, sur la ville de Caen.

*De l'escar-
mouche que
feist le sei-
gneur de Lo-
re, pres la ville
de Caen, la ou
il gaigna gros
butin.*



Antoist apres que messire Ambrois, seigneur de Lore, qui auoit esté blessé, comme dessus a esté dict, fut guery de ses plaies, il feit vne entreprinse sur vne foire, qui se tiēt le iour saint Michel, es fauxbourgz de Caē, en Normādie, deuant l'Abbaye saint Estienne (laquelle ville tenoient lors les Anglois) & manda venir deuers luy vn nommé Iallet , & vn autre nommé Ferrebouc, Capitaine de Bommolins , & se trouuerent bien sept cens hommes, quand ilz furent assemblez . Si se meirent à chemin , & arriuerent au iour, à l'heure que la foire estoit assemblée, sans estre apperceuz : & illec prindrent plusieurs Anglois , & presque tous les riches gens & marchans de ladicte ville , & gaignerent plusieurs bagues qu'ilz trouuerent en ladicte foire , & en prindrent à leur abandon. Lors se meirent les Anglois à eux retirer en ladicte ville , mais il y auoit si grād' presse qu'on ne pouoit ne clorre n'ouurir les portes : toutesfois , tātost apres, les gens de guerre Anglois,

tre Anglois, qui estoient bien trois cens à la garde d'icelle ville, & plusieurs des habitants saillirent, pour cuidoier rescourre ladicte foire, mais ilz furent si roidement reboutez, qu'il conuint leur rentrer en ladicte ville: & y eut plusieurs des gens du Seigneur de Lore, qui entrerent apres eux bien auant: mais ilz estoient trop peu pour y arrester, & y eut plusieurs Anglois morz ou prins: & en tenant celle escarmouche les gens dudit de Lore faisoient tousiours tirer auant les prisonniers & biens. Quand ilz furent assez loing, ledict Seigneur de Lore, avec ses gens qui estoient demourez avec luy, tirerent apres: & à vn carrefour, ou y a vne Croix, ledict Seigneur de Lore s'arresta, & feit arrester toute la compaignie, & crier sur peine de la hart, que tout homme qui auoit aucuns prisonniers gens d'Eglise, hommes & femmes anciennes, paaures gens laboureurs, & petis enfans, ou gens qui eussent sauconduict du Roy, ou d'aucun Capitaine, qu'on les renuoyast franchement. Au moyen duquel cry furent deliurez plusieurs des cōditions dessusdictes: lesquelz ledict Seigneur de Lore feit conuoyer par ses gens à seureté, afin qu'aucun empeschement ne leur fust fait: & estoient bien en nombre mille: & en demourerent encores de prisonniers bien trois mil & plus. Vn Escuyer François, nommé Guillaume de saint Aubin, estoit logé à la Fougere, au païs du Maine, avec quarante combatans. Enuiron deux cens Anglois, de la garnison du Maine la luhéz, vindrent donner sur son logis. Ledit de saint Aubin & ses gens se deffendirent si vaillamment qu'ilz desconfirent & meirent en fuyte lesdictz Anglois, & plusieurs en tuerent & prindrent prisonniers. Vn homme d'armes François s'en fuyt de la meslée, & se mussa en vn buisson. Semblablement deux hommes d'armes Anglois s'en estoient fuyz celle part, & s'estoient allez mussier audict buisson. Ledit François, qui auoit grand' paour, en intention de soy rendre à eux, demanda, Qui est ce là? & lesdictz Anglois respondirent: My maistre, nous nous rendons à vous, sauuez nous la vie. Adonc yssit ledict François hors, & les emmena deuers ledict Guillaume de saint Aubin, & ses compaignons, qui auoient vaillamment combattu: lesquelz luy osterent lesdictz prisonniers, dont ledict François leur feit proces & question par deuant ledict Seigneur de Lore, soubz qui ilz estoient: lequel de Lore iugea que ledict homme d'armes n'auoit riens ausdictz prisonniers: & n'eust esté la faueur d'aucuns qui le prierēt, leust fait grieffement punir: car il s'en estoit fuy, & ne les auoit pas prins par sa vaillance.

*De deux
fuyars An-
glois, qui se
rendirent à
un autre fuy-
art François.*

Desconfiture d'Anglois faicte de rechef par le Seigneur de Lore.

LE premier iour de May, audict an, les Anglois de la garnison de Fresnay allerent porter & planter le May, deuant le chastel de saint Scelerin, ou estoit messire Ambrois de Lore, & estoient quatre ou cinq cens Anglois, Ledit de Lore saillit hors pour les combatre, mais ilz ne l'attēdirent pas: parquoy incontīnēt enuoya coureurs, qui leur rapporterēt le May qu'ilz auoient apporté, & le planterent deuant ladicte place dudit Fresnay: & se meit ledict de Lore en embusche le plus pres qu'il peut de la barriere. Ceux de dedans saillirent incontīnēt, pour courir sus à ceux qui auoient planté ledict May, & marcherent si auant que ledict de Lore saillit de son embusche, & se meit entr'eux & la place, & là eut forte baterie, & furent lesdictz Anglois desconfitz, & tous mortz ou prins: & entre autres furent prins le Rasse de Hoton, Cheualier, le filz de messire Thomas Habourg, & plusieurs autres. Vn petit apres les Anglois de la garnison de sainte Susanne allerent courir, & feirent vne embusche contre les François de la garnison de Silly, ou furent prins plusieurs François. Messire Ambrois de Lore, qui en fut aduertty, alla à leur ayde, avec ccc. combatans, rescouyt lesdictz prisonniers, & desconfit lesdictz Anglois, & en print bien deux cens de prisonniers, & les suyuit batāt iusques contre les barrieres de sainte Susanne: puis se logea avec ses gens & prisonniers au village dudit Silly.

*Anglois vin-
drent planter
un may de-
uant le cha-
stel S. Scelerin,
à leur confu-
sion.*

De la question & debat des Ducz de Bretagne & d'Alençon.

LN l'an mil quatre cens trente & deux, le Duc d'Alençon feit prendre & arrester l'Euesque de Nantes, qui estoit de ceux de Mallestret, Châcelier du Duc de Bretagne, & le mena à la Flesche en Aniou, par ce qu'il disoit qu'il ne pouoit estre payé de certaine grand' somme de deniers qui luy estoient deuz, à cause du mariage de sa mere, sœur dudit Duc de Bretai-

*L'an mil ccc.
trente deux.*

LES CRONIQ. ET ANNALES DE FRANCE.

gnt: & furent aucunes parolles d'appoinctement, pendant lesquelles ledict Euesque fut mené à Ponence. * *Croni. de France disent Ponence.* Quand il y fut, ledict Duc de Bretagne sceut que ledict Duc d'Alençon, la mere, & sa femme, le Bastard d'Orleans, & le seigneur de saint Pierre, qui là estoient allez, pour faire l'appoinctement, estoient dedans, & qu'ilz n'y auoit nulz, ou que trespeu de gens de guerre: si y enuoya subitement aucuns Bretons & Anglois, que conduisoient le Comte de Villy, & messire Jehan Fastol, Anglois, & y feit mettre le siege: parquoy ledict Duc d'Alençon trouua faço de saillir de la place, luy septiesme seulement, & s'en alla à Chasteaugontier. Là eurent mainte paour la mere dudit Duc d'Alençon, sœur dudit Duc de Bretagne, & sa femme, qui sœur estoit du Duc d'Orleans. Ledit Duc de Bretagne manda à son ayde son frere, le Comte de Richemont, Connestable de France: & pour luy obeir y alla, combien qu'il fust desplaisant du discord desdictz Ducz, car ledict Duc d'Alençon estoit son nepueu, filz de sa sœur. Si feit venir avec luy vn Escuyer, nommé Guillaume de saint Aubin, qui estoit dedas ladicte place: & luy deit son intention, & que bon seroit de trouuer appoinctement: lequel de saint Aubin alla à Chasteaugontier, deuers ledict Duc d'Alençon: lequel enuoya incōtinent messire Ambrois de Lore, son Mareschal, deuers le Duc de Bretagne, qui estoit à Chateaubryant: & là fut fait appoinctement, par lequel fut ordonné que ledict Euesque de Nâtes seroit deliuré: & que le Duc d'Alençon seroit payé de la somme qu'il demandoit, à certains termes: & fut prins iour que lesdictz Ducz s'entr'euerroient.

L'appoinctement fait entre le Duc de Bretagne & le Duc d'Alençon.

De plusieurs places prinſes par les Anglois.



N CELLE saison, ou tost apres, le Comte d'Arondel, Lieutenant du Roy d'Angleterre, alla mettre le siege deuant la place de Bommolins, qui luy fut renduë, & là feit abbatre. Puis alla deuant le chastel d'Orle, audict païs du Maine, & l'assiegea, & par aucuns iours le feit fort batre de Bombardes & Canons, tellement qu'il luy fut rendu par composition: & apres print son chemin pour aller vers saint Sçelerin, ou estoit le Seigneur de Lore: lequel, cuidant qu'il y voulsist mettre le siege, se meit sur les champs, & alla au deuant desdictz Anglois, avec enuiron deux cens combatans, & les alla rencontrer en vn logis qu'ilz ne se doubtoient point, & d'arriüee frappa sur eux, tellement qu'il en tua bien quatre vingtz ou cent. Les autres se meirent en desfarroy & à la fuyte: & fut ledict de Lore & ses gës maistre de leur artillerie, viures & logis, bien vne heure: toutesfois lesdictz Anglois se r'allierent, & retournerent ausdictz logis, & là eut forte baterie, mais à la parfin ledict de Lore & ses gens en emmenerent bien quatre vingtz cheualx, & plusieurs prisonniers, & s'en retournerent. Tantost apres Jehan Armagne, Lieutenant dudit de Lore, partit dudit saint Sçelerin, & alla faire vne escarmouche pres de Fresnay. Anglois saillirent sur luy, mais il les desconfit, & en tua bien six vingtz, & print plusieurs prisonniers, & entre autres fut prins vn nommé Monsloel, lors Mareschal dudit Fresnay: & ce fait, s'en retourna audict saint Sçelerin. En ce mesme temps les Anglois, qui estoient bien douze mil hommes, allerent mettre le siege deuant la ville de Louuiers: dedans laquelle estoit le Capitaine la Hire, Amador de Vignolles, son frere, messire Florent d'Illiers, Giraud de la Pailliere & autres, qui moult vaillamment & longuement se deffendirent: mais les Anglois estoient si puissans qu'ilz ne purent point resister. Si feirent composition, & fut ladicte ville mise es mains desdictz Anglois, lesquelz la desempererent & demolirent. Ledit Comte d'Arondel feit vne grand' armée & assemblée de gens & d'Artillerie, & alla mettre le siege deuant le chastel de saint Sçelerin, ou estoit Jehan Armagne, & Guillaume de saint Aubin, & autres gens de guerre, qui vaillamment se deffendirent: & fut ledict siege deuant la place bien trois moys, & faisoit le seigneur de Lore grand' diligence deuers le Roy, de leur donner secours (car il auoit dedans sa femme & ses enfans) & tant feit que le Roy assembla vne armée, pour aller leuer le siege: mais les Anglois vn iour donnerent vn si grand assault par vne bresche qu'ilz auoient faicte, qu'ilz cuiderent prendre ladicte place: & audict assault furent tuez lesdictz Armagne, & saint Aubin, qui estoient les principaux deffendeurs d'icelle place: parquoy auant que ceux de dedans peussent auoir secours, ilz furent contrainctz faire composition, & bailler la place, & eurent les assiegez sauſconduit d'eux en aller à pied, & sans leurs biens. Apres la prinſe dudit saint Sçelerin, ledict Comte d'Arondel s'en alla mettre le siege deuant le chastel de Silly

Deſſaite des Anglois par le seigneur de Lore, pres S. Sçelerin.

La ville de Louuiers fut prinſe des Anglois par composition.

Le chasteau de S. Sçelerin, fut prinſ par les Anglois.

Silly le Guillaume : & tâtost apres fut faicte composition à luy, par Mery d'Anthenaise, Capitaine dudit lieu, qu'au cas que dedans quinzaine il n'estoit secouru, ou que ledict Comte ne fust combattu par les François, il rendroit la place, & de ce bailla ledict Capitaine ostages. Et ce venu à la congnoissance de mondict seigneur d'Alençon, de messire Charles d'Anjou, & du Comte de Richemont, Connestable, & des Marechaux de France, des Seigneurs de Loheac, & de Grauille, qui auoient assemblé grand' armée, à la poursuyte du Seigneur de Lore, pour aller secourir ceux de saint Sclerin, se meirent à chemin pour aller secourir ceux dudit Silly. Quand les Anglois sceurent leur venue, ilz allerent au deuant, & les François approcherent d'eux iusques à vn village, appelé Lonuel, & auoit seulement entre les deux ostz vne petite riuere, & y eut de grandes escarmouches : mais iceux François, voyans que les Anglois estoient en vn si fort lieu & auantageux, ne les voulurent point assaillir là ou ilz estoient : & quand vint au soir ilz manderent audict Comte d'Arondel, par vn Herault, que le lendemain il vint au champ pour combatre ou qu'il rendist les ostages, ce qu'il leur rendit : parquoy les François les receurent, & s'en retournerent : & quand les Anglois veirent que les François estoient partis, ilz allerent audict Silly le Guillaume, & y donnerent vn si fort assaut qu'ilz prindrēt ladicte place, & s'en retournerēt au Más. Vn peu apres ledict Cōte d'Arōdel print les Chasteaux de Mellay & S. Laurens des Mortiers, & coururent le pais du Maine, ou ilz feirent plusieurs maux : puis s'en retourna en Normandie.

Les Anglois prindrent la place de Silly, le Guillaume, au Maine.

De la bataille de Gerberoy.

Entost apres, Poton & la Hire, deux vaillās Capitaines Gascons, avec environ dixhuiēt cens François, partirent de Beauuais, & allerent en vne vieille forteresse, qui de long temps estoit des-emparee, nommée Gerberoy, à quatre lieues pres Beauuais, & remparerent le mieux qu'ilz peurēt ladicte place : mais incontinent ledict Comte d'Arondel assembla grand ost, & vint deuant ladicte place. Iceux Poton & la Hire, voyans que ladicte place n'estoit point assez fort remparée, n'auraitée pour tenir cōtre toute la puissance dudit Comte d'Arondel, aduiserent que mieux leur seroit de ne se laisser point enclorre, ne enfermer dedans ladicte place, & qu'il valoit mieux saillir aux champs pour combatre lesdictz Anglois. Si se meirent sur les champs, & allerent trouuer ledict Comte, & le combatirent : lequel resista vaillāment, mais à la parfin il fut desconfit, & y eut de six à sept cens Anglois mortz, & plusieurs prisonniers : & entre autres fut prins ledict Comte d'Arondel, & mené à Beauuais : mais il estoit tellement blecé d'un coup de couleuvre en la iābe, que tantost apres il mourut. Aussi furent prins prisonniers les Seigneurs, Dondeuille & Monteroillié. En celle saison les François prindrent la ville de Montargis sur les Anglois : mais cela ne profita riens, pource que les Anglois, qui tenoient le chastel, furent tantost secourus par ceux de leur party. En celle mesme année les François prindrent le chasteau de Rouen, qui fut rescoux par les Anglois, qui meirent grād' garde à la porte des champs. Si s'en retirerent les François à la grosse tour, & furent contrainctz eux rendre à volunré, & en feirent les Anglois descapiter six vingtz.

La mort du Comte d'Arondel, Anglois.

De la prinse du Seigneur de la Trimouille.

En l'an mil cccc. xxxiij. le Roy estant en son chasteau de Chinon, & en sa cōpaignie le seigneur de la Trimouille, qui du tout le gouuernoit, fut par nuit ouuerte vne poterne dudit Chasteau, en vn lieu appelé le Coul-doin, par vn nommé Oliuier Festard, Lieutenant dudit Chasteau, pour le Seigneur de Gaucourt, qui en estoit Capitaine : & par icelle entrerent les Seigneurs de Bueil, de Chaumont, de la Varenne, & de Coytiuy, & grand nombre de gens d'armes : lesquelz allerent droit en la chambre dudit seigneur de la Trimouille, qui estoit couché, & le prindrent dedans son liēt : & en le prenant fut blecé d'une espée, qui luy entra bien auant à l'endroit du ventre, tellement qu'on disoit que ce n'eust esté la grande gresse, dont il estoit remply, il fut mort du coup : & incontinent apres fut mené au chasteau de Montresor, appartenant audict Seigneur de Bueil, qui estoit son nepueu. Le Roy, qui estoit couché audict chasteau de Chinon, entendit aucunement le bruit des gens d'armes, qui estoient en ladicte prinse, & eut crainte que ce fust

L'an mil cccc. trente trois.

LES CRONICQ. ET ANNALES DE FRANCE.

ennemys : parquoy lesdictz Seigneurs de Bucil, de la Varène, & de Coyriuy vindrēt deuers luy, & en humilité luy deirēt que ladiēte prise d'iceluy de la Trimouille estoit pour le bien de luy & de son royaume: & disoit-on que ladiēte prise estoit faicte à la poursuyte de mōseigneur d'Aniou, frere de la Roïne: lequel print apres tout le gouuernement de la persōne du Roy. Le Roy aduoua icelle prinse en l'assēblée des Estatz de son royaume, qui tost apres fut tenuē à Tours: & ledict seigneur de Bucil aucun tēps apres deliura ledict de la Trimouille, son oncle, moyēnant six vingtz mil moutōs d'or, qu'il luy dōna comme l'on deit. En ladiēte année mourut prisonnier en Angleterre, mōseigneur Jehan Duc de Bourbon, lequel y auoit esté prisonnier depuis la iournée d'Azincourt (qui fut l'an mil cccc. xv.) & fut enterré aux Carmes de Lōdres, & luy succeda Charles son aîné filz. En celle mesme année mourut en la ville de Lyon, madame Marie sa femme, qui fille auoit esté de monseigneur Jehan Duc de Berry: & fut enterrée au Prieuré de Sauigny en Bourbonnois, avec les autres Ducz & Duchesses de Bourbon.

* Parcy de-
nant, depuis
l'an 1415.
quand il parle
du Duc de
Bourbon en
France, enten-
de l' du filz.

Comment le peuple de la basse Normandie s'esleua contre les Anglois.

EN celle année tout le peuple d'entour les villes de Caen, Bayeux, & autres lieux de la basse Normandie, s'esleuerent contre les Anglois, & s'assemblerent en si grand nombre qu'on disoit qu'ilz estoient bien lx. mil hommes: & avec eux se meirent plusieurs Cheualiers, Escuyers, & gens Nobles. Quand le Duc d'Alençon le sceut il y enuoya le Seigneur de Lore, pour les conduire: lequel en trouua en l'Abbaye du May pres Bayeux, enuiron cinq mil (car les autres s'estoient desia separez) si les mena deuant Aurenches, ou ledict Duc d'Alençon, & le seigneur de Bucil allerent, & là se tindrēt enuiron dix ou douze iours: puis les r'amena ledict Duc au païs du Maine: mais tost apres ceux de ladiēte commune s'en allerent, & trouuerent façon d'eux reconcilier aux Anglois.

De l'esmeute du commun du pays de Caux.

VN Gentil homme du païs de Caux, nommé le Carnier, esleua, & assembla audiēt païs bien ving mil hommes gens de commune, & en y auoit la pluspart qui ne sçauoient s'ilz s'esleuoient pour les Anglois, ou pour les François: mais ilz se tindrent pour la partie des François. Ce venu à la congnoissance de messire Pierre de Rochefort, Mareschal de France, Gaultier de Bruzac, Charles des Mares, & autres, allerent avec eux: & par leur ayde meirent en s'obeissance du Roy les villes de Dieppe, Fescamp, Harfieu, Monstrieuillier, Tancarville, & toutes les autres places dudit païs de Caux, reserué Arques, & Caudebec: dedans lesquelles villes & places furent mis plusieurs Capitaines, qui les tindrent: mais ilz ne faisoient riens les vns pour les autres, car ilz estoient chacun maistre, & feirent plusieurs maux aux gens, tant d'Eglise qu'hommes laiz, d'iceluy païs, si qu'en brief temps les champs furent abandonnez, & n'y demouroit hommes ne femme, sinon aux forteresses: lesquelles aucun temps apres, furent de ligier prin- ses par les Anglois, qui tout destruisoient en despit de ladiēte rebellion. Vn Capitaine Anglois, nommé Venables, avec douze cens combatans, s'alla loger en l'Abbaye de S. Gille en Constatin, & là se tint trois moys. Les Seigneurs de Laual & de Loheac, & de Lore, feirent vne entreprinse, & avec sept ou huit cens hommes allerent vne nuit, & par eschelles prindrent partie de ladiēte Abbaye, & tuerent bien deux cens Anglois, mais ilz ne peurent entrer plus auant, pour la resitence que feirent les Anglois, & y eut aigre bataille. Finablement le surplus desdictz Anglois demoura dedans ladiēte Abbaye, & se retirerēt les François es fauxbourg de Fougieres. Bien tost apres se deslogea ledict Venables de ladiēte Abbaye de saint Gille, & se mit à tenir les champs: & fut dict vn iour ausdictz Seigneurs de Loheac, & de Lore, qu'il estoit logé en vn vil- lage, nommé Lazay: si allerent droit là avec sept cens combatans ou enuiron, & le ren- contrerent sur les champs, il cuida mettre ses gens en ordonnance, mais les François ne luy donnerent point le loysir, & subitement frapperent sur luy, si roidement que luy & ses gens furent desconfitz, & en y eut bien trois cens que mortz que prins: & cela faict les François se retirerent à Laual, avec les prisonniers & biens qu'ilz auoient gai- guez.

De ceux du
pays de Caux
qui par l'ho-
stilité furent
cōtraints d'a-
bandonner les
champs.

gnez. Ledit Venables s'eschappa par fuyte, mais tost apres les Anglois, pour aucunes ^{Venables, Ca-} imaginations qu'ilz eurent contre luy, luy feirent couper la teste. En celle saison le Roy ^{pitaine An-} enuoya ses gen^darmes conduictz par le Cōestable, le Comte de Dunois, & Poton, en ^{glois, eut la te-} Picardie, & prindrent Han en Vermandois, qui depuis fut vendu au Duc de Bourgon- ^{ste coupée.} gne xl. mil salus, & apres s'en departirent les Capitaines l'un ça & l'autre la. En l'an mil ^{L'an mil cccc.} cccc. xxxiiij. furent les guerres plus grâdes entre les François & Anglois qu'elles n'a- ^{xxxiiij.} uoient esté parauant : & premierement le Duc de Bourbon, Lieutenant pour le Roy, par le moyen d'un nommé Ferrieres, qui tenoit les village & chastel de Corbeil, pour les Anglois, les meit en sōbeissance du Roy, moyenant certaine somme d'argent qu'il dō- na audict de Ferrieres: aussi feit vn autre, qui estoit Capitaine de Brie Comterobert : & ^{Du boys de} semblablement le chastel du boys de Vincennes, qui estoit tenu par les Anglois, par le ^{Vincennes re-} moyen d'un Escossois, qui faisoit le guet au dongeon, qui meit les François dedans: au- ^{courré sur les} quel Escossois ledict Duc donna semblablement gros argent. En celle année Poton, & ^{Anglois.} la Hire, avec ceux de leur bande, allerent faire vne course es pais de Picardie, qui estoit en sōbeissance du Duc de Bourgogne, qui estoit contraire au Roy, & prindrent grand nombre de prisonniers & grand nombre de bestail, tant à corne qu'à laine, & autres biēs sans nombre. Messire Jehan de Luxembourg vint pour les cuider recouurer avec gran- de compagnie, plus grâde, comme on disoit, que n'estoit celle dudit Poton & la Hire, & vindrent iusques là ou ilz estoient : mais il n'osa les assaillir : parquoy ilz s'en allerent franchement avec ce qu'il auoient gagné. En celle année le Duc de Bourgogne vint à Mascon, à grâde puissance, pour faire guerre au pais de Beau-ioulois, ou estoit le Duc de Bourbon pour le Roy, & meit le siege à Belleuille : contre lequel se meit sus ledict Duc de Bourbon, qui auoit espousé sa sœur: mais à la parfin ilz s'assemblerent à Neuers, & parlementerent ensemble, & s'accorderent: & oultre prindrent iournée de faire paix entre le Roy & ledict Duc de Bourgogne: laquelle fut depuis conclute à Arras, comme sera dict cy apres. Audiect an le Roy alla à Vienne en Daulphiné, & là assembla les Estatz du pais de Languedoc & de Daulphiné, & y estoient les Comtes de Clermont & de Foix, Gouverneurs de Languedoc, & le Comte de Richemont, Connestable de France. Semblablement y vint la Roïne de Cecille, que le Roy receut à grand hon- neur. Leditz gens des Estatz feirent & ostroyerent au Roy vne ayde pour la con- duicte de sa guerre. Durant le temps que le Roy estoit à Vienne, ou il se tint assez lon- guement, vindrent deuers luy les Cardinaux d'Arle & de Cypre, pour le fait du Scisme qui estoit en l'Eglise. Le Roy les receut grandement & honnorablement : & quand ilz eurent conseilé ensemble, ilz s'en allerent à Basle, ou estoit ordonne le Concille ge- neral estre tenu : & tantost apres le Roy s'en vint à Lyon.

Du siege de saint Denis.

L'An mil quatre cens trente cinq, le premier iour de Iuin, monseigneur le ^{L'an mil cccc.} Bastard d'Orleans, & le seigneur de Rochefort, Marechal de Frâce, prin- ^{trente cinq-} drent la ville de saint Denis en France d'eschelles, & feirent plusieurs escarmouches sur ceux de Paris, & chascun iour les chassoiet iusques aux portes. Ledit Bastard d'Orleans, apres ce qu'il y eut mis grosse garnison, s'en partit de ladiete ville, & alla deuant Houdan, & print la ville & le chastel. Sembla- blement alla à Pontz sainte Maixance, & la print aussi par composition. Pierre Iaillet, ^{La prise du} Capitaine François, & ceux de sa compagnie prindrent par eschelles le pont de Meu- ^{pont sainte} lanc & la ville, par le moyen de deux pescheurs qui peschellerent par vne latrine : & ^{Maixance,} tantost apres les Anglois allerent mettre le siege à grande puissance deuant saint De- ^{par les An-} nis. Le Marechal de Rochefort, qui y estoit demouré, la deffendit vaillamment & lō- ^{glois.} guement, & y eut plusieurs gens mortz d'un costé, & d'autre, & estoient avecques les- dictz Anglois, le Bastard de saint Paul, le seigneur de Lisleadam, & autres de Paris, qui tenoient le party du Duc de Bourgogne, & donnerent de merueilleux assaulx à ladiete ville de saint Denis. En retournant du Pont sainte Maixance, les François meirent le siege deuant la place d'Oruille, & la batirent fort. Les Anglois leur promei- rent rendre, si dedas vn iour n'estoient secourus. Si s'assemblerent les Anglois, en grâd nombre, pour y aller: & lors abandonerent les François la place, & s'en vindrent vers saint Denis: & pource qu'ilz vouloient passer par vne isle, les Anglois le sceurent, & y

LES CRONIQ. ET ANNALES DE FRANCE.

allèrent dresser vne grande Bastille: si se trouuerent bien soixante François, qui estoient passez en vne nacelle, qui apperceurent ladicte Bastille, de laquelle saillirent bien six vingtz Anglois, qui frapperent sur eux roidement. Les François, voyans qu'ilz ne pouuoient eschapper, n'auoir secours, tindrent si fiere maniere, & si tresuertueusement se deffendirent, qu'ilz tuerent quarante Anglois, & prindrent ladicte Bastille en ladicte isle: de laquelle des François eut la charge vn vaillant Escuyer, nommé Floquet: & tantost apres, le Côte de Dunois feit mener caues & vaisselages pour secourir les François, qui auoient prinse ladicte Bastille. Durant iceluy siege le Seigneur de Ramboillet, & vn nommé l'Empereur, par aucunes intelligences trouuerēt façon d'auoir la ville de Meleun: & y entrerent plusieurs François, qui meirent le siege deuant le Chasteau, que tenoit messire Richard de Marbury, qui s'en partit luy & ses gens, leurs vies sauues seulement, & dedans trouuerent les François de grands biens & viures. Le Comte de Dunois, Bastard d'Orleans, faisoit ce pendant grande diligence d'amasser gens, pour venir secourir ceux de saint Denis: si se meirent en voye pour y venir ledict Bastard, les Seigneurs de Loheac, de Bueil, & autres.: & sur le chemin eurent nouuelles que Mathago, & messire Thomas Quiriell, avec bien six cens combatans, estoient partis de Gisors, pour venir audict siege de saint Denis. Si allerent au deuant, & les rencontrèrent sur les champs, & d'emblée les assaillirent & desconfirent, & y en eut plusieurs mortz & prins: & entre autres fut prins ledict Mathago. Et ce faict, lesdictz Seigneurs François retournerent à Meulanc, avec leurs princes, & là feirent couper les testes à tous les François qu'ilz auoient prins en armes avec lesdictz Anglois: & voyant ledict Marechal de Rochefort, que leur secours ne venoit point, & qu'on demouroit trop longuement, il feit composition: & s'en alla luy & ceux de sa cōpaignie, leurs biens, qu'ilz pourroient emporter, sauues. Si entrerent les Anglois en ladicte ville saint Denis, qu'ilz feirent des-emparer & abatre la muraille, reseruee celle de l'Abbye & la tour de Venin, en laquelle ilz meirent vn Capitaine nommé Brichanteau, nepueu de messire Simon Morhier, Preuost de Paris, & aucuns Anglois pour la garder.

De Mathago, Capitaine Anglois, qui fut prins en vne desconfiture vers Pontoise.

Du Seigneur de Vilby, qui fut Capitaine de Paris, & de la reduction de Pontoise es mains des François.

Les habitans de Paris, qui se veoient fort oppressez par les gens du Roy, qui estoient sur les champs, tout autour de ladicte ville & auoient prins plusieurs villes & forteresses, tellement qu'ilz ne s'osoient bonement departir n'aller par les chāps, allerent deuers le Seigneur de Vilby, Anglois, qui estoit Capitaine de Pontoise, pour le Roy d'Angleterre, & luy requirer qu'il vint à Paris pour estre leur Capitaine: lequel incontinent laissa messire Jehan du Ruppelay, Cheualier Anglois, son Lieutenant audict lieu de Pontoise, & vint à Paris avec plusieurs gens de guerre. Tantost apres son partement de Pontoise, durant le pourparlé du traité d'Arras, les habitans de ladicte ville s'esleuerēt contre les Anglois, & meirent icelle ville en lobeissance du Roy: dont les Anglois, & ceux de Paris, furent plus desplaisans que deuant: car ladicte ville de Pontoise est vne des clefs du pais de France, & la venue de Paris pour entrer en Normandie.

Des habitans de Pontoise qui se meirēt en l'obeyssance du Roy de France.

Du memorable traité d'Arras faict entre le Roy de France, & le Duc de Bourgogne.

Pourparlé du traité d'Arras.

Durant le temps que les Anglois tenoient siege deuant saint Denis, furent faictes plusieurs allées & venues, pour trouuer moyen de faire quelque bon appoinctement de paix entre les Roys de France & d'Angleterre, & le Duc de Bourgogne: & tellemēt y fut besongné que iournée fut prinse pour faire appoinctement, & fut ordonné que les Ambassadeurs & gens de chascune des parties, enuoyeroient leurs deputez à certain iour en la ville d'Arras. Le Pape Eugene & le Concile de Basle, qui lors se tenoit en l'Eglise pour la Papauté entre ledict Eugene, & Ame, parauant Duc de Sauoye, qui se disoit Pape Felix (lequel aucun temps parauant auoit, comme on disoit, vescu solitairement, comme Hermite, & auoit esté le premier Duc de Sauoye, car parauant les Seigneurs de Sauoye n'estoient appelez que Comtes) sachans ladicte entreprinse, & desirans l'appoinctement desdictz Roys & Ducz,

Ducz, pour les grâds maulx qui s'estoient ensuyuis à la Chrestienté, y enuoyerent grands Ambassades : & y vint de par le Pape Eugene, vn bon preud'homme Chartreux, qui estoit Cardinal du tiltre de sainte Croix : & par ledict Concile fut enuoyé le Cardinal de Cypre, & les Euesques d'Areilz, * d'Abugeme, d'Exées, d'Auxerre, d'Albanie, de Venegenfis, l'Abbé de Vezelay, les Archediaces de Polaine, & de Merz, Procureur, du Conseil du Pape, & plusieurs autres grands Seigneurs, Clercs & nobles personna-
* Tous ces noms sont vn peu autres, tant au liure de Monstrelet qu'es grâdes Croniques tellement que nous sommes contrainctz les laisser icy tels qu'ilz sont.

Theologie Thomas de Susanne, qui tost apres fut fait Euesque de Boulongne, apres fut Cardinal, & depuis, apres la mort dudiect Pape Eugene, fut esleu Pape, & nommé Nicolas. Pour la partie du Roy de France y furent enuoyez messeigneurs le Duc de Bourbon, les Comtes de Vendosme, grand Maistre d'hostel de France, & de Richemont, Connestable de France, messire Regnault, de Chartres, Archeuesque de Reims, Chancelier de France, monseigneur Christofle de Harcourt, le Marechal de la Fayette, les Seigneurs de Moy & de saint Simo, de saint Sauin, de Mōtenay, de Chaunoy, le Paillart d'Vrphe, les seigneurs de saint Pirret, de Sancourt, de Montigny, de Gyac, de Maigny, messire Robinet d'Estampes, le Doyen de Paris, messire Adam de Cābray, premier President de Parlemēt à Paris, maistre Guillaume Chartier, Euesque de Paris, & autres Conseillers de Parlement, maistre Robert de Maillieres, Maistre des Cōptes, & autres gens des Comptes, & plusieurs autres Seigneurs, Cheualiers, & Clercs. Les Ducz de Bretaigne, d'Alençon, & de Bar, y enuoyerent semblablement de grands Seigneurs, Cheualiers, Barōs, & notables Clercs de leurs terres, & seigneuries. Pour la partie du Roy d'Angleterre y furent enuoyez le Cardinal de Vicestre, l'Archeuesque d'Iorth, les Euesques de Norbie, & de Sādoich, les Comtes de Hotuiton, de Vvaruic, de Suffort, le Seigneur de Hongrefort, & plusieurs autres Seigneurs, Barons, Clercz, & grands personages. Pour la partie du Duc de Bourgongne, il y fut luy mesme en personne aucun temps, & la Duchesse sa femme, qui fille estoit du Roy de Portugal (laquelle ayda fort de son pouoir à faire la paix) & avec ledict Duc, & pour luy, y furēt les Euesques du Liege, de Cābray, & d'Arras, maistre Nicolas Raulin, Chancelier de Bourgongne, le Duc de Gueldres, le Comte de saint Paul, l'Escuyer de Cleues, les Comtes de Liury, de Vaudemont, de Neuers, de Nansol, de Montrefort, de Faulcamberge, de Megue, Thibault de saint Paul, le seigneur d'Argueil, filz du Prince d'Orenge, les Seigneurs de Chastillon, Dantoing, de Croy, de Charny, de Roye, de Creuecœur, d'Armētieres, de Saucuse, de Humieres, de Fosseux, & de Himbercourt, Iehan de Hornes, & grand nōbre d'autres Barōs, Cheualiers, & Clercs. Avec lesquelz, ceux du païs de Flādres, Hollande, & Zelande, & autres Seigneuries dudiect Duc de Bourgōgne enuoyerēt autres Seigneurs, Barons, & grands personages, qui en nombre, par compte fait, & par le rapport des Marechaux & fourriers des logis, se trouuerēt en ladiete ville bien dix mil cheualx & plus : & fut la plus belle, & grand' conuention qui fut iamais veüe en France. Tous lesquelz s'assemblerent par plusieurs & diuerses iournées : mais les gēs du Roy d'Angleterre estoient si outrageux & excessifs en leurs demandes, qu'il ne fut possible de moyenner les matieres, ne avecques eux trouuer aucun appoinctement, combien que le Roy de sa benignité, pour acquerir paix à ses subiectz, leur feist offrir grande partie de son hēritage, à posseder perpetuellement par eux : c'est à sçauoir Normandie, & grand' partie de Guyenne, reseruee seulement l'hommage : mais ilz ne voulurent accepter, & s'en allerent, & se departirent de ladiete belle assemblée, sans rien faire ne conclurre, fors qu'il fut prins seulement vn autre iour pour parler avec eux.

Après leur parlement les Legatz du Pape, & dudiect Concile, à qui il faisoit grand mal d'eux en retourner sans riens faire, deirent entre les autres choses qu'ilz auoient charge de remonstrer le fait de la foy, mesmement pour la reduction des Boesmes, qui tenoient plusieurs erreurs : aussi sur la reformation du Scisme qui estoit en l'Eglise, & sur l'interpellation de la paix des Princes : & fut ouuerte la matiere de faire paix finale entre le Roy, & le Duc de Bourgongne : & pour entrer en la matiere ledict maistre Nicolas Raoulin feit vne grande proposition contenant plusieurs articles, & demandoit de grandes reparations, principalement touchant la mort du feu Duc Iehan de Bourgongne, qui auoit esté occis à Monstereau-fault Yonne, dont y en auoit la pluspart impertinentes, defraisonnables & excessiues : mais ce neantmoins les Ambassadeurs du Roy, sachant le grand desir qu'il auoit au bien de paix, accorderent la pluspart desdi-

Second volume.

QQ ij

Conclusion
du traicté
d'Arras.

LES CRONIQ. ET ANNALES DE FRANCE.

Des terres & seigneuries qui par l'appointement d'Arras furent baillées par le Roy, au Duc de Bourgogne.

Des demâdes. Et entre autres choses fut accordé de faire certaine Chappelle & fondation de service au lieu de Monstereau, ou fut tué ledict Duc. Aussi fut baillé audict Duc certaines terres & seigneuries, les aucunes en hëritage, les autres à tēps: & mesmement luy furent baillées les terres assises sur le long de la riuere de Somme, tant deçà que de-là: c'est à sçauoir, Amyens, S. Quentin, Corbie, Abbeuille, & toute la Comté de Ponthieu, Dourlens, S. Riquier, Creuecœur, Cleues, & Mortaigne, sauf que le Roy les pourroit r'auoir, & racheter, en baillant à vn ou à deux termes la somme de cccc. mil escus d'or, dont les lxxiij. feroient le marc: & ce pendant ledict Duc prendroit tout le reuenue tant ordinaire, que des tailles, aydes & subuentions, & nommeroit aux Offices: lesquelles toutesfois seroient données & confermées par le Roy: & plusieurs autres pointz & articles furent faictz & accordez, contenuz és lettres qui en furent faictes, & passées, lesquelles lesdictz Ambassadeurs iurerent, & promeirent garder d'une part & d'autre, és mains desdictz Cardinaulx. Et combien que ledict traité & appointement d'Arras semblast de prime face estre à la charge & foudre de l'honneur du Roy, & de la couronne de France, toutesfois, considéré le temps qui lors couroit, & les grâdes guerres & affaires que le Roy auoit de tous les costez de son royaume, il fut grandement profitable au Roy, & à la chose publique: & moyennant iceluy appointement s'en ensuyuit le recouurement du surplus du royaume, que les Anglois occupoient. En ladicte assemblée audit plusieurs Roys d'armes, Heraulx, & Pourfuyuans desdictz Seigneurs & Princes: lesquelz incontinent apres la conclusion prinse, crierent la paix, à haulte voix par ladicte ville d'Arras: & incontinent s'en partirent iceux Roys d'armes, Heraulx & Pourfuyuans, & en grande diligence allerent denôcer & publier par toutes les villes, esquelles on leur feit de grands dons & presens, pour les bonnes nouuelles qu'ilz portoient.

La publication de la paix, & appointement faict à Arras, entre le Roy de France, & le Duc de Bourgogne.

Apres ladicte conclusion, ledict Cardinal de sainte Croix, l'Archeuesque de Reims, le Chancelier du Duc de Bourgogne, le Duc de Bourbon, le Comte de Vendosme, Christophe de Harecourt, le Marechal de la Fayette, & autres, vindrent à Reims pour dresser les articles de Paix: & là feirent grande solennité, qui dura huit iours: & fut remise és mains du Roy, la ville d'Espernay, que tenoit le seigneur de Chastillon: lequel, nonobstant ladicte paix, faisoit plusieurs courtes, & se disoit Anglois.

De la mort de la Roynie de France, Ysabeau de Bauieres.

* Croniques de France, disent dernier.

LE VINGTCINQVIESME * iour du mois de Septembre, audit an mil quatre cens trente cinq, mourut en l'hostel du Roy, pres saint Paul, à Paris, Dame de bonne memoire, & vraye catholique, madame Ysabeau de Bauieres, Roynie de France, qui femme auoit esté du feu Roy Charles sixiesme, & estoit mere du Roy Charles septiesme, le corps de laquelle Dame fut mis en vne nacelle sur la riuere de Seine, en petite solennité, & n'y auoit avec elle que quatre personnes & quatre cierges. Quand ledict corps fut arriué iusques pres saint Denis, les Religieux de l'Abbaye allerent querir iusques à la riuere, le plus honnestement qu'ilz peurent: & le lendemain fut enterrée en ladicte Eglise, en la Chappelle, & aupres du corps de son feu mary. Ce fut vne grande honte aux Anglois qui sauoient en leurs mains, de laisser en c'est estat conduire le corps de ladicte Dame: à laquelle, par le traité de mariage de sa fille avec leur feu Roy, ilz auoient promis, & au feu Roy son mary, leur entretenir leur estat, comme à Roy & Roynie appartenoit: toutesfois ilz n'en feirent riens, car ilz leur laisserent auoir moult de necessitez: & qui plus est, disoient à ladicte Roynie, que ledict Roy Charles, son filz, estoit illegitime, & n'estoit pas filz dudit Roy Charles sixiesme, parquoy il ne deuoit pas succeder à la couronne de France: dont ladicte Dame eut si grande douleur au cœur, qu'elle en mourut auant ses iours: & elle viuant estoit petitement accompagnée, fors des Bourgeois & femmes de bien de la ville de Paris, qui falloient souuent visiter. En ce mesme an, & mois, mourut en la ville de Rouen le Duc de Bethfort Anglois, qui estoit Regent en France, pour le Roy d'Angleterre. En ce temps madame Marie d'Anjou, Roynie de France, & fille du Roy de Cecille, & sœur de René, Duc de Bar, étant à Chinon, eut vn filz, que le Roy feit leuer sur fons par monseigneur le Duc de Bourbon, pour le Duc Philippe de Bourgogne: & voulut le Roy que l'enfant eust nom Philippe, comme ledict Duc: mais il ne vescu que quatre mois. Tantost apres ladicte paix d'Arras

conclure,

conclute, le Conneſtable, le Comte de Vendosme, meſſire Chriſtoſle de Harecourt, le Seigneur de la Fayette, & pluſieurs autres, vindrent pareillement à Reims, pource que illec enuiron au païs de Champaigne, y auoit pluſieurs fortereſſes, comme Seue, Nuechoult, & autres, eſquelles pluſieurs gēs de guerre s'eſtoïent mis, & les tenoient par force ſans les vouloir rendre, & eſtoïent bien trois ou quatre mil hommes. Si y alla lediſt Cōneſtable, & les en feit ſaillir & rendre leſdiſtes places à ceux à qui elles eſtoient. Quand leſdiſtz genſ d'armes furent dehors, ilz ſe meirēt à faire pluſieurs mauſx ſur les champs, comme brigans. Lediſt Conneſtable le ſçeur, qui en print pluſieurs, & en emmena aucuns à Reims, qu'il feit tous pendre, reſerué vn qui eut la grace pour pendre les autres.

D'une deſconfiture d'Anglois, pres ſainct Denis.

L'an mil quatre cens trentefix, le Mardy des ſeries de Paſques, mondiſt ſeigneur le Conneſtable, le Baſtard d'Orleans, & les François de leurs cōpaignies, eſtans à Pontoïſe, avec leſquelz eſtoient meſſire Simon de Lailain, Cheualier, & autres Capitaines que le Duc de Bourgogne auoit enuoyez au ſeruice du Roy, avec cinq cens combatans, delibérerent d'eux venir loger à ſainct Denis, qui eſtoit tout deſemparé, reſerué la tour de Venin, où auoit vn Capitaine, nommé Brichanteau, & aucuns Anglois. Si ſe meirēt à chemin, & en cheuauchant ilz eurent nouuelles que les Anglois eſtoient ſailliz de Paris, pour les venir combattre: parquoy marcherent touſiours auant: ſi feirent ſemblablement leſdiſtz Anglois, qui eſtoient de ſept à huit cens: & les conduiſoient Thomas de Beaumont, & Thomas Pruit, Cheualier Anglois: & s'entrerencontrerent à vn petit Ponceau de pierre, qui eſt vn peu delà la ville ſainct Denis, ſur le chemin de Pontoïſe, & là ſecombatirēt fort & ferme, & furent les Anglois mis en deſconfiture, & y eut de mortz de trois à quatre cens: & fut prins priſonnier lediſt meſſire Thomas de Beaumont par vn Eſcuyer Breton, nommé Iehan de Roſeuenen, & pluſieurs autres: & dura la chaſſe iuſques aux portes de Paris: aupres deſquelles portes pluſieurs Anglois furent tuez par les François. Puis s'en retournerent les François, & ſe logerent en ladiſte ville de ſainct Denis, & aſſiegerent ladiſte tour de Venin, en laquelle eſtoit lediſt Capitaine Brichanteau, nepueu de meſſire Simon Morhier, Preuoſt de Paris, & bien quarante Anglois, qui eſtoient eſchappez de la bataille: leſquelz tindrent ladiſte tour, & la deffendirent vaillamment, ſans la vouloir bailler.

L'an mil cccc. trente & ſix.
Deſconfiture des Anglois pres ſainct Denis.

De la reduction de Paris.

Enuiron xv. iours apres celle deſconfiture, mondiſt ſeigneur le Cōneſtable fut aduertie que les greigneurs & principaux Bourgeois, & autres gens plus autorizez de la ville de Paris, auoient bon amour au Roy de France, & voluntiers ſe mettroïent en ſon obeïſſance, cōme leur vray, naturel, & ſouuerain ſeigneur: mais l'Archeueſque de Therouenne, qui ſe diſoit Chancelier de France, pour le Roy d'Angleterre, le ſeigneur de Vilby, Capitaine de Paris, & autres, qui eſtoient en ladiſte ville, avec bien xv. cens cōbatans, les tenoïent en ſi grande cruauté qu'ilz ne s'oſoïent manifester: Toutesſois ilz le feirēt ſçauoir audiſt Cōneſtable, & parlerent ſecretement à pluſieurs des congnoiſſans l'un de l'autre, & remonſtrèrent comment les gens du Roy tenoient les villes de Corbeil, Lagny, Pontoïſe, Meulanc, le boys de Vincennes, S. Denis, Poiffy, & toutes les autres places, dont leur pouuoient venir viures par eauë, & par terre, & le dangier où ilz eſtoient d'eſtre affamez & prins d'aſſault, tellemēt qu'ilz attirerent à leur cordelle le courage de pluſieurs, & le feirent ſçauoir audiſt Cōneſtable: lequel avec le Baſtard d'Orleans, & autres Capitaines & gens de guerre, qui eſtoient à Pontoïſe, allerent paſſer la riuere de Seine au pont de Poiffy: & le troiſieſme iour d'Auril, iour de Védredy, apres Paſques, mil cccc. xxvij. ſe rendirent deuant Paris auant le poinct du iour, & ſe meirēt en embuſche pres les Chartreux, & de la porte ſainct Iacques, meſſire Michel de Laillier, Iehan de la Fontaine, Thomas Pigache, Nicolas de Louuiers, Iacques de Vergens, & autres Bourgeois de Paris, qui auoient faiſt celle entreprinſe, ſe meirēt ſus, & s'aſſemblerent par les carrefours, criant ſainct Denis, & eſmeurent le peuple contre les Anglois & leurs adherens, & leur coururent ſus, & en tuerent & prindrent pluſieurs, meſmement deſdiſtz adherens de ladiſte ville.

Du bon vouloir qu'eurent ceux de Paris de faire redre la ville es mains du Roy.

L'an mil cccc. trehſe ſept.

LES CRONIQ. ET ANNALES DE FRANCE.

Chaines tendues par les rues de la ville de Paris.

Entrée des François à Paris.

Reduction de la ville de Paris.

Messire Ambrois seigneur de Lore, fut fait Preuost de Paris.

Le chasteau de S. Germain en Laye fut mis en l'obeissance du Roy.

Les Anglois cuiderent gagner la porte saint Denis, mais les chaines furent incontinent tendues par toutes les rues : & lors hommes, femmes & enfans se prindrent à ieter & ruër par les fenestres pierres, busches de mosles, tables, tresteaux, & autres choses pour greuer les Anglois : & par les rues suyuoient lesdictz Anglois, & les tuoient par tout ou ilz les pouuoient trouuer : & ce voyans lesdictz Euesque de Therouenne, le seigneur de Vilby, & Morhier, Preuost de Paris, ilz se retirerent en la Bastille saint Anthoine, & ainsi que le Preuost s'en retiroit, vn sien compere, boulengier, nommé le Vaasseur, voyant la commotion du peuple, le cuida faire retourner & sauuer, pour pourchasser son appoinctement : mais iceluy Preuost se retourna deuers luy moult courroucé, & luy bailla de sa hache sur la teste, & le tua. Durant ce conflit plusieurs François de la compaignie dudit Connestable, monterent par dessus les murs de ladicte ville, les autres entrerent par batteaux en icelle ville, par ce que les portes saint Michel & saint Iacques estoient fermées, & en auoir ledict Euesque de Therouenne les clefz : & tantost & appertement fut rompuë ladicte porte saint Iacques, par ceux de ladicte ville : & par icelle entrerent ledict Connestable, le Bastard d'Orleans, & autres de leurs compaignies, ayant leurs espées traittes, criant saint Denis, Viue le noble Roy de France, & se logerent en icelle ville gracieusement, sans faire nulz excez. Tantost apres commencerent à sonner toutes les cloches de la ville, & chanter par toutes les Eglises *Te deum laudamus* : & le soir fait on feu de ioye & grande solennité, & par les carrefours tenoit-on table ronde à tous venans : & fut ordonné bon guet deuant la Bastille, ou estoient lesdictz Euesque de Therouenne, & le seigneur de Vilby. Ledit Morhier, Preuost de Paris, s'en alla au pont de Charenton, qui tenoit pour les Anglois, & en estoit Capitaine, ou il fut prins prisonnier par ses gës mesmes, & luy & la place baillée à messire Denis de Chailly, qui en eut grande rançon. Au lieu dudit messire Simon Morhier, fut fait Preuost de Paris messire Ambrois, Seigneur de Lore, qui estoit bon, sage, & vaillant Cheualier. Les nouuelles de ladicte prinse & reduction de Paris furent incontinent sçeuës à saint Denis, qui en sonnerent les cloches, & chanterent *Te deum laudamus* : & fut amenée la mulle dudit messire Simon Morhier, Preuost de Paris, deuant ladicte tour de Venin, en l'abbaye dudit saint Denis, que tenoit Brichanteau, son neueu, pour luy faire croire les nouuelles : lequel Brichanteau, cuidant soy sauuer, comme desesperé, & autres de sa compaignie saillirent de la tour dedans les fosses : mais il fut incontinent tué par les gens de labeur dudit pais, qui moult le hayoient, car il leur auoit pillé & brulé leurs maisons. Aussi furent tous tuez les autres Anglois, qui estoient en ladicte tour. Le lendemain mondict seigneur le Connestable fait renforcer le guet deuant ladicte Bastille, ou s'estoient retraictz les dessusdictz Euesque de Therouenne, le seigneur de Vilby, & Morhier, Preuost de Paris, & feirent aucunes approches, tant par dedans que par dehors la ville, & furent tirez plusieurs coups de Canons. Quand ilz veirent qu'on les assailloit, ilz parlementerent, & demanderent qu'on les laissast aller leurs vies & biens saulz. Sur ce fut assemblé Conseil, & estoient plusieurs d'opinion qu'on ne les laissast point aller : mais finalement on les laissa aller vies & biens saulz. A leur partement leur fut baillé saufconduit : mais ilz ne voulurent point passer par dedans la ville, doubtant la commotion du peuple, & furent mis hors du costé des champs, & furent conuoyez : & quand ilz passerent par deuant la ville saint Denis, plusieurs des gens qui les alloient veoir, crioient apres ledict Chancelier de Therouenne : Au regnard, au regnard, & leurs disoient autres opprobres, & ne les en pouuoit on garder. Tantost apres mondict seigneur le Connestable alla mettre le siege deuant le chasteau de Creil, du costé de Beauuoy sin, oultre la riuere d'Aise. Quand le siege fut assis il se partit pour aller à aucuns ses affaires, & laissa le Bastard d'Orleans, le seigneur de Ialongnes, & autres pour la conduite dudit siege : lesquels furent deuant bien quinze iours : mais les Anglois de dedans estoient si fors & si garnis d'artillerie, de trait & de viures, qu'ilz n'y peurent riens faire : si s'en reuindrent. En ce mesme temps le chasteau de saint Germain en Laye fut mis en l'obeissance du Roy de France, moyennant certain argent, que ledict Connestable donna au Capitaine qui le tenoit pour les Anglois. En celle année le Roy alla visiter ses pais de Lyonnois, Daulphiné, de Languedoc, & fait ses Pasqués à Montpellier : & en son retour s'en vint par Berry, & tyra en Gastinois pour aller à Sens : car ladicte ville s'estoit mise en son obeissance.

Du mariage

Du mariage de monseigneur le Daulphin Loys, & de madame Marguerite, fille du Roy d'Escoffe.

EN celle année fut traité le mariage de monseigneur le Daulphin de Viennois, Loys, filz du Roy de France, & de madame Marguerite, fille du Roy d'Escoffe: laquelle fut amenée en France, & le iour & feste saint Iehan Baptiste le vingtquatriesme iour de Iuin, arriua en la ville de Tours, grandement & honnestement accompagnée. Au deuant d'elle arriuerent plusieurs Princes, Seigneurs, Barons, Cheualiers & Escuyers: & à l'entrée de la ville les Seigneurs de Mailly & de Jalongnes, descendirent à pied, & prindrēt chascun d'un costé la bride de la hacquenée, sur laquelle ladicte Dame estoit montée, & la menerēt iusques au chasteau. Quand elle fut descendue, le Comte de Vendosme, & vn autre Comte d'Escoffe, la prindrent de chascun son costé, & la menerent & monterent iusques en la grande salle dudit chasteau, ou estoit la Roïne de Frāce, la Roïne de Cecille, & madame Yoland de France, fille du Roy. Lesdictes Roïne de Cecille & Yoland vindrent au deuant d'elle iusques à l'huys de ladicte salle, & l'amenerent iusques à la Roïne, qui estoit au grād banc, laquelle se desmarcha quatre ou cinq pas, & la receut honnestement: & incontinent monseigneur le Daulphin, qui estoit en sa chambre, au bas dudit chasteau, vint en ladicte salle grandement accompagné de Barons & Cheualiers. Et quand ladicte Marguerite apperceut qu'il venoit, elle alla au deuant de luy & s'entrebaïserent, & puis s'en allerent ensemble vers la Roïne, & là se deuïserēt vne piece. Les besongnes furent toutes préparées pour les espousailles, au lendemain: si vint le Roy, qui estoit parry de Chinon, & arriua au matin, & tout housé fut à la benediction & espousailles de mondict seigneur le Daulphin, & là fut la feste grande & solennelle.

L'entrée de madame Marguerite fille du Roy d'Escoffe en la ville de Tours.

L'année ensuyuant le Roy d'Escoffe, pere de ladicte Daulphine, estant à son royaume, logé en vn conuent de Mendians, en vn village, fut tué par aucuns de ses subiectz, qui auoient esté parens & seruiteurs du Duc d'Albanie, son frere, & d'autres Seigneurs ses parés, auquelz il auoit fait couper les testes, & estoit sa fēme presēte à ladicte mort.

Le Roy d'Escoffe fut tué par ses subiectz.

De la prinse de Pontoise par les Anglois.

En iour de Careme prenant audit an, fut par ledict seigneur de Talbot, & Faulcamberge, & plusieurs Anglois prinse d'emblee & par eschelle la ville de Pontoise: & passerent lesdictz Anglois pas dessus les glaces & neiges, qui estoient es fosses: car pour lors estoit moult aspre l'hyuer. Il y eut deux freres Escuyers, l'un nommé le Gallois Gurry, & l'autre Indet Gurry, qui se meirent es tours d'un portail, & là se deffendirent tout le iour, iusques après vespres, pendant lequel temps ilz auoient enuoyé à Paris, & à saint Denis pour auoir secours: car ilz eussent bien recouuert la ville par ladicte porte: mais il ne leur vint nul secours: parquoy ilz furent contrainctz prendre composition de faillir avec ceux de la compagnie, leurs vies sauues.

De la prinse de plusieurs places d'emblee par les Anglois, & autres par les François: & de la venue du Roy à Paris.

L'An mil quatre cens trente sept, les Anglois prindrent d'eschelle & par emblee les villes de Montargis, Cheureuse & Oruille, & y meirent Capitaines: mais elles furent tantost racheptées & recouertes par argent, qu'on donna ausdictz Capitaines: c'est à sçauoir Oruille d'un Capitaine Arragonnois, nommé François de Surienne, dict l'Arragonnois, & le chasteau de Cheureuse, d'un Cheualier François nommé messire Guillaume de Broulhac: lequel tantost apres bailla & liura ausi les villes & chastel de Dreux, que les Anglois auoient longuement tenus: & pour lesdictes redditions furent bien baillez quatre vingtz mil escuz, & se tourna iceluy de Broulhac du costé des François. En celle mesme année le Roy, qui estoit à Sens, feit vne grande armée, & enuoya le Connestable de France, & le Comte de la Marche deuant Chasteaulandon en Gastinois, que les Anglois occupoient, & le prindrent par force & d'affault, & tuerent & prindrent prisonniers tous ceux qui estoient dedans. Puis allerent mettre le siege deuant Nemours, & le batirent longuement

L'an mil cccc. xxxvij.

LES CRONIQ. ET ANNALES DE FRANCE

de Canons & de Bombardes, & la rendirent ceux de dedans par composition : & delà s'en allerent mettre le siege deuant Montereau Fault-Yonne, ou ilz se fortifierent de fossez & feirent vne Bastille contre la ville au bout du pont : & tantost apres alla le Roy audict siege en personne : & quand le siege eut là esté vn moys, ladicte ville fut prinse d'assault, & y eut plusieurs Anglois, & autres leurs adherés, tuez, & plusieurs prisonniers. Melsire Thomas Guerat, qui en estoit Capitaine, s'en retira au chasteau, avec plusieurs de ses gens. Aussi s'en retrahit vne partie sur le fort du pont, mais ilz veirent bien qu'ilz ne pouuoient resister : si leur fut donné congé d'eux en aller ou bon leur sembleroit. De là s'en vint le Roy à S. Denis en France : & puis feit son entrée à Paris, ou il n'auoit point encores esté depuis son couronnement, & estoit tout armé sur vn grand courfier couuert de velours bleu, semé de fleurs de liz, & perles : & auoit huiet cens archiers, sans ses gardes, & grand nombre d'hommes d'armes, & y fut grandement & honnorablement receu : & alla descendre à l'Eglise nostre Dame, & de là logger au Palais : & estoient en ladicte compaignie mondict seigneur le Daulphin, monseigneur Charles d'Aniou frere de la Roynie, monseigneur le Connestable, les Côtes de Vendosme, de la Marche, de Tancarville, de Vertuz, de Dunois, & autres grands Princes, Barons, & Cheualiers de son royaume. Le lendemain le Preuost des Marchans, Escheuins, Bourgeois & habitans de la ville allerent deuers luy. Aussi feirent ceux de l'estat d'Eglise & l'Vniuersité : lesquelz il ouyt benignement, & leur octroya toutes leurs requestes : & aucuns iours apres il s'en partit de ladicte ville, & s'en alla à Orleans, & de là à Bourges. Audict an le seigneur de Talbot, Anglois, meit le siege deuant Tancarville, dont le Capitaine Floquet saillit pour aller deuers le Roy, qui estoit lors au siege de Montereau, pour auoir secours, mais il ne vint pas à temps : & fut ladicte ville renduë audict de Talbot.

Montereau Fault-Yonne fut prins d'assault par les François, sur les Anglois.

L'entrée du Roy Charles V. à Paris.

La prinse de Tancarville par Talbot.

Comment le Duc de Bourgongne meit le siege deuant Calais.

EN celle année le Duc Philippe de Bourgongne, qui en ses faitz se môstroït plus François que son Conseil ne vouloit, avec grande compaignie de Nobles gens d'armes & grand nombre des communes de Flandres, alla mettre le siege deuant Calais, ou il mena grâde quantité de viures & d'Artilleries, & y fut bien deux moys : durant lequel temps les Anglois feirent plusieurs faillies, & grands faitz d'armes, les vns contre les autres, mais lesdictz gens des communes de Flandres, qu'on disoit bien estre trente mil, se laisserent d'estre audict siege, & abandonnerent ledict Duc leur seigneur, qui demoura à petite compaignie : & dict son qu'ilz luy auoient voulu courir sus, sans sçauoir la cause ne pourquoy : & tuerent vn de ses Cheualiers, nommé melsire Iehan de Hermes. Ledit Duc de Bourgongne demoura tout le dernier, en combatant ceux qui estoient faillis de Calais, pour frapper sur la queue de ses gens, iusques à ce que leurs viures, chariotz & bagues fussent retirez. Tantost apres vint par mer grâde armée d'Angleterre, qui venoit pour leuer ledict siege de Calais : & quand ilz n'y trouuerent plus personnes, ilz se meirent en terre, & coururent la terre de Flandres, ou ilz feirent moult de maulx : mais les gens dudit Duc les buffeterent & escarmoucherent par tout ou ilz les trouuerent, tellement qu'ilz en tuerent grand nôbre, & les autres se retirerent à Calais : & de là les vns s'en allerent en Angleterre, & les autres en Normandie. En ce temps auoit plusieurs Capitaines estrâgers, qui durant les guerres s'estoient mis sus en France, & auoient amassé plusieurs gens de guerre mauuais garçons qui tousiours tenoient les champs, pilloiët, robboient, & faisoïët tous les maulx du monde : & mesmement vn Capitaine Arragonnois, nommé Rodigo de Villandras : lequel, cōbien qu'il tint le party du Roy (comme il disoit) si faisoit il plusieurs maulx : & desroboïët ses gens tous ceux qu'ilz rencontroiët : & aduint vn iour que le Roy cheuauchoit, iceluy Rodigo & ses gens, qui n'auoient nulz gaiges ne souldes, rencontrerent les Fourriers & Officiers du Roy, & les destroufferent, tellement que le Roy fut si courroucé cōtre luy, que s'il l'eust peu faire prédre il l'eust fait punir griefuement : & pource qu'il ne peut estre prins, il le feit bānir de son royaume. Audict an René d'Aniou lors Roy de Cecille, parauāt Duc de Bar, frere de la Roynie de Frâce Marie, qui estoit prisonnier du Duc de Bourgogne, par ledict traité d'Arras fut deliuré : & allerēt querir iusques à Dy-ion, le Duc de Bourbon, les Comtes de Vendosme, de Harecourt, le seigneur de la Fayette, & autres grands seigneurs : & par ce moyen fut fait le mariage de

Du Roy René d'Aniou & Roy de Cecille, qui fut deliuré de prison.

ge de Iehan, son filz, Duc de Calabre, à la fille dudit Duc de Bourbon, niepce du Duc de Bourgogne, à cause de la Duchesse de Bourbon, qui estoit sa sœur, & furent les nopces faictes à Molins, & y estoit le Roy de Cecille en personne. En celle année mourut la vieille Roïne d'Angleterre, fille du Roy de Nauarre, laquelle estoit mere de Iehan, Duc de Bretagne, & du Comte de Richemôt, Connestable de France. Semblablement mourut celle année la vieille Comtesse d'Armignac, qui fille auoit esté du Duc de Berry, & estoit la mere du Duc de Sauoye, & du Comte d'Armignac, & du Comte de la Marche. En celle mesme année mourut le vaillant Empereur, nommé Sigismond, qui auoit vescu quatre vingtz dix ans, sa mere fut fille du Roy Iehan de France, & sœur des Ducz de Berry, & de Bourgogne: & fut celui qui premier erigea le pais de Sauoye en Duché (car parauant n'estoit que Comté) & en fut le premier Duc vn nommé Ame, qui fut homme vertueux, & de bonne vie: lequel abandonna le monde, & vescu par aucun tēps solitairement en hermitage, & pour sa sainteté fut par le Concile de Balle esleu Pape: mais il y eut Scisme en l'Eglise, tellement qu'il ne iouyssoit point de la Papauté: toutefois il demoura Legat en ses pais: & obeïrent tous les Princes Chrestiens à Eugene, qui auoit esté osté de la Papauté par ledit Concile. Apres Sigismond fut esleu Empereur Albert, Duc d'Autriche, Roy de Boësmie, & de Hongrie, gendre dudit Sigismond. Audict an mil quatre cens trente sept, le Duc de Bourgogne alla à Bruges, là ou ceux de ladicte ville se leuerent contre luy, pour aucunes noualitez que ilz leur vouloit faire: & mesmement pource qu'il vouloit mettre trop de gens de guerre dedans ladicte ville: & conuint audict Duc faire rompre vne porte de ladicte ville, qui estoit fermée, pour s'en venir à grand haste, & fut en grand danger de sa personne: & tuerēt le Seigneur de Lisleadam, qui estoit son grand Gouverneur & Conseiller, & plusieurs autres: & luy mesmes fut en danger de sa personne, & receut plusieurs coups: mais il fut mis hors par vne poterne, pour lequel excès il y en eut plusieurs executez: & luy payerēt pour l'amende deux cens mil ridders d'or, & plusieurs grands dons qu'ilz feirent à la Duchesse, & autres qui estoïēt autour dudit Duc, qui feirent leur appoinctemēt. Iceluy Duc de Bourgogne enuoya ses gens d'armes deuant la ville du Crotoy: mais les Capitaines de Talbot & Faulcamberge, Anglois, qui estoient à Rouen, y allerent leuer ledit siege: & n'osā aller ledit Duc de Bourgogne au deuant d'eux, & si estoit à Abbeuille, avecques grandes puissance. En icelle mesme année Rhodigo de Villandras, Capitaine Arragonnois, que le Roy auoit banny de son royaume, print plusieurs villes & places que tenoïēt les Anglois au pais de Guyēne, & les meit en sōbeïssance du Roy: parquoy il feit sa paix, & fut rappelé en la grace du Roy. En ce mesme temps monseigneur Pierre de Rochefort, Mareschal de France, se partit de Dieppe, qu'il auoit recouuerte pour le Roy, pour venir à Paris, & alla passer la riuiere à Cōpiegne. Guillaume de Flauy, qui estoit Capitaine dudit Cōpiegne de par le Roy, le sceut, & enuoya vn de ses gens, nōmé l'Hermite, & autres en sa compaignie au deuant dudit Mareschal, & le feit prendre, & mettre prisonnier audict Cōpiegne, durant lequel temps il mourut: & disoit iceluy de Flauy, que le Cōnestable l'auoit autresfois fait mettre hors dudit Cōpiegne, en la presence dudit Mareschal, & vouloit contraindre ledit Mareschal, à luy rendre quatre mil escuz qu'iceluy de Flauy auoit baillez audict Connestable. Tantost apres, le Seigneur de Lore, Preuost de Paris, feit prendre & descapiter à Paris ledit Hermite, pour ledit cas.

La mort du bon Empereur Sigismond, qui auoit vescu iij. xx. & dix ans.

L'an mil cccc. trente sept.

Le seigneur de Lisleadam fut tué à Bruges.

De la grande famine & mortalité de Paris.



An mil quatre cens trente huit, les gens du plat pais se trouuerent si oppressez & appauuris, qu'ilz ne scauoïēt ou aller, ne eux ou bou-
ter, & n'auoient dequoy viure, & mouroient de faim: à l'occasion dequoy vint grande multitude de pauvres gens dedans Paris, en sorte que c'estoit chose pitoyable à veoir: & pource qu'ilz ne pou-
uoient labourer aux champs, s'en ensuyuit si grande famine, & apres si grande mortalité, qu'il en mourut dedans Paris, comme on disoit, bien cinquante mil personnes & plus: & y valoit le septier de bled neuf liures
tournois forte monnoye, car tout le pauvre populaire des enuironz se retirerent dedās
Paris, tant pour la famine que pour les courtes & oppressions que faisoient les Anglois, & ausi les gens de guerre François, qui estoient par les garnisons, qui viuoient

L'an mil cccc. trente huit.

La grande famine & mortalité de Paris.

LES CRONICQ. ET ANNALES DE FRANCE.

Des Loups & Louues qui estoient à l'entour de Paris.

sur le pais, par ce qu'ilz n'estoient point payez de leurs gages: dont ceux de Paris estoient quasi en desespoir: toutesfois ne bougerent de ladicte ville de Paris, messeigneurs Ambrois de Cambray, Cheualier, premier President de Parlemēt, messire Ambrois de Lore, Preuost de Paris, & messire Simon Charles, President des Comptes, qui y furent en grand danger de leurs personnes. Pour lors auoit à l'entour de Paris tant de Loups & de Louues que c'estoit merueilleuse pitié, tellement qu'ilz mangeoient les gens, & deuoroient iusques dedans ladicte ville de Paris: & disoit on qu'ilz y auoient estranglé à diuerses fois de soixante à quatre vingtz personnes, & n'osoit on aller par les rues foraines de ladicte ville de Paris, pour la doubte desdictz Loups.

De la Pragmatique Xanction, obtenüe au Concile de Basle.



De la Pragmatique Xanction: & comment on en deuroit user pour le profit de France.

Trespas d'Albert Empereur.

** Autres dits sans frere de pere.*

La ville de Meaulx prise sur les Anglois.

De la ville & chasteau de sainte Susanne, qui fut prise sur les Anglois par une chanson.

AUDICT an mil quatre cens trēte huiet, le Roy assemblea en la cité de Bourges grand nombre de Princes, Barons, Cheualiers, Archeuesques, Euesques, Abbez, Prelatz & grands Clercz, pour auoir Conseil sur le saict de l'acceptation d'aucuns articles, qui auoient esté deliberez au Concile de l'Eglise, qui lors se tenoit à Basle, pour le debat, qui estoit entre les deux qui se disoient, chascun Pape: & là vint, de par le Pape Eugene, l'Euesque de Florence. Et audict Concile de Bourges, le Roy se declaira pour ledict Pape Eugene: & fut faicte & acceptée la Pragmatique Xanction, qui est conforme aux anciens Decretz des saintz Peres, & Ordonnances des saintz & glorieux Roys de France. A ma volonté qu'elle fust bien entretenüe & gardée: qui seroit le grand profit & vtilité de l'Eglise Gallicane, du Roy & de toute la chose publique du royaume de France. A quoy les Presidens, Conseillers, Advocatz, Procureurs du Roy, & autres Officiers, tant de la court de Parlement, que de ailleurs, deuroient bien auoir œil: car ce seroit obuier à l'euacuation des finances de ce royaume, qui par faulte de ce sont tirées en court de Romme, sans cause, & sans esperance de retourner: qui se montent à somme comme innombrable, qui bien le considereroit & entendroit. En celle mesme année les routiers de guerre, qui lors estoient en Barrois, enuiron deux cens lances, & deux mil Archiers, allerent en Allemagne sur le Rhin, vers Basle, ou ilz feirent moult de maulx. En celle dicte année le Roy feit monter & habiller de neuf ses gens d'armes, qui en auoient bien besoing: car la pluspart estoient nudz, & n'auoient nulz habillemens. En celle année mourut Albert, Duc d'Autriche, Empereur de Romme: lequel, tost apres son election, auoit esté faict Roy de Hongrie, & de Boësmie, mais il ne tint l'Empire qu'enuiron vn an & demy, & mourut en Hongrie, par ce que (comme disoient aucuns) il auoit mangé trop de Pompons: les autres disoient qu'il auoit esté empoisonné. Apres luy fut esleu Empereur Federic, Duc d'Autriche, oncle d'audit Albert. Iceluy Federic au commencement de son Empire fut fort prisé & honoré des Princes de Chrestienté: mais apres qu'on eut congneu sa cupidité & nonchallance, on ne tint plus conte de luy. Audict an monseigneur le Connestable de France, par l'ordonnance du Roy, alla mettre le siege deuant la ville de Meaulx, & la print d'assault, & y eut plusieurs Anglois mortz & prins. Le Marché se tint fort, & fut auitaillé par Talbot, Faulcamberge & Escalles, Anglois: & apres le Roy y enuoya plus grand nombre de gens, & furent fort assailliz les Anglois d'audit Marché, auquel plusieurs s'estoient retraictz, tellement qu'ilz furent contrainctz eux rendre par composition. Apres la prinse d'audit Meaulx le Roy vint à Paris, & ordonna que tous les gens d'armes, qui auoient esté à la prinse de Meaulx, yroient avecques le Cōnestable en Normãdie, pour faire la guerre aux Anglois: & s'en alla le Roy à Angiers pour faire mener des viures à ses gens, & ledict Connestable print son chemin tirant droit à Auranches, & y meit le siege, ou se rendit monseigneur d'Alençon: pendant lequel siege les seigneurs de Lore, de Bucil, & autres de la bende d'audit Duc d'Alençon, prindrent la ville & chasteau de sainte Susanne au pais du Maine, qui est vne forte place: & fut baillée par vn Cheualier Anglois, qui la deliura soubz vmbre d'vne chanson qu'il auoit baillée pour enseigne, & qu'il commença à chanter en faisant le guet: & furent ses compaignons tuez, & prins prisonniers. Quand le Roy fut party de la ville de Paris, & qu'il fut à Orleãs, plusieurs des Princes & Seigneurs de ce royaume, ausquelz les guerres ennuyoient moult, enuoyerent deuers luy grandes Ambassades,

des, le prier qu'il feist appoinctement aux Anglois : lequel feit response qu'à luy ne tenoit point, & qu'il s'en estoit mis en son loyal deuoir, & n'estoit riens que plus il desirast que la paix : & fut conclud que pour ce faire seroit faicte assemblée à saint Omer, si les Anglois y vouloient entendre. Quand les François eurent esté deuant Auran-ches environ trois sepmaines, le Comte d'Orcet & les seigneurs d'Escalles, & de Talbot, firent grande assemblée d'Anglois, & vindrent contr' assieger les François : & par aucunes iournées y eut entre les deux ostz de grandes escarmouches, mais les Anglois trouuerent façon d'entrer dedans Auran-ches : & en y entrant les François leur osterent grand nombre d'Artillerie, viures, & chariorz. Si passerent la riuiere, au pont au Bault, & allerent loger pres le mont saint Michel, sur les greues, en tirant deuers Pontorson.

Du mariage de madame Catherine, fille du Roy, au filz du Duc de Bourgogne.

L'AN mil quatre cens trente neuf, fut traicté le mariage de madame Catherine de France, fille du Roy (laquelle n'auoit que six ou sept ans) & de Charles, seul filz de Philippe, Duc de Bourgogne, Comte de Charolois : & fut madiete Dame honnestement accoustree & menée à Reims par monseigneur le Connestable, monseigneur le Chancelier, le Bastard d'Orléans, & autres grands personages. Auquel lieu se rendirent les Ambassadeurs dudit Duc de Bourgogne, qui la vindrent recevoir, & l'en emmenerent en grandes pompes & honneurs : & fut faict ledict mariage à fin de tousiours entretenir en amour ledict Duc de Bourgogne avec le Roy.

De la Praguerie.

EN celle année le Roy estant à Angiers, pource que les Seigneurs de France se plaignoient des guerres qui duroient trop longuement, & des maulx que faisoient les gens d'armes, qui viuoient sur les champs, sans riens payer, & que lesdictz Seigneurs disoient que ce procedoit par lascheté & pusillanimité du Roy, qui ne reprenoit, ne punissoit point les maulx que faisoient lesdictz gens de guerre, & autres abuz qui se faisoient en ce royaume, le Roy assembla plusieurs desdictz seigneurs, & les gens de son Coseil en ladicte ville d'Angiers pour y donner prouision : & y furent faictes aucunes Ordonnances, & donné aucun ordre : & furent enuoyez lesdictz gens d'armes à viures sur leurs garnisons à moindre nombre de gens & de cheuaulx qu'ilz n'auoient accoustumé au parauant : & cuidoit le Roy que tout fust bien ordonné & appaisé : mais les Ducz de Bourbon & d'Alençon, les Comtes de Vendosme & de Dunois, le seigneur de la Trimouille, Anthoine de Chabanes, Comte de Dampmartin, & autres, firent vn Conseil secret entr'eux, & conspirerent contre le Roy, tendans à fin qu'ilz peussent auoir le gouuernement du royaume. Apres lequel Conseil, le Duc de Bourbon s'en alla en ses pais, & le Duc d'Alençon, s'en alla à Nyort, ou estoit pour lors monseigneur le Daulphin, qui estoit ieune de l'age de seize ans ou environ : auquel il parla, & deit aucunes parolles tresmal sonnantes de la personne du Roy, son pere, disant qu'il se gouvernoit trop legierement à l'appetit d'aucuns, sans vouloir croire le Conseil des Princes & Seigneurs, qui luy pouoient seruir, dont se pouoient ensuyuir de grands inconueniens au royaume : à quoy on ne pouuoit donner remede sans l'ayde de luy : & luy deit plusieurs autres parolles persuasiues, & choses plaisantes à sa volonté, tellement qu'il l'attira de leur party. Et depuis celle heure mondict Seigneur le Daulphin commença à vser d'autorité, & ne se voulut plus gouuerner à l'appetit du Comte de la Marche, qui estoit vn bon seigneur & Prince : & lequel Roy son pere, luy auoit baillé pour soy donner garde de luy, & le conduire en bonnes mœurs & conditions : & luy disoit ledict Duc d'Alençon qu'il estoit dorefnauant grand assez pour soy conduire & gouuerner. Pour laquelle cause ledict Comte de la Marche le laissa & abandonna, & s'en vint deuers le Roy, pour luy en faire remonstrance. Quand le Roy, qui estoit aduertty de la conspiration desdictz seigneurs, sceut qu'ilz auoient attiré avec eux mondict Seigneur le Daulphin, apres qu'il eut ouy parler ledict Comte de la Marche, il fut moult desplaisant : car soubz vmbre de ladicte diuision, l'ordre qu'il auoit mise sur les gens d'armes fut interrôpue, &

*Un Conseil secret que tin-
drēt plusieurs
Princes &
seigneurs de
France, contre
le Roy.*

*Un Daulphin
de France qui
fut persuadé
par les Princes
de soy esleuer
contre le Roy
son pere.*

LES CRONIQ. ET ANNALES DE FRANCE

se partirent des frontieres lesdictz gensd'armes, & prindrent à piller les bonnes gens du plat païs, plus que deuant. Pour obuier à laquelle entreprinse, le Roy promptement assembla grand' armée, & tira vers Poitiers, & mada & escriuit lettres à toutes les citez & bonnes villes, en leur faisant sçauoir qu'il estoit aduertty de la conspiration desdictz Princes, & qu'ilz auoient attiré avecques eux mondict seigneur le Daulphin son filz, en les exhortât qu'ilz ne donnassent ne feissent aucune obeïssance n'entrée à son dict filz, n'audiât Duc de Bourbon, d'Alençon, Comtes de Vendosme, de Dunois, n'autres leurs alliez: & deffendit que nul ne les suyist: mais neantmoins plusieurs allerent deuers mondict seigneur le Daulphin: & par le moyen de Iacquet Picquet (vn des gens de madame de la Roche, laquelle dame estoit logée, par l'ordonnance du Roy en l'Abbaye saint Maixant) qui auoit la garde du chasteau, & moyennant argent qu'ilz luy donnerent, ilz entrerent audiât chasteau, & pillerent les biens d'icelle Dame: mais les habitans & Religieux de ladiête Abbaye, qui estoient plusieurs, tindrent les portaulx & tours de ladiête ville, iusques à ce qu'ilz eussent fait sçauoir ces nouuelles audiât Roy qui estoit à Poitiers: lequel, quand il sçeut ces nouuelles, partit incontinent, & fit telle diligence qu'il arriua ce dict iour à saint Maixant, à sept heures de soir: & estoient en sa compaignie monseigneur Charles d'Anjou, Comte du Maine, le Comte de la Marche, & le Connestable de France, les Seigneurs de Coytiuy, Admiral de France, de Gaucourt, grand Maistre d'hostel, de la Borde, de Bressy, & plusieurs autres, lesquels entrerent premiers en ladiête ville de saint Maixant, dont ledict Iacquet Picquet estoit ia party, & allé à Nyort. Aucuns de ses complices demourerent au chasteau, auquel furent prins, & y en

Des beaux & excellens priuileges que le Roy Charles viij. donna à la ville & Abbaye de s. Maixant en Poitou.

eut xxviij. qui furent executez: les vns descapitez, les autres penduz, & les autres noyez. Pour recognoissance du seruice que lesdictz habitans & Religieux de l'Abbaye de saint Maixant feirent lors au noble Roy, à perpetuelle memoire leur donna de grands, & beaux priuileges, qu'ilz peussent porter fleurs de liz en leur armoirie: c'est à sçauoir, vn escu de gueulles, à vn chef d'azur, & trois fleurs de liz d'or. Et ce fait, le Roy disposa de aller mettre le siege à Nyort, ou estoit mondict seigneur le Daulphin, & lesdictz Seigneurs de son alliance: lesquels de ce aduertis, s'en partirent diligemment, & s'en allerent à Molins en Bourbonnois, ou ilz trouuerent le Duc de Bourbon, qui les receut & entrerint. Le Roy s'en passa par Nyort, ou les habitans luy feirent vraye obeïssance. Dedans ladiête ville fut trouué ledict Iacquet Picquet, qui auoit baillé le chasteau de saint Maixant, & plusieurs de ses complices, tant dudiât saint Maixant, que dudiât Nyort. Lediât Iacquet fut escartelé, & les autres descapitez. Puis apres le Roy combeit bones gardes au places des frontieres desdictz Anglois, & s'en alla tout droict en Bourbonnois: & print son chemin à la Soubzterraine, & à Gueret: & prindrent la ville de Chambon d'assault. Apres alla à Aigue-Perse, Monragu, en Cambraille, à Cussy, & plusieurs autres villes: dont le païs de Bourbonnois fut fort greué & dommagé par les gens du Roy, à la charge & fousse du Duc de Bourbon & de ses subiectz. Mondict Seigneur le Daulphin, & les autres Seigneurs, quand ilz sçurent la venue du Roy, avecques grand nombre de gensd'armes s'en allerent mettre dedans la ville de saint Pourfain: & le Roy s'en alla à Lyon, & Clermont, & dura ceste diuision bien cinq, ou six moys. A la parfin par le moyé du Comte d'Eu, qui estoit nouuellement retourné d'Angleterre, ou il auoit esté longuement prisonnier, & autres bons Princes & Seigneurs, la chose fut moderée & apaisée, tellement que mondict Seigneur le Daulphin vint en France, deuers le Roy son pere, & semblablement les autres Seigneurs qui estoient avec luy: ausquelz conuint à chascun prendre pardon & remission, & mesmemēt audiât Duc de Bourbon, d'Alençon, Comtes, Seigneurs, & Capitaines: & le Roy les receut en sa grace, & fut la chose apaisée. Mondict Seigneur le Daulphin demoura avecques le Roy son pere, & lesdictz Seigneurs s'en allerent chascun en leurs païs: & fut ladiête assemblée appelée, comme dict est, la Praguerie. Et par ce que dict est, on peut congnoistre comment ledict Roy Charles resista sagement & diligemmēt à ladiête entreprinse: car lesdictz Seigneurs auoient de leur party plus largement de gens de guerre, que n'auoit le Roy du sien: mais on dict en commun prouerbe, qu'un seigneur de Paille, vaineq bien vn subiect d'acier. Parquoy les Princes & Seigneurs, qui auroient vouloir de faire aucune entreprinse contre le Roy, y doiuent bien penser deuant que l'entreprendre: veu aussi que par les choses passées, si bien sont reduictes à memoire, on peut veoir, & congnoistre que tousiours est melcheu à ceux qui ont fait aucunes entreprinse sur les Roys & le royaume de France.

Vn seigneur de paille vaineq bien vn subiect d'acier.

Comment

Comment, apres le discord des Princes appaisé, le Roy meit le siege deuant la Charité: & du Scisme qui estoit en l'Eglise pour la Papauté: & comment le Roy se declaira du party d'Eugene.

L'An mil quatre cens quarante, apres ce que le Roy eut appaisé les discordz dessusdictz, il s'en vint mettre le siege deuant la Charité, que tenoit vn Capitaine routier, nommé Pertiner Grasset: lequel par composition meit ladicte ville en l'obeissance dudit Roy, & se redit François. Puis apres le Roy s'en alla à Bourges, & là vindrent deuers luy les Ambassadeurs dudit Pape Eugene, & du Pape Fœlix, Duc de Sauoye: & semblablement y vindrēt messagiers de par le Concile, qui auoit esté à Basle, & dura bien six ou sept ans: en la presence desquelz Ambassadeurs ledict Roy se declaira du party, & vouloit obeir audit Eugene, & non audit Fœlix, nonobstant l'election dudit Concile. Aussi se declairerent semblablement les Roys d'Hespaigne, d'Escosse, & d'Angleterre, & autres de la pluspart de Chrestienté: & soubz couleur de ce furent moult de dissensions en l'Eglise: car les vns obeïssoient à l'un, les autres à l'autre, & se nommoient chascun Pape. Ledit Eugene, s'en alla à Florence, & là se tint: & ledict Fœlix se tint en ses pais de Sauoye, & en fin y demoura Legat. Audit Concile de Basle, fut deffendu que les Princes seculiers, Conseillers, sur peine de malediction ne fussent si hardis de greuer ou soubzmettre gens d'Eglise aux tailles, subsides & collectes communes.

L'an mil ccc. quarante.

Deffense de n'imposer tail les sur les gens d'Eglise.

En celle saison, messire Pierre de Breze, & Floquet, deux Capitaines François, prindrent la ville de Conches sur lesdictz Anglois, & la remparerent: & se logerent dedans huit cens, ou mille François, pour guerroyer & tenir frontiere ausdictz Anglois des places d'environ, comme Eureux, & autres. Semblablement pour tenir frontiere Poton de Xaintrailles, & autres Capitaines, avec huit cens lances, remparerent, & se logerent dedans Louviers: & pour donner ayde & secours, se besoing estoit, le Roy s'en alla à Chartres: & aucun temps apres il s'en partit de Chartres, & alla à Troyes en Champagne, pour corriger, r'adresser, & donner ordre à plusieurs Capitaines, & routiers de guerre, qui auoient grand nombre de gens, & tenoient plusieurs forteresses, & faisoient tous les maulx du monde sur les champs: desquelz Capitaines le Roy desapointa plusieurs, qui faisoient de grâdes pilleries. Le Bastard de Bourbon deit aucunes parolles contre l'autorité & préeminence du Roy, comme de ce il fut deuement informé: si trouua façon le Roy de le faire prendre, & le fait noyer à Bar sur Aube: & ce fait, le Roy ordonna que deslors en auant n'auroit que certain nombre de Capitaines & gens de guerre: c'est à sçauoir seize cens lances: & fut aduisé de faire asseoir & mettre sus par le royaume certaines tailles pour leur soulde & payement, à fin qu'ilz peussent payer leurs despens, sans viure, ne piller sur le peuple, ne faire griefz aux pauvres gens: & sur ce furent faictes de moult belles ordonnances par escript, qui sont mal gardées. Et combien que le Roy eust fait lesdictes Ordonnances, de bon zele, & cuidant bien faire (aussi faisoit il, se la chose se fust entretenue, ainsi qu'ilz l'entretenoient de son tēps) routesfois depuis elle est tirée en mauuaise consequence: car soubz vmbre de mettre sus ledict payement & ordonnance, par chascun an, on a tousiours augmenté & accumulé somme sus autre, à volonté: dont le peuple est fort oppressé, & greué, & si n'en payent leurs gens de guerre, au moins la pluspart d'eux, non plus qu'ilz faisoient auant que ladicte Ordonnance fust faicte.

Le Bastard de Bourbon fut noyé à Bar sur Aube, pour aucunes parolles qu'il auoit dictes.

De la deliurance de monseigneur Charles, Duc d'Orleans.

En celle année monseigneur Charles, Duc d'Orleans, qui auoit esté prisonnier en Angleterre l'espace de vingt cinq ans, depuis la iournée d'Azincourt, qui fut l'an mil quatre cens & quinze, fut deliuré par rançon, qui luy auoit bien cousté quatre cens mil escus: & fut cause de sa deliurance le Duc de Bourgongne, moyennant le mariage de madame Marie, fille du Duc de Cleues, niepce dudit Duc de Bourgongne, que ledict Duc d'Orleans espousa en la ville de saint Omer: & par ce moyen furent lesdictz Ducz faictz amys, & porterent robes & enseignes de liurées pareilles, en signe d'alliance.

En celle mesme année messire Gilles de Bretagne, Cheualier, Seigneur de Raiz,
Second volume. R R

LES CRONIQ. ET ANNALES DE FRANCE

Messire Gilles de Bretagne, seigneur de Rais, fut condamné à estre bruslé.

Mareschal de France, fut prins prisonnier, & son proces fait à Nantes de par le Duc, present l'Inquisiteur de la Foy : & fut condamné à estre bruslé publiquement en la presence dudit Duc, par ce qu'il fut attainct & coupable d'aucuns cas contre la Foy, & qu'il auoit fait mourir plusieurs femmes grosses, pour icelles faire deliurer de leurs enfans, & faire escrire aucuns liures de sortilege, & fait autres maulx execrables & infames, qui ne sont à descrire. Au moys de Feurier audict an, septiesme ou huitiesme iour, les Anglois de la garnison de Mante vindrent courir iusques à Paris & faulxbourgs de la porte saint Jacques, & prindrent en chemin, & par les villages, plusieurs prisonniers, bestes, & biens, & se meirent à chemin pour eux en retourner. Monseigneur le Connestable, qui lors estoit à Paris, enuoya hastiuement apres eux, de l'autre costé de la riuiere de Seine, messire Gilles de saint Simon, messire Jehan de Maestret, Geoffroy de Couran, & autres vaillans hommes, iusques à quatre vingtz ou cent, & allerent passer la riuiere au pont saint Clou pour deuancer lesdictz Anglois, & les trouueret, & sans marchander frapperent dessus, & les meirent en desarroy, & les desconfirent, & y en eut grand nombre de mortz, & plusieurs prisonniers, & rescouirent les prisonniers, bestes & biens, qu'ilz auoient prins, & s'en retournerent à Paris.

De Harfieu & Monstieruillier, qui furent prins par les Anglois.

En ce temps les Anglois meirent le siege deuant Harfieu, que les François tenoient, & là se fortifierent de fossez & pieux, & y furent bien sept moys. Le Roy feit vne armée qu'il bailla à conduire au Bastard d'Orleans, & la Hire pour aller secourir ceux de ladicte ville : mais ilz n'y peurent entrer : si fut fait appoinctement qu'icelle ville, & ausi la ville de Monstieruillier seroient rendues ausdictz Anglois : qui depuis fortifierent ausi vne place des enuiron, nommée Granduille ou Grauille.

Des sieges de Creil, & de Pontoise.

L'an mil cccc. xli.

L'An mil quatre cens quarante & vn, apres ce que le Roy eut esté en Champagne, & mis ordre au fait des gens d'armes, telle que possible luy estoit, il s'en retourna & passa par Laon : & là vint deuers luy la Duchesse de Bourgogne, à laquelle feit bailler la ville de Marle, ou auoit des gens du Comte de saint Paul, qui faisoient moult de maulx. Item vindrent deuers luy le Comte de saint Paul, & la Comtesse de Ligny : lesquelz luy feirēt hommage de toutes leurs terres, & promeirent faire cesser les pilleries qui se faisoient en leurs terres : & fut abbatu le chastel de Montagu, qui auoit esté cause de faire moult de maulx. Puis s'en vint le Roy à Senlis, & à saint Denis, avec son ost : & enuoya le seigneur de Coigny, Admiral de France, la Hire, & autres Capitaines, avec gens d'armes, & Artillerie, pour mettre le siege deuant la ville & chastel de Creil, du costé de Beauuoisin : & apres enuoya le Seigneur de Ialongnes, & Ioachim Rouault, & Poton de Xaintrailles, avec gens d'armes & artillerie, pour mettre le siege deuant les ville & chastel, de l'autre costé : & ainsi furent enclos de toutes pars. Puis alla le Roy audict siege en personne, & en la compagnie monseigneur le Daulphin, son filz, Charles d'Aniou, Cōte du Maine, monseigneur le Connestable, le Comte de la Marche, & autre grande Cheualerie : & quand ilz eurent esté là par aucuns iours, messire Guillaume Porto, Cheualier Anglois, feit cōposition de rendre ladicte ville & chastel : & s'en alla luy & ses gens, leurs bagues sauues. Puis s'en vint le Roy à saint Denis. Tantost apres le Roy s'en partit de saint Denis accompagné des dessusdictz Seigneurs, & s'en alla loger en l'abbaye de Maubuisson pres Pontoise : & partie de ses gens allerent loger en plusieurs masures, qui estoient pres du pont, & de la prairie dudit Pontoise, ou souloient estre les faulxbourgs : & là trouuerent embuschez bien douze cens Anglois : lesquelz incontinent sortirent, & allerēt courir deuant ladicte Abbaye faisant merueilleux criz, & là eut grande escarmouche : mais iceux Anglois furent reboutez, & leur conuint eux retirer dedās ladicte ville, & les chasserent les François iusques au pont leuis, & y en eut plusieurs mortz & prins. La nuit ensuyuant les François se logerent deuant le Bouleuert, le long de la prairie & de la riuiere, & se fortifierēt & feirent grands fossez, & assortirent Canons, & Bombardes. Pour la conduicte de l'artillerie estoit messire Jehan Bureau, Thresorier de France, & maitre de ladicte artillerie, qui faisoit de grandes diligences : & là furent menez de Paris grand nombre de batteaux, sur lesquelz fut fait vn pont, pour passer au trauers de la riuiere d'Ayse, à l'endroit de l'Abbaye saint Martin, & fut ledict pont fortifié de chascun costé de la riuiere, de grands fossez & pieux : & passerent oultre ledict pont l'Amiral, le

La ville & chasteau de Creil fut reconuerte sur les Anglois, par le Roy Charles viij.

seigneur


seigneur de Ialongnes (qui durant ledict siege fut fait Marechal) Ioachim Rouault, & autres Capitaines, qui se logerent en ladicte Abbaye saint Martin : laquelle ilz fortifierent de grands fossez, iusques au bout dudiect pont, & asirent plusieurs Bombardes & Canons. Dedans ladicte ville estoit Capitaine messire Guillaume le Chambellan & messire Guillaume Poitou, * avec plusieurs Anglois. Tantost apres vint le seigneur de Talbot, avec bien cinq ou six mille combatans, soy presenter deuant ladicte Abbaye de saint Martin : mais il ne l'assaillit point, & fait passer & mener en ladicte ville, par la porte d'enault grande quantite de viures. Puis s'en retourna à Mante : & en passant pilla l'abbaye de Poissy : & laissa en ladicte ville de Pontoise le seigneur d'Escalles, avec bien douze cens combatans. Iceluy siege dura bien dix sepmaines : & alloit aucunes fois le Roy à saint Denis, autresfois à Conflans, autresfois à Poissy : mais tousiours retournoit en l'Abbaye de Maubuysson : & chascun iour alloit veoir ledict siege, & donnoit courage à ses gens. Ceux de la Bastille & Abbaye saint Martin auoient grande faulte de viures : parquoy messire Ambrois, seigneur de Lore, Preuost de Paris, vint à Paris, & fait equiper & aitailler aucuns batteaux, & les mena par la riuere de Seine, & puis contremont la riuere d'Ayse, iusques audiect Pontoise, à la veue desdictz Anglois, & passa & monta iusques à ladicte Abbaye, sans ce qu'ilz luy feissent greuance, combien qu'ilz luy feirent forte guerre. Icelle ville, durant ledict siege, fut par les Anglois aitaillée & renforcée de garnison par cinq fois, par le seigneur de Talbot, & autres Capitaines Anglois : & en l'une desdictes fois vint en personne le Duc d'Yort, qui estoit nouvellement venu d'Angleterre, & se disoit Regent en France, pour le Roy d'Angleterre, & osta les Anglois qui estoient de la garnison de ladicte ville, & y en meit & laissa d'autres : & mesmemēt y laissa le seigneur de Clipton, messire Nicole Bourdet, & Henry Scandis, avec cinq cens hommes : & faisoient iceluy Duc d'Yort, & le seigneur de Talbot de grandes diligences, pour secourir & aitailler ceux de ladicte ville de Pontoise. Quand le Roy & ceux de sa compagnie veirent les grandes approches & bateries faites pres des murailles de ladicte ville, tant deçà que de là riuere, le seiziesme iour dudiect mois de Septembre, fait assaillir l'Eglise nostre Dame de Pontoise, es faulxbourgs, que les Anglois auoient fortifiées : & y auoit dedans quarante Anglois, qui leur auoient fait beaucoup de mal : & entrerent les François dedans, & y eut vingt quatre desdictz Anglois tuez, & les autres prins : & le dixneuuesme iour d'iceluy mois, fait le Roy assaillir ladicte ville de toutes pars : & fut l'assault grand & merueilleux, tant du costé de la riuere, que du costé de Veuxin. Les Anglois se defendirent à merueilles vaillamment en plusieurs lieux : mais neantmoins icelle ville fut prise d'assault, & y eut bien cinq cens hommes Anglois tuez, & les autres prisonniers : & entre autres fut prisonnier ledict sire de Clipton. Le seigneur de Ialongnes, comme dict est, fut fait Marechal de France, durant ce siege, & y furent là faitz plusieurs Cheualiers. Les Comtes de saint Paul, de Vaudemont, & de Louigny, furent aucune espace de temps durant ledict siege avec le Roy, & s'y porterent vaillamment : mais du congé du Roy ilz s'en estoient allez auant ledict assault. Apres la prise de ladicte ville, le Roy, monseigneur le Dauphin, son filz, & les autres Princes & Seigneurs, s'en vindrent à Paris, ou ilz furent receuz à grande ioye. En ladicte ville de Paris, monseigneur Charles d'Aniou, frere de la Roine, fait hommage au Roy, de la Comté du Maine, & autres terres que le Roy René de Cecille, Duc d'Aniou, son aîné frere luy auoit baillées pour son partage.

* ou Porto.

Talbot pilla l'Abbaye de Poissy.

La ville de Pontoise fut par cinq fois aitaillée par les Anglois.

De la prise de Beaumont le Rogier, & Beaumesnil : & de la desconfiture d'Anglois.



D V R A N T iceluy temps, les François de la garnison de Côches, dont auoit la charge messire Pierre de Bresse, & Floquet, prindrent d'assault sur les Anglois Beaumont le Rogier, & furent tous les Anglois qui estoient dedās mortz ou prins : puis allerent deuant Beaumesnil, en Normandie, & meirent le siege : mais quand les Anglois veirent les Bombardes & Canons, qui estoient affutez, ilz rendirent la place par composition. En ce mesme temps les Anglois des garnisons du Mans, de Fresnay, du Maine la lueze, & autres de leur party, s'assemblerent iusques à quatre cens, & allerent courir deuant saint Denis, en Aniou, & se logerent au bourg, & prindrent d'assault le Monstier, auquel les habitans s'estoient retraictz, & en tuerent plusieurs : & ce venu à la congnoissance des François des garnisons de Sablé, Laual, &

LES CRONIQ. ET ANNALES DE FRANCE.

saincte Susanne, s'assemblerent soixante ou quatre vingtz hommes, & allerent audict lieu de saint Denis, ou ilz arriuerent tantost apres la prinse dudit monstier, & trouverent lesdictz Anglois prestz de monter à cheual, pour eux en aller, & y en auoit plusieurs deuant ledict monstier: & d'arriuee lesdictz François se meirent à pied, & assaillirent iceux Anglois, & là fut vaillamment combatus: mais en la fin lesdictz Anglois furent desconfitz, & y en eut pres de trois cens de mortz, & plusieurs prisonniers: les autres s'enfuirent à pied ou ilz peurent, & des François n'y mourut que cinq ou six hommes, & gagnerent iceux François plusieurs biens, & rescouirent tous les prisonniers qu'auoient prins iceux Anglois.

De la prinse d'Eureux, par Floquet.



V moys de Septembre audict an, durant le siege de Pontoise, messire Jehā Floquet, Cheualier, Capitaine François, natif de Normandie, eut entreprinse & intelligence auecques vn pescheur de la ville d'Eureux, qui luy feit vn pertuis en la muraille: par lequel, dedās des batteaux, ledict Floquet & ses gens y entrerēt de nuit. Quand ilz furēt dedans la ville, les Anglois en ouyrent le bruiēt, & s'armerent hastiuement, & s'assemblerent partie en la grād' rue, les autres en la halle de ladicte ville. Les François allerent à eux, & les assaillirēt & meirent en fuite, & y en eut plusieurs mortz, & prins. Aucuns renongerent leurs cheualx subtilement, & s'enfuirent par vne des portes, & s'en allerent à Vernon, & autres lieux qui tenoient pour eux. Enuiron ce temps furent plusieurs prisonniers Anglois, qui auoient esté prins à l'assault de Pontoise, menez en vne forteresse, nommée Coruille, pres Chartres: pour la deliurance desquelz en fut enuoyé vn auecques saufconduit, pour finer la rançon des autres: lequel s'en alla pour faire ses diligences, & deit à vn Capitaine nommé François l'Arragonnois, qui tenoit le party desdictz Anglois, que ladicte place estoit mal fortifiée, & mal gardée. Si feit ledict Arragonnois entreprinse pour y aller: & vn iout s'alla embuscher aupres: puis enuoya quatre de ses gens, vestus de iacquettes blanches, dont l'un portoit des poys, l'autre des nauerz, & autres choses dedans des sacz: lesquelz entrerent dedans ladicte place, & ne trouuerent nul qui leur demandast riens, n'ou ilz alloient (car ceux de la garnison estoient allez les vns dehors la place, & les autres estoient encores couchez en leurs listz) si allerent lesdictz quatre hommes iusques en la chambre du Capitaine, & le prindrent au list: & puis ledict Arragonnois, & ceux de ladicte embusche, entrerent dedans ladicte place, & prindrent le Capitaine, & le seigneur, & tous ceux qui y estoient, lesquelz ilz emmenerent à Rouen: & par ce moyen furent deliurez tous lesdictz prisonniers Anglois, qui estoient en ladicte place. En celle année, le iour de la Purification nostre Dame, mourut madame Marguerite de Bourgogne, fille du Duc de Bourgogne, qui auoit premierement esté femme de monseigneur Loys de France, Duc de Guyenne, & Daulphin de Viennois, aîné filz du Roy Charles, sixiesme, & lors estoit femme de monseigneur le Comte de Richemont Connestable de France, & fut enterrée en l'Eglise des Carmes, à Paris. En ce tēps le Roy s'en partit de Paris, & en sa compagnie estoit monseigneur le Daulphin, & grand nombre de Princes & Seigneurs, & s'en alla à Saumur: & là vint deuers luy les Ambassadeurs du Duc de Bretagne, & fut donné ordre pour oster les pilleries que faisoient les gens d'armes, es païs de Poitou, Aniou, & Xaintonge, dont ledict Duc se plaingnoit. Apres s'en alla à Poitiers, & de là à Xaintes, & appoincta auec le seigneur de Pons, qui vint deuers luy, de certaines places qu'il tenoit, appartenantes au Roy: & puis enuoya ses gens deuant Taillebourg, qui entrerent dedans par force: & feit faire execution de ceux qui estoient, pour les grands maulx & pilleries qu'ilz auoient faitz au parauant.

subtilité militaire, faite par vn nommé François l'Arragonnois.

Du voyage de Tartas, en Gasconne: & de plusieurs autres choses.

L'an mil cccc. quarante & deux.



Du siege que les Anglois meirent de-

N l'an mil quatre cens quarante deux, le Roy alla à Lymoges, & là tint haulte feste, & estoit en sa compagnie monseigneur le Daulphin, son filz, les Ducz de Lorraine, d'Orleans, & la Duchesse sa femme, le Comte du Maine, & plusieurs autres Princes: & là eut nouvelles que les Anglois auoient mis le siege deuant la ville de Tartas, en Gasconne, qui est assise es lames sur la riuere, entre saint Seuer & Bayonne: laquelle ville appartenoit à monseigneur d'Albret, & sceut que les gens dudit seigneur d'Albret, s'estoient vaillamment deffendus

deffendus : mais par faulte de viures & de secours ilz auoient fait appointement aux Anglois, que si dedans la feste saint Iehan ensuyuant ilz n'estoient secourus, & ledictz Anglois combatus, ilz bailleroient ladicte place : & de ce baillerent ostages le Capitaine d'Albret, filz aîné dudit seigneur d'Albret, & autres : & fut ladicte ville mise en main neutre, & baillée à vn Cheualier, demourant pres d'icelle ville, qui estoit homme de bõne representation, nommé le Sire de Cosuac. Lesquelz de Tartas feirēt sçauoir au Roy ledict appointement, lequel se delibera de les aller secourir : & pour ce faire manda assembler grand' armée, & pour s'approcher alla à Thoulouze : & quād son armée fut preste, il se mit à chemin, & en sa cõpaignie son filz le Daulphin, & plusieurs autres seigneurs & Princes : & allerent deuant ladicte ville de Tartas, prestz & deliberez de combattre les Anglois : lesquelz n'y vindrent pas : & par ce fut ladicte ville & ostages deliurez, & mis en main du Roy, comme suffisamment acquitez de leur promesse. De la ville de Tartas le Roy s'en partit, & alla mettre le siege deuant la ville de saint Seuer, dont estoit Capitaine messire Thomas Ramescon : laquelle il print d'assault, & y eut quatre cens Anglois tuez, & plusieurs des habitans de ladicte ville : laquelle fut pillée, & ledict Capitaine prins prisonnier. Apres alla deuant la cité de Dacz, & apres qu'elle eust esté assiegée par l'espace de dix sepmaines, mondiēt seigneur le Daulphin y fait donner l'assault, & luy fut renduë par composition : & se rendirent plusieurs places des enuiron, audict païs de Gascongne en l'obeissance du Roy : deuers lequel vindrent eux rendre les Sires de la Mothe, & de Roquetaillade. En retournant le Roy fait assieger la ville de la Reolle, sur Gironde, qui est sept lieues au dessus de Bourdeaux, & fut prinse d'assault : & s'en alla le Roy à Thoulouze, & passa par Agen, ou son luy fait obeissance. Tantost apres le partement du Roy, les Anglois & habitans de la ville de Bayonne reprindrent ladicte ville de saint Seuer, sur les gens du Roy : mais elle fut tost recouuerte pour le Roy, par le Cõte de Foix. En ce temps fut fait Admiral * de France, le Seigneur de Coytiuy, qui estoit vaillant Cheualier : & lors retourna en France René, Roy de Cecille, qui estoit au royaume de Naples, par ce que ledict royaume auoit esté conquis sur luy, par le Roy Alphonse, d'Arragon. En celle année aussi Flocquet, Bailly & Capitaine d'Eureux, rencontra vne compaignie d'Anglois, entre Eureux & le Neuf-bourg : & combien qu'il fust beaucoup moindre de compaignie que les Anglois : toutesfois il les assailit, & en tua bien trois cens. Le Comte de Dunois alla mettre le siege deuant Galardon, pres Chartres, le seigneur de Talbot vint à grande compaignie, pour leuer ledict siege : & voyant ledict Comte la grande puissance dudit Talbot, & qu'il n'estoit pas pour resister, se leua de sondict siege : parquoy ledict Talbot s'en retourna : & quand ledict Comte sceut qu'il fut party, il y retourna, & print ladicte ville, & le chastel d'assault, & les fait demolir. En celle dicte année, le Seigneur d'Estouteuille, Capitaine du môt saint Michel, print Grauille, sur le Bastard d'Escalles, Anglois. Audict an mil cccc. xliij. trespassa Iehan Duc de Bretagne, filz du feu Duc Iehan, que les Bretons nommoient le vaillant : & auoit regné xliij. ans, & luy succeda audict Duché, François, son aîné filz, qui regna huit ans ou enuiron : lequel auant qu'il fust Duc espousa Yolant, fille de Loys ij. Roy de Cecille, Duc d'Anjou : laquelle mourut sans enfans : & apres espousa Ysabeau, fille du Roy d'Escosse, & d'elle eut deux filles, dont l'une fut nommée Marguerite, & fut mariée à François, Duc de Bretagne, qui estoit filz de Richard, Comte d'Estampes, frere dudit Duc Iehan dernier : mais il y eut deux autres Ducz qui furent deuant ce François second : c'est à sçauoir Pierre, frere de François premier, & Artus, Connestable de France, son oncle, qui n'auoient nulz enfans. L'autre fille, nommée Marie, fut mariée à Iehan, Vicomte de Rohan : & ladicte Marguerite Duchesse eut dudit François vn filz, qui mourut ieune & deux filles. La puînée, nommée Marguerite, mourut ieune, & l'aînée, nommée Anne, fut mariée au Roy nostre sire, Charles huietieme de ce nõ : & depuis fut mariée au Roy Loys douxieme de ce nom.

* Si est-ce que cy deuant il le nomme desia Admiral.

L'an mil cccc. xliij.

De François pere de Anne, deux fois Roïne de France.

Prinse de la Bastille de Dieppe, par monseigneur le Daulphin.



Nuiron la feste de Toussainctz, audict an mil quatre cēs quarāte deux, le Seigneur de Talbot se partit de Caudebec, avec grande compaignie d'Anglois, & d'Artillerie pour aller mettre le siege deuant la ville de Dieppe, qui tenoit pour le Roy, & en estoit Capitaine vn vaillant Escuyer, nommé Charles des

LES CRONIQ. ET ANNALES DE FRANCE

*Du siege que
le Capitaine
Talbot met
deuant la vil-
le de Dieppe.*

*L'an milccc.
xliij.*

*Prinse de la
Bastille des
Anglois, pres*

Marertz : & en y allant enuoya son auant-garde deuant le chastel de Charlefménil, que tenoient les François qui luy fut baillé par composition : car ceux de dedans n'estoient pas puissans pour tenir. De là ledict Talbot s'en alla à Arques, qui tenoit son party : puis s'en alla loger deuant ladicte ville de Dieppe : & sur vne montaigne, qui est deuant le haure de la mer d'icelle ville, appelée la montaigne du Poller, fait faire & dresser vne moult forte & grande Bastille, & à l'entour fait faire vn pate, fortifié de fossez & palliz : & dedans ladicte Bastille meirent bien deux cens Canons, & quatre Bôbardes : & deslors començerent à tirer, & batirét fort les murs & maisons de ladicte ville, & vne belle grosse Tour, qui estoit sur le haure. Aucú temps apres, pource qu'il y auoit trop peu de gens dedans ladicte ville, monseigneur de Dunois y alla, avec huit cens ou mil cheualx, & entra en ladicte ville : & quand Talbot le sceut il partit de ladicte Bastille, & y laissa ses Lieutenans, messire Guillaume Pate, messire Jehā de Rupelay, & le Bastard dudiect Talbot, avec six cés Anglois, & faisoient chascú iour de grandes escarmouches. Trois iours apres le partemēt dudiect Talbot, ledict Comte de Dunois s'en partit, & laissa en ladicte ville avec ceux qui y estoient, Artus de Longueuille, Thomas Droin, & biē huit vingz combatans, avec force viures. Semblablement Guillaume de Coytiuy, frere de l'Admiral, descendit avec plusieurs nauires de Bretagne, & mena en ladicte ville grande foison de bledz, vins, chairs sallées, poix, feues, & autres viures necessaires, & aussi grand force de traict, de pouldre, & autres munitions : dont ceux de ladicte ville furent grandement reconfortez. Aussi apres, au moys de Mars, le Roy y enuoya vn Escuyer de Bretagne, nommé Tudoal Carmoisien, deit le Bourgeois : lequel fut fait Bailly de Troyes, & le fait son Lieutenant en ladicte ville, avec luy Guillaume de Ricaruille, son pannetier, avec cent combatans. Apres la saison de Pasques ensuyuant, mil quatre cens quarante & trois, le Roy estant à Poitiers, monseigneur le Daulphin son filz, ayant desir de soy faire valoir, & d'acquérir los & bruit, supplia au Roy son pere que son plaisir fust luy bailler gens, & donner congé d'aller secourir ceux de ladicte ville de Dieppe, & leuer ledict siege : dont le Roy fut content, & le fait son Lieutenant general, & Gouverneur d'entre les riuieres de Seine, & de Somme : & luy bailla en sa compaignie le Comte de Dunois, & l'Euesque d'Auignon, pour le conduire, & plusieurs Capitaines & gens de guerre : lesquelz s'en vindrent droit à Paris, en faisant tousiours assemblée de gens. Puis passerent oultre : & en y allant, le long de ladicte riuere de Somme, se renderent à luy le Comte de saint Paul, le Damoyseau de Commercy, les Seigneurs de Gaucourt, de Chastillon, & plusieurs autres, & tellement qu'il auoit bien trois mil combatans : & s'en alla mondiect seigneur le Daulphin à Abbeuille, & là manda & fait venir deuers luy ledict Tudoal, diect le Bourgeois, qui estoit Lieutenant du Roy, en la ville de Dieppe, pour scauoir de la contenance des Anglois, & aduiser qu'il seroit à faire. Quand mondiect seigneur le Daulphin, & les Seigneurs & Capitaines de sa compaignie l'eurent ouy parler, ilz conclurent qu'ilz passeroient oultre : si feirent aller ledict Tudoal, avec trois cens combatans, deuant ladicte Bastille des Anglois, pour garder qu'aucuns viures n'y entraissent : & le Dimenche deuant la my-Aoust, mondiect seigneur le Daulphin, & les Seigneurs & Capitaines de sa compaignie, allerent en ladicte ville de Dieppe : & quand les gens furent rafreschiz, enuiron cinq heures du vespere, il enuoya cinq ou six cens hommes des Pietons armez, & les fait aller coucher deuant ladicte Bastille des Anglois, & fait icelle nuit tres-fort temps, & saillirent ladicte nuit les Anglois deux fois sur eux : mais ilz furent reboutez tref-aprement. Le Lundy matin mondiect seigneur le Daulphin, lesdictz Princes, Seigneurs & Capitaines, avec leurs gens, saillirent de ladicte ville, & allerent loger deuant ladicte Bastille, & se tindrent insques au Mecredy, veille de nostre Dame : auquel iour, enuiron huit heures du matin, mondiect seigneur le Daulphin fait sonner trompettes & clerons, pour donner l'assault à ladicte Bastille : & furent amenez six pontz de boys, qui auoient esté faitz en ladicte ville, & portoient sur rouës, avec deux ou trois gruës, pour trauerfer les fossez : & adonc se commença tref-cruel assault : & par le moyen desdictz pontz lesdictz François trauerferent les fossez, & vindrent ioindre à ladicte Bastille, ou les Anglois se deffendirent vaillamment, & tuerent bien quatre xx. ou cent François, & en blecerent plusieurs : parquoy les François furent fort reculez. Lors monseigneur le Daulphin s'approcha, pour donner courage à ses gens, & les enhardit tellement, qu'ilz y allerent de si grand courage qu'ilz prindrent ladicte Bastille d'assault : & y fut mondiect seigneur le Daulphin, insques à combatre

batre lesdictz Anglois main à main, comme vn simple homme d'armes: & y eut bien trois cens Anglois mortz, & plusieurs prisonniers: & entre autres furent prisonniers lesdictz messire Guillaume de Poitou, * Capitaine de ladicte Bastille, messire Jehan de Rupellay, le Bastard Talbot, & autres: & tous ceux de la langue Françoisse, qui estoient dedās, furent pendus, avec certains Anglois, qui auoient iniurié monseigneur le Daulphin, parauant ledict assaut. Apres ladicte prinse, mondict seigneur le Daulphin feit du tout demolir ladicte Bastille, & se retira en ladicte ville: de laquelle aucuns iours depuis, apres y auoir donné ordre, il s'en partit, & laissa dedans ledict Capitaine Charles des Maretz, avec suffisante garnison, pour la garde & deffense d'icelle ville. Pour recongnissance & remuneration de la bonne & grande loyauté des habitans d'icelle ville, mondict seigneur le Daulphin leur feit plusieurs graces & priuileges: lesquels furent confermez par le Roy, son pere. Audict assaut furent faitz plusieurs Cheualiers, le Comte de saint Paul, Hector, filz du Seigneur d'Estouteuille, Charles & Regnault de Flaury, & plusieurs autres. Tantost apres descēdit en France le Côte de Sombreſſer, Anglois, avec bien huit mil combatans: & alla mettre le siege deuant la ville de la Guierche, qui luy fut baillée par composition. Puis alla deuant Ponence, & y fut bien deux moys, sans mettre le siege, n'assaillir: & apres s'en retourna en Normandie.

*Dieppe, par le Daulphin de France.
* En la page precedente, dict Pate.*

Comment le Roy enuoya saisir en ses mains les pais d' Armignac:

AV D I C T an mil quatre cens quarante trois, mourut la vieille Comtesse de Comminge, en l'age de quatre vingtz ans, laquelle auoit fait le Roy son hæritiër de ladicte Comté, s'il aduenoit que sa fille n'eust point d'enfant, comme il aduint: mais ce neantmoins le Comte d'Armignac, qui long temps l'auoit tenuë prisonniere, s'empara d'icelle Comté, & print toutes les places pour les vouloir appliquer à luy: dont le Roy ne fut pas content. Aussi n'estoit pas le Roy content de ce que ledict Comte d'Armignac s'intituloit en ses tiltres & lettres, par la grace de Dieu Comte d'Armignac, comme s'il n'eust point esté subiect du Roy, & du royaume, & luy auoit fait faire deffense de non le faire. Semblablement fut ledict Roy aduertý, que ledict Comte d'Armignac auoit voulu faire alliãce avec le Roy d'Angleterre, & traicter le mariage de sa fille avecques ledict Roy, s'as le sceu, vouloir, ne congé du Roy de France, son souuerain Seigneur, & desia auoit attiré à luy vn vaillant Capitaine Hespaignol, nommé messire Jehan de Sallezart, & plusieurs gens de guerre de sa compagnie, qui estoient au seruice du Roy, & les auoit mis en ses places du pais de Rouergue, ou il estoient bien six cens lances, qui faisoient tous les maux que son pouoit dire au subiectz du Roy. Pour lesquelles causes le Roy eut conseil: & apres deuë sommation faicte audict Comte, il aduisa d'enuoyer audict pais d'Armignac: si fait assēbler grand' armée pour y enuoyer, & en bailla la charge à monseigneur le Daulphin, son filz: & pour le cōduire luy bailla plusieurs vaillans Capitaines. Si se meit à chemin, & alla audict pais d'Armignac, de Roddez, & de Cōminge, & luy furent les places mises en ses mains, à petite resistance: & feirent practiquer en facon que ledict de Sallezart & ses gens abandonerent ledict Comte d'Armignac: lequel se retrahit à l'Isle Jourdain, vn fort chasteau de sa Cōté, ou mondict seigneur le Daulphin alla, & dedans print ledict Comte, sa femme, son filz puisné, & ses deux filles: lesquels il enuoya prisonniers en la cité de Carcassonne, en Lāguedoc: mais son filz aîné Jehan, Comte de Lomaigne, se retira au royaume de Nauarre, ou ledict Comte auoit aucunes terres, & par ce moyen mondict seigneur le Daulphin eut tout le pais en ses mains, reserues les places de Seuerac, & Capdenat. Parquoy il laissa iceluy pais à gouuerner à messire Theaulde de Valpane, Bailly de Lyon, & s'ent vint à Thoulouze, & de là enuoya mettre le siege deuant lesdictes places de Seuerac, & Capdenat, que tenoit le Bastard d'Armignac, & furent prinſes par composition faicte avec ledict Bastard: & ce fait, mondict seigneur le Daulphin s'en retourna vers le Roy, son pere, qui estoit à Tours.

La Comté d'Armignac fut mise en la puissance du Daulphin de France.

Des trefues prinſes entre les Roys de France & d'Angleterre: & comment monseigneur le Daulphin conduisit les gens d'armes en Allemaigne.

L'An mil quatre cens quarante quatre, apres la feste de Pasques, à la fin du moys d'Auril, le Comte de Suffort, & le Seigneur de Roz Anglois, vindrent deuers

L'an mil cccc. xliij.

LES CRONICQ. ET ANNALES DE FRANCE.

le Roy en sa ville de Tours , de par le Roy d'Angleterre, leur maistre, pour trouuer moyen de traicter paix : & furent les matieres debatues , mais elles ne prindrent point de conclusion : & si furent prinſes trefues, ſoubz eſperance d'appoinctement, entre leſdictz deux Roys & royaumes, iuſques à dixhuiſt moys enſuyuât : & là fut pourparlé & oſtroyé le mariage dudiſt Roy Henry d'Angleterre, avec madame Marguerite d'Aniou, niepce de la Roynes de France, & fille du Roy René de Cecille, Duc d'Aniou, & furent faites leurs fianſailles par parolles de futur, avec leſdictz Ambaſſadeurs, ayans de ce pouoir : & ce fait, s'en retournerent en Angleterre.

Après leſdictes trefues accordées, lediſt René, Roy de Cecille, frere de la Roynes de France, requiſt au Roy qu'il luy vouliſt faire ayde, pour mettre en ſon obeïſſance la cité de Metz, & autres villes, qui eſtoient de l'ancien domaine de ſa Duché de Lorraine, leſquelles ne luy vouloient obeir : & à ſa requeſte le Roy, accompaigné dudiſt Roy de Cecille, de monſeigneur le Daulphin, des Comtes du Maine, de Dunois, de Boulongne, & de pluſieurs autres grands Princes, Seigneurs, Barons, Cheualiers, & grand nombre de genſd'armes, ſe mit à chemin pour aller audiſt païs de Lorraine, & arriva à Nancy, au moys de Septembre : & enuoya ſommer ceux de ladiſte cité de Metz, d'eux mettre en l'obeïſſance du Roy de Cecille. Et pource qu'ilz ſe monſtroient rebelles, & qu'ilz diſoient qu'ilz n'eſtoient en riens ſubieſtz audiſt Roy de Cecille, Duc de Lorraine, & que des le temps de Godefroy de Billon, qui en eſtoit Duc, ilz s'eſtoient acheptez, & mis hors de la ſeruitude dudiſt Duché, le Roy feit aſſieger ladiſte cité, & y tint le ſiege plus de cinq moys : & furent ceux de ladiſte cité fort preſſez. Si enuoyèrent deuers le Roy, & trouuerent façon, par le moyen de meſſire Pierre de Breſſe Cheualier, Seigneur de Manny, qui lors fort gouernoit le Roy, de faire compoſition au Roy, moyennant certain grand nombre de vaiſſelle d'argent doré, & de deux cens mil eſcus d'or qu'ilz payerent au Roy, pour le deffroy de ſon armée. Si ſe leua lediſt ſiege, & demourèrent leſdictz de Metz, ſans riens innouer de leurs franchises : & ne fut pas le debat & diſcord dudiſt Roy de Cecille, & de ceux de ladiſte cité, du tout déterminé pour celle heure : mais par lediſt appoinctemēt ceux de ladiſte cité de Metz luy quitterent cent mil florins, que lediſt Roy de Cecille & ſes predeceſſeurs auoient empruntez par pluſieurs fois. Durant lediſt ſiege de Metz l'Empereur Federic enuoya deuers le Roy vn Cheualier, nommé le Bourgu^{*} le Moyne, luy requerir qu'il luy vouliſt faire ſecours contre les Suiffes, & contre partie d'Allemagne, qui ne luy vouloient obeir.

** Autres le nomment Bourgalement, par un ſeu mot.*

Le Roy eut ſur ce conſeil : & pource que lors il auoit trefues au Roy d'Angleterre, conſiderant que par tout le royaume y auoit grand nombre de gens de guerre, tant François qu'Anglois, qui faiſoient moult de maulx par tout les païs, tant de ſon obeïſſance que de l'obeïſſance du Roy d'Angleterre, pour en deſpeſcher le païs, il delibera de les enuoyer viure en Allemagne : & y enuoya monſeigneur le Daulphin, le Capitaine Ioachain de l'Eſcouet, Oliuier de Bruot, avec autres Capitaines pour les cōduire. Semblablement y allerent grand nombre d'Anglois : deſquelz eut la charge & conduite vn Capitaine, nomme Mathago : & les conduiſoit tout lediſt Borgu le Moyne, Allemand, qui congnoiſſoit tous les païs : & allerent és païs de Montbelliard, de Baſſe, Straſbourg, & autres païs deſdictz Suiffes, qui deſaduouient riens tenir de l'Empereur : & trouerēt à vne maladerie, à vne lieuē pres de Baſſe, enuiron huiſt cens Suiffes : leſquelz leſdictz François aſſaillirent aſprement, tellement qu'ilz les feirent retraire dedans la cloſture & les iardins de ladiſte maladerie : & veu le petit nombre qu'ilz eſtoient, ilz ſe deffendirent moult vaillamment, & tuerent le Cheualier Allemand, nommé Bourgu le Moyne, & pluſieurs autres : mais à la parfin ilz ne peurent ſouſtenir le faiz des François, & furent tous deſconfitz, mortz ou prins : & de là s'en alla mondiſt ſeigneur le Daulphin deuant les villes de ſainſt Ypolite, & du Vaudelicure, qui luy furent obeïſſans. Adonc commencerent les genſd'armes François & Anglois : à faire pluſieurs pilleries & maulx ſur le païs : parquoy leſdictz Suiffes s'aſſemblerent par troupeaux en diuers lieux, & en tuerent pluſieurs. Adonc voyant mondiſt ſeigneur le Daulphin, & lediſt Mathago, que lediſt Bourgu, Cheualier Allemand, qui congnoiſſoit tous les paſſages & contrées du païs, & les conduiſoit, eſtoit mort, & que le païs eſtoit merueilleux & eſtrange, & n'y auoient nulles intelligences ne congnoiſſance, il ſe mit à chemin, & s'en retourna deuers le Roy, ſon pere, qu'il trouua à Nancy : ou eſtoient venues la Roynes

La deſconfiture des Suiffes par le Daulphin de France.

la Roïne sa mere, la Roïne de Cecille, sa tante, madame la Daulphine, sa femme, & la fille dudiſt Roy de Cecille: pour laquelle auoir en mariage pour le Roy d'Angleterre, ainſi qu'ilz auoir eſté pourparlé & appoincté, eſtoit la venu le Comte de Suffort, avec vne belle & grande compaignie en Ambaſſade, & luy fut baillée: ſi l'emmena en Angleterre: mais auant ſon partement furent faiſtes de grandes feſtes, iouſtes, & tournoys: auſquelz eſtoient preſens les Roynes de France, de Cecille, & d'Angleterre, Madame la Daulphine, la Duchefſe de Calabre, la Cōteſſe de Vaudemont, & la fiancée de monſeigneur Ferry de Lorraine, fille dudiſt Roy de Cecille: & la conuoya le Roy de Cecille iuſques à Bar le Duc. Incontinent apres que mondiſt ſeigneur le Daulphin fut party d'Allemagne, ſe meirēt leſdiſtz Allemans en ladiſte ville de S. Ypolite: & par deſpit de l'obeiſſance qu'ilz auoient faiſte à monſeigneur le Daulphin, ilz la pillerent & bruſlerēt, & pareillemēt ladiſte ville de Vaudeliere: & lediſt Mathago, Capitaine Anglois, s'en retourna, & emmena ſes genſ d'armes és païs de Normãdie, qui eſtoient en l'obeiſſance du Roy d'Angleterre. Le Roy eſtant en ladiſte ville de Nancy, aſſembla ſes Princes, Chefz de guerre, & gens de Conſeil: & fut mis & donné ordre tant ſur le faiſt du payement, que de la maniere de viure de ſes gens de guerre, & en furēt faiſtes de belles Ordonnances, que ſon appelle communement les Ordonnances de Nancy: & furent caſſées pluſieurs compaignies, & Capitaines: & fut ordonné que pour la garde, ſeureté, tution, & deſſenſe du royaume y auroit ſeize cens lances ordinaires, & que leur payemēt, & non autre choſe d'auantage, ſeroit mis ſur les habitans du royaume, par maniere de taille: & le fait touſiours le Roy Charles ainſi entretenir ſa vie durant.

Des Ordonnances de Nancy, faiſtes par le Roy Charles ſeptieſme, ſur le faiſt de la guerre.

Du treſpaſſement de madame Marguerite, femme de monſeigneur le Daulphin.

L'An mil quatre cens quarante & cinq, le Roy, à ſon partement de Nancy s'en vint avec ſa compaignie à Chaalōs en Champaigne: & illec treſpaſſa haulte & puisſante Dame, madame Marguerite, femme de monſeigneur le Daulphin, qui fille eſtoit du Roy d'Eſcoſſe, & là fut ſō corps enterre en la grand' Eglife: mais depuis, long temps apres que mondiſt ſeigneur le Daulphin eut eſté Roy, il la fait apporter, & enterre en l'Eglife & Abbaye de ſainct Laon de Thouars, en Poitou. En ladiſte ville de Chaalons la Duchefſe de Bourgongne vint veoir & viſiter le Roy, qui la receut grandement, & feſtoya honnorablement: & là fut appoincté que le Duc de Bourgongne rēdroit au Roy de Cecille les chateaux de Neuf-chatel en Lorraine, Clermont en Argonne, & Gondrecourt, que lediſt Roy de Cecille luy auoit baillez en gaige, pour partie de ſa rançon: & que lediſt Duc de Bourgongne auroit à hēritage le Val de Caſſel: & par ainſi demoura lediſt Roy de Cecille acquité de ſa rançon. De là s'en vint le Roy en la ville de Chinon, & vint deuers luy Frāçoyſ, Duc de Breraigne, & Comte de Montfort: puis s'en retourna en ſes païs.

L'an mil cccc. quarante cinq.

Madame Marguerite d'Eſcoſſe, D'aulphine treſpaſſee.

En celle année, à la requēſte des Roys d'Heſpaigne, de Portugal, d'Arragon, & de Nauarre, qui tous enuoyerent vers le Roy Ambaſſadeurs pour la matiere du Comte d'Armignac, fut fait l'appoinctemēt dudiſt Comte d'Armignac: lequel fut mis hors de priſon, & par tant luy furent ſa femme, ſes enfans, & ſes terres reſtituées. Le Roy enuoya autres grands Ambaſſadeurs en Angleterre, deuers le Roy d'Angleterre, ſon nepueu: & furent les trefues prolōgées iuſques au moys de Nouembre, audict an, mil cccc. xlv. & fut ordonné que leſdiſtz deux Roys ſe verroient entre Paris & Rouen: & depuis le Roy d'Angleterre enuoya Ambaſſade en France: & furent de rechief leſdiſtes trefues r'allongées, iuſques au moys d'Auril enſuyuant. En celle ſaiſon auoit en la compaignie de la Roïne vne moult belle Damoyſelle, nommée Agnes Sorelle: laquelle eſtoit fort en la grace du Roy, & l'appelloit-on communement la belle Agnes: & afin qu'elle euſt aucun tiltre, le Roy luy donna, ſa vie durant, la place & chaſtel de Beauté, pres le boys de Vincennes: & lors on l'appella ma Damoyſelle de Beauté: & pource que lors on voyoit que le Roy eſtoit fort penſif, & imaginatif, & peu ioyeux, & qu'il eſtoit expedient de l'eſiouyr, par la deliberation de ſon Conſeil, ſans ſon ſçeu, fut dit à la Roïne qu'il eſtoit expedient qu'elle enduraſt que lediſt Seigneur feiſt bonne chiere à ladiſte Damoyſelle, & qu'elle ne monſtraſt nul ſemblant d'en eſtre mal contente: ce que la bonne Dame fait, & diſſimula, combien qui luy greuaſt beaucoup.

Pourquoy la belle Agnes fut nommée Damoyſelle de Beauté.

LES CRONIQ. ET ANNALES DE FRANCE.

*Naissance du
deuxiesme
filz de France.*

Le iour & feste des Innocens, audict an, nasquit monseigneur Charles de France: lequel apres le trespas de son pere fut premierement Duc de Berry, apres Duc de Normandie, & apres Duc de Guyenne. En ce temps vindrent en France deux filles du Roy d'Escoffe, cuidans trouuer madame la Daulphine, leur sœur, qui les auoit mandées pour les marier: & quand elles furent en Flandres, elles eurent nouuelles que la Roynne d'Escoffe, leur mere, estoit morte en Escoffe, & madame la Daulphine estoit morte à Chaalôs: toutesfois elles furēt amenées deuers le Roy, qui les receut honnorablement, & leur feit entretenir leur estat à ses despens, iusques à ce qu'elles fussent pourueüs.

Comment messire Gilles de Bretagne fut prins prisonnier, par le commandement du Duc de Bretagne, son frere: & comment ceux de Gennes se donnerent au Roy.

*L'an mil cccc.
xlvj.*

*De messire
Gilles, frere
du Duc de
Bretagne, qui
print la lartiere
du Roy d'Angleterre.*



An mil cccc. xlvj. messire Gilles de Bretagne, par le commandement du Duc François, son frere, fut prins au chastel de Guilledo, & furēt à sa prise cccc. lances des gens du Roy, que conduisoiet messire Pregēt de Coitiuy, Admiral de France, messire Pierre de Bresse, Seneschal de Poitou, & grād Maistre d'hostel de mōseigneur le Daulphin: lesquelz le baillerēt au dict Duc, son frere, qui le feit prendre, pource qu'on disoit qu'il vouloit mettre les Anglois en France, & en Bretagne, & auoit prins l'ordre de la lartiere du Roy d'Angleterre, qui l'auoit faict son Cōestable: & le feit ledict Duc par diuerses fois persuader par belles parolles, qu'il voulüst laisser la querelle du Roy d'Angleterre, dont il ne voulut riens faire: parquoy sondict frere cōceut si grand' hayne cōtre luy qu'il le feit mourir, & estrangler en la prison. Aucuns estoient qui parloier autremēt de la mort dudit messire Gilles, & en chargeoient vn nommé de Montauban, & ses complices, qui le gardoient, & y en eut aucuns desdictz cōplices, qui en furent griefuemēt executez: & ledict de Mōtauban s'euada & se mussa, & se feit religieux Celestin, & apres fut Archeuesque de Bourdeaux. En celle année ceux de Gennes enuoyerent deuers le Roy, pour eux donner à luy, & mettre la seigneurie en ses mains. Le Roy enuoya ses Ambassadeurs pour practiquer la matiere, & allerent iusques à Nyce, en Prouēce, ou estoit vn nommé messire Ianes * de Chāfrigāt, Cheualier de ladicte ville de Gēnes, qui deit ausdictz Ambassadeurs qu'il auoit en icelle ville tous les plus grāds, qui estoiet ses parens & amys: & s'en partit desdictz Ambassadeurs, & s'en alla en vne seule galée, avec ccc. hommes seulement, dedans le port dudit Gennes, & print la banniere du Roy, & en criant viue le Roy: & là trouua ses parens & alliez qui l'attendoient tous en armes, & allerent iusques au Palais, & s'en fuyt vn nommé messire Bernabé, qui parauāt s'estoit faict Duc: & quand iceluy de Chanfrigāt se veit saisy de ladicte ville, il se feit Duc, & ne la voulut mettre es mains du Roy. Ces nouuelles sceurent les Ambassadeurs du Roy, qui allerent deuers luy, luy remonstrant les promesses qu'il auoit faictes, & les grands fraiz que le Roy auoit faict pour la reconuer: mais pour toute responce il leur deit qu'il auoit cōquestē ladicte seigneurie à l'espée, & à l'espée la deffendrait: si s'en retournerent deuers le Roy, qui lors estoit à Bourges. Au moys de Feurier, audict an, mourut Pape Eugene, & en son lieu fut esleu Pape Nicolas. En celle année fut traité & pourparlé du mariage de madame Jehanne de France, fille du Roy, & de monseigneur Iehan, Comte de Clermont, ainsé filz du Duc de Bourbon. Audict an mourut le Comte de Vendosme, qui estoit grand maistre d'hostel de France: & au lieu de luy fut esleu grand Maistre d'hostel le Seigneur de Culant: lequel tantost apres, pour son mauuais gouuernement, en fut deschargé, & luy conuint obtenir remission de plusieurs pilleries & malefices qu'il auoit commis & perpetrez. Le vingt & huitiesme iour de Decembre, mil quatre cens quarante * & sept, nasquit monseigneur Charles, second filz du Roy.

** Autres le-
ban de Cap-
fregose, ou
Fregose, sim-
plement.*

*Tromperie
d'un Gene-
uois faicte
au Roy.*

** Icy hault
dit 1445.
mais i'en en
trouuerien
ailleurs.*

Comment les Ambassadeurs des Electeurs de l'Empire, & ceux du Roy d'Angleterre vindrent deuers le Roy, à Bourges, ou il estoit.

*L'an mil cccc.
xlvij.*



N l'an mil cccc. xlvij. le Roy estat à Bourges, vindrent deuers luy les Ambassadeurs des Electeurs de l'Empire, & les Ambassadeurs du Roy d'Angleterre, pour le faict de l'union de l'Eglise: avec lesquelz le Roy enuoya les Ambassadeurs deuers l'Antipape Felix, Duc de Sauoye, qui ne vouloit soy deporter de la Papauté. Puis s'en partit le Roy de ladicte ville de Bourges, &

ges, & s'en alla à Tours: & enuoya le Seigneur de Pressigny, & Guillaume Cousinot, *Des Ambassadeurs qui furent enuoyez vers le Pape, nommé Felix, Duc de Sauoye.* en Angleterre, qui prolongerent les trefues iusques au premier iour d'Auril. Par le traité du mariage du Roy d'Angleterre, & de la fille du Roy de Cecille, estoit promis que ledict Roy d'Angleterre deliureroit & bailleroit à môseigneur Charles d'Aniou, Comte du Maine, la cité du Mans, & païs du Maine: toutesfois il n'en auoit encores riens voulu faire, & auoit mis en garnison, en ladicte ville du Mans, bien deux mil cinq cens Anglois: & auoient les Anglois differé & mené la matiere par parolles & dissimulations, par l'espace de trois ans ou plus, combien que ledict Roy d'Angleterre eust esté plusieurs fois sommé de ce faire: & à ceste cause le Roy feit mettre le siege deuant ladicte ville du Mans, & tant feit faire d'approchemens, & de bateries d'un costé & d'autre, que ceux de dedans ne sceurent plus que faire, & estoient prestz à estre prins d'assault: mais à la requeste de l'Euesque de Clocestre, qui estoit fort priué du Roy d'Angleterre, feit tât enuers le Roy, afin que les trefues ne fussent rompuës, que ceux de dedans laisseroient ladicte ville, & s'en iroient leurs bagues sauues. En celle année le Duc de Milan bailla & deliura au Duc d'Orleans, son nepueu, la cité & Comté d'Ast, en Lombardie, qui luy deuoit appartenir, par la succession de sa mere, sœur dudit Duc de Milan: lequel mourut, sans enfans: parquoy icelle Duché deust appartenir audit Duc d'Orleans: mais ce neantmoins vn nommé Sforce, qui estoit de petit estat, non Noble, & auoit espousé la bastarde du feu Duc, la print, & s'en feit Duc par force. En celle saison auoir vn Marchant, natif de la ville de Bourges, nommé Iaques Cœur, homme de grand' entreprinse, lequel par sa bonne conduite, prudence & diligence, combien qu'il fust de basse lignée & de pauvres gens, s'esleua fort, & s'aduāça tellement qu'il auoit intelligence & societé à la pluspart des grands Marchans de toutes les bonnes villes de France, & par son bon bruyt, le Roy le retint son Chancelier, & le feit son Argetier: lequel Iaques Cœur luy feit apres de grands seruice, mesmement à la conquete de Normandie, pour laquelle il feit finance de grand nombre d'argent, & si s'efforçoit ledict Iaques Cœur à faire plaisir à toutes gens: & pour capter la beniuolence des Princes & Seigneurs, qui estoient autour du Roy: leur presta grand' somme de deniers, de denrées, de viures & de marchandises, tellement qu'il fut en grand' autorité enuers le Roy, & feit son filz Archeuesque de Bourges, son frere Euesque de Luxon, & tous ses parens pourueut & esleua en Estatz, Offices, & Benefices, haultemēt. Mais fortune, qui *Fortune iamais ne laisse l'homme en seureté.* jamais ne laisse l'homme en seureté de son estat, luy courut sus à la parfin, & s'esleuerent de grandes enuies sur luy: comme sera dit cy apres: car il faisoit de trop grandes choses, & acquerroit villes & chasteaux. Il acquist les seigneuries de saint Maurice & S. Forgeau, au païs de Puyfoye, & autres: & feit bastir la belle maison qui est à Bourges, qui luy fut de grande despenſe. Il feit faire aussi plusieurs grandes galées, & faisoit moult grand faict de marchandise par mer & par terre. En ladicte année le Roy auoit en sa court vn Conseiller, nommé maistre Guillaume Mariette: lequel, quand il se veit esleué, fut si oultrecuidé qu'il se mesla de faire & signer lettres, qui furent trouuées faulſes: *Mariette, Conseiller du Roy, descapité* & par ce, afin de donner exemple à ses autres Conseillers, luy feit couper la teste.

De l'Ambassade que le Roy enuoya deuers le Pape Nicolas: & comment il trauailla grandement pour le faict de l'union de l'Eglise.

EN l'an mil cccc. xlvij. le Roy feit ses Pasques en la cité de Tours: & des- *L'an mil cccc. xlvij.* pescha vne Ambassade, qu'il enuoya deuers le pape Nicolas, pour luy faire & redre l'obeissance, ainsi que les Roys de Frâce ont accoustumé de faire d'anciēneté, apres selection desdictz Papes. En ladicte Ambassade estoit môseigneur maistre Iaques des Vrsins, Archeuesque de Reims, l'Euesque d'Aler, * Tanneguy du Chastel, sire Iaques Cœur, maistre Guy Bernard, Archediacre de Tours (qui depuis fut Euesque & Duc de Langres) maistre Thomas de Courcelles, noble & vertueux Docteur en Theologie de l'Vniuersité de Paris, & autres: & avec les des- ** D'Arle possible.* fusdictz allerent les Ambassadeurs de monseigneur le Dauphin, & du Roy de Cecille: & estoient bien ccc. cheualx: & allerent tous les dessusdictz par terre, reseruez lesdictz messire Tanneguy du Chastel, & Iaques Cœur, qui allerent par mer, tant en galéaces que galées, & allerent auitailler le chastel de Final, * en la terre de Gennes, que tenoit ** Portofino possible.* pour le Roy messire Galeot du Quarret, seigneur dudit lieu: lequel faisoit guerre aux

LES CRONICQ. ET ANNALES DE FRANCE.

Geneuois, qui auoient mys le siege deuât ladicte place. A pres ce que les dessusdictz eurent aitaillé ladicte place, ilz s'en partirent avec trois galées, qui estoient audiect Jacques Cœur, pour aller à Romme, & renuoyerent les autres galées. Quand le Duc d'Orleans, qui estoit en Ast, sceut le siege que tenoient lesdictz Geneuois, il y alla à grand' armée pour les cōbatre: mais quād ilz sceurent sa venuë, ilz se leuerent, & s'en allerent. Quād lesdictz messire Tanneguy du Chastel, & Jacques Cœur furent avec l'Archeuesque de Reims, & les autres Ambassadeurs, ilz entrerent à Romme en la plus grand' pōpe que iamais furent Ambassadeurs, & allerent plusieurs au deuant d'eux. Ledit Archeuesque proposa les causes de sa legation en beaux & grands termes deuant le Pape, qui en fut fort content: & tant qu'ilz furent à Romme, il les entretint & feit entretenir moult grandemēt: & puis leur donna charge d'aller deuers le Pape Fœlix, & de besongner au faict de l'vniō de l'Eglise: & s'en partirēt lesdictz Ambassadeurs de Rōme, & allerēt de-

*L'antipape
Fœlix, Duc de
Sauoye, renon-
ça à la Pa-
paulté.*

*La premiere
inuentiō des
Francs archi-
ers, au royaume
de Frāce,
et de leurs
franchises.*

uers ledict Pape Fœlix, en Sauoye: auquel ilz feirent de grādes remōstrances: mais il ne vouloit point faire cessiō: & cōuint renuoyer à Rōme, & deuers le Roy plusieurs allées & venuës, ou le Roy feit de grādes despēses, pour le biē de l'Eglise. Finablement fut tellement procuré que ledict Fœlix ceda totalemēt le droit qu'il pretendoit en la Papaulté, moyennāt qu'il demoureroit Cardinal, soubz le tiltre de S. Sabine, & seroit Legat en ses païs: & les Cardinaulx, qui estoient avec luy, demoureroiēt en leurs estatx & dignitez, & s'en iroient à Rōme avec le Pape Nicolas: ausquelles chose poursuire le Roy, & ceux de son royaume, travaillerēt & despēdierent moult grād argēt. Aussi leur fut vne grāde gloire, quant au monde, qui leur sera retribué, si Dieu plaist, plus amplement en l'autre monde. En ladicte année le Roy ordonna & meit sus les Francs Archiers, qu'il voulut estre armez & habillez par les habitans des paroisses de son royaume, en maniere qu'ilz fussent tousiours prestz pour le seruir, quānd il auroit besoing, & il les manderōit au faict de ses guerres: & affin que les Francs Archiers fussent à ce subiectz, il les affranchit de toutes tailles & impostz quelzconques, qui seroient mis sus pour le faict des guerres, & aussi du guet & garde des portes, quelque part qu'ilz feissent leur demourance: & enuoya le Roy commissions adressans aux Baillifz & Seneschaux, pour eslire relz gens qu'ilz verroient estre idoines & suffisans, pour seruir au faict de la guerre. Celle année les Anglois remparerēt la place de sainte Iame de Beuron, en la basse Normandie, combien que par les trefues eust esté dict qu'aucunes noualitez ne se feroient: mais si feirent, en aucunes places, durant icelles trefues, qui fut vn commencement de rompre les trefues par les Anglois.

De la prinse de Fougères.

*La prinse de
Fougères par
les Anglois.*



V moys de Mars, audiect an, les Anglois, qui estoient enuiron six cens cōbatans, que conduisoit vn Capitaine, nommé François de Surcenne, autrement dict l'Arragonnois, prindrent par eschelles de nuict & d'emblée les villes & chastel de Fougères, en Bretagne, qui estoit directement enfrainct & venir contre les trefues faictes entre les Roy de France & d'Angleterre: car en icelles estoit cōprins le Duc de Bretagne & ses païs: & pillerent iceux Anglois toute ladicte ville, qui fut vn merueilleux dommage: car elle estoit bonne, riche, & bien peuplée. A l'heure que le Roy en ouyt des nouuelles, il mōta à cheual pour s'en aller de Tours, à Bourges. Incontinent il despeschā ses messagers, pour aller deuers le Duc de Sombreffet, qui se disoit Lieutenant du Roy d'Angleterre en Normandie, estant lors à Rouen, luy sommer qu'il voulsist faire rendre lesdictes villes & chastel de Fougères, & faire reparer les dommages: lequel Duc deit qu'il ne scauoit que c'estoit, & qu'il desauouoit ceux qui l'auoient faict, & ne se messeroit point de la matiere. Le Duc de Bretagne enuoya semblablement deuers ledict de Sombreffet: lequel feit semblable responce à ses gens qu'il auoit fait au gens du Roy. Quand ledict Duc de Bretagne eut ouy ladicte responce, il enuoya deuers le Roy luy remonstrer la prinse, perte, & desolation desdictes villes & chastel, prinse sur les trefues, esquelles il estoit comprins: veu aussi qu'il estoit homme subiect, nepueu dudit Roy de France, le sommoit & requeroit de luy ayder, ainsi que le Seigneur doit faire à son vassal. A quoy le Roy feit responce que depuis la respōse qu'il auoit eue dudit Duc de Sombreffet, il auoit enuoyé ses Ambassadeurs en Angleterre deuers le Roy, ou ilz estoient encores, pour luy si-

gnifier

gnifier que s'il ne faisoit rēdre ladiēte ville & chasteł, & reparer les dōmages, qu'il estoit deliberē d'ayder audiēt Duc : & ce pendant qu'il gardast bien ses places, & qu'il faillloit attendre qu'elle responce il feroit, & au cas qu'il ne feist rendre lesdites villes & chasteł, & reparer les dommages, il promettoit d'ayder audiēt Duc de Bretagne, & le secourir.

De la responce du Roy d'Angleterre: & de la prinse du Pont de l'Arche, & plusieurs autres places, par les François.

A PRES la feste de Pasques de l'année mil quatre cens quarāte neuf, retournerent les Ambassadeurs que le Roy auoit enuoyez en Angleterre, pour le ^{L'an mil cccc. xlix.} faict de Fougeres, & trouuerēt le Roy à Chinon: & quand il eut ouy la responce qu'auoit faicte le Roy d'Angleterre (qui estoit vn vray refus & dissimulation) il enuoya le Comte de Dunois : le Seigneur de Pressigny, & autres en Bretagne, faire sçauoir au Duc ladiēte responce, & pour prendre de luy & de ses Barons le serment qu'ilz le seruiroient contre lediēt Roy d'Angleterre, tant que la guerre dureroit, s'il se mettoit sus en armes pour luy ayder à recouurer ladiēte ville de Fougeres: ce qu'ilz promeirent faire, & en baillerent leurs scelez: & incontinent lediēt Duc māda de toutes pars ses subiectz, alliez, & bien vueillās, pour venir en son ayde: & tantost apres, à la requeste dudiēt Duc de Bretagne, mē sire Pierre de Bresse, Capitaine de Louuiers, Robert Flocquet, Capitaine d'Eureux, Iaques de Clermont, & Guillaume de Bigats, eurent entreprinse & intelligence sur la ville & chasteł du Pont de l'Arche, sur la ri- ^{D'un voiturier de Louuiers, qui fut cause de recouurer le Pont de l'Arche sur les Anglois.} uiere de Seine, par le moyen d'un voiturier, marchant de ladiēte ville de Louuiers, qui souuent alloit & venoit, menant charroy par lediēt Pont de l'Arche, pour aller à Rouen: lequel veoit bien qu'audiēt Pont de l'Arche n'auoit gueres grand' garde, ainsi qu'il en aduertit lesditz Seigneurs. Si vindrent vn iour lesditz Seigneurs & Capitaines pour eux embuscher pres dudiēt Pont de l'Arche, du costē du port saint Ouyn: & lediēt Robert Flocquet du costē deuers Louuiers, avec quatre ou cinq cens cheualx, se meit dedans vn Bouleuert, du costē deuers Louuiers. Et le iour precedent lediēt marchant vint luy troysiesme de la ville de Louuiers, avec vne charrette, faignant d'aller à Rouen: & en passant parla au portier du chasteł, & luy pria que le lēdemain il luy voulsist ouurir bien matin la porte du Pont, quand il viendrait pour s'en retourner audiēt Louuiers, & luy promeit le vin: & ainsi passa lediēt marchant: lequel retourna à l'heure de mynuict, avec aucuns gens de pied de leur embusche: lesquels se vindrent loger en vne hostellerie pres dudiēt chasteł, du costē dudiēt port saint Ouyn: & bien matin vint avec sa charrette auant le iour, appeler lediēt portier par son nom (car il le congnoissoit biē) lequel portier vint incontinent tout seul ouurir ladiēte porte, & entrerent eux deux dedans: & lors commencerent à faillir de l'hostellerie aucuns de ladiēte embusche: & le- ^{Comment le Pont de l'Arche fut recouuert sur les Anglois.} diēt portier se doubta, & demanda que c'estoit: & lediēt marchant deit que c'estoient des gens de Louuiers: & meit la main à la bourse pour bailler audiēt portier le vin qu'il luy auoit promis, & tira trois pieces, c'est à sçauoir, deux bretons & vne placque, & les getta par telle façon qu'ilz tomberent à terre, & le portier se baissa pour les amasser: & en soy baissant, lediēt marchant ou voiturier tira sa dague, ou son espēe, & luy en bailla entre deux espaulles, au trauers du corps, & laissa sa charrette sur le pont leuis dudiēt Bouleuert. Et lors ceux du chasteł ouyrēt le bruit, & descēdit vn hōme tout en chemise, qui voulut leuer lediēt pont leuis, pource que lediēt Bouleuert estoit prins: & lors lediēt voiturier ou marchant vint à luy, & le tua: & lors vindrent ceux de ladiēte embusche, & se faisirent des portes dudiēt Pont, & chasteł: & apres entrerent dedans la ville, sans resistēce, car tous les habitās estoient encores tous couchez: & en y eut en icelle ville que tuez que prins, cinq ou six vingtz Anglois, qui estoient dedans pour la garder, & crierēt saint Iues, saint Iues. Quand ceux du pont furent dedans la ville, ilz ouurirent la porte audiēt Flocquet, & à ses gens, qui estoient à cheual, lesquels entrerent dedans: & entre les autres prisonniers, fut prins le Seigneur de Faulcāberge, Cheualier, qui fut mis à vingt mil escuz de rançon. En ce temps les Anglois, qui estoient dedans Fougeres, feirent vne saillie sur les gens du Duc de Bretagne: mais les Bretons les repousserēt lourdement, & en tuerent bien six vingtz. Tantost apres vn Gentilhomme, nommé Verdū print les places de Cognac, & S. Magrin de Bourdelois. Semblablement le seigneur de Moy, Gouverneur pour le Roy en Beauuoysin, print d'eschelle la place de Gerberoy

LES CRONIQ. ET ANNALES DE FRANCE.

De la ville de Gerberoy recouuverte sur les Anglois.
 sur les Anglois : & tantost apres ledi& Flocquet Bailly d'Eureux , print la ville de Conches . L'Archeuesque & les habitans de la ville de Bourdeaux , enuoyerent deuers le Roy,requerans qu'on restituast lesdictes places de Congnac,& saint Magin:& semblablement le Duc de Sombreffet , & le seigneur de Talbot enuoyerent deuers le Roy,à Chinon,luy requerir qu'il feist rendre lesdictes places du Pont de l'Arche, de Conches, & Gerberoy : ausquelz le Roy fait responce , que quand ilz auroient restitué la ville & chastel de Fougeres , & les biens qu'ilz auoient prins dedans , on leur restitueroit lesdictes places qu'ilz demandoient . Aussi le Roy fut deuément informé que le Roy d'Angleterre faisoit forte guerre par mer & par terre au Roy d'Escoffe, & d'Hespaigne, ses amys & alliez:lesquelz estoient nommément & expressement comprins és trefues : & semblablement prenoient les subiectz de la Rochelle , de Dieppe, & autres places desdictes obeïssances, & que ceux qui estoient és villes de Mante, Vernueil, Laigny, & autres places,pour les Anglois,venoient courir, & trauffer les chemins entre Paris, Orleans & Chartres, habillez en habitz dissimulez , espouventables,& auoient des faulx visages, si qu'on ne les pouuoit congnoistre , & desroboient & coupoient les gorges des marchans,& autres,& alloient és maisons des Gentilzhommes, les tuoient, & pilloient leurs maisons , & faisoient tous les maulx dont on se pourroit aduïser , tellement qu'il n'estoit homme qui s'osast trouuer sur les champs . A ceste cause le Roy en son Conseil conclud que lesdictz Anglois auoient rompu les trefues : & delibera de leur faire guerre ouuerte par mer & par terre . En ce temps les monnoyes de dix tournois piece furent criez à Rouen à vnze deniers tournois,de par le Duc de Sombreffet, Regent pour le Roy d'Angleterre,à la poursuyte d'un changeur,nommé Iehan Marcel, qui en auoit bien pour dix mil liures : & pour ce faire en presta audict Duc , sur gage quatre mil liures,pour faire vn payement de gens de guerre,Anglois. En celle saison vn musnier,qui auoit son moulin ioignant les murs de Vernueil , vn iour qu'il faisoit le guet en ladi&te ville , par ce qu'il dormoit fut batu d'un Anglois , dont il fut courroucé , & delibera de soy venger : & à ceste cause il parla à Flocquet, Bailly d'Eureux:lequel assembla plusieurs François,qui se trouuerent à luy:& vn iour de Dimenche au moys d'Aoust, en l'an que dessus , apres que ceux du guet furent descendus bien matin pour aller à la messe, lesdictz François au droict du moulin dudi& musnier dresserent eschelles, & entrerent dedans ladi&te ville, ou auoit bien six vingtz hommes de guerre : lesquelz se retirerent les vns au chastel,les autres à la tour Grise : & le lendemain ledi& musnier osta partie de l'eaue desdictz fossez dudi& Chasteau:lequel les François assaillirent , & prindrent d'assault,& y eut plusieurs desdictz Anglois tuez:les autres se retirent en ladi&te tour,qui est moult forte, comme imprenable:laquelle tour ilz assiegerent par dedans & par dehors la ville:& là arriua le Comte de Dunois (que le Roy auoit nouuellement fait son Lieutenant general en ses guerres)& le seigneur de Cullant,& messire Florét d'Illiers : & de là se departirent lesdictz Comtes de Dunois, & le Seigneur de Cullant : & laisserent ledi& d'Illiers,pour gouverner ledi& siege,auec huit cens combatans . En cheuauchant lesdictz de Dunois & de Cullant secrettement , pendant que le Seigneur de Talbot estoit sur les champs , ilz meirent peine de le rencontrer , & cheuaucherent tout le iour iusques vers Harecourt, ou ilz le suyirent , & approcherent tant qu'ilz se veoient l'un l'autre.Ledi& Talbot s'arresta,& se fortifia de ses chariotz & charrettes,de pieux fort fichez en terre : & quand vint vers la nuit lesdictz Seigneurs François se retirèrent vers Eureux , & illec furent faitz Cheualiers Iehan de Bar , seigneur de Baugy, pres Bourges, & Iehan Dolon , Escuyer d'Escuyrie du Roy . Audi& moys d'Aoust, le Roy vint à Amboise,pour faire passer ses gens d'armes oultre la riuere de Loire,pour les mener en Normandie : & lors le Comte de Dunois, les Sires de Cullant,de Blainville, de Bresse, de Marigny,le Bailly d'Eureux,& autres Seigneurs & Capitaines partirent d'Eureux,& se meirent sur les champs auec deux mil cinq cens combatans:& semblablement passerent la riuere de Seine , au Pont de l' Arche, les Comtes d'Eu, de saint Paul, les Sires de Sauuezes, de Roye,de Moy, & de Rambures , auec trois cens lances & quinze cens Archiers, & tous se rendirent & trouuerent deuant le Pontheaudemer,ou auoit quatre cens & vingt Anglois . Si assiegerent & assaillirent vigoureuement ladi&te ville, & les Anglois se deffendirent vaillamment : mais à la fin les François prindrent ladi&te ville d'assault , & les Anglois se retirerent en vne maison forte , ou les François entrerent par le moyen du feu qu'ilz meirent en ladi&te ville:& se rendirent lesdictz Anglois tous prisonniers

Les Anglois usoiens de faulx visages pour decouoir les François.

D'un musnier qui feist prendre Vernueil au Perche sur les Anglois.

La ville du Pontheaudemer, prinse d'assault sur les Anglois.

prisonniers

prisonniers au Comte de Dunois : & là eut de moult belles armes faictes : & y furent faictz Cheualiers le sire de Roye, de Moy, les filz du Vidafme d'Amiens, de Rambures, & autres de Picardie, iusques au nombre de vingt & deux. Le Roy s'en alla à Vendosme, attendant des nouuelles de ce que faisoient ses gens d'armes. Le vingthuietieme iour d'Aoust, les sires de Loheac, le Marechal de Belange, Geoffroy de Coran, & Ioa-chim Rouault allerent donner l'assault à sainte Iame de Beuron, & la prindrent par composition. Le Roy s'en alla à nostre Dame de Chartres, & là eut nouuelles que la tour de Vernueil s'estoit rendue. En ce temps le Comte de Dunois, Lieutenant general du Roy, le Comte de saint Paul, & autres Capitaines de leur bande, avec grand nombre de gens d'armes, s'allerent mettre & presenter en baraille deuant la cité de Lisieux. Quand ceux de ladicte ville veirent si grand' puissance, ilz eurent conseil entr'eux, & feirent l'obeissance au Roy, & meirent la cité en ses mains. Aussi meirent lesdictz Seigneurs la ville de Mante en la subiection du Roy : de laquelle huitz vingtz Anglois, qui estoient dedans, s'en partirēt cheualx & harnois sauues : & demoura en icelle ville Capitaine & Gouverneur le seigneur de Cullant, Marechal de France. Le Roy s'en partit de Chartres, & s'en alla à Vernueil : & luy estant en la ville, le Seneschal de Poitou print le chastel de Laigny, par le moyen d'un Escuyer Normand, qui en estoit Gouverneur de par François l'Arragonnois, qui s'en disoit Seigneur : lequel bouta les François secrettemēt dedans par vne poterne du don-ion. Les Anglois de dedans qui estoient deux cens combatans, se voulurent mettre en deffense : mais finalement par composition ilz furent tous prisonniers à la volonté du Roy : & la femme dudit l'Arragonnois s'en alla ou bon luy sembla, avec ses biens sauues. Lesdictz Seigneurs, qui auoient mis Mante en l'obeissance du Roy, allerent mettre le siege à Vernon, ou auoit douze vingtz combatans Anglois, qui feirent composition en baillant ladicte ville & chastel, moyennant qu'ilz eurent leurs corps & biens sauues. Pendant le siege dudit Vernon, lesdictz Seigneurs François enuoyerent par un Herault sommer la ville & chastel de Gisors : & dedans estoit Capitaine pour le Roy d'Angleterre, un nommé Richard de Marbury : lequel parla longuement avec le Seneschal de Poitou : & à la fin rendirent ladicte ville & chastel, moyennant qu'on luy rendroit deux de ses filz qui auoient esté prins au Pontheaudemer, & que sa femme, qui estoit de Frâce, iouyroit de ses terres, qui estoient en l'obeissance du Roy, ce qui luy fut accordé.

*Prinse de la
ville & cité
de Lisieux.*

*Prinse de Gisors, sur les
Anglois.*

De la reduction de la ville de Rouen.

En ce temps, le Roy estant à Louuiers, arriua deuers luy le Roy de Cecille, bien accompagné, & lors auoit en sa compagnie grand' Seigneurie & Cheualerie : c'est à sçauoir les Comte du Maine, de Castres, de Tancarville, de Dampmartin, de Lommaigne, le Capdet d'Albret, le sire de Cullant, le grand maistre d'hostel de France, monseigneur Ferry & Iehan de Lorraine, freres, les Sires de Mont-gascon, de Blainville, de Presigny, de Brion, de la Bussiere, d'Aigreville, messire Theolde de Valpargne, Loys de la Rochelle, Robinet d'Estampes, le Sire de Malicorne, & plusieurs autres Barons, Cheualiers, & Escuyers : & en autres quartiers auoit semblablement les armes des Ducz de Bretagne, & d'Alençon, celle des Comtes de Dunois, d'Eu, & de saint Paul : & lors se partit le Roy de Louuiers, & alla au Pont de l'Arche, & manda gens de toutes pars : car il vouloit mettre la cité de Rouen en son obeissance. Ce temps pendant le Duc François de Bretagne, qui auoit laissé messire Pierre de Bretagne, son frere, à la garde de ses pais, se meit sus à grand'armée, & print les places de Gauray, Thorigny, le Pont d'Oue, la Haye du puy, de Vallongnes, & plusieurs autres places en la basse Normandie, & pais de Constantin. Quand le Roy eut assemblé ses gens d'armes, il enuoya, le huitiesme iour d'Octobre, sommer par ses Heralx ceux de ladicte ville & cité de Roué, qu'ilz meissent & rendissent la ville en son obeissance : mais les Anglois qui estoient dedans, ne voulurent souffrir que les Heralx parlassent au peuple, ne baillassent ladicte sommation, & les menasserent de tuer : si s'en retournerēt à grand' haste. Quand le Roy sceut ces nouuelles, il enuoya ses gens d'armes deuant ladicte ville, & les conduisoient les Comtes de Dunois, d'Eu, & de saint Paul, & furent trois iours deuant ladicte ville, ou ilz eurent moult à souffrir (car il estoit sur l'hyuer, & pleuuoit, & faisoit fort temps) mais toutesfois ilz feirent de grâdes escarmouches. Au troisieme iour lesdictz François se meirēt tous

*Sommation à
ceux de Rouen
de la part du
Roy Charles.*

LES CRONIQ. ET ANNALES DE FRANCE

*L'assault que
les François
donnerent à
ceux de Rouen,
qui bien se
deffendirent.*

*Ceux de Rouen
delibererent
rendre la ville
és mains du
Roy.*

en bataille, cuidant que ceux de ladicte cité les meissent dedans, & les enuoyerent sommer de rechef: mais les Anglois ne voulurent souffrir que les Heraulx approchassent, & ce voyans lesdictz Seigneurs François, & que ce n'estoit pas chose preste qu'ilz entraissent en ladicte cité, ilz s'en retournerent au giste au pont de l'Arche: & là vindrent secrettement aucuns des habitans de Rouen, qui se feirent fortz de garder vn pan de mur & aucunes tours, & de mettre les gens du Roy dedans. Si y enuoya le Roy: & furēt menées & dressées des eschelles secrettement, par nuit, à l'endroit qui auoit esté dict: & par icelles monterent sur les murailles, & se meirent dedans lesdictes tours plusieurs François: mais il aduint que le Seigneur de Talbot vint celle part, à grand nōbre d'Anglois, & rebouta lesdictz François, qui vaillamment & longuement bataillerēt. A cest assault furēt faictz Cheualiers Charles de la Fayette, le Seigneur d'Espreuille, maistre Guillaume Cousinot, & autres. Là estoient venus les Roys de France & de Cecille: lesquelz, quand ilz veirent ladicte entreprinse faillie, s'en retournerent au giste audict Pont de l'Arche, & les gens d'armes se logerent és villages, le long de la riuere de Seine. Le leudy xvij. iour dudit mois d'Octobre, ceux de ladicte ville de Rouen, qui auoient veu la grand' puissance du Roy: & le dur assault qu'ilz auoient faict, eurent craincte que ladicte ville fust prinse d'assault, & pillée: si enuoyerent l'Official de ladicte ville, & autres deuers le Roy, pour querir sauſconduit pour aucuns des plus notables gens de la ville: lequel sauſconduit leur fut octroyé: & le lendemain allerent, pour la partie de ceux de Rouen, l'Archeuesque dudit lieu, & autres gēs d'Eglise & Bourgeois: & de par le Duc de Sombrefset certains Cheualiers, & Escuyers: & allerent iusques au port saint Ouy: & là trouuerent le Comte de Dunois, Lieutenant general pour le Roy, le Chancelier de France, le Seneschal de Poitou, & messire Guillaume Cousinot: & promeirent ledict Archeuesque, & les deputez de par la ville, de faire leur loyal deuoir de la mettre en l'obeissance du Roy: dont les Anglois ne furent pas bien contens. Puis s'en retournerent tous ensemble à Rouen, & feit ledict Archeuesque son rapport à ceux de la ville, qui delibererent de mettre les François dedans. Quand les Anglois apperceurent leur volunté ilz se meirent en armes, & se retirerent dedans le chastel & Palais, & se faisirēt des portaulx & tours d'icelle ville. Quand ceux de la ville les veirent faire leur contenance, ilz se meirent semblablement en armes, & tout ce iour, & toute la nuit feirent grand guet sur lesdictz Anglois: & ladicte nuit enuoyerēt deuers le Roy qu'il enuoyast les secourir hastiuement, & qu'ilz le mettroient luy & toute sa puissance en ladicte ville, ce que le Roy feit, & y enuoya hastiuement son armée: & le Dimenche matin ceux de ladicte ville s'esmeurent tres-apremement, & coururent sus ausdictz Anglois, & les chasserent, & feirent des-emparer les portaulx, tours & murailles: lesquelz se retrahirēt au Palais ou chasteau, & sur le fort du pont: & manderent lesdictz habitans venir ledict Comte de Dunois, qui estoit là logé aupres: lequel y vint hastiuement, & en sa compaignie le Bailly d'Eureux, le Seigneur de Manny, ledict Seneschal de Poitou, qui n'auoit pas eu le loysir de prendre son harnois de iambe: parquoy il eut la jambe rompuë d'un coup de pied de cheual, en entrant en ladicte ville: si fut ramené au Pont de l'Arche, pour guerir, & laissa la conduicte de ses gens d'armes audict Seigneur de Manny: & ledict Comte de Dunois se mit en bataille deuant la porte de Martinuille. Quand le Roy sceut ces nouvelles, il partit du pont de l'Arche hastiuement, & feit charger son Artillerie pour assieger les Anglois, qui s'estoient retirez dedans S. Catherine du mont de Rouen, & estoient bien six vingtz: mais auant que le Roy arriuaſt, ledict Comte de Dunois les feit sommer: & eux voyans le Roy approcher à si grande puissance, & que ceux de ladicte ville estoient contre eux, ilz se rendirent, & leur fut baillé vn Herault pour les conduire, & eux en allant trouuerent le Roy, qui leur deit: Enfans ne faictes nulz maulx, & ne prenez riens sans payer. A quoy ilz respondirent qu'ilz n'auoient de quoy: & lors le Roy leur donna, & feit bailler contant cent francz: & s'en alla le Roy loger audict lieu de sainte Catherine, dont ilz estoient partis. Les gens d'Eglise, Bourgeois, & habitans de ladicte ville, allerent deuers ledict Comte de Dunois, & luy porterent & presenterent les clefs de ladicte ville: & entrerent enuiron trois cens lances dedans la ville, & les autres se logerent aux champs pres d'illec. Ce mesme iour les Anglois rendirent la tour du Pont de ladicte ville: & fut crié que tout homme, grand & petit, portast la croix blanche. Le Duc de Sombrefset, qui estoit au Palais, requist à parler au Roy: dont le Roy fut contēt. Si alla deuers luy, bien acompaigné de Cheualiers & Escuyers Anglois, & fut conduit par les

par les Heraulx du Roy, iusques au mont sainte Catherine: & là vint deuant le Roy, qui estoit assis en son grand Conseil, accompagné du Roy de Cecille, des Comtes de Clermont, du Maine, d'Eu, de S. Paul, du Chancelier, & plusieurs Princes de son sang, Barons, Chefs de guerres, & gens notables: & apres qu'il eut fait la reuerence, requist au Roy, que luy, sa femme & enfans, le Seigneur de Talbot, & tous les autres Anglois, s'en peussent aller seurement, & qu'ilz iouyssent de l'abolition qu'il auoit octroyée à ladicte ville. A quoy le Roy respôdit que la requeste n'estoit pas raisonnable, & qu'il n'en feroit riens: car ilz n'auoient pas tenu l'appoinctement par eux fait, par lequel ilz deuoient rendre le chasteau & pont, mais les tenoient encores par force contre son gré, & auoient voulu empêcher que ceux de ladicte ville ne la luy meussent en son obeissance: & pour ces causes, auant que luy & les autres Anglois partissent, ilz luy rendroient Harfieu, Honnefleu & toutes les autres places qu'ilz tenoient en Caux. Si s'excusa ledict Duc, disant que Harfieu ne rendroit il point: car c'estoit la premiere place que le Roy d'Angleterre, son Seigneur, auoit prinse en Normandie: & sur ces parolles ledict Duc print congé, & s'en retourna audict Palais au trauers de Rouen, ou il veid que tout homme portoit la croix blanche: & le conuoyerent les Côtes d'Eu, & de Clermont. Tost apres fait le Roy assiéger ledict Palais par dedans & par dehors la ville: & quand le Duc de Sombreffet aperçut les approchemens, & voyant qu'il ne pouuoit estre secouru, apres plusieurs parlemens & trefues continuées de iour en iour, iusques à douze iours, il fit composition par laquelle fut dict que ledict Duc, sa femme, & les autres Anglois s'en yroient leurs corps & biens saulz, reseruez les prisonniers & grosse artillerie, & payeroient au Roy cinquante mil escuz, & tout ce qu'ilz deuoient en ladicte ville seroit payé: & de ce baillerent ostages le Seigneur de Talbot (auquel le Roy fit moult d'honneur, & l'enuoya à Eureux) le filz du Comte d'Ormont d'Irlande, & autres. Puis s'en allerent ledict Duc & autres à Harfieu, & de là à Caen, & le Roy demoura & fit la feste de Toussaintz audict lieu de sainte Catherine: & l'vniuersme iour ensuyuant, le Roy accompagné desdictz Princes, tous habillez en grâd' triumphe, fit son entrée en ladicte cité de Rouen, ou il fut receu en grand honneur & solennité. Ceux de ladicte ville tindrent tables rondes par les carrefours, & firent de grands dons au Roy, & à ses Officiers, Heraulx, & Pourfuyuans.

Des Anglois qui se partirent de Rouen leurs vies & biens saulz.

L'entrée du Roy dedans Rouen.

De la prinse de Harfieu, par les François, & autres places en Normandie.

TANTOST apres que le Roy eut fait son entrée à Rouë, il alla mettre le siege deuant Harfieu, ou auoit mil & cinq cens Anglois, & se logea à demie lieuë pres: & quand le siege fut assis, le Roy s'en alla à Monstieruillier. Audict siege les gens du Roy eurent moult à souffrir pour les froidures & gelées: mais ce nonobstant ilz firent de si grandes approches, batteries & diligences, que ladicte ville leur fut rendue par composition: & s'en allerent les Anglois les vns en Angleterre, les autres par les places qu'ilz tenoient encores audict pais de Normandie. Apres ledict siege de Harfieu, le quatriesme iour de Ianuier, le Roy se partit de ladicte ville de Monstieruillier, & s'en alla loger en l'Abbaye de Iumieges, sur la riuere de Seine. En icelle saison le Duc de Bretagne faisoit grand deuoir de faire guerre aux Anglois: & avec luy se trouuerent le Comte de Richemont, Connestable de France, son oncle, & Jaques de Luxembourg, Comte de saint Paul, & allerent mettre le siege deuant les villes de Constances & de saint Lo, qui firent obeissance au Roy: & prindrent Tombelaine, pres le mont saint Michel, & plusieurs autres places en la Duché de Normandie: & meirent le siege deuant Fougères: & apres qu'il y eut esté vn moys, luy fut ladicte ville baillée par François l'Arragonnois, qui en estoit Capitaine pour le Roy d'Angleterre: lequel s'en partit luy & ses gens (qui estoient bien cinq cens) leurs cheualx, & harnois saulz, & chascun vn petit fardet deuant eux. Lors la mortalité se meit en l'ost dudit Duc de Bretagne, tellement qu'il falut qu'il se retirast en ses pais. Semblablement les Comtes de Foix, & d'Estrac, qui estoient en Berry, meirent sus grand' armée, & allerent mettre le siege deuant la place de Mauleon: qui est vne moult forte place, reputée quasi imprenable, & assise és extremités & confins du royaume de France, & de Nauarre. Le Roy de Nauarre cuida venir pour leuer ledict siege, mais auant sa venue ilz prindrent ladicte place: puis allerent mettre le siege deuant vn chasteau, nommé Guyfant, pres Bayonne. Le Connestable de Nauarre, & le Maire de Ba-

La ville de Harfieu fut rendue au Roy par composition.

LES CRONIQ. ET ANNALES DE FRANCE.

La prise de Bayonne, & autres places en Gascogne. yonne assemblerent bien trois mil hommes, tant dudit Bayonne que des autres places que tenoient les Anglois, pour aller leuer ledit siege. Les François le sceurent, & marcherent au deuant, & les combaterent, & desconfirent, & y en eut bien douze cens de tuez. Vn Capitaine Anglois, nommé Soliton, avec quarante lances, trauersâ le siege, & se meit dedans la place: mais tantost apres il veid qu'il ne pouuoit estre secouru: si s'en partit luy & ses gens par nuit. Le Bastard de Foix les apperceut, & les pourfuyuit, & moult en tua, & print prisonnier ledit Soliton. Lors ceux de la place, qui en furent moult esbahys, le Lundy ensuyuant rendirent la place: & prindrent semblablement lesdictz François plusieurs autres places estant entre la mer d'Acqz & Bayonne. Ce pendant que le Roy estoit à Iumieges, il enuoya mettre le siege deuant Honnefleu, par le Comte de Dunois: & y auoit bien quatre cens Anglois, bons combatans, dedans ladicte ville: lesquelz furent de si pres assaillis qu'ilz promirent que le dixhuitiesme iour dudit mois de Ianuier, ilz rendroient ladicte place au cas que ce iour les François n'estoient combatus, & dece baillerent ostages: auquel iour les Anglois ne vindrent point si fut ladicte ville baillée es mains du Roy, les ostages des Anglois deliurez. Audiect lieu de Iumieges mourut Madamoyelle de Beauré, qu'on appelloit la belle Agnes, & la fait le Roy honnestement enterrer en l'Abbaye dudit lieu: car elle viuant auoit esté fort en sa grace. En ce temps le peuple d'Angleterre s'esmeut contre les Seigneurs: & les conduisoit le Maire de Londres (qui auoit grande autorité en ladicte ville & au pais, & porroit l'on tousiours l'espée deuant luy, quand il alloit par la ville) & prindrent le Comte de Suffort, & le meirent prisonnier à Londres, & disoient qu'il auoit fait mourir les Ducz de Clocestre & d'Acestre, & estoit cause de la perdicion de Normandie: & pour ladicte cause auoient lesdictz Anglois parauant fait mourir l'Euesque de Clocestre, garde du priué seel d'Angleterre. Le Roy d'Angleterre fait secrettement deliurer ledit Comte de Suffort: lequel se meit sur la mer, pour s'en venir en France à sauuer: mais il fut rencontré par aucuns des gens du Duc de Sombreffet, qui luy coperent la teste sur le bout du nauire, & enuoyerent sa teste, & le corps, à ceux de Londres, qui le firent escarteler & pendre à leurs portes.

Comment le Duc d'Alençon meit le siege deuant Belesme: laquelle luy fut rendue, & le Pontheaudemer, & autres places en Normandie.



Excusable cas d'aucuns coquins & coquines. **D**E V A N T Belesme, ou auoit bien deux cens combatans Anglois, alla mettre le siege le Duc d'Alençon, & assaillit ladicte place vertueusement, tellement que les Anglois prindrent iour à la rendre au cas que ledit Duc n'estoit combatu, & en bailleroient ostages: auquel iour les Anglois ne se trouuerent point. Si fut ladicte place rendue aux François, qui deliurerent les ostages. Tantost apres le Roy alla à Honnefleu, à Bernay, à Essay, à Alençon, & enuoya mettre le siege deuant le Freinay, qui luy fut réduit par cōposition le vingtseptiesme iour de Mars, & par ladicte cōposition s'en allerent leurs biens saufz, moyenant qu'ilz bailleroient dix mil salutz, & on leur redroit leur Capitaine, nommé Mōtfort, qui auoit esté prins audiect Pontheaudemer. En ce temps messire Thomas Quiet, accompagné de quatre mil Anglois, partit d'Angleterre, & vint descendre en Normandie, & d'arriuee il alla mettre le siege à Valognes, par ce qu'il sceut qu'il n'y auoit nulles gardes, & luy fut ladicte ville baillée: puis apres Mathago, & autres Anglois qui estoient es garnisons, s'assemblerent, & estoient bié sept mil combatans, & se meirent à tenir les champs, & passerent les guez sainct Clement en Constentin. Messire Geoffroy de Couran, Ioachim Rouault, & autres Capitaines, les pourfuyrirent les vns çà, & les autres là, & les rencontrèrent sur les champs en diuers lieux, & en tuerent & prindrent plusieurs prisonniers. En ce temps furent pendus par arrest de Parlement aucuns coquins & coquines, qui auoient prins & emblé des petits enfans, & leur creuoient les yeulx, pour auoir occasion & couleur de les mener coquiner.

La bataille de Formigny, ou furent tuez quatre mil sept cens Anglois.

L'an mil ccc. cinquante. **E**N l'an mil quatre cens cinquante, le quatorziesme iour d'Auril, apres Pasques, les Comtes de Clermont & de Castres, le Seigneur de Rieux, lors Admiral de France, le Seneschal de Poitou, le seigneur de Mouy, de Manny, Ioachim Rouault, Robert Comerghan

merghan, & autres, iusques à six cens hommes d'armes, sans les Archiers, trouuerent le lendemain lesdictz Anglois pres Formigny, entre Carenten & Bayeux. Quand les Anglois les apperceurent ilz se meirent en bataille, & enuoyerent deuers Mathago: lequel estoit party le matin de leur compagnie, pour aller à Bayeux, qui retourna incontinent. Le Conestable, les Seigneurs de Lual, de Loheac, & d'Orual, & autres, avec trois cens lances, partirent de saint Lo, & cheuaucherent iusques à vn moulin à vent, qui estoit pres de Formigny, & se meirēt en bataille pres du parc qu'auoiet fait la nuit precedēte les Anglois: & quand ilz apperceurent que les Anglois passoient vne petite riuere, lors ledict Conestable & ses batailles passerent semblablement ladicte riuere sur vn petit pont au grand chemin, & allerent assaillir lesdictz Anglois: & là se combattirent longuement & vaillamment François, & Anglois, d'une part & d'autre: mais à la parfin les François eurent la victoire, & furent les Anglois desconfitz, & y en eut de tuez par le rapport des Heralux, des Prestres, & de ceux qui les enterrent, quatre mil sept cens septante & quatre, & prins bien pres de quatorze cens prisonniers. Là furent faitz plusieurs François Cheualiers, & entre autres les Comtes de Clermōt, & de Castres, filz du Comte de la Marche, Geofroy, filz du Comte de Boulongne, & autres. *La bataille de Formigny.*

Après celle victoire les François allerent mettre le siege deuant la ville de Vire: de laquelle estoit Capitaine messire Henry Malbury, lequel estoit pour lors prisonnier des François: si la feirent rendre, & s'en allerent quatre ou cinq cens Anglois, qui estoient dedans leurs biens saufz, à Caen. Tantost apres allerent lesdictz Seigneurs François mettre le siege deuant la cité de Bayeux, ou estoit Mathago, & bien quatorze cens Anglois qui se deffendirent vaillamment, l'espace de quatorze iours: apres lesquelz iours passez les gens de guerre François, qui auoient fait de grandes bateries es murs de la ville, & auoient desir de gaigner, voyans que ladicte ville estoit prest & aysee à assaillir, sans l'ordonnance, sans le sceu des Seigneurs & Chefz de guerre, assaillirent ladicte ville: mais ilz furent reboutez: & voyant Mathago, & les autres Anglois, le dur assaut qu'ilz auoient soustenu, auquel estoient mortz grand nombre de gens de deffense de leur party, & qu'ilz n'auoient pas esperance de secours, & auoient peu de viures: feirent composition, & s'en allerent tous, vn baston au poing, reservez aucuns, ausquelz pour l'honneur de Gentillesse on laissa des cheualx pour porter les Damoyelles. Et avec ce les Seigneurs feirent bailler des charrettes pour porter les femmes & enfans des Anglois, qui s'en allerent avec leurs maris, dont il y auoit bien de trois à quatre cens, & estoit pitie de les veoir partir: car telle femme y auoit qui portoit vn enfant au berceau, sur la teste, l'autre en ses bras, & les autres plus grandelets les emmenoient par la main, les tenans par les robbes. Puis enuoya ledict Comte de Dunois deuant le chastel de Briquebec, qui luy fut rendu: & s'en alla deuant la ville de Valongnes, qui gueres ne tint, & s'en faillirent six vingtz Anglois, qui allerent à Cherebourg, bagues sauues: & ce pendant les Marechaulx de France allerent mettre le siege deuant saint Sauueur le Vicomte, & le prindrent par composition.

Du siege & de la prinse de Caen par les François.

A Pres ces choses faictes monseigneur le Conestable, le Côte de Dunois, Lieutenāt general du Roy, les Marechaulx de Frāce, les Princes & chefz de guerre, François, qui estoient là enuiron, s'assemblerent, & s'en allerent mettre le siege deuant la ville de Caen: auquel siege vindrent tost apres en personne le Roy de Cecille, les Ducz de Calabre, d'Alençon, les Comtes du Maine, de saint Paul, de Neuers, d'Eu, & de Tancarville, & plusieurs autres grands Princes, Barons, & Cheualiers, tellement que long temps on n'auoit veu si grand' & si belle assemblée de gens de bien, ne si bien rengée n'accoustrée, comme estoit ledict siege. Et dedans ladicte ville estoit le Duc de Sombreffet, sa femme, ses enfans, & quatre mil Anglois, vaillans & renommez, tous gens de guerre esleuz, qui feirent plusieurs faillies: & là furent faitz par diuerses journées de beaux & grands faitz d'armes: mais à la fin lesdictz Anglois, voyans qu'ilz n'estoient point puissans pour resister à si noble & puissante armée, comme estoit celle du Roy, ilz feirent composition, & s'en allerēt leurs bagues sauues, & entra le Roy & sa compagnie dedans ladicte ville, à grand honneur & triumphe. *La ville de Caen fut prinse par le Roy sur les Anglois.*

LES CRONIQ. ET ANNALES DE FRANCE.

Du siege de Falaise, & de la prinse d'icelle, par les François.

INCONTINENT apres la prinse de Caen, le Roy enuoya Poton de Xainctrailles, Bailly de Berry, pour mettre le siege deuant la ville de Falaise: & apres y enuoya messire Iehan Bureau, Cheualier & Thresorier de France, qui conduisoit l'artillerie, avecques grand nombre de frâcs Archiers. Dedans ladicte ville estoient bien mil & cinq cens Anglois, tous gens d'élite: lesquelz quand ilz apperceurent approcher l'artillerie, que conduisoit ledict Bureau, faillirent dehors, & vindrent frapper dessus trespremier, & tellement que les François commencerent à reculer: mais incontinent vint ledict Poton au secours frapper sur iceux Anglois: lesquelz furent reboutez iusques au portes de ladicte ville, par le moyen desdictz Poton & Bureau, qui se porterent tres-vaillamment.

La prinse de Falaise sur les Anglois.

Tantost apres, le Roy se partit de Caen, pour aller audict Falaise, & alla logger du costé deuers Argenten, en vne Abbaye de saint Andry, à demie lieuë seulement dudit Falaise, & estoit avec luy le Roy de Cecille, & les Ducz, Comtes & Seigneurs dessus nommez. Le Duc d'Alençon & sa bande furent logez en vne autre Abbaye, fondée de sainte Marguerite, & le Comte de Dunois, Lieutenant du Roy, fut logé à la Guibray, & les autres Capitaines auoient chascun leur quartier, tellement que ladicte ville de Falaise fut assiegée, & enuironnée de tous costez: & furent les murs fort batus d'artillerie, tellement que les Anglois se meirent à parlementer, & promeirent rendre ladicte ville & chastel au Roy le vingtiesme iour du mois de Iuillet, au cas qu'ilz ne seroient secourus dedâs cedit iour, pourueu que leur Maistre, seigneur & Capitaine, qui estoit le Sire de Talbot, Seigneur de ladicte place, par don à luy faict par le Roy d'Angleterre (lequel Talbot estoit prisonnier du Roy au chasteau d'Eureux) seroit deliuré, moyennant certaines promesses que celuy de Talbot deuoit faire au Roy: & pour secreté de ce bailleret douze ostages dudit lieu de Falaise: dont depuis fut Capitaine Poton de Xainctrailles, grand Escuyer d'Escuyerie, & Bailly de Berry: & par ainsi fut deliuré ledict Seigneur de Talbot: lequel s'en vint deuers le Roy, & luy deit qu'il vouloit aller à Romme, au grand pardon de Iubilé: & à son partement le Roy luy fait de grans dons, & le fait conuoyer & deffrayer par tout ou il passa iusques hors de son royaume, & manda par toutes les villes qu'on le festoyast. Le douziesme iour dudit mois de Iuillet se partit le Sire de Culant, grand Maistre d'hostel, le Sire de Blainuille, & autres Chefz de guerre, & allerent mettre le siege deuant le chastel de Damfront, & avec eux estoient quinze cens francs Archiers, & messire Iehan Bureau, qui auoit charge de la conduite de l'artillerie. Dedans ladicte place auoit de sept à huit cens Anglois, qui se deffendirent vaillamment, iusques au deuxiesme iour d'Aoust, qu'ilz firent composition que moyennant certaine somme, qu'ilz promeirent bailler, ilz s'en allerent, & de payer la somme au iour nommé baillerent ostages.

La mort de François Duc de Bretagne.

En ce temps mourut de certaine maladie monseigneur François, Duc de Bretagne, nepueu & homme subiect du Roy de France, au manoir de Plaisance lez Vannes, & gist en l'abbaye de Redon. De la mort de ce Prince fut dommage: car il estoit vaillant & sage, & qui aymoît le Roy & le royaume de France: & le monstra bien à ladicte conqueste de Normandie, ou il exposa sa personne & biens, sans y rien espargner. Il auoit en premieres nopces espousé Yoland, fille de Loys, deuxiesme Roy de Cecille, & Duc d'Aniou, qui mourut sans hoirs, & gist aux Cordeliers dudit Vânes. Apres espousa en secondes nopces madame Ysabeau, aînée fille du Roy d'Escoffe, de laquelle il eut deux filles, l'une nommée Marguerite, qui fut mariée à François, filz de Richard, Comte d'Estampes. La seconde fille, nommée Marie, fut mariée à Iehan, Vicomte de Rohan. Apres le trespas dudit Duc François, luy succeda audict Duché, Pierre, son frere, qui eut à femme Catherine, * fille de monseigneur Loys d'Amboise, Vicomte de Thouars, de laquelle il n'eut aucuns enfans: & mourut ledict Pierre l'an mil quatre cens cinquante & sept, & gist en l'Eglise collegiale nostre Dame de Nantes. Apres la mort duquel luy succeda audict Duché, monseigneur Artus, Comte de Richemont, Connestable de France, qui ne vescu que quinze mois Duc: & mourut en Decembre, mil quatre cens cinquante & huit, au chasteau de Nantes, & gist en l'Eglise des Chartreux, qu'il fonda es faulxbourgs de ladicte ville, ou parauant auoit Chanoines. Iceluy Artus eut trois femmes, desquelles il n'eut aucuns enfans: la premiere fut fille du Duc Iehan de

* Cro. Bret.
la nomment
François.

Iehan de Bourgongne, laquelle parauant auoit esté femme de monseigneur Loys, Duc de Guyenne, Dauphin, aîné filz du Roy Charles sixiesme, la seconde fut fille au Vicomte d'Albret: la tierce fut madame Catherine de Luxembourg, fille du Comte de saint Paul. En celle saison audict an mil quatre cens cinquante, le Roy feit mettre, par le Conestable, le siege deuant Cherebourg, anciennement appelé Cesarbourg, ou le Bourg de Cesar, par ce que Iules-Cesar le feit ædifier, quand il conquist les Gaules: en laquelle place auoit mil Anglois combars. Illec eurent les François moult de peine à faire les approchemens: ausquelz faire fut tué d'une couleurine messire Pregent Seigneur de Coytiuy, & seigneur de Raiz, Admiral de France, qui fut dommage. Aussi fut tué Tudoal le Bourgeois, Bailly de Troyes, & y eut vn gros Canon & quatre Bombardes rompuës, de force de tirer. A la parfin vn nommé Thomas Gonnel, qui en estoit Capitaine pour le Roy d'Angleterre, le treiziesme iour d'Aoust, audict an mil quatre cens cinquante, rendit ladicte place, qu'on disoit la plus forte de Normandie, parmy ce qu'on luy rendit vn sien filz, qui estoit en ostage, pour l'argent qui auoit esté promis par ledict de Sombreffet, à la composition de Rouen: & s'en allerēt les Anglois en Angleterre: car ilz ne scauoient plus ou aller. Le Sire de Bueil fut fait Capitaine de ladicte place de Cherebourg: & luy donna le Roy l'Office d'Admiral, vacant par la mort dudit feu seigneur de Coytiuy, qui auoit esté tué audict siege de Cherebourg. Et par ce que dict est peut son veoir & congnoistre que toute la Duché de Normandie fut par ledict Roy Charles septiesme, conquise, & toutes les villes, places & chasteaux d'icelle, mises en l'obeissance du Roy, en vn an & six iours, qui est à reputer grand merueille, & comme chose miraculeuse: car en iceluy pais y a plusieurs belles & grandes citez, villes, places fortes: & y a vn Archeuesque, & six Euesques, & cõtient six grandes iournées de long, & quatre de large: & fault noter que du costé du Roy de France n'y eut guerres d'occision, ne de dommages sur le peuple. Le Roy feit Messire Pierre de Bresse, grand Seneschal dudit pais de Normandie, & laissa pour la garde & deffense des places du pais de Normandie, vij. cens homes d'armes, & xij. cens Archiers, qui furent mis en garnison és villes & places estans sur les portz de mer, en la frontiere des Anglois.

L'an milccc. cinquante.

La dernière place que les Anglois perdirent en Normandie.

Petite description du pais de Normandie.

De la prinse de plusieurs villes en Guyenne: de l'institution du Parlement de Bourdeaux: & de la totale reduction de Guyenne, pour les François.

L'An mil quatre cens cinquante & vn, le Comte d'Angoulesme, frere legitime du Duc d'Orleans, les Comtes de Dunois, & de Longueuille, les Sires de Rochechoart, & de Rochefoucault, maistre Iehan Bureau, Thresorier de France, & Pierre de Louvain, accompagnez de quatre cens lances, & quatre mil francs Archiers, assiegerent en Guyenne le chastel de Montguyon, dont estoit Capitaine Arnault de saint Iulian: lequel chastel fut rendu par composition le dixiesme, ou douziesme iour de May. Incontinent apres, le seiziesme de May, les Seigneurs dessusdictz meirent le siege deuant la ville de Blaye, & avecques eux se ioignirent le Comte de Ponthieure, messire Pierre de Beauuau, Seigneur de la Bassiere, & Lieutenant du Comte du Maine, Geofroy de saint Belin, messire Iaques de Chabannes, grand Maistre d'hostel du Roy, Ioachin Rouault, & plusieurs autres. Ladicte ville fut prinse le vingt & vniesme iour de May, apres ce qu'elle eut esté fort batuë d'Artillerie, & le chasteau par composition. Finablement en ladicte prinse furent occis plus de deux cens Anglois. Item les Seigneurs de France dessusdictz assiegerent & prindrent par composition la ville de Bourg en Guyenne le vingt & neufiesme de May: de laquelle fut Capitaine messire Iaques de Chabannes, grand Maistre d'hostel du Roy. En ce mesme an, le Comte d'Albret, les Seigneurs de Tartas, & Dorual, ses filz, le Comte de Foix, le Vicomte de Lantrac, son frere legitime, les Barons de Nouailles, & autres, meirent le siege deuant la ville d'Arques, laquelle fut renduë par composition.

L'an milccc. cinquante vn.

La ville d'Arques prinse sur les Anglois.

En ce mesme temps le Comte d'Armignac, & le Comte de Xaintrailles, les Seigneurs de Thoulouse, & plusieurs autres, meirent le siege deuant la ville de Rioux. Aussi le Comte de Ponthieure, le Sire de Ialongnes, Marechal de France, & maistre Iehan Bureau, Thresorier, accompagnez de trois cens lances, & de deux mil frâcs Archiers assiegerent la ville de Chastillon, en Perigort, qui fut renduë par composition: & en fut Capitaine maistre Iehan Bureau. Pareillement celle de saint Melion fut prinse, &

LES CRONICQ. ET ANNALES DE FRANCE.

*La prise de
Liborne.*

fut laissée en la garde du Comte de Ponthieure. Au vingt & quatriesme iour du moys de Iuin, aux Comtes d'Angoulesme, de Dunois, de Clermont, de Vendosme & de Castres, fut rendue par composition vne place nommée Fronsac, qui est la plus forte des marches de Guyenne, & de Bourdelois: parquoy estoit tousiours gardée par les natifz d'Angleterre, & auoit esté ladiète place assiegée par mer & par terre, le deuxiesme iour precedent. D'icelle place fut Ioachin Rouault fait Capitaine. Aussi leur fut rendu la ville de Liborne, qui fut laissée en la garde du Comte d'Angoulesme. Deuant ledict chastel de Fronsac furent faitz Cheualiers le Comte de Vendosme, le Vicôte de Touraine, le Seigneur de la Rochefoucault, & plusieurs autres iusques à cinquante.

*Institution du
Parlement de
Bordeaux.*

En ce mesme moys fut assiegée la ville & cité de Bourdeaux, & reduite finalement à l'obeissance du Roy de France, par appoinctement fait entre les Seigneurs dessusdictz, & les habitans de ladiète ville: & entre les autres choses le Roy de France donna grandes libertez & franchises audict pais, & fut ordonné qu'il y auroit Parlement & Court souueraine à Bourdeaux. Le Comte de Clermont en fut fait Capitaine, Ioachin Rouault, Connestable, maistre Jehan Bureau en fut fait Maire (qui n'est pas petit Office) & messire Oliuier de Coytiuy fait Seneschal de Guyenne. Apres ceste reduction tous les Seigneurs & Capitaines, qui estoient bien vingt mil combatans, s'en retournerent reposer en leurs maisons: & si fut forte iustice faite & entretenue: dequoy les habitans furent moult ioyeux: car deuant le temps des Anglois tousiours les plus fors s'emportoient. Entre les autres fut fait iustice de cinq garnemens, qui audict lieu naurerent messire Pierre de Louvain, à la faueur de Raoul de Flauay, pour certain

*Bayonne ren-
due François.*

*Vne Croix
blanche ap-
parut au ciel
sur la ville de
Bayonne.*

debat meuiapiece entr'eux. Le sixiesme iour du moys d'Aoust ensuyuant fut assiegée la ville de Bayonne, en laquelle furent faitz de grâds & merueilleux assaulx: & les Eglises & maisons des faulxbourgs y furent brulées. Apres lesquelles choses ilz se rendirent par composition le Ieudy dixneufiesme dudit moys: & le lendemain, qui estoit iour de Vendredy, vn peu apres soleil leuant, le iour estant bel & cler, fut veue au ciel par ceux qui estoient en cost du Roy, & mesmement par les Anglois, audict Bayonne vne Croix blanche: laquelle on veit publicquement par l'espace d'une demie heure: & lors les habitans de ladiète ville osterent leur Croix rouge, disant qu'il plaisoit à Dieu qu'ilz fussent François, en portant la Croix blanche. Audict siege estoient pour le Roy de France les Comtes de Dunois & de Foix, Lieutenans du Roy, & plusieurs autres. Durant ledict siege feit le Comte de Foix quinze Cheualiers: entre lesquels estoient le filz du grand Maistre d'hostel, le seigneur de Tessac, & plusieurs autres. A l'entrée de Bayonne fut pareillemēt le Comte de Dunois avec aucuns Cheualiers, entre lesquels estoient Iamet de Saueuse, le Sire de Montguyon, & autres. Apres ladiète reduction de ladiète ville de Bayonne, messire Martin Gracie en fut commis Maire & Capitaine: de laquelle parauant estoit gouuerneur messire Jehan de Beaumont, frere du Connestable de Navarre, de l'ordre de saint Jehan de Hierusalem: lequel par l'appoinctement fait demoura avecques d'autres prisonniers, à la volonté du Roy de France. Ainsi par la grace diuine fut reduite toute la Duché de Guyenne, sans guerres tarder apres la conqueste de Normandie: & generalement fut reduit tout le royaume de

*La reduction
de Guyenne,
& de toute
France, excep-
te Calais.
Bonne iustice
maintenue
aux subiectz
des villes, par
les gouver-
neurs d'icelles*

France, exceptée la ville de Calais seulement, qui est encores demourée es mains des Anglois, comme anciens ennemys de France. Et pource qu'en la reduction de plusieurs villes dessusdictes, a esté souuent dict qu'elles ont esté rendues par composition, il me semble fort conuenable de cy escrire vne maniere de faire qu'auoient les gens d'armes & le peuple aduersaire, es deuant dictes reductions, tant en Normandie qu'audict pais de Guyenne. Et premier ilz faisoient iustice d'eux mesmes, maintenoient les habitans des villes en leurs priuileges, franchises & libertez, sans les piller ne souffrir manger aucunement. Et s'aucuns des manans & habitans, gens d'Eglise, Nobles, Bourgeois, Marchans, ou gens de guerre desdictes villes vouloient se retourner du party de France, & faire le serment, en estant loyaux & vrais subiectz au Roy de France, ilz auoient abolition de tous leurs malfaitz & delictz, retournoient à leurs benefices, rentes, reuenues, & heritages, ou estoient souldoyez s'ilz se vouloient meller de la guerre: Et quand ilz n'estoient pas totalement de ce faire deliberez, promptement leur estoit baillé saufconduit à seureté, pour quatre ou cinq moys, à se deliberer & pourueoir à leurs affaires, selon l'exigence du cas: durant lequel temps ilz ne pouuoient ne deuoiēt faire machineries contre la maiesté Royale de France: & apres ce, s'ilz ne vouloient demourer,

demourer, on les faisoit conduire eux & leurs biens seurement, iusques aux lieux de-
 clairez & limitez en la composition, combien que iamais ne reportoient grosse Artil-
 lerie, mais seulement arcz, arbalestres, & couleurines à main : & si promettoient com-
 munement de non plus s'armer contre la couronne de France. Item & avec ce, quand
 lesdictz aduerfaires, se voyans esdictes villes fort assailliz, & congnoissans qu'ilz estoient
 les plus foibles (s'ilz n'estoient secouruz) prenoient certain iour d'accord pour com-
 battre les François, ou rendre la place en attendant secours, de ce bailloient bons osta-
 ges aux François: parquoy s'en alloient communement leurs corps & leurs biens saulz
 ou aucunesfois sans cheual ny asne, vn seul baston en leur poing, selon ce qu'ilz auoient
 merité. Lesquelles coustumes & manieres de faire vouloit le bon Roy Charles estre
 entreteuës, pour euer l'effusion du sang humain, destruction de peuple, & depopula-
 tion du pais. Entre les autres compositions, nous parlerons & dirons aucunes choses
 de celles qui ont esté faictes à deux hommes particuliers, apres la prise de la cité de
 Bourdeaux. L'appoinctement de ladicte cité venu à la congnoissance de monsei-
 gneur Gaston de Foix, Comte de Venages, & Captau de Buch (lequel estoit de l'ordre
 de la Jarriere, qui est du Roy d'Angleterre, ou il vouloit retourner) fait tel accord entre
 les autres choses, avec monseigneur de Dunois, Lieutenant du Roy de France, esdictz
 pais. Premièrement que ledict Captau & le Sire de Candale, son filz, retourneroient
 à toutes les terres, chasteaulx, forteresses, seigneuries & possessions qui leur competent
 & appartiennent, tant par la succession de leur pere & mere, comme par dons à eux
 faictz par les Roys d'Angleterre & Ducz de Guyenne, ou par achapt, ou autrement : &
 posé qu'ilz en eussent perdu la possession par fortune de guerre, ou autrement, neant-
 moins le Roy de France les leur fera restituer reallement & de faict, par ceux qui les
 occupent : & quant aux terres qu'ilz tiennent par don, le Roy sera tenu de recompen-
 ser ceux à qui elles sont, iusques à la somme de deux mil liures Tournois de rente, mon-
 noye de Roy. Item & pource que ledict Captau & le Sire de Candale sont deliberez
 de seruir le Roy d'Angleterre, le filz dudit Candale, aagé de trois ans seulement, iou-
 yra plainement des maintenant de toutes lesdictes terres de ses predecesseurs, soubz la
 conduite de monseigneur le Comte de Foix, son cousin, iusques à ce qu'il vienne en
 aage : & seront mis Officiers esdictes terres, qui feront le serment de fidelité au Roy de
 France, & luy venu en aage de discretion, fera hommage & tous deuoirs accoustumez
 audit Roy, comme son vassal & subiect : mais se lors ne vouloit demourer audit par-
 ty de France, ne faire ledict serment, ou qu'il allast de vie à trespas, sans hoirs de son
 corps, tout retourneroit au plus prochain hërítier d'iceluy enfant, fust male ou femel-
 le, demourant audit party du Roy. En l'an mil quatre cens cinquante & vn, l'Empe-
 reur Federic, Duc d'Austriche, print à femme Leonore, fille du Roy de Portugal, & fut
 espousé & couronné à Rome avec ladicte femme, par la main du Pape Nicolas, & en
 sa compaignie estoit Lancelor, Roy de Hongrie & de Boesme, filz d'Albret, Empereur
 dessusdict. Aussi avec luy estoit son frere Albret, Duc d'Austriche. En ce mesme temps
 fut grand' diuision entre le Duc de Bourgogne & les Gantois, pour la gabelle du sel,
 qu'il vouloit mettre sus. Pareillement y eut en Angleterre grand discord entre le Duc
 d'Yort & celui de Sombreffet, pour le gouuernement du royaume. Aussi eut grande
 guerre entre le Roy d'Espaigne & celui de Nauarre. Item le Cardinal de Touteuil-
 le vint en France, enuoyé de par le Pape Nicolas, pour cesser la guerre entre les Roys
 de France & d'Angleterre : & pour ce faire enuoya pareillemēt en Angleterre l'Arche-
 uesque de Rauenne, qui estoit de ceux des Vrsins de Rome. En l'an mil quatre cens
 cinquante & deux, Iaques Cœur, Argentier de France, fut faict prisonnier par le com-
 mandement du Roy de France, pour certain cas touchant la foy catholique, & crime
 de leze maiesté. Il estoit accusé d'auoir administré au Sarrazins armeures, & enuoyé
 armeriers pour en faire en la forme des Chrestiens. Item d'auoir rendu ausdictz Sar-
 razins vn Chrestien prisonnier, qui estoit eschappé de leurs prisons : & oultre on deit que
 il auoit mal vsé des deniers du Roy : toutesfois aucuns disoient qu'on luy imposoit le-
 dict cas par enuie, & pour auoir ses biens & sa finance. Pareillement fut arrestée &
 emprisonnée la Damoyelle de Mortaigne, pource qu'elle auoit encoulpé ledict Iaques
 Cœur d'aucunes choses, dont il estoit innocent. En ce mesme an le Roy de France
 enuoya deffier le Duc de Sauoye, pour aucunes extortions qu'il auoit procurées contre
 la couronne de France, manda gens d'armes, & cheuaulx, iusques au pais de Forestz,

L'an milccc.
cinquante vn.

Le Cardinal
de Touteuil-
le.

L'an milccc.
ljj.

Iaques Cœur
prisonnier.

LES CRONIQ. ET ANNALES DE FRANCE.

pour entrer en Sauoye : puis fut la paix faicte à Fenos, en Forestz, par le moyen du Cardinal de Touteuille, qui s'en retournoit à Romme.

Comment le Sire de l'Espaire, & autres, allerent querir les Anglois, à fin qu'ilz fussent encores leurs Seigneurs en Guyenne.

La prinse de Bourdeaux par Talbot.



Vdict an, le vingt troisieme iour du moys d'Octobre, Talbot, Anglois, retourna en France à tout quatre ou cinq mil hommes, & arriua en l'Isle de Madoc, ou il print deux forteresses. Apres reprint la cité de Bourdeaux, & tous les François y estans, de par le Roy de France : entre lesquels estoit messire Oliuier de Coytiuy, Seneschal de Guyenne, & messire Iehan du Puy, soubzmaire de ladicte ville. Auec ce ledict Talbot reprint la pluspart des places de Bourdelois, auant que les gens d'armes de France fussent assemblez.

Descente des Anglois à Bourdeaux.

Entre les autres places fut prinse Chastillon, en Perigord, & le fort chasteau de Fronfac : pour laquelle chose se porta tres-vaillamment monseigneur le Comte de Clermôt, Lieutenant general du Roy de France audict pais. En cediect an descendit d'Angleterre enuiron quatre mil combatans Anglois, ayans quatre vingtz vaisseaulx, que grâds que petis, chargez de farines & de lards, pour auitailler la ville de Bourdeaux.

L'an mil cccc. liij.

La prinse de Constantinople, par les Turcs.

Audict an commença grand bataille en Brutzia entre les freres de l'ordre de l'hospital de nostre Dame, & ceux de la cité, pour l'excessif orgueil desdictz freres. L'an mil cccc. cinquante trois, les Turcz tenans le siege deuant Constanatinople bailloient chascun iour trois fois l'assault, tant par mer que par terre, ayans en leur compaignie trois cens mil hommes, en telle sorte que finalement la gaignerent en soixante & six iours, dont fut grande pitié : car ilz meurdrirent & meirent à mort l'Empereur des Grecz, le Patriarche, & tous les Chrestiens qu'il y trouuerent, sans auoir d'eux nulle mercy.

** Guaguin le nôtre siege estoit messire Jaques de Chabânes, grand maistre d'hostel du Roy, & plusieurs autres grands Seigneurs : lequel Calais fut prins d'assault, & y mourût quatre vingtz Anglois, & autant de prisonniers prins : lesquels furent descapitez, pource qu'ilz auoient faulxé leurs sermens. En apres fut mis le siege deuant la ville de Chastillon, ou Talbot vint pour cuider leuer le siege, à tout cinq ou six mil homes : lesquels furent finalement tous desconfitz, & Talbot occis, & son filz, & plusieurs autres des plus vaillans Cheualiers d'Angleterre. Le troisieme iour apres ladicte bataille, mourut messire Pierre de Beauuau, & messire Jaques de Chabannes, grand Maistre d'hostel du Roy de France, qui fut bien plaint & regretté : car il auoit moult bien seruy le Roy en toutes ses guerres. Ne demoura guerres qu'en ce temps l'Isle de Madoc fut recouuerte & prinse par le Comte de Clermont, & plusieurs autres grands Seigneurs : & en apres le dessusdict Comte de Clermont, & le Comte de Foix, & plusieurs autres Cheualiers & Barons assiegerent Candillac, & fut prins & mis en la main du Roy, & aussi fut S. Machaire, & plusieurs autres places, mais le Capitaine de Candillac, eut la teste coupée. Le Roy en personne y estoit à la prinse des dessusdictes places, acompaigné du Côte du Maine, & de plusieurs autres Barons en grand nombre : lesquels reprindrent le chasteau de Fonsac, duquel se departirent les Anglois, vn baston blanc en leur main, & s'en allerent en Angleterre.*

Talbot occis & son filz, aussi deuant Chastillon.

La deuxiesme reduction de Bourdeaux aux François.

En ladicte année fut mis le siege deuant Bourdeaux, & reduicte pour la deuxiesme fois au François, apres merueilleuses escarmouches : pour laquelle chose le Roy tint à soy vingt ou trente hommes du pais de Bourdelois : lesquels furent bannis : dont le Sire de Duras & de l'Espaire, & plusieurs autres, estoient desdictz bannis. Ledit Comte de Clermont, Lieutenant du Roy, eut la garde de tout le pais de Guyenne : & en ceste dicte année le royaume de France fut du tout reduict François, excepté Calais sur la mer. Audict an, la surucille de Noel, maistre Guillaume Edeline, Prieur de saint Germain en Laye, qui parauant estoit Augustin, fut escharfauldé & presché publiquement, en la cité d'Eureux, & condamné es prisons de l'Euesque perpetuellement, pource que il cheuauchoit le balay & estoit Vaudois.

L'an mil cccc. liij.

L'an ensuyuant, mil quatre cens cinquante & quatre, le Roy de France feit faire à Bourdeaux deux chasteaux, pour tenir les haditans de la ville en subiection : l'un fut assis sur la riuere, & l'autre sur le costé deuers Bierne. En ce mesme temps le Duc d'Yort, print le gouuernement d'Angleterre, & feit mettre prisonnier le Duc de Sombreffet, & de Cloestre. Item, le Comte de Charolois, filz du Duc de Bourgongne, espousa la fille

fille de Charles, Duc de Bourbon : & mourut le Roy d'Espaigne, aagé de cinquante ans. Item en cediect temps, le Sire de l'Espaire fut prins & descapité à Poitiers, pource qu'il estoit retourné en Angleterre, pour la deuxiesme fois, querir les Anglois pour venir en France, & pource qu'il auoit faulxé son serment enuers le Roy de France, qui parauant luy auoit pardonné. En l'an mil cccc. lv. le iour de l'Annunciation nostre Dame, au mois de Mars, trespassa lediēt Pape Nicolas, & fut empoisonné, cōme l'on trouua par experience, quand il fut ouuert. Cestuy Pape Nicolas fut esleu à Romme, mil cccc. xlvij. Pape au lieu d'Eugene, estant encores Scisme: mais petit à petit il obtint obedience par tout, & fut tout le monde esbahy comme vn hōme de si basse & petite nation, peult preualoir contre vn tant noble & puissant Prince que le Duc de Sauoye, qui estoit affin & amy quasi à tous les Princes de Chrestienté: mais lediēt Fœlix, pour l'union de l'Eglise, ceda à la dignité Papale: & ainsi ce fut par le bon plaisir de Dieu, de glorifier son nom par les abiectes personnes du monde. Cestuy Nicolas fut maistre en Theologie, & fort actif à conceuoir, il reādifia plusieurs grandes choses destruites: & autour du Palais de Romme, feit construite grandes murailles, & refeit faire la muraille d'entour de Romme, pour la crainte des Turcz. Item fut publié vn vers à Romme *Lux fuisit mundo, cessit Fœlix Nicolao*: Apres Pape Nicolas fut esleu Pape Calixte, troisieme de ce nom, natif de Castille, qui estoit homme vieil & ancien, aagé de quatre vingtz cinq ans. Ce Pape, apres le Dimenche de *Lasure*, enuoya la Rose consacrée au tres excellent Prince & Lantgraue de Hessen, qui estoit remply de vertus: lequel estoit le sixiesme de la lignée de sainte Elizabeth. Il fut premierement Cardinal de Valence: & pource que tantost apres son election il fut malade, il ne peut parfaire n'acheuer beaucoup de grandes & bonnes besongnes qu'il auoit entreprinſes contre le Turc: si mourut apres qu'il eut regné trois ans cinq mois, le iour saint Calixte, ou il auoit institué la feste de la transfiguration de nostre Seigneur, apres la grāde victoire qui fut donnée de Dieu aux Chrestiens, & la vengeance faicte miraculeusement contre les Turcz, au pais de Hongrie le iour saint Sixte: ou le grand Turc perdit moult de gens, & s'en fuyt, combien que nul ne le suyuiſt: car la seule main de Dieu l'espouuenta tellement luy & ses gens, & donna tel courage aux Chrestiens, par le moyen d'un nommé frere Iehan Capistran, que les Turcz disoient qu'un si grand nombre de gens d'armes les suyuoient, qu'à peine oſoient regarder derriere eux: toutesfois nul ne les suyuoit que les Anges. En ce mesme an le Duc d'Yort desconfit le Roy d'Angleterre, pres de Londres, & y mourut le Duc de Sombreſſet, le Comte de Nortombelland, & autres enuiron cinq cens hommes, & le Roy mesmes y fut nauré d'une fleſche, & par ceste maniere demoura le gouuernement du royaume audiēt Duc d'Yort. Audiēt an le Roy de France enuoya le Comte de Clermont, Mareſchal de France, en la Comté d'Armignac, & le Mareſchal de Loheac, & le Comte de Dampmartin, & le Bailly d'Eureux au pais de Rouergue, pour mettre les terres dudiēt Côte d'Armignac en sa main, à cause que lediēt Comte s'estoit rebellé, en refusant la possession & iouyſſance à l'Archeuesque d'Auch, qui par le chapitre auoit esté esleu, mais à force en voulut mettre vn autre, nommé Deleustery: & pource fut prinſe la cité de l'Estore, & plusieurs autres dudiēt pais, contre la volonté & puissance dudiēt Comte. Audiēt an le premier iour de Ianuier, Othe Chastelan Florentin, Argentier, & Guillaume Goffier, premier Chambellan du Roy de France, furent emprisonnez pour aucun cas, dont ilz estoient accusez.

Le Comte de Charolois prit à femme la fille du Duc de Bourbon.
L'an mil cccc.

Le trespas du Pape Calixte.

La glorieuse & diuine victoire des Chrestiens contre les Turcz.

Le Roy d'Angleterre desconfit du Duc d'Yort.

La Comté d'Armignac mise en la main du Roy pour sa rebellion.

Comment le Roy Charles, septiesme meit en sa main toutes les citez, forteresses, villes, & chasteaux du Daulphiné, que tenoit son filz Loys, Daulphin de France.



Vdiēt an mil quatre cens cinquante & cinq, le Roy, voyant que son filz Loys Daulphin estoit avec le Duc de Bourgōgne, oultre son gré & volonté, se transporta au pais du Daulphiné, & meit & saisit en sa main toutes les citez, & forteresses, villes & chasteaux dudiēt pais de Daulphiné, en escriuant par toutes bōnes villes de son royaume qu'on ne baillast point de passage audiēt Daulphin, pource qu'il luy sembloit estre trop volage, & plein de sa volonté: car en se departāt

Second volume.

TT

LES CRONIQ. ET ANNALES DE FRANCE

de son pere ne demanda point de congé, sinon que pour quatre mois, & il demoura presque dix ans,* à la grande desplaisance du Roy. En ce mesme an fut fait prisonnier à Paris, Iehan Duc d'Alençon, prochain parent du Roy. En celuy an le Pape Calixte donna grands pardons & indulgences, à tous ceux qui yroient barailier contre les mescreans. Item les Hongres occirent audict an, à diuerses fois, plus de deux cens mil Turcz: car pour vne iournée seulement, entre soleil leuant & couchant, en furēt occis cent mil: & prindrent ledictz Hongres, en tirant vers Grece & Constantino-
** Autres disent six ans.*
Cruelle occision des Turcs.

ple, huiet vingtz, que citez, que villes murées, & quatre cens chasteaux. Le principal de ceste conqueste estoit vn Cheualier, nommé Guillaume le Blanc: lequel fut nauré d'une lance en la derniere bataille, & frere Iehan de Capistran dessusdict, qui donnoit conseil aux Chresties, duquel on vsoit, & portoit en la bataille simage du Crucifix, & crioit à haulte voix. O mon Dieu & mon Saulueur, ou sont tes misericordes anciennes? vien ayder à ton peuple. Ledit frere Iehan de Capistran auoit esté iadis disciple de saint Bernardin. Item le pais d'Arragon, de Pouille, & de Molose, furent si tourmentez de si grands mouuemens & tremblemens de terre, par l'espace de sept iours, que ce fut grand' horreur, en telle sorte que plusieurs villes & chasteaux perirent & moururent bien vingt-huiet mil personnes.

En lan mil quatre cens cinquante & sept, mourut Pierre, Duc de Bretaigne, auquel succeda Artus de Richemont, Seigneur de Partenay, & Connestable de France: pour laquelle il feit hommage au Roy de France, comme ses predecesseurs auoient accoustumé. En ce mesme an vindrent les Hongres en France, pour demander en mariage madame Magdaleine, fille du Roy de France, pour leur Roy, nommé Lancelot: mais le lendemain de Noel, leur vindrent nouuelles, que leur Roy estoit mort: dont

toute la seigneurie de France fut moult dolente. Pareillement en cedit an Charles, Roy de Suecie, vint en Prutzia, avecques grand thresor: parquoy fut esleu le Roy de Dannemarch, à estre Roy de Suecie. L'an mil quatre cens cinquante & huiet, le Duc de Bourgongne, nommé Philippe, feit son entrée en sa ville de Gand, laquelle fut aussi magnificque & triumpante que iamais fut veüe. Entre les autres choses y auoit vne image, & figure de Prophetes, tenans en leurs mains rouletz, & dictz moult plaisans, fort à propos, & bien prins. En ce mesme an le Roy de France estant à Vendos-

me, ou tous les Pers de France estoient assemblez, fut fait le proces de monseigneur Iehan d'Alençon. Audict an mil quatre cens cinquante & huiet, le Pape Calixte trespassa au mois de Iuillet: auquel succeda *Aeneas, Poeta Laureatus*, & Chancelier imperial, natif de Sienes. Il fut nommé Pius, deuxiesme de ce nom, & fait Pape deux cens cinq, & vesquit six ans Pape. Cestuy Pape fut homme eloquent, grand Orateur, & Poete Laureat, parauant qu'il fust Ambassadeur de l'Empereur au Concile de Basle.

Il a escript vn beau traicté de l'autorité d'iceluy. Il canoniza sainte Catherine de Sienes. Cestuy desirant à ordonner le passage d'oultre mer, quand plusieurs Allemans furent venus, il les renuoya, avecques sa benediction, pourtant qu'ilz n'estoient suffisans à tant grande entreprinse. En ce temps s'en alloient à grandes compagnies petits enfans à saint Michel, & eut on grande paour que le mauuais esprit ne les aggre-
Le proces de monseigneur d'Alençon.
Pape Pius 2.^e de ce nom.

taist: mais tantost cessa cecy par l'enney du grand chemin, & de la faim qu'ilz enduroient. En ce temps l'impression des liures, qui est vne science tres-vtile, & vn art qui oncques n'auoit esté veu, fut trouuée en la cité de Magonce. Ceste science est art des arts, science des sciences, laquelle, pour la celerité de son exercice, est vn thresor considerable de sapience, & de science, lequel les hommes desirent à obtenir par instinct de nature: lequel art est sorty de la profundité des tenebres, & de l'obscurité, & est venu en ce malin monde: lequel enrichit & enlumine la vertu infinie des liures, laquelle iadis estoit à Athenes, & à Paris, & aux autres estudes, & maintenant a esté manifestée aux pauvres indigens, estudians, Escoliers. Ceste multitude est diuulgée entre tous peuples, langues, & nations, tellement que vrayement nous pouons regarder & dire ce qui est escript au premier chapitre des Prouerbes: *sapientia foris predicat*, c'est à dire, que par la vertu de ceste science, & art d'impression, sapience presche par dehors, quand en toutes places donne sa voix, & qu'aux portes des citez profere ces parolles, & dit: Iusques à quand petit peuple aymeras-tu enfance, & c. & mespriseras les marguerites: toutesfois en cecy n'est pas blecée l'opinion du Sage, qui a achapté les marguerites à luy presentées. En ce temps Iacques Picénius, Capitaine de la Cheualerie du Roy Alphonse,

Invention de l'art d'imprimerie, qui est tres-vtile en la Chrestienté.

phonse, gasta & destruyfit les maletostes * des Prestres. En cedit an Pierre Fregou-
se, ayant la seigneurie de Genes, quand il veid que plus ne la pouuoit tenir, il bailla la
cité au Roy Charles, septiesme de France. En ce temps le Roy Alphonse, en son temps
Roy des Arragonnois, fut saisy d'une merueilleuse fiebre: pour laquelle chose il mou-
rut apres plusieurs iours, en vne montaigne de Naples, sur le riuage de la mer. Le
Roy Alphonse mort, son filz Ferrand conquist le Royaume de Pouille: lequel Iehan
de Calabre, filz de René d'Aniou, vouloit recouurer pour son pere.

En ce temps fut le grand hyuer sans neige & sans vents. En ce temps trespassa Ar-
tus de Bretagne, Connestable de Frâce: auquel succeda en ladicte Duché le filz de ma-
dame d'Estampes, sœur de monseigneur d'Orleans: laquelle en propre personne le
mena audict pais de Bretagne prendre possession. Item en ce temps commence-
rent courir parolles & langaiges d'une fille de dixhuiet ans, nommée la Pucelle du
Mans, qui faisoit choses merueilleuses, en abusant Dieu & le monde: & entre les autres
abusa grandement l'Euesque de la cité, qui estoit homme de bonne vie, & guidoit qu'il
le fust sainte: mais en la fin fut congneu que toutes les folies procedoient d'aucuns
Officiers dudit Euesque, qui la maintenoient. L'an mil quatre cens soixante, y eut
vne cruelle guerre ciuile & intestine en Angleterre: car Richard, Duc d'Yorth, meut
le commun peuple contre le Roy Henry: lequel fut prins prisonnier par ledict Richard
& mis en la grosse tour de Londres, & furent occis plusieurs Seigneurs parens dudit
Roy Henry. Certain temps apres ledict Duc de Sombreffet, cousin dudit Roy
Henry, à la requeste de la Roïne, fille du Roy de Cecille, & Duc d'Aniou, assem-
bla grosse armée, & print ledict Richard * d'Yort, avec son second filz, & le Comte de
Salbery: lesquelz il feit apres descapiter, & la teste dudit Richard couronner d'un cha-
peau de paille: & meit hors de prison ledict Roy Henry. Depuis, & à la fin de ladicte
année, Édouard le quart de ce nom, qui estoit filz aîné dudit Richard, Duc d'Yort,
feit grande assemblée de gens, & presenta la bataille au Duc de Sombreffet, qui auoit
grosse armée: laquelle bataille dura trois iours, & y furent occis plus de trente mil An-
glois de costé & d'autre: & à la fin ledict Duc de Sombreffet eut du pire, & le Roy, la
Roïne, ledict Duc, & autres qui se peurent sauuer, s'en allerent en Escosse.

Comment le Roy Charles, septiesme, dict le Victorieux, mourut
à Meung sur Yeu.

L'An mil quatre cens soixante & vn, le Roy Charles, septiesme, en
l'an trente neuf de son regne, trespassa le iour de la Magdaleine, au
mois de Iuillet, à Meung, sur Yeu, & ordōna par testament estre
ensepulture à saint Denis en France, avec ses predecesseurs, com-
me il fut: c'est à sçauoir en vne Chappele au meillieu de ses pere &
ayeul, Roys de France. Ledit Roy auoit esté sept iours sans vou-
loir boire ne manger: pource qu'on luy auoit rapporté qu'aucuns le
vouloient empoisonner: durant lequel temps ses entrailles & conduictz se retrahyrent,
tellement que quand il voulut manger il ne peut. Messire Tanneguy du Chastel, &
messire Iehan des Vrsins, Cheualier, & Chancelier de France, eurent la charge de l'en-
terrement, & de la conduicte du corps iusques à saint Denis. La conduicte fut moult
triumphante, & louable, & tressumptueuse. Ledit Roy fut intitulé Charles, septiesme
le Tres-victorieux: & non point sans cause: car il recōquesta en moins de deux ans tout
ce que les Anglois auoient conquesté sur luy, & sur ses predecesseurs en trente ans, es
Duchez de Normandie, d'Alençon, & es pais du Maine, & es enuiron. Aussi conque-
sta tous les pais de Guyenne (& par deux fois la cité de Bourdeaux) qui par l'espace de
deux cens ans n'auoit esté totalement reduicte à la couronne de France: esquelles cho-
ses le souuerain Createur a bien monstre qu'il ayroit ledict Roy. Aussi durant son
regne il releua iustice, & la remeit en nature, qui de long temps auoit esté abaissée &
obmise. Il osta toutes pilleries du royaume, pourueut à expeller la diuision & Scisme
de l'Eglise vniuerselle, tellement que par son pourchas bonne paix, vnion & concorde y
ont esté mis: parquoy est à esperer que l'ame de luy repose en paix en Paradis.

Second volume.

TT ij

LES CRONIQ. ET ANNALES DE FRANCE.

Du Roy Loys, vnZiesme de ce nom.



Après le trespas dudit Roy Charles, de bonne memoire, septiesme de ce nom, luy succeda Loys son aîné filz, qui est dit vnZiesme de ce nom, estant lors en l'age de trente huit ans, ou enuiron. Cestuy Roy Loys eut deux femmes: La premiere fut madame Marguerite, fille du Roy d'Escoce:

La seconde fut madame Charlotte, fille du Duc de Sauoye: de laquelle il eut plusieurs enfans: c'est à sçauoir monseigneur Ioachin, qui mourut ieune, madame Anne, qui fut mariée à monseigneur Pierre de Bourbon, Duc de Bourbonnois & d'Auuergne, Comte de Clermôt en Beauuoysin, de la Marche, de Forestz, & Beau-iolois, madame Iehan, femme de monseigneur Loys Duc d'Orleans, de Milan, & de Vallois, Comte de Blois, de Pauye, de

Beaumont, Seigneur d'Ast, & de Coucy, qui apres a esté Roy de France, Charles huitiesme de ce nom, Roy de France, & monseigneur François, qui mourut ieune, & fut enterré aux Cordeliers d'Amboise. Au temps du trespas dudit Roy Charles, septiesme, ledit Loys estoit es pais de Flandres, ou il s'estoit tenu par aucun temps. Si tost qu'il sceut la mort de son pere, il se meit à chemin pour s'en venir prendre possession du royaume, & avec luy vindrent les Ducz de Bourgongne, & de Cleues, le Cote de Charrolois, filz dudit Duc de Bourgongne, & plusieurs autres gens, & grands Princes desdictz pais de Flandres, qui l'accompagnerent iusques à Reims: & là se rendirent les Duc d'Orleans & de Bourbon, & la plupart des grands Princes & Seigneurs du Royaume. En la presence desquelz il fut sacré en l'Eglise de Reims, par monseigneur Iehan Iuuenel des Vrins, lors Archeuesque de Reims, le iour de la feste de l'Assumption nostre Dame, quinziesme iour d'Aoust: & le dixseptiesme iour dudit mois ledit Duc Philippe de Bourgongne luy fit hommage en l'Abbaye de saint Thierry, pres dudit lieu de Reims, du Duché de Bourgongne, Perrie & Doyenné des Pers de France, de la Comté de Flandres, & Perrie d'icelle, & generallyment des autres terres, qu'il tenoit de la couronne de France, puis s'en partit le Roy, & s'en vint à Paris, ou il fit son entrée le dernier iour dudit mois d'Aoust, en grâde triumphe & honneur: car presque tous les Seigneurs & Barons de Frâce y estoient. Au mois d'Octobre ensuyuant, ledit Roy s'en alla au pais de Touraine, & fit mettre dehors de prison du Chateau de Loches, le Duc d'Alençon, qui y auoit esté mis pour la cause cy dessus declairée. En celle mesme année, audit mois d'Octobre audit an, il fit venir deuers luy monseigneur Charles de Frâce, son frere, en la ville de Môrrichard, & luy bailla le pais & Duché de Berry, pour partie de son appanage, & fit assignation de douaire de la Roynne, sa mere, à l'estimation de sondict douaire, les Comtez de Xaintonge, ville & gouuernement de la Rochelle, les villes, Chasteaux, & seigneuries de Chinon en Touraine, & Pezenas, en Lâguedoc, & autres, puis s'en partit de Touraine, & s'en alla en voyage à saint Sauueur de Redon en Bretaigne: ou le Duc le receut grandement, & luy fit hommage dudit Duché, de la Comté de Montfort, & autres terres qu'il tenoit de luy.

La Duché de Bourgongne est Doyenné des Pers de France.

Comment le Roy d'Arragon enuoya au Roy de France, luy requerir ayde contre ceux de Barcelonne.

L'an milccc. lxx.

De la Comté de Roussillon, que le Roy d'Arragon, vendit au Roy de France.



EN l'année mil quatre cens soixante & deux, ledit Roy d'Arragon manda audit Roy de France que la cité de Barcelonne, & autres de sa subiection & seigneurie, s'estoient rebellez contre luy, & s'efforçoient de le priuer & debouter de sadicte seigneurie: & le fait semondre & requerir qu'il luy voulüst faire ayde, ainsi que chascun Roy & Prince doit faire à autre en tel cas: & pource que ledit Roy d'Arragon n'auoit de quoy fournir aux fraiz de la guerre, il vendit au Roy de France, qui les acquist de luy, les Comtez de Roussillon & Sardaigne, le pris de trois cens mil escus d'or, dont il luy fit bailler promptement

ptement cinquante mil escus : parquoy pour faire ayde audi& Roy d'Arragon , & aussi pour prendre possession desdictes Comtez, le Roy feit grande armée , de laquelle il feit Chef mōseigneur Iaques d'Armignac, Duc de Nemours, & prindrent la cité d'Eaulne, la ville de Parpignan, Coulemire, & autres : dont ne fut pas cōtent le Roy d'Hespaigne, & enuoya Ambassadeurs en France , disant que c'estoit fait ayde à son aduersaire , & que c'estoit venir contre les anciēnes alliances de France & d'Hespaigne, & feit sçauoir au Roy qu'il auroit voluntiers à luy parlement . Si delibererent eux assembler , & alla *Du parlemēt d'entrē le Roy de France, & le Roy d'Hespaigne, à Bayonne.* le Roy vers Bourdeaux : & là traicta le mariage de madame Magdaleine de France , sa sœur, avec monseigneur Gaston , aîné filz du Comte de Foix , Prince , & hāritier presumptif du royaume de Nauarre , puis alla le Roy iusques à Bayonne : & là vint le Roy d'Hespaigne, & feirent les deux Roys appoinctement de leur different, & confermerēt les dernieres alliances : puis s'en retourna le Roy vers Paris.

Comment le Roy des-engagea les terres de Picardie du Duc de Bourgongne.

EN l'année mil quatre cens soixāte & trois , ledict Roy Loys, des-engagea les terres de Picardie , estans sur le long de la riuier de Somme : c'est à sçauoir Amyens, saint Quentin , Corbie, Arles, Mortaigne, Abbeuille, Ponthieu, & autres, qui par le traicté fait en la ville d'Arras , par le feu Roy Charles, en l'an mil quatre cens trente cinq , auoient esté baillées audi& Duc de Bourgongne , en gaige de quatre cens mil escuz d'or , de soixante quatre au marc : laquelle somme fut payée content : & par ce furent lesdictes villes & seigneuries reioinctes & réunies es mains du Roy , & à la couronne de France. *Rachat des terres & villes de Picardie.*

De la conspiration que les Seigneurs de France feirent contre le Roy, pour le gouvernement du royaume.

L'An mil cccc. lxiiij. le Roy partit de Paris, & s'en alla visiter en personne les terres & villes de Picardie, qu'il auoit l'année precedente racheptrées, *L'an mil cccc. lxiiij.* & y fut par aucun temps : puis s'en retira par Ponthieu en la Normandie : & apres s'en alla en Touraine, & de là à Poitiers (& menoit avec luy monseigneur Charles de France , Duc de Berry son frere) auquel lieu de Poitiers se rendirent plusieurs des Princes & Seigneurs de France : lesquelz n'estoient pas bien contens de ce que le Roy ne les appelloit point, & ne se conseilloit à eux de la conduite des grandes affaires du royaume : mais se conseilloit & gouernoit par petites & menuēs gens de basse condition . Si s'assemblerent, & feirent conspiration contre le Roy d'eux esleuer ensemble, soubz couleur de vouloir dōner ordre au fait de la chose publique, & de descharger le peuple de grands charges qu'ilz portoient : & attrahirent avec eux mondict seigneur de Berry, qui estoit vn ieune enfant, & luy disoient que le Roy ne tenoit conte de luy , & qu'il ne luy auoit pas baillé appanage competant, ne suffisant & autrement, luy donnant à entendre plusieurs choses plaisantes à sa volonté. Et vn iour, que le Roy partit de Poitiers, pour aller à sa deuotion, lesdictz conspirateurs, sur vmbre de mener aux champs au gibier mondict seigneur de Berry, ilz le feirent emmener par vn Gascon , nommé Odet Dardu, * Seigneur de Leslun, qui tousiours auoit eu bien & honneur du Roy & du royaume : lequel estoit venu en Ambassade deuers le Roy de par le Due de Bretagne, & l'emmena en Bretagne. *Cause de la conspiration des Seigneurs, contre le Roy Loys vnziesme.* * Les Croniq. Bret. disent Daidie saint de l'Escun.

De la mort du Duc d'Orleans : & comment le Roy cuidoit retirer ledict Duc de Berry par douceur.

DE ladi&te assemblée de Poitiers s'en retournoit mōseigneur le Duc d'Orleans, auquel print vne maladie en la ville de Chastellerault, de laquelle il trespassa, & fut son corps apporté & enterré en l'Eglise collegiale de S. Sauueur, en son chastel de Bloys. Quand le Roy fut retourné de son voyage, il fut mōult courroucé & desplaisant du partement de son frere, le Duc de Berry. Aussi fut il aduertý de la conspiration qu'auoient faittes les Princes , qui s'en estoient retournez en leur país, & raschoiēt à attraire à leur bande tous les Seigneurs, Barons , Capitaines , & gens de guerre qu'ilz *La guerre nommée le bien Public.*

LES CRONIQ. ET ANNALES DE FRANCE

pouoient : & à ceste cause le Roy manda & escriuit par toutes les bonnes villes de son royaume, qu'ilz feissent bon guet, & se donnassent garde, les aduertissans de ce que diét est, & les prians qu'ilz luy fussent bons & loyaux. Puis s'en tira le Roy vers Angiers, pour essayer si par douceur & bons moyens il pourroit retirer à luy mondiét seigneur de Berry, son frere, qui estoit en Bretagne, mais il ne peut : & par ce laissa audiét pais d'Aniou, pour faire frontiere audiét pais de Bretagne, le Roy René de Cecille Duc d'Aniou, & le Comte du Maine, freres, ses oncles de par sa mere, avec grand nombre de gens de guerre : puis s'en retira en Berry, & ne peut entrer à Bourges. Si passa oultre, & alla en Bourbonnois, ou estoient assemblez les Ducz de Bourbon, de Nemours, le Comte d'Armignac, & le Seigneur d'Albret, qui luy feirent de grandes promesses de tenir son party : soubz vmbre desquelles, pource qu'il fut aduertý que Charles, Comte de Charrolois, filz dudiét Duc de Bourgongne, qui estoit de la conspiration, s'estoit mis sur les champs, & ia auoit passé les riuieres de Somme, & Oyse, avec grãde compaignie de gens de guerre, & estoit venu iusques deuant Paris, du costé de saint Denis, & aussi que les Ducz de Berry, de Bretagne, avec grand' armée s'estoient mis à chemin pour venir vers Paris, pour s'assembler avec lediét Comte de Charrolois, il s'en partit dudiét pais de Bourbonnois, & cheuaucha iour & nuict avec son armée, qui estoit grande, tirant vers Paris, pour rencontrer lediét Comte de Charrolois, & le combattre, auãt qu'il s'assemblast avec les autres : & tant cheuaucha qu'il approcha de Paris, & sceut que lediét de Charrolois auoit passé la riuere de Seine : si le vint rencôtrer le vingt & septiesme iour de Iuillet, l'an mil quatre cens soixante & cinq, aupres de Montlehery. Et combien qu'il fust conseillé par aucuns de laisser seiourner & reposer ses gens pour le iour : toutesfois, comme homme d'ardant & grãd courage, ne voulut attendre : ains assaillit l'armée dudiét Charrolois, & y eut grand' baterie à l'assemblée : mais il mourut par cõparaison pour vn François quatre Bourguignons. Apres la bataille le Roy se retira à Corbeil, pour le soir, & le lendemain s'en vint à Paris : & se rendirent audiét Charrolois les Ducz de Berry & de Bretagne, & le Comte de Dunois, principal conducteur de leur armée, & de la conspiration. Quand ilz eurent esté là par aucuns iours, ilz sceurent que lesdiétz de Bourbon, Nemours, Comte d'Armignac, & d'Albret, estoient passez la riuere de Loire, pour venir vers eux, & s'assemblerent tous ensemble, & passerent la riuere de Seine, & vindrent parquer au lieu de Conflans, entre Paris & le pont de Charenton, pendant que le Roy estoit allé en Normãdie, pour assembler gens, pour resister à leurs entreprinẽs : & enuoyerent lesdiétz Princes & Seigneurs, gens & messages à la ville de Paris, demandans entrée, & donnant à entendre que ce qu'ilz faisoient estoit pour le bien de la chose publique du royaume. Le Roy qui en fut aduertý se haïsta de retourner à Paris : & quand il y fut, luy desplaissant de son peuple qu'il voyoit estre pressé & opprimé par guerre & pillerie, se delibera d'appaiser lesdiétz Princes, & Seigneurs, & d'en dissimuler pour l'heure, & en feit par diuers moyens parlementer avec eux en general & en particulier : & combien qu'ilz eussent tousiours diét & donné à entendre que ce qu'ilz faisoient estoit pour le bien public, toutesfois, quand ce vint à l'effect, ilz monstrerent qu'ilz tendoient bien à autre fin, & qu'il ne leur challoit du bien public : & feirent chascun au Roy de grandes & excessiues demandes à leur profit particulier : à la pluspart desquelles le Roy fut conseillé obtemperer, & en dissimuler. Si les leur accorda, non pas de son bon vouloir, mais par contraincte : & entre autres choses bailla à mondiét seigneur Charles, pour lors Duc de Berry, les pais & Duché de Normandie, avec tout le reuenu des deniers des finances, tant ordinaires qu'extraordinaires (qui estoit vn excessif partage & appanage) & reprint en ses mains les pais & Duché de Berry, qu'il luy auoit parauant baillez. Par lediét appoinctement messire Loys de Luxembourg, Comte de saint Paul, qui estoit le principal conducteur de l'armée du Comte de Charrolois, fut fait Connestable de France : & soubz vmbre desdiétz appoinctemens & promesses les armées desdiétz Seigneurs & Princes se departirent : & s'en alla mondiét seigneur Charles pour prendre possession dudiét Duché de Normandie, & en sa compaignie allerent lesdiétz Ducz de Bretagne & Bourbon, pour auoir le gouuernement dudiét Duc de Normandie, par ce qu'il estoit ieune : dont le Roy fut aduertý, & fut conseillé de tirer és marches de Normandie, & de remettre lediét pais en ses mains, par ce que (comme diét est) c'estoit trop grand appanage à son diét frere, & aussi qu'il auoit esté comme contrainct de le bailler. Si y alla, & trouua

Le Comte de Charrolois vint à tout grosse armée iusques deuant Paris.

L'an mil cccc. soixante cinq, la bataille fut faicte pres de Montlehery entre le Roy Loys & le Côte de Charrolois, Duc de Bourgongne.

Du Comte de S. Paul qui fut fait Connestable de France, combien qu'il fust conspirateur contre le Roy.

façon

façon d'entrer à Rouen, & recouurer la pluspart des villes & places dudit pais: & ce voyans lesdictz Ducz de Berry, & Bretagne s'en retournerent en Bretagne, & le Roy r'appela à luy le Duc de Bourbon son beau frere.

Trefues entre le Roy de France & d'Angleterre.

EN l'année mil cccc. lxxvj. le Roy fut aduertý que les Anglois, anciens ennemys *l'an mil cccc. lxxvj.* de la couronne de France, auoient deliberé d'enuahir le royaume, & y faire descende: si fait faire par ledict Comte de saint Paul, Connestable de France, grãd' armée & amas de gens de guerre: mais tantost apres furēt faictes & accordées trefues entre lesdictz Roys de Frãce & d'Angleterre. En celle mesme année furēt ordonnez plusieurs grands & sages gens, cōmissaires, pour aduiser & dōner ordre au faict de la chose publique du royaume, ainsi qu'il auoit esté dict & ordōné par l'appoinctement faict & ordōné par le Roy avec lesdictz Princes: de laquelle assemblée & Cōseil fut Chef & principal le Comte de Dunois: lequel Comte (comme on disoit) auoit esté premier & principal autheur des dessusdictes conspirations.

Comment le Roy d'Angleterre enuoya Ambassade au Roy de France, pour traicter appoinctement.

EN l'an mil quatre cens lxxvj. le Roy alla en Normandie, & y mena la Roynne *l'an mil cccc. lxxvj.* & ses filles: & la vint deuers luy en Ambassade d'Angleterre, pour traicter appoinctement, le Comte de Vvaruieh, que le Roy festoya moult grandement en la ville de Rouen, & le fait festoyer, & entretint le plus honnorablement que faire se peult, l'espace de douze iours à ses despens: puis luy fait le Roy de grands dons: & apres qu'il eut sa descharge & sa responce, il s'en retourna: & avecques luy le Roy enuoya en Angleterre ses Ambassadeurs, le Cōte de Roussillon, Admiral de France, l'Euesque de Laon, maistre Jehan de Popier, President en Parlemēt, & maistre Oliuier le Roux, Maistre de ses comptes: lesquelz n'y feirēt riens ou bien peu: & le Roy s'en retourna à Paris, & amena la Roynne (qui n'y auoit encores point esté) laquelle y fut receuē à grand honneur & triumphe, & luy furent faictz de beaux presens. Au moys de May le Roy fait en sa ville de Tours vne assemblée de gens des Estatz de son royaume: & entre autres choses fut parlé du faict de l'appanage, qui auoit esté baillé *Des Estatz qui furent assemblez à Tours.* à mondict seigneur Charles, du Duché de Normandie: & fut dict que ledict appanage estoit excessif, & que le Roy deuoit reprēdre Normādie en sa main, & mondict seigneur Charles se deuoit contenter d'auoir douze mil liures tournois de rente en assiete, mais que le Roy luy pouuoit bien fournir & parfaire en pension pour l'entretènement de son estat iusques à soixante mil liures tournois par an: & furent les gens desdictz Estatz d'opinion que le Roy deuoit recouurer Normandie à main forte & par armes, & mesmes les villes de Caen, Auranches, Lisieux, & autres du bas pais de Normandie, que tenoit le Duc de Bretagne, soubz vmbre de mondict seigneur Charles, qui estoit lors en ses pais: & disoit on que ledict Duc de Bretagne auoit intelligence de faire descendre les Anglois en France, & les mettre esdictes villes. Tantost apres ladicte conclusion, le Roy se tira es marches de Paris. Au moys de Iuin, audict an, mourut Philippe, Duc de Bourgogne, en la ville de Bruges, & fut son corps porté en l'Eglise des Chartreux, lez Dy-ion, avec ses predecesseurs: & luy succeda Charles, Comte de Charrolois, son seul filz.

Comment le Roy enuoya son armée en Normandie.

EN l'année mil quatre cens soixante & huit, le Roy, en ensuyuant ladicte *l'an mil cccc. lxxvij.* deliberation, enuoya son armée es marches de Normandie, & print & remeit en sa main grande partie dudit pais, reseruee la ville de Caen, & aucunes autres places que tenoit ledict Duc de Bretagne. Pour laquelle cause Charles, Duc de Bourgogne, se meit sur les champs en armes, pour venir ayder ausdictz Ducz de Normandie & de Bretagne: parquoy le Roy alla à Compiègne, & enuoya deuers luy en Ambassade le Comte de saint Paul, Connestable de France, & aucuns autres ses Conseillers: & s'en tira ledict Duc de Bourgogne à Peronne: ou le Roy alla semblablement tantost apres, & parle-

LES CRONICQ. ET ANNALES DE FRANCE

Du parlement du Roy & du Duc de Bourgogne, fait à Peronne.
rent ensemble, tellement qu'ilz vindrent, qu'ilz sembloient bien contens l'un de l'autre: & fut fait vn grand traitté entr'eux, qui seroit long à racompter. Apres les conclusions duquel le Duc de Bourgogne alla faire guerre au Liegeois, qui auoient debouté leur Euesque, qui estoit son frere de par sa femme, fille de la noble maison de Bourbon, & le Roy s'en alla en voyage à nostre Dame de Haulx en Allemagne, & à son retour passa au Liege, ou estoit ledict Duc de Bourgogne: puis s'en retourna vers Paris.

De l'appoinctement fait entre le Roy de France, & monseigneur Charles, son frere.

L'an mil cccc. lxx.

L'An mil quatre cens soixante neuf, le Roy feit appoinctement avec monseigneur Charles de France, son frere, qui estoit en Bretagne: par lequel mondict seigneur Charles se desista du bail qui luy auoit esté fait dudit pais & Duché de Normandie: & en recompense, & au lieu d'iceluy, luy bailla le Roy le pais & Duché de Guyenne: & s'en alla le Roy à Tours: & là vindrent deuers luy le Roy René de Cecille, son oncle, & sa femme, ou le Roy les receut honnorablement, & y auoit grâde Seigneurie: & pour l'amour d'eux feit le Roy faire ioustes & tournois. Apres leur retour, & que le Roy sceut que monseigneur Charles, son frere, auoit prins possession dudit Duché de Guyenne, il s'en retira en Poitou vers Nyort, & en sa compaignie estoit monseigneur le Duc de Bourbon, & autres grâds Princes & Seigneurs: & semblablement mondict seigneur de Guyenne s'approcha de luy, & vint en vn Chastel, appelé Charrou, & là s'assemblerent & parlerent ensemble sur vn pont, qui auoit esté fait sur la riuere de la Seure, sur lequel auoient esté faictes barrieres: mais quand ilz s'entreueirent ilz se firent moult bonne chere l'un à l'autre, & furent lesdictes barrieres rompuës, & passa le Roy oultre, & longuement parlerent ensemble, puis se departirent, & le Roy retourna en Touraine, & ledict Duc de Guyenne en ses pais. Enuiron ce temps mesire Loys d'Amboise, Vicomte de Thouars, tenant plusieurs belles principaultez & seigneuries, & lequel auoit fait & institué le Roy son hæritier, alla de vie à trespassement.

Le Roy hæritier de mesire Loys d'Amboise.

Du secours que les Seigneurs d'Angleterre vindrent demander au Roy de France, contre le Roy Edouard d'Angleterre.

L'an mil cccc. lxx.

EN l'an mil cccc. lxx. le Roy fut aduertty que le Roy Edouard d'Angleterre auoit fait grâde armée pour descendre en France, & auoit dechassé madame Marguerite, femme de Henry, Roy d'Angleterre, lors detenu prisonnier par ledict Edouard, laquelle estoit fille du Roy René de Cecille, & cousine du Roy: laquelle, & aussi le Prince de Galles, son filz, le Duc de Clarence, & les Comtes de Vvaruith, de Vvarusfort, & leurs freres, tous estoient chassés d'Angleterre, & s'en vindrent en France, avec bien quatre vingtz nauires, pour requier secours au Roy, contre ledict Edouard, ce que le Roy leur promet faire: dont le Duc de Bourgogne ne fut pas content, & en escriuit au Roy & à la Court de Parlement, disant que c'estoit venir contre l'appoinctement que le Roy luy auoit fait à Peronne, & que la bande desdictz Anglois estoient ses ennemis capitaulx.

De la natiuité du Roy Charles, huitiesme de ce nom.

LE Samedi dernier iour de Iuin, audiēt an mil cccc. lxx, enuiron l'heure de minuit ou tost apres, au chasteau d'Amboise, la Roynie accoucha d'un beau filz, qui eut nom Charles, qui depuis fut Roy de France, & fut baptizé en l'Eglise saint Florentin, audiēt chastel d'Amboise, & furent ses parrains monseigneur Charles de Bourbon, Cardinal & Archeuesque de Lyon, le Prince de Galles, filz dudit Roy Héry d'Angleterre, lors prisonnier, & fut sa marraine madame Anne de Frâce, femme de monseigneur le Duc de Bourbon: de laquelle natiuité fut grande ioye par toute France, & en furent par toutes les villes & citez du royaume, faictz les feux, & réduës graces à Dieu, ainsi qu'il estoit bien raison: car le Roy n'auoit pour l'heure nul hoir mâle, pour luy succeder à la couronne: parquoy il n'est pas de merueille si les François s'en esiouyrent: car
c'est leur

ce leur fut vne grande benediction de Dieu. Et semble que ladiete natiuite eust esté *D'un vers du Psaultier, par lequel est descripte la venue & natiuite du Roy Charles hui.* prediète en esprit de Prophetie, par le prophete Dauid en vn vers du Psaultier, là ou il dièt: *In filiciduis eius latabitur germinans: benedices corone, &c.* car à prendre toutes les lettres qui sont en iceluy vers, seruans à nombre, on y trouuera l'an mil cccc. lxx. qui est l'année de sa natiuite. *Et sequitur: Et campi tui replebuntur vbertate.* Tantoist apres ladiete natiuite, le Roy s'en alla à Angiers, où estoit le Roy de Cecille, la Roine d'Angleterre, sa fille, le Prince de Galles, le Comte de Vvaruich, & leur compaignie: & là fut traicté le mariage du dièt Prince de Galles, avec la fille dudièt Comte de Vvaruich. Apres bailla le Roy audiet Comte de Vvaruich gens & viures pour retourner en Angleterre, faire guerre audiet Roy Edouard: si s'en partit pour y aller. Semblablement vint à Angiers monseigneur le Duc de Guyenne, par le moyen duquel fut fait appoinctement du different qui estoit entre le Roy & le Duc de Breraigne: dont lediet Duc de Bourgongne fut plus mal content que deuât. Apres ce lediet Duc de Guyenne s'en retourna à Bourdeaux, & le Roy s'en alla en pelerinage au môt saint Michel, & enuoya la Roine d'Angleterre, la Comtesse de Vvaruich, & la ieune Princesse de Galles, sa fille, à Paris, ou elle fut grandement receuë: & estoient en sa compaignie les Comtes d'Eu, de Vendosme, de Dunois, le Seigneur de Chastillon, & autres Seigneurs, & furent les ruës de Paris tenduës à sa venue, & fut logée ladiete Roine au Palais.

Comment le Roy reprint en ses mains les terres engagées de Picardie, qu'il auoit vne fois racheptée du Duc de Bourgongne: & de la guerre qu'ilz eurent.

EN celle mesme année le Roy, pour iustes causes, delibera de reprendre en ses mains les terres engagées de Picardie, qu'il auoit vne fois racheptées, & depuis baillées au Duc de Bourgongne, par le traicté de Peronne. Si fait mettre sus son armée, & vint à Paris. Puis alla à Senlis, à Compiègne, à Beauuais: & manda le Roy à monseigneur le Duc de Guyenne qu'il veint avecques luy en ladiete armée: lequel y vint moult bien en point, & amena bien quatre cens lances, pour seruir le Roy en ladiete guerre. Tantoist apres se remeirent es mains du Roy les villes d'Amyens, Roye, Montdidier, Abbeuille, & tout le pais de Ponthieu: & le Connestable alla & se meit dedans saint Quentin, avec deux cens lances, dont il auoit charge: toutesfois pource qu'il auoit tousiours esté du party du Duc de Bourgongne, le peuple de France n'estoit point bien asseuré de luy, & en murmuroit l'on. Le Roy enuoya aussi es marches de Bourgongne vne moult belle & grâde armée, dont estoit Chef & conducteur le Comte Dauphin d'Auuergne, filz du Seigneur de Montpensier, qui moult greua le pais du Duc de Bourgongne.

Du Connestable qui se meit dedans saint Quentin avec deux cens lances qu'il auoit.

De l'armée que le Duc de Bourgongne fait pour venir à Amyens.

Eemblablement lediet Duc de Bourgongne fait faire grâd' armée de gens, & se meit sur les champs, & s'en vint parquer entre Amyës & Bapaulme, ou les gens de l'armée du Roy les tenoient fort pressez, tellement qu'ilz ne se pouuoient eslongner, & y furēt iusques enuiron Pasques, que le Roy par le moyen d'aucs, octroya trefues audiet Duc de Bourgongne: lequel, durant icelles trefues, enuoya ses gens d'armes en l'ayde d'Edouard, Roy d'Angleterre, lequel eut bataille contre le Roy Henry, & gagna la iournée: & en icelle moururent les Princes de Galles, le Comte de Vvaruich, & plusieurs des Seigneurs de leur party, dont les nouuelles furent apportées en France. Si s'en retourna le Roy, de Han en Vermandois, ou il estoit allé, & son frere le Duc de Guyenne, & de là vindrent à Paris: & tantoist apres lediet Duc de Guyenne s'en retourna en ses pais, & peu apres il recueillit en sa compaignie le Comte d'Armignac, que le Roy auoit chassé hors du royaume, & luy restitua ses terres, qui estoient en Guyenne, dont le Roy ne fut pas content: & y enuoya cinq cens lances de ses gens de guerre, & plusieurs francs Archiers, pour les remettre en sa main. Aucun temps apres vindrent nouuelles au Roy, que le douziesme iour de May, l'an mil quatre cens lxxij. iour de la Trinité, mondièt seigneur de Guyenne estoit trespasé en sa ville de Bourdeaux, & q son corps estoit enterré en l'Eglise cathedrale de S. Andry, de Bourdeaux. Quand le Roy sceut la verité de la mort de mondièt

De la mort du Duc de Guyenne, frere du Roy Loys vnziesme.

LES CRONIQ. ET ANNALES DE FRANCE.

seigneur de Guyenne, son frere, il alla iusques à la Rochelle, à saint Iehan d'Angely, & en Xaintonge, pour reprendre en ses mains lesdictz pays de Guyenne: & deuers luy se rendirent grand' partie des Officiers de sondict feu frere, qu'il recueillit & retint en son seruice. En celle année le Duc de Bourgongne feit suborner monseigneur Nicolas, Marquis du Pont, filz de monseigneur Iehan, Duc de Calabre, filz du Roy René de Cécille, Duc d'Aniou, & rellemēt le feit persuader, soubz vmbre de grâdes promesses, qu'il luy faisoit, dont il n'auoit point vouloir de les tenir, que mondict seigneur le Marquis, auquel le Roy auoit fiancé madame Anne de Frâce, son aînée fille, s'en alla deuers iceluy Duc de Bourgongne, dont plusieurs s'esmerueillirent: & aduint qu'aucun temps apres ledict Marquis du Pont alla de vie à trespas.

Comment le Duc de Bourgongne vint à grand' armée deuant la ville de Néelle

La grosse tyrannie que les Bourguignons firent en la ville de Néelle.

Le siege de Beauuais par le Duc de Bourgongne.

EN celle mesme année le Duc de Bourgongne, nonobstant les trefues à luy octroyées par le Roy, avecques grand' armée se meit sur les champs, & tira deuant la ville de Néelle, en laquelle auoit enuiron cinq ou six cens Archiers, & la feit assieger: cōtre lequel vn nommé le petit Picard, qui estoit Capitaine desdictz Francs Archiers, se deffendit moult vaillamment: mais pource qu'il n'estoit pas puissant pour resister à l'armée dudit Duc de Bourgongne, il feit composition de bailler la ville, leurs personnes & biens sauues: & ainsi qu'ilz cuidoyent estre assurez, lesdictz Bourguignons entrerent dedans, & tuerent tout ce qu'ilz trouuerent. Plusieurs se retirerent en l'Eglise, qui estoit toute pleine de gens de ladiète ville & Archiers, mais les Bourguignons les tuerent iusques sur les autelz, & les autres qui tenoient embrassez les images pour eux cuider sauuer: & ledict meurtre ainsi fait, ledict Duc de Bourgongne entra en personne en ladiète ville, & alla rour à cheual iusques dedans ladiète Eglise pleine de corps mortz, tellement que le pauement estoit tout couuert de sang humain: & quand il en veid tant de mortz, comme homme Tyran & de felon courage, deit qu'il auoit de bons bouchiers: & apres fait mettre le feu & ardoir toute ladiète ville, & puis s'en tira vers Mondidier, & de là deuant la ville de Beauuais, en laquelle n'auoit aucuns gens de guerre, ou bien peu pour le Roy, & y assiege son siege. Les habitans d'icelle ville se deffendirent de grand courage, & manderent deuers le Roy à Paris qu'on leur enuoyast secours. Le Cōestable estoit là pres qui guerres ne s'en esmouuoit, & disoit on qu'il auoit aucune intelligence audict Duc de Bourgongne. Tantost apres y allerēt plusieurs Capitaines & gēsd'armes en ladiète ville de Beauuais, & y arriuerēt en vn iour à l'heure que le Duc de Bourgongne y faisoit dōner vn assaut. Les femmes & enfans de ladiète ville, & autres qui n'estoient gens de deffense, prendrent leurs cheualx, & les penserent & establerent moult songneusement: & lesdictz gensd'armes sans repaistre allerent sur les murailles, & tellement se deffendirent que lesdictz Bourguignons furent reboutez honteusement, & y en eut moult grand nombre de mortz. Ceux de la ville de Paris firent grande diligence d'enuoyer viures, canons, couleuvrines, pouldres à canons, arcz, arbalestres, traitz, fil & cordes, & autres choses necessaires à ceux de Beauuais. Aussi ceux d'Orléans enuoyerēt iusques à ladiète ville de Beauuais cent pippes de vin, qu'ilz donnerent ausdictz Capitaines & gens de guerre, & li enuoyerent aussi de l'artillerie, pouldres, arcz, trouffes, arbalestres, qu'ilz leur donnerēt, & semblablement ausdictz gens de guerre, qui vaillamment se deffendirent, tellement que ledict Duc de Bourgongne fut contrainct leuer son siege, & s'en aller honteusement: lequel s'en tira & feit vne course vers le pais de Caux, tirant vers Rouen, & par tout où il passoit il boutoit le feu: dont ledict pais fut fort dommagé: puis s'en retourna en ses pais. Durāt que ces choses se faisoient le Roy estoit es marches de Bretagne, voyāt que le Duc ne luy vouloit rendre aucunes de ses villes de Normandie: mais il luy octroya vne trefue pour luy & ses alliez: & alors le Duc de Bourgogne se declaira estre sō allié, & par tāt iceluy Duc de Bourgogne accepta ladiète trefue pour luy & ses alliez: & declarerent aussi estre des alliez de l'Empereur & des Roys d'Angleterre, d'Escoffe, de Portugal, d'Espaigne, Arragō, Cécille, & autres plusieurs Ducz & Princes: mais ilz faisoient ladiète declaration pour dōner suspition au Roy. En celle mesme année le Côte d'Armignac print d'éeblée la cité de l'Estore, & en icelle print plusieurs grands prisonniers dedans: dont le Roy fut fort desplaisant, si feit assieger ladiète ville & ledict Côte, & fut ladiète ville de l'Estore prinle

prinse, & ledict Comte d'Armignac tué. De ladicte surprinse & trahyson, faicte par le Comte d'Armignac fut cause (comme on disoit) le Cadet d'Albret, & vn nommé Jehan Denier: lesquelz à ceste cause furent descapitez: c'est à sçauoir ledict Cadet descapité en la ville de Poitiers, & ledict Denier fut pendu.

De la mort du Comte d'Armignac.

Comment la ville de Parpignan fut baillée par aucuns au Roy d'Arragon.



N l'an mil quatre cens septante & trois, enuiron la fin du mois d'Auil, le Roy d'Arragon feit vne entreprinse sur la ville de Parpignan: & par le moyen d'aucuns trahystres, ladicte ville luy fut baillée, & y entra luy & son filz: mais le seigneur de Lau, qui là estoit pour le Roy, garda & deffendit vaillamment le chastel. Quand le Roy en fut aduertý il feit tirer l'armée, qui auoit esté à l'Estore, à Parpignan, & fut ladicte ville assiegée: & estoient ledict d'Arragon & son filz dedans: & y fut le siege iusques au mois de Iuin, & y eut de grandes escarmouches: mais la chaleur & faulte de viures fut si grande d'un costé & d'autre, qu'ilz furent contrainctz de prendre trefues: durant lesquelles le Roy feit renforcer & auitailler ladicte armée, & apres la trefue faillie ilz remeirent le siege deuant ladicte ville. Quand le Roy eut faict prouision d'aitailler ladicte armée, il s'en alla en pelerinage au mont saint Michel. En celle année mourut le Duc de Calabre & de Lorraine, en la ville de Nancy: apres la mort duquel vn Comte d'Allemagne, en la faueur du Duc de Bourgongne print prisonnier le Comte de Vaudemont, qui (comme on disoit) estoit hërítier de ladicte Duché de Lorraine: & pour trouuer moyen de l'auoir, fut prins pour marque vn ieune Escolier à Paris, lequel estoit nepueu de l'Empereur. Ledit Duc de Bourgongne, qui desiroit sur toutes choses conquerir ladicte Duché de Lorraine, tira son armée esdictes marches: parquoy le Roy enuoya grande armée es pais de Champagne: & lors ledict Duc de Bourgongne alla en Luxembourg, & s'assembla avec l'Empereur, & feit tant que ledict Empereur vint iusques deuant la ville de Merz, pour enhorter les habitans qu'ilz voulsissent mettre dedans ledict Duc de Bourgongne: mais, comme sages, ilz n'en voulurent riens faire: parquoy l'Empereur s'en retourna en Allemagne. En celle dicte année se firent plusieurs assemblées en la ville de Senlis & ailleurs, entre aucuns deputez de par le Roy, & de par ledict Duc de Bourgongne, pour trouuer moyen de venir à appoinctement: mais ledict Duc, qui pas n'en auoit desir, demandoit tousiours choses desraisonnables: parquoy riens ne se feit. Enuiron ce temps le Comte de saint Paul, Connestable de France, qui moult estoit suspect au Roy, & au royaume (& non sans cause) comme il apparut apres, print en sa main d'emblée la ville de saint Quentin en Vermandois, & meit hors le seigneur de Curton, & cent hommes d'armes, dont il auoit charge, lesquelz le Roy y faisoit tenir pour la garde: mais aucun temps apres ledict Connestable trouua façon de se reconcilier & appoincter au Roy, & furent faictes & prinse trefues avec le Duc de Bourgongne, iusques en May ensuyuant, en esperance d'appoincter. En l'année mil quatre cens septante & quatre, le Roy s'en alla à Senlis, ou il se tint es enuironz par aucun temps: puis tira vers Compiègne, & à Noyon: & là, en vn village sur vne riuere, vint parler à luy ledict Connestable: lequel comme homme orgueilleux de courage, ne voulut parler au Roy, sinon sur vn pont, & qu'il y eust vne barriere entredeux: & quand ilz eurent parlé ensemble, le Roy luy pardonna ses faultes passées, & luy iura ledict Connestable deslors en auant luy estre bon & loyal: dont il ne feit riens. Aucú temps apres, le Roy s'en alla en Aniou, & feit saisir & mettre en ses mains le pais & Duché d'Aniou, appartenant au Roy de Cecille, pour certaines causes qui à ce le mouuoient: & ce faict il retourna par le pais de Beauffe & Gastinois, & de là à Montereau Fault-Yonne, tousiours chassant & soy deduisant, par ce qu'il auoit trefues en icelle saison. En celle mesme année le Duc de Bourgongne alla mettre le siege deuant la ville de Nuz, qui est au commencement des Allemagnes, sur la riuere du Rhin, pres de Coulongne, & y fut longuement: mais les Allemans enuoyerent secours, & la deffendirent si bien que ledict Duc de Bourgongne fut contrainct s'en partir à sa grande vergongne, confusion, & desesperace. Durant icelle année, Edouard Roy d'Angleterre, enuoya sommer le Roy par ses Heralux, qu'il luy voulsist rendre les Duchez de Normandie & Guyenne, qu'il disoit luy appartenir, autrement il estoit deliberé de les venir conquerir à l'espée: ausquelz le Roy feit responce qu'il n'estoit

La prinse de Parpignan par le Roy d'Arragon.

Le Duc de Bourgongne desiroit fort de conquerir la Duché de Lorraine.

La prinse de S. Quentin par le Connestable de France.
L'an mil cccc. lxxiiij.
Du parlement du Roy & du Connestable ensemble.

LES CRONICQ. ET ANNALES DE FRANCE.

*La Comté de
Roussillon fut
remise es
mains du Roy
par appointe-
ment.*

pas conseillé de ce faire, & leur fait de grands dons : si s'en retournerent : & le Roy s'en vint à Paris, & y feist la feste de Noel : & le lendemain de ladicte feste luy vindrent nouvelles que l'armée du Roy d'Angleterre estoit sur mer, vers le mont saint Michel, cotoyant le riuage de Normandie : si y enuoya hastiement de ses gens de guerre. Semblablement luy vindrent nouvelles que ses gens, de l'armée qui estoit en Arragon, auoient print la cité d'Aulne : & dedans icelle furent prins aucuns Gentilzhommes de Parpignan, qu'on voulut faire mourir comme trahystres : mais on différa, pource qu'ilz promeirent mettre ladicte ville de Parpignan en l'obeissance du Roy, dont il ne firent riens : mais toutesfois bien tost apres fut fait appointement, par lequel toute la Comté de Roussillon fut remise es mains du Roy.

Comment le Roy alla à Vernon : & comment le Connestable, contre les sermens qu'il auoit faictz, manda le Roy d'Angleterre, pour descendre en France.

*L'an mil cccc.
lxxv.*

*La place du
Tronquoy,
Roya & Mon-
didier prins
par les Fran-
çois.*

LN l'an mil quatre cens septante & cinq, au moys de May, le Roy partit de Paris, & alla à Vernon, & y vint monseigneur le Bastard de Bourbon, Admiral de France, & autres Chefz de guerre : & là tint Conseil pour donner ordre à la deffense & discord des Anglois, es places de Normandie, sur le riuage de la mer : & en bailla la charge audict Admiral, puis s'en retourna le Roy à Paris, & alla vers le pont sainte Maixance, pour illec preparer son armée, & fait assembler ses gens d'armes, Artillerie, & choses necessaires pour la guerre, pour ce que la trefue du Duc de Bourgongne estoit faillie : & le Roy alla assieger vn fort chastel appelé le Tronquoy, pres Mondidier : auquel auoit plusieurs pillards, gens amassez, tenas pour le Duc de Bourgongne, & fut ladicte place prinse d'assault, & print aussi les villes de Roie, & Mondidier. En celle saison ledict Comte de saint Paul, Connestable de France (nonobstant les sermens & promesses faictes par luy au Roy) en la faueur du Duc de Bourgongne manda venir le Roy d'Angleterre, pour descendre en France (comme dict est) & auoit promis ledict Duc de Bourgongne bailler audict Roy d'Angleterre villes & places, pour luy & ses gens loger : & manda ledict Connestable au Roy, faulxement qu'il estoit aduertie que les Anglois deuoient descendre en Normandie, & qu'il y allast, & ne se souciaist pas des marches de Picardie, & qu'il les garderoit bien, combien qu'il sceust que lesdictz Anglois deuoient descendre de ce costé de la Picardie : & ce faisoit il pour interrompre l'armée du Roy, & pour le faire eslongner. Le Roy donc, croyant qu'il fust verité alla en Normandie, & y mena cinq cens lances, & les Nobles & Francs Archiers dudiect pais de Normandie qu'il fait mettre sus : & quand il y fut, il trouua qu'il n'estoit nulles nouvelles desdictz Anglois en ces marches. Ainsi s'en retourna le Roy à nostre Dame d'Escouys, & là eut lettres du Connestable, qu'il luy enuoyoit, que l'armée d'Angleterre estoit en grâde puissance descendue à Calais, & que le Roy Edouard y deuoit arriuer de bref en personne, avec grande puissance, & que le Duc de Bourgongne s'estoit leué du siege de Nuz, & auoit fait appointement avec l'Empereur. Enuiron ce temps mōseigneur de Bourbon enuoya par l'Euesque de Mante, son Conseiller, au Roy de Cecille vnes lettres, que le Connestable luy auoit enuoyées, avec les lettres qu'il luy auoit escriptes, en l'admonnestant & subornant qu'il voulsist estre contre le Roy, & luy faisoit grandes promesses, tant de par le Roy Edouard, que par ledict Duc de Bourgongne. Semblablement mondict seigneur de Bourbon, tantost apres, fait sçauoir que l'armée du Roy, qui estoit es marches de Bourbonnois, le long de la riuere de Loire, faisoit frontiere au pais de Bourgongne, de laquelle armée mondict seigneur de Bourbon auoit la charge & conduite, & que le vingtiesme iour de Iuin, audict an, auoit rencontré l'armée des Bourguignons, au lieu de Grey, & frappé sur eux, & iceux desconfitz, & y mourut le Seigneur de Conches, & plusieurs autres Seigneurs Bourguignons, & bien deux cens lances de Lombards, qui estoient venus à leur ayde : & furent prins prisonniers le Comte de Rouffy, Marechal de Bourgongne, le Seigneur de Ioigny, le Bailly d'Amboys, le filz du Comte de saint Martin, le Comte de Ioigny, & plusieurs autres mortz & prins. Le Roy fait sçauoir à mondict seigneur l'Admiral que lesdictz Anglois estoient descendus à Calais : si se tira luy & ses gens d'armes, dont il auoit charge, vers Picardie, & fait vne course tout au trauers du pais, iusques à Arras, & pres de la ville fait vne grosse embusche : puis en

*La desconfi-
ture des Bour-
guignons, pres
Grey.*

uoya

uoya enuiron quarante lances eux monstrent deuant la ville, & sortirent sur eux plusieurs grands personages & Chefz de guerre, qui estoient dedans icelle ville d'Arras, avec plusieurs gens de guerre. Et lors lesdictes quarante lances se retirerent tout bellement, iusques à l'endroit ou estoit ladicte embusche, qui soudainement sortit, & surprint ceux d'Arras, & y en eut de quatorze à quinze cens hommes mortz: & là fut prins messire Jaques de saint Paul, Seigneur de Richebourg, frere dudit Connestable, qui tenoit le party du Duc de Bourgogne, & plusieurs aussi grands personages, qui furent mortz & prins. Apres icelle baterie ledict Admiral enuoya sommer ceux de ladicte ville d'Arras, & emmena les prisonniers qu'il auoit, en leur disant que s'ilz ne se rendoient es mains du Roy, il les feroit descapiter.

*La prise du
Seigneur de
Richebourg,
frere du Con-
nestable.*

Appoinctement fait entre les Roys de France & d'Angleterre.

AV moys d'Aoust audict an le Roy d'Angleterre, voyant que le Duc de Bourgogne & ledict Connestable ne luy tenoient pas ce qu'ilz luy auoient promis (car ilz luy deuoient bailler certaines villes, pour loger & retraire luy & ses gens, comme dict est) enuoya Ambassadeurs deuers le Roy, pour faire ouuerture d'appoinctement: & combien que le Roy eust vne merueilleuse & grande armée, qu'on estimoit bien à cent mil hommes, bons combatans, assez pour deffaire la puissance dudit Roy d'Angleterre, toutesfois luy, qui estoit debonnaire, voulant euer l'effusion du sang humain, fut content d'y entendre: & enuoya semblablement Ambassadeurs vers ledict Roy d'Angleterre: & fut accordé que lesdictz deux Roys parleroient ensemble, & fut iour assigné pour ce faire, au lieu de Piquigny, à cinq lieues* pres d'Amyens, au xxix. iour dudit moys. Auquel lieu & iour iceux Roys se trouuerent moult grandement accompaignez de Princes & Seigneurs, d'une part & d'autre: & pour parler ensemble fut fait sur le pont de la riuere de Somme, audict Piquigny, deux appartiz, entre lesquels auoit vne separation de boys. Si parlerent longuement ensemble, presens les assisens: & puis firent tout le monde retirer, & parlerent eux deux à secret, & tellement qu'ilz firent appoinctement ensemble: par lequel ledict Roy Edouard s'en retourna en Angleterre, moyennant certaine somme de deniers que le Roy luy promet, & en fait payer content aucune somme, pour le deffrayer des fraiz qu'il auoit faitz pour sa venue: & ainsi s'en retourna ledict Roy d'Angleterre, sans aucune gloire & conqueste, qui fut vne grande œuvre faite au Roy, d'ainsi discrettement le renvoyer. Apres le departement desdictz Roys, la paix fut crieée sur le chāp: qui estoient trefues marchandes, & estoient accordées entre les deux royaumes, iusques à sept années: & fait le Roy de grands dons audict Roy d'Angleterre, & aux Seigneurs qui estoient en sa compaignie, & aux Heralux & Trompettes, qui tous crierent Largeffe, Largeffe, au tresnoble & puissant Roy de France. Puis s'en alla le Roy d'Angleterre à Calais: & quād il eut retiré tous ses Anglois & bagage, il s'en passa la mer, & le Roy s'en vint à Amyens, & de là à Senlis. Ledit Connestable, qui veid bien que ses besongnes ne venoient pas à son intention, & que sa trahyson estoit descouuerte, se retira es pais du Duc de Bourgogne, & escriuit au Roy d'Angleterre, qui estoit encores à Calais, qu'il estoit vn lasche & pauvre, & deshonoré Roy, d'auoir fait le traité & appoinctement qu'il auoit fait avecques le Roy de France, & que le Roy ne luy tiendrait riens des promesses qu'il luy auoit faites: lesquelles lettres ledict Roy d'Angleterre enuoya au Roy, qui par icelles cōgneut l'infidelité & mauuais vouloir dudit Connestable. Lors le Roy se partit de Senlis, pour aller en pelerinage à nostre Dame de Lyesse, & passa par saint Quentin, & print la ville en ses mains, & en meit hors les gens de guerre que ledict Connestable y auoit laissez. Puis s'en retourna le Roy à Senlis, & là vindrent deuers luy les Ambassadeurs du Duc de Bretagne, & firent appoinctement: par lequel il renonça à toutes promesses & sēelles qu'il auoit baillez contre le Roy. Semblablement le Duc de Bourgogne enuoya deuers le Roy: & luy octroya le Roy trefues marchandes, ainsi qu'estoient celles des Anglois: & fut dict que chascū retourneroit au sien, d'un costé & d'autre, & furent lesdictes trefues & appoinctement publicz. Par iceluy appoinctement fait par le Roy avec ledict Duc de Bourgogne, ou ses Ambassadeurs il auoit promis de bailler, & mettre es mains du Roy, la personne dudit Connestable,

* *Autres
trois.*

*Le parlement
du Roy de Fra-
nce & du Roy
d'Angleterre,
à Piquigny.*

*Lettres escri-
tes par le Con-
nestable au
Roy d'An-
gleterre.*

LES CRONIQ. ET ANNALES DE FRANCE.

moyennant que le Roy donnaſt audiſt Duc la conſiſcation de ſes biens . Le Roy pour ſauoir & recouurer,enuoya l'Admiral, les Seigneurs de Bouchage & de S. Pierre, avec vne bonne compaignie de gens de guerre,iuſques aux portes de Peronne : & là leur fut baillé & deliuré,& ſamenerent à Paris, & le meirent priſonnier dedans la Baſtille ſainct Anthoine:ou il trouua le Chancelier,les Preſidens, & pluſieurs Conſeillers de la Court de Parlement,qui là eſtoient venus auant ſon arriuée:auſquelz mondiſt ſeigneur l'Admiral deit telles ou ſemblables parolles : Meſſeigneurs, véez cy monſeigneur de ſainct Paul, lequel le Roy m'auoit donner charge de ſaller querir, par deuers le Duc de Bourgongne,qui le m'a faiſt deliurer, ie ſay amené à ſeureté iuſques icy, ie m'en deſcharge, & le vous baille & metz en voz mains, pour luy faire ſon proces, ſur le cas dont il eſt chargé, le plus diligemment que faire le pourrez, & ainſi le m'a chargé le Roy vous dire:& ce faiſt, il print congé dudiſt Conneſtable, & s'en alla : & lors leſdiſt Chancelier, Preſident & Conſeillers deirent audiſt Conneſtable : Monſeigneur, vous ſoyez le bien venu : faiſtes bonne chere : on parlera à vous cy apres plus à loyſir, & vous fera le Roy bonne iuſtice . Puis le laiſſerent dedans ladiſte Baſtille, & s'en allerent ſans autre choſe faire pour ce iour : & depuis par pluſieurs iournées vaquerent à l'interroguer & faire ſon proces:tellement que arreſt fut donné à l'encontre de luy, le Mardy dixneuſieſme iour de Decembre, audiſt an : & fut enuoyé querir par le Seigneur de ſainct Pierre dedans ladiſte Baſtille, & fut par luy mené au Palais, & ſe trouua moult grande multitude de populaire par les ruës,que lediſt Conneſtable craignoit fort . Quand il fut au Palais, on le mena en la chambre de la tournelle criminelle, & là y trouua monſeigneur le Chancelier,qui en le ſaluant luy deit : Monſeigneur de ſainct Paul, vous auez par cy deuant eſté tenu & reputé vn ſaige Cheualier & conſtant : il eſt à preſent mieux requis que iamais,qu'ayez ferme conſtance.Et apres ce luy deit:monſeigneur, il fault qu'oſtez de voſtre col l'ordre du Roy que vous y auez mis : & il reſpondit voluntiers : & lors il l'oſta & la baiſa:puis la bailla audiſt Chancelier,qui apres luy demanda ou eſtoit l'Eſpée qui luy auoit eſté baillée quand il fut faiſt Conneſtable de France : Il fault que vous la rendez:& il reſpondit qu'il ne l'auoit point ſur luy,& que tout luy auoit eſté oſté quand il fut mis en arreſt,dont il fut tenu pour excuſé.Et ce diſt,monſeigneur le Chancelier ſe partit de ladiſte tournelle, & l'un des Preſidens de ladiſte Court vint à luy, & luy recita comme par l'ordonnance du Roy il auoit eſté conſtitué priſonnier pour aucunes grandes charges & crimes, ſur leſquelz il auoit eſté interrogué, & y auoit reſpondu par ſa bouche volontairement, ſans ce qu'on peult proceder contre luy par torture & voye extraordinaire,& en auoit diſt & declaire ſes excuſations,& ce qu'il l'auoit meü:&auoit eſté ſon proces veu à grande & meure deliberation en ladiſte Court de Parlement : laquelle par ſon arreſt le declairoit crimineux de leze maieſté,& cōme tel le condamnoit à ſouffrir mort dedans ce iour,& eſtre deſcapité en la place de Greue deuant l'Hoſtel de la ville,& toutes & chaſcunes ſes terres, ſeigneuries, & biens declairez acquis, au Roy: deſquelles parolles il fut fort effrayé,& non ſans cauſe. Lors deit:O Dieu ſoit loué, véez cy dures nouuelles : & lors tous ceux, qui là eſtoient, s'en ſortirent, & luy furent baillez quatre Docteurs en Theologie,pour le confeſſer & admōneſter du ſalut de ſon ame. Auſquelz il requiſt qu'on luy baillaſt le corps de noſtre Seigneur Ieſus Chriſt à recevoir: mais on ne le voulut permettre,& fut chantée vne Meſſe deuant luy,& luy fut baillé du pain beneiſt dont il mägea,& apres ne voulut manger d'autre viande. Mōdiſt ſeigneur le Chancelier prononça lediſt arreſt, & declaira les cas bien au long publiquement en la chambre dudiſt Parlement,ou il y auoit moult grand' multitude de peuple:& quand lediſt Conneſtable ſe fut confeſſé tout à ſon loyſir, il fut mené du Palais en l'Hoſtel de la ville de Paris : & là deuant iceluy hoſtel, en la place de Greue fut deſcapité, & ſon corps porté enterrer en l'Egliſe des Cordeliers, ainſi qu'il auoit requis à la iuſtice. Au

Du Conneſtable qui fut liuré aux gens du Roy à Peronne, & fut amené à Paris priſonnier.

L'arreſt donné contre le Conneſtable de France.

Du Duc de Bourgongne qui fut deſconſtitué par les Suiſſes.

moys de Feurier audiſt an, le Roy s'en partit d'Amboiſe, & s'en alla en pelerinage à noſtre Dame du Puy en Auuergne : & audiſt voyage luy vindrent nouuelles que le Duc de Bourgongne, qui auoit mené ſon armée és païs de Suiſſe, auoit eſté combattu & deſconſtit par leſdiſtz Suiſſes, & auoient eſté tuez bien dixſept ou dixhuiſt mil de ſes gens : & en y allant auoit paſſé par le païs de Lorraine, entré dedans Nancy, & prins toute l'Artillerie & biens appartenans au Duc de Lorraine, & en icelle mis gens de par luy, & preſque par toutes les autres places dudiſt païs:& auſſi par leſdiſtz Suiſſes auoit perdu ſon Artillerie, chariotz, bahuz, vaiſſelles, bagues, & autres biens de luy & de ſes

ses gens perdus, & luy à grand' peine eschappé par fuyte. Apres ladicte desconfiture, iceluy Duc alla en ses pais, & r'allia ses gens qui s'en estoient eschappez, & en amassa d'autres, & retourna audict pais, & print la ville de Grand-son, & deux chasteaux. Quand lesdictz Suisses le sceurent ilz vindrent contre luy, & le Samedi deuxiesme iour d'Auril, audict an, le combatirent: & y moururent presque tous ses Capitaines & Chefz de guerre: & au regard de luy, il eschappa de rechef par fuyr, à bien grande peine, & luy cinquiesme cheuaucha bien sans descendre quinze ou seize lieues Françoises, & perdit de rechef toute son Artillerie, vaisselles & bagues. Apres ladicte desconfiture lesdictz Suisses reprindrent ladicte ville de Grand-son, & chasteaux, & feirent pendre tout les Bourguignons qui estoient dedans: & desdictes destrouffes fut le Duc de Bourgongne moult affoibly: mais il estoit si obstiné en sa volunté desordonnée, qu'il delibera d'y retourner encores, & enuoya en ses pais de Flandres, & ailleurs, requerir ayde de gens & d'argent, & leur demandoit le sixiesme de leur vaillant, & de six hommes l'un: mais ceux de Gand, Bruges, & Brucelles, feirent responce que si ledict Duc estoit en lieu qu'il ne s'en peust aysément retourner en seureté de sa personne, qu'ilz employeroient leurs personnes & biens à aller querir, mais que pour faire guerre aux Allemans, ilz n'estoient point deliberez de luy bailler gens n'y argent. Durant ce temps le Roy, qui apres son voyage de nostre Dame du Puy, s'en alla à Lyon, se tint en ladicte ville, & es enuiron par aucun long temps: & vindrent deuers luy le Roy de Cecille, & le Cardinal de saint Pierre. *Ad vincula*, Legat en France, pour certain different qui estoit entre le Roy & le Pape: pour lequel different le Roy enuoya son armée iusques en Aignon, & entrerent dedans: mais la chose fut apaisée, & s'en retourna ledict Legat contēt. Semblablement le Roy feit certain appoinctement avec ledict Roy de Cecille, son oncle: par lequel fut appoincté que la Comté de Prouence reuiendroit au Roy, apres la mort dudit Roy de Cecille: & par iceluy le Roy promet faire deliurer la Roïne Marguerite, femme du Roy d'Angleterre, cousine du Roy, & fille dudit Roy de Cecille, de la prison ou elle estoit en Angleterre es mains du Roy Edouard. De ladicte ville de Lyon se partit d'avec le Roy le Duc de Lorraine, qui auoit sceu ce que ledict Duc de Bourgongne auoit fait en son pais: & pour soy venger de luy, avec ce peu qu'il peut amasser de gens, s'alla ioinde avec lesdictz Suisses, & les fait mettre sur les champs, & allerent ou estoit ledict Duc de Bourgongne, qui estoit deuant vne petite ville, nommée Moratz, ou il estoit parqué: si passaillirent, & desconfirent du tout, & (comme on r'apporta) y mourut vingt & deux mil sept cens hommes en la place: & à la fuyte, qui longuement dura, en fut tué autre grand nombre. Apres la desconfiture lesdictz Suisses donnerent au Duc de Lorraine tout le parc dudit Duc de Bourgongne, & route l'Artillerie, pour la recompense & ayde qu'il leur auoit faite: & aussi que le Duc de Bourgongne auoit prins la sienne dedans Nancy: & ce fait, pource que le Duc de Romont estoit avec ledict Duc de Bourgongne, lesdictz Suisses coururent, bruslerent & gasterent toute ladicte Comté.

sonbz quelles conditions la Comte de Prouence fut baillée au Roy Loys.

La desconfiture du Duc de Bourgongne, à Moratz, par les Suisses.

Comment le Roy de Portugal vint requerir secours & ayde au Roy de France.



An mil quatre cens septante & six, le Roy de Portugal vint en France, & arriua à Tours, ou estoit le Roy, & requist au Roy ayde de gens & d'argent, pour luy ayder à conquerir les royaumes de Castille, & de Leon, qu'il disoit luy appartenir à cause de sa femme. Le Roy le receut moult honnorablement, & fut entretenu tout au despens du Roy, tant qu'il fut en ce royaume. Puis le Roy l'enuoya denant pour l'attendre à Paris, & manda qu'on luy feist honneur comme à luy mesmes, ce qu'on fait: & furent les rues de Paris toutes rendues à son entrée, & allerent au deuant de luy les Processions, les gens de Parlemēt, des Comtes, du Chastelet, Preuostz, Escheuins, & autres Bourgeois, & habitans de Paris en grand nombre: & fut ledict Roy de Portugal fort festoyé, & longuement, en ladicte ville, & luy furent faites plusieurs gratuitez & honnestes presens.

L'an mil cccc. septante & six.

Au moys de Decembre, audict an, vindrent nouuelles que le Duc de Milan, qui auoit espousé la sœur de la Roïne de France, fille de Sauoye, auoit esté tué en la grande Eglise de Milan, ainsi qu'il s'en vouloit sortir de ladicte Eglise, par vn Gentilhomme de son pais, qui fait le cas, par ce qu'il auoit imagination qu'il entretenoit sa femme, & aussi qu'il empeschoit que iustice ne luy fut faite touchant vne Abbaye qu'il auoit fait

Galeace Maria, Duc de Milan, tué en vne Eglise.

Second volu me.

V V ij

LES CRONIQ. ET ANNALES DE FRANCE

donner à son parent, & lediſt Duc vouloit qu'un autre feust. Audiſt moyſ trespasſa madame Agnes, Duchesse de Bourbon, qui ſœur auoit eſté du feu Duc Philippe de Bourgongne: laquelle auoit veſcu longuement, & de bonne vie. En ce temps le Duc de Bourgongne aſſembla grande armée pour aller mettre le ſiege deuant la ville de Nancy, qui depuis ſa deſconfiture s'eſtoit remiſe eſ mains du Duc de Lorraine, leur ſeigneur naturel. Lediſt Duc de Lorraine de ce aduertie alla deuers les Suiſſes querir & demander ayde. Ce pendant lediſt Duc de Bourgongne aſſit ſon ſiege deuant ladiſte ville: & pour le leuer, tantost apres, lediſt Duc de Lorraine vint, & amena douze ou quatorze mil Allemans, & Suiſſes: & combien que lediſt Duc de Bourgongne fuſt aduertie de leur venue, & que luy & ſes gens euſſent grande faulte de viures, parquoy il fuſt conſeillé par pluſieurs de ſes Capitaines de ſoy leuer dudiſt ſiege, neantmoins comme homme furieux & obſtiné, il n'en voulut riens faire: pour laquelle cauſe le Comte de Campobache, & Federic, Prince de Tarente, & filz du Roy Ferrand de Naples, qui eſtoient avec luy, ſ'abandonnerent: & s'en alla lediſt de Campobache deuers lediſt Duc de Lorraine, & l'aduertit de la conduiſte dudiſt Duc de Bourgongne, & de ce qu'il deuoit faire: & lediſt Prince de Tarente s'en vint deuers le Roy, qui luy ſeit bonne che- re: puis s'en alla à Naples deuers ſon pere: & lediſt Duc de Lorraine vint pour comba- tre iceluy Duc de Bourgongne, & le faire leuer dudiſt ſiege. Auſſi n'eſt pas à obmettre que le Roy, conſiderant que lors il auoit trefues avec le Roy d'Angleterre, ſon aduerſai- re, & le Duc de Bourgongne ſon rebelle ſubieſt, voyât lors qu'il auoit trop grand nom- bre de gens d'armes à ſouldes, dont ſon peuple eſtoit fort chargé, deſirant le deſcharger, caſſa aucun nombre de lances: & leſdiſtz gens de guerre, ſe voyans ſans gaiges ne ſoul- des, ſçachans la guerre qui eſtoit entre les Ducz de Bourgongne, & de Lorraine, s'en al- lerent pour ſeruir & ayder lediſt Duc de Lorraine, qui les recueillit: & le cinquieſme iour de Ianuier, audiſt an, mil cccc. lxxvj. veille de la feſte des Roys, arriua lediſt Duc de Lorraine, là ou eſtoit le ſiege dudiſt Duc de Bourgongne: & donna deſſus l'armée dudiſt Duc de Bourgongne, ſi aſprement & vertueuſement, qu'il la meit en deſarroy, & lediſt Duc de Bourgongne & tous ſes gens ſe meirent en fuyte: & en cuidant iceluy Duc de Bourgongne paſſer vn foſſé, pour s'en fuyr ſeul, avec vn page, il fut abbatu de grands coups de piques par aucuns Suiſſes, qui point ne le congnoiſſoient, & tomba au- diſt foſſé: & là fut tué: & y fut iuſques au lendemain qu'on ne ſçauoit ou il eſtoit, & s'il eſtoit mort ou viſ: & le lendemain fut congneu & trouué entre les autres mortz, audiſt foſſé, le viſaigé à demy en l'eauë, qui eſtoit tellement gelée qu'en le tirant on luy arracha la peau du viſaigé d'un coſté: & fut porté dedans la ville de Nācy, ou lediſt Duc de Lor- raine le ſeit enterrer bien honnorablement: & à ſes obſeques porta le dueil, luy & tous ſes gens. A ladiſte deſconfiture gaigna le Duc de Lorraine grand honneur & grande cheuance: car il eut pluſieurs grands perſonnages priſonniers: & entre autres Anthoi- ne & Baudouyn, freres Baſtardz dudiſt Duc de Bourgongne: leſquelz le Roy r'achepra, & ſeit payer leur rançon à leurs maiſtres, & les ſeit amener deuers luy. Quand le Roy eut les nouuelles certaines de ladiſte mort & deſconfiture, il s'en partit de Tours ou il eſtoit: & apres qu'il eut eſté en aucuns pelerinages, à ſa deuotion, il s'en vint vers Paris, & aſſembla ſon armée pour reprendre & remettre en ſes mains les terres qui luy de- uoient appartenir par le trespas dudiſt Duc de Bourgongne, qui n'auoit laiſſé qu'une fille, qui n'eſtoit pas capable de ſucceder aux terres qui eſtoient venus de l'apanage de la couronne de France: & tira droit à Senlis, à Noyon, & à Compiègne: & tantost ſe re- meirent en ſes mains les villes de Mondidier, Roye, Peronne, Abbeuille, Monſtreul, & tout le païs le long de la riuere de Somme. Auſſi feirent grād' partie des villes de Bour- gongne, ou le Roy auoit enuoyé grand' armée, dont eſtoit Chef le Seigneur de Craon, les aucunes volontaieremēt, les autres par ſieges, & les autres par compoſition: mais non- obſtant les ſermens & promeſſes qu'ilz auoient faiſtz d'eſtre loyaux au Roy, ilz ſe re- bellerent de rechef, à la perſuaſion d'un Cheualier nommé Claude de Vauldray, & d'un autre nommé Charnages, qui apres fut priſ, & eut la teſte couppée. Le Roy s'en partit de Compiègne, & s'en alla à Amyens: & par monſeigneur le Baſtard de Bourbon, Admiral de France, qui conduiſoit deuant ſon armée, enuoya ſommer les habitans d'Arras, qui ne ſe voulurent point mettre en ſon obeïſſance, parquoy lediſt Admiral ſeit pluſieurs courſes deuant: & ſeit tant qu'il trouua façon que ceux de ladiſte cité ſe meirēt eſ mains du Roy: mais ceux de la ville, qui eſt diſtincte, ſeparée, & fortifiée contre ladiſte cité ne s'y

*L'an mil cccc.
lxxvi.*

*La deſconfi-
ture & der-
niere calamité
du Duc de
Bourgongne
deuant la vil-
le de Nancy,
ou il fut occis.*

*Obſtination
de ceux de la
ville d'Ar-
ras.*

ne s'y voulurent point mettre : parquoy le Roy vint en personne dedans ladicte cité, & fait amener son artillerie, & mettre le siege contre ladicte ville, qui se rebellerent: car ilz estoient fort obstinez, & estoient parauant ledict siege les habitans d'icelle ville en si grand orgueil, qu'il ne leur sembloit point que nul homme viuant leur eust peu nuire: & durât iceluy siege disoient les habitans d'Arras, nuit & iour, plusieurs blasphemés & folles parolles diffamatoires des François: nonobstant lesquelles choses le Roy, qui estoit Debonnaire, & ne vouloit iamais effusion de sang, combien que s'il eust voulu lâcher la main à ses gens de guerre, ilz eussent prins en vne matinée icelle ville: toutesfois il les voulut auoir par douceur, & en enuoya querir aucuns dedans ladicte ville, avec lesquels il parla, & fut fait appoinctement qu'icelle ville seroit mise es mains du Roy: & que tous les habitans feroient le serment, pourueu que le Roy ne mettroit dedans icelle ville nulles gens de guerre. Apres ledict appoinctement conclud entrerent de par le Roy en icelle ville, monseigneur le Cardinal de Bourbon, Archeuesque de Lyon, qui tenoit l'Abbaye de saint Vast, de ladicte ville d'Arras, en commande, monseigneur le Chancelier, messire Guyot Pot, Cheualier, messire Philippe de Creuecœur, seigneur d'Esquerdes, * moult bon Cheualier, qui du viuât du Duc de Bourgogne estoit Gouverneur de ladicte ville d'Arras (lequel, comme loyal & bien aduisé, s'estoit retiré au party & obeissance du Roy, comme faire le deuoit) pour par eux prendre, & receuoir les sermens des habitans d'icelle ville: & eux estans dedans ladicte ville, ainsi qu'ilz estoient à table en ladicte Abbaye de saint Vast d'Arras, aucuns mutins d'icelle ville, s'assemblerent en grand nombre & tumulte, & vindrent armez & embatonnez dedans ladicte Abbaye, crians, Tuez, Tuez: dont les dessusdictz furent fort espouventez, & non sans cause. Toutesfois aucunes gens d'entendement de ladicte ville, qui estoient avec eux les appaiserent par douces parolles, tellement qu'ilz se departirent, & s'en allerent chascun en leurs maisons, & firent ledictz habitans le serment au Roy: puis ledictz deputez s'en fortirent d'icelle ville: & tantost apres le Roy s'en partit de ladicte cité, & s'en alla en la cité de Therouenne, laquelle s'estoit (tantost apres le trespas du Duc de Bourgogne) volontairement mise es mains du Roy: & en icelle cité fait le Roy sa feste de Pasques, & laissa en ladicte cité d'Arras, pour la garder, monseigneur l'Admiral & autres Capitaines.

La ville de Arras, se mit en l'obeissance du Roy.

** Comines dit des Cordes.*

De la prinse de Hesdin.



V commencement du mois de May, l'an mil quatre cens septante & sept, par le moyen de messire Philippe de Creuecœur, seigneur d'Esquerdes, le Roy trouua façon d'auoir la ville de Hesdin: & apres que ses gens y furent entrez, il alla en personne en ladicte ville, & fait sommer ceux qui estoient dedans le chasteau, pour la Comtesse de Flâdres, de luy rendre & mettre la place en ses mains, ce que de prime face ilz refuserent faire: & à ceste cause le Roy fait mettre le siege deuant, & par diuers costez fait battre la muraille, & principalement à l'endroit du portail du costé de la ville, & y eut grande baterie toute vne matinée. Et voyans ceux qui estoient dedans, comme ilz estoient chassés de pres, & que la leurs deffenses auant-murs, & canonnières estoient accrauantées & rompues: tellement qu'ilz ne s'osoient plus bonnement tenir sur la muraille, ne dedans les tours, vn ieune Escuyer nommé Raoul de l'Aunoy, qui estoit dedans, demanda seureté pour parlementer, qui luy fut octroyée, & vint & se monstra à vne des forteresses pres le portail, & à sa contenance se monstra bien vaillant homme de guerre, combien qu'il fust lettré & gradué, & auoit vn corset vestu, & les bras armez de coste de maille, & estoit tout noir, & barbouillé de sueur & de pouldre, pour le trauail qu'il auoit prins la nuit & le iour. A sa contenance, & au rapport que de luy fut fait, le Roy print plaisir au personnage: & quand il eut parlé assez longuement au Roy, & fait son rapport à ceux qui estoient dedans, fut faite composition, que ladicte place seroit baillée es mains du Roy, les corps & biens de ceux, qui estoient dedans, sauf. Apres ladicte composition le Roy retint à son seruice ledict Raoul de l'Aunoy, & luy donna gaiges & pension honneste pour son entretenement: puis tost apres luy donna vne chaisne, en laquelle auoit vingt chaisnons, poissant chascun chaisnon cent escus d'or fin: & depuis luy fait d'autres grands biens, aussi il s'est tousiours porté honnestement en son seruice, sans aucunement varier. Apres la prinse de Hes-

L'an mil cccc. lxxvij.

Messire Raoul de l'Aunoy fut cause de faire rendre la ville de Hesdin au Roy.

LES CRONIQ. ET ANNALES DE FRANCE.

din le Roy alla à Monstreul sur la mer, qui long temps auoit esté en son obeïssance, puis s'en alla à Boulongne sur la mer : & feit sommer ceux de la haulte ville & chasteil de luy faire ouuerture & obeïssance, ce qu'ilz ne voulurent faire : & à ceste cause le Roy y feit mettre le siege, & fort tirer de son Artillerie, tellement que ceux dedans furent contrainctz de bailler ladiète place, & eurent leurs corps & biens sauues.

Comment le Roy feit hommage de la ville de Boulongne à la glorieuse vierge Marie, d'un cœur d'or fin, poysant deux mil escus.

*Boulongne
sur la mer te-
nuë en hom-
mage de la
glorieuse vier-
ge Marie.*

A PRES la composition faicte, le Roy entra en icelle ville de Boulôgne, qui appartenoit à messire Bertrād de la Tour, Comte d'Auuergne, & declaira que pour le bien & seurété de la chose publique de son royaume, il vouloit mettre ladiète place en ses mains, moyennant recompensation suffisante qu'il en bailleroit audiēt Comte, ainsi qu'il a depuis faict. Et combié que ladiète Comté & Seigneurie de Boulongne ne fust parauant tenuë en feage de la Comté d'Artois, le Roy qui à celle heure en deuint nouveau seigneur, en feit hommage, desceinct, & à genoulx, à la glorieuse vierge Marie, reuerée en l'Eglise & Abbaye dudiēt lieu, present l'Abbé d'icelle Abbaye : & pour droit & deuoir donna & feit mettre deuant ladiète image vn cœur d'or fin, poysant deux mil escus d'or, & ordonna que des lors en auant luy & ses successeurs Roys de France, tiendroient ladiète Comté de Boulongne de la glorieuse vierge Marie : & en faisant hommage deuant son image en icelle Eglise, & à chascune mutation de vassal, payeroiēt vn cœur d'or fin, dudiēt poix de deux mil escuz d'or. Puis fonda vne messe perpetuelle en ladiète Eglise, & vne autre en l'Eglise sainct Martin, hors les murs d'icelle ville, pour recongnouissance de la victoire que Dieu luy auoit donnée : & ce faict, s'en retourna audiēt lieu de Hesdin.

Comment ceux d'Arras estoient mal contens d'estre en l'obeïssance du Roy, & comme ilz cuidèrent aller en Ambassade deuers la Comtesse de Flandres, pour auoir secours.

*Des mutins
& obstinez
de la ville
d'Arras, qui
furent desca-
pitēz à Hes-
din.*

D ENDANT ce que le Roy feit lediēt voyage, ceux de la ville d'Arras, qui estoient obstinez en leur folie, & leur desplaisoit d'estre es mains du Roy, qui les y auoit contrainctz, delibererent d'enuoyer les aucuns d'eux deuers la Comtesse de Flandres, à ce qu'elle leur enuoyast gés pour eux remettre en ses mains : & faignirent les deleguez de vouloir aller deuers le Roy en Ambassade, pour aucunes requestes qu'ilz vouloient faire. Si se meirēt à chemin : mais les gens du Roy, qui furent aduertis de leur trahyson, & qu'ilz ne prenoient point le chemin pour aller deuers le Roy les prindrent en chemin & les amenerent tous prisonniers à Hesdin, & estoient en nombre xxij. ou vingt & trois, de ladiète charge : & quand ilz furent là ilz furent mis es mains du Preuost des Mareschaulx de France, qui feit leur proces, & en feit descapiter iusques à dixhuiēt : & tous feussent esté : mais à l'heure qu'o les descapitoit lediēt Roy arriua en ladiète ville & feit cesser l'execution, & demanda combien il en restoit : & entre autres il demanda si vn nommé maistre Oudard de Buffy, estoit descapité & on luy dit que ouy, & que tous les corps des mortz estoient ia enterrez & icētez en vne fosse. Il comanda qu'on trouuast & deterrast la teste dudiēt de Buffy, ce qui fut faict : & feit dresser vn hault cheuron au milieu du marché, & sur iceluy feit attacher ladiète teste reuestue d'un Chapperō rouge, fourrée de menu vert, faict à la maniere d'un des Conseillers, de Parlement. Iceluy de Buffy estoit natif de la ville de Paris, mais il estoit marié, & habitué en ladiète ville d'Arras : & pource qu'il estoit hōme subtil, le Roy l'auoit voulu attirer à luy, & luy faire de grands biens, & luy offrir donner l'Office de Conseiller en son Parlement qui lors vacqua : mais il s'estoit mis en vne folie & obstination telle qu'il ne la voulut accepter, & depuis quād ceux de ladiète ville d'Arras, eurent faict le serment au Roy, il luy auoit donné l'Office de Maistre de ses Comtes, & faict d'autres grands biens : de tous leſquelz lediēt de Buffy ne tint conte, & perseuera en son obstination, dont luy print mal, comme il deuoit. Apres ces choses le Roy fut aduertý que ceux de ladiète ville d'Arras auoient enuoyé deuers ladiète Comtesse de Flandres, pour auoir gens : laquelle

quelle leur en enuoya vne grande compaignie : mais les Chefz de guerre, qui estoient en ladicte cité, allerent au deuant, & les rencontrerent, & frapperent sur eux, & les desconfirent, & y en eut bien quatre cens de mortz, & enuiron trois cens prins prisonniers les autres se sauuerent par fuyte dedans Douay. Lesdictz prisonniers furent amenez en ladicte cité d'Arras, & fut dict qu'ilz seroient tous descapitez : & fut ladicte executio encommençee, & y en eut bien quatre vingtz descapitez. Le Roy s'en partit de Hesdin pour venir audict Arras : & ainsi qu'il arriuoit on faisoit ladicte execution, mais il la feit cesser, & fut ce qui en restoit mis à ligiere rançon. Quand les habitans de ladicte ville veirent le Roy venir, ilz bouterent le feu en aucuns de leurs faulxbourgs, du costé dont il venoit : car ilz auoient parauant tous bruslez les autres faulxbourgs, qui estoient fort beaux, & y auoit plusieurs belles Eglises : c'est à sçauoir les quatre ordres des Médiens, & vne de Nonnains, & autres Eglises. Le Roy entra dedans la cité, & feit mettre deux sieges : l'un au deuant de la cité contre la ville ou il estoit en personne : l'autre dehors ladicte cité, duquel auoit la charge monseigneur l'Admiral : & feit dresser son artillerie & fort longuement tirer contre ladicte ville, tellement que les habitans, qui moult estoient obstinez, veirent bien qu'ilz ne pouuoient plus resister : si se rendirent par composition, & baillerent la ville és mains du Roy, leurs corps, & leurs biens saufz. La muraille de ladicte ville auoit du costé de la cité esté tellement batuë que le Roy entra tout à cheual par dessus la muraille demolie, en signe de victoire : & fut aucuns iours dedans ladicte ville, pour donner ordre au faict de la guerre, & feit fortifier & refaire les murailles abatuës : mais il changea l'ancienne fortification : car parauant la ville estoit fortifiée contre ladicte cité, & il feit muer & mettre la fortification & pont leuis du costé de ladicte cité contre ladicte ville, & ordonna faire deux chasteaux pour la garder : l'un au dedans de ladicte ville, ayant yssuë sur les champs du costé deuers Douay, & l'autre au dedans de la cité : lesquelz chasteaux ont depuis esté faictz, & y eut bonnes & grandes gardes. Ce faict le Roy s'en vint en pelerinage à nostre Dame de la Victoire pres Senlis, pour rendre graces à la bonne Dame, de la victoire qu'il auoit eue : & là luy vindrent nouuelles que les Flamens s'estoient assemblez, & auoient grande armée, & se vouloient mettre sur les champs pour courir sus à ses subiectz. Si feit hastiuement assembler ses gens de guerre, & crier son arriereban. Puis s'en tira à Peronne, & de là à Cambray, ou les habitans de ladicte ville, sachans qu'ilz n'estoient pas puissans pour resister contre luy, le meirent dedans la ville par composition, & pour soustenir les fraiz de la guerre luy presterent quarante mil escus : lesquelz toutesfoi il leur a depuis fait rendre content : & feit marcher son armée dedans le pais de Henault, & s'en alla à Quesnoy le Comte : puis alla mettre le siege deuant vne petite ville, nommée Condé que tenoient les Flamens, entre Tournay & Valenciennes, & gardoient que les François ne pouuoient aduitailler ladicte ville de Tournay, & fut prinse la ville de Condé : & pource qu'il y eust conuenu auoir trop grand' garde de gens, par ce quelle estoit au meillieu des terres de la Comtesse, le Roy fut conseillé la faire brusler & desmolir, pour euitier au plus grand inconuenient. Les gens du Roy feirent plusieurs courtes vers Mōs & autres villes de Henault, & moult greuerent les pais rebelles. En celle saison messire Jehan de Chaalon, Prince d'Orenge, auquel le Roy auoit au commencement baillé la charge & garde des pais de Bourgongne, fut courroucé de ce que le Roy sen deschargea, & en bailla la charge au seigneur de Craon : & à ceste cause se tourna du party de la Comtesse de Flandres : & luy, & vn Cheualier, nommé Claude de Vauldray feirent diuertir plusieurs des villes dudit pais, & feirent forte guerre contre les gens du Roy : qui vn iour furent aduertis que ledict Prince estoit en vne petite ville nommée Gy. Ledit seigneur de Craon y vint avec son armée, & y meit le siege. Le seigneur de Chauerguyon, oncle dudit Prince, assemblea plusieurs gens de guerre, pour le venir secourir. Le seigneur de Craon le sceut, qui s'alla mettre au deuant, & s'assemblerent à combattre, & y eut grand' batterie, & y mourut bien quinze ou seize hommes, des plus gens de bien de la compaignie desdictz Bourguignons : & fut ledict de Chauerguyon prins prisonnier & plusieurs autres, & y payerent de grand' rançon.

De la ville d'Arras, qui se rendit en l'obeissance du Roy, apres qu'il eut bien batuë d'Artillerie.

Claude de Vauldray estoit du party des Bourguignons, contre le Roy.

Comment messire Iaques d'Armignac, Duc de Nemours, & Comte de la Marche, fut descapité aux Halles de Paris.

L'an mil cccc.
lxxvij.



E vingtquatriesme iour d'Aoust, audict an mil quatre cens septante sept, messire Jaques d'Armignac, Duc de Nemours, & Comte de la Marche, qui des l'année precedente auoit esté constitué prisonnier, pour aucun cas, fut cōdamné à estre descapité aux Halles de Paris: & apres l'executiō faicte fut son corps porté enterrer en l'Eglise des Cordeliers de Paris, & fut ledict de Nemours fort plaint par le peuple. Audict moys d'Aoust le Roy, qui estoit és marches de Picardie, alla à Therouenne, & fut aduertiy que les Flamens estoient en armes sur les chāps en grand nombre, & s'estoient venus parquer en vn lieu appelé le Blancfossé: si les enuoya assaillir, mais ilz en furent aduertis, & se leuerent: toutesfois à l'arriuée en fut tué bien deux mil. Puis les gens du Roy se meirent à la fuyte apres eux, & les chasserent de pres, & par les chemins en tuerent bien autre deux mil, bien huiet lieues dedans le pais de Flandres: & en eux retournant ilz passerent au mont de Cassel, & autres places qu'ilz raserent & destruyfrent. Apres ces choses le Roy donna ordre à la garde des pais de Picardie, & meit ses garnisons és frontieres de Flandres, & y laissa son Lieutenant general monseigneur le Bastard de Bourbon, Admiral de France, qui estoit vn vaillant, loyal & sage Cheualier. Puis s'en vint rendre graces à nostre Dame de la Victoire pres Senlis, & s'en vint à saint Denis, ou il fut le iour de la feste dudit saint Denis, & feit grace, & deliura tous les prisonniers qui estoient en ses prisons à Paris. Puis s'en alla au pais de Touraine, pour faire son hyuer, soy reposer. En ce tēps les Seigneurs de Flandres, voyans qu'ilz n'auoient point de Chef pour la conduicte de leur guerre & de leurs affaires, traicterent le mariage de leur Comtesse, fille de feu Charles Duc de Bourgongne, avec Maximilian, Duc d'Austriche: filz de Federic, Empereur d'Allemagne. En celle année aduint que le Roy Edouard d'Angleterre, fut aduertiy d'aucunes entreprinſes que le Duc de Clarence, son frere, auoit faictes contre luy: si le feit prendre & fut condamné à estre trainé sur la fosse de Londres, iusques au gibet de ladiete ville, & la ouuert, & ses entrailles iectées en vn feu & brullées, & puis auoir la teste, & les quatre membres coupez: mais à la requeste de la mere desdictz Roy & Duc, ladiete sentence fut muée, & fut ledict Edouard cōtēt que ledict Duc de Clarence esleust telle mort, de laquelle il voudroit mourir, si deit qu'il vouloit mourir en maluoisie: & apres qu'il fut cōfessé, il fut iecté la teste la premiere dedās vne pippe de maluoisie, deffocée par vn bout, & ainsi mourut. Au moys de Mars audict an, apres que l'hyuer fut passé le Roy, pour paracheuer sa guerre, de Flandres, partit de Touraine, & vint à Paris. Puis s'en tira à Selis, à Amyens, de la à Hesdin, & autres villes de Picardie, & vindrēt deuers luy aucuns Ambassadeurs d'Angleterre, pour certains differens qui estoient entre les deux Roys.

De l'occision
des Flamens,
à Blancfossé.

Du Duc de
Clarence, qui
esleut à mourir
dedās vne
pippe de maluoisie.

Des Ambassadeurs de par le Duc Maximilian, & sa femme, & les gens du pais de Flandres, qui vindrent au Roy de France, pour traicter appointement.

L'an mil cccc.
lxxviij.



PRES la feste de Pasques, en l'année mil quatre cens septante huiet, vindrent deuers le Roy, qui estoit à Arras, és marches de Picardie, aucunes Ambassades de par le Duc Maximilian, sa femme, & les gens du pais de Flandres, pour traicter appointement: & aussi y alla vn Legat du Pape, qui feit remonstrance au Roy & audict Duc d'Austriche, & Flamens, des grands maulx que faisoient les Turcz & infideles à la Chrestienté, les admonnestant de faire paix ensemble, & aller ayder à faire guerre contre lesdictz Turcz: mais il ne peut trouuer appointement, combien qu'il ne tint pas à la partie du Roy: lequel, pour y paruenir, feit retirer ses gens des villes de Cambray, Quenoy le Comte, & autres qu'il auoit parauant à grands fraiz mises en ses mains. Pour raison desquelles choses ne fut gueres faict au voyage de Picardie, celle année, fors seulement qu'il fut prinſe vne trefue iusques à l'année ensuyuant, soubz esperance d'appointement, & s'en retourna. Au moys de Iuin, audict an, les gens de l'armée que le Roy auoit enuoyée és marches de Bourgongne, & de la conduicte d'icelle baillé la charge & faict Gouverneur messire Charles d'Amboyse, Seigneur de Chaumont, reduisirent és mains du Roy plusieurs villes & places en iceux pais, lesquelles parauant s'estoient remises és mains du Duc & Duchesse d'Austriche, & entre autres Verdun, Morsancon, Sennier

Sennier de Lanxois, Chastillon sur Seine, Bar sur Seine, & autres. Puis allerent deuant la ville de Beaulne, & y meirent le siege, & y furent aucuns iours, & y feirent fort battre ladicte ville, tellement que ceux de la ville vindrent à appoinctement, & leur fut faicte composition qu'ilz auroient leurs corps & biens saulz, pourueu qu'ilz payeroient quarante mil escus: & les gens de guerre, qui estoient dedans, s'en allerent franchement ou ilz voulurent. Enuiron le moys d'Aoust, le Roy, qui estoit esdictes marches de Picardie, octroya trefues audiect Duc d'Austriche, iusques à l'année ensuyuant, soubz esperance d'appoinctement, & s'en vint à Senlis, à nostre Dame de la victoire, & donna à ladicte Eglise deux mil liures tournois, pour faire des lampes d'argent, pour pendre deuant l'image de nostre Dame en icelle Eglise: & ordonna la chasse de monseigneur S. Fiacre, qui est aupres de Meaux, estre toute couuerte d'argent. Puis s'en alla en Touraine, & alla saluer le corps monseigneur saint Martin, auquel il auoit tousiours eu singuliere deuotion, & ordonna que les treillis de fer, qui estoient autour & pour la deffense & seurreté de la chasse, ou ledict corps saint estoit, fussent ostez & refaictz tout d'argent massif, qui fut faict en brief temps tout de pareille façon qu'estoit cestuy de fer qui y estoit, & pesoit ledict treillis six mil sept cens septante & sept marcs, deux onces vn gros, qui cousta à raison d'vnze liures tournois, pour marc, argent & façon.

*De la chasse
saint Fiacre,
& du treillis
saint Martin
de Tours.*

*Le treillis
saint Martin de
Tours, fait
d'argent*

En celle année le Roy, aduertty de la grande euacuation des finances de son royaume qui se portoient en court de Romme, pour le vacat des Prelatures, & autres benefices, & pour les fraiz & propines qu'il conuient faire pour ladicte cause, pour y donner la prouision selon & en ensuyuant les saintz Decretz, & Pragmatique Xainction, feit assembler grande partie des Prelatz de son royaume en la ville d'Orleans: lesquelz s'y trouuerent, & furent assemblez plusieurs iournées, mais peu ou riens n'y fut cōclud qui sortist effect. Aussi en celle année furent confirmées les anciennes alliances des royaumes de France, & d'Espaigne, & par l'ordonnance du Roy furent publiées.

Comment ceux de Cambray se meirent en l'obeïssance du Duc d'Austriche: & comment le Roy enuoya son armée es pais de Bourgongne.

LN l'année mil cccc.lxxix. apres les Pasques, les habitans de la ville de Cambray, qui par la trefue prinse l'année precedente deuoient estre neutres, se meirent en l'obeïssance du Duc d'Austriche, & chasserent dehors les gens du Roy, qui estoient dedans ledict chastel: puis allerent assieger la place de Bohain, & la prindrent auant que la trefue fut faillie, dont le Roy fut fort mal content desdictz de Cambray. Si feit le Roy, qui auoit grand desir de reduire à luy les pais de Bourgongne, mettre sus son armée & mener son artillerie es marches de Bourgongne deuers Nancy. Charles d'Amboise, qui là estoit son Lieutenant, alla mettre le siege deuât vne forte place, nommée Rochefort, qui fut prinse d'assault. Puis alla deuant la ville de Dole, & y mit le siege, qui y fut aucuns iours: durât lequel siege les murailles furent fort batuës d'artillerie, & tellement que l'assault y fut donné, & fut prinse ladicte ville & ceux de dedans tuez: puis fut icelle ville bruslée & destruite. De ce vindrēt nouvelles au Roy, qui estoit à Môtagny, lequel se mit à chemin, & s'en alla à nostre Dame de la Victoire, pres Senlis, faire sa deuotion. Puis s'en tira deuers Champaigne, pour aller es marches dudiect pais de Bourgogne, & alla iusques à Dy-ion: à cause dequoy plusieurs des villes & lieux dudiect pais, qui s'estoient parauant rebellez, se reduirent en ses mains & obeïssance. Apres ce voyage s'en retourna le Roy en Gastinois, ou il fut vne espace de temps à soy esbaster, & chasser, & puis s'en vint en Touraine.

*La ville de
Dole fut prin-
se d'assault,
par les Fran-
çois.*

Au moys d'Aoust, audiect an, le Duc d'Austriche, & le Comte de Romont en sa compaignie, & grand nombre de Flamens, qu'on estimoit bien soixante mil combatans, se vindrent parquer en vn village, nommé Guinegathe, entre Therouenne & Aire, à vne lieuë pres dudiect Therouenne, ou estoient les gens du Roy, & feirent plusieurs courses & assaulx deuant icelle ville, qui fut vaillamment deffenduë par les gens d'armes, qui estoient de la compaignie de monseigneur le Duc de Bourbon, & autres qui estoient dedans icelle ville: & se sachans les Capitaines & gens d'armes du Roy qui estoient à Arras, Bethune, & autres villes audiect pais de Picardie, s'assemblerent vn iour audiect lieu de Therouenne, de l'ordonnance du seigneur d'Esquerdes, Lieutenant general du Roy audiect pais de Picardie, & saillirent aux champs pour combattre lesdictz Flamens,

*De la bataille
de Guinega-
the pres The-
rouenne.*

LES CRONIQUE ET ANNALES DE FRANCE

& donnerent vaillamment & hardiment sur eux, tellement qu'ilz meirent en desarray l'auantgarde dudit Duc d'Austriche. Au moyen dequoy tous ceux de son armée se meirent en fuyte, & mesmement ledit Duc d'Austriche, & se retirent dedans la dicte ville d'Aire: & furent tuez, tant sur le champ qu'à la fuyte, plusieurs desdictz Flamens, qu'on estimoit bien d'unze à douze mil hommes, & furent suyuis iusques dedans les portes d'Aire, & furent prins prisonniers plusieurs grands personnages: & entre autres les filz du Roy de Poulaine, qui estoit en la compagnie dudit Duc d'Austriche, & un autre grand Comte, Allemand, qu'on disoit estre son grand inignon. Toutesfois pource que les gens du Roy mesmement, les francs Archiers s'amuserent au pillage, & à despouiller les moriz, ledit Comte de Romor, qui ce apperceut, rallia un grand nombre de Piquiers desdictz Flamens, & retourna tout court sur lesdictz francs Archiers, & y en eut plusieurs de tuez: & y furent tuez Jehan le Beauuoysien, un vaillant & bon Capitaine des gens du Roy, & Ouaste de Montespédoz, Bailly de Rouen, & autres.

Du pillage que firent les francs Archiers à Guinegathe, dont mal leur en print.

Environ celle saison furent prins sur la mer par les mariniers du Roy, dont auoit la conduite un nommé Coulon, vice-Admiral, bien quatre vingtz nauires des pais de Flandres, qui estoient chargez de Harens & autres marchandises, & y gaignerent ledit Coulon & ses gens de grâdes richesses & biens. Tantost apres la rencontre de Guinegathe, le Duc d'Austriche assembla ses gens, & alla mettre le siege deuant une place appelée Mallunay, dont auoit la garde pour le Roy un appelé le Capdet Roymonnet: & fut fort battue ladicte place d'Artillerie, & vaillamment deffendue par ceux de dedans, & tuerent plusieurs des gens dudit Duc d'Austriche: toutesfois ilz ne peurent resister à si grande puissance. Si commença à parler ledit Capdet, & à seureté sortir de la place: & ainsi qu'il sortoit, lesdictz gens du Duc d'Austriche entrerent en icelle place, & tuerent ceux qui y estoient: & ledit Capdet fut mené en la presence dudit Duc d'Austriche: lequel, combien que seureté luy eust esté donnée, toutesfois le fait pendre dont le Roy fut moult courroucé quand il le sceut: & en vengeance de ce, fait pendre plusieurs prisonniers des plus gens de bien de ceux qui auoient esté prins, tenas le party dudit Duc: & enuoya bien huit cens lances faire une course en la Comté de Flandres, & autres pais d'iceluy Duc, pour faire le gast, & y firent de grands dommages.

Comment le Roy d'Angleterre enuoya Ambassade deuers le Roy de France, & aussi comment le Pape y enuoya le Cardinal de saint Pierre ad Vincula, Legat en France.

L'an mil cccc. quatre xx.

De la venue du Cardinal Petri ad Vincula, en France.



L'an mil quatre cens quatre vingtz, le Roy estant au pais de Touraine, vindrēt deuers luy aucunes Ambassades d'Angleterre, pour pacifier aucuns differens, qui estoient entre les Roys de France & de Angleterre: ausquelz le Roy fait briefue response, par ce qu'on disoit qu'ilz se vouloient entremettre de la question du Roy & dudit Duc d'Austriche, & les renuoya, & leur fait faire de grands dons. Tantost apres vint semblablement en France, de par le Pape, le Cardinal de saint Pierre ad Vincula, Legat en France, auquel le Roy fait faire bon recueil & quand il vint à Paris, les Processions, gens d'Eglise, Nobles, les Cours de Parlement, Chambre des Compres, Chastelet, & l'Hostel de la ville, allerent tous au deuant: & furent toutes les rues par ou il passoit rendues de tapisserie: & fut la cause de sa venue pour admonnester le Roy, & le Duc d'Austriche, de faire paix ensemble, & d'aller faire ayde à la Chrestienté, que les Turcz persecutoient. A quoy le Roy fait response qu'il estoit prest d'entendre à tout bon appoinctement: puis ledit Legat tira à Peronne, & es marches de Picardie, & fait scauoir sa venue audit Duc d'Austriche & aux Flamens: mais ilz ne luy voulurent donner entrée en leurs pais: & par ce qu'ilz n'y peut auoir acces, il s'en retourna à Paris, sans riens faire. Puis alla iusques à Orleans, & là sejourna aucun temps: pendant lequel Roy fait à sa poursuyte & requeste, deliurer maistre Jehan Balue, Cardinal, qui long temps auoit esté detenu prisonnier pour aucunes machinations qu'on disoit par luy auoir esté conspirées contre la personne du Roy, à la requeste du feu Duc Charles de Bourgogne. Pendant lesquelles choses, le Roy se tint au pais de Touraine la pluspart du temps iusques apres Noel, qu'il s'en alla à Poitiers, & de là retourna à Chinon, & fait abbatre tous les francs Archiers de son royaume, par ce qu'on

Du Cardinal Balue, qui fut deliuré de prison.

ce qu'on disoit qu'ilz faisoient plusieurs griefz au peuple : & delibera d'en lieu d'eux soy seruir au faict de ses guerres de gens estrangiers : c'est à sçauoir des Suisses : & en enuoya querir trois mil hommes , des plus beaux & esleuz qui fussent au pais : lesquelz il entretint tousiours continuellement à gages , & si faisoit donner chascun an plusieurs sommes de deniers aux Seigneurs & communautéz des citez, Cantons & villes dudict pais de Suisse : à fin qu'ilz ne souffrissent point que le Duc d'Austriche , n'autres , en tirassent aucunes gens, pour faire guerre contre luy.

*Commence-
ment des Suis-
ses en Fran-
ce, & aboli-
tion des frâcs
Archiers.*

Comment le Roy fut malade.

EN celle année print au Roy, luy estant en Touraine, vne maladie, de laquelle il fut griefuement malade, & telle fois fut qu'on cuydoit qu'il mourust : mais par la grace de Dieu, & par l'intercession de la glorieuse vierge Marie, à laquelle il auoit sa singuliere cōfiance & recours en tous ses affaires, & aussi de monseigneur S. Claude, auquel il se voua, & promeit aller visiter son Eglise, ou gist & repose son saint corps, il reuint à conualescence. Toutesfois il en fut depuis ce temps tousiours plus lasche, & foible iusques à sa mort : & deuers luy vindrent aucuns Ambassadeurs de Flandres, ausquelz il prorogea trefues d'un an, soubz esperance d'appointement final qu'ilz requeroient.

Comment le Roy feit faire vn beau & grand Camp de guerre.

EN l'année mil quatre cens quatre vingtz & vn, le Roy feit faire & preparer vn beau & grand Camp de guerre, pour tenir les champs, tout enuironné de deffenses de boys, & feit faire plusieurs tentes & pauillons, pour loger les gens de guerre, & s'en ayder en temps & lieu, quand besoing en seroit, & le voulu veoir tendu & préparé, pour sçauoir quel nōbre de gens & d'Artillerie y seroit besoing, & aussi qu'elle quantité de viures conuiendroit par moys, pour l'entretènement desdictz gens qui seroient en iceluy Parc. Et à ce qu'il en fust bruyt & renommée, tant en Angleterre qu'en Flandres, & ailleurs, il ordonna faire dresser ledict Camp aupres de la ville du Pont de l'Arche. Si se partit du pais de Touraine ou il estoit, & s'en alla en pelerinage à nostre dame de Chartres, & de là audict lieu du Pont de l'Arche, ou pres d'illec auoit esté dressé ledict Camp & tout fossoyé à l'entour, & tendues lesdictes tentes & pauillons, qui faisoit beau veoir : & y auoit fait venir le Roy plusieurs des gens de guerre de son ordonnance, & comme on disoit y en auoit bien de xij. à xiiij. cens lances : & aussi y auoit huit mil hōmes de guerre, gens de pied, ayans chascun vne pique ou hallebarde, lesquelz ledict Seigneur auoit nouuellement fait mettre sus en armes, pour la garde & deffense dudict Camp : & d'iceux bailla la charge à messire Philippe de Creuecœur, Seigneur d'Esquerdes. En celle année, pource que les gens de guerre du Duc d'Austriche feirēt aucunes entreprinſes sur les gens du Roy, és marches de Picardie, & rompirent les trefues, lesdictz gens de guerre d'un party & d'autre recommencerent à faire la guerre guerroyable : qui fut bien estrange & cruelle : car nulz n'estoient prins à rançon, & faisoient pendre tous ceux qui estoient prisonniers, sans nulle remissio. Apres ce que le Roy fut retourné de veoir son Camp de guerre, il s'en alla à Touars, ou il fut aucun temps : mais pource ne luy amenda de riens son mal, & enuoyèrent faire ses offrandes au chef monseigneur saint Iehan d'Angely, en Xaintonge mes Dames de Bourbon & de Beauieu, ses sœur & fille. Puis s'en partit le Roy, & s'en vint à nostre Dame de Clery, & de la se meit en chemin sur la riuere de Loire, pour aller faire son voyage à mon seigneur saint Claude, ou il s'estoit voué, & y alla à bien grand travail de sa personne : car il estoit souuent malade : & deuant ledict corps saint feist de grands dons & offrandes, & y donna & assigna de grâdes rentes & reuenus, en augmentation du Diuin seruice. Puis s'en retourna par ladicte riuere de Loire à nostre Dame de Clery, ou il auoit sa singuliere affection & deuotion, & tant audict Clery, qu'à Meun sur Loire, qui est pres d'illec, se tint longuement.

*L'an mil ccc.
iiij. xx. & vn*

*Du beau Parc
ou Camp de
guerre qui fut
tendu & pre-
paré pres le
Pont de
l'Arche.*

*Du pelerinage
du Roy
Loys à saint
Claude.*

*De la mort de madame Marie de Bourgongne, Comtesse de Flandres,
& femme dudict Duc d'Austriche.*

LES CRONIQ. ET ANNALES DE FRANCE.

L'an milccc.
iiij. xx. &
deux.



N'année mil quatre cens quatre vingtz & deux, alla de vie à trespassement madame Marie de Bourgongne, Comtesse de Flandres, femme du dict Duc d'Austriche : laquelle laissa deux enfans, vn filz & vne fille, le filz fut nommé Philippe, qui luy succeda à la Comté de Flandres, & autres grands terres & Seigneuries, & fut pere de l'Empereur, à present regnant : & la fille, nommée Marguerite, fut Royne de France, qui est decedée. Aussi au mois de May, audict an trespassa madame Jehanne de France, femme de monseigneur Jehan, Duc de Bourbonnois & d'Auvergne, & fut enterrée en l'Eglise nostre Dame de Molins en Bourbonnois.

Messire Jehan
de la Vaquerie
premier
President au
Parlement de
Paris.

Le traité en
bref du mariage
du Roy
Charles viij.
& de madame
Marguerite de
Flandres.

De la bonne
doctrine &
enseignement
que le Roy
Loys bailla à
son filz Charles,
auant son
trespas.

En celle mesme année le Seigneur d'Esquerdes, Lieutenant du Roy, és marches de Picardie, print sur le Duc d'Austriche, & les Flamens, la ville d'Aire : laquelle prinse espouuenta fort lesdictz Flamens. Au moyen dequoy ilz furent plus enclins à venir requérir appointement avec le Roy : & feirent dresser vne belle & grande Ambassade qu'ilz enuoyerent deuers le Roy, pour requérir & supplier d'auoir appointement, & de demourer en sa subiection & obeissance, ainsi qu'ilz deuoiēt & sont tenus. A quoy le Roy de sa benignité entendit volontiers, & delegua ledict Seigneur d'Esquerdes, son Lieutenant, & messire Jehan de la Vaquerie (lequel il auoit de nouuel fait premier President de Parlement) & plusieurs autres grands personages, pour traicter & diuiser de ladieste paix : & furent pour ceste cause par long temps, en la ville d'Arras, les Abbez de saint Bertin, & de saint Pierre de Gand, & autres Ambassades dudit Duc d'Austriche, & du petit Comte de Flandres, son filz : & les gens de ses païs s'y rendirent & assemblerent par plusieurs iournées : & finalement paruindrent à appointement final : par lequel entre autres choses fut traicté le mariage de monseigneur le Daulphin de France, & de madame Marguerite, fille dudit Duc d'Austriche, & sœur dudit Côte de Flandres : lequel traicté & appointement fut confirmé par le Roy & par les Princes, Euesques, & communitiez des citez & bonnes villes du royaume : & semblablement fut fait du costé du Duc d'Austriche & des Flamens. Et en faueur dudit mariage fut par les dessusdictz Ambassadeurs d'Austriche & de Flandres, ayans sur ce suffisant pouoir baillé & transporté pour le partage & lot de madicte dame Marguerite, les Comtez d'Artois, & de Bourgongne, les terres & seigneuries de Masconnois, Auxerrois, Salins, Bar, Sens, & Noyon, pour en iouyr perpetuellement : & s'il aduenoit que le petit Comte de Flandres mourust, madicte dame Marguerite luy succederoit à toutes les terres & seigneuries qui appartindrent à leur mere : & recongneurent lors lesdictz Ambassadeurs le Roy estre souuerain en la Comté de Flandres : & fut donnée abolition generale aux subiectz de l'un & de l'autre, & plusieurs autres choses declairées aux lettres sur ce faictes & passées. Audict an vn Cheualier Liegeois, nommé messire Guillaume de la Marche, frere du Sanglier d'Ardenne, tendant à faire son filz Euesque du Liege, assembla grand nombre de gens à pied & à cheual, & commença à faire guerre à monseigneur de Bourbon, Euesque de ladieste cité du Liege, & alla mettre le siege iusques aux portes de ladieste cité : & par aucuns trahystres fut ledict Euesque conseillé sortir aux champs, pour combatre ledict de la Marche, & fut tué iceluy Euesque, dont fut dommage. Auât sa mort il auoit mädé & requis ayde au Duc d'Austriche, & au Prince d'Orange (lequel Prince auoit espousé sa sœur) lesquels s'estoient mis à chemin pour aller secourir, mais ilz n'y furent pas assez à tēps : si entra ledict de la Marche en icelle ville & cité : & depuis furent faictes aucunes entreprinſes par les gēs dudit Duc d'Austriche, pour prédre ledict de la Marche, & tant feirent qu'un nommé le Seigneur de Montigny le print, & fut tantost apres descapité. En celle mesme année le Roy, qui se sentoit affoiblir, à cause de sa maladie, alla au chasteau d'Amboise, auquel estoit nourry le Daulphin, son filz, & estoit en l'age de douze à xiiij. ans, & ne l'auoit point veu le Roy depuis sa natiuité : auquel le Roy feit plusieurs belles remonstrances : & entre autres choses luy cōmanda & ordonna qu'apres son trespas il se gouuernast en tous ses affaires & se conduysit par le conseil de mōseigneur Pierre de Bourbon, seigneur de Beauieu, Côte de Clermōt & de la Marche, qui auoit espousé madame Anne de Frāce, sa fille, sœur dudit Charles : & luy disoit que c'estoit vn bon homme, qui ne le tromperoit point : & luy deit aussi qu'il feist conduire ses affaires és marches de Picardie, par le Seigneur d'Esquerdes, & que c'estoit vn bon & loyal Cheualier, qui l'auoit bien seruy, & luy recommanda plusieurs de ses seruiteurs, & qu'apres sa mort il entretint tous les Officiers qu'il trouueroit en leurs

en leurs Offices : & apres ces choses dictes , il s'en alla en sa maison du Plessis du Parc, pres Tours , ou il se tint la pluspart du temps, par ce qu'il estoit souuent malade , & enuoya querir par tout , tant en son royaume qu'en Italie , & ailleurs , medecins & gens pour le guerir & pour le des-ennuyer & luy faire passer temps . Il feit aussi venir de diuers lieux de son royaume, plusieurs ioueurs de diuers instrumens , qui souuēt iouoient en sa court , ou autre lieu, dont il les pouoit ouyr . Au moys d'Auril ensuyuant le Roy Edouard d'Angleterre mourut d'une Apoplexie, qui soudainement le surprint.

Du trespas du Roy Loys unzieſme du nom.

LN l'année mil quatre cens quatre vingtz & trois , au moys d'Auril , apres l'an mil cccc. Pasques, le Roy qui se sentoit affoiblir , à cause de sa maladie , desirant la perfection du mariage qu'il auoit fait traicter à mōseigneur le Daulphin son filz, avecques madame Marguerite de Flandres , & le traité de paix estre accomply : il feit preparer moult grandement & hōnestement mōseigneur de Beauieu , & madame Anne de France, sa femme: fille du Roy , & avec eux les Seigneurs d'Albret, & saint Vallier, & autres plusieurs grands seigneurs, Barons & Cheualiers, & aussi madame l'Admiralle , & plusieurs autres Dames & Damoyſelles, & leur commanda aller en la ville de Hesdin, en laquelle les Flamens deuoient amener madiſte Dame Marguerite de Flādres: & pour icelle receuoir se meirēt à chemin , & le dixneufiesme iour dudiſt moys arriuerent à Paris , ou ilz furent honnorablement receuz: & y feit madiſte Dame Anne de France, sa nouuelle & premiere entrée, & crea vn Maistre de chascun mestier , ainsi que les enfans de Frāce ont droit & accoustumé de faire d'ancienneté. Puis passerent oultre, & allerent iusques audiſt lieu de Hesdin, auquel lieu vindrent plusieurs grands seigneurs & Barons , & aussi plusieurs Dames & Damoyſelles, qui amenèrent madiſte Dame Marguerite, grandement aornée & accōpagnée, & la liurerent es mains de mondiſt seigneur de Beauieu, & de madiſte Dame sa femme, qui l'amenerent , & arriuerent à Paris le second iour de Iuin, ou ilz furent grandement & hōnorablement receuz : & pour l'honneur de madiſte Dame Marguerite, qu'on appela deslors Daulphine, furent les rues tendues, & faitz plusieurs ſainctes & personages ioyeux , & feit & crea à son entrée ſemblablement vn Maistre de chascun mestier en icelle ville, & par toutes les autres valles ou elle passa. Puis s'en partirent de ladiſte ville de Paris, & fut madiſte Dame la Daulphine menée à Amboise : & au moys de Iuillet, audiſt lieu d'Amboise, le Roy feit faire & solennizer, en face de ſaincte Eglise, le mariage de mondiſt seigneur le Daulphin, son filz, & de celle Dame Marguerite: & à fin que la chose fut solennisée & publiée, le Roy manda venir & y estre presents aucun nombre des plus notables gens des citez & bonnes villes de son royaume.

En celle meſme année, le Roy qui se sentoit affoibly, comme diſt est, pour aucunes imaginations qui luy vindrent à ſentendement , & croy que ce fut plus par deuotion qu'autrement , enuoya querir la ſaincte Ampolle, qui est en l'Eglise & Abbaye de ſainct Remy de Reims, de laquelle tous les Roys de Frāce ont tousiours esté oingt & ſacrez, & laquelle des le temps de Clouis, premier Roy Chrestien, fut enuoyée du Ciel, & depuis lequel temps n'est pas memoire qu'elle eust esté trāsportée d'icelle Abbaye: & aussi enuoya querir les verges de Moÿse & Aaron , & le fuſt de la vraye Croix , appelée la Croix de Victoire , qui pieça fut donnée par l'Empereur & Roy de France Charlemagne (lesquelles estoient en la ſaincte Chappelle du Palais à Paris) & le tout feit apporter deuers luy en son chaſtel du Plessis du Parc , lez Tours , & les feit mettre & garder reueremment . Le Lundy vingtquatriesme iour du moys d'Aouſt , le Roy , estant en ſondiſt hoſtel du Plessis , fut fort preſſé de sa maladie , & tellement qu'on cunda par aucune espace de temps la pluspart du iour qu'il fuſt mort , & tel en estoit le commun bruiſt en ladiſte ville de Tours . Plusieurs allerent en diuerses parties du Royaume , qui tous diſoient & affermoient de vray qu'il estoit mort , & ainsi le croyoient : toutesſois Nature s'eſuertua aucunement en luy , & luy reuint la parole : mais il se trouua ſi las & trauaillé qu'il congneut bien qu'il ne pouoit point viure longuement . Si enuoya mondiſt seigneur de Beauieu , & madame sa femme, le Comte de Duinois, meſſire Guyot Pot , Cheualier , & autres qu'il s'entoit & congnoissoit ſeables & bons , & leur deit qu'ilz s'en allaſſent à Amboise, deuers leur nouveau Roy, & que de

LES CRONIQ. ET ANNALES DE FRANCE.

luy n'estoit plus riens, en leur priant qu'ilz eussent pour recommandée la personne de môdiēt seigneur le Dauphin, & la conduicte de sa personne & de ses affaires, & qu'en eux il auoit parfaicte fiance: & y allerent: & de ceste heure le Roy fut tousiours malade iusques au Samedi ensuyuant, penultime iour dudit moys d'Aoust, mil quatre cens quatre vingtz & trois, qu'il rêdit son esprit à Dieu, & mourut Catholique enuiron l'heure de huiēt heures du soir, qui estoit le iour saint Fiacre. Si fut son corps ouuert & embaumé ainsi qu'il appartenoit & est accoustumé de faire aux Roys: puis habillé le corps mort d'habit Royaulx, & mis sur vn grand liēt de parement, couuert de fleurs de liz, ou il fut le iour & lendemain à la veuē d'vn chascun qui le voulut aller veoir, puis apres fut mis en vn cercueil de plomb, & amené en l'Eglise nostre Dame de Clery, qu'il auoit faict faire de nouuel ædifice, & en icelle auoit esleu sa sepulture: & furent les obseques & funerailles faictes moult honnorablement & en grand solénité ainsi qu'il appartenoit.

*Le trespas du Roy Loys vn-
zieme fut le
penultime
iour d'Aoust
mil cccc. iij.
xx. & trois.*

Du trespasement de la Royne Charlotte, femme dudit Roy Loys, unzieme.

AVdiēt an trespas au chasteau d'Amboise la Royne Charlotte, veufue dudit feu Roy Loys, & mere du Roy Charles huiētisme, laquelle auoit esté fille du Duc de Sauoye, & estoit vne moult bonne & sage Dame: le corps de laquelle fut semblablement porté enterrer en ladicte Eglise nostre Dame de Clery, apres dudit feu Roy Loys son mary. Dieu par sa sainte grace & misericorde leur vueille, & à tous autres trespassez, pardonner leurs deffaultes, Amen.

Du Roy Charles, huiētisme du nom.

*Charles viij.
de ce nom fut
Roy l'an mil
cccc. iij. xx.
& quatre.*



APres le decez dudit Roy Loys, Charles huiētisme de ce nō, son filz vniue, luy succeda en l'aage de xiiij. ans deux moys ou enuiron: toutesfois son courōnemēt fut differē iusqu'au moys de Iuin de l'an ensuyuant, qu'il auroit xiiij. ans, au moyen de quelque differēd qui fut entre le seigneur de Bourbon, qui estoit Prince de grāde aage, prudēt & vertueux, & Loys Duc d'Orleans, qui ieune estoit, & le plus prochain à succeder à la couronne: lesquelz aspiroient à la Regence du Royaume secrettemēt, & mesmement lediēt Duc d'Orleās, à la persuasiō du Comte de Dunois, nōmé François, filz de Jehā Bastard d'Orleans, homme de subtil engin & de grand' entreprinse, à la raisō de ce que lediēt Roy Charles estoit fort ieune & de petite qualité, & par

le commandement de son feu pere auoit esté nourry grossièrement, sans vouloir qu'il occupast son facil engin aux lettres ne choses subtiles, doubtant qu'il eust corrompu sa nature qu'il cōgnoistroit debile & delicate, combien que depuis ayma la lecture des liures moraulx & historiaux en langue vulgaire. En attendant son courōnement les Princes du sang, qui auoient esté tant de fois iniuriez & mesprisez par Oliuier le Dan, Daniel son seruiteur, & Jehan d'Oyac, qui auoient entierement gouverné lediēt feu Roy Loys, firent faire informations secrettes contr'eux, des homicides, pilleries, concussions, & autres crimes qu'ilz auoient, soubz l'autorité royale, commis: & les informations, veuēs par la Court de Parlement, furent constituez prisonniers, & leurs proces faict peu à peu. De l'autre part messire Guillaume Chauuin, Chancelier de Bretagne, mourut miserablemēt & en grande pauuorté au chasteau de l'Hermite, ou le Duc sauoit fait mettre à la requeste de son Thresorier Pierre Landois, filz d'vn Chauffetier de Tours, qui gouernoit lediēt Duc, aussi bien & mieulx que n'auoit iamais faict Oliuier le Dan lediēt feu Roy Loys: dont les Barons & Seigneurs de Bretagne ne furēt cōtēs, & mesmement le Prince d'Orlége, & le Marechal de Rieux, qui lors estoient à Nâtes, si delibererent prendre au corps lediēt Landois, quelque part ou ilz le pourroient trouver, fuisse apres du Duc: & pour ce faire entrerent dedans le chasteau de Nantes, ou ilz se renfermerent, mais n'y trouuerent lediēt Landois, qui le soir precedent s'en estoit allé pour

Emprisonnement d'Oliuier le Dan & autres.

La mort du Chancelier de Bretagne.

lé pour son plaisir à sa maison de la Pabotiere, distât de Nantes d'une lieue contremont la riuere de Loire: & voyant le Duc, qui estoit audict chasteau, que lesdictz Prince d'Orenge, Marechal de Rieux, & autres Seigneurs de leur entreprinse, parloient à luy autrement qu'ilz n'auoient accoustumé, & en arrogance, fut tres-esmeu, & ceux qui gardoient le chasteau fort esbahys: l'un desquelz faillit sur les murs du chasteau, criant à haulte voix, A la force, & que les Barons vouloient tuer le Duc. Le peuple s'esmeut si tresfort que s'ilz eussent peu entrer au chasteau eussent occis lesdictz Princes d'Orenge, Marechal de Rieux, & autres: lesquelz, pour faire leur paix, furent contrainctz prendre du Duc lettres d'abolition dudit cas, & s'en allerent au pais d'Aniou. Ledit Landois se retira au Duc, qui le mit en sa grace plus que iamais: & reserui audict Loys, Duc d'Orleans, que son plaisir fust aller veoir ledict Duc de Bretagne, son cousin germain. Ce qu'il feist, par le conseil du Comte de Dunois, qui tendoit à le marier avec madame Anne, fille aînée dudit Duc de Bretagne: & arriva à Nantes avec le Duc d'Alençon, au moys d'Auril ensuyuant, mil quatre cens quatre vingtz & quatre, ou ilz furent honnorablement receuz par iceluy Duc de Bretagne, & ledict Landois, qui luy faisoit faire tout ce qu'il vouloit: & apres auoir fait bonne chere ledict Duc se complaignit ausdictz Duc d'Orleans, & d'Alençon, de l'outrage que lesdictz Prince d'Orenge & Marechal de Rieux, luy auoient fait, les priant qu'ilz luy aydassent à foy venger: ce qu'ilz luy promirent en termes generaulx. Puis partirent pour aller à Reims, au sacre dudit Roy Charles: & luy sacré & couronné s'en alla faire son entrée à Paris, accompagné desdictz Ducz d'Orleans, d'Alençon, & Bourbon, du Seigneur de Beauieu, & de madame son espouse, sœur dudit Roy Charles, & de plusieurs autres Princes, puis furēt les trois EstatZ assignez à Tours, au moys de Iuillet ensuyuant.

Le Duc d'Orleans en Bretagne.

Comment les trois EstatZ furent tenus à Tours: & de ce qui fut ordonné.

Audit an mil quatre cēs quatre vingtz & quatre, furēt les estatZ tenus à Tours, ou se trouuerēt gēs deleguez de toutes les villes royales du royaume: les aucūs pour l'Eglise, & les autres pour la Noblesse & Iustice, & les autres pour le peuple commun, & esdictz estatZ furent ordonnées plusieurs viles & necessaires choses: & fut aduisé, pour oster tout different, qu'il n'y auroit aucun Regent en France, mais q̄ ladicte Dame de Beauieu, sœur du Roy, qui estoit sage, prudente, & vertueuse, en ensuyuant la volonté du feu Roy Loys, auroit seulement le gouvernement de la personne dudit Roy Charles, tant qu'il seroit ainsi ieune. Le Duc d'Orleans, non content de ce que les EstatZ auoient ordonné, que madame de Beauieu auroit le gouvernement de la personne du ieune Roy, nonobstant ladicte ordonnance se tint long temps à Paris, alloit au conseil en Parlement: en l'Hostel de la ville, & ailleurs, comme celuy qui vouloit congnoistre & entendre tout ce qu'on y faisoit, dont madame de Beauieu n'estoit contente: & de ce aduertis lesdictz Prince d'Orenge, Marechal de Rieux, & autres Barons fugitifz de Bretagne se retirerēt par deuers ladicte Dame, & s'offrirent au Roy & à elle: dont ledict Duc d'Orleans fut bien despit. Audict temps par Arrest de ladicte Court de Parlement Oliuier le Dan, Barbier, tresfamilier dudit feu Roy Loys, & son seruiteur Daniel, pour certains crimes, dont furēt attainctz & conuaincus, furent par Arrest de la court de Parlement pendus & estranglez au gibet de Paris: & touchant d'Oyac, il eut les oreilles coupées, & la lāgue percée. L'un des cas, pour lequel ledict Oliuier fut ainsi executé, estoit comme vn Gentilhomme par le commandement du Roy fust detenu prisonnier, & sa femme, qui belle & ieune estoit, se fust abandonnée audict Oliuier, moyennant ce qu'il luy promeit faire deliurer son mary, le lendemain le feit iecter en vn sac en la riuere, par Daniel, son seruiteur. En ce temps Henry d'Angleterre, Comte de Richemont, qui parauāt auoit esté chassé par Edouard le quart, & s'estoit retiré au Duc de Bretagne, qui l'auoit songneusement gardé, par ce que le royaume d'Angleterre luy appartenoit, par le moyē de Pierre Lādois, se mit en point de retourner en Angleterre: car voyāt ledict Pierre Lādois que si par son moyē ledict Héry recouuroit le royaume cōtre Richard, qui vsurpoit, iceluy Héry mettroit peine à leuēger de ses ennemys, feit tant enuers ledict Duc de Bretagne (qu'il gouuernoit entierement) qu'il bailla audict Henry trois gros nauires, chargez de gens-

L'an mil cccc. iij. xx. & quatre.

Le Duc d'Orleans alloit au Conseil en Parlement

Oliuier le Dan, & son seruiteur furent pēdus. D'Oyac eut les oreilles coupées.

LES CRONIQ. ET ANNALES DE FRANCE.

d'armes, qui se meirent en mer: & cōme il fut pres du Haure de Pluie, fut aduertý que ledict Richard, avec grosse armée, l'attendoit illec pres: parquoy feit destourner ses nauires, & cuidant recouurer la coste de Bretagne, la tempeste le iecta à la coste de Normandie, ou il fut contrainct descendre, & de ce aduertis madame de Beauieu senuoya querir pour aller parler au Roy, ce qu'il feit, ou il fut tresbien recueilly: puis s'en retourna à Vānes en Bretagne faire sa residence comme deuant, en attendant meilleure fortune: & voyant ledict Landois, qu'il estoit frustré de son intention, entreprint liurer ledict Henry audict Richard, & le mettre entre ses mains, ce qu'on rapporta à iceluy Henry: lequel à ceste cause, faignant vn iour aller à la chasse, avec dix ou douze cheualx se retira en France, audict Roy Charles: lequel bien tost apres, bailla à iceluy Henry nauires, & si bon nombre de gens de guerre, que ledict Henry, par l'ayde des François, & d'aucuns Anglois ses parens, qui tenoient son party, recouura le royaume d'Angleterre, & en expella ledict Richard.

Henry vij. de ce nom fut Roy d'Angleterre, par le secours des François.

Comment Loys, Duc d'Orleans (lequel depuis a esté Roy de France) s'enfuyt de la ville de Paris, craignant d'estre prins.

Lors le dict temps, & ce pēdant qu'on faisoit les choses susdictes, voyant madame de Beauieu que ledict Duc d'Orléans, qui residoit à Paris, gaignoit les gēs cōstituez en autorité, & taschoit par ce moyē auoir la Régence du royaume, par la deliberatiō du Cōseil enuoya gens à Paris, pour prēdre au corps ledict Duc d'Orléans: lequel, de ce aduertý, comme il iouoit à la paulme entre deux Halles, se retira. Et faignant aller à son logis, & en la compagnie de Guyot Por, & de Jehan de Louen, l'un de ses Gentilz-hommes de sa maison, que fort il aymoít, s'en alla loger dedans Pontoise, & le lēdemain à Vernueil, & de Vernueil à Alençon, ou il fut quelque temps pendant lequel feit practiquer le Comte d'Angoulême, le Duc de Bourbon, & le seigneur d'Albret, qui se declairerent ses amis, pour le secourir en son entreprinse: lesquelz Seigneurs à la raison de ce furent incontinent cassez & desappoinctez de leurs charges, biens faicts & gens d'armes: mais neantmoins ne laisserent à mettre sus grosse armée de gens de leurs pais, & trouuerēt moyen de gaigner le Duc de Lorraine, le Prince d'Orange, & le Comte de Foix: & soubz l'assurance de tous ces Princes & Seigneurs le Duc d'Orleans assembla son armée à Bloys, pour aller à Orleans: mais ceux de la ville s'excuserent, & ne le voulurent recevoir: parquoy avecques grosse armée de quatre cens lances, & de grand nombre des gens de pied, s'en alla à Baugency, & en sa compagnie le Comte de Dunois, le Comte de Foix, Carqueleuant, & autres Capitaines de France, ou ilz furent quelque temps, les enuoya assieger ledict Roy Charles: & voyant que ladicte place n'estoit pour resister, feirent vne paix fourrée: par laquelle fut accordé que ledict Duc d'Orléans se retireroit vers le Roy (ce qu'il feit) & que le Comte de Dunois, conducteur de toute son entreprinse, vuyderoit hors du royaume, ce qu'il feit semblablement, & s'en alla demourer en Ast: mais tout ce nonobstant les Duc de Bourbon, & Comte d'Angoulême, qui auoient preparé leurs armées, pour secourir ledict Duc d'Orleans, marcherent vers Bourges, ou alla le Roy Charles bien accompagné, & ledict Duc avec luy, qui fut contrainct s'armer contre ses allies & confederez. Toutesfois, par la sage conduicte du Mareschal de Gyé, & du seigneur de Grauille, qui auoient grosse autorité en la court du Roy, soubz madame de Beauieu, fut trouué quelque expediēt, par lequel tous ces Princes furent d'accord, auquel le seigneur d'Albret fut comprins: & par ce moyen se departirent toutes leurs armées sans mal faire: & s'en alla le Roy à Amboise, & ledict Duc d'Orleans, à Orleans, le Comte de Foix, & le Cardinal son frere, se retirerent à Nantes, par deuers le Duc, & la Duchesse, qui estoit leur sœur, qui fut en l'an mil quatre cens quatre vingtz & cinq. Audict an, par la menée de Pierre Landois, le Duc de Bretagne, feit assembler grosse armée, pour aller abbatre Encenix, ou estoient le Prince d'Orange, & le Seigneur de Comminge: lesquelz de ce aduertis, par l'ayde de leurs parens, & allies, dresserent vne autre grosse armée qu'ilz menerent à l'encontre de celle du Duc: mais ilz ne frapperent point: car les Barons d'une part & d'autre se ioignirent, & s'en allerent lesdictz Prince d'Orange, & le Seigneur de Comminge vers le Duc: duquel ilz recouurerent la grace, & le gouuernement, dōt Pierre Landois ne fut pas content

Le Duc d'Orleans fugitif.

Les Princes contre le Roy.

Accord entre le Roy & les Princes.

L'an mil cccc. iij. xx. cinq.

DV ROY CHARLES HVICTIESME DV NOM.f.cxxiiij.

tent, voulant faire expedier par le Chancelier, maistre François Chrestien, lettres par lesquelles le Duc declaroit tous les Barons, qui estoient vnis avecques ledict Prince d'Orenge, & Seigneur de Comminge, coupables de crime de leze maiesté, & confisquoit leurs terres & Seigneuries estans en sa Duché. Apres toutes ces choses le Comte de Dunois retourna d'Ast, & s'en alla en sa ville de Partenay en Poitou, qui lors estoit vne forte ville, bié renfermée de doubles fossez & tripe muraille: & de ce aduertir le Roy, & qu'il se fortifioit en ladicte ville, sachant que ledict Côte de Dunois estoit inuentif, & de grand' entreprinse, manda audict Duc d'Orleans, qui se tenoit en sa ville d'Orleans, ou il faisoit ioustes & tournois, qu'il allast vers luy à Amboise: & apres trois ou quatre messages, le dernier desquelz fut le mareschal de Gié, le Duc d'Orleans s'en alla à Bloys, & le lendemain, qui estoit la vigille de la feste des Roys dudit an, mil quatre cens quatre vingtz & cinq, partir de Bloys bien matin à tout ses oyseaux, faignât voller par les champs, & d'une traicte tira au giste à Fronteuaux, dont sa sœur estoit Abbessé, & depuis fut Abbessé de l'Abbaye & monastere sainte Croix de Poitiers. De Fronteuaux s'en alla à Clisson, & de Clisson à Nantes, ou il fut recueilly par le Duc, & mieux qu'il iamaiz: & de ce aduertir le Roy delibera d'aller assieger le Comte de Dunois en ladicte ville de Partenay: toutesfois, auât qu'en faire aucun bruyt, trouua moyen de gagner & allier avec luy le Mareschal de Rieux, & autres Barons de Bretagne, qui s'estoient retirez à Chasteaubriand, ou estoit là Dame de Laual, qui en estoit Dame, par ce que le Duc de Bretagne, par le moyen desdictz Duc d'Orleans & Côte de Dunois, taschoit de leur faire dolennuy, & se venger de la mort de feu Landois, par l'exhortation d'un Capitaine, nommé Iaques Guibe, qui estoit nepueu dudit feu Landois.

Le Comte de Dunois à Partenay.

Le Duc d'Orleans en Bretagne.

Comment l'armée du Roy entra en Bretagne, en poursuivant le Duc d'Orleans, qui s'estoit illec retiré.

L'Année apres, le Seigneur de saint André, avec quatre cés lances, & cinq ou six mil hommes de pied, entra pour le Roy en Bretagne, d'un costé, & le Comte de Montpensier, à tout grand nombre de gens, par vn autre, & messire Loys de la Tromouille, Vicôte de Touars, qui auoit espousé madame Gabrielle de Bourbon, sœur dudit Comte de Montpensier, avec grand nombre de gens d'armes, par vn autre endroiçt, tellement que le pais de Bretagne fut tout plain de gens de guerre de France, avec lesquels y auoit plusieurs Barons de Bretagne. Quoy voyant le Duc de Bretagne fut fort esbahy: mais le Duc d'Orleans, le Comte de Dunois, & le Seigneur de Comminge, qui estoient avec luy, le consolèrent: & soubz vmbre de marier madame Anne, fille aînée dudit Duc de Bretagne, avec le Seigneur d'Albret, qui auoit cent lances, & grand nombre d'autres gens de guerre, par la conduicte dudit Comte de Dunois gaignerent iceluy Seigneur d'Albret, qui laissa la confederation & seruice du Roy: & neantmoins le Duc de Bretagne laissa la ville de Nantes entre les mains du Prince d'Orenge, & s'en alla au chateau de Malestroit, qui est vne forte place, ou il assembla vne armée de six cens lances & seize mil hommes de pied: & de ce aduertis les François allerent assieger Ploermel, qui est à trois ou quatre lieues de Malestroit: laquelle ville de Ploermel fut prinse & pillée le troisieme iour, & ceux qui estoient dedans mis à rançon. Les Ducs de Bretagne, & d'Orleãs, & autres Seigneurs, qui estoient à Malestroit, aduertis de ladicte prinse, s'en allerent à Vennes, la vigille de Pentecoste mil quatre cens quatre vingtz & sept, ou ilz furent suyuis de si pres qu'à peine eurent loysir de se sauuer par mer, & s'en aller au Croisic, & du Croisic par la riuere de Loire, à Nantes, & furent contrainctz de laisser partie de leur bagage en ladicte ville de Vennes, qui fut assiegée & prinse par les François: lesquels à vne rencontre, quinze iours apres, deffeirent vne grosse bande de Bretons, que messire Amaury de la Mofsaye menoit à Nantes, au lieu de Ioue, entre Chasteaubriand, & Nantes: auquel temps le Roy estoit à Encenix. Apres la prinse de Vennes l'armée du Roy s'approcha de Nantes, & fut la ville assiegée la vigille de la feste Dieu, qui fut le dixneuuesme iour de Iuin, audit an mil quatre cens quatre vingtz & sept: en laquelle estoient le Duc de Bretagne, & ses deux filles Anne & Ysabeau, le Duc d'Orleans, le Prince d'Orenge, la Dame de Laual, & de Chasteaubriand, l'Euesque de Nantes, du Chauffault, homme de sainte vie, le Comte de Comminge, & plusieurs autres

L'an mil cccc. iij. xx. & vij

Vennes prinse par les François, & Bretons deffaictz.

LES CRONIQ. ET ANNALES DE FRANCE.

Seigneurs, qui tous deslogerent du chasteau, & le Duc le premier, & sesdictes filles, & logerent en la ville : & par ce qu'on ne se fioit totalement audict Euesque de Nantes, n'en ladicte Dame de Laual, furent mis en garde d'aucunes gens de la ville. En ce siege y auoit dix mil hommes François, & vn bon nombre d'Artillerie, dont la ville fut fort baruë, tant le chasteau que les tours & auantmurs: mais ceux de dehors furent bien seruis de ceux de dedans, tant de traiët que coups d'Artillerie, & de faillies de gens hardis, ou furent faictes maintes belles armes d'vne part & d'autre : & pour secourir la ville, le Comte de Dunois, qui estoit en basse Bretagne, ou il estoit allé pour d'illec prendre voile en Angleterre, à ce qu'il eut secours des Anglois (ce qu'il ne peut faire) amena en ladicte ville de Nantes plus de cinquante mil Bretons de cõmune, que les François laisserent passer, pensans que ce n'estoient gens de deffense : & voyant le Roy la vehemence du chauld, & qu'il ne pouoient rien faire, leua ledict siege le sixiesme iour d'Aoust audict an, mil quatre cens quatre vingtz & sept. Et marcha l'armée des François vers la ville de Dol, qu'ilz prindrent sans resistance, & la pillerent : & les Bretons & autres gens de guerre, qui estoient dedas, furent prins prisonniers. Apres toutes ces choses le Marechal de Rieux, qui tenoit Encenix pour le Roy, le litra au Duc de Bretagne : & en allant à Nantes, vers ledict Duc, print semblablement Chasteaubriand, qui tenoit pour le Roy, & en chassa les François subtilemēt & par trahyson : & le vingt & cinquieme iour de Feurier ensuyuant alla mettre le siege deuant la ville de Vennes, que tenoient les François soubz Gilbert de Grassay, & Philippe du Moulin, vaillans Capitaines, qui rendirent ladicte ville par composition le tiers iour de Mars ensuyuant dudiēt an, mil quatre cens quatre vingtz & sept. De l'autre costé l'armée du Roy print le Chasteau & place d'Encenix, qui appartenoit audict Marechal de Rieux : laquelle place fut abbatuë & mise par terre, tant maisons, tours, qu'autres ædifices, par le commandement du Roy, tellement qu'il n'y demoura que la matiere dont elle auoit esté bastie. D'illec l'armée du Roy marcha vers Chasteaubriand, & fut la ville prinse par les François, & le chasteau abbatu au commencement de l'an mil quatre cens quatre vingtz & huit. Apres la prinse de Chasteaubriand, l'armée du Roy tira vers Fougieres, qui est place de frontiere, forte & de bonne resistance, & tant feirent que la ville fut assiegée : & en ce tēps le Seigneur d'Albret, qui auoit longuement residé en la court du Roy d'Hespaigne, passa la mer, & descēdit en la basse Bretagne avecques quatre mil hommes de guerre. Ces gens allerent à Rennes, & il se retira en la ville de Nantes, par deuets le Duc, ou il voulut des fentree conclurre le mariage de luy & madame Anne, fille aînée du Duc, ou elle ne voulut entendre: dont son pere fut mal content, qui ne sçauoit pas qu'elle vouloit bien le Duc d'Orleans : à quoy le Comte de Dunois s'attendoit : & à ceste cause ledict Comte de Dunois, de paour de reproche, eust voluntiers recouuert son sceelle, qui estoit entre les mains de madame de Laual, sœur dudiēt Seigneur d'Albret, avecques tous les autres sceelles des Seigneurs touchant ladicte entreprinse & mariage. Ce qu'il feit subtilement, moyennant ce qu'il donna à entendre à ladicte Dame, que iamais ledict mariage ne se pourroit conduire si on n'auoit le scel dudiēt Duc de Bretagne, dont il luy auoit parlé, & luy auoit respondu qu'il le vouloit bien bailler, mais qu'il fust escrit & dicté de mot à mot comme celuy dudiēt Comte de Dunois : & que si elle luy vouloit bailler il feroit faire à son Clerc Iohannes Herouet celuy dudiēt Duc, tout ainsi que ledict Herouet auoit escrit le sien : ce que feit ladicte Dame de Laual, croyant que ledict Comte de Dunois luy tint promesse, mais depuis ne rendit son sceellé: car incontinent apres, ledict Comte de Dunois, & aucunes gens de Iustice, allerent en Ambassade vers le Roy qui estoit à Angiers, pour sçauoir qu'il demandoit en la Duché de Bretagne, & pourquoy il faisoit abbatre les chasteaux & places dudiēt pais. D'autre part sortirent de Nantes ledict Duc d'Orleans & autres Seigneurs, & allerent à Rennes, ou ilz assemblerent leurs armées pour aller leuer le siege du Roy, qui estoit deuant Fougieres. Puis se meirent aux champs en bon ordre lesdictz Ducz d'Orleās, le Seigneur d'Albret, le Marechal de Rieux, le Seigneur de Chasteaubriand, le Comte d'Escalles Anglois, le Seigneur, de Leon, filz aîné de Rohan, le Seigneur de Crenettes, le Seigneur du Pont l'Abbé, le Seigneur du Pleffis, le Seigneur de Balyues, le Seigneur de Montigny, le Seigneur de Montuel, & generalement toutes les compagnies desdictz Seigneurs, & se trouuerēt en vn village, appelé Andoille, le Mercredy vingt & troisieme iour de Iuillet l'an dessusdict mil quatre cens quatre vingtz & huit :

Le siege de Nantes leuë.

La trahyson du Marechal de Rieux.

Vennes prinse par les Bretons.

L'an mil cccc. quatre xx. & huit.

Fougieres assiegée par les François.

La venue du seigneur d'Albret à Nantes.

Le Comte de Dunois, reitira subtilement son sceellé.

huiſt : & fut trouué qu'en ceſte armée y auoit huiſt mil hommes de pied , ſans y comprendre huiſt cens Allemans, & trois cens Anglois, avec quatre cens hommes d'armes, & vne bonne quantité d'Artillerie. Tous logerent audict village , & la nuit y eut quelque alarme par les folles reſtes des Gaſcons, dont il cuyda auoir mutinerie entre ledict Duc d'Orleans & ledict Seigneur d'Albret : mais cela fut bien toſt pacifié. Cependant les François prindrent par compoſition ladiſte ville de Fougieres, dont vindrent nouuelles certaines auſdictz Ducz d'Orleans, Seigneur d'Albret, & autres Seigneurs deſſus nommez, qui encores eſtoient audict village d'Andoille, le Samedi vingt & ſixieſme iour dudiſt mois de Iuillet aſſez matin, & que les Bretons qui auoient tenu ladiſte ville de Fougieres, s'en venoient leurs bagues ſauues : mais tout ce nonobſtant leſdictz Seigneurs, avec l'armée de Bretagne, marcherent contre les François, pour aller aſſieger la place de ſainct Aulbin, qui eſtoit en leur main : & arriuerent au village d'Orrenge, qui eſt à deux lieuës dudiſt ſainct Aulbin, le Samedi au ſoir, où furent aduertis que ſans point de faulte ſeroient reneontrez par ceux de l'armée de France, leſquelz eſtoient bien deliberez de les combattre.

La ville de Fougieres prinſe par les François.

Comment le Roy de France gaigna la bataille contre les Bretons, pres ſainct Aulbin du Cormier, où fut prins le Duc d'Orleans.

LE Dimenche matin fut aduiſé de l'ordre de leur bataille : & par ce que les gens de pied ſe doubterent des gens de Cheual François, qui eſtoient en l'armée des Bretons, & meſmement dudiſt Duc d'Orleans, fut aduiſé que luy & le Prince d'Oréngé ſe mettroient à pied en la bataille, avec les Allemans. L'Auant-garde fut baillée au Mareſchal de Rieux, la bataille au Seigneur d'Albret, & l'arrieregarde au Seigneur de Chateau-briand. Sur vne de leurs aeſſes fut ordonné le charroy de leur Artillerie & de leurs bagages : & pour monſtrer qu'il y auoit grand nombre d'Anglois, iacoſt ce qu'il n'en y euſt que trois cens, que conduiſoit le Comte de Talbot, luy furēt bailliez dixſept cens Bretons, gens de pied, veſtus de hocquetons à croix rouges : & le Lundy matin ſe meirent en bataille, ſelon ceſt ordonnance, hors le village d'Oréngé, loignant vne touche de boys, attendant l'armée des François. L'armée des François (dont meſſire Loys de la Trimouille, Vicomte de Thouars eſtoit Lieutenant general pour le Roy, en ſaage de xxv. ou xxvj. ans) ſortit de Fougieres en bon propos & vouloir de combattre les Bretons, & menoit l'Auant-garde Adrian de l'Hospital. Gabriel de Mont-faucoys, & dix ou douze hardis Cheualiers François s'auancerent pour regarder la contenance des Bretons, dont ilz veirent le bon ordre : puis ſe retirerent à leur cōpaignie, & tous enſemble en bataille bien rengée approcherent de l'armée des Bretons, & d'une part & d'autre tirerent Artillerie : qui grandement endommagea les deux armées. Puis marcherent François à puiſſance, & donnerent à trauers l'Auant-garde, où le Mareſchal de Rieux ſouſtint le faix, & luy & ſa cōpaignie s'acquiterent ſi bien que les François laiſſerent l'Auant-garde, & tirerēt droit à la bataille, où les gens de cheual reculerent. Ceux de l'Arriere-garde eurent paour, & ſe meirent en fuyte. Les François chargerent deſſus, & tuerent tous les gens de pied qu'ilz peurent atteinſdre. Quand les Bretons de l'Auant-garde veirent ceſt deſordre, tenderent à eux ſauuer, l'un ça, l'autre là. Finablement les François eurent la victoire, & tuerent tous ceux qui portoient la croix rouge, cuidans qu'ilz fuſſent tous Anglois : avec douze ou treize cens autres Bretons, tant gens de pied que de cheual. Le Duc d'Orléans fut prins par les gens de pied, & ſemblablement le Prince d'Oréngé, qui s'eſtoit mis contre terre, & auoit deſchiré ſa croix noire, entre les gens mortz, où il fut congneu par vn Archier François : & furent ces deux Seigneurs menez en bonne & ſeure garde, à ſainct Aulbin. Le Mareſchal de Rieux ſe ſauua ainſi qu'il peut, & tira à Dynan. Le Seigneur de Leon, le Seigneur du Pont l'Abbé, le Seigneur de Montfort, & pluſieurs notables Bretons y furent occis, & de tous leurs gens, iuſques au nombre de ſix mil perſonnes. Et de la part des François fut tué laques Galiot, vaillant & bien renommé Capitaine, & pluſieurs autres iuſques au nombre de mille ou douze cens : & fut ceſte rencontre le Lundy vingthuitieſme iour de Iuillet, audict an mil cccc. iiij. xx. & huiſt. Tātoſt apres, ledict Duc d'Orleans fut mené au chateau de Luzignen, & apres il paſſa par Poitiers, où il fut detenu par certain temps : puis on le transporta en la groſſe Tour de

La rencontre de ſainct Aulbin, où les François eurent victoire, mil cccc. iiij. xx. & huiſt.

Victoire des François contre les Bretons.

Le Duc d'Orleans prins à la journée de ſainct Aulbin.

LES CRONICQ. ET ANNALES DE FRANCE.

*Sommaison
de par le Roy
à ceux de Ren-
nes, & la res-
ponse qu'ilz
feirent.*

Bourges. Dès le lendemain de ladicte rencontre le Seigneur de la Trimouille enuoya quelques Heraulx à Rennes, pour sommer ceux de dedans de mettre la ville en la main & obeïssance du Roy : & apres leur conseil tenu, feirent remonstrer ausdictz Heraulx que le Roy n'auoit aucun droict en ladicte ville, & qu'à tort & sans cause il faisoit la guerre au pais de Bretagne, & si ores il auoit grosse armée, ne seroit pourtant le maître : car Dieu qui garde le bon droict des Bretons, luy pourroit faire comme il feit au Roy Iehan, deuant Poitiers, & au Roy Philippe de Valloys à Crecy, & declairerent qu'ilz ne bailleroient leur ville, & que si le Seigneur de la Trimouille y alloit, trouueroit quarante mil hommes en ladicte ville, dont il en y auoit vingt mil de bonne resistance. Ceste responce fut r'aportée audict Seigneur de la Trimouille, qui fut long temps sans dire mot : puis en aduertit le Roy, qui estoit à Angiers, par lesdictz Heraulx mesmes. Surquoy feit assembler le Conseil pour sçauoir qu'on deuoit faire. Aucuns, & presque tous, furent d'opinion qu'on deuoit aller assieger ladicte ville de Rennes : mais messire Guillaume de Rochefort Chancelier de France, fut d'autre oppinion : & se fonda premierement sur le droict qu'on disoit appartenir au Roy en la Duché de Bretagne, au moyen de quelque transport que messire Iehan de Brosse, Seigneur de Bouffac, mary de madame Nicole de Bretagne, fille & heritiere de Charles de Bloys, Comte de Ponthieure, auoit fait aux predecesseurs du Roy, & autres tiltres qui n'estoient encores verifiez, & que si le Roy n'y auoit aucun droict, ce seroit chose trop damnable, & ouurage de Tyran, d'vsurper le pais qui ne luy appartiendroit, & qu'à ceste raison il estoit d'aduis qu'on deuoit premierement, en ensuyuant la charge des Ambassadeurs de Bretagne, qui estoient à Angiers, commettre gens pour visiter les droictz de l'un de l'autre party. Ceste opinion fut trouuée la plus saine & meilleure : & en ensuyuant icelle le Roy accorda ausdictz Ambassadeurs de Bretagne, que luy & le Duc commettroient de chascune part gens sçauans, lettrez & entendus de leurs Conseilz, qui se transporteroient en vne ville neutre, avec leurs chartres, & tiltres, pour aduiser en saine conscience à qui appartenoit la Duché de Bretagne, avec plusieurs autres articles. Le Duc de Bretagne voulut cest accord : & par ce qu'ilz se mouroient de peste en la ville de Nantes, s'en alla de ladicte ville avec mes Dames ses filles, la Dame de Lual, le Seigneur d'Albret, le Comte de Dunois, le Mareschal de Rieux, le Comte de Comminges, & autres Seigneurs, & se retirerent au lieu de Coiton, sur la riuiera de Loire, au dessoubz, & à trois lieues de Nantes : ou tantost apres, le Mercredi septiesme de Septembre dudit an mil quatre cens quatre vingtz & huiet, ledict Duc alla de vie à trespas d'une maladie qu'il eut à cause d'une cheute : & ordonna Gouverneur de la Duché de Bretagne, & garde de ses filles, ledict Mareschal de Rieux, & luy bailla pour ayde le Comte de Comminge. Son corps fut porté enterrer en l'Eglise des Carmes de Nantes.

*Le trespas de
François Duc
de Bretagne.*

Comment le mariage fut fait entre le Roy Charles huietiesme, & madame Anne de Bretagne, seule heritiere dudit Duché.



APRES le decès & trespas dudit Duc de Bretagne, les Seigneurs dudit pais & les Princes de France tendirent (comme Dieu voulut) à paix finale, & la demandoient tresfort les Bretons, par ce qu'ilz auoient esté frustrez du secours que Maximilian, Duc d'Austriche, & Roy des Romains, filz de l'Empereur Federic, leur auoit promis donner & faire. Et ce pendant l'Archiduc faisoit guerre en Picardie contre ledict Roy Charles : ou le Seigneur d'Esquerdes, Philippe de Creuecoeur, Gouverneur dudit pais, se gouverna tresbien à son honneur, & au profit du royaume de France : & ce voyant le Roy Charles, & que ledict Maximilian tendoit espouser madame Anne, fille aînée de Bretagne, & ne vouloit que madame Marguerite de Flandres, sa fille, espousast ledict Roy Charles, auquel elle estoit promise, iceluy Roy Charles feit paix finale avec les Bretons, & Seigneurs de France qui tenoient leur party : par laquelle paix il espousa ladicte dame Anne de Bretagne, qui lors estoit seule heritiere, par ce que sa sœur Ysabeau estoit decedée. Par le traité duquel mariage la Duché de Bretagne fut vnée à la couronne de France, en l'an mil quatre cens quatre vingtz & neuf : & peu de temps apres le Comte de Dunois, qui auoit esté le principal conducteur de ladicte paix, & par ce moyen reconcilié avec le Roy, mourut soudain

*L'an mil cccc.
iiiij. xx. & ix.
La mort du
Comte de Du-
nois.*

dain en cheuauchant, par faulte de manger, ainsi qu'on disoit. Quand le Roy eut mis ordre au pais de Bretagne, il vint en France, & ordonna que madame Marguerite de Flandres se tiendroir au chasteau de Melun, sur la riuere de Seine, & avec elle la Princesse de Tarenta. Le Roy Henry d'Angleterre, septiesme de ce nom, aduertý dudit mariage faict du Roy Charles avec la Duchesse de Bretagne, avec grosse armée assiegea par mer la ville de Boulongne sur la mer; & pour empêcher qu'il ne prinst terre, le Seigneur d'Esquerdes, & le Bastard de Cardonne, Capitaine d'Arras, y allerent avec petite armée. Ce pendant aucuns de la ville d'Arras trouuerent moyen d'auoir de faulces-
La ville de Arras prinse par trahyson contre les François.
 clefz des portes de ladicte ville d'Arras, au desceu de Carqueleuant, qui estoit demouré Lieutenant dudit de Cardonne, pour liurer icelle ville entre les mains des gens d'armes de l'Archiduc, qui n'en estoient pas loing: & pour leur faire scauoir l'heure qu'ilz deuoient reculer ou approcher, lesdictz trahystres, qui estoient quatre ieunes galans, chantoient sur les murailles chançons: Quelle heure est il il n'est pas heure, qu'elle heure est il il n'est pas iour. Et à l'heure de la prinse: Marchez la duron duraino, marchez la duron dureau. Auquel chant lesdictz gens d'armes s'approcherent, & trouuerent les portes ouuerres. Ainsi fut la ville d'Arras prinse, & les François trahis. Le Capitaine Carqueleuant laissa le chasteau trop tost, car il eust eu secours incontinent: dont il ne fut pas loué. La ville fut toute pillée, sans espargner les Eglises, ne les maisons des trahystres. Peu de temps apres, les gens d'armes dudit Archiduc voulurent prendre de nuit,
La bonne garde de ceux d'Amiens.
 & à l'emblée, la ville d'Amiens, qui est la Capitale de Picardie, & y arriverent enuiron minuit: desquelz vne femme ouyt le bruit, & incontinent l'alla dire au guet, qui feit sonner la petite cloche du guet, & soudain la grosse cloche du Beffroy, dont le peuple fut tout esmeu, & se meit chascun en armes, & se retirerent tous à leurs dizemiers & cinquanteniers, es quartiers qui leur auoient esté au parauant assignez, ou les femmes ne s'espargnerent pas: car elles portoient les bastons & armures avec leurs marys: & firent lesdictz habitans si bonne diligence, que par la conduite du Seigneur de Rubembre, & d'Anthoine Clabault, lors Maire de ladicte ville, que les ennemys ne peurent entrer dedans, & s'en retournerent confus. Enuiron le quel temps l'Empereur Federic trespassa, & occupa le lieu de l'Empire son filz, Duc d'Autriche: mais iamais ne peut estre couronné Empereur. Le Seigneur d'Esquerdes estoit lors de la prinse bien empêché contre les Anglois, audict lieu de Boulongne: toutesfois, apres qu'il eut parlé au Roy Henry (qui estoit tant tenu audict Roy Charles, par ce qu'il auoit faict couronner Roy d'Angleterre) sceut que ledict Roy Henry demandoit seulement quelque grosse
Paix avec les Anglois.
 somme de deniers, qu'il disoit auoir prestée au feu Duc François de Bretagne: laquelle luy fut payée: & par ce moyen s'en alla avec son armée. Incontinent apres, ledict Seigneur d'Esquerdes traicta paix entre ledict Archiduc, & ledict Roy Charles: par lequel traicté madame Marguerite de Flandres fut renduë audict Archiduc, son pere, avec la Comté d'Artois: par le moyen dequoy tout le royaume de France fut paisible: & s'en alla ledict Roy Charles visiter son pais de Picardie, ou il fut honnorablement receu, & fait faire monnoye d'argent nouuelle, de dix deniers la piece, qu'on appelle Carolus. Enuiron ledict temps aduint vn grand scandale en l'Eglise nostre Dame de Paris, d'un Prestre, nommé maistre Iehan l'Anglois, lequel vn lendemain de la feste Dieu, cōme vn autre prestre celebroit messe en la Chappelle saint Crespin, le saisit aux cheueux, le ietta par terre, print la sainte Hostie & le Calice, qu'il ietta semblablement par terre le tout en si grande fureur & hastiueré, que ceux qui oyoient la messe n'eurent loysir de l'empescher: toutesfois fut prins & constitué prisonnier, & deit qu'il auoit faict ledict cas par le conseil d'une Iuifue, de laquelle il auoit esté abusé, par ce qu'elle luy auoit donné à entendre que s'il pouuoit faire ce cruel & vilain exploict, qu'il paruiendroit à grosse fortune, comme aussi feit il, mais elle fut mauuaise pour son ame, & aussi pour le corps: car il fut dégradé, & brullé au Marché aux pourceaux. Vn notable Docteur & Penitencier de l'Eglise de Paris, nommé maistre Iehan Standon, Flament, qui luy auoit esté baillé pour le conuertir, prescha depuis qu'auât qu'on le meist au feu, baïsa la croix,
L'an mil ccc. iij. xx. & xi.
 & recōgneut son peché: ce qui aduint l'an mil quatre cens quatrevingtz & vnze: auquel an le Roy d'Hespaigne conquist sur les Maures, Sarrazins, la fameuse ville de Grenade.

Comment la Comté de Roussillon fut renduë au Roy d'Hespaigne.

L'an mil cccc.
iiij. xx. &
doux.



L'AN mil cccc. iiij. xx. & xij. le Roy Charles, par sa grande liberalité, & à la persuasion de son maistre Loys d'Amboyse, Euesque d'Alby, & de frere Oluier Maillard, grand Predicateur, de l'ordre des Observantins, freres Mineurs, remeit entre les mains du Roy d'Hespaigne les Cōrez de Roussillon & Parpignan, que le feu Roy Loys, vnzième, auoit acheptées, comme il a esté dict dessus, & luy donna l'argent qui en auoit esté baillé: sçauoir est cinquante mil escus: moyennant que ledict Roy d'Hespaigne promeit pour luy & ses successeurs estre tousiours loyaux à la couronne de France: laquelle promesse n'a esté tenue, comme nous verrons cy apres.

L'an mil cccc.
iiij. xx. &
treiz.

L'an mil quatre cens quatre vingtz & treize, apres ce que ledict Roy Charles eut mis en parx & tranquillité son royaume de France, & deliuré de la prison le Duc d'Orleans, & luy estant en l'amytié de tous les Princes de son sang, par leur conseil, & de tous les principaux Seigneurs & Barons de son royaume, entre-

Entreprise
pour aller cō-
querir le roy-
aume de Na-
ples.

print aller conquerir le royaume & isle de Cecille, & païs de Naples, à luy appartenans à cause de ses predecesseurs: & auant que le faire voulut bien sçauoir s'il y auoit iuste tiltre. A ceste cause assembla les Presidens de ses Comtes de Parlement, avec son Chancelier & les Princes du royaume, ou fut deduite la genealogie des Roys de Cecille: par lesquelz fut trouué le Roy auoir iuste tiltre audict royaume de Naples, & de Cecille: & deslors, pour iceluy recouurer, prepara grosse armée, & partit d'Amboyse, audict

Fondation des
freres Mi-
neurs obseruā-
tins.

Fondation des
filles peniten-
tes à Paris.

an mil quatre cens quatre vingtz & treize, pour aller à Lyon, ou il arriua tantost apres, & premierement y fonda Mineurs obseruantins, és faulxbourgs de Veze, sur la Saosne, au nom de Dieu & de nostre Dame des Anges, par le conseil de frere Iehan Bourgeois, religieux dudit ordre, de sainte vie: lequel Bourgeois auoit vn cōpaignon, nommé frere Iehan Tifferrant, qui à sa predication conuertit la plus grande partie des filles perduës de Paris, qui viuoient en lubricité, & iusques au nombre de deux cens ou enuiron, des plus ieunes & belles, dont à esté dressée vne religion en ladiete ville de Paris, appelée la religion des filles repenties: & depuis y en ay veu plus de trois cens.

*Comment le Roy Charles se partit de Lyon, pour aller conquerir,
son royaume de Naples.*



Pres toutes ces choses, & que le Roy eut ordonné de tous ses Capitaines, tant de son armée de mer que par terre, s'en alla en la ville de Vienne, au Dauphiné, ou il arriua le vingtiesme iour du moys d'Aoust, audict an mil quatre cens quatre vingtz & treize: & luy estant en ladiete ville, par l'opinion & du vouloir de tous les Princes, monseigneur Pierre, Duc de Bourbon, mary de madame Anne de France, sœur du Roy, fut ordonné general Regent du royaume de France, tant que le Roy seroit absent: le Comte d'Angoulesme Gouverneur de Guyenne: le Seigneur de Baudricourt Gouverneur de Bourgongne: l'Admiral de France, Seigneur de Grauille, Gouverneur de Picardie, & de Normadie: le Seigneur d'Orual Gouverneur de Champagne: & les Seigneurs de Rohan, & d'Auugour Gouverneurs de Bretagne: & le vingtdeuxiesme iour dudit moys le Roy & la Roynes'en allerent à Grenoble, ou ilz feirent triumpante entrée. Le vingtneufiesme iour dudit moys la Roynes print congé du Roy, & s'en retourna en France: & le Roy alla au giste à Bry, qui est audict païs de Dauphiné. Les Princes & Seigneurs, qui feirent ledict voyage avec le Roy, estoient le Duc d'Orleans, le Comte de Montpensier, le Seigneur de Ligny, Loys de Luxembourg, le Seigneur de la Trimouille, le Seigneur de Silly, le Seigneur de Piennes, le Marechal Baudricourt, le Seigneur de Guyse, le Seigneur de Chandenier, le Seigneur de Mauleon, messire Edmard de Prie, le Seigneur Camyn-can, le Capitaine Oder, le Comte de Neuers, le Comte de Boulongne, le Duc de Vendosme, le grand Bastard de Bourgongne, le grand Bastard de Bourbon, le Marechal de Bourgongne, le Comte de Foix, le Seigneur Gracien, le Bailly de Lyon, le Seigneur de Montaison, le Seigneur d'Alegre, le Seigneur de Chaulmont, le Seigneur de Chastillon, le Seigneur de la Palice, le Seigneur de Vergy, André de l'Hospital, le Seigneur de Beaumont, le Seneschal d'Armignac, le Vidame de Chartres, le Seigneur de Myolans, le Seigneur de Cressol, le Capitaine Claude, & plusieurs autres grands Seigneurs, qui y allerent sans auoir gaiges du Roy: & estoit l'armée de terre de trois mil six cens hommes d'armes, six mil Archiers de pied, six mil Arbalétriers, huit mil hommes de pied, portant

L'armée par
terre pour le
voyage de Na-
ples.

portant picques, & huit mil d'autres, ayans hacquebutes & espée à deux mains. L'Artillerie deux mil quarante pieces grosses, cent quarante Bombardes, mil deux cens Valfadeurs: & pour la conduicte deux cens Maistres experts, six cens Maistres charpentiers, ^{L'artillerie & son equi-} Maistres pour abbatre murailles trois cens, & autres gens pour faire pierre de fonte, ^{page.} charbon, & cordes: quatre mil charretiers pour conduire huit mil cheualx qui portoi-ent ladicte Artillerie. Le Seigneur d'Esquerdes, Creueccœur, ne fut audict voyage: car il mourut à la Bresle, à trois lieues de Lyon, & fut son corps porté à Boulogne sur la mer. Ce fut vn des bons loyaux & prudens Capitaines qui fut onc en France, & qui iamais n'eut reproche. Pour retourner au voyage le Roy Charles s'en alla de Bry à Bonnet, de Bonnet en la ville de Gap, de Gap à Sorpes, de Sorpes à nostre Dame d'Ambrú, d'Ambrun à Briançon, de Briançon à Suse, en Sauoye, ou il fut hōnorablemēt receu par les Duc & Duchesse de Sauoye: de Suse, alla à Iouffet, & Vilaigne, & au païs de Piedmōt, ou il fut bien receu par la Noblesse dudit païs. Puis alla faire son entrée à Thurin, qui fut triumpante, de Thurin alla à Quiers, ou il feit aussi entrée gorgiasse, de Quiers alla à Ast, ou il luy fut faulsemēt rapporté que le Duc d'Orleans, qui auoit la charge de l'armée de mer, auoit esté prins & desconfit par vn nommé Federic: mais c'estoit le contraire: car ledict Duc d'Orleans auoit desconfit ledict Federic & toute son armée, pres ^{Victoire des François sur mer, par le Duc d'Orléans.} la riuere de Gennes: pour laquelle victoire tous les ennemys de France, estans sur la mer, furent mis en crainte iusques à Naples, & par delà: & tantost apres ledict Duc d'Orleans fut malade d'une fieure, & retourna iusques en Ast. Le Roy fut en Ast depuis ^{Pilles ou passa le Roy, d'Ast à Florence.} le ix. iour de Septembre iusques au vi. iour d'Octobre, ou le Seigneur Ludouic & sa femme, fille du Duc de Ferrare, le furent veoir. D'Ast le Roy s'en alla à Moncal, de Moncal en la ville de Cassal, appartenant à la Marquise de Mont-ferrat, qui estoit veufue, & se meit elle & son filz en la protection du Roy, de Cassal, ou le Roy fut trois iours, s'en alla à Couffe, & au giste à Mortaire, qui est vne ville appartenant au Duc de Milan, & à son entrée fut crié, Viue le Roy. De Mortaire alla à Vigee, qui est vne petite ville, ou y a beau chastel, de Vigee le Seigneur Ludouic & sa femme le menerent disner au lieu appelé les Granges, à eux appartenant: qui est vn parc sumptueux de toutes bestes seruans à la vie de l'homme, & ou sont faictz les bons & grands fromages de Milan: des Granges le Roy s'en alla en la ville de Pauie, ou il feit entrée comme Roy, soubz le poisle, les rues tenduës, le peuple criant, Viue le Roy. De Pauie alla faire vne autre entrée en la ville de Plaifance, ou il fut aussi bien receu comme à Pauie. De Plaifance alla au giste à Florensolles, qui est vne bonne petite ville. Le lendemain alla faire son entrée en vne autre petite ville, appelée saint Denis, ou il fut honnorablement receu. Dudit lieu s'en alla disner à Fornoue, qui est vn village, auquel y a vne Abbaye, & est le commencement des Alpes & montz. ^{Le commencement des Alpes.} De Fornoue le Roy passa Tarenta, dict Terentois, en la montaigne, & alla au giste à Casse, ou il fut estroitement logé. Le lendemain le Roy alla à Bellée, & le lendemain à Petremola, oultre les Alpes & montaignes, ou se transporta Pierre de Medicis, Seigneur principal de Florence, qui offrit au Roy ses villes & Seigneuries, iacoit ce qu'il y eust aucuns Florentins contraires au Roy: contre lesquelz le Seigneur de Montpensier, le Seigneur de Guyse, le Marechal de Rieux, & autres bons Capitaines, qui estoient à l'Auant-garde, auoient ia prins plusieurs places. Au departir de Petremola y eut quelque discord entre vne bande d'Allemands, & ceux de la ville, qui en tuerent aucuns, dont les Allemands se vengerent au retour. De Petremola le Roy alla en la ville de Saligne, * appartenant aux Florentins, ou il laissa garnison. De ^{* Sarzanne, ou Serzanne. Communes.} ladicte ville alla à Petre. saint, qui est ausdictz Florentins, & y laissa semblablement garnison. De Petre. saint alla faire entrée en la cité de Lucques, ou il fut receu honnorablement, & crierent les habitans, Viue le Roy de France, Auguste. Le Roy s'en alla de Lucques disner à Primart, & coucher à Pise, ou il feit semblable entrée qu'il auoit faict à Lucques: & là se trouuerent les Ambassadeurs de Venise, de Sienes & de Florence, qui se declairerent tous amys du Roy: & le xvij. iour de Novembre, le Roy, qui auoit disné au pont du Cyue, alla faire triumpante entrée en la riche & belle ville de Florence, qui fut la plus gorgiasse & triumpante qu'on veid onc pour entrée en armes, & pour ^{Le chemin que le Roy tint, de Florence à Rome.} reception, & y fut iusques au vingthuitiesme dudit mois. De Florence le Roy alla coucher à saint Cassian, & d'illec à Pondibond, qui est vne petite ville, ou les habitans crierent à son entrée, Viue le Roy.

LES CRONICQ. ET ANNALES DE FRANCE

Comment Picus Mirandula mourut à Florence, lors que le Roy Charles y passa.

*Ange Politia
mourut en ce
temps.*

EN VIRON ledict temps Iehan Picus, Comte de Mirandule, issu de noble sang, tres-renommé Orateur, grand Philosophe & souverain Theologien, alla de vie à trespas à Florence, le trentiesme an de son aage : & vn peu deuant estoit mort aussi à Florence Ange Politian, homme tres-eloquent en toutes langues, & illustrateur de la langue Latine. De Pondibond le Roy alla au giste à Sienes la Vieille, ou fut receu comme Roy, & feirent les habitans de ladite ville oster les portes des gons. Trois iours apres le Roy alla à saint Clerico, & le lendemain disner à Recource, & au giste à la Paille, ou y a seulement quatre Hostelleries, & lieux dangereux de Brigans. De la Paille alla au giste à Aigue pendante, qui est vne ville de la terre du Pape, ou il fut receu honnorablement, & logea en l'hostel du Pape. D'illec alla disner à Bressaigne, & au giste à Mont-flacon, ou sont les bons vins Muscadetz, & y fut honnorablement receu par les citoyens, crians viue le Roy. De Mont-flacon alla en la ville de Viterbe, aussi en la terre du Pape, & y fut honnorablement receu par les Cytoyens, qui meirent entre ses mains le chasteau, auquel il laissa garnison, & y fut depuis le neufiesme de Decembre iusques au quinziemesme dudiect mois : pendant lequel il enuoya le Seigneur de la Trimouille, Vicomte de Thouars, par deuers le Pape Alexandre, sixiesme : lequel enuoya semblablement vers le Roy certains Cardinaulx. De Viterbe le Roy alla disner à Rousillon, & au giste à Neple, qui est vne petite ville, ou il demeura iusques au dixneufiesme dudiect mois. Puis alla au giste à Bresangne, qui est vne bonne petite ville, & y a chasteau : ou il fut iusques au trentiesme iour dudiect mois : pendant lequel temps le Pape enuoya ses Ambassadeurs : avec lesquelz fut conclud & deliberé le passage du Roy à Romme, & de toute l'affaire du Pape. Aussi durant ce temps le Seigneur de Ligny, & autres menerent les Allemans iusques à Hostie, qui est vne bonne petite ville oultre le Tibre, sur le port de la mer. Quoy voyant le Duc de Calabre, & qu'une partie des murailles du chasteau saint Ange estoient tresbuchées à Romme (ou les Rommains prindrent pour eux mauuais presage) se retira avec son armée, & s'en alla hors de Romme. Le Mecredy dernier iour dudiect mois de Decembre audiect an mil cccc.iiij.xx. & xiiij. le Roy entra en la cité de Romme par la porte Flamine, & alla logger au Palais de saint Marc : en la court duquel il feit mettre & dresser son Artillerie (qui donna grande craincte aux Rommains) & seiourna à Romme iusques au xxviij. iour de Ianuier ensuyuant : pendant lequel temps visita les saintz lieux, & feit plusieurs autres choses : car au moyen d'une question qui fut en la rue des Iuifz, dont il y en eut plusieurs occis, & leur Synagogue pillée, & deux Capriens de ceux de Romme tuez, avec vn Archier de la garde, & autres gens du Roy, le Roy commanda que iustice en fust faicte, ce que feit le Marechal de Gié, qui en feit pendre six aux fenestres d'une maison, dont il auoit deux Mores, & vn de Tours, les autres trois estoient d'autre pais : & pour donner craincte à ses gens, & à ceux de Romme, feit dresser trois Iustices en la cité de Romme, dont l'une fut mise au milieu de Campe de fleur, qui est le plus beau lieu de Romme. Le xv. dudiect mois le Roy alla ouyr la messe à saint Pierre de Romme, & ce iour parla au Pape Alexandre, & se declairerent amys : & fut fait & crée Cardinal l'Euesque de saint Malo. Trois iours apres le Pape feit monstret au Roy, & à ses gens, la sainte Face de nostre seigneur Iesus Christ, dicte la Veronique, qui est en l'Eglise saint Pierre, ou fut crié à haulte voix par les voyans, Misericorde. Le lendemain fut tenu le cōsistoire du Roy & des Cardinaulx. Le lendemain apres, le Roy se confessa en la chappelle des Roys de France, & guerist & sana plusieurs malades des Escrouelles : dont les Rommains furent fort esbahis. Ce mesme iour le Pape deit la messe en solennité, ou le Roy assista, & setuit le Pape, comme premier enfant de l'Eglise : & apres la messe dicte, le Pape fut porté deuant l'Eglise, au lieu general, pour donner sa benediction : & illec donna planiere remission au Roy, à ses gens, & à tous autres assistans, tout ainsi qu'au Iubilé : & en ce propre iour il esleut le Roy pour Empereur de Constantinople. Le Dimenche vingtcinquesme dudiect mois le Pape & le Roy, comme bons amys, cheuaucherent ensemble moult triumpamment par la ville de Romme, & allerent à l'Eglise saint Paul, hors les murs.

*L'entrée du
Roy à Romme,
& de ce qu'il
y feit.*

*Iustice faicte
à Romme, par
le commande-
ment du Roy.*

*Le Roy guerist
des Escrouelles
à dans Rome.*

Comment le Roy se partit de Romme, pour tirer vers Naples.

Le

LE xxvij. iour dudiēt moys de Ianuier, apres auoir ouy messe, le Roy accō-
pagné de ses pensionnaires, ses cent Gentilz-hommes, ses Archiers de la
garde, deux cens Arbalestriers, six mil Allemans en vne bande, & dixhuiēt
cens lances, qui se marchioient par les ruēs de Romme, alla prendre con-
gé du Pape, en son Palais : lequel luy bailla pour l'accompagner iusques à
Naples, son filz Cēsar, Cardinal de Valence la grande, & luy donna Zaliab, * frere du
Turc Zezun, lequel auoit esté en France, & en la tour de Bourganeuf, en la marche de ** Autres di-
sent Zi'in*
Lymosin, appartenant à vn Commandeur de Rhodes, des l'an mil quatre cens quatre *frere de Bay-
seth 2.*
vingtz & deux, lequel Zaliab le Roy auoit au parauant fait bailler au Pape, dont de-
puis se repentit : car lors que le Pape luy redonna lediēt Zaliab, il estoit empoisonné, &
mourut tantost apres. Il eust peu estre cause dont le Roy eust recouuert Constantino-
ple. Lediēt iour le Roy alla au giste à Marignen. * Le lendemain à Belestor, * ou le filz
du Pape se desroba de nuiēt, & s'en retourna à Romme. Le Vendredy sixiesme de Fe- ** Autres à
Mignagno.*
urier le Roy entra dedans Verlic : & ce pendant qu'il y alloit les François prindrent ** Belistre &
Belestol.*
d'assault la ville & chasteau de Mont-fortin. Les habitans de Verlic receurent en grand
honneur le Roy, & apporterent au deuant de luy le chef de sainte Marie Iacobe. De
Verlic le Roy alla disner à Bahur : puis alla veoir le siege qu'il auoit fait mettre deuant
le mont S. Iehan, forte place, laquelle fut prinse, & sept cens six hommes ennemys tuez,
sans perdre que trente de noz gens : & d'illec, suyuant son chemin, passa par plusieurs
bourgs & villes, fuyant tousiours deuant luy Ferdinand, Duc de Calabre, & filz d'Al-
phons, vsurpateur de Naples, & arriua en la ville d'Acquin, dont estoit natif saint Tho-
mas de l'ordre des freres Prescheurs. D'illec passa à saint Germain, moult forte ville
& fort chasteau, auquel iadis le Roy Charlemaigne s'estoit tenu : qui est en frontiere, &
est le passage de toutes parties de la fin de la terre de pardelà. Le troisieme iour apres
le Roy alla à Capuë, * ou il fut receu, & la ville à luy liurée par les Capitaines que le ** Capua.*
Duc de Calabre y auoit laissez, pour tenir contre le Roy. Le lendemain alla disner, &
au giste à Versé : auquel lieu la plusgrande partie des Nobles de la cité, & du pais de Na-
ples vindrent le lendemain par deuers le Roy, & luy declairerent comment le Roy Al-
phons, & le Duc de Calabre estoient en fuyte, & hors de Naples. La verité estoit telle :
car lediēt Roy Alphons, des ce qu'il sceut que le Roy Charles venoit à si grosse puissan-
ce, se retira en l'Isle de Cecille, en la ville de Mont-royal, en laquelle il vīa de vie mona-
stique, & y fut deux ans moyne, apres lesquelz il mourut. Le Roy Charles, en l'asseu-
rance des Nobles de Naples, print les clefs de la ville, qui luy furent par eux presentées
& deslors y allerent le Marechal de Gié, & autres grands Seigneurs, pour faire & or-
donner du logis du Roy & de sa Court : & ce iour fut prins & mis à rançon le seigneur
Virgile, Comte de Petillane. Le Samedy vingt & vniesme dudiēt moys de Feurier, le
Roy alla disner à Poge-royal : qui est vn beau lieu de plaifance, pres de Naples, ou sont
plusieurs belles choses à veoir, comme maisons, Escuyeries, belles fontaines enleuées
en riches pierres, de toutes manieres d'oyseaux, tant de la mer que de la terre : & dedans
y auoit vn Parc aussi grand que celui du boys de Vincennes, tout plain d'arbres fru-
ctiers, d'herbes, & arbres aromatisans, & tout autour grāds vignobles des plus excellens
vins qu'on scauroit boire, & grande quantité de toutes bestes cheualines arrables, pri-
uées & sauages, & grand nombre de gens tous constituez en Offices pour la condui-
te, nourriture, & entretenement dudiēt lieu.

Comment le Roy Charles entra en la ville de Naples, sans aucunes solennitez.

LE Dimenche vingtdeuxiesme iour dudiēt moys de Feurier, apres la messe
ouye à Poge-royal, le Roy entra en la ville de Naples, sans solennité, par ce
qu'aucuns chasteaux d'icelle ville estoient encores tenus & occupez par
aucuns du party d'Alphons : toutesfois fut honnorablement receu par les
Seigneurs d'icelle ville, & fut logé au chasteau de Caponne. * Et conuiēt ** Caponna.*
noter qu'audiēt Naples y a quatre chasteaux : scauoir est lediēt chasteau de Caponne, * ** Castel nouo.*
chasteau Noue, qui est assis en terre & en mer, avec la Citadelle ioignāt lediēt chasteau,
le chasteau de Loue, * qui est sur vn roc en la mer, & vne grosse tour nommée Prince ** Castel Delo.*
Fauly : entre lesquelz chasteaux y a vn fort sur vn grand roc en la mer, avec vne forte *lono.*
tour de bonne deffense : & au dessus de Naples y a vne Abbaye assez forte, en maniere

LES CRONIQ. ET ANNALES DE FRANCE.

de chasteau, qui regarde en la ville, & est assez pres des Chartreux. Chasteau Noue fut assiegé le vingtdeuxiesme iour de Feurier. Le lendemain fut donné l'assault à la Citadelle, qui fut prinse le iour apres, & Chasteau Noue fut rendu le sixiesme iour de Mars ensuyuant, par ceux qui estoient dedans. Le quart iour dudit mois de Mars ledit chasteau de Loue fut alsiegé: & pendant le siege, le Prince de Tarenta parlementa avec le Roy deux ou trois fois: puis retourna en sa gallee sur mer: & vingt iours apres ledit chasteau fut rendu. On l'appelle en François le chasteau de l'Oeuf, dont l'une des grosses tours fut abbatue par l'artillerie du Roy, auant qu'il fut rendu. Apres que tous les chasteaux eurent esté prins & rendus en l'obeissance du Roy, il receut les fidelitez & hommages des Princes & Gentilz-hommes du royaume de Cecille, pais de Naples, & autres terres dudit royaume, comme l'Abruzzo, Calabre, & la Pouille, depuis le vingtcinquesme dudit mois de Mars iusques au xxix. Aussi establir & ordonna Chancellerie, Chambre des Comtes: & monnoyes, ou d'un costé estoient les armes de France, & de l'autre part les armes de Cecille, qui sont croix potencées: & si donna plusieurs Offices à plusieurs Seigneurs. Audit temps les pais & ville de Gayette furent prins pour le Roy, & y enuoya le Seigneur de Beaucaire, pour en prendre possession. Le dix-neufiesme d'Auril le Roy Charles toucha les malades des Escrouelles. Le xxij. dudit mois commencerent les ioustes, qui furent tenuës par les seigneurs de Chastillon, & de Bourdillon, grands mignons du Roy. Le cinquiesme de May ensuyuant fut par sentence descapité un Italien, qui auoit occis un page François, tiré le cœur de son corps, & iceluy mangé. Le huitiesme dudit mois le Roy Charles alla au mont de la Crote, qui est une montaigne assez haulte, pres la mer, & n'y a point d'autre chemin selon le train d'icelle mer, fors par le pertuis ou cauerne de ce lieu, qui a plus d'une lâce de haulteur, & autant de large à y entrer, & contient enuiron un quart de lieuë de long. Oultre ceste Crote ou cauerne, que le Roy passa, y a beau pais & plain, un peu esloigné de la mer, & assez pres des montaignes, qui est tout plain d'Orengiers, & si est fertile à bledz: & illec pres y a une petite ville sur le bort de la mer, qui est pres d'une autre petite ville, en partie perie par la mer. Un peu plus loing est le lieu ou on fait le souffre, en une haulte & longue montaigne: laquelle brulle tousiours: & est à coniecturer que c'est le mont de Æthna, dont font mention les Histoires. En la plaine de celle montaigne y a deux fontaines ou sources d'eau: l'une est chaulde, & noire comme encre, & boult comme si elle estoit sur le feu: & l'autre est blanche, & froide, combien qu'elle semble bouillir. En la vallée y a un trou hydeux à merueilles, duquel vient si merueilleux & impetueux vent qu'il soustient les pierres, le boys, & tout ce qu'on iecte dedans ledit creux, sans y approfondir ne bruler, combien que le vent soit chauld & ardent, dont le Roy veid l'experience, & aussi faire le souffre. Apres le Roy alla en un autre lieu d'excellence, ou l'on fait l'Alun de roche, lequel il veid faire en une chaudiere, & conuertir en forme de sel: & de ce lieu alla en autre lieu, ou y a un lac profond & large, aupres duquel sont estuues chaudes & seiches, & sans aucun feu, fors de la chaleur de la montaigne. Et finalement on monstra au Roy un autre creux, ou trou, tout rond dedans une de ces montaignes, pres dudit lac, qui semble estre un gouffre infernal: car incontinent que l'on y met quelque beste ou oyseau, il expire & meurt tout subit.

Comment le Roy Charles feit son entrée triumpante en la ville de Naples.



*L'an mil cccc.
iiij. xx. &
quatorze.*

*Les lieux ou
passa le Roy à
son retour.*

Incontinent apres toutes ces choses veües, le Roy alla faire son entrée solennelle en la ville de Naples, en habit Imperial, & y fut receu come Roy de France & de Cecille, & Empereur de Constantinople, avec tous les Seigneurs de France, & d'ailleurs, en ordre comme les Roys ont accoustumé faire à Paris, quand à l'ordre, mais trop plus triumpante: & ce fut le Mardy douziesme iour dudit mois de May, mil quatre cens quatre vingtz & quatorze. Et au dedans de huitaine expedia les Ambassadeurs de Calabre, & autres pais dudit royaume de Cecille: puis receut les sermens des villes & seigneuries. Le vingtiesme iour dudit mois de May, apres qu'il eut laissé pour Regent & Viceroy audit royaume de Naples le tresnoble Prince & seigneur Gilbert, Comte de Montpensier (qui fut accepté de tous) & qu'il eut mis ordre à tous ses affaires, & prins congé de chascun (qui ne fut sans regret) partit de la ville de Naples, & s'en alla au giste à Versé, bien accompagné: non toutesfois comme il estoit en allant audit Naples: car il laissa une partie de ses Seigneurs

gneurs & de ses gens d'armes audict royaume, de Naples, pour le garder sous le Vice-roy de Monrpensier. Le Roy arriva à Rome le premier iour de Iuin audict an mit quatre cens quatre vingtz & quatorze, & y fut deux iours; le Pape Alexandre absent de Rome: puis alla en la ville de Viterbe, où il sciouina trois iours: & ce pendant les gens d'armes de son Avant-garde, qui estoient passez deuant, pillerent vne petite ville, appelée Toulannelle, appartenant au Pape, par ce que les habitants ne leut voulerent donner passage, & y entrerent par force, ou plusieurs desdictz habitants, & grand nombre furent occis, dont le Roy fut mal content: lequel au departir de Viterbe deliura le chasteau aux gens du Pape. De Viterbe le Roy passa à Sienes la Vieille, où luy vindrent nouuelles que le Duc d'Orleans auoit gaigné la ville de Nouarre, & estoit dedans, oultre le gré de Ludouic & ses aliez. De Sienes la Vieille le Roy alla à Pise, de Pise à Lueques, de Lueques à Sarlague, où il arriva le vingtiésme iour dudit mois de Iuin: & là fut aduertie que le Pape, les Venitiens, les Italiens & Lombards, le Seigneur Ludouic, les Vrsins, le Comte de Petillane, & autres dudit pais, qui s'estoient au parauant declarez amys du Roy, auoient dressé vne grosse armée de soixante ou quatre vingtz mil hommes, les mieulx armez & accoustrez qu'on veid iamais, cōbien que l'armée du Roy ne fust que de dix à douze mil hommes: mais c'estoient tous gens de cœur, hardis, & de bonne experience. A la raison de quoy le Roy ne s'en esbahy aucunement, & s'en alla es Alpes le vingtmouiesme iour dudit mois de Iuin, & print giste au pied d'icelles, où il feit parquer son Cāp, iusques à ce que toute l'Artillerie fust passée: en quoy furent faictes plusieurs grandes diligences, tant par Jehan de la Grāge, Maistre de l'Artillerie, que par Claude de Salins, & par plusieurs gros Seigneurs, meismement par monseigneur Loys de la Trimouille, Vicomte de Thouars: lequel pour donner courage aux gens de pied, & autres, pour pousser à l'Artillerie & porter les boullertz & pierres, se mit à en porter, tout en pourpoint, ou chascun mit apres les mains. Le Roy demoura en ce Camp iusques au riers iour de Iuillet, & l'Avant-garde passée, que cōduisoit le Marechal de Gié, le Roy le suyuit, & passa les Alpes: & le Dimenche, cinquiesme dudit mois alla disner au lieu de Fournoue, & à vne lieue pres de ses ennemys. Le Cāp du Roy fut assis en vne belle place plaine de saulfoyes, prayries & fontaines, ioignant vne mōtagne, sur laquelle y auoit vn petit chasteau, garny de tous biens, qui appartenoit au Comte Galeace.

* Autres Toulannelle.

Comment le Roy Charles maulgré ses ennemys passa triumpamment Fournoue.



V sixiesme iour dudit mois, qui estoit vn Lundy matin, apres la Messe ouye, marcha l'armée du Roy en bon ordre. L'Avant-garde estoit cōduicte par le Marechal de Gié, & le Seigneur Jehan laques: & assez pres d'eux marcherent les Suisses en bel ordre, cōduictz par le Côte de Neuers, le Bailly de Dy-10, & le grad Escuyer de la Roynne. Les aelles de l'armée estoient aux deux costez bien equipées. Apres alloit l'Artillerie bien accoustree: de laquelle estoient Capitaines Guyot de Louuiers, & Jehan de la grange. Consequemment marchoit la Bataille, où le Roy estoit en personne, armé en Prince de renō: car il auoit sur son riche harnois bien cōplet vne riche iaquette à courtes manches, de couleur blanche & violet, semée de croisettes de Hierusalem, faictes de fine broderie & orfauerie. Son cheual estoit de poil noir, que le Seigneur de Sauoye luy auoit donné, & bardé de mesme ses habitz. Les Seigneurs de Ligny & de Piennes, & le Bastard Mathieu de Bourbon, estoient à l'entour de luy, vestus de sa forte. Apres l'armée alloit l'Arriere-garde biē ordonnée: de laquelle estoient Chefz & Capitaines ledict mesire Loys de la Trimouille, Vicomte de Thouars, & le Seigneur de Guyse, chascun d'eux bien habitez, avec le guet ça & la. La bataille ainsi ordonnée, chascū marcha en son ordre, pour combattre leurs ennemys, qui estoient Lōbards, Milannois, Venitiens, Estradiots, & autres: ia fierement partis de leur Camp, pour dōner sur les François: & cōmencerent à tirer vne piece d'Artillerie cōtre l'Avant-garde, qui ne s'en esmeut, & passa oultre: mais l'Artillerie des François tira si bien cōtre les ennemys, que le principal Canonier fut occis, & le surplus cōtrainct se retirer ailleurs: & eux voyās le bon ordre des François enuoyerēt certain gros nombre d'Albanois & Estradiots, de la partie de la mōtagne, en passant par deuāt Fournoue, qui frapperēt sur ceux du bagage, qu'ilz trouuerēt en desordre, ou ilz feirēt gros dōmage & perte,

La journée de Fournoue, gagnée par les François.

Magnanimité du Roy Charles.

plus par aucuns paillards de l'armée du Roy, que des parties aduerses. Non pourtant ne fut la bataille interrompue: mais demourerent tousiours les François en vne merueilleuse hardiesse, par l'admirationnement que le bon & hardy Roy leur faisoit, en si bons termes qu'il n'y auoit homme qui ne fust deliberé de le seruir iusques à la mort. Les ennemis furent aduertis du lieu ou estoit le Roy, & de son vestement: parquoy les plus grands Capitaines & Seigneurs d'entre eux vindrent en grande fierté donner sur la bataille, & au lieu ou le Roy estoit, qui se deffendit si vaillamment que par son preux & hardy courage, moyennant l'ayde de Dieu, apres grande tuerie des ennemis, & des principaux d'iceux, demoura victorieux, & se sauuerent des ennemis ceux qui peurent fuyr seulement: & comme Dieu voulut, tant que dura la bataille ou ne fut tué que sept cens de l'armée du Roy ne cessa de gresler, plouuoir, & tonner, & tellement qu'au ruisseau, ou les ennemis auoient passé à gué, plusieurs d'iceux se noyerent au retour en fuyant. Le Roy souppa & coucha au lieu ou auoit esté la Bataille, mais il fut mal pensé, au moyen du des-arroy qui auoit esté fait sur le bagage. On trouua par les lettres, que les ennemis enuoyoit au seigneur Ludovic, que leurs gens de pied estoient presque tous mortz, & les noms de plusieurs Comtes, Marquis, & Seigneurs occis, tant de ceux de Venise que d'Italie & Lombardie. Le lendemain le Roy tint Camp à demie lieue dudit lieu ou auoit esté ladicte Bataille. Tant feit le Roy par ses iournées qu'il arriua en la ville d'Ast, le xv. iour de Iuillet ensuyuant, ou il fut iusques au xxvij. dudit mois: & là receut nouuelles de toutes pars, tant de ceux de Naples, qui s'estoient reuokez contre luy, pour receuoir le Roy Ferrand, que du Pape, que des Venitiens, de Ludovic, & de la grande assemblée de gens qu'ilz auoient faicte contre le Duc d'Orléans, à Nouarre: à toutes lesquelles choses pourueut sagement. D'Ast le Roy alla à Quiers, ou la

Le Duc d'Orléans en Ast.

filie de son hoste, maistre Jehan Solier, qui estoit vne ieune Pucelle, luy feit vne harenque à son honneur & louange touchant son voyage, aussi bien qu'homme pourroit faire: en quoy le Roy print tresgrand plaisir. De Quiers le Roy alla à Thurin, ou il fut quelque piece: puis retourna de Thurin à Quiers, ou le vingtdeuxiesme iour d'Aoust le Seigneur de Cernon, du pais de Prouence, arriua, & conta au Roy comment il auoit pillé & mis à sac vne petite ville de la Seigneurie de Gennes, en haine de ce que le iour precedent ilz auoient faict vn Roy de France en vne chaire de papier collé, & puis luy auoient mis le feu au cul. Le trente & vniesme iour du mois d'Aoust, fut faict Chancelier de France monseigneur Brignonnet, Archeuesque de Reims. Le Roy s'en alla à Verceil ou estoit son Camp, contre Ludovic & les Venitiens, qui tenoient le Duc d'Orléans assiégué, en la ville de Nouarre: & apres plusieurs allées & venues d'un Camp en l'autre, le Roy feit & traicta paix avecques ses ennemis, à leur requeste: par lequel traicté laisserent ladicte ville de Nouarre audit Duc d'Orléans, leuerent leur Camp & siege, & s'en allerent, comme aussi feit le Roy & toute son armée, le neufiesme iour d'Octobre audit an mil quatre cens quatre vingtz & quatorze: & tant feit le Roy qu'il arriua & entra en la ville de Lyon, le Samedy septiesme iour de Novembre ensuyuant, & logea en l'hostel de l'Archeuesque dudit lieu, ou il trouua la Royne, accompagnée de madame Anne, Duchesse de Bourbon, sœur du Roy, & autres nobles Dames. En ce temps viuoit à Venise vne Pucelle, nommée Cassandre, fille du Sire Ange Fideli, laquelle estoit tres-experte és sept ars liberaux, & lisoit publiquement: elle estoit aussi grande Theologienne.

De la deliurée du Duc de Orléans, faicte par le Roy Charles viij. à Nouarre.

De la Pucelle Cassandre Venitienne.

Comment la maladie de Naples fut apportée en France.



Au retour dudit voyage de Naples, plusieurs Gentilz-hommes, & autres vindrēt infectz & maculez d'une maladie, de laquelle on n'auoit iamais ouy parler en France, qu'on appela lors la maladie de Naples, par ce qu'ilz l'apporterent dudit pais: depuis fut appelée la grande Gorre, par ce qu'elle se prenoit aux plus gorgias: & autrement est appelée la grosse Verolle. C'est (comme il est à coniecturer) vne punition de Dieu, pour le commun peché de Luxure: car elle ne se prent que par paillardise communement, fors és petitz enfans, qui aucunesfois l'aportent du ventre de leurs meres, qui en sont infectées, ou la prennent de leurs nourrices. Aucuns dient que Iules César en fut persecuté, & à veoir Suetone on le iugeroit ainsi: par ce qu'il

ce qu'il a escrit que Iulës Cæsar auoit sur soy grande quantité de cicatrices, faictes en façon d'estoilles rouges. Apres que le Roy, & toute sa Court, fut retournée en France, & qu'il fut vn peu refreschy de tant de grâds & incroyables trauaulx & labours, mesmement luy, qui estoit petit de corps, mais magnanime d'Esprit, & grand de cœur, pour n'estre ingrat de tant de biens que Dieu luy auoit faictz, à la priere, comme il est à croire, de nostre Dame & des benoistz martyrs saintz Denis, patron des Roys de France, & ses compagnons saint Eleuthere & saint Rustic, alla visiter l'Abbaye de saint Denis en France, ou estoient & sont les corps desdictz saintz, & redre graces à Dieu, à nostre Dame, & ausdictz saintz, de ses victoires & ioyeux retour: & ne voulut entrer en la ville de Paris, ne visiter les Citoyens, desquelz il estoit tres-mal content, par ce qu'ilz luy auoient reffusé de prester cent mil liures tournois, pour sa guerre de Naples: & passa, par saint Anthoine des champs, le Pont de Charenton, puis s'en alla à Amboise, ou il feit faire le chasteau qui y est de present. Tantost apres son retour en France, il sceut comment les Neapolitains s'estoient reuoltez cõtre luy, pour Ferdinand, filz dudit Alphõs: & apres le trespas de monseigneur Gilbert, Comte de Montpensier, qui estoit Viceroy audict pais, tous les Capitaines se retirerent en France: & à ceste raison le Roy Charles delibera y retourner: & en attendant l'opportunitè vescu en grande paix en son royaume, & changea la forme de viure de sa ieunesse, durant laquelle il auoit fort aymé le passe-temps des Dames, & la compagnie des belles filles, & deuint tres-chaste & loyal à son espouse, qui luy produysit trois enfans, lesquelz moururēt ieunes, dont il fut tres-deplaisant. Il se delecta à faire iustice, & fut content de se mettre en siege deux fois la sepmaine, pour ouyr toutes plainctes & requestes à ce que raison fust à chascun faicte & combien qu'il fust mal cõtent de ceux de Paris, & qu'aucuns Princes pres de sa personne pensassent bien que pour se venger il erigeroit vn Parlement à Poitiers, & osteroit à ceux de Paris les ressors de Poitou, Aniou, Touraine, le Maine, la Marche, Angoulmois, & le pais d'Aulnys, dont aucuns des Citoyens de Poitiers furent vers luy à Lyon, au mois d'Auril, l'an mil quatre cens quatre vingtz & seize, ou i'estoys, * toutesfois à la requeste du Chancelier Briçonnet (combien qu'une fois eust octroyé ledict Parlement desdictz ressors audict Poitiers) en remeit l'exécution à vne autre fois.

Le Roy Charles à saint Denis en France.

Les mœurs du Roy Charles.

*En Rouches
Je de ces mes-
mes moeurs en
ses Annales
d'Aquitaine.*

Du trespas du Roy Charles huiictiesme.

AV mois de Septembre audict an, le Roy partit de Tours pour aller à Lyon, esperant d'illec marcher à Naples: mais le voyage fut rompu, dõt ie n'ay peu scauoir la cause, & retourna à Amboise: & le septiesme iour d'Auril, l'an mil quatre cens quatre vingtz & dixsept, qui estoit vn peu deuant Pasques, ainsi qu'il regardoit de sa gallerie dudit chasteau d'Amboise, en la compagnie de la Roïne, iouer à la paulme, vne foiblesse & esuanouysson le surprint, dont il perdit le parler, & ledict iour trespasla sans hoirs procréez de sa chair. Ce fut vn Roy humble, & le plus estimé qui fut cent ans au parauant, large & liberal, & le plus riche, bon Catholique, sans hypocrisie, iuste sans fiction ne mauuaise cautelle, & bien aymé & regretté de tout son peuple. Le dernier iour dudit mois d'Auril ce bon Roy, qui n'auoit que vingt sept ans, fut porté de Paris en l'Abbaye saint Denis, l'an quatorzième de son regne pres de ses predecesseurs Roys de France. Les obseques duquel furent tres-honorable & triumpante (comme ie vey: & qui les voudra veoir par escript regarde la fin de la Cronique du tres-louable Croniqueur messire Robert Guaguin, Docteur es droictz, & grand Ministre de son ordre es Mathurins, eloquent sur tous les Croniqueurs François. Or estoit en ce temps le royaume de Naples possédé par ledict Ferdinand, qui mourut incontinent apres, en l'age de vingt & vn ou vingt deux ans, & laissa le royaume à Frederic son oncle paternel, qui en iouit depuis par six ans ou enuiron.

L'an mil cccc. iij. xx. & dixsept.

Trespas du Roy Charles huiictiesme.

Second volume.

Y. Y. in

LES CRONIQ. ET ANNALES DE FRANCE.

*Du Roy Loys, douzième de ce nom : & comment il conquist
la Duché de Milan, qui luy appartenoit.*

*Genealogie
du Roy Loys
xij. de ce nom.*



LA ligne directe des Roys de France, descendus de Philippe de Valloys, faillit audict Roy Charles, huietième : par ce queles trois filz qu'il auoit euz decederent auant luy : & à ceste raison tomba la couronne en ligne collaterale, & fut Roy de France Loys, Duc d'Orleans, & de Valloys, comme le plus proche. Et pour l'entendre, iacoit ce qu'il en ayt esté parlé cy dessus, le Roy Charles cinquième, eut deux enfans : c'est à sçauoir Charles, sixième, duquel vint Charles, septième, qui engendra Loys, vnzième, & ledict Loys, vnzième, Charles, huietième. L'autre filz dudit Charles, cinquième fut Loys, Duc d'Orleans, qui espousa Valentine, fille de Iehan Galeace, Côte de Vertus, & premier Duc de Milan : de laquelle il eut trois filz, Charles, qui fut Duc d'Orleans apres luy, Iehan, qui fut Comte

d'Angoulesme, & Philippe, Comte de Vertus. Ledit Charles vescu longuement : & apres qu'il fut deliuré d'Angleterre, ou il estoit prisonnier, il eut de son espouse, madame Marie de Cleues, ledict Loys douzième de ce nom, auquel par ce moyen, par faulte d'hoir male en droicte ligne, a appartenu le royaume de France. Ledit Loys, Duc d'Orleans, & de Valloys, fut sacré à Reims, le xxvij. iour de May, l'an mil cccc. iij. xx. dixhuit, & print la couronne en l'Abbaye saint Denis en France, le premier iour de Iuillet ensuyuant : & le lendemain fait son entrée à Paris fort triumpante, comme ie vey. Peu de temps apres, le Seigneur de Vergy, de la Comté de Bourgongne, cuyda faire quelque esmotion de guerre en la Duché de Bourgongne, mais ce ne fut rien.

Au moys d'Octobre ensuyuant le Duc de Valentinoys vint en France, de par le Pape Alexandre, sixième de ce nom : ou il fut bien receu par le Roy, qui le maria avec la fille du Seigneur d'Albrét, qui estoit l'une des belles & bonnes Dames de France : duquel mariage est yssue vne autre noble Dame, nommée Loyse, qui a esté mariée avec monseigneur Loys de la Trimouille, Vicomte de Thouars, apres le trespas de madame Gabrielle de Bourbon, sa premiere espouse. L'on doit entendre que ledict Roy Loys lors qu'il estoit simple Duc d'Orleans, fut cōtrainct par le Roy Loys, vnzième, d'espouser madame Iehanne de France, sa fille, & que le iour des espousailles declaira en presence des Notaires, & autres gens de bien, qu'il n'entendoit contracter aucun mariage, & que ce qu'il faisoit de ladicte solennité estoit pour complaire audict Roy Loys, qui estoit merueilleux & cruel à ceux de son sang, & quelques espousailles qui eussent iamais esté, n'auoit voulu congnoistre madame Iehanne charnellement : & aussi quand il couchoit avec elle par le commandement du Roy Loys vnzième, ou du Roy Charles huietième, son frere, auoit des tesmoings secretz toute la nuit, pour depose de son abstinence, & pour ces causes, & qu'à la verité ladicte madame Iehanne n'estoit la vraye femme, par ce que mariage est contracté par mutuel consentement seulement, & qu'il sçauoit bien par l'opinion de grands Medecins & Philosophes, qu'il ne pourroit auoir lignée d'elle, à la raison de ce qu'elle estoit contrefaite, & aussi que les Princes cognoissent que si la veufue dudit feu Roy Charles, huietième, qui estoit Duchesse de Bretagne, se marioit avec autre, seroit des vnir ladicte Duché de Bretagne de la couronne de France, fut trouué par le conseil des Princes, & autres gens de lettres que le Roy deuoit faire declarer le premier mariage nul, & qu'il se deuoit marier avec ladicte Duchesse de Bretagne. Surquoy le Roy obtint vn brief du Pape Alexandre, adressant à certains iuges, pour congnoistre de ladicte matiere : lesquels en l'an mil quatre cens quatre vingt dixneuf, donnerent la sentence qui s'ensuyt : apres auoir ouy ladicte madame Iehanne. Au nom de Dieu, de la sainte Trinité, pere, filz, & saint Esprit, Amen. Veule proces pendant par deuers nous Philippe en tiltre de saint Pierre, & Marcellin, Cardinal de Luxembourg, & Euesque du Mans, Loys, Euesque d'Alby, & Ferrand, Euesque de Cepte, Iuges deleguez en ceste partie de nostre saint Pere le Pape, entre Loys, douzième

*Pour quelle
cause le Roy se
maria avec
madame Anne
Duchesse
de Bretagne.
L'an mil ccc.
xij. xx. &
dixneuf.*

ziesme, Treschrestien Roy de France, demandeur d'une part, & illustre Dame, Dame Jehanne de France, deffenderesse d'autre part: Veu le rescrit Apostolique, la demande dudit demandeur, la litiscontestation de ladicte deffenderesse, & ses responses, exceptions, repliques, positions, & responses sur icelles d'un costé & d'autre, les tesmoings produitz par ledict demandeur, & leurs depositions obiectées au contraire, & autres documens, conclusions faicte en cause, & assignation pour ouyr droict, en cōmunication de cōseil avec Cardinaulx, Archeuesques, Euesques, Docteurs en Theologie, & en droit en grand nombre. Auons & disons par nostre sentence diffinitive, ayant Dieu deuant les yeux. Declairons, & prononçons le mariage faict entre lesdictes parties estre & auoir esté nul, & donnons congé & licence audit demandeur, entant que besoing seroit par autorité Apostolique, de pouuoir prendre femme telle que bon luy semblera par mariage, & sans despens de ladicte cause. Au moyen de laquelle sentence, dont ne fut appelé ne reclamé, ledict Roy Loys, douziesme, par dispense du Pape espousa madame Anne, Duchesse de Bretaigne, veufue du feu Roy Charles, huietiesme: & bailla à madame Jehanne de France, pour appanage, la Duché de Berry, avecques un beau & honneste train que tousiours luy entretint à ses despès: & elle se tint en la ville de Bourges en toute sainteté, tellement (qu'ainsi qu'on dit) Dieu à sa requeste & par ses prieres a fait plusieurs miracles depuis son trespas, au lieu ou son corps repose.

Sentence pour le Roy Loys contre Dame Jehanne de France.

Le mariage du Roy avec la Duchesse de Bretaigne.

Comment le Roy Loys, douziesme, au commencement de son regne vendoit les Offices pour auoir argent.



LE Roy Loys, au commencement de son regne, eut de grādes affaires, tant pour acquiter les debtes du feu Roy Charles, huietiesme, que pour recouurer sa Duché de Milan, cōtre le Seigneur Loys Sforce, vsurpateur d'icelle: & pour auoir deniers, sans les prēdre par creūes de tailles ou emprunts, print argēt des Offices royaulx (fors de iudicature) dont il retira grandes pecunes. Et pour la reformation de la iustice & des priuileges des Vniuersitez, dont plusieurs abusoient à la foule du pauvre peuple, feit certaines belles Ordonnances, qui furent publiées en la Court de Parlement, dont les supposts de l'Vniuersité de Paris ne furent contens, & plusieurs d'iceux se meirent en armes, pour empeschier la publication, tendāns mutiner le commun populaire, ce qu'ilz ne peurent faire: car la Court de Parlement y obuia prudemment. Estans telles esmeutes appaisées, le Roy delibera de mettre sus vne armée, pour oster des mains de Ludouic Sforce, sa Duché de Milan. Et pour entendre le droit que ledict Roy Loys auoit en la Duché de Milan, que Loys Sforce tenoit par force, est à presupposer ce qui est contenu par les Histoires de Paule Diaire, qui fait l'hymne, *Prisquant l'axib*, de Sigisbert, d'Anthoine Sabelic, Volatetre, maistre Vincēt de Beauvais, & autres: c'est à sçauoir que l'an de nostre salut cinq cens soixāte & dix, les Vinnules depuis appelez Lombards, au moyen de leurs longues barbes (qui par plus de quarante deux ans, se tindrent en Pannonnie) vsurperent Italie, & la tindrent iusques en l'an sept cens septante quatre, comme nous auons veu cy dessus en parlant du Roy Charlemaigne: auquel an le royaume desdictz Lombards print fin: & depuis en Lombardie, dont Milan estoit vne des principales villes, n'y eut Roy, mais a esté le pais gouverné par Vicomtes comptables, soubz la main de l'Empereur, tant que les Roys & ceux de la maison de France tindrent l'Empire, voyre iusques à ce que Milan fust etigé en Duché. Et au temps du regnē de Philippe le Bel, qui cōmença à regner l'an mil deux cens quatre vingt & six, un homme Mathieu, tenoit la Vicomté de Lombardie: & eut cinq filz: c'est à sçauoir Jehan Galeas, Marphe, Luchin, Jehan le second, & Estiēne. Apres le trespas de Mathieu, Jehan Galeas, son filz aîné, fut Vicomte, qui tātost mourut, & laissa un filz nommé Artus, qui fut bien tost apres empoisonné par son oncle Luchin, pour auoir la seigneurie: de laquelle il s'empara, par ce que ses deux freres, Marphe, & Estiēne estoient decedez, & chassa Galeas Marie, & Bernabo ses deux nepeux, enfans dudit Estiēne, qu'ilz enuoya en exil: mais il ne dura gueres: car pour son mauuais gouvernement fut occis secrettement par aucun de ses subiectz. Au regard de Jehan le second, qui estoit son frere, lors Archeuesque de Milan, il s'empara de ladicte seigneurie, & appela ses deux nepeux Galeas, Marie & Bernabo, pour la conduicte de la Cheua-

Inuention de leur deniers par vendition d'offices.

Lombards pour quoy ilz sont ainsi appelez.

Des Vicomtes de Milan.

** La Cron. de Milan, par Donat. Bos, dit Mar, & c. * con- tant le reste un peu autrement.*

LES CRONIQ. ET ANNALES DE FRANCE.

** Cronique
de Milan d'it
Maslin.*

lerie & des guerres, ou il se gouuerna tresbien. Ledit Jehan Archeuesque & Vicomte de Milan, alla de vie à trespas, & auant luy estoit decedé ledit Galeas Marie, qui laissa vn filz, nommé Jehan Galeas le Vicomte: lequel apres le trespas de sondict oncle l'Archeuesque, voulut auoir la seigneurie de Milan, & pour à ce paruenir, faignât aller veoir son oncle Bernabo à Pauie, ou il se tenoit, le print prisonnier, sa femme, & ses enfans, & par prisons les feit mourir, fors lvn des enfans dudit Bernabo, nommé Malcrin, * qui euada de ses dangiers, sans qu'il ait esté depuis veu n'aucuns enfans de luy: neâtmoins ledit Jehan, craignans son retour, espousa vne fille dudit Bernabo, nommée Catherine, parquoy demoura paisible possesseur de ladicte seigneurie, & s'en feit Vicomte, soubz l'authorité Imperiale, à laquelle il estoit comptable. Ledit Galeas quist l'amytié & bien vucillance du Roy Jehan, lors regnant en France: au moyen dequoy demoura paisible par son support, & trouua moyen enuers l'Empereur Othon, * de prendre de luy à foy & hommage ladicte Seigneurie de Lombardie, à tiltre de Duché, & fut le premier Duc & de sa Duché la ville & la cité de Milan fut le Chef, & ne fut plus ledit pais gouuerné par Vicomtes, nonobstant que tous ceux, lesquelz sont venus dudit Matthieu ayant prins le surnom de Vicomtes: & encores en y a de present plusieurs en Lombardie, qui se surnomment ainsi, & dient à ce moyen y auoir droit, qui ne peut auoir lieu: car ledit Matthieu, & ceux qui sont de luy descendus iusques à ce Jehan Galeas, qui print la seigneurie à foy & hommage de l'Empereur, n'estoient que commis à gouuerner le pais soubz la main de l'Empereur.

** Francefco
plustost.*


Ce Jehan Galeas, premier Duc de Milan, apres auoir vescu en grand' honneur & reputation avec Catherine son espouse, par long temps, alla de vie à trespas, laissant deux filz, Jehan Marie le vicomte, & Philippe Marie son frere. Ledit Jehan fut le second Duc, & en feit l'hommage à l'Empereur: mais il fut mal conditionné: car soubz luy comença en Lombardie ce detestable peché de Sodomie, & la facheuse bande des Guelphes & Gibelins, qui ia estoit commencée à Romme: & fut tant hay du peuple qu'un iour, luy étant à l'Eglise, fut par les siens mis à mort, & ne laissa aucuns enfans: * parquoy luy succeda Philippe Marie, son frere: & fut le tiers Duc de Milan, qui mourut aussi sans enfans legitimes: parquoy Loys d'Orleans, Roy douziesme du nom, luy deuot succeder, comme étant arriere filz de Valentine, sœur dudit Philippe, iadis mariée avec Loys Duc d'Orleans, filz du Roy Charles, cinquiesme, qui estoit filz du Roy Jehan, duquel mariage estoit venu Charles, pere dudit Roy Loys douziesme. Bien est vray que ledit Philippe entre autres enfans illegitimes laissa vne Bastarde, nommée Blanche, qui fut mariée avec vn sien Capitaine, nommé Francisque Sforce, filz d'un Aduenturier, nommé Sforce Attendulle: mais par ce moyen la Duché de Milan, ne laissoit pas d'appartenir par droit successif audit Loys, Duc d'Orleans, à cause de ladicte Valentine son ayeulle, fille aisnée dudit Galeas, premier Duc. Dudit Duc d'Orleans, qui fut occis à Paris, par l'adueu du Duc de Bourgongne, comme nous auons veu cy dessus vindrent quatre enfans: Charles, qui fut Duc d'Orleans apres luy, Jehan Comte d'Angoulesme, Philippe Comte de Verrus, & Marguerite qui fut mariée à Richard, filz du Duc de Bretaigne, & fut Comte d'Estampes: mais ledit Loys, Duc d'Orleans, ne ses enfans, ne peurent recouurer ladicte Duché de Milan, contre ledit Francisque Sforce, qui l'vsurpa: & ce au moyen des grandes guerres qui commencerent en France pour l'omicide dudit Loys, Duc d'Orleans, & de ce que ledit Duc de Bourgongne fut par apres occis à Montoreau fault-Yonne: lesquelles guerres durerent tant que regnerent Charles, sixiesme, & Charles, septiesme. Et touchant le Seigneur de Montauban, qui auoit espoulé vne autre fille de ce premier Duc de Milan, il eut d'elle deux filz, & vne fille.

** Ce passage
estoit fort cor-
rompu n'en de-
splaie au bon
homme Bon-
chet qui l'a
prins d'icy, ou
de qui on l'a
uoit prins &
mis en ce lieu.*

Le premier fut messire Jehan de Montauban, Admiral de France, l'autre Arnaud Archeuesque de Bourdeaux, & la fille, nommée Marie, espousa le Seigneur de Grauille, desquelz est yssu Loys de Grauille, Admiral de France. Or donc ledit Francisque Sforce, qui auoit esté Capitaine dudit Philippe Marie, apres son trespas, trouua moyen enuers les Seigneurs de Milan d'auoir le gouuernement de tout le pais en abscece des enfans d'Orleans, & s'empara des tresors de ledit Jehan Galeas, & de Philippe, qu'il distribua aux seigneurs dudit pais, par le moyen dequoy s'intitula & nomma Duc, & fut vsurpateur de ladicte Duché: & voyant que Loys, Dauphin de France, & filz aisné du Roy Charles, septiesme, estoit fugitif, & auoit encouru la male grace de son pere, pour laquelle cause auoit plusieurs grandes affaires en Bourgongne, ou il s'estoit retiré, trouua

trouua moyen d'auoir sa grace, moyennant quelque argent qu'il luy donnoit par chascun an, & tellement qu'il fut tousiours supporté de luy: & quand il fut paruenü à la couronne de France, feit bailler en mariage à Galeas Marie, filz aîné dudit Francisque Sforce, Madamoyselle Bonne de Sapoye, sœur germaine de madame Charlotte, seconde femme dudit Roy Loys, vnziesme: & par le moyen de ces alliances, les enfans de Orleans demourerent sans secours, & furent contrainctz escouter, & attendre vn autre temps. Desdictz Francisque Sforce & Dame Blanche, Bastarde dudit Philippe Marie, Duc de Milan, vindrent cinq filz, & deux filles. Le premier fut ledict Galeas Marie, qui espousa ladicte fille de Sapoye, desquelz vindrent deux filz, & vne fille, dont l'aîné eut nom Iehan, le second filz dudit Francisque fut Iehan Marie, le tiers Marie, le quart Ascaigne, qui fut Cardinal, & le cinquiesme, Loys, qui en ce temps tenoit & vsurpoit ladicte Duché de Milan. Ledit Francisque Sforce alla de vie à trespas selon aucuns, sans mil quatre cens soixante & six, auquel temps son filz aîné Galeas estoit en France avec le Roy Loys, vnziesme, qui luy bailla gens pour prendre possession de ladicte Duché de Milan, ce qu'il feit: & environ dix ans apres fut occis en vne Eglise de ladicte ville de Milan, comme il a esté dict dessus, & laissa vn filz, nommé Iehan, duquel ledict Loys Sforce, son oncle eut la tutelle, & depuis le feit mourir, & s'empara par ces moyens de ladicte Duché de Milan. Et au regard des deux filles dudit Francisque, l'une fut mariée à Alphonse, filz aîné de Ferrad le Bastard, qui vsurpa le royaume de Cecille, Pouille, & Calabre, sur la maison d'Aniou, de laquelle les Roys de France sont vrais heritiers: l'autre fille fut mariée à Guillaume, Marquis de Montferrat. Et sur ce est à entendre que presque en vn mesme temps que ledict Philippe Marie trespassa, Alphonse, filz du Comte de Medine de Capo, qui surprint le royaume d'Arragó, & de Cecille, sur la maison d'Aniou, alla de vie à trespas à Naples, & laissa ledict Ferrad le Bastard son heritier de Cecille, & le royaume d'Arragon à son frere Iehan, qui estoit pere de Ferrad: alors Roy d'Espagne. Or lesdictz Ferrad le Bastard, & le Duc Francisque s'allierent ensemble, & eurent la faueur dudit Loys, vnziesme, lors qu'il estoit Dauphin, & celle du Pape Pie, qui inuestit ledict Ferrand le Bastard du royaume de Cecille, & ledict Francisque de la Duché de Milan, au preiudice des maisons d'Orleans, & d'Aniou, ce que ne pouuoit faire le Pape, car il appartenoit à l'Empereur à faire l'investiture de ladicte Duché de Milan: mais ledict Loys Sforce, se couure & dit qu'il s'est fait inuestir par Maximilian Empereur, qui est vray, par le moyen de ce qu'il contraignit ledict Iehan, filz de Galeas, de marier sa sœur avec ledict Maximilian: mais ledict Maximilian ne le pouuoit faire, par ce qu'il ne fut iamais couronné Empereur: & aussi ne pouuoit priuer les enfans d'Orleans de leur droit, sans forfaiture. Or dōc appert que lesdictz Sforces n'ont droit vallable en ladicte Duché de Milan, & qu'elle appartient au Roy Loys, xij. filz vnique de Charles Duc d'Orleans, qui estoit filz aîné dudit Loys Duc d'Orleans, & de madame Valentine son espouse, sœur aînée dudit Philippe Marie, vray Duc de Milan.

Comment le Roy Loys douziesme, alla conquerir sa Duché de Milan, long temps occupée par les Sforces.



Or se voyant ledict Roy Loys en puissance de chasser ce Loys Sforce de ladicte Duché de Milan, & qu'il y auoit tresbon droit, & non ledict Loys Sforce, que les Histoires appellent le Seigneur Ludouic, alla faire son entrée à Lyon, le dixisme iour de Iuillet, audit an mil quatre cens quatre vingt dixneuf. Puis feit passer son armée iusques en Ast, soubz la conduite du seigneur Iehan Iaques, & du seigneur d'Aubigny. D'entrée prindrent & meirent à sac deux petites villes, Non & Roque, qui furent rasées: puis allerent en Alexandrie, & l'assiégerent. Ceux qui estoient dedans pour Loys Sforce se deffendirent longuement, mais à la fin la ville fut prinse par les François, & en partie abbatue, non sans grand dommage des nostres: & de ce aduertis ceux de Pavié redirent leur ville à l'obeissance du Roy de France: au moyen dequoy Loys Sforce, troublé en son courage, & douteux de la foy des Milannois, laissa Milan, & se retira, & vn de ses enfans, accompagnez de peu de ses gens, par le lac du Layre, au Roy des Rommains Maximilian, qui les receut amiablement. Incontinent apres, ceux de Milan se rendirent aux François, qui prindrent la ville, dont ilz feirent scauoir les nouuelles audit Roy Loys: lequel à diligence alla faire son entrée

La description
du Chasteau
de Milan.

La force du
chasteau de
Milan.

Obeyssance
des Veneziens
& Romains.

Ammonition

1512. 3. 15. 16.

1512. 3. 15. 16.


1512. 3. 15. 16.

1512. 3. 15. 16.

Natiuite de
la Roynie
Claude.
Ruyne du pōt
nostre Dame.

en ladicte ville de Milan, ou il fut honorablement receu. Peu de temps après trouua moyen de recouurer le Chasteau de Milan, du Capitaine qui le tenoit pour ledict Loys Sforce, moyennant ce qu'il donna audict Capitaine (lequel estoit auaricieux) la moitié des meubles qui estoient dedans ledict Chasteau, qui consiste en six grosse tours encloses de larges fosses, comblez d'eau permanente: & au circuyt dudit Chasteau y a vne autre tour dicte la Roquette, qui est presque imprenable, icelle bien munie & gardée: & en icelle tout y a trois conuieirs, qui sont voutez dessoubz terre, iusques à la tierce pierre, par lesquels on peult franchement & en liberté yssir aux champs. Il y auoit dedans le chasteau, que feist faire François Sforce, provision des viures pour deux ans, & armeres pour armer deux mil hommes, avecques deux mil piece d'Artillerie, oultre quatre grosses Bombardes. Apres la reception des ville & chasteau de Milan, tous les autres chasteaux & villes du pais se rendirent liberalement à l'obeyssance du Roy: & vindrent vers luy les Genuois, ausquelz le Roy bailla pour Capitaine Philippe de Raustain: son proche parent du costé maternel. Aussi vindrent les Venitiens, ausquelz le Roy feist bailler les villes de Gremone, & autres qu'ilz tenoient engagées, & lesquelles auoit tentées par force ledict Loys Sforce. En ce mesme temps les galées & nefz des Turcz, que Loys Sforce auoit appelées en son ayde, furent destruites, ou la pluspart d'icelles, par les François & Venitiens. Le Capitaine des galées Venitiennes estoit Anthoine Griman: lequel comme il eut presque gagné la victoire contre les Turcz, entrèrent à Lempale, & la raserent à fleur de terre: mais les François tousiours nageant occuperent les Salamines, mettant tout à feu & à sang, & à la parfin les Turcz eschapperent par les montagnes inaccessibleles à gens de cheval. Le quatorziesme iour d'Octobre audict an mil quatre cens quatre vingtz & dixneuf, la Roynie Anne enfanta vne belle fille nommée Claude. En le pont de nostre Dame de Paris, quatre vingtz & deux ans après qu'il eut esté construit, tomba dedans l'eau de Seine, & soixante maisons qui estoient dessus, le vingtainquiesme iour dudit mois d'Octobre audict an mil quatre cens quatre vingtz dixneuf, vne heure avant midy: dont le Prouost des Marchans & les Escheuins de ladicte ville furent chargez & condamnez à certaines amendes, par ce que ladicte ruyne aduint par leur negligence. Vn peu deuant le filz auoit tué sa mere sur ledict pōt: & disoient aucuns que ce néphandissime peché auoit esté cause d'icelle ruyne. Depuis ledict pōt a esté restauré, & refait sur belles arches de pierres, & garny de maisons sans comparaison beaucoup plus belles que les premieres, qui estoient seulement de boys & plâtre, & le pont assis sur poteaux & pillotis de boys.

Comment apres que le Roy eut donné ordre en sa Duché de Milan,
il s'en retourna en France.



Le Roy seiournant à Milan donna ordre en la cité, & diminua les tailles & tributz de la ville: car ilz estoient à viij. cens mil liures, ou environ, & le Roy les remeit à six cens xxij. mil. Puis feist Gouverneur de ladicte Duché de Milan, le Seigneur Jehan Iaques, qui estoit natif dudit pais, & luy comanda d'habiter en l'hostel du Palais de Milan. A Quentin l'Escoffois bailla le gouuernement & Capitainerie de la Roquette, & la garde du Chasteau au seigneur de Stepy. Il mit Capitaine à Gennes le seigneur de Raustain, & Yues d'Alegre, Capitaine de Sauonne. Puis s'en retourna le Roy à Lyon, & de Lyon alla à Orleans & à Loches, & puis à Paris: & en passant par Orleans appoincta le discord d'entre Charles Duc de Gueldres, & le Duc de Luilliers, qu'ilz auoient eu pour leurs armoiries: & fut par le Roy ordonné que Charles de Gueldres s'abstiendroient de plus porter les armes du Duc de Luilliers, & que ledict Duc de Luilliers rendroit audict Charles la ville d'Arckes, qu'il auoit surprinse sur luy: & pour les fraix pretendus par ledict Duc de Luilliers, le Roy luy donna quatre mil escuz d'or, & luy ordonna pension par chascun an, pour estre de son alliance.

Grande libe-
ralité du Roy

Loys Sforce

L'an mil cinq
cens.

L'an mil cinq cens, fut le grand Pardon & Iubilé de Romme, célébré par le Pape Alexandre sixiesme: & le tiers iour de Ianuier, audict an, ledict Loys Sforce, accompagné de grand nombre d'Allemands, par la faction des habitans de Milan reprist ladicte ville, & en chassa les François, & d'aucunes autres villes, lesquelles se reuolterent contre

contre le Roy : mais les chasteaux demeurèrent tousiours en la possession des François: *Milan prins*
 & par le moyen de ladicte prinse plusieurs pelerins de France, qui alloient audict Iubi- *par Loys*
 lé, furent destrouffez, pillez, & occis par les Hostelliers, & autres gens dudit Loys Sfor- *Sforce.*
 ce, qui donnoit ausdictz Hostelliers vn Ducat pour chascune teste de François, dont le
 Roy feit depuis faire bonne iustice, & brusler plusieurs desdictes Hosteleries, & les Ho-
 stes dedans avec leurs femmes & enfans. Audict reuoltement le Comte Galiace & sa
 femme se retirerent en France par deuers le Roy, lequel enuoya grosse armée à Milan,
 pour le recouurer, soubz la conduicte de deux Lieutenans: lesquels ne se pouuoient ac-
 corder: car ce que l'un ordonnoit l'autre ne vouloit qu'il fust executé: & pour ceste cause
 le Roy y enuoya messire Loys, Seigneur de la Trimouille, Vicomte de Touars, sachant
 qu'il estoit prudent, hardy, & heureux en ses entreprinse: en quoy il perseuera, car incō-
 tinent qu'il fut arriué en l'ost des François, deuant Milan, accorda lesdictz deux Lieu-
 tenans, & tous trois ensemble meirent si bon ordre en l'ost & en toute l'armée, que de
 ce aduertie ledict Loys Sforce, s'en fuyt de Milan, avec cent cheualx seulement, en la
 ville de Nouarre, & habandonna toute son armée & Artillerie. Les Lieutenans & ar-
 mée des François suyurent ledict Loys Sforce, & son armée, iusques deuant Nouarre:
 & des ce qu'ilz en approcherent, vn Capitaine des Bourgnignons, sortit de ladicte ville
 luy & ses gens, & se rendirent aux François. Puis furent practiquez les Suisses, qui *L'armée de*
 estoient du party dudit Loys Sforce, iusques au nombre de quatre mil, par le Bailly de *Loys Sforce,*
 Dy-ion: lesquels estoient mal contens, par ce qu'ilz n'auoient esté payez: toutesfois ne *se rendis aux*
 voulurent laisser ledict Loys Sforce, si promptement: & au regard des Lansquenetz, les *François.*
 Suisses du Roy ne les vouloient prendre à mercy. A ceste cause l'armée dudit Loys
 Sforce sortit de la ville, & ledict Loys avec eux, qui se meirent au camp contre les Frā-
 çois: mais ilz se rendirent ausdictz François sans coup frapper, fors ledict Loys Sforce,
 lequel pour euader print l'habit d'un Cordelier, en sorte qu'on ne le pouuoit congnoi-
 stre: toutesfois ledict Seigneur de la Trimouille, aduertie qu'il s'estoit desguisé, trouua
 moyen de faire passer toute l'armée dudit Loys Sforce, soubz la picque, l'un apres l'au-
 tre, ou ledict Loys fut congneu & prins, & amené prisonnier à Lyon. Tous ceux de *La prinse de*
 son armée s'en allerent leurs bagues sauues, & ne demoura aux François que la person- *Loys Sforce.*
 ne dudit Loys & son Artillerie, ce qui fut le Ieudy ou Vendredy deuant Pasques fleu- *L'an mil cinq*
 ries dudit an mil cinq cens: dont le Roy eut nouuelles à Lyon, la vigile de ladicte feste *cens.*
 & en feit faire les feux de ioye, & processions generales en toutes les Eglises Cathedra-
 les de son royaume, pour redre grace à Dieu. Le Cardinal Ascaigne, frere dudit Loys
 Sforce, sceut à Milan la prinse de son frere: & incontinent feit sauuer ses enfans en
 Allemagne: & quant à luy, print fuyte avec six cens cheualx vers Boulongne: mais
 Soncin, Capitaine Venitien, qui estoit frere du Marquis de Mantoue, le rencōtra, & luy
 bailla la fuyte iusques au chasteau de Ryolle, ou il fut prins prisonnier, avec cent mil
 ducatz, sans les bagues, & depuis mis entre les mains des François. Le Cardinal messi-
 re Georges d'Amboise, qui estoit Lieutenant du Roy audict pais, s'en alla de Versé à
 Milan, & au deuant de luy allerent les principaulx de la ville de Milan se soubmettre
 eux, leurs femmes, enfans, & biens, à sa mercy & misericorde: à quoy ilz furent fina-
 blement receuz, moyennant certaines grande somme de deniers.

Comment Loys Sforce fut mené à Lyon, puis mis en la tour de Bourges.

LE quatorziesme iour de May, dudit an mil v. cēs, ledict Loys Sforce fut
 mené de Lyon en la grosse tour de Bourges, ou depuis mourut prisonnier,
 & en son lieu fut mis à Lyō au chasteau de Pierre sise, sōdict frere le Car-
 dinal Ascaigne: & rātoft apres en fut mis hors, & feit enuers le Roy qu'il
 eut le royaume de France pour prison. Le vingtiesme iour de Iuin en-
 suyuant lesdictz Cardinal d'Amboise, & seigneur de la Trimouille, arriuerent à Lyon,
 & avec eux le Seigneur Jehan Jaques & sa femme, ou ilz furent ioyeusement receuz.

L'an prochain apres le Pape Alexandre donna vn Iubilé & permission de leuer vn
 decime pour aller contre les Turcz: Monseigneur Philippes, Archeduc d'Austriche &
 Prince d'Hespaigne, à cause de madame la Princesse sa fēme, fille aînée de Domp Fer-
 rand, Roy d'Arragon & de Donne Ysabel, Roïne de Castille, feit son entrée à Pa-
 ris par la porte sainct Denis, le vingtcinquiesme iour de Nouembre, feste sainte Ca-

LES CRONIQ. ET ANNALES DE FRANCE.

L'Archeduc Philippe, pere de l'Empereur fait son entrée à Paris.
L'an mil c. & vn.
 therine, audiēt an mil cinq cens & vn, & fut recueilly du Preuost des Marchans, & Escheuins, accompagné de notables Bourgeois de Paris, qui allerent au deuant. Hors ladicte porte furent iouez mysteres, & les ruēs renduēs par le commandement du Roy, il seiourna à Paris quelque temps, pendant lequel ledict Archeduc, assista en la court de Parlement, comme Comte de Flandres, Per de France. Au partement de Paris, il alla à Bloys, ou le Roy & la Roïne estoient, qui le reçurent tref-amyablement, & le logerent au chasteau, & eurent ensemble plusieurs familiers & bons propos, & entre autres du mariage de leurs enfans: & ledict Archeduc fait requeste au Roy de faire tenir en la ville de Bruges la residence des marchans François, qui estoient es pais d'iceluy Archeduc, & faire tenir à l'Escluse, & au Damp l'estappe des denrées & marchandises de France, qu'on enuoye par mer ou riuieres esdictz pais, comme au parauant les guerres: & se fendoit sur ce que la commodité desdictz marchans François estoit plus de resider en vn lieu, & que lesdictes villes de Bruges & de l'Escluse sont au Comte de Flādres, soubz la souueraineté, & subiection de la couronne de France: toutesfois le Roy ne voulut octroyer ladicte requeste, sans sçauoir l'aduis de ceux ausquelz le faict pouoit toucher. Et à ces causes, par lettres escrites à Bloys le treiziesme iour de Decembre, manda en Flandres, mesmement ausdictes villes de Bruges & de l'Escluse, & semblablement aux bonnes villes de France, enuoyer à Paris leurs deputez en notable nombre dedans le huyctiesme iour de Feurier ensuyuant, pour communiquer ensemble, & aduiser sur le faict de ladicte requeste. Auquel iour deuers le matin les deputez de Flandres remonstrerent au Roy tous les moyens qu'ilz entendoient pour obtenir ladicte requeste, tendans principalement à fin d'auoir ladicte estappe desdictes marchandises à l'Escluse & Damp. Ausquelz fut ordonné s'assembler ledict iour apres disner, avecques les deputez desdictes villes de France, pour en conferer & conclurre en l'Hostel de la ville de Paris, à quoy ilz vacquerent plusieurs iours: & finalement arresterent qu'un Cheualier, nommé messire Seguin Gētil, Seigneur, de l'Enferneau, député pour le pais de Xaintonge, villes de la Rochelle & de saint Iehan d'Angely, feroit les articles de la conclusion à bailler au Roy pour lesdictes villes de France: car ilz auoient maintenu & euidemment donné à congnoistre qu'il vouldroit mieux au Roy donner grande partie de son royaume qu'octroyer ladicte requeste: parquoy les articles de ladicte conclusion veuz, le Roy ordonna à mōseigneur le Chancelier de Rochefort, faire la respōse pertinente ausdictz deputez de Flandres: & neantmoins enuoya ledict Gentil, Seigneur de l'Enferneau, en Flandres contenter le pais, & pour quelques differens particuliers, qui estoient entre les Flamens & lesdictes villes de la Rochelle, & saint Iehan d'Angely.

L'an mil cinq cens & deux.
Les François reconuerent le Royaume de Cecille.
 L'an mil cinq cens & deux, apres Pasques, le Roy enuoya grosse armée soubz la conduicte du Seigneur d'Aubigny, son Lieutenant general, à Naples, pour recouurer le pais, ce qu'il fait facilement: car Domp Federic, qui auoit vsurpé ledict pais apres le trespas de Ferdinand, Duc de Calabre, son nepueu, se rendit lors qu'il veid n'y pouoir faire resistance, & fut amené en France: ou luy, sa femme, & son filz furent bien traictez par ledict Roy Loys: & au moys d'Octobre ensuyuant, ledict Cardinal d'Amboise, cōme Legat du Pape, fait son entrée à Lyon. Incontinent apres le recouurement du royaume de Cecille, le Roy enuoya partie de son armée cōtre les Turcz, soubz la cōduicte de monseigneur Philippe de Rauastain, qui assiegerent la ville de Magdalain, à la fiance des Venitiens, qui auoient promis aitailler l'armée des François: ce qu'ilz ne firent, mais au cōrraire dōnerent passage à l'armée des Turcz, lesquelz endōmagerēt par ce moyen les François, dont ilz prindrēt xxxij. prisonniers: & pour les recouurer, & payer leur rançon, le Pape donna de grands pardōs & indulgēces: & par la faulte desdictz Venitiens, fut l'armée desdictz François rompuē, & s'en retournerent à leur grosse perte.

L'an mil cinq cens & trois.
 Le xxij. iour de Mars, en l'an mil cinq cens & trois, à cōmencer l'année à l'Annunciation nostre Dame, ledict Archeduc, venāt d'Hespaigne, alla à Lyon, ou il fut bien receu, par ce qu'il auoit charge de faire & traicter paix entre les Roys de France & d'Hespaigne, ce qu'il feit: & fut ladicte paix criée, ledict Roy de France, & la Roïne estans à Lyon le quart iour d'Auril ensuyuant, entre ledict Roy de France: ledict Roy d'Hespaigne, le Roy des Rōmains, & ledict Archeduc, & leurs alliez: & d'illec s'en alla ledict Archeduc à Bourg en Bresse, veoir madame Marguerite, sa sœur, femme de monseigneur Philibert, Duc de Sauoye: laquelle auoit esté en ses ieunes ans fiancée avec le Roy Charles, huietiesme,

Paix entre les Roys de France & d'Hespaigne.

huitiesme, cōme il a esté dict cy dessus: & ledict Archedue, estant audict lieu de Bourg, le Roy d'Espaigne, en venant contre ledict traité de paix qu'il auoit promis & iuré, ^{Les François perdirent Naples.} enuoya grosse armée à Naples, contre les François, soubz la conduicte de Gonsalle Ferrande, qui print la ville de Naples, & conquit le païs, par l'intelligence qu'il auoit au Pape Alexandre, qui ne fut pas sans grande resistēce du seigneur d'Aubigny, & du Duc de Nemours, de la maison d'Armignac: lequel y fut occis en la Baraille: ou se porta trefbien le Seigneur de la Palice, & autant vaillamment que iamais fait homme en guerre: mais par la faulte des Thresoriers, qui desroboient les deniers du Roy, les François furent affamez, & demourerent sans secours: dont maistre Iehan Herouet, Thresorier, qui estoit soubdain monté à gros honneur, & grādes richesses, fut desappointé, & assez mal traité. Le Seigneur de la Trimouille, par le cōmandement du Roy se mit au chemin, pour aller au recouurement dudit païs de Naples, mais il fut si griefuement malade qu'il fut contrainct retourner demy mort.

Comment vn Escolier arracha la sainte Hostie d'entre les mains du Prestre, en la sainte Chappele du Palais, à Paris.

AVmoys d'Aoust mil cinq cens & trois, le iour saint Loys, qui est ^{L'an mil cinq} le vingtcinquiesme, dudit moys, vn ieune Escolier de Paris, nommé ^{ans & trois} Hemon de la Fosse, natif du païs de Vimeu, pres Abbeuille, luy aydant à dire messe en la sainte Chappele du Palais de Paris, auquel ledict iour les quatre Mendiāts ont accoustumé aller en procession, ainsi qu'on auoit cōsacré la sainte Hostie, & que le Prestre la monstroït, ce pauvre fol print furieusement la sainte Hostie entre les mains du Prestre, & en fuyant l'emporta iusques au bout des degrez de ladicte sainte Chappele, ou pressé de grand nombre de gens, qui le suyuoient, la mit en pieces, & la laissa tomber à sēs piedz. Iamais ne euyda euader qu'il ne fust occis sur le lieu par aucuns Gentilz-hommes, qui luy auoient veu commettre le cas: mais vn Conseiller de la Court de Parlement le sauua pour l'heure, à fin qu'il fust plus griefuement puny, & fut mené prisonnier en la Conciergerie dudit Palais. Les pieces de ladicte sainte Hostie furent recueillies, & vn drap d'or estendu sur le paue, avecques grand luminaire, qui tousiours y brusta iusques à ce qu'on eust osté ledict paue, qui fut mis en reliquaire, non sans grande solennité & deuotion, ou les Parisiens se monstrerent fort bons Chrestiens: car on y alloit à grande presse, nudz piedz, plorans & criā. Misericorde. Ce pauvre Hæretique fut ouy par aucuns des Conseillers de ladicte Court, qui ne trouuerent pas grand propos en luy, & penserent qu'il estoit hors du sens: parquoy le feirent visiter par les Medecins, & trouuerent qu'il estoit manyaque, & frappé en vne partie de son entendement: neantmoins par ce qu'il auoit mis furieusement les mains en ladicte sainte Hostie, fut par Arrest condamné à auoir le poing coupé, & à estre bruslé tout vif, au Marché aux pourceaux: & ainsi qu'il sortit de la Chappele de la Conciergerie, ouyt qu'un nommé Charronnel, de l'ordre des Freres Prescheurs l'exhortoit de se retourner à Dieu, & laisser la folle opinion: auquel il feit response en telles parolles, le suis bien marry que ie ne le puis faire: toutefois quand vint à le brusler iamais ne se voulut conuertir.

Enuiron la fin dudit moys d'Aoust, mil cinq cens & trois, le Pape Alexandre sixiesme alla de vie à trespas à Rome: & le trentiesme iour apres, François, Cardinal de Siene, fut esleu Pape, par trentelx Cardinaulx, & nommé Pape Pie, troisieme, & estoit nepueu du Pape Pie, deuxiesme. S'il eust longuement vescu, eust fait plusieurs grands ennuyz aux François: car la auoit commencé, mais il deceda d'une fistule qu'il auoit en la cuyssē, le trentiesme iour apres son election: & enuiron ledict temps les François feirent de gros dommages aux Espaignolz, en la terre de Naples, & s'ilz eussent esté secourus, les en eussent chassés. Apres le trespas dudit Pape Pie, Iulian, qui estoit nepueu du Pape Sixte, le quatre & Cardinaul ^{saint Pierre ad Vincula} & lequel durant le viuant du Roy Loys, vnzieme, auoit esté Legat en France, & feist deliurer des prisons le Cardinal Baluē, fut esleu Pape, & nommé Iulius Secundus: Il estoit natif de Saoune, du païs de Ligurie. Au commencement se monstra bon François: au moyen dequoy le Roy Loys, douzieme, luy remeit entre ses mains, la cité de Boulongne la Grasse, qu'occupoit le Seigneur de Bentiuolle, dont il fut tref grandement ingrat, comme nous verrons.

LES CRONIQUE ET ANNALES DE FRANCE.

L'an mil cinq
cens & iij.
Soudes assie-
gée par les
Françoys.

L'année apres le Roy enuoya grosse armée pour recouurer les Comtez de Roussillon & Perpignan : & fut la ville de Saulces assiegée par les Françoys, ou le Seigneur de Rochepot, fort aymé du Roy, fut occis & s'en retournerent les Françoys sans riens faire : par quelque intelligence qu'aucuns des Capitaines eurent avec les Hespaignolz & certain peu de temps apres furent trefues accordées entre les Roys de France & d'Hespaigne : pendant lesquelles les Hespaignolz, qui estoient à Saulces, s'en allerent secretement à Naples, dont ilz chasserent les Françoys : & furent prins prisonniers le Seigneur d'Aubigny, & le Seigneur d'Alegre, qui furent depuis rendus, moyennant autres prisonniers, que les Françoys auoient prins : & en ladicte année y eut tresgrande cherté de bledz & famine particuliere, es pais de Lyon, & du Dauphiné.

L'an mil cinq
cens & cinq.
Le trespas de
la Duchesse de
Berry.

L'an mil cinq cens & cinq, madame Jehanne de France, Duchesse de Berry, fille du Roy Loys, vnziesme, de laquelle est escrit cy dessus, alla de vie à trespas, au chasteau de Bourges, & fut enterrée en vne Eglise qu'elle auoit fait édifier, & icelle dorée : & pour sa bone & vertueuse vie, est reputée & estimée sainte en Paradis, & come on dict, depuis son trespas Dieu a fait certains miracles en aucunes personnes, qui s'estoient à elle recommandez. Audiect an, & sur la fin d'hyuer, & printemps, ledict Roy Loys douziesme, fut surprins d'une soudaine maladie, si griefue, qu'il fut long temps sans pouuoir parler, & tellement qu'on en attendoit plus la mort que la vie : toutefois, pour la deuotion qu'il auoit au saint Sacrement de l'Autel, ou il mettoit tousiours son principal espoir, retourna en santé : & pour en rendre graces à Dieu, impetra dudiect Pape Julius, pardon de planiere remission, comme an lubilé, & processions qu'il feist expressement faire, par tout son royaume, vers la fin du moys de Iuin, tout ainsi qu'on a accoustumé faire le iour de la feste Dieu. Audiect an mourut Domp Federic de Naples, auquel le Roy auoit fait plusieurs grands biens, & en luy finit la lignée d'Alphons de Arragon, vsurpateur de Naples.

Lubilé en Fra-
nce.

La mort de
Domp Fede-
ric de Naples.

L'an mil cinq
cens & six.

L'an mil cinq cens & six, madame Ysabeau, Royne d'Hespaigne, qui s'estoit tant vertueusement portée en la conqueste de Grenade, contre les Turcz, alla de vie à trespas, pleine de vertus, & bon renom : apres le quel trespas ledict Roy d'Hespaigne espousa la sœur du Comte de Foix : par le moyen duquel mariage y eut quelque traité de paix entre ledictz Roys de France & d'Hespaigne, touchant la Comté de Roussillon, & le royaume de Naples.

*Comment François de Valloys, Duc d'Angoulesme, depuis Roy de France, fiancea
madame Claude, fille du Roy Loys, douziesme*



AN DI CT, an mil cinq cens & six, le iour de l'Ascension nostre Seigneur, monseigneur François de Valloys, Duc d'Angoulesme, seconde personne de la couronne de France, fiancée en la ville de Tours, madame Claude, fille aînée dudiect Roy Loys, & de madame Anne, Duchesse de Bretagne : pour lequel mariage faire furent assemblez les Estatz en ladicte ville de Tours. En ce mesme an, au moys de Septembre, l'Archeduc Philippe mourut en Hespaigne : & ledict Pape Julius, par le secours dudiect Roy Loys, douziesme, gagna Boulougne la grille, qui est terre papalle, contre Jehan de Bentyuolle : & illec deit messe en la principale Eglise, ou il feist plusieurs beaux dons spirituelz aux Seigneurs de France.

La mort de
l'Archeduc
Philippe, pere
de l'Empe-
reur.

L'an mil cinq
cens & sept.

L'an mil cinq cens & sept les Geneuois se reuolterent contre les Françoys, soubz la conduite d'un Taincturier, nommé Paule de Nouis, qu'ilz fetrent leur Duc & Capitaine, & iecterent les Françoys hors de la ville, dont le Roy Loys fut fort desplaisant, & enuoya grosse armée contre icelle ville de Gennes : laquelle assiegée ne peut resister, & fut incontinent prise.

Gènes reuol-
tée, & reprin-
se par les Fr-
çoys.

Lediect Paule de Nouis pour se sauuer se mit sur mer, ou il fut prins d'une naue Gallicane, & amené à Gennes, ou le Roy le feist descapiter. Certain peu de temps apres, en ensuyuant l'appoinctement fait à Cambray entre le Pape, les Roys de France, des Romains, & d'Hespaigne, ledict Roy Loys entreprit faire guerre cōtre les Venitiens, vsurpateurs de plusieurs villos de la Duché de Milan, & d'autres villes appartenans au Pape, & audictz Roys d'Hespaigne, & des Romains : & pour ce faire dressa grosse armée de Françoys, Allemans, & Suisses, laquelle luy mesme mena en Italie, avec toute la Noblesse de France, au printemps de l'an mil cinq cens & neuf : & furent les Venitiens li fiens

si fiers & outrecuidez qu'ilz oserent bien attendre le Roy & son armée, au lieu d'Aignadel : ou le Vendredy dixhuitiesme iour de May dudiect an mil cinq cens & neuf, la baraille fut grande & merueilleuse: car les Venitiens auoient autant ou plus de gens que le Roy : toutefois ilz furent desconfitz, & leur Duc & principal Capitaine, nommé messire Bartholemy d'Aluiane, prins prisonnier, & amené en France, & ne se sauuerent de l'armée des Venitiens, fors ceux qui peurent fuir. Apres ceste glorieuse victoire, obtenue par le Roy, contre les Venitiens, il retira ses villes de Bresse, Bergame, Cremonne, & autres estans des appartenances de la Duché de Milan : & fit rendre au Pape Iulius les villes de Seruie, Rauenne, Imole, Fauence, Forlyue, & autres terres de l'Eglise: & au Roy des Romains les villes de Veronne, Parauie, ou Padoué, & autres lieux: & audict Roy d'Hespaigne, Bronduse & Tarente (toutes lesquelles villes auoient esté vsurpées par lesdictz Venitiens) & de toutes lesdictes choses furent fort ingratz lesdictz Pape & Roys d'Hespaigne, & des Romains, & en venant contre leur foy & serment par eux, ou leur Procureurs, faitz à Cambray, se declairerent demy an apres contre ledict Roys Loys: mesmement ledict Pape Iulius, auquel il auoit tant fait de seruices: car il s'allia des Venitiens, contre iceluy Roy Loys, & luy fit perdre certaines villes de sa Duché, que depuis il retira, mesmement Mutine & Myrandule. Enuiron ledict temps trespassa George, Cardinal d'Amboise, Legat en France : qui fut vn gros & grand dommage: car tant qu'il vescu ledict royaume de France fut bien gouuerné sans grande tailles, empruntz ne subides, iacoit ce que ledict Roy Loys eust eu de grâdes guerres, & obtenu plusieurs grosses & glorieuses victoires es Itales : & au moyen de son trespas, lesdictz Princes & Roys rompirent ladicte alliance de Cambray.

Du Concile de l'Eglise de France, tenu à Tours, sur certains articles, à cause du discord du Pape Iulius, & du Roy Loys.

VOyant ledict Roy Loys que ledict Pape Iulius luy faisoit la guerre en Italie, & taschoit à luy faire perdre Gennes, & la Duché de Milan, voulut bien trouver les moyens honnestes, sans offenser l'Eglise, de l'empescher, & le faire vacquer & veiller à la garde de son parc Ecclesiastique, & non de se occuper à guerre, & effusion de sang. Et pour y aduiser fit assembler tous les Euesques & Prelatz de son royaume, & les plus grands Docteurs de toutes ses Vniuersitez, tant de la faculté de Theologie, que droit Ciuil & Canon, en la ville de Tours, en l'an mil cinq cens & dix, au moys de Septembre, ou ie me trouuay, à l'issue d'une merueilleuse maladie, qu'un moys au parauant s'euaint en tout le royaume de France, tant es villes qu'es champs, & dont peu de gens euaderet qu'ilz ne fussent malades, ou mortz de ladicte maladie, en moins d'un moys : laquelle maladie fut appelée par aucuns bons compaignons la Coqueluche, par ce qu'elle faisoit les gens par la teste, principalement avec une douleur d'estomach, de reims, & de iâbes, & de fièvre folle, qui prenoit & faisoit d'heure en heure, avecques un merueilleux degoust de pain, vin, & viande: ou les purgations nuysoient plus qu'elles ne profitoient, & selon les complexions des personnes, les aucuns estoient moins malades que les autres : & plusieurs gens de bien, & de nom, en allerent de vie à trespas. Or fut faite ladicte assemblée, ou Concile, en ladicte ville de Tours, ou furent mis en deliberation les articles qui s'ensuyuent. Le premier, S'il estoit licite au Pape faire guerre cõtre les Princes temporelz es terres non estans du domaine de l'Eglise: mesmement d'un Prince qui en rien n'a offensé l'Eglise, & ou il n'est question de la cause de la foy, ne des droitz Ecclesiastiques, & sans auoir fait ladicte guerre. L'opinion dudiect Concile fut, que le Pape ne le pouoit, ne deuoit faire. Le second article S'il estoit licite & permis à un Prince, ainsi empesché, en defendant luy & ses terres, pour la tution de ses subiectz, & de ses domaines, non seulement repeller par armes ceste iniure, mais aussi inuader les terres de l'Eglise, possédées par cediect Pape, notoire ennemy de ce Prince, non pas en intention de retenir lesdictes terres, mais à ce que au moyen d'icelles, cediect Pontife ne fust plus si fort ne puissant pour l'offenser, mesmement que par l'ayde de cediect Prince, ledict Pontife auoit recouuert icelles terres, qui auoient esté vsurpées par aucuns Tyrans sur l'Eglise, par plus de cent ans : attendu que par icelles terres ledict Pontife auoit grande faculté d'offenser cediect Prince. L'opinion

LES CRONIQUE ET ANNALES DE FRANCE.

Troisième
article.

Quatrième
article.

Cinquième
article.

Sixième arti-
cicle.

Septième ar-
ticle.

Huitième
article.

La conclusion
du Concile de
Tours.

Concile tenu à
Pise, Milan
& Lyon.

dudict Concile fut, que ledict Prince le pouuoit faire, aux conditions & qualitez con-
tenuës par ledict article. Le tiers, Si par telle inimitié notoire, & agression mani-
feste, iniuste, estoit licite à ce Prince se soubstraire de l'obedience de tel Pontife, attendu
que ce Pontife auoit incité tous les autres Princes & Communitiez, voire essayé à les cō-
traindre d'inuader les terres & domaines de ce Prince, qui auoit meritè guerdon &
beniuolence du siege Apostolique. L'opinion dudict Concile fut, que ledict Prince se
pouuoit soustraire de ladicte obedience, non vniuersellement, mais pour la rution &
deffense de ces choses temporelles. Le quart, Ladicte subtraction ainsi faicte, comme
dict est, qu'il seroit de faire par ce Prince & ses subiectz, mesmement par les Prelatz &
gens d'Eglise, es choses pour lesquelles on doit & à l'on accoustumè d'auoir recours au
siege Apostolique. L'opinion du Concile fut, qu'on garderoit le droit commun & an-
cien, & la Pragmatique Xañction prinse du Concile de Basle. Le cinquième, S'il e-
stoit licite à ce Prince Chrestien deffendre avec armes vn autre Prince à luy confederé,
& duquel il a legitimement prins la deffense, pour les domaines, terres, & choses les-
quelles il possedoit iustemèt de treslong temps, au cas qu'il soit inuadé & assailly de fait
par ce Pontife esdictes terres, domaines & choses, attendu que ceste confederation a
esté faicte du consentemèt de ce Pontife, & qu'il y estoit aussi comprins, comme Chef,
& mesmement quand ce Prince, par luy inuadé, a donné secours à ce Pontife, & à ses
alliez, pour recouurer les terres de l'Eglise, iouxte & selon la forme de ladicte alliance.
L'opinion dudict Concile fut qu'en ces termes ce Prince le pouuoit faire. Le sixième,
Si ce Pontife pretend quelque droit à luy appartenir, pour aucuns droictz qu'il dit estre
de l'Eglise Rommaine, & le Prince au contraire pretend estre mouuans de l'Empire,
& de ce different le Prince vueille s'en soubzmettre à la diffinition d'arbitres, ainsi que
il doit estre faict de droit, si audict cas il est licite au Pontife, pour tel cas, & sans autre
congnoissance de cause, faire guerre à ce Prince: & au cas qu'il le fera, si le Prince y peut
par armes resister, & si les autres Princes le peuuent licitement deffendre de telle op-
pression, mesmement quand ilz sont de son alliance, & que ce pretendu droit n'a esté
possédé puis cent ans par l'Eglise Rommaine. L'opinion dudict Concile fut, qu'il e-
stoit licite ausdictz Princes ainsi le faire. Le septième, Si le Pontife ne veult accepter
tel offre iuridique & honneste, & de faict au contraire, sans garder l'ordre de droit,
donne quelque sentence contre le Prince, qui pretend ne tenir ce droit de l'Eglise, si par
ce Prince, & autres, est à obeyr à ladicte sentence: & mesmement quand ce Prince n'a
seur acces pour aller ou enuoyer vers ce Pontife deffendre ses droictz. L'opinion du-
dict Concile fut, que ce Prince n'estoit tenu obeir à ladicte sentence. Le huitième,
& dernier article, Si semblablement le Pontife iniustement, l'ordre de droit non gar-
dé, reaument & de faict, avec main armée procedant, prononce & publie quelques cen-
sures contre les Princes à luy resistās, & leurs subiectz & alliez, si on y doit obeir: & par
quelz moyens on doit remedier à telz cas. L'opinion du Concile fut, que telle senten-
ce est nulle, & de droit, n'autrement en quelque maniere, que soit, ne peut luer. Et la
cōclusion fut qu'auant proceder aux choses susdictes, le Roy enuoyeroit Ambassadeurs
de la part de l'Eglise Gallicane, vers le Pape Iulius, à ce qu'il se desistast des choses par
luy commencées, & qu'il voulust entendre à paix, concorde, amytie & charité, & à se re-
concilier avec lesdictz Princes, & à ce faire seroit admōesté par fraternelle correction
Euangelique: & s'il ne vouloit à ce ouyr les Ambassadeurs, qu'ilz le sommassent de con-
uoker & celebrer vn Concile, en ensuyuant les decretz du saint & sacré Concile de
Basle: & toutes ces choses ainsi faictes, & sa responce ouye, y seroit pourueu comme le
droict le vouloit. En ensuyuant laquelle conclusion le Roy Loys enuoya Ambassadeurs
vers le Pape Iulius, qui ne les voulut ouyr, n'entendre à faire vn Concile, iagoit ce qu'il
en fust sommé, tant par ledict Roy Loys, que par ledict Roy des Rommains: & à ceste
cause ledict Concile fut conuoké à Pise, à la requeste d'aucuns Cardinaulx & desdictz
Roys, ou furent faictes aucunes sessions: puis fut transporté à Milan, de Milan à Lyon,
par l'Eglise Gallicane, ou furent faictes plusieurs sessions, & en icelles aucuns beaux de-
cretz: toutesfois n'y eut aucune conclusion prinse, au moyen de ce que ledict Pape Ju-
lius mourut vn an & demy apres, ou enuiron.

Après l'assignation dudict Concile, baillée à Pise, le Roy enuoya nouvelle armée à
Milan, soubz la conduicte de Gaston, Comte de Foix, son nepueu, qu'il feist son Lieute-
nant general audict pais, & estoit Duc de Nemours. Ce ieune Prince estoit hardy, pru-
dent,

dent, & auoit bon vouloir de bien & loyaument seruir le Roy, son oncle, comme il monstra tresbien: car des le commencement, en voulant monstrier au Pape Iulius son ingratitude, meit hors ses Capitaines de la cité de Boulongne: laquelle il meit entre les mains du Roy. Le Pape d'autre part gaigna les Suisses, qui feirent donner quelque assaut aux François, qui estoient, en la ville de Milan: qui faillirent, & furent leurs ennemys chassez, mais non sans perte d'aucunes gens de bien de France: & entre autres de messire Guillaume de Bissipat, Cheualier, Seigneur de Hanaches, & Vicomte de Falaise, l'un des cent Gentilz-hommes de l'hostel du Roy, qui fut vaillamment occis: dont fut gros dommage: car c'estoit vn Cheualier aussi bien accomply qu'il fut onc, fust en art militaire, ou eloquence Grecque, Latine & vulgaire, & qui composoit en aussi bon stil qu'il en fut iamais, oultre l'art de Musique, de bien chanter & dire de tous instrumens: duquel maistre Guillaume Cretin, Orateur de grande renommée, a fait les regretz & Epitaphes. Audi&t temps les habitans & citadins des villes de Bresse & Bergame se reuolterent contre les François, & retournerent à l'obeissance des Venitiens: dont mal leur en print: car les chasteaux tousiours estoient en l'obeissance des François. Ledit Duc de Nemours assiegea Bresse: & durant le siege fait sommer ceux de dedans de se rendre au Roy, ce qu'ilz ne voulurent faire: mais, comme obstinez se meirent en deffense à leur grande confusion: car leur ville fut prinse & pillée par les François, qui s'enrichirent grandement de ce pillage: par ce que Bresse estoit l'une de riches villes d'Italie, d'or, d'argent, de veloux, foyes, & autres meubles precieux: & incontinent apres ladicte ville de Bergame fut aussi reduite & remise en l'obeissance du Roy, avec autres villes qui s'estoient semblablement reuoltées contre luy.

*Boulongne
prinse contre
le Pape.*

*L'armée du
Pape deuant
Milan.*

*Bresse prinse
& pillée par
les François.*

Comment les Hespaignolz, & leurs alliez, furent desconfitz par les François, à Rauenne, ou fut occis le Duc de Nemours, Lieutenant pour le Roy.

AV temps de Carefme ensuyuant, qu'on disoit l'an mil cinq cens & douze, l'armée du Pape, assemblée à celle des Hespaignolz & Venitiens queroient les moyens de rencontrer les François au despourueu, & les chasser d'Italie: & de l'autre part les François, soubz le hardy & vaillant Duc de Nemours, se tenoient sur leurs gardes, & ne demandoient que donner sur leurs ennemys. Et apres s'estre approchez se rencontrerent le jour de Pasques, pres de Rauenne, avecques leurs armées bien rengées & ordonnées, & fut la bataille cruelle, aspre & longue, autant qu'il en fut oncques: car de routes pars y auoit d'aussi hardis & vaillans gens d'armes & Capitaines, qu'il estoit possible en trouuer, & fut grande pitié de veoir la cruelle & piteuse occision, tant de noz gens, que des aduersaires: dont toutefois la victoire demoura aux hardis François, par la sage & prudente conduite dudit Duc de Nemours, & des Seigneurs de la Palice, d'Alegre, & son filz, du Seigneur de Chastillon, du Seigneur Iehan laques, & autres bien renommez Capitaines, & mesme de Loys d'Ast, Berruyer, Capitaine prudent, hardy & de grande estime. Plusieurs Seigneurs & bons Capitaines des aduersaires furent occis, & les autres prins prisonniers: & mesmement furent prins Pietre de Nauarre, tenât le party du Pape, Francisque Coulombe, Perre de Nauarradon, Iehan de Cardonne, le Marquis de Pesquiere, Pomare, Espinose, Castanago, Iehan Anthoine Vosmo, le Comte de Montelon, le Marquis de Betonde, le Marquis de l'Estelle, & le filz du Côte de Coufège. Le Duc du Trait estoit avecques eux, mais on ne sceut qu'il deuint. Le Viceroy fut sauué au fuyr, & s'en alla par mer à Naples. Le Marquis de la Padulle & le Comte de Popule trouuerent subtile maniere d'eschaper & eux sauuer, avecques vnze ou douze cens, tant d'hommes d'armes que cheuaulx legiers, & avec mil cinq cens hommes de pied, qui fut le reste de leur armée, ou ilz estoient plus de trente mil hommes. Le Duc de Nemours, plein de cœur, qui desiroit du tout mettre à sac l'armée des aduersaires, se meit apres ceux qui fuyoient avec petite compaignie d'aucuns hardis hommes de France, qui ne le voulurent laisser seul, dont mal leur en print: car voyans leurs aduersaires que ces François estoient en petit nombre, leur feirent passage: puis les encloirent, & fut la meslée grande: & tellement que le hardy Duc de Nemours y fut occis, & semblablement le Seigneur d'Alegre & son filz, le Seigneur de Mont-Caurel, le Lieutenât du Seigneur d'Hymbercourt, le Capitaine Molart, le Capitaine Iacob, vn Capitaine Allemand, nommé Philippe.

*Bataille de
Rauenne.*

*Prisonniers
de la part des
aduersaires.*

*Le Duc de Ne-
mours occis.*

LES CRONIQ. ET ANNALES DE FRANCE.

Le surplus de l'armée de France les fut secourir : mais ce fut bien tard pour eux : toutes-
fois se porterent si vaillamment sur la fin, qu'ilz vengerent la glorieuse mort de ces no-
bles Seigneurs & Capitaines : car ilz ne retournerent du Camp que tous les ennemys
ne fussent mortz & occis. Ledit Duc de Nemours & autres susdictz firent ceste course
oultre & contre le conseil des anciens Capitaines, qui se contentoient d'avoir eu le
champ & victoire de ceste journée, qui estoit grande. Apres ceste furieuse Bataille les
Françoys allerent assieger la ville & cité de Rauenne (qui est la terre du Pape) laquel-
le ilz prindrent d'assault, & la pillerent : quoy que soit en partie. Puis fut le corps dudit
Duc de Nemours, Comte de Foix, & des autres Seigneurs Françoys occis, apportez
en la ville de Milan, & enterrez le xxvj. iour d'Auril, l'an mil cinq cens treize. Il y eut
gros triumphe à l'enterrement dudit Duc : & furent menez deuant son corps tous les
prisonniers, & toutes les bannieres des aduersaires portées desployées, en signe de triū-
phe. Le pape Iulius, homme de grande vindication, & plus martial que divin, voyant
ceste desconfiture, enuoya gaigner par secretz Ambassadeurs, les Suisses, le Roy des
Romains, & le Roy d'Angleterre : & par eux fait assaillir le Roy Loys, & son royaume
en plusieurs parties : & touchant les Itales, les Françoys laisserent Milan, & les au-
tres villes, par ce qu'ilz n'auoient plus de Chef, & auoient perdu la plus grande part de
leurs bons Capitaines, & aussi des gens d'armes, tant de pied que de cheual : toutesfois
les chasteaux de Milan, de Bresse, & autres, demourerent tousiours entre les mains des
Capitaines Françoys, qui les garderent iusques à ce que le Roy eut dressé plus grosse ar-
mée, & furent les Suisses & Hespaignolz maistres pour vn peu de partie des Itales, sauf
desdictz chasteaux. De l'autre part le Roy d'Hespaigne, pretendan sans droit, le roy-
aume de Nauarre luy appartenir, print Pampelune, & partie dudit royaume de Nauar-
re : ou le Roy Loys enuoya grosse armée, soubz la conduicte de Frâçoys, seigneur de Du-
nois, Duc de Longueuille, son Lieutenant general, & Gouverneur de Guyenne : & fut
l'armée iusques à S. Iehan Piedeporc, dont il retourna sans grâde gloire. Enuiron lequel
temps ledit Pape Iulius alla de vie à trespas : duquel on fait l'Epigramme qui s'ensuyt.

La prise de
Rauenne.
L'an mil cinq
cens treize.

Les Françoys
laissent Mi-
lan, & les
Itales.

Guerre à Na-
uarre, &
prise de Pam-
pelune.

La mort du
Pape Iulius.

*Genua cui patrem, genitricem Gracia, partum
Pontus & unda dedit, num bonus esse potest?
Fallaces Ligures, & mendax Gracia, ponto
Nulla fides : in te singula solus habes.*

Comment les Anglois descendirent en France, & de la desconfiture sur la mer desdictz Anglois.

Leon dixiesme
Pape.

Le Roy Henry
d'Angleterre
à Calais.

Le Roy d'Escof-
se occis par les
Anglois.
Armée de
mer.

La deffaitte
du nauiere no-
mé la Regente
sur la mer à
Brest, & de la



APRES le trespas dudit Iulius, qui tint le siege dix ans, ou enuiron,
Leon, dixiesme de ce nom, fut Pape. Il estoit natif de Florence, de la
lignée de ceux de Medicis, filz de Laurens, qui estoit filz de Cosme
de Medicis. Il se monstra du commencement assez bon Françoys,
mais non à la fin. Or estoit le Roy occupé à la guerre de Nauarre, &
son armée arrestée en Guyenne. Henry Roy d'Angleterre, huietief-
me de ce nō, assuré du secours du Roy des Romains, & des Fla-
mens, Hannuyers & Brabançons, descendit avecques grosse armée à Calais : dont il re-
tourna par cōtraincte en son pais, au moyen de l'armée du Roy d'Escoffe, qui y estoit de-
scendue : & fut la guerre grande entre les Anglois & Escossois, & iusques à entrepren-
dre journée, ou la bataille fut grande, & gaignée par les Escossois : toutesfois leur Roy y
fut occis, qui donna rompture à poursuuyir leur entreprinse, & s'en retournerēt en leurs
pais. Ce pendant fut traitée & faite paix finale entre ledit Roy Loys douziesme &
les Venitiens : dont furent faitz les feux de ioye à Paris & ailleurs, & nons sans cause :
car ledit Roy Loys auoit tous les Princes ses voyfins contre luy. Ledit Roy Henry
d'Angleterre dressa armée par mer & par terre, pour venir en France, & enuoya vne
armée iusques en Guyenne, dont elle retourna sans rien faire : aussi dressa vne armée
par mer, qui alla iusques en Bretagne : & entre autres nauires d'Angleterre y estoit la
Regente, que menoit l'Admiral dudit pais : laquelle fut assaillie & acrochée à Brest,
par

par la nef de la Royne de France, Duchesse de Bretagne, qu'on nommoit la Cordeliere, de laquelle estoit Capitaine Primoguet, homme prudent & hardy. A cest acrochement & approche furent plusieurs pieces d'Artillerie deschargées: puis vindrent à ancrer & ioindre l'un à l'autre, ou la baterie fut grande: mais quelqu'un de la Cordeliere, qui estoit en la Hune, iecta & meit le feu dedans la Regente, qui se print aux poudres & salpestres, non seulement de ladicte Regente, mais aussi de la Cordeliere, ou furent ceux de dedas presque tous bruslez ou noyez, & entre autres ledict Admiral d'Angleterre: & au regard dudit Primoguet, se iecta en l'eau pour se sauuer: mais son har-noys le fit noyer, qui fut gros dommage. Ces deux belles nefz furent bruslées & perduës: les autres s'en fuyrent hault la voile, ce qui aduint le iour & feste de saint Laurens, l'an mil cinq cens & treize. La grand' nef de France suyuit les Anglois, & alla sur la coste d'Angleterre, ou les François pillerent certains villages. Ledit Roy Henry d'Angleterre retourna à Calais, & enuoya son armée en Picardie, au deuant de laquelle alla le Roy avec grosse armée: mais d'une autre part les Suisses, qui s'estoient declairez ennemys du Roy & du royaume de France, sans aucune querelle, s'en allerent en Bourgongne, au commencement de Decembre dudit an mil cinq cens & treize, & assiegerent Dy-ion, ou estoit messire Loys, Seigneur de la Trimouille, Viconte de Touars, & Gouverneur dudit pais de Bourgongne, lequel fut bien esbahy: car il se voyoit mal accompagné, & le royaume affoibly & assailly de toutes pars: parquoy consideroit que si lesdictz Suisses prenoient Dy-ion (ce qu'ilz pouoient facilement faire) ilz entreroient facilement par toutes les villes du royaume de France: lesquelles estoient toutes esbahies & effrayées de tant d'ennemys: si trouua moyen de pacifier lesdictz Suisses, qui demandoient certain grand nombre d'or & d'argent, qu'ilz disoient leur auoir esté promis par ledict Roy Loys, à la prinse de Milan, & de Loys Sforce, come dict est: & pour les contenter leur bailla pour ostage de ce qu'il leur promettoit, son propre nepueu le Seigneur de Mezieres, lequel estoit Cheualier moult prudent & hardy: & moyennant ce s'en retournerent lesdictz Suisses en leurs pais: dont le Roy Loys & la Royne, son espouse, furent de prime face mal contents dudit Seigneur de la Trimouille, mais ilz congnerent bien tost apres que ledict Seigneur auoit fait au Roy & à la Royne le plus grand seruice & profit qu'on eust lors peu faire: car si lesdictz Suisses eussent prins Dy-ion, (ce qui leur estoit lors facile à faire) ilz eussent en deux moys pillé tout le royaume, veuë la perplexité ou il estoit, & la crainte qu'auoient les habitans des villes, voire si grande qu'on disoit bien que c'estoit punition diuine, & depuis ledict Roy Loys contenta lesdictz Suisses, & deliura ledict Seigneur de Mezieres. Lesdictz Anglois assiegerent Therouenne, & iouerent un merueilleux tour aux François: car un iour vne petite compaignie d'Anglois se meit aux champs, apres lesquels se meirent aucuns François, & en trop petit nombre: toutesfois il y en auoit des plus hardys de l'armée du Roy de France: & voyans que par fuyte auoient perdu de veuë les Anglois, se meirent au repos sur les champs, ou incontinent furent surprins & trouuez en desordre par les Anglois, lesquels prindrent plusieurs François prisonniers: sçauoir est ceux qui ne se tournerent en fuyte, & le surplus se sauua à la fuyte, dont ilz furent desprizez: & pour ceste fuyte on appela ceste rencontre la iournée des Esperons. Le Duc de Longueuille, frere du Seigneur de Dunois, fut prins entre autres à ladicte rencontre, & fut mené en Angleterre: qui fut cause dont il eut paix traitée, ainsi que verrons cy apres. Ceux qui estoient dedans Therouenne, attendant secours, tindrent tant qu'ilz peurent contre les Anglois, & l'Empereur Maximilian, & à la fin leur rendirent la ville par composition, telle que ceux qui vouldroient s'en iroient leurs bagues sauues, & que les Anglois ne pilleroient les citoyens: mais ilz feirent le contraire: car ilz abbatirent les murailles de ladicte ville, & pillerent la plupart des habitans: puis s'en allerent les Anglois deuant la ville de Tournay, laquelle ilz prindrent semblablement par composition, & sans grande resistance. Apres tous ces grands affaires audit Roy Loys suruenus, pour le cöble de son infortune, madame Anne son espouse alla de vie à trespas, au chasteau de Bloys, & fut son corps porté & enterré à saint Denis en France treshonorablement. Ce fut vne moult bone Royne, accomplie de la plupart des vertus que pourroit auoir louable Dame: & à ceste raison fut tresfort plorée & regrettée, non seulement par les Bretons, mais de tous les Princes & gens de France. La maladie print à ladicte Royne le deuxiesme iour de Ianuier dudit an, mil cinq cens & treize, & le neuuesme iour

nef qu'on nommoit la Cordeliere.

L'an mil cinq cens & treize

Les Suisses assiegerent Dy-ion.

Therouenne assiegée.

La iournée des esperons.

Therouenne prinse par les Anglois.

Tournay, prins par les Anglois.

LES CRONICQ. ET ANNALES DE FRANCE.

dudiſt moys trespasſa. Dieu vueille auoir ſon ame, elle laiſſa deux filles: Claude, mariée au Roy François, & Renée au Duc de Ferrare.

Comment le Roy Loys, douzième, fut marié en ſecondes nopces à Madame Marie d'Angleterre.

A Vdiſt temps eſtoit en la court dudiſt Roy Loys le Duc de Suffort, qui diſoit le royaume d'Angleterre luy appartenir, à cauſe de Richard, que Henry, ſeptième, pere dudiſt Henry, huitième, priua dudiſt royaume, comme il a eſté dit deſſus au commencement du regne du Roy Charles, huitième: & pour recouurer iceluy royaume lediſt Roy Loys bailla & ſouldoya audiſt Duc de Suffort douze mil Lanſquenetz, qui furent en Normâdie avec lediſt Duc le iour de Paſques, de ſan mil cinq cens quatorze: toutesſois ladiſte entreprinſe ne ſortit eſſect, par ce que par le moyen du Duc de Longueville, qui eſtoit priſonier en Angleterre, fut faiſte paix entre lediſt Roy Loys & lediſt Roy Henry d'Angleterre: par laquelle paix madame Marie, ſœur dudiſt Roy Henry, fut promiſe & accordée audiſt Roy Loys: & fut ladiſte paix criée en la ville de Paris, le ſeizième iour d'Aouſt, audiſt an mil cinq cens quatorze. Le dixhuitième iour du moys de May precedent monſeigneur François, Duc d'Angoulême & de Valloys, eſpouſa madame Claude, fille aiſnée dudiſt Roy Loys, en la Chapelle du Chateau de S. Germain en Laye, pres Paris. Madame Marie fut amenée en France bien toſt apres ladiſte paix proclamée, & entra à Abbeville le Dimenche huitième iour d'Octobre audiſt an mil cinq cens quatorze: & au deuant d'elle, à demie lieuë de ladiſte ville, lediſt Roy Loys ſe trouua, accompagné de mil cinq cens hommes à cheual, des plus grands & triumphans de ſa court, ſaignans aller volder au champs: & la Dame rencontrée la baiſa, & luy deit cinq ou ſix gracieuſes parolles, de bon recueil: puis elle ſ'en alla faire ſon entrée en ladiſte ville, qui fut vne choſe triumphante, & le Roy ſ'en alla d'un autre coſté. Le lendemain le Roy eſpouſa ladiſte Dame, qui eſtoit belle, & gracieuſe en parolles: & apres auoir ſeiourné aucuns iours avec elle en ladiſte ville, ſ'en allerent enſemble à ſainct Denis en France, ou le Roy la laiſſa, & ſ'en alla à Paris: & le Lundy enſuyuant ſixième iour de Novembre audiſt an mil cinq cens quatorze, madame Marie d'Angleterre, Roïne de France, ſe fit ſon entrée, cōme Roïne, à Paris, en gros triumphe. Iouſtes & tournois y furent faiſtz, qui durerent plus d'un moys, ou les Seigneurs & Princes de Frâce, & aucuns Seigneurs d'Angleterre monſtrerent aſſez bien ce qu'ilz ſçauoient faire, pour acquerir honneur & la grace des Dames. Peu dura ceſte tant grande lyeſſe & ioye, car à la fin du moys de Decembre enſuyuant dudiſt an mil cinq cens quatorze, lediſt Roy Loys fut malade d'une maladie de laquelle il alla de vie à trespas, le premier iour de Ianuier enſuyuant, apres qu'il eut regné dixſept ans, en l'age de cinquante & cinq ans, & laiſſa deux filles: madame Claude, femme eſpouſée de monſeigneur François, Duc de Valloys & d'Angoulême, & madame Renée. Lediſt monſeigneur François fut Roy apres ſon beau pere, par ce qu'il eſtoit le plus prochain de la lignée de ceux de Valloys en ligne colateralle, car la directe eſtoit faillie au Roy Charles huitième. Et pour l'entendre, en repetant ce qui a eſté diſt deſſus, au commencement du regne dudiſt Roy Loys, douzième, le Roy Charles, cinquième eut deux enfans: ſçauoir eſt Charles ſixième, duquel vint Charles ſeptième, pere de Loys douzième, qui engendra lediſt Charles huitième, auquel faillit la ligne directe de ceux de Valloys: l'autre filz dudiſt Charles, cinquième, fut Loys, Duc d'Orléans, qui eut trois filz, Charles, qui fut Duc d'Orléans apres luy, pere dudiſt Roy Loys douzième, Iehan, qui fut Comte d'Angoulême, & Philippe, Comte de Vertus: lediſt Iehan, Côte d'Angoulême, fut Prince de ſaincte vie, à la requête duquel Dieu faiſt à preſent pluſieurs miracles, en l'Egliſe d'Angoulême, ou ſon corps repoſe, & de luy vint Charles ſon filz, & dudiſt Charles lediſt François, & madame Marguerite ſa ſœur, à preſent Roïne de Nauarre, & leur mere fut madame Loïſe de Sauoye. Lediſt Roy Loys, apres ſon trespas, fut honnorablement enterré à ſainct Denis en France, en moult grand triumphe, & honneur.

*L'an mil cinq
cens quatorze*

*Entrée de
madame
Marie d'An-
gleterre, à
Paris.*

*Le trespas du
Roy Loys xij.*

*La genealogie
de François,
Roy de Fran-
ce, premier de
ce nom.*

Fin des faiſtz du Roy Loys, douzième du nom.

Du Roy

Du Roy François, premier du nom.



PAR ce que le feu Roy Loys, douziésme de ce nom, mourut sans hoit masle de son mariage, monseigneur François, Duc de Valloys & d'Angoulesme, qui estoit le plus proche en ligne colaterale & masculine, capable de succeder à la couronne (comme nous auons veu cy dessus à la fin du chapitre precedent) fut sacré Roy de France en l'Eglise de Reims, presens les deputez, representans les douze Pers de France, à la maniere des autres Roys, le vingtcinquiésme iour de Ianuier, l'an mil cinq cens quatorze. Puis en passant par aucunes villes, ou fait son entrée, s'en alla prendre la couronne & rendre graces à Dieu & monseigneur saint Denis, Patron des Roys François. De saint Denis alla faire son entrée en la ville & cité de Paris, qui est capitale ville & cité de son royaume, ou il fut

Le Sacre du Roy François, premier du nom.

L'an mil cinq cens quatorze

receu triumpamment, & y eut ioustes & tournois en la rue saint Anthoine, ou il se porta hardy & vaillant. C'estoit le Roy & Prince aussi bien nay & qualifié de bonnes & louables coplexions & influéces qu'il en fut onc, tant en formosité corporelle, eloquence, force, hardiesse, qu'autres vertus, desquelles les Princes & Roys doyuent estre decorez. Le Roy se tint à Paris iusques apres la feste de Pasques, pendant lequel temps y furent faictes plusieurs choses: & mesmement fut traité l'appoinctement d'entre le Roy & l'Archeduc, moyennant ce que madame Renée, sœur de la Roine, fut accordée, & promise en mariage audict Archeduc, par Ambassades d'iceluy Archeduc: entre lequelz estoit le Comte de Nansau: lequel fut aussi accordé, & depuis espousé, avec la fille du Prince d'Orange. Audict an le seigneur de Bourbon fut fait Connestable de France: & la Roine blanche, Marie, veufue du feu Roy Loys, douziésme, fut mariée en secondes nopces avec vn Seigneur d'Angleterre, grand amy du Roy d'Angleterre, & auquel, combien qu'il ne fust extrait de noble race, il auoit donné la Duché de Suffort, de laquelle Duché vn autre Prince dudit pais se disoit & nommoit Duc, & pretendoit le royaume d'Angleterre luy appartenir; comme nous auons veu cy dessus: & emmena ledict Seigneur ladicte madame Marie en Angleterre: & apres toutes ces choses le Roy enuoya querir Pietre de Navarre, qui estoit prisonnier à Loches, auquel apres plusieurs grands dons, il bailla charge de gens d'armes.

La Roine Marie espousée avecques le Duc de Suffort.

Le premier iour de May ensuyuant, l'an mil cinq cens & quinze, le Roy, la Roine, Madame, mere du Roy, & toute la Seigneurie, partirent de Paris, & s'en allerent à Amboise par Egreville, Montargis, Bloys, & autres petites villes. Tantost apres le Roy, & la Seigneurie estans à Amboise, le Duc de Lorraine espousa audict lieu la sœur dudit Seigneur de Bourbon, Connestable de France, ou il y eut grosse & triumpante feste.

L'an mil cinq cens quinze.

Comment le Roy se partit de France, pour aller conquerir la Duché de Milan.

EN ce mesme temps le Roy delibera recourir sa Duché de Milan, à luy appartenant à cause de la Roine son espouse, & de faire la guerre aux Suisses, qui estoient venus courir iusques pres de Briançon au Daulphiné, & auoient bruslé vn village pres du chasteau Daulphin: & pour ce faire dressa grosse armée, qu'il fait rendre à Lyon, ou il se trouua: & en y allant fait ses entrées es villes de Bourges & Moulins, ou il fut honnorablement receu: & le suyoient tousiours madame sa mere, & la Roine, & autres Dames. Apres que le Roy eut fait son entrée à Lyon, ordonna de ses affaires pour la guerre qu'il auoit deliberé faire de là les montz, & y aller en personne: & apres auoir fait passer son armée, & mis ordre à son royaume (ou il laissa Regente Madame sa mere, Duchesse d'Anjou & du Maine) s'en alla faire son entrée en la ville de Grenoble, ou il fut quelque temps pour laisser passer son armée: pendant lequel temps mourut le filz de Federic, qui se disoit Roy de Naples, qui ia commençoit à suyuir les armes, & donnoit vn bon espoir à ceux qui

La mere du Roy, Regente en France.

LES CRONIQ. ET ANNALES DE FRANCE.

le congnoissoient qu'il feroit quelque gros fruit s'il eust vescu. Au departir de Grenoble, pour passer les montz, le Roy print son chemin par nostre Dame d'Ambrun, non obstant que la pluspart de l'armée allast par le bourg Duyssault: d'Ambrun le Roy alla à Guellestre, & à S. Paul: puis passa avec son armée par vn chemin qu'on disoit estre impossible de passer, ou les gens de pied, & autres, eurent moult de peine & misere, & fut partie de l'Artillerie desmontée pour passer par ledict chemin. Les ennemys ne se doubtoient, & iamais n'eussent pensé que le Roy eust prins ce chemin, ne qu'il fust si pres d'eux: car Prospere Coulonne, du pais de Rommanie, qui auoit esté enuoyé par le Pape Leon, avecques quinze cens hommes à cheual, bien armez & equipez, pour secourir Maximilian, filz de feu Loys Sforce, qui tenoit Milan, s'en alla rasfrachir avec sa compaignie à ville Franche, qui est vne petite ville du pais de Piemont, ou ilz furent surprins, ainsi qu'ilz vouloient disner, par le Seigneur d'Hymbercourt, qui entra en ladicte ville avecques sa compaignie: apres qu'ilz eurent tué les portiers qui gardoient la porte: & commencerent à crier par les ruës de ladicte ville, France, France, & allerent au logis dudit Prospere Coulonne, ou ilz trouuerent grande resistance: & ainsi qu'ilz se batoient, le Marechal de la Palice, le Seigneur d'Aubigny, & autres François, arriuerent au secours: & apres auoir tué plusieurs des ennemys, prindrent ledict Prospere Coulonne, & pillerent tout leur bagage. Mesmement emmenerent plusieurs beaux cheuaux qu'ilz trouuerent par les estables: & fut ledict Prospere présenté au Roy, qui l'enuoya en France, soubz bonne & seure garde. Les Suisses, qui estoient à Suze, à Villanne, & à Imole, pour garder les passages, sçeurēt les nouuelles de la prise de Prospere Coulonne, dont furent tresfort esbahys: & incontinent començerent à marcher à grande diligence vers Milan. Les François, qui les suyuoient de pres, vindrent iusques à Thurin, ou le Duc de Sauoye receut le Roy à grand' triumphes, & le mena avec luy, par ce qu'ilz estoient prochains parens. Les Suisses alloient iour & nuict, & passerent la riuere du Pau (qui est grande) sans bateau, avec pontz faitz de cordes, sur lesquels ilz passerent l'Artillerie, & allerent à Chinox: qui est vne petite ville, appartenante audit Duc de Sauoye: laquelle ilz pillerent en partie, & occirent plusieurs des habitans, en haine de ce qu'ilz leur auoient refusé le passage & bailler viures: mais ce ne fut sans la perte d'aucuns Suisses, lesquels y furent semblablement occis. Le Seigneur de Prie, accompagné des Geneuois, se meit à chemin pour se rendre à l'armée du Roy, & en y allant passa par la ville d'Alexandrie qu'il pillā, cōme bien l'auoit meritē, pour les grands trahysōs & ennuys que ceux de ladicte ville auoient au parauant faitz aux François. Les Suisses, qui marchoiēt (comme il sembloit) deuers Yurée, s'en allerent à Nouarre, & le Roy, qui les suyuoit, s'en alla à Versé: qui est vne petite ville, en laquelle furent parolles de traicter paix entre le Roy & les Suisses: & à ce faire fut commis monseigneur le Bastard de Sauoye, le Seigneur de Lautrec, & autres. Ce neantmoins le Roy faisoit tousiours marcher son armée apres lesdictz Suisses, qui estoient partis de Nouarre, & s'en alloient vers Milan. Ce pendant vint renfort au Roy d'une grande compaignie d'Allemands, qu'on appelloit la bande noire, fort bien acoustree. Le Roy feit marcher son armée vers Nouarre, qui fut assiegée par Pierre de Nauarre, & incontinent renduë par ceux de dedans. En ce temps là Royne acoucha d'une fille à Amboise, laquelle fut nommée Loyse.

*La prise de
Prospere Cou-
lonne.*

*Les François
dedans Nou-
arre.*

*Comment les Suisses, qui auoient faulx leur foy au Roy, furent
tous mis à sac, pres sainte Brigide.*



Es François partirent de Nouarre, qui ne fut pillée par le commandement du Roy, & s'en allerent à Bufferolle. Ce pēdant le Roy eut nouuelles qu'entre luy & les Suisses l'appoinctemēt auoit esté fait, conclud & accordé, moyennant certaine grosse somme de deniers, qu'il feist deliurer pour leur enuoyer par le Seigneur de Lautrec, qui en eut la charge: & comme on leur portoit ledict argent, les Suisses furent preschez par le Cardinal de Syon, qui tenoit le party dudit Maximilian, & persuadē par ledict Maximilian, & les Citoyēs de Milan, en sorte que contre leur foy & promesse qu'ilz auoient donnée & faicte aux gens du Roy, avecques de l'ambition qu'ilz auoient de dominer sur les Roys & Princes (comme ilz s'atendoient

DV ROY FRANCOYS, PREMIER DV NOM. f.cxxxviij.

doient bien par le moyen de ceste guerre) delibérerent de surprendre le Roy & son armée, ce pendant qu'on leur portoit ce qui leur auoit esté promis . Le Roy fut aduertý de ceste trahýson, à l'heure qu'il pensoit que les Suisses comptassent leur argent, & sceut à la verité qu'ilz estoient ia pres de luy , pour luy liurer la bataille , dont il ne s'estonna : & iacoit ce qu'il fust ieune , & en l'age de dixneuf ou vingt ans seulement , se delibera de les attendre , & d'estre le premier à ce labeur & au dangier, dont il ne s'espargna : & ledict iour (qui fut le quatorzième iour de Septembre audict an mil cinq cens & quinze) enuiron trois ou quatre heures apres midy, les Suisses, accompagnez des Milanois, vindrét frapper sur l'armée des François : lesquelz ne s'esbahyrét, fors aucuns qui tournerent le doz, en petit nombre . Les Aduenturiers de France, se porterent tresbien, & supplierent le deffault des Allemans de la bande noire, qui auoient tourné le doz, pensans que le Roy eust intelligence avec les Suisses, & qu'on les voulsist deffaire : lesquelz incontinent apres, aduertis de la verité, se meirent à frapper sur les Suisses , desquelz les Aduenturiers François , qui n'estoient que deux mil ou enuiron, auoient deffait vne bande de quatre mil Suisses . Les autres bandes se meirent à frapper sur la Bataille , ou estoit le Roy, & s'attédoient bien de mettre en des-arroy les François , côme ilz auoient fait à Nouarre, l'an mil cinq cens treize: mais l'Artillerie besongna si bien, avec les hommes , que les Suisses ne furent pas les plus fors : & dura la baterie & le combat iusques apres iour couché (par ce qu'il y auoit pleine & clere Lune) ou il y eut grande tuerie : car ilz estoient tant encharnez les vns sur les autres, que iamais ne se departirent tant qu'ilz se peurent cõgnoistre. Voire & si entrerent és champs l'un de l'autre : & pour abuser les François , les Suisses en ceste obscurité de la nuit crioient France , France : & neantmoins tuoient les François . Le Roy ne perdit iamais son Artillerie : & si alloit de lieu en autre donnant tousiours courage à ses gens , en sorte que sans luy & sa presence, les François estoient en grand dangier d'auoir du pire . Ceste nuit luy fut dure à passer: car il ne coucha ne dormit ailleurs que sur le tymon d'une charrette , tout armé , & ne cuida oncques trouuer d'eauë pour boire , par ce que les ruyseaux , qui estoient autour dudit lieu , auoient perdu leur couleur naturelle , & estoient tous rouges du sang des occis : & au moyen de la grãde chaleur du soleil, la poussiere auoit esté si grãde que souvent on ne voyoit l'un l'autre . Le lendemain bien matin les Suisses encharnez sur les François, retournerent hardiement au Cãp sainte Brigide, donner sur noz gens, mais ilz furent reculez, & fort endommagez par l'Artillerie, qui feit merueilles de bien tirer soubz la conduicte du Seneschal d'Armignac, Maistre de l'Artillerie, ou il acquist gros honneur . Et de l'autre part les François, se voyans les plus fors , augmentèrent leurs courages, & occirent grand nombre desdictz Suisses : lesquelz, voyans leur perte & des-arroy, tournerent le doz , & s'en fuyrent vers Milan , & n'eust esté la poussiere iamais il n'en fust retourné cent : toutesfois il en demoura de quinze à seize mille , tant au camp que par les chemins , en fuyãt vers Cosme & Milan , lesquelz ne moururét sans en tuer d'autres des nostres . Les Venitiens vindrent au secours soubz la conduicte de messire Bartholemy d'Aluiane, & aussi le filz du Comte de Petillane, qui dõnerent sur la queue desdictz Suisses , & autres gens qui estoient venus avecques eux : car ilz estoient sortis de la ville de Milan trente & six mil combatans tant à pied qu'à cheual. Plusieurs Princes de France & d'ailleurs, tenans le party du Roy , furent vaillamment occis en ceste bataille & secõde iournée : & entre autres ledict filz du Cõte de Petillanne, le Seigneur d'Himbercourt , qui estoit vn hardy & prudent Capitaine , François monsieur , frere puîné dudit Duc de Bourbon, mõseigneur Charles de la Trimouille, Prince de Thalemont, filz du bon Seigneur de la Trimouille, lequel estoit aussi avec le Roy . Aussi furent occis le Cõte de Sancerre, le Seigneur de Bussi, le Capitaine Mouy , & autres Capitaines & gens de biẽ. Vne bande desdictz Suisses, qui s'estoient retirez à l'Auant-garde, comme gens aueuglez, se meirent en vne cassine, ou ledict Seigneur de Bourbon les feit tous brusler. Le Cardinal de Syon, qui fut cause de la mort de tant de gens, se retira, dõnant à entendre audict Maximilian qu'il alloit querir du secours: mais ce fut sans retour. Depuis Iules Cesar ne furent autant de Suisses deffaitz pour vne fois. Incontinent apres ceste furieuse iournée, les Citoyẽs de Milan enuoyeret au Roy les clefz de la ville, & se soubzmeirét à sa misericorde : à quoy les receut, moyénant quelque grosse somme de deniers : & au regard du chasteau que tenoit le Seigneur Maximiliã, fut sans demeure assiegé, & miné par Pietre de Nauarre, dõt il en fõdit grande partie: qui fut cause

Premier assaut des Suisses, contre les François.

Magnanimité du Roy de France, François, premier de ce nom.

La deuxième iournée de la bataille des Suisses.

Gens de nom, occis à Marignan, par les Suisses.

LES CRONICQ. ET ANNALES DE FRANCE.

dont ledict Maximilian demanda appointemēt au Roy : qui à ce le reçeut : & fut l'appointement tel que Maximilian se rendit à la mercy du Roy , & luy liura le chasteau : duquel les Suisses , qui estoient dedans , s'en allerent leurs bagues sauues . Ledit Seigneur Maximilian , fut enuoyé en France , avecques belle compaignie , & estat de Prince que le Roy luy donna : & quand le Roy eut fait son entrée dedans la ville de Milan , & y eut demouré quelque temps , les Citadins de Paue trouuerent moyen par amys & argent de faire leur paix avecques luy , cōme aussi feirent aucuns Cantons des Suisses , qui se declairerent amys du Roy & de son alliance , moyenant quelque grosse somme de deniers , que le Roy leur donna . Durant lesquelles choses messire Bartholemy d'Aluiane , Lieutenant general des Venitiens , mourut en son liēt , en ladicte ville de Milan .

*Le trespas de
messire Bar-
tholemy
d'Aluiane,
Capitaine
Venitien.*

Comment le Roy se trouua avec le Pape à Boulongne la Grasse : & du Concordat qui y fut pourparlé, & fait entre eux.



Pres tous ces accordz le Pape Leon, dixiesme, & le Roy François, entre-
prindrēt de se veoir & parler ensemble en la ville de Boulōgne la Grasse :
ou ilz se trouuerēt fort bien accompaignez, & feirent alliance & paix en-
semble, dont chascun se resiouyt. Puis dōna le Pape vn Chapeau de Car-
dinal à mōseigneur Adrian de Boisy, Euesque de Coutāces, frere de mes-
sire Artus de Boisy , autrement dict Gouffier, Cheualier de l'Ordre, grand Maistre de
France, soubz l'autorité duquel toutes choses passoient en la court du Roy. Audiēt
lieu de Boulongne le Pape requist au Roy, que la Pragmatique Xanctiō fut abolie en
tout, ou en partie, par ce que le Pape disoit icelle estre contre la liberté de l'Eglise, & au
preiudice des droictz de la court Apostolique . Surquoy le Roy enuoya depuis Ambas-
sadeurs à Romme : & entre autres maistre Rogier Barme, son Aduocat en Parlement,
& depuis tiers Prēsident. Aussi eurent parolles d'enuoyer vne armée contre les Turcz :
& pour ce faire le Pape Leon, octroya depuis au Roy de France vn Pardon general, tel
cōme iubilé, à ceux qui se croyseroient pour aller en ladicte armée, ou bailleroient cer-
taine somme de deniers pour y frayer : qui fut cause de plusieurs grands abus commis
par aucuns ambicieux, & auaricieux Prescheurs , qui soubz vmbre dudit Pardon don-
nerent occasion à plusieurs laiz d'amaſſer de grands deniers , dont plusieurs Docteurs
& autres notables personnaſſes furent tresfort scandalisez . Et par ce que maistre Mar-
tin Luther , du païs d'Allemagne (homme de grand esprit de l'ordre des Augustins)
prescha & escriuit quelque opusculc au cōtraire dudit Pardon, en calumniant l'autho-
rité de nostre sainct pere le Pape , fut declairé hērese , & excommunié par ledict Pape
Leon : en hayne de laquelle censure, dont il appela *ad futurum Concilium*, le pauvre & im-
prudent Luther feit vne opusculc , intitulé *De captiuitate Babylonica*, ou il y a inseré plusieurs
grāds erreurs & hēresies, que depuis il s'est efforcé soustenir, par autres œuures, en vou-
lant confondre l'autorité & hierarchie de l'Eglise militante , & la pluspart des sept Sa-
cremens. Esquelles folles oppinions plusieurs personnes latines, qui ont seulement veu
& estudié le texte des Euangiles & Epistres, ont adhéré, voire dilaté lesdictes erreurs
par blasphemēs que ie n'oseroye escrire , contre l'honneur que nous deuons porter à la
vierge Marie, mere de Iesus Christ, nostre Sauueur & Redēpteur, & les Sainctz & Sain-
ctes, & dont les bons Chrestiens doibuent auoir aux yeux les lermes . Au departir de
Boulongne le Pape Leon deliura au Roy de France aucunes villes à luy appartenantes,
à cause de sa Duchē de Milan : puis se departirent bons amys : & s'en retourna le Roy
à Lyon, apres qu'il eut laissé à Milan Gouverneur, & son Lieutenant general, le Duc de
Bourbon . Il s'en alla par les montaignes à la Baulme, ou estoient allées en pelerinage
madame la Regente, sa mere, & la Roynes, son espouse, ou la ioye fut grande : & d'illec
le Roy alla visiter les païs de Prouence & Auignon , ou il feit plusieurs triumpantes &
riches entrées. Puis s'en retourna à Lyon : enuiron lequel tēps mourut Ferdinand, Roy
d'Arragon . Aussi trespassa Laurens de Medicis , frere dudit Pape Leon, lequel puis
nagueres auoit espousé la sœur de la mere du Roy, Duchesse de Nemours.

*Du pardon
appelle la croys-
sade en
France.*

*De maistre
Martin Lu-
ther & ses
adharens.*

*Le Duc de
Bourbon,
gouverneur
de Milan.*

*Comment l'Empereur Maximilian , lequel voulut inuader la Duchē de Milan , fut
vaillamment repoulſé par le Seigneur de Bourbon, Lieutenant pour le Roy.*

Le Roy

LE Roy estant à Lyon, enuiron la fin de Carefme, dudiēt an mil ccccc. xv. l'Empereur Maximilian, venant contre ses foy & promesse, practiqua & gaigna à luy vn des Cantons des Suiffes, & la ligue grise. Aussi gaigna secrettemēt aucuns citoyens de Milan, & autres gens: & avec grosse armée, *L'armée de l'Empereur à Milan.* en laquelle il mena le frere du Seigneur Maximilian, qui estoit en France alla descendre secrettement en la plaine de Veronne, & à Laudes: dont le Duc de Bourbon, qui estoit à Milan, fut aduertý: & avec les gens d'armes qu'il peut assembler, s'en alla au deuant des ennemys, iusques à la riuere de Bade, ou ilz estoient ia descendus: & neantmoins enuoya vers les ligues des Suiffes, qui estoient de l'alliance de France, pour en auoir dix mille, à quoy s'accorderent: mais par ce qu'ilz ne peurent venir à luy si promptement, voyant que son armée n'estoit de la moytié si puissante que celle de l'Empereur, se retira avec elle assez tost en ladicte ville de Milan, ou aduertý que de trente & sept Citadins, qui au parauant auoient party de Milan, pour aller vers le Roy de France à Lyon, en estoient retournez trente trois, pour l'intelligence qu'ilz auoient avec lediēt Empereur, les fait pendre & descapiter, ou partie d'iceux. Voyant lediēt Empereur que l'armée des François s'en estoit si soudain allée, pensa les auoir ia vaincus, & les suyuit iusques à Marignan, ou il se logea, qui est assez pres de Milan. Les Suiffes, allies des François s'auancerent, & par le chasteau entrèrent en la ville de Milan, laquelle fut assiegée par lediēt Empereur, ou rien ne gaigna: car par faulte de viures, & autrement leua son siege, & sans riens faire s'en alla vers Bergame, & à la ville de Laudes qu'il feit piller & destruire. Le Duc de Bourbon le suyuit de pres, & l'escarmoucha de telle sorte que l'Empereur ne scauoit ou il deuoit aller: & se voyant ainsi pressé, luy coustumier d'vser de simulation, donna à entendre à ceux de son armée que le Roy de Hongrie estoit mort, & que pour ceste cause estoit contrainct aller en autre part. Soubz lequel faulx donné à entendre se retira d'avec eux, sans faire restitution de cinquante mille angelotz que le Roy Henry d'Angleterre luy auoit enuoyez pour le secourir, cuidant qu'il fust ia possesseur de la ville de Milan: & par ce moyen noz ennemys se separerent, & s'en allerent loing d'honneur, avec confusion & perte. Le Roy, pour rendre graces à Dieu des bonnes fortunes qu'il luy auoit données au commencement de son regne, s'en alla de Lyon à Chambery à pied, pour visiter & reuerer le saint Suaire de nostre Seigneur Iesus Christ, ou se trouua le Duc de Bourbon, Connestable de France, qui s'en retournoit d'Italie, enuiron la feste de Pentecoste. En l'an mil cinq cens & seize, enuiron lediēt temps mourut le Roy de Nauarre, filz du Seigneur d'Albret, qui auoit esté mis hors de son royaume par Ferdinand, Roy d'Hespaigne, & d'Arragon. *La mort du Roy de Nauarre, filz du Seigneur d'Albret.*

Enuiron le moys de Iuillet, audiēt an mil cinq cens & seize, fut traité paix entre le Roy de France, & Charles, Archeduc, Roy d'Arragon, moyennant le mariage de madame Loyse, fille vniue du Roy, & lediēt Archeduc qui ieune estoit: lequel fut conclud & arresté en la ville de Noyon, ou les Ambassadeurs desdiētz Seigneurs se trouuerent: & entre autres, pour le Roy de France, messire Artus Gouffier, Seigneur de Boisy, grand Maistre de France, l'Euesque de Paris, le President Oliuier, & autres gens de nom. De laquelle paix, qui fut proclamée à Paris le vingt & troisieme iour d'Aoust ensuyuant, les articles sont cy apres declairez & specifiez: & premierement que lesdiētz Roys de France & d'Arragon, qui se diēt Catholique seront vrayz & loyaux freres & amys d'au- *Les articles de la paix, conclue en la ville de Noyon.* mys, & ennemys d'ennemys, pour la garde & tuition de leurs royaumes, terres, & Seigneuries, tant delà que deça les montz: & si l'un demande ayde à l'autre, sera tenu de secourir aux despens du demandeur: & pourront guerroyer à tous ceux que bon leur semblera, exceptez ceux cy qui sont allies desdiētz Roys: scauoir est, de la part du Roy de France, nostre saint pere le Pape, & le saint siege Apostolique, le saint Empire & Electeurs & Princes d'iceluy, les Roys d'Ecosse & Hongrie, les Ducz de Sauoye, de Lorraine & Gueldres, les huit Cantons de Berne, nagueres entrez en l'alliâce du Roy, la ligue Grise, les Venitiens, Florence & Luques, les Marquis de Montferrat & de Saluces, l'Euesque du Liege, & le Seigneur de Sedan: Et de la part du Roy Catholique, *Les allies du Roy Catholique.* nostre saint pere le Pape, le saint Empire, les Roys de Hongrie, de Boëme, de Danemark, d'Angleterre, & de Portugal, madame Marguerite Archeduchesse, douairiere de Sauoye, tante dudiēt Roy Catholique, les Duc de Lorraine, de Sauoye, de Saue, de Cleues de Iuliers, & leurs seruiteurs & subiectz, le Marquis de Bade, l'Euesque & Duc de Cambray, & Comte de Cambresis, avec la ville & cité de Cambray. Quand

LES CRONIQ. ET ANNALES DE FRANCE.

au traité de mariage fait entre ledit Roy Catholique & madame Loyse, il y aura sept ans: & l'an viij. de son ieune aage, elle sera fiancée par parolles de futur audit Roy Catholique: & elle paruenue en l'age d'unze ans & demy, prendra par parolles de présent iceluy Roy Catholique, pour son espoux & mary legitime: & le mariage fait & accompli, seront tenus le Roy & la Roine de France, pour l'accomplissement d'iceluy mariage, faire mener ladicte madame Loyse honnorablement, selon son estat, à leurs propres coustz & despens, en la ville de l'Isle, au cas que le Roy Catholique soit lors en la Comté de Flandres, ou en ces prochains païs: & au cas qu'il fust en Castille, ou autre lieu en Hespaigne, icelle Dame sera liurée en la ville de Parpignan. En faueur duquel mariage, le Roy de France transporta audit Roy Catholique tout le droit, nom & action, qu'il pretend auoir au royaume de Naples, & sera tenu meubler madame, sa fille, de quelque somme de deniers, ensemble de ioyaux & bagues, selon son estat: & s'il aduenoit que le Roy Catholique allast de vie à trespas, auant la confirmation dudit mariage, ladicte Dame prendra pour espoux, le Seigneur Infant, Domp Ferrand de Castille, son frere, s'il n'estoit lors marié à la fille de Hongrie: & ausi s'il aduenoit ladicte Dame aller de vie à trespas, ledit Roy Catholique prédra madame Renée, dont premieremēt luy auoit esté promesse faite: & si ledit Roy Catholique decedoit auant l'accomplissement du mariage à l'une desdictes Dames, ledit Seigneur Infant de Castille entrera en son lieu, & sera tenu prendre l'une desdictes deux Dames, si mariée n'estoit. Et par ledit traité ledit Roy Catholique donne à ladicte Dame Loyse, ou à l'une d'icelles deux Dames prenommées, la somme de cinquante mil escus au soleil de rente annuelle, leur vie durant: qui leur est assignée, trente mil escus d'or, soleil, en Hespaigne, & vingt mil escus sur Hedin, en ce non comprins les maisons de l'assignal de Dozere: & est expressement accordé que s'il ne vient enfans de ce mariage, qu'en ce cas le royaume de Naples retournera au Roy de France, & chascune des parties demourera en son endroit. Et pource que le Roy Catholique fait les fruitz siens de la chose totale, iusques à ce que le mariage soit accōply (car le droit se baille pour soutenir les charges & fraiz du mariage) & qu'il demeure possesseur du royaume de Naples, la raison veult que iusques à l'accomplissement dudit mariage, & que d'iceluy ait enfant, pour les fruitz que ce pendant le Roy Catholique en reçeura, il baille recōpense au Roy de France. Ce qui a esté ainsi accordé: & qu'il baillera pour ladicte recompense audit Roy de France, par chascun an, la somme de cēt mil escus d'or au soleil, payables iusques à la deliurance qui se fera de ladicte Loyse, comme dessus est dict: lesquels cēt mil escus sont assignez sur les royaumes de Naples, Cecille, Hespaigne, Arragō, Côte de Roussillon, & autres lieux: & en baillera ledit Roy Catholique, bons & suffisans respondans. Le sixiesme iour d'Octobre, audit an mil cinq cens xvj. le Roy de France alla à Paris, & d'illec à S. Denis en Frâce, pour par luy remettre en leurs lieux les corps Sainctz, qui auoient esté à la requeste descendus, pour le biē & vtilité de son royaume, ainsi que les Roys de France ont accoustumé faire en gros affaires. En ce temps fut publié le pardon de Iubilé, pour aller contre les Turcz, duquel a esté parlé cy dessus.

*L'an mil cinq
cens seiſze.*

*Le pardon Iu-
bilé.*

*Concordat
sur la Prag-
matique.*

Aussi fut fait vn Concordat entre le Pape Leon, dixiesme, & le Roy de France, touchant certains articles de la Pragmatique Xantion: & fut publié en la Court de Parlement à Paris, le xxij. iour de Mars, l'an susdict mil cccc. & seiſze, qui ne fut sans grād' murmure & scandale des Vniuersitez & Eglises cathedrales, & mesmement des suppostz de l'Vniuersité de Paris, lesquels par force & violence s'efforcerēt empeschier que publication n'en fust faite par les lieux publics de ladicte ville: mais ilz ne furent plus fors: & pour s'en venger planterent par les portes des Colleges, & autres lieux, libelles diffamatoires, en mettres latins, cōtre aucūs grāds personages du Cōseil du Roy. qui fut chose scandaleuse & non tollerable, mesmement en citē si fameuse. Le dernier iour de Feurier de l'an mil cccc xvij. enuiron six heures vers le soir, la Roine accoucha d'un beau filz, premier Dauphin de ce regne: & fut baptizé à Amboise, le xxv. iour du moys d'Auril ensuyuant de l'an mil cccc. xvij. & nommé François. Les compères furent les Ducz de Lorraine & d'Vrbain, pour & au nō du Pape Leo: & la comere fut madame la Duchesse d'Alençon, sœur du Roy. Le baptesme fut triūphant, & s'y trouuerent oultre les Seigneurs & Princes susdictz, le Duc d'Alençon, le Duc de Bourbon, Connestable de France, le Duc d'Albanie, le Côte de S. Paul, le Côte de Geneue, le Côte de Védosme, le Prince de la Rochefuryō, le Vicôte de Thouars, le grād Maistre de France,

*L'an mil cinq
cens dixsept.*

*La natiuité
et baptesme
de monsei-
gneur Fran-
çois, Daup-
hin de Frâce.*

France, les Seigneur de Montmorency, Chasteau-briand, Laual, & plusieurs autres : & le Ieudy, dernier iour de Mars, en l'an mil cinq cens dixhuit, auant Pasques accoucha d'un filz, qui fut nommé Henry, & luy fut donné ce nom de la part du Roy Héry d'Angleterre viij. du nom. L'an mil cinq cens dixneuf, par ce que l'Empereur Maximilian estoit allé de vie à trespas, & qu'aucuns des Electeurs de l'Empire auoient enuoyé vers le Roy de France, à ce qu'il voulust rendre à l'autorité Imperiale, commist pour en faire les pratiques, messire Artus Gouffier, Cheualier de l'Ordre, Seigneur de Boisy, & grand Maistre de France, auquel il auoit amour & familiarité especiale : & ledict grand Maistre, estans par les chemins pour faire ledict voyage, fut surprins de maladie, en la ville de Montpellier, de laquelle maladie il deceda le premier iour de May, audict an, & fut son corps porté à Chinon.

Naissance du Roy Henry 2. du nom. L'an mil cinq cens xix.

Le trespas de Maximilian.

Comment les Roys de France & d'Angleterre firent certain traité de paix.

LN l'an mil cinq cens vingt, aucuns notables personnages traicterent la veuë & assemblée des Roys de France & d'Angleterre, qui fut assignée au mois de May, en vn lieu, appelé Ardres, appartenant au Roy, pres Guy-nes, & Hames, terre Anglesche, ou ilz se trouuerent en grande pompe, & au plus grand triumphe qu'on scauroit descire ou imaginer : & là feirent alliance, & certain traité de paix, qui ne fut publié, dont les François & Anglois monstrent grands signes de ioye, esperans que par ce traité seroit aussi faicte paix entre le Roy de France, & Charles d'Austriche, Roy des Hespaignes, touchant la Duché de Bourgongne, & autres choses par luy querellées, comme hërítier par representation de feu Charles de Bourgongne, qui fut occis à Nancy. En ce temps les Aduenturiers feirent plusieurs maux en France, & tant qu'apres qu'ilz eurent bien mangé le pauvre peuple des champs, vindrét pres de Meaulx : pour laquelle chose messeigneurs de Meaulx, accompagnez du populaire, sortirent sur lesdictz Aduenturiers, ayant leur Artillerie seulement chargée de papier, par le conseil d'un trahyste, filz d'un boucher de la ville, qui de ce aduertit les Aduenturiers : & quand ilz apperceurent ces Aduenturiers deschargerent leur Artillerie : mais iceux Aduenturiers auoient des haquebutes chargées de plommées, & deffirent les habitans dudit Meaulx : pour laquelle chose fut ledict boucher pendu, puis mis en quatre quartiers. L'an mil cinq cens vingt & vn, deceda à Paris monseigneur de Neuers : & cedit an fut par toute France si grande cherté de bled que le pain valoit vingt deniers tournois, par l'espace de quatorze mois, & continua puis apres à seize deniers tournois iusques à la saint lehan, ensuyuant.

L'an mil cinq cens vingt. Les Roys de France & d'Angleterre se veirent à Ardres.

Aduenturiers deuant Meaulx.

Cherté de bled en France.

En ce temps la trefnoble isle de Rhodes, par la ascheté & tyrannie d'aucuns Princes Chrestiens, fut perduë, rauie & tolluë de la main des Chrestiens par les Turcz diaboliques, ennemys de Dieu & de sainte Foy catholique. Grande honte & infameté a esté aux Chrestiens de laisser perdre vn si noble lieu, qui estoit la deffense de toute Chrestienté : & notez que i'ay trouué aux anciens Croniqueurs, en Anthoine Florentin, & Vincent l'Hystorial, que iamais le royaume de France n'a esté assailly des Princes Chrestiens, que les Turcz ne soient venus sur la Chrestienté, & d'icelle ont tousiours gaigné, rauy & tollu aucuns royaumes & païs d'icelle. En ce temps là, du grand Luther, filz de Pluton infernal, les disciples & ministres par nombre infiny descendirent des haultes fins des Allemagnes, lesquels se respendirent par le païs de Lorraine. Ilz abbatirent les chasteaux & forteresses, pilloient & emportoient tout. Ilz contraignoient les Prebsters, les moynes, religieux & religieuses à se marier, en les menassant à faire mourir : & de fait feirent mourir plusieurs qui à ce ne voulurent entendre. Ce voyant le trefnoble & vaillant Duc de Lorraine, avec monseigneur le Duc de Gueldres, & monseigneur de Guyse, meit gens d'armes aux champs, tant que par plusieurs rencontres & assaulx, ilz deffirent (comme troupeaux de brebis) celle damnée assemblée. L'an mil cinq cens vingt & vn, le premier iour du mois de May, à la requeste & supplication du Tref-chrestien Roy de France, nostre souuerain Seigneur, saint François de Paule, instituteur de l'ordre des freres Mineurs * fut canonizé par nostre saint pere le pape Leon, & escrit au Cathalogue des saintz Confesseurs, & ordonna sa feste estre celebrée le second iour d'Auril.

La prise de Rhodes par les Turcs.

L'an mil cinq cens xxi.

** Me semble qu'on les nomme Minimes.*

En cedit an eut grãde esmeute de guerre entre les Roys de France & d'Hespaigne, en
Second volume.

A A A ij

LES CHRONIQUES ET ANNALES DE FRANCE.

Picardie & en Champagne, où se trouua le Treschrestien Roy de France, bien accom-
 pagné, & y eut plusieurs courses & ribleries les vns sur les autres: mais il n'y eut batail-
 la ni uerselle. Vray est que les Hespaignolz, Haynuyers, & leurs allies, assaillirent & as-
 siegerent la ville de Mezieres: mais le vaillant & hardy Capitaine Bayard, qui lors
 estoit accompagnez des Seigneurs de Montmorency, de Montmoreau, de Luce, mes-
 seigneurs Jehan de la Tour, seigneur de Bremon, Jehan de Durcil, seigneur de la Bar-
 bée, Nicolas de Thouars, seigneur de Huyllle, Mathurin & Charles de Clers, & plusieurs
 autres vaillans Cheualiers & Escuyers deffendirent si bien & vaillamment ladite vil-
 le, que les Hespaignolz furent contrainctz honteusement leuer leur siege, & eux en aller
 sans riens faire. En celle mesme saison le Roy de France enuoya grosse armée à Fon-
 tarabie, contre le Roy d'Hespaigne, de laquelle estoit Conducateur & Chef noble hom-
 me messire Jaques de Daillon, Seneschal d'Aniou, Seigneur & Baron du Lude: lequel,
 combien qu'icelle ville de Fontarabie fust reputée imprenable, ce neantmoins y entra,
 & y mit bonne garnison Françoisse: en quoy faisant il acquist tresgrand bruit & hon-
 neur: & durant ce temps vindrent nouuelles que Dieu nous auoit donné victoire en trois
 diuers lieux: c'est à sçauoir es Itales, où les Venitiens se monstrent vaillans, & bons
 François; en Guyenne, contre les Hespaignolz; & à Mezieres, contre les Haynuyers, &
 autres qui y estoient en grand nombre. L'an mil cinq cens vingt & trois enuiron la
 feste de la natiuité de monseigneur saint Jehan Baptiste, fut en aucuns lieux veue ge-
 lée & glace, qui estoit vne chose non accoustumée à veoir: parquoy on ne sçauoit que
 presupposer, sinon que ce fust vltion diuine, pour les vices & iniquitez, lors regnans par
 la Chrestienté: car durant ce temps s'estoient amassez plusieurs larrons & meurtriers,
 contrefaisans gens de guerre, lesquelz faisoient maux inestimables: & auoient pour
 leur Capitaine vn nommé Maclou, lequel finalement fut prins avec son Fourrier, &
 incontinent amenez à Paris, où pour lors estoit le Roy, lequel ordonna au Preuost de
 son hostel en faire briefue iustice, ce qu'il feit: car le Mercredi xxvij. iour de Iuillet, au-
 dict an, furent par ledict Preuost condamnez: c'est à sçauoir ledict Maclou, autrement
 le Roy Guillot, auoir vne main coupée en la court du Palais, sans bouger du tóbercau
 (où il estoit mené, avec son Fourrier) puis mené deuant la grande Eglise nostre Dame
 de Paris (auquel lieu il eut l'autre main coupée) & de là menez deuant l'Hostel de la vil-
 le (auquel lieu ilz eurent les testes coupées) & ledict Maclou eut le corps mis en quatre
 quartiers, & mis es quatre principales portes de Paris. Et le Samedi huitiesme iour
 d'Aoust, audict an mil cinq cens xxij. vn Hermite, qui auoit proposé quelques blasphem-
 mes, contre l'honneur de nostre Seigneur Iesus Christ, & sa glorieuse Mere, & contre les
 Saintz, fut bruslé tout vif, en son habit, au marché aux pourceaux, par Arrest de la court
 de Parlement, où assista vne merueilleuse compaignie, pour veoir brusler & executer le-
 dict blasphemateur. Peu apres, le Roy estant à Lyon, ouyt parler le Herault du Roy
 d'Angleterre, lequel luy signiffa guerre mortelle de par son maistre le Roy d'Angle-
 terre: auquel le Roy, comme tres sage & prudent, luy feit & donna responce sage &
 discrete. Enuiron le moys de Septembre mil cinq cens xxij. vint certaines nouuel-
 les que Charles de Bourbon, Connestable de France, toute sa vie tenu & estimé tres-
 constant & vertueux Prince, auoit l'alliance du Roy, son souuerain & naturel Seigneur,
 delaissee, & s'estoit confederé avec l'esleu Empereur, & auoit cōtre la personne du Roy
 fait plusieurs conspirations, & s'estoit retiré à la Franche Comté, appartenant à iceluy
 esleu Empereur. A ceste cause le Roy, doubant trahyson, manda par toutes les villes
 de son royaume, qu'ilz luy fussent loyaux, & qu'ilz se gardassent d'estre surprins, les ad-
 uertissant de la rebellion du Connestable Charles de Bourbon, & autres ses allies, & fu-
 rent mis prisonniers le Chancelier de Bourbonnois, le Seneschal, Seigneur des Cars, &
 saint Vallier, avec deux Gentilz-hommes de la maison dudit Connestable, lesquelz le
 suyuoiens, & portoient, ainsi que lon dict, son tresor, & furent amenez en la Concierge-
 rie du Palais, à Paris. Le Mardy xxj. iour d'Octobre, audict an, fut publié à Paris à son
 de trôpe & cry public, que la ou on trouueroit des Aduenturiers, & autres larrons, riblās
 & mègeans les pauvres gens de villages, que fut l'heure, & sans appel quelcōque fussent
 pendus & estraglez, tuez & deffaitz, en quelque maniere que ce fust. Item que tous iu-
 reurs & blasphemateurs du nom de Dieu, & de sa glorieuse Mere, fussent griefuement
 punis. Le Vendredy ensuyuant vindrent nouuelles que les Anglois auoient passé la ri-
 viere de Sōme, pres de Roie, en Picardie, & vindrent à Mōdidier. Les Gouverneurs de
 Compiègne,

Guerre de
 Mezieres
 Fontarabie
 La prise de
 Fontarabie
 Gelée à la S.
 Jehan.

Le Capitaine
 Maclou exe-
 cuté à Paris.

Mil cinq cens
 xxij.

La fuyte de
 Charles de
 Bourbon.

Edict contre
 les voleurs.

Edict contre
 les blasphem-
 mateurs.

Descente des
 Anglois en
 Picardie.

Compiègne & de Senlis, vindrent à Paris, à messieurs de la Court & de ladicte ville, demander secours, ce qu'on leur octroya liberalement : & leur fut deliuré quelque quantité de pieces d'artillerie, pouldres & bouletz, avec quelque nombre de gens de guerre, hacquebutiers, & autres, tant à pied qu'à cheual. Alors furent deffaitz la plus grande part des Anglois, par le Capitaine de Pont Remy, & autres de sa compagnie : & le Samedi dernier iour d'Octobre, audict an, & veille de Toussainctz, arriua à Paris monsieur de Bryon, lors estant Admiral de France, que le Roy auoit enuoyé pour secourir la ville & aduiser qu'on feroit contre ceste canaille ramassée, qui estoit descendue en Picardie, & pour aduiser sur les affaires du royaume, especialement de l'Isle de France. Le Roy enuoya monseigneur de Vendosme, auquel il auoit donné le gouuernement de ladicte Isle : & pour ceste cause, & de paour que la venue dudit Seigneur de Vendosme fust trop tardiue, furent cedit iour d'apres dîner en l'Hostel de la ville, assemblez les Prelatz, Presidens, Conseillers, Bourgeois, & Marchans de ladicte ville de Paris : & en la presence d'iceux ledict Seigneur de Bryon feielire les lettres que le Roy auoit enuoyées aux dessusdictz : & apres la lecture ledict Seigneur fit vne harengue honnorablement & prudemment, disant que le Roy luy auoit donné charge de les mercier de leur bonne foy tenuë enuers luy, leur priant l'auoir tousiours ferme, & aussi qu'il enuoyoit monseigneur de Vendosme, pour plus seurement les garder : & oultre proposa deuant toute l'assemblée, comme le Connestable auoit faulxé sa foy. Et apres qu'il eust paracheué sa harengue, il deit : Messieurs ie vous congnois loyaux au Roy, & pour ceste cause conuient leuer quelque nombre de gens, pour repousser ceste canaille d'Anglois ramassez, & avecques l'ayde de Dieu, & de la ville, auant vn moys, il n'y en aura nul. Adonc luy fut accordé deux mil hommes, payez pour vn moys, neantmoins qu'il n'en demandoit que douze cens. Ceste nuit de Toussainctz ne furent sonnées les cloches : & furent les chaisnes tendues es coings des rues : & fut assis guet sur le paue de S. Denis, & garde es portes saint Denis, saint Martin, & saint Anthoine.

Harengue de monsieur de Bryon Admiral de France aux habitans de la ville de Paris.

En ce temps les Francz Archers furent leuez pour aller dela les montz. Les Anglois ainsi ramassez (aussi à la verité, il n'y auoit nulz gens de bien, ains larrons & pillars) n'en voulurent manger, & ne sçait on qu'ilz deuindrent, sinon qu'es villes ou ilz auoient esté, on cõgneut que c'estoit plus pour piller, qu'autre chose : celui qui les auoit faict passer la riuere, eut la teste coupée à Compiègne. Durant ces entrefaites, noz gens estoient deuant Milan, & estoit conducteur de l'armée monseigneur l'Admiral. Le Roy estoit demouré, attendant la deffaitte des Anglois. Les deux mil Aduenturiers de Paris ne furent pas loing, & ne passerent le Bourget, auquel lieu ne furent payez que de chacun vingt solz. On feit faire des trenchées sur les fosses de la ville, depuis la porte saint Honoré, iusques à la porte saint Martin. Le dixseptiesme iour de Feurier, messire Jehā de Poitiers, Cheualier, Seigneur de saint Vallier, fut depesé de la compagnie & ordre des Cheualiers de l'ordre, que le Roy donne à ses amys & alliez, & condamné par les Commissaires de la tour Carrée, deputez par le Roy nostre Sire, à auoir la teste tréchée en la place de Greue, deuant l'Hostel de la ville : & pour le reconcilier luy fut ordonné sage & discrette personne, maistre Iaques Merlin, Docteur en Theologie, Penitencier, & curé de la Magdaleine, en la cité de Paris : & cedit iour à trois heures de releuée, furent assemblez messeigneurs les Lieutenant Criminel, & le Procureur du Roy de Chastelet, accompagnez des Sergens, bien embastonnez de longs bastons : Apres vindrent les Archers, Arbalestriers, Haquebutiers de la ville, le Guet, tant de cheual que de pied ayans armeures & hocquetons argentez, & embastonnez comme dessus. Leditz Lieutenant & Procureur, furent querir ledict saint Vallier en la Gallerie de la Chancellerie ou il estoit, & de là fut mené, accompagné des dessusdictz, deuant l'Hostel de la ville de Paris, sur vne mulle, & ledict Penitencier sur la sienne à costé de luy, le reconfortāt & le reconseillant le mieux qu'il luy estoit possible. Quand il fut arriué, & monté sur l'eschauffault, il cria mercy à Dieu, au Roy, & à tout le monde. Apres ce faict, comme il se vouloit agenouiller pour estre decollé, & ia l'executeur auoit preparé son cas, & luy auoit crié mercy, luy disant qu'il luy faisoit mal de luy faire perdre la vie, vint le porteur de sa grace, lequel feit tout cesser : & alors luy fut demandé s'il se vouloit ayder de la grace que le Roy luy auoit donnée : lequel feit responce qu'ouy. La grace fut portée aux Cõmissaires & à la Court : laquelle interinée fut apportée & leuë deuant tout le peuple, par maistre Matthieu Dolet, Clerc du greffe criminel de la Court de Parlemēt.

La paour du Seigneur de S. Vallier.

LES CRONIQ. ET ANNALES DE FRANCE.

Ce fait, ledict Seigneur fut remené en la Cóciergerie, & peu de temps apres à Loches.

Les bledz gelerent en terre à la S. Martin. En cediect an les bledz gelerent la veille de saint Martin d'hyuer, & fait apres si grande seicheresse qu'ilz ne peurent leuer : parquoy le Mardy vingtquatriesme de May fut descendue la chaffe madame sainte Geneuiefue, le refuge des Parisiens, & portee en procession en la solennité accoustumée. Audict temps partie de la ville de Troyes, en Châ-

La ville de Troye bruslée. paigne, fut arse & bruslée, & disoit on communement que ce auoit esté par boute-feux que les Haynuyers & Hespaignolz y auoient enuoyez, & plusieurs autres, en habitz dissimulez, par les meilleures villes de France: & audict an, la veille & iour de Toussainctz, pour doubte de ce que dessus, ne furent sonnées les cloches à Paris : & desdictz boute-feux furent aucuns prins prisonniers, qui confesserent le cas. En ce mesme temps fut auitaillée Therouenne, & puis le Roy se retira à Bloys, avec la bonne Roynne, sa femme.

La mort du Capitaine Bayard, & autres. En c'est an que l'Admiral Boyssi estoit Lieutenant general pour le Roy de la les montz, fut tué d'un coup de hacqueburtte le bon Capitaine Bayard, par vn cocquin qui tenoit le party de l'esleu Empereur. On tenoit alors (comme dict est dessus) que les Haynuyers & Hespaignolz, ennemys mortelz des François auoient enuoyé gens de petite estime, les vns en habit de Religieux & autres Mendians, & les autres en façon de pelerins & voyageurs, & autres en habitz dissimulez par les bonnes villes de France, ausquelz auoient baillé charge & commandé de mettre le feu secrettemēt es meilleures maisons, & baillé matiere pour composer ledict feu : qui estoit de telle aspreté qu'il prenoit contre pierres & murailles, & en tous lieux ou on le iectoit : & furent aucuns de telz producteurs & fauteurs prins & questionnez : lesquelz (le cas confessé) furent cruellement punis : duquel dangier aduertis les Parisiens, & plusieurs autres François, delibererent y remedier : & pource par toutes les bonnes villes, bourgs & bourgades fut institué guet nocturnal, & ordonnance que par tous les huys des maisons y auroit des vaisseaux pleins d'eauë, à fin d'estre pourueu de remede si l'inconuenient arriuoit.

Le deces de la bonne Roynne Claude. Le vingtfixiesme iour du moys de Iuillet, l'an mil cinq cens vingt & quatre, enuiron heure de midy, de ce siecle deceda la perle des Dames, & cler miroir de bonté, sans aucune tache madame Claude, Roynne de France, fille du feu Roy Loys, douziesme de ce nom : laquelle fut moult regrettée: & fut son corps mis en vn cercueil en la chappelle du chasteau de Bloys, ou il fut long temps, sans estre inhumé, & pour la grande estime de sainteté que l'on auoit d'elle, plusieurs luy portoient offrandes & chandelles, & attestoient aucuns auoir esté gueris & sanez de quelque maladie par ses merites & intercessions : & mesmement vne notable Dame, qui affermoit auoir receu par ses merites guerison d'une fieure, qui ia par long temps l'auoit tourmentée. En Septembre, audict an, à Angiers fut grand tremblement de terre, grands esclairs & corruscations.

Bourbon deuis Marseille. En ce temps vindrent au Roy nouuelles que le Duc de Bourbon, & ses alliez, auoient es Itales, Lombardie & Prouence, les Seigneuries inuadées, & assailly la ville de Milan, & Marseille, & ia pensoit les auoir conquises : dont le Roy aduertý leua grosse armée, & tira vers son país de Prouence, pour le deffendre des incursions de ses ennemys : & en c'est affaire monstra bien madame Loyse, mere du Roy, Duchesse d'Aniou, &c. la magnanimité de son tresnoble cœur: car de son auoir & cheuâce la gend'armerie souldoya, & auança de marcher. Parquoy le Duc de Bourbon, & les gens de l'esleu Empereur, leuerent hastiement, & à leur confusion, le siege qu'ilz auoient mis deuant la ville de Marseille, & s'en retournerent vers Milan. Le tresnoble & courageux Roy, voyant ses ennemys fuir deuant sa face, chauldement les poursuyuit, & entra es Itales, dont ceux, qui le party à l'esleu Empereur tenoient, furent esbahys. Le Roy Treschrestien, se voyant en Lombardie avec puissante armée, delibera recouurer les villes de son Duché de Milan, detenuës par les gens de l'esleu Empereur & de Bourbon: & auoir reprins & mis en ses mains la Duché de Milan, meit le siege deuant Pauie, ville trespuissante, bien fortifiée & garnie de toutes munitions de guerre pour assault receuoir : dedás laquelle estoit en garnison, pour l'esleu Empereur, vn vaillant Capitaine, nommé Anthoine de Laigues, qui songneusement la ville deffendit, combien qu'au long aller eust esté contrainct de se rendre, n'eust esté la fortune qui ce pendant aux François arriua. Le bon Thibault Baillet, second President en la court de Parlement à Paris (lequel auoit iouy de ladicte office trois regnes) deceda le Samedy dixneufiesme iour de Nouembre, mil cinq cens vingt & quatre, & fut enterré à saint Merry.

Au moys de Decembre ensuyuant, fut enuoyé par nostre saint pere le Pape, au royaume de

aume de France vn pardon semblable & de telle puissance que l'an Tubilé : & fut commandé generalmente, par tout ledict royaume, le gaigner en la maniere qui s'enfuyt : c'est à sçauoir que ledict saint Pere auoit ordonné, qu'apres la publication dudit an Tubilé, tous & vn chascuns bons Chrestiens ieuneroient le Mercredy, Vendredy & Samedi, & se mettroient en bon estar, & le Dimenche receuroient le precieux corps de nostre Seigneur Iesus Christ : & en ce faisant on gaignoit les pardons semblables à l'an Tubilé, qui fut vne chose de deuotion, & bien ordonnée.

*An Tubilé
par tout le
royaume de
France.*

En ce mesme temps la paix d'entre ledict saint pere le Pape, le Roy Treschrestien les Venitiens & Florentins fut publiée à Paris : & furent les Haynuyers deffaitz par le Seigneur de Pont de Remy : & à Paris fut faite congregation contre les Heretiques.

*Paix entre les
Françoys, Venitiens, &
Florentins.*

Le Roy tenant siege deuant Paue, fut par aucuns (ne sçay par fraude, ou erreur) conseillé enuoyer partie de son armée au royaume de Naples, soubz la conduite de monseigneur le Duc d'Albanie, qui luy porta grosse nuyssance, car le Roy desirant à son entreprinse paruenir, non espargnant sa personne, ne craignant neige, gelée, ne froidure tout l'hyuer à son Camp assista, ou luy & tous ses gens d'armes endurent plusieurs malayses, & tant que plusieurs d'eux le Camp & siege abandonnerent, & s'en allerent malades es villes circonuoyfines pour eux faire guerir, dont nostre armée estoit fort affoiblie. De ce noz ennemys, par leurs espies aduertis, apres leur estre venu grand secours des Allemaignes, delibererent donner la bataille aux François : parquoy le iour & feste de monseigneur saint Matthias, le vingt & quatriesme iour de Feurier, mil cinq cés vingt & quatre, le Viceroy de Naples, le Duc de Bourbon, le Marquis de Pesquiere, avec plusieurs autres grands personages, & plusieurs autres bons Capitaines, assemblerent leurs armées : laquelle estoit de Lansquenetz, Italiens, Lombards, Hespaignolz, Bourguignons, & autres nations, bien montez & bien armez, gens & cheualx reposez & fraiz, & de nuit vindrent assaillir l'ost des François, & y eut grand' occision d'un costé & d'autre : car le tresnoble Roy de France, d'aucuns de ses bons Capitaines & seaulx amys accompagné, s'y trouua des premiers aux coups ruer : qui estoit vne chose qui moult encourageoit ses gens d'armes : & ne fault doubter qu'il n'y mourust d'un costé & d'autre, des plus grands de leurs armées : mais finalement Fortune, qui par plusieurs fois au François auoit fauorisé, leur tourna pour lors son triste, & descoulouré visage : car leur armée deffaitte, en cheualeureusement combatant fut le cheual du magnanime Roy Treschrestien occis, & luy detenu prisonnier, par faulte d'estre secouru, qui fut pour le royaume de France perte de trop grand' consequence. De telle inopinée fortune, aux François ce iour suruenue, madame, mere du Roy, Regente en France, & Duchesse d'Aniou, pour lors estant à Lyon, fut soudainement aduertie : dōt elle fut moult triste, & non sans cause : toutesfois la vertueuse Princeesse, prenant courage viril, & laissant toutes larmes feminines, proposa des l'heure par armes, ou autrement remedier à tous inconueniens ia aduenus, & obuier aux futurs : & pource manda aux bonnes villes de France le cas tel qu'il estoit aduenu, en exhortant & priant les habitans d'icelles de estre tousiours loyaux au Roy & à elle : & par ses lettres on congneut la grand' scandaleuse perte, qui estoit au François aduenue à ceste malheureuse iournée : car les Roys de France & de Nauarre, le Prince de Talmont, le Seigneur de Craon, le Comte de S. Paul, le Marechal de Montmorency, les Seigneurs de Rieux, de Congy, de Florenge, de la Tour Landry, de saint Marfauld, de Montpessac, Loys monseigneur de Neuers, François monseigneur de Saluces, monseigneur le Bastard de Sauoye, grand Maistre de France, & Comte de Beaufort, en Aniou, les Seigneurs de Montcien, de Villandry, de Bryon, de la Ferté d'Aulbigny, de Clermont, de Vassé, de Pommerant, du Cog, de Bonneual & son frere, de la Roche Iaquelin, le Seigneur de Beauuais, le Vidafme de Chartres, le Thresorier Babou, le General de Languedoc, le Baillif de Paris, le Baillif d'Orme, le Gouverneur de Lymosin, & plusieurs autres Cheualiers, & Escuyers, desquelz pour briefuete ie laisse les noms, estoient demourez prisonniers, & estoient demourez occis sur le camp hault & puissant Seigneur monseigneur Loys de la Trimouille, Vicomte de Touars, messire Pierre de Rohan, Seigneur de Fontenay, le Seigneur de Boisy, d'Amboise, le Marechal de Chabannes Seigneur de la Palice, le Seigneur de l'Escut, l'un des Marechaulx de France, messire Guillaume Gouffier Seigneur de Bonniuet, & Admiral de France, le Seigneur d'Aulmont Federic, & plusieurs autres Seigneurs & Gentilz-hommes : lesquelz vigoureusement secourant leur Prince

*La prise du
Roy deuant
Paue.*

LES CRONIQ. ET ANNALES DE FRANCE.

*Defenses de
ne porter ba-
stons, & ne
tenir ieux en
la ville de
Paris.*

par glorieuse mort ont acquis gloire & renommée immortelle. Dieu par sa grace leur face pardon à leurs ames. Mais il est à noter que si fortune s'estoit contre nous tournée en nous tollissant nostre bon Prince, que Dieu ne permeist le royaume estre aucunement vexé n'affligé de guerres; & durant l'ennuyeux temps de la captiuité du tres-vertueux Roy Treschrestien, guerra a esté endormie par la grace de Dieu, & l'intercession de la vierge Marie sa benoiste Mere, avec le bon moyen de madame la Regente. Le Mercredi vingtnueufiesme dudit moys fut cryé à son de trompe de par le Roy nostre sire & la Court de Parlement de non iurer & blasphemer le nom de Dieu, de sa glorieuse Mere, ne des Saintz & Saintes, & qu'en ne porrast plus de bastons en la ville de Paris, sur peine de punition corporelle, & confiscation des bastons, & enioinct à tous Hosteliers, Principaux de colleges, & autres ayans charges de gens en leurs maisons en aduertir leurs hostes & seruiteurs; & defenses de loger gens vacabondz & oisifz, sur peine d'estre pendus & estranglez, & de non tenir ieux de quille, ne boulle, & de rompre ceux qui estoient pour lors, dedans trois moys. En cedit temps la tresprudente Dame, madame mere du Roy, & Regente en France, ne chommoit, ains de son industrie, par la deliberation de son Conseil, bastissoit choses de grand affaire & consequence: & premier de rous les ennemys de la couronne de France pour cinq moys obtint trefues. Puis madame Marguerite, Duchesse d'Alençon, sa fille, trefnotablement accompagnée, en Hespaigne vers l'esleu Empereur enuoya, pour par tous licites moyes de s'ol trescher filz & Roy Treschrestien traicter la deliurace: auquel voyage icelle noble & vertueuse Duchesse d'Alençon si prudement se porta qu'à toutes les Dames Françoises acquist glorieux renom & louèges æternelles; & si bien ouura que son beau parler fut cause de feschir, l'esleu Empereur; & par bone fortune incita à soy condescendre à appoinctement, & mettre iceluy noble Roy François à deliurance, soubz certain pact & condition, laquelle chose depuis, Dieu aydant, a forty plain effect.

Du traicté fait par madame la Duchesse d'Aniou, avec l'esleu Empereur, pour la deliurance du Roy, estant en Hespaigne.

*L'an mil cinq
cens xxv.*



V moys de Feurier, audit an mil cinq cens vingtcinq, au pourchas & instance de trefnoble, tresprudente & trefmagnanime Princesse Madame la Duchesse d'Aniou, Regente en France, fut vers l'esleu Empereur cõclud la deliurance du Treschrestien Roy de France, à grãd' peine, trauail, coustz & mises d'icelle Dame: car l'esleu Empereur, quãd vint à traicter ladicte deliurace, fut trouué si rude & mal traictable, demandant choses si desraisonnables qu'il dõnoit assez à congnoistre n'auoir vouloir d'entendre à aucun appoinctement: & furent contrainctz tous ceux qui auoient la charge de conclurre ledict traicté, d'accorder à iceluy esleu Empereur, & à son conseil, tout ce qu'ilz voulurent demãder, combien qu'il n'y eust aucune apparence. Oultre presserent le Roy, & le contrainquirent leur bailler ses deux filz en ostage: sçauoir est monseigneur François, Daulphin de Viënois, & seconde personne de France, & monseigneur Henry, Duc d'Orleans, son second filz: lesquelz en la garde & gouuernement d'un trefprudent Gentilhomme d'Aniou, nommé messire René de Coce, premier pannetier du Roy nostre Sire, Gouverneur d'Aniou, & Seigneur de Brocheffiac, furēt enuoyez en Hespaigne, & mis és mains de certains Princes & grands Seigneurs Hespaignolz, deputez & cõmis par l'esleu Empereur, pour iceux recevoir & vers luy conduire. Par ce fait fut le Treschrestien Roy deliuré & receu en son royaume de France, en grand' ioye: mais les bons & loyaux François, qui rioient de la ioyeuse deliurance du Roy, iecterent maintz sospirs quand ilz entendirent la piteuse separation & loingtain voyage qu'il conuenoit souffrir aux cœurs des trefnobles enfans royaulx, yssus de la meilleure & plus noble extraction de la Chrestienté: lesquelz si ieunes tendres, & delicatz, estoient enuoyez en pais trop loingtain de leur natiuité & aer naturel. En ce temps la ville de Montargis, fut quasi toute bruslée. Le vingtquatriesme iour de Mars audit an retourna en son royaume le trefnoble & magnanime Roy de France, auquel estoit trefdesiré: & fut premier en trefsumptueux & triumpant arroy receu en sa ville de Bayonne. Au deuant de luy en grand ioye & lyesse se trouua madame la Duchesse d'Aniou, sa mere, accompagnée des Princes, Prelarz, grãds Seigneurs, Dames &

*La deliurance
du Roy hors
des Hespai-
gnes.
L'an mil cinq
cens xxv.*

Dames & Damoyelles du royaume: desquelz tous ensemble, à grand desir & consolation, fuy humainement receu. Puis, pour luy donner recreation, par plusieurs de ses villes & citez le conduyrent, luy donnant tous les passe-temps que possible leur estoit, pour luy oster melancolie, fâcherie & tristesse, en luy conçeue durant sa longue detention; & s'adonna deslors le tresnoble Prince à penser à ses affaires, & mettre bon ordre par tout; & par especial à la deliurancé de nos Seigneurs, les enfans: tenans pour luy otage en Hespaigne, & n'a eue repos iusques à ce qu'il les ayt euz.

Audit an mil cinq cens vingt & six, les Turcz, qui au bieu pris l'Isle & ville de Rhodes, descendirent par mer en Hongrie: & apres dure bataille conquerirent le royaume de Hongrie, ou le Roy fut occis & la Roynie prinse prisonniere: & vn peu apres vint vne grande multitude d'Allemands, qui se disoient venir de la secte & faulx doctrine de Luther, iusques au nombre de huit ou dix mil hommes; voulurent entrer par force en pais du tresillustre Duc de Lorraine: mais ilz en furent vtilement chassez, & miraculeusement deffaitz, & presque tous occis par les freres dudit Duc de Lorraine: dont il y a vn liure compose en langue vulgaire: & à ceste cause me deporté de plus auant en parler & escrire.

Enuiron ce temps fut deffendu par Arrest translater n'imprimer liures qui concernent la sainte Foy catholique, que preallablement la court ne les eust veuz & permis: & en ce mesme temps fut executé & bruslé tout vif en la place Maubert, vn ieune Advocat de la Rochelle, lequel auoit proferé quelques parolles blasphematoires contre Dieu, & sa glorieuse mere, les benoistz Saintz & Saintes de Paradis.

Comment le Seigneur de Bourbon fut tué, voulant entrer dedans la ville de Romme, & comment le Pape se retira au Chasteau de saint Ange: & d'autres diuerses matieres.

LAn mil cinq cens vingtsept, au moys de May, les Ducs de Bourbon & Prince d'Orenge, estâs es Itales avec grand compaignie de Laquenez & Aduenturiers François & Hespaignolz, firent plusieurs courtes, faignans doner l'assault à aucunes villes & communautéz, à fin de trouuer moyen de recouurer argent, dont ilz estoient mal garnis: & apres que de Floréce & autres citez ilz eurent grosses sommes d'argent pour les laisser en paix, ilz s'aduiserét d'vne chose assez estrange, & parauant non ouye estre aduenue à la Chrestienté: car avec toute leur puissance ilz allerent assaillir la ville de Romme, le saint pere Clement estant dedans: & pour faire le conte bref, la prindrent d'assault: mais le iuste iugement diuin ne voulut permettre ledit Seigneur de Bourbon y entrer vif, ains fut tué d'vn coup de haquebute, sur les murs de la ville, ainsi qu'il s'efforçoit d'y entrer: mais nonobstant sa mort fut la ville prinse. De raconter les execrables inhumanitez que feirét ces paillards Laquenez, & Hespaignolz, dedans la sainte cité de Romme: il n'est homme qui sceut escrire la dixiesme partie: car les Eglises & lieux saintz furét prophanez & polus, les Dames veufues, mariées, vierges, & mesmes les Nonnains sanctimonialles, prostituées & violées. Les reliques, chappes, & autres aornemens, dediez au seruice de Dieu, & son Eglise pillez & emportez: & generalemēt toute la ville, ancien Sepulchre des Apostres & Martyrs, siege & residence du grand Prestre de la tressainte Loy Chrestienne, mise en proye, & habandonnée en pillage & rapine de ses Aduenturiers cruelz & barbares, gens non craignans Dieu, ne congnoissans ses commandemens. Et ne fault reuoker en doubte que la main de nostre Seigneur ne visitast lors les Rômains plusieurs vices, desquelz ilz estoient notez: & pourtant ne se doyent orgueillir ceux qui furent cause de telle prinse, car ilz sont seulement *Flagellum Dei*, & executeurs de la Iustice diuine: & deburoiēt bien auoir en memoire que quand vn pere veult corriger son enfant qui a failly, il prend des verges & le bat: mais quand il void son enfant se repētir de son forfait, & luy requerir pardon, il s'appaie avec luy, & iette les verges dedans le feu: mais ce propos laisse, retournons à la matiere. Quand le saint Pere veid la ville de Romme prinse, il se retira en son Chasteau saint Ange, & aucuns Cardinaulx & Ambassadeurs, qui pour lors estoient avec luy: auquel lieu il fut par iceux Hespaignolz

Hongrie prinse par les Turcs mil cinq cens vingt six vne bande d'hareliques Lutheriens deffait par le Duc de Lorraine.

L'an mil cinq cens xxvij.

La mort du Duc de Bourbon à Romme

LES CRONICQ. ET ANNALES DE FRANCE.

& Lansquenetz assiegé; & combien que son chasteau fust assez puissant pour tenir long temps contre les ennemys, ce nonobstant le saint Pere, craignant par prodicion, ou autrement, tomber és mains de si effrenez & rebelles souldats, se rendit au Prince d'Orrenge, & au Viceroy de Naples: lesquelz le meirent en feure garde, & le tenoiét prisonnier en son chasteau mesmes. Mais peu de temps apres, par punition de Dieu, ou par chaleur de saer, & infection des corps mortz mal inhumez, se meit en la ville de Romme si grande mortalité, que c'estoit horreur à veoir, & tant que chascun habandonnoit la ville, parquoy le saint Pere fut par iceux, qui l'auoient en garde, mis hors de Romme, & mené vers le royaume de Naples, qui estoit vne piteuse & lamentable chose, pour tout le bien public de la Chrestienté, de veoir le saint Pere, tenant le siege saint Pierre, & ayant en terre le tiltre du grand Vicaire de Dieu; estre captif, és mains des Chrestiens mesmes; qui luy portoient aussi peu de reuerence qu'eussent fait Iuifz, ou Sarrazins. Quand est du corps du Seigneur de Bourbon, au grand regret de tous ceux de son armée, fut apporté en l'Eglise: & furent plusieurs qui s'efforcerent de composer Epitaphes à sa louenge. Peu de temps apres ceste malheureuse prinse & pillerie de la ville de Romme, & captiuité du saint Pere, les nouuelles en vindrent au Roy de France, qui comme Prince Treschrestien eut grand dueil & compassion de la perte, & desolation des saintes reliques des Eglises Romaines: & pareillemét du mal traitement du saint Pere, & proposa de pourueoir & remedier à tout & de sa puissance, en conseruant tousiours son tiltre de Treschrestien Roy donner secours à l'Eglise, pour lors violée & opprimée.

Mortalité en la ville de Romme.

L'an mil cinq cens xxvij.

Ambassade d'Angleterre à Paris.

Le huitiesme iour de Iuin audict an mil cinq cens vingtsept, l'Ambassadeur d'Angleterre, accompagné des Ambassadeurs de Venise, Portugal, & autres en bel & triumpant ordre vindrent au Palais royal à Paris, ou le Roy estoit logé: & le iour de Pentecoste furent à l'Eglise nostre Dame de Paris le Roy nostre sire, & ledict Ambassadeur accompagnez, cōme dessus, & de plusieurs Cardinaulx, Archeuesques, Euesques, Princes & Gentilz-hommes: auquel lieu bien & deuotement ouyrent la Messe: puis confermerent les accordz, fraternitez, & alliances au parauant faictes: & le Mardy ensuyuant le Roy leur feit le festin en la salle saint Loys, audict Palais, lesquelz furent humainement seruis de merz & entremetz, & apres plusieurs morisques & esbatemens.

Le Cardinal d'Yort, à Amyens.

Enuiron le vingtseptiesme iour de Iuillet, audict an, le Roy partit de paris pour aller à Amyens: auquel lieu triumphamment receut encores vne magnifique & fort triumpante Ambassade enuoyée par le Roy Henry d'Angleterre, de laquelle estoit Chef le reuerend Cardinal d'Yort: & enuoya le Roy au deuant de luy, pour le festoyer & receuoir, reuerend pere en Dieu, François de Rohan, Archeuesque de Lyon, Primat des Gaules, & Euesque d'Angiers, & monseigneur Charles de Rohan, Cheualier de l'Ordre du Treschrestien Roy, Comte vsufructier de Guyse, & Seigneur du Vergier, en Aniou, avec plusieurs autres Prelatz & Seigneurs: desquelz il fut honnorablement receu, puis au Roy présenté: lequel en tresbeaulx termes exposa les cas pour lesquels il estoit venu, & tant exploicta, en ensuyuant la charge de sa legation, que ferme & stable confederation fut renouvelée & accordée entre les tresnobles Roys de France & d'Angleterre, & s'entrepromirent ayder & secourir vers & contre tous: puis s'en retourna ledict Cardinal trescōtent du Treschrestien Roy, de sa noblesse, & du sumptueux recueil qu'on luy auoit fait en sa court.

La mort du Seigneur de Semblançay.

Le neufiesme iour d'Aoust, veille saint Laurens, audict an, comme ia pieça laques Fournier, de Beaulne, Seigneur de Semblançay, en Touraine, eust esté constitué prisonnier en la Bastille, soubz la garde de noble homme messire Gilles de la Pommeraye, & eussent aucuns Presidens & Conseillers vacqué par plusieurs iours à faire sondict proces, apres qu'iceluy eut veu la mort de ses filz puisnez (decedez en leur fleur de ieunesse, lesquelz à grands fraiz & mises auoit procuré estre pourueuz, l'un à l'Archiepiscopal le dignité de Tours, & l'autre à l'Episcopalle de Vannes) finablemēt fut iceluy de Beaulne, par les commis à faire son proces, condamné à estre pendu & estranglé au gibet de Montfaucon. Mais comme on luy eut prononcé son dicton, cedit iour suruindrent quelques nouuelles: parquoy l'execution fut retardée iusques au Lundy ensuyuant: auquel iour fut accomplie & executée la sentence contre luy donnée: & partit de la Bastille ledict Seigneur: estant aagé de septante & cinq ans ou enuiron, lequel tant d'honneurs auoit euz en sa vie, que du Roy estoit appelé compere. Il fut mis entre les mains du bourreau,

bourreau, & mené au gibet : mais il portoit son aduersité en si merueilleuse constance, que tous ceux qui le voyoient en estoient esmerueillez : & luy estant à l'eschelle publiquement confessa auoir bien la mort desseruie, par ce qu'il auoit plus obey aux hommes, & au monde qu'il n'auoit à Dieu. Et telle fut la fin du Seigneur Semblançay, qui auoit vescu en si grande autorité : & oultre furent tous ses biens iugez confisquez & acquis au Roy : depuis, par permission du Roy, le corps d'iceluy de Beaulne fut osté de la iustice patibulaire, & rendu à ses parens, lesquels le firent mettre en terre sainte.

Peu de temps apres la mort de Semblançay, le General de Beaulne, son filz aisné pour lors se tenant à Paris, ou pource qu'il auoit paour que l'on meist les mains sur luy, ou esmeu de iuste douleur pour l'ignominieuse mort de son pere, assembla ce qu'il pouuoit auoir d'or & d'argent, & sans aduertir aucun, tant fust son priué ou amy, se partit de Paris, & habandonna le royaume de France, se retirant es parties de l'escu Empereur, aussi fit vn nommé Berthelot, * President en la chambre des Comptes, à Paris, qui pareillement s'estoit entremis du fait des Finances : & pour certain fut celle année moult suspecte pour les Thresoriers, & gens de Finances.

* Autres le
noms Gil-
les Berth.

En ce temps le Treschrestien Roy de France, voyant nostre mere sainte Eglise tant mal traitée & desolée, & le successeur de saint Pierre, grand Pasteur d'icelle, es mains de ses ennemis, detenu en captiuité, voulut toutes choses laissées, tout ainsi qu'il appartient à sa celsitude restaurer & remettre tout en bon ordre : & pour ce faire assembla grosse armée, laquelle il enuoya vers Romme soubz la charge & conduite de trefillustre Seigneur, monseigneur de Lautrec : lequel ioyeusement ceste charge entreprint : & avec son armée passa les montz, & print la ville d'Alexandrie : puis deuant Paue, ou auoit esté la malheureuse bataille, arriua, & y donna l'assault : lequel tant cōtinua qu'il y entra par force : & en vengeance des nobles François, qui y auoient esté occis & prins, meit ceste ville à destruction, telle que de cent ans ne sera qu'elle ne s'en sente : puis marcha vers Romme. En ce tēps fut le Pape remis en son siege, moyennant les bons & loyaux François, & deliuré des mains de ses ennemis, dont fut moult grand' ioye en France.

Le Roy enuoya
le seigneur de
Lautrec à Rō-
me, pour don-
ner secours
au Pape.

Après ledict Seigneur de Lautrec print son chemin pour aller à Naples. Audiēt an, environ le dixneuuesme iour de Ianuier, reuerēd pere en Dieu Anthoine du Prat, Archeuesque de Sens, & Chācelier de France, receut le Chapeau & dignité Cardinale, à luy enuoyé par le tressainct pere, en l'Eglise des Augustins, à Paris : auquel lieu assisterent plusieurs Prelatz, Archeuesques, Euesques, Abbez, Prieurs, & Gentilz-hommes. Le Roy nostre sire, Madame, & le noble sang Royal estoient à saint Germain en Laye. Environ ce temps le Roy demanda à la ville de Paris vn don de deux cens mil francs pour sa rançon, & deliurance de noz Seigneurs ses enfans : laquelle fut amoderée à cent cinquante mil francs : & fut ordonné à la chambre du Conseil que ladicte somme se leueroit sur les maisons de ladicte ville & faulxbourgs, qui a esté vn bien gros mal aux pauvres habitans, & plus qu'aux riches : car tel auoit mil liures de rente qui n'en payoit qu'autāt qu'un pauvre homme de mestier. La raison ? car Messieurs de pratique, & autres viuans de leurs rentes, ne sont logez qu'en ruēs destournées, ou les maisons sont peu estimées : & les pauvres Marchans & gens de mestier, qui ne peuuent gagner leur vie s'il ne sont es ruēs passans, louent les maisons, appartenentes ausdictz Seigneurs, deux fois plus qui ne valent : & pour ceste cause les pauvres, qui tenoient maisons à louage, ont esté contrainctz, oultre le louage, payer pour ledict don vn tiers de leur louage : cōme celuy qui tenoit maison de soixante liures, a payé vingt liures : dont plusieurs, qui estoient bien empeschez à payer leur quorite, ont esté executez pour ladicte somme. C'est raison de ayder au Roy : mais on doit asscoir vn impost egalement, & supporter les pauvres. En cest an fut abbatuē la grosse tour du Louure, à Paris, par fordonnance du Roy : laquelle auoit esté iadis ædifée & construite du temps du Roy Philippe Auguste.

Paue prinse
par les François,
& destruite.

Le don que les
Parisienz firent
au Roy,
pour sa rançon.

En ce temps apparut quelque signe sur la ville de Lyon, en guise de feu : & en Italie tomba des pierres semblables au machefer des mareschaux. Le vingtiesme iour de May, mil cinq cens vingt & huit, le ieune Duc de Ferrare arriua à Paris, pour espouser treshaute & tressage & prudente Princeesse, madame Renée, sœur de la bonne Roynie Claude, & fille du feu Roy Loys, xij. & d'Anne, Roynie de Frāce, & Duchesse de Bretagne. La nuit du Dimēche dernier iour de May audiēt an, par quelque vn pire que chiē maudit de Dieu, fut rompuē & coupée la teste à vne image de la vierge Marie, tenant l'image de Iesus entre ses bras, estant contre vne muraille, derriere le petit saint

Signes & prodiges
aduennus
en diuers
lieux.

LES CRONIQ. ET ANNALES DE FRANCE.

Anthoine, qui fut vne grosse horreur à la Chrestienté: & pour prier Dieu qu'il luy pleust appaiser son ire contre nous, & permettre les malfaiçteurs heretiques mauidictz estre accusez, pour en faire punition, le Roy nostre sire, estant à Fontainebleau, apres auoir ouy les piteuses nouvelles, meu de pitié, de bon cœur deuot, feit crier que quiconques accuseroit celuy qui auoit fait ce crime & grād oultrage, que Iehan de la Barre, Preuost de Paris, luy bailloeroit mille escus d'or au soleil: & s'il auoit fait quelque cas, ledict Seigneur luy donneroit grace & remission, de quelque chose que ce fust: & en memoire de ce, il feit faire vne image de la vierge Marie, d'argēt doré, tenant son filz entre les bras, & faire processions generales, ou il assista. Et le Lundy quinziesme iour de de Iuin ensuyuant, naquit en la ladicte ville vn enfant mort nay: lequel fut porté le Mardy ensuyuant deuant l'image que le Roy auoit là posée, & changea couleur, & tost apres fut encores porté deuant celle qui auoit esté ainsi rompuë, estant en l'Eglise saint Gervais, nommée nostre Dame de Souffrance, & alors apperceut-on euidentement le miracle de Dieu, par l'intercession de sa glorieuse mere, & fut baptisé en ladicte Eglise: & apres qu'il eut rendu l'ame à Dieu, fut enterré au bout de l'euvre deuant le Crucifix de ladicte Eglise. Le Samedi ensuyuant, vingtiesme dudiçt mois de Iuin, maistre Pierre Leder Conseiller en la Court de Parlemēt, à Paris, pour ses demerites fut deuestu & desmis de son Office, son arrest luy fut prononcé en la grand' Chambre, en la presence de tous les Presidens & Conseillers, tous vestus de leurs robbes d'escarlatte, par mōseigneur le President Poliot, & fut declairé inhabile de tenir iamais Office Royal. Il fut mené en la court du Palais sur la pierre de marbre, & là luy fut ostée sa robe d'escarlatte, & vestu d'vne robe de Bureau: puis fut condamné à vne grosse somme de deniers, & rendu à l'Euesque de Paris, pour les cas priuilegiez.

Maistre Pierre Leder, Conseiller en la Court, fut priué de son Office.

En ce temps furent publiées par montioye, Roy d'armes, les trefues pour huit mois entre le Roy nostre sire, son frere & bon amy le Roy d'Anglererre, l'esleu Empereur, & madame Marguerite, tant sur mer, que sur terre, en leurs royaumes, païs, terres, & seigneuries, & le lendemain, qui estoit le Samedi, le Roy voulut veoir la monstre des Bazochiens, pource qu'il auoit ouy dire qu'elle estoit triumpante: & pour ceste cause le Roy estant au Palais, les veid passer par dedans: & à la verité il n'en fut oncques veües de pareilles. Le Dimanche ensuyuant, vingthuitiesme dudiçt mois de Iuin, treshault & trespuissant, sage & ieune enfant Prince, le Duc de Ferrare, espousa treshaulte, trefprudente & magnifique Dame, madame Renée fille du feu Roy Loys, douziesme, & de Anne de Bretaigne, & sœur de la bone Royne Claude, en son viuant tref-aymée espouse du Treschrestien Roy de France, François, premier de ce nom, en la sainte Chapelle du Palais, à gros & inestimable triumphe: le Roy la conduysit iusques à l'Eglise, la tenant par dessoubz les bras: & les Princes & Gentilz-hōmes de France estoient moult triumpamment decorez, & semblablement ceux du Duc de Ferrare. Le Roy auoit vne belle robe de broderie, & le Duc de Ferrare pareillement vne, ayant vn bord large de deux doigtz, chargée de fines pierreries, & le collet tout chargé de pierres de toutes sortes qu'on ne pourroit estimer. Madame la Duchesse en auoit vne de veloux cramoyfy, & sur la blanche poitrine vne hermine trefriche, sur son Chef auoit vn chapeau de pierreries, ses blonds cheueulx trainans iusques à terre, monsieur le grand Maistre luy portoit la queue, & semblablement vne forte belle Dame, que son disoit estre la sœur du Roy de Nauarre. Madame menoit vne des filles de France, accompagnée de la Royne de Nauarre, & autres Dames & Damoyelles, richement aornées. La salle & gallerie du Palais estoient tenduës de tous costez, & dessus, aussi les autres salles de riches tapis. Peu apres vindrent nouvelles que monsieur de Beaulieu, filz de messire Robert de la Marche, faisoit quelques insolences & portz d'armes es champs: parquoy le Roy y enuoya, & fut deffaict. Enuiron la fin du mois d'Aoust, audiçt an, vindrent nouvelles que monsieur de Lautrec, Lieutenant general pour le Roy es païs d'Italie, & Naples estoit decedé, dont fut vne grand' perte pour France.

Mariage du Duc de Ferrare, & de madame Renée, fille du Roy Loys, xij.

Le seigneur de Lautrec decedé.

Le Ieudy dixiesme iour de Septembre, audiçt an, vint l'Ambassade de Hongrie au logis du Roy, dedans le Palais, ou elle fut honnorablement receüe: & cediçt iour à quatre heures de releuée le Herault de l'esleu Empereur vint au Palais royal, sur la table de marbre en la grand' salle, ou le Roy assista pour souyr parler: & fut fait vn eschauffault, à fin que le peuple peust tout veoir & ouyr. Le Roy estoit accompagné des Princes de song sang, & autres, de monseigneur le Chancelier, & ceux de son grand Conseil, Messieurs

Messeigneurs de la Court de Parlement, de la ville & des Bourgeois, & notables Marchans d'icelle, les Archers & Arbalestriers du Roy, ceux de la ville avecques les Hachebutiers, estoient en bon ordre, gardant le peuple de monter en la grande salle, iusques à ce que ledict Herault y fust entré. Et quand il fut deuant le Roy pour faire sa harangue, les portes furent ouuertes, à fin que le peuple entrast dedans.

*Le Herault
de l'Empereur
vint à Paris
vers le Roy.*

L'an mil cinq cens vingt & neuf, enuiron le sixiesme iour d'Auril, apres Pasques, vn Gentil-homme heretique, nommé Loys Berquin, fut bruslé deuant l'hostel de la ville, à Paris. En ceste année la paix tresdesirée d'entre nostre saint pere le Pape, Clement septiesme, le saint siege Apostolique, & treshault & trespouissans Princes, François, par la grace de Dieu Roy de France Treschrestien, Charles par la grace de Dieu esleu Empereur, Roy de Germanie, & de Castille, Ferrand Roy de Hongrie, & de Boësmie, Archeduc, Henry par la grace de Dieu Roy d'Angleterre seigneur d'Hybernie, & deffenseur de la Foy, pour la tuition & deffense de leurs personnes, biens, estat, pais, terres & seigneuries, subiectz & vassaulx : & par le moyen & interuention des treshaultes, & tres-excellentes Dames, Madame, Madame Loys de Sauoye, Duchesse d'Angoulmois & d'Aniou, mere dudit Seigneur Roy Treschrestien, & de madame Marguerite, Archeduchesse d'Austriche, Duchesse douairiere de Sauoye, tante dudit Empereur, fut faicte, conclue & accordée à Cambray, le cinquiesme iour d'Aoust, l'an mil cinq cens vingt & neuf, & publiée à Paris en grand triumphe & solennité, le Mercredy huietiesme iour de Aoust, audit an : & furent faictz les feux de ioye : & moyennant ladicte paix fut dict que les biens tant meubles qu'heritages seroient rendus au Duc de Bourbon, ou à ses heritiers : & pareillement à tous autres qui auoient souffert perte & dommage pour ladicte guerre, tant des pais de France, Hespaigne, que d'ailleurs.

*Berquin bruslé à Paris
comme heretique.
Paix entre le
Roy de France,
l'esleu Empereur,
& le Roy d'Angleterre.*

En cest an, le Roy nostre sire fait commencer vn sumptueux edifice, sur la façon de Madrich, pres Long-champ, assis entre le port de Nully & ledict Long-champ, au bout du boys, pres la riuere : pareillement fait besongner à Fontainebleau, & au boys de Vincennes. En ce temps estoit vn larron & volleur entour Paris, nommé Charles de la Rocque bastard, lequel faisoit larrecins & meurtres innumerables : & disoit on qu'il auoit vn cheual borgne, lequel auoit les quatre piedz blancz, & alloit le plus viste du monde, toutesfois fut il prins, & amené au Chastelet de Paris, & apres son proces fait fut condamné à auoir le poing coupé, & estre bruslé tout vif, en la place de Greue, deuant l'Hostel de la ville. En ce temps Jehan de Salua, premier President, deceda de ce siecle enuiron la feste de la Conception nostre Dame, qui fut vne grosse perte en France, & pour la ville de Paris : car il estoit bon iusticier. Le vingtiesme iour de Ianuier, audit an, enuiron neuf heures du soir, apparut vne comette sur la ville de Paris, & en plusieurs autres villes : mais on ne sçait qu'elle signifioit.

*Nouveaux
edifices en-
commencés
par le Roy.*

*Le decedz du
President de
Salua.*

Le vingtquatriesme iour du mois de Feurier audit an, fut couronné Empereur par nostre saint pere le Pape, en la ville de Boulongne la Grasse, Charles d'Austriche, Roy d'Hespaigne. En cedit an les mois de Feurier & de Mars furent doulx & serains, plus qu'ilz n'ont de coustume, en sorte que les bourgeons des vignes estoient ia grans : & en Auril fait si grosse froidure, especiallement iusques à Pasques, qui fut le dixhuitiesme dudit mois, que tout cuida estre gasté & perdu de gelée, sans la grande bonté & misericorde de Dieu, qui nous monstra de beaux miracles : car on veid la glace pendre aux seps des vignes, & neantmoins les bourgeons ne furent gelez : & furent par toute France faictes les plus belles processions, & en ausi grande deuotion qu'on veid iamais : & vne nuit de la sepmaine de la passion, toutes les paroisses de la ville de Paris furent à nostre Dame des Vertus, place tresdeuotieuse : laquelle est distant de Paris deux lieues & esdictes processions y auoit tant de torches allumées, que ceux qui estoient à Montlehery, cuydoient que le feu fust dedans Paris : & par les bonnes prieres, que Dieu a exaulcées, les vignes & bledz furent sauuez.

*Couronnement
de l'Empereur
à Boulongne.*

*Glace pen-
due aux seps
des vignes
sans y mal-
faire.*

Le vingtiesme iour d'Aoust, audit an mil cinq cens vingtneuf, vn Religieux de S. Pierre de Ferrieres en Gastinois, au diocese de Sens, nommé Domp Loys du Vergier, en reuenant de Complies tua son Prieur, nommé Bertrand de Lassus, pource qu'il le reprenoit de ses fautes : lequel Domp Bertrad estoit party de saint Martin des Champs, à Paris, pour remonstrer à aucuns des Religieux leurs deffaultes, & estoit de plusieurs réputé estre iuste & saint homme.

En ce temps au mois de Septembre, vn nommé Christofle Vous, natif d'Angiers, pour

LES CRONIQ. ET ANNALES DE FRANCE.

*Vn homme
pédu, eschap-
pa des mains
du bourreau.* aucuns crimes & excez faitz & commis par luy, avecques aucuns autres mal-faïcteurs, fut condamné à estre pendu & estranglé en la place Maubert, à Paris: lequel apres auoir esté pédu longue espace de temps, fut veu remuer, & fut secouru du peuple & porté en l'Eglise des Carmes: & dist on qu'il auoit tousiours eu grande fiance à la vierge Marie, & qu'à l'intercession d'icelle fut preserué de mort. Audiēt an, fut par le Roy de Hongrie obtenu victoire contre les Turcz: pour laquelle furent faïctes processions generalés à Paris, en l'Eglise saint Martin des Champs, & furent les ruës tenduës & portez moult de reliques & chasses, avecques grand triumphe.

*L'an mil cinq
cens trente.
Vn curé occis
par son Vicai-
re.* L'an mil cinq cens trente, le dixneuuesme iour d'Auril, vn Vicaire, qui estoit venu veoir son maistre, lequel se tenoit à Paris, au college d'Autun, seant deuant saint Andry des Ars, de nuict tua & occist le seruiteur de sondict maistre & Curé, & puis coupa la gorge audiēt Curé: pour lequel meurtre fut ledict Vicaire dégradé au paruis nostre Dame, le Mercredy quatriesme iour de May dudiēt an, & habillé en habit de fol, puis deliuré à noble personne maistre Jehan Morin, Lieutenaut criminel: & par sentence fut condamné auoir le poing coupé, & estre attaché à vne potée, avecques le braquemart dont il auoit faïct ledict meurtre, fiché deuant ledict College, puis estre bruslé tout vif deuant l'Hostel de la ville: ladiēt sentence, confirmée par arrest de la Court de Parlement, fut mise à execution le leudy ensuyuant cinquiesme iour dudiēt mois de May.

*Trespas du
Seigneur Ma-
ximilian.* Et en ce temps eut quelques maisons bruslées en la ville de Troyes. En celle année ceda à Paris le Seigneur Maximilian Sforce, dist le More: & fut enterré en l'Eglise des Carmes le dixiesme iour de Iuin à grande solennité. Les quatre Presidens portoient le poille: deux Euesques menoiēt les deux premiers dueilz: la Court suyuoit apres, & la ville coste à coste d'eux. En ce temps Joigny en Bourgongne fut quasi bruslée, & les batteaux qui estoient sur la riuere bruslerent. En ce temps, à Chaulme en Brie, fut trouué le corps saint Dosme, que l'on dist auoir esté Euesque du Mans, & ou son chey repose, lequel faisoit audiēt Chaulme de beaux miracles. A l'Eglise saint Anthoine de Condry,* au diocese d'Amyens, vn Prestre qui chantoit messe en la chappelle saint Anthoine veid pardeuant luy passer vne Souris: & quand il fut à son Memento, ayant les yeulx clos, ladiēt Souris vint prendre la sainte Hostie, ou reposoit le corps de Iesus Christ, & ne peut estre recouuerte, pour quelque chose qu'elle fust cherchée.

** Autres
Conty.* Le Mardy cinquiesme iour de Iuillet audiēt an mil cinq cens trente, la poste arriua à Paris, enuiron deux heures apres minuiēt, apportans lettres que noz Seigneurs les Enfans estoient en France du Vendredy premier iour dudiēt mois: pour lesquelles nouuel les messieurs de la Court furent à l'Eglise nostre Dame de Paris, & pareillement messieurs de la ville: auquel lieu, en la presence des dessusdictz, fut chanté solennellement *Te Deum laudamus*, & puis vne belle messe de nostre Dame. Ce dict iour fut solennizé de toutes œuures, pour l'amour des bonnes nouuelles: & à toutes les Eglises de Paris, fut chanté *Te Deum*, les feux & plusieurs esbatemens furent faïctz de ioye: & messieurs de la ville en feirent bien leur deuoir: car ilz tindrent court ouuerte: & pour le menu populaire furent deffonsez muys de vin deuant ledict Hostel, & n'est point memoire d'homme auoir veu demonstrier vne plus grande ioye au peuple & gens de Paris. Il ne fut cediēt iour question à Paris que de rire & faire grande chere. Les petits enfans crioient, Vive le Roy & ses enfans. Le mardy ensuyuant, iour des octaues, du bon du cœur du peuple, sans publication ne commandement feirent de rechef les feux & esbatemens, demenant grande ioye. Le Vendredy ensuyuant messieurs de la Court & de la ville, feirent Processions à l'Eglise nostre Dame de Paris. Le Dimenche processions generalés: le Lundy messieurs des Comtes: le Dimenche d'apres l'Vniuersité. Le vingt & troysiesme iour de Iuillet, audiēt an mil cinq cens trente, le village de Seaux, pres Paris fut bruslé par cas fortuit, qui fut gros dōmage. La Royne Alienor, & noz Seigneurs les enfans, feirēt leur entrée à Bourdeaux l'vnziesme iour de Iuillet, & à Angoulesme, le xxij. iour: & le dernier dudiēt mois arriua à Paris la Comtesse de Nansau, bien accōpaignée des Princes, Seigneurs, Gentilz-hommes, Dames & Damoyelles d'Hespaigne.

Au mois de Septembre audiēt an, par le commandement du Roy nostre Sire, & à la requeste de noble homme maistre Guillaume Budé, Maistre des requestes, & de la librairie du Roy, & de plusieurs autres, fut abbatuë la faulse porte saint Martin. En c'est an, au mois d'Octobre, vint à Romme vn grand deluge d'eauë, tellement que le Pape, les Cardinaulx, & la plus grande part du populaire furēt contrainctz abandoner la ville.

Au mois

Au moys ensuyuant, le neufiesme iour de Novembre, fut pareillement vn deluge *Deluge d'eau.* d'eauës en Flandres & en Hollande: & enuiron ce temps mourut madame Marguerite de Flandres. En ce temps mourut en Angleterre le Cardinal d'Yort, lequel on dit soy estre luy mesmes empoisonné: & en ce mesme temps mourut aux Tournelles à Paris, le Comte de Carpe, & fut porté enterrer en habit de Cordelier, aux Cordeliers. *Trespas du Côté de Carpe.*

En c'est an mil cinq cens trente, la vigille saint Thomas tref-reuerend pere en Dieu *pe.* Anthoine du Prat, Archeuesque de Sens, & Chancelier de France, feit son entrée de Legation en la ville de Paris, ou fut receu à moult grand honneur & triumphe. Audist an, au moys de Mars, noble Princeſſe madame Alienor, Roïne de France, fut couronnée à saint Denis en France, le cinquiesme iour de Mars, ou se trouuerent plusieurs Princes, Barons & grands Seigneurs. Puis se partirent de saint Denis, pour venir faire son entrée en la ville & cité de Paris, laquelle se deuoit faire le septiesme iour dudit moys: mais pour cause du mauuais temps qu'il feit, fut differée, iusques au seiziesme iour dudit moys de Mars: & fut ladicte entrée faicte à grand'ioye & solennité: & fut ladicte Roïne accompagnée de plusieurs Prelatz, Archeuesques, Euesques, Abbez, Princes, Seigneurs, Cheualiers & Barons en grosse quantité & bel ordre, & pareillement de messieurs de la ville, avec les Officiers de ladicte ville, Marchans, Bourgeois & gens de mestier: & furent les ruës tenduës: & vne torche allumée en chascune maison, & ainsi fut conduicte & menée iusques à l'Eglise nostre Dame de Paris, ou le Recteur de l'Vniuersité la receut honnorablement en la maniere accoustumée: puis fut menée en son logis au Palais royal, ausi richement tendu & tapissé qu'on scauroit dire & deuiner, ou elle souppa: & y fut faicte & demenée grande feste & ioye de tous les Princes, Seigneurs & Barons, Dames & Damoyſelles. Le xix. iour dudit moys messieurs de la ville de Paris feirent à ladicte Dame, à leur maison de ville, vn tresbeau & solennel banquet: & apres disner luy feirent present de deux grands chandeliers d'argent, chascun hault de six pieds en pyramide, estimez à la somme de dix mil liures: & sur les hault desdictz chandeliers y auoit vn Phoenix (qui est la deuise de la Roïne) soubz lequel estoit escrit: *Vnica reuiuisco*, & plus bas: *Erasmus olim tenebrae, nunc autem lux in domino*, & encores plus bas: *Ex omnibus floribus orbis, elegisti tibi Liliū unum*. Les Hespaignolz & autres gens de nations estranges furent esbahys de tāt de richesses & gorgiasles choses, & leur sembloit bien (comme ilz disent) qu'en tout le demourant des Seigneuries Chrestiennes on n'en pourroit faire autant. Apres l'entrée de la Roïne de France furent les ioustes faictes à Paris, selonc l'edict, ou le Roy iousta ausi bien qu'on veid onc, ausi feit monsieur le Dauphin, son filz aîné, plusieurs Princes & Seigneurs, vaillans hommes iousterent semblablement, chascun donnoit le bruyt du mieux à qui il vouloit: & à ceste cause, de peur de mentir & desplaire aux mieux faisans, ie n'en ay riens voulu escrire, iacoit ce que i'en ay eu l'opinion par escrit d'aucuns cler-voyans, lesquelz y assisterent. *Ioustes à Paris.*

L'an mil cinq cens trente vn, le vingtiesme iour de May, trespassa de ce siecle tresmagnifique Seigneur, monseigneur le Comte de Laual, grand Gouverneur & Admiral de Bretagne, lequel a esté moult plainct & regretté de ses subiectz. Dieu par sa grace face pardon & mercy à son ame. Enuiron le moys de Iuillet dudit an mil cinq cens trente & vn, les Cheualiers de l'ordre de saint Iehan de Hierusalem, avec leur grand nau, & certain nombre de galées, par l'intelligence qu'ilz trouuerent moyen d'auoir avec le gardien du port de Modon, practiquerent de gagner subtillement, & à l'emblée, la ville de Modon, qui est vne bonne & forte ville en Grace, que les Turcz auoient surprins sur les Venitiens, il y a plus de trente ans. Les Turcz estans en ladicte ville, eux voyans surprins, se retirerent en la Bastille de ladicte ville: qui est vne forte place, que le Turc auoir faict faire depuis qu'il auoit prins ladicte ville sur les Venitiens: lesquelz Cheualiers s'esuertuerent de gagner ladicte Bastille: mais voyās qu'ilz n'estoient assez de gens, & n'auoient assez d'Artillerie, n'y peurent rien faire: parquoy apres auoir saccagé ladicte ville, s'en retournerent. On disoit que s'ilz eussent eu ayde, qu'ilz auoient commencement & fortune pour gagner Constantinople. *L'an mil cinq cens xxxi.*

Pour lors l'Empereur estant en Germanie, practiquoit tous les moyens à luy possibles pour vnir les Germains en la Foy catholique, & nettoyer le païs des hærésies anciennes, renouuelées par les Lutheriens, congnoissant la future ruyne desdictz païs, pour la diuersité des sectes: & le Roy de France estant en son royaume, considerant que les Roys regnent par Iustice, & que Iustice durant le temps des guerres, auoit esté mal

LES CRONIQ. ET ANNALES DE FRANCE.

reuerée par les rebelles, que puis six ou sept ans aucuns Gentilz-hōmes se vouloient faire croire de leurs opinions, par assemblées & cōbatz faictz sans autorité du Roy, & aussi par forces & violences, sans faire reuerēce au Roy n'a Iustice, & que plusieurs sans tiltre, s'emparoiēt de bénéfices, les tenans par force & violence, cōtre ceux qui en auoiēt iouy par plus de xv. & xx. ans à bon tiltre, mesmement es païs du Maine, Aniou, Poitou, Aulny, Angoulmois, & la Marche, de sorte que les bons Iuges royaulx n'auoiēt plus de autorité, & n'y auoit Sergent qui osast aller mettre à execution leurs mandemēs, pour les grands & enormes excez que l'on faisoit à leurs recors & tesmoings, ordonna des le mois de Iuliet dudiēt an mil cinq cens trente & vn, que les grands iours de Poitou seroient tenus en la ville de Poitiers, par aucuns de mesieurs de Parlement: esquelz iours de Poitou sont comprins lesdictz païs d'Aniou, Touraine, le Maine, Aulny, Angoulmois & la Marche, pour punir lesdictz crimes & delictz, & aussi pour vider les appellations verbales de quatre ou cinq années, qui estoient encores indecises: & fut ordonné qu'ilz commenceroient le premier iour de Septembre, & fineroient le dernier iour d'Octobre: & pour mettre à execution leurs Arrestz contre les criminelz, enuoya avecques eux le Seigneur de Chandieu, grand Preuost des Mareschaulx, accompagné de trois ou quatre cens hommes, & fut ladicte ordonnance publiée au mois d'Aoust ensuyuant, en la court de Parlement à Paris: laquelle fut mise à execution.

Les grands iours en Poitou.

Trespas de Madame mere du Roy.

Le vingtdeuxiesme iour dudiēt mois de Septembre, ainsi que Madame la mere du Roy de France, malade d'une longue maladie, qui des long temps la tenoit, s'en alloit de Fontainebleau, ou il y auoit grand dangier de peste, à Remorentin, pour muer d'aër, trespassa en vn village, nommé Grez en Gastinois: & fut son corps mené à Paris, & de Paris à saint Denis en France, ou elle a esté inhumée, pres des Roys de France. Ce fut vne bonne, prudente & sage Dame, & qui par sa prudente conduite (Dieu luy tenant la main) preserua le royaume de France de plusieurs partialitez, mutineries & pragueries, dont on se doubtoit, durant que le Roy fut prisonnier en Italie, & en Hespaigne. Dieu par sa sainte grace vueille auoir son ame.

L'an mil cinq cens xxxij.

L'an mil cinq cens trente deux, fut abbatuë la faulce porte saint Honoré. Audict an fut par l'Ordonnance du Roy, & de mesieurs les Generaulx, & de la Iustice, faicte vne Ordonnance sur les pieces d'or & d'argent, tant de France que des autre païs & contrées, à l'occasion que plusieurs marchans, gens de finance, & autres de diuers estatz & qualitez, par leur auarice, volonté desordonnée, & proffict particulier, vouloient excéder le prix raisonnable: lesquelz faisans encores pis, ont rongné lesdictes monnoyes, & diminué de leur prix, bonté & valeur. Et oultre ont transporté des païs, terres &

Mutation des monnoyes.

Seigneuries du Roy les bonnes monnoyes & matieres de billon, d'or & d'argent. Veu & considéré lesquelles choses a esté mis pris raisonnable sur lesdictes monnoyes, tant d'or que d'argent, au grand soulagement du commun peuple, & de ce baillées & données lettres patentes de par le Roy nostre Sire, données à Nantouillet, le cinquieme iour de Mars, & oultre la dessusdicte Ordonnance, a esté veu & regardé à plusieurs pieces, tant de Flandres, du Liege, de Sauoye, de Lorraine, de Metz, d'Escoce, d'Angleterre, qu'autres: laquelle Ordonnance fut dernièrement donnée à Commercy, le vingtieme

Le Roy visita ses païs de Bretagne.

me iour de Mars, l'an mil cinq cens trente & deux. Au mois de May mil cinq cens trente deux, le Roy, la Royne, & messeigneurs les enfans allerent en Bretagne, & visita le Roy les principalles villes, & la pluspart dudiēt païs, & y fut iusques au mois de Aoust ensuyuant, pendant lequel temps la Royne feit son entrée en la ville & cité de Nantes. Au mois d'Octobre ensuyuant lesdictz Roys de France & d'Angleterre se virent à Boulongne sur la mer, ou ilz confermerent leurs alliances: & fut le Roy de France

L'an mil cinq cens xxxij.

ce à Calais, accompagné de mesieurs les Daulphin, Ducz d'Orleans, & d'Angoulesme, ses enfans. L'an mil cinq cens trente trois ensuyuant, au temps d'Esté, le Roy alla

Le Roy & le Pape Clement traictierent ensemble, à Marseille le mariage de monseigneur d'Orléans, & de la fille du Duc d'Yrrebin.

visiter ses païs & Seigneuries de Languedoc, & feit son entrée triumpante dedans la ville & cité de Thoulouse: & luy estant à Montpellier, entreprint par Ambassades parlementer avec nostre saint Pere le Pape Clement, en la ville de Marseilles, au mois d'Octobre ensuyuant, ou ledict Pape Clement arriua: en laquelle venuë & assemblée fut traicte le mariage de monseigneur le Duc d'Orleans, second enfant du Roy de France, avecques madame la Comtesse de Boulongne, niepce dudiēt Pape Clement: & feirent plusieurs bonnes deliberations, pour remedier aux Scismes & hèresies, lors & des long temps au parauant aduenues des Allemaignes, & dont y auoit ia quelque commencement

ment en la ville de Paris, le tout par le moyen d'un Concile qui se devoit faire par le dict Pape bien tost apres. Le Roy, desirant singulierement la conseruation & deffense du royaume, feit dresser & mettre sus vne force de gens de pied par les prouinces d'iceluy, en forme de Legions, pour d'icelles forces se seruir & ayder, ainsi que l'affaire le requeroit: dont il feit certaines Ordonnances, luy estant à saint Germain en Laye, au moys de Iuillet mil cinq cens trente quatre: c'est à sçauoir és pais & Duché de Normandie vne Legion, au pais & Duché de Bretagne vne Legion, és pais de Picardie vne autre Legion, au pais & Duché de Bourgogne, Comté de Champagne & Niernois vne autre Legion, au pais du Daulphiné, Prouence, Lyonnois & Auvergne vne autre Legion, & au pais de Languedoc vne autre Legion: qui sont sept Legions: & qu'en chascune Legion y auroit six mil hommes de pied, qui se leueroient esdictz pais & prouinces dudit royaume. Au moys de Septembre ensuyuant, mil cinq cens trente quatre, le Comte de Nansau, & le Prince d'Orange, son filz, passa par le royaume de France, venant des Hespaignes, & retournant en sa maison en Flandres. On disoit qu'il auoit charge de par l'Empereur de traicter le mariage de monseigneur le Daulphin avecques la fille dudit Empereur, & de son filz avec vne des filles de France. Le Pape Clement, septiesme de ce nom, alla de vie à trespas à Rome, le cinquiesme iour de Septembre dudit an mil cinq cens trente quatre: & apres son deces fut esleu Pape au conclaue de Rome, vn notable & venerable Cardinal, Romain, nommé de Frenese, qui fut nommé Paul, tiers de ce nom. Vers la fin de ladicte année, l'armée du Turc fut deffaiete en Perse par les gens de Sophy, Roy dudit pais. Le Turc perdit à ceste deffaiete seize mille cheualx, trente mil hommes de pied, dixhuiet mil chameaulx, & autres bagages, cent cinquante grands cheualx, menez en main, avecques leurs accoustremens (qui estoient les cheualx du Turc) & quatre vingtz pieces d'Artillerie, tant grosses que menuës: & de ceux du Roy de Perse furent tant de mortz que defaillans vingt mil, ou enuiron. Au moys de Nouembre ensuyuant, le Roy estant à Chastellerault, y arriua vne Ambassade du Turc Soliman, pour demander alliance, lesquelz furent enuoyez à Paris, ou ilz furent par quelque espace de temps moult bien festoyez.

*Creation des
Legionnaires
en France.*

*Mil cinq cens
xxxiiij.*

*Trespas du
Pape Clement
viij. lequel on
disoit estre em
poisonné.*

*Paul iij. du
nom, creé Pa-
pe.*

*Des placardz affichez par les places de Paris: & de la procession.,
ou le Roy asista en personne, à ceste cause.*

EN ce temps, & l'an mil cinq cens xxxiiij. ainsi que l'ennemy gaigne les cœurs des mauuais incredules, & alienez de la sainte foy, & s'en fait maistre, incita vn tas de malheureux, siens seruiteurs, de contemner par blasphemies le Diuin & saint Sacrement de l'autel. Car le Dimanche xvij. iour d'Octobre, audit an mil cinq cens. xxxiiij. meirent & afficherent par les carrefours, & lieux apparens de la ville de Paris, certains papiers & libelles pleins d'exécrables & damnez argumens & propos, ausquelz pendoient aucuns petits liuretz, confirmatifz des pernicieuses hèresies, declairées ausdictz placardz & affiches: qui estoient (comme dict est) au scandale & grosse irreuerence dudit Saint celeste Sacrement: lesquelz peruers & damnables suppostz de Satan, par la permission de celuy que si grieuement ilz auoient irrité & offensé, & avec la bonne ordonnance de la Court de Parlement, & grande diligence de Maistre Jehan Morin, Lieutenant Criminel, furent acculez, emprisonnez, interrogez: & apres auoir confessé le malheureux cas susdict, condamnez au feu, & la pluspart des coupables executez, plus par diuin iugement qu'autrement. Le Roy estant en la ville de Bloys & aux enuiron, mesmes toute sa court ne fut exempte de telles scandaleuses hèresies: car les dessusdictz, ayans entr'eux diabolique intelligence, & espars en diuers lieux, attacherent telz & semblables libelles heretiques, iusques aux portes de la chambre du Treschrestien Roy: qui n'en porta pas moins de fâcherie que fait en son cœur celuy qui veoit despriser & mettre à impropere la chose si digne qu'il disoit & veult aymer, seruir, honorer, & craindre: parquoy manda par tout le royaume s'enquerir & informer des malfaiteurs en diligence, & d'iceux faire bonne, briefue, & exemplaire iustice. De Bloys le Roy vint à Paris, en son chasteau du Louure, ou le xij. iour de Ianuier, audit an, & sur le matin, furent trouuez, & par la ville, liures infames reiteratifz des blasphemies & hèresies susdictz, qui renforça au vertueux Roy le dueil & tristesse au parauant conçeus, engendrant à luy vn desir

Second volume.

B B B iij

affectueux de future vengeance, contre les ennemys de Dieu: parquoy au xxix. iour dudict moys fait publier en la ville de Paris vne procesion generale, pour pacifier l'ire de nostre Seigneur, qui au moyen des choses susdictes, à luy desplaissantes, pouuoit estre offensé & irrité. A laquelle Procesion solennelle le Roy en humilité & grande deuotion, nuë teste, à pied, & vne torche ardente en main, assista, & la Royne, messieurs les enfans de France, & les Princes du sang royal. Et par ce que chose si excellente, & non iamais veüe au monde, en la grande reuerence & dignité qu'elle fust accomplie, merite bien d'estre mise & couchée par escrit, afin que le temps, gourmand, qui toutes choses tant soient elles de grand' merueille, consomme, preterit, & met en c'est abisme d'oubliance, n'ait le pouuoir de l'adnuller & effacer, nous la redigerons par escrit:

*L'ordre tenu
à la procesion
notable, à Pa-
ris, en laquelle
le Roy assista,
les Princes, Sei-
gneurs, &
sous les Estand-
ards de la ville.*

parquoy retournant à nostre propos, ledict iour xxix. de Ianuier dudiect an, sur l'heure de neuf heures, que les ruës de Paris furent tenduës de tapisseries, toutes les croix, bannieres & saintes reliques des paroisses de ladiete ville, qui s'estoient des le matin assemblées en l'Eglise saint Germain de l'Auxerrois, partirent de ladiete Eglise, pour aller à la grande Eglise de nostre Dame, & tenoient toutes tel ordre que les gens & Archiers de ladiete ville, à ce deputez, leur ordonnoient. Marchoient apres les quatre ordres Mendians, la plupart d'iceux en chappes, portans reliques en deuotion. Suyuoient iceux les Prestres & Chanoines des Eglises parrochiales & collegiales de ladiete ville (en ordre comme dessus) portans les chasses saint Landry, saint Merry, saint Honoré, sainte Oportune, saint Benoist, & autres corps saintz. Les religieux des monastres de saint Germain des Prez, à la main dextre, portoient le corps saint Germain: & ceux de saint Martin des Champs, de l'ordre de Cluny, d'autre part, portoient le chef saint Martin, & le corps saint Paxent: apres, ceux de saint Magloire le corps saint Magloire: & ceux de sainte Eloy le corps sainte Aure: & ainsi les autres suyua. Furent

*Deuotion
moult louable*

portez aussi par seize Bourgeois de ladiete ville le chef saint Philippe, le tableau saint Sebastien, les chasses saint Marceau, & sainte Geneuiefue, en la maniere accoustumée, les religieux de sainte Geneuiefue & saint Victor nudz piedz y assistans. Venoient apres en bon ordre les Chanoines de ladiete Eglise nostre Dame, à main dextre, & le Recteur de l'Vniuersité avec sa suite à main senestre, tenant chascun vn cierge de cire vierge, ardent en leurs mains. Suyuoient iceux les Suisses de la garde du Roy, avec leurs fifres & tabourins. On veid apres les haultboys, violons, trompettes & cornetz d'iceluy Seigneur, iouans de leurs instrumens en grande melodie, ioignans lesquelz marchoient les Chantres de la Chappelle dudiect Seigneur, & ceux de la sainte Chappelle du Palais ensemble, chantans deuoriz motetz, & Cantiques dudiect Saint Sacrement. Apres marchoient les Roys & Heralux d'armes dudiect Seigneur, vestus de leurs cottes d'armes, & iceux suyuoient dix Prestres reueustus, & teste nuë, portans le chef saint

*La S. Croix,
le Chapeau
d'espines, le
fer de la Lan-
ce de nostre
Seigneur, su-
rent ce iour
portez à la
procesion.*

Loys. Estoit aussi portez en grande reuerence la sainte vraye Croix de Iesus Christ, son Chapeau d'espines, & le fer de la Lance, dont son precieux costé fut percé, qui par leur grande excellence & singularité n'auoient esté transportez depuis qu'ilz y furent mis par monseigneur saint Loys. Suyuoient lesdictes reliques, sans aucune distance, grand nombre d'Archeuesques & Euesques, deux à deux, chappez & mittrez, portans reliques de grande preciosité, & en grande reuerence & deuotion, qui puis ledict temps n'auoient esté descenduës, avec autres sacrées reliques d'icelle sainte Chappelle. Apres estoient au deuant du Corpus Domini, & ioignant lesdictz Archeuesques & Euesques, messeigneurs les Cardinaulx de Tournon, le Veneur & Chastilló, faisans le parfait dudiect clergé: & les dessusdictz passez, estoit avec vn peu de distance, le vray & precieux Corps de nostre Sauueur & Redempteur Iesus Christ, que portoit monseigneur l'Euesque de Paris, en grande reuerence, & nuë teste, assisté de ses Archediacles, soubz vn poille de veloux cramoisy violet, semé de fleurs de lys d'or, à quatre bastons de mesme, soustenus & portez par monseigneur le Daulphin, messeigneurs d'Orleans & d'Angoulesme, ses freres, avec monseigneur de Vendosme, nudz testes, & en grande deuotion. Au deux costez du Sacremēt estoient les bandes des deux cens Gentilz-hommes, de la maison dudiect Seigneur, avec torches allumées. Incontinent apres ledict saint Sacrement marchoit le Roy seul, tenant vne torche de cire vierge en sa main, teste nuë, en reuerence non petite, & le costoyoit vn peu plus bas monseigneur le Cardinal de Lorraine: & aux costez dudiect Seigneur estoient en ordre vingt quatre Archiers, gardes de son corps, vestus de leurs hocquetons blancs argentéz, tenans semblablement chascun

chascun vne torche ardente: & apres ledict Seigneur marchoient, le meillieu de la ruë, grand nombre de Princes, & Cheualiers de son ordre, tenans comme iceluy Seigneur chascun vne torche allumée en leur main, en la reuerence que dessus. A costé d'eux marchoient Messieurs de la Court de Parlement, les Maistres des requestes, Conseillers de ladicte Court, deux à deux, Messieurs des Comptes, Generaux de la Iustice des monnoyes, tous Messieurs de ladicte Court vestus d'escarlatte rouge, & les autres de satin, velours & drap noir: & par le milieu de la ruë marchoient les Princes & Cheualiers de l'Ordre dessusdicte, les Gentilz-hommes de la chambre dudit Seigneur, & en general toute la maison du Roy, chascun en leur main vne torche allumée, & teste nuë, messieurs les Preuostz de Paris & des Marchans, & Escheuins de ladicte ville avec leur fuyte, & en general les quatre cës Archiers de la garde dudit Seigneur, vestus de leurs hocquetons argentez, conduictz par leurs Capitaines: & le long des ruës estoient les Archiers de ladicte ville, pour donner ordre à ce qu'en telle multitude confusion ne se messast. En ce magnifique ordre fut cōduict le saint Sacremēt iusques en ladicte Eglise nostre Dame, ou monsieur l'Euesque de Paris, celebra en grande solennité la Messe dudit saint Sacrement: & apres icelle dicte, le Roy, Messieurs ses enfans, la Roïne, & mes Dames, & plusieurs grands & notables personages du noble sang Royal, dînerent au logis dudit Seigneur, Euesque de Paris, ou apres dîner feit le Roy en sa presence venir les Estarz de la ville: c'est à sçauoir ledict Seigneur, Euesque de Paris, avec les plus apparens de son clergé, le Recteur de l'Vniuersité, & les plus notables Docteurs & suppostz d'icelle, le Preuost des Marchans de ladicte ville & les Escheuins, avec grand nombre des principaux Officiers & Marchans de ladicte ville: & luy sèant en chaire, en lieu bien à propos, pour estre veu & ouy de toute la compagnie, & ayant autour de soy Messeigneurs ses enfans, & autres Princes & Seigneurs de son sang, Messeigneurs les Cardinaulx, Messeigneurs de son Conseil estroit, & avec eux les Presidens de la Court, puis aussi Messeigneurs les Ambassadeurs de l'Empereur, & du Roy d'Angleterre, & de la Seigneurie de Venise, & d'autres Princes, Seigneuries & villes, & plusieurs Princes, Ducz, Marquis, Comtes, & Barons estrangers, il feit vne remonstrance publique & particuliere ausdictz Estarz, en si grande affection & vehemence de noble zele, *Remonstrance garnie de si excellentes & haultes raisons qu'il en y auoit peu en toute la compagnie à du Threschre-* qui il ne tira les larmes hors des yeux. Et pour conclusion leur feit requeste, oultre les *stien Roy de* precedentes, que tous vniuersellement & chascun à part & endroit soy eult à denom- *France à mes-* mer tous ceux qu'ilz congnoistroient estre adhærens & complices de ces blasphemés, *sieurs les Pri-* sans nul esgard d'alliance, lignage ou amytié (iusques à ce que quand a luy, si son bras *ces & Estatz* estoit infect de telle pourriture, il le vouldroit separer de son corps) mais qu'ilz eussent *de son royaume,* deuant leurs yeux, que c'est grande meschanceté d'accuser vn personnage à tort. Et en *me, le iour de* la procession. fin tōba ledict Seigneur en si amyables douceurs en son oraison, que tous les assistans plus qu'esmerueillez de telle prudence royale, apres auoir humblement respōdu & remercié de la bōne amour qu'il portoit à la Foy & à toute sa ville, s'en retournerent chascun en sa chascune, fort contens de leur Prince: duquel nostre Seigneur vueille auoir fame. Et le iour mesme furent executez en ladicte ville de Paris, apres auoir fait amende hōnorable deuant l'Eglise nostre Dame, six hæretiques conuaincus d'auoir esté coupables desdictz placards & hæresies.

Le Lundy premier iour de Mars audict an, le Capitaine Ionas, qui au parauant auoit *Le Capitaine* esté longuement prisonnier à la Bastille, pour raison de crime de leze maiesté, fut des- *Ionas descap-* capité aux halles de Paris, & son corps mis en quatre quartiers, & sa teste enuoyée sur *te à Paris, &* le haure de la ville de Marseille. L'an mil cinq cens trente cinq, la faulxe porte saint *mis en quatre* Denis, autrement dicte la porte au paintre, fut abbatuë, & consecutiuelement toutes les *quartiers.* autres faulxes portes de la ville de Paris. L'an mil cinq cens trente cinq, le neufiesme iour de Iuillet, trespassee pere en Dieu Antoine du Prat, Archeuesque de Sens, Chancelier & Legat de Frâce, trespassee en son chasteau de Nantouillet, & fut enterré à Sens.

En ceste année par tout le royaume de France y pleut si continuellement & sans *Playe en Frâ-* cesser, que les bledz estoient tous couchez & renuersez, tous pleins d'herbes, sans pouoir *ce par long* meurir: parquoy par l'ordonnance de la court de Parlement, à Paris, la chasse de madame *temps.* sainte Geneuiefue fut descenduë, & portée en procession generale par ladicte ville, en la maniere accoustumée, pour & afin qu'elle feist priere à nostre Seigneur Iesus Christ, pour conseruer les fruietz & biens qui estoient en la terre: parquoy ne pleut de

LES CRONICQ. ET ANNALES DE FRANCE.

La prinse de la Goulette, par l'Empereur.

Le Iubilé par toute la Chrestienté.

Ordonnance de la rouë, contre les voleurs & guetteurs de chemins.

longs iours apres . L'Empereur, qui longuement auoit tenu le siege deuant la ville de Thunys, à l'encontre de Barberouffe & son armée, au moys de Iuillet, par l'astuce du Marquis de Gast, & d'André Dorie, print & gaigna la Goulette, deffense principale de ladicte ville de Thunys, ou furent mortz & prins de trois à quatre mil Turcz, & quatre cens Chrestiens reniez : & dedans le port de ladicte Goulette furent prins cens sept voilles, tant galeres, galions, que fustes, & vn grand nombre de Cheualiers, qui tous estoient à la garde de Thunys : & depuis ladicte Goulette prinse, ladicte armée de l'Empereur print & gaigna ladicte ville de Thunys, & en chassa ledict Barberouffe & Turcz infideles. De laquelle victoire aduertty nostre saint pere le Pape, pour en rendre graces au Dieu, duquel toutes victoires procedent, & font en son pouuoir, ordōna vn an Iubilé par toute Chrestienté, pour le secours & tuition d'icelle: qui fut celebré au moys d'Aoust audict an, en grande reuerence & deuotion . En ce temps, au moyen que plusieurs personnes, soy sentans suspectz d'hæresie, & choses dessusdictes, s'en estoient fuys & absentez du royaume de France, par pardon & remission du Pape, cōfermé par le Roy Treschrestien, furent r'appelez & reduictz à leur premiere fame, bruyt, renommée & biens tous lesdictz fugitifz, exceptez les malheureux qui auoient mal parlé du saint Sacrement de l'autel . Par ce que par les champs & és villes de ce royaume y auoit grand nombre de vacabondz, meurtriers, brigans & voleurs, qui faisoient & commettoient innumerables maulx, homicides, destrouffes, & pilleries sur les Marchans, & autres passans, fut faicte en ce temps vne Ordonnance de par le Roy & sa court de Parlement, par mandement de lettres patentes dudiect Seigneur, contre lesdictz voleurs, vacabondz & guetteurs de chemins, que ceux qui seroient telz, cōuaincus, seroient brisez & rôpus, bras & iambes, puis mis sur vne rouë pour acheuer en telle peine & tourment ce peu de vie que leur resteroit: qui toutesfois ne destourna point les mauuais vouloirs des obstinez, veu les grâds excès qui iournellemēt s'oyoient r'apporter de telle maniere de gēs.

Du commencement des guerres de Piedmont : & de Sauoye, & d'autres matieres

Les monstres de Legionnaires en diuerses provinces.



Le Roy, enuiron ce temps, s'en alla en Normandie & Picardie, pour veoir faire les monstres des Legionnaires desdictes prouinces & païs : & de là se transporta en Champaigne pour aussi semblable occasion : & puis en fin seiourna longuement en sa bonne ville de Dy-ion. Peu de temps apres le Roy s'en alla à Lyon, pour dōner ordre à l'armée qu'il entendoit enuoyer en Italie, ou il feit durant l'hyuer grandes preparacions de guerre, manda par tout le royaume ses bādes, compagnies, garnisons, Legionnaires, & Artillerie (mesmes de Paris) qui en partit enuiron la-my Ianuier, & feit marcher l'auantgarde soubz la cōduicte de monseigneur l'Admiral son Lieutenant general, deliberé de sūyure, si la necessité le requeroit, & conduire la Bataille . Ladicte armée en bon poinct, passant par le païs de Bresse & la Duché de Sauoye, contraignit la plus part des bōnes villes de ladicte Bresse & dudiect Duché à soy rendre à l'obeissance du Roy Treschrestien . Le dixiesme du moys d'Auril, l'an mil cinq cens trente cinq, auant Pasques, entra l'Empereur à Rome en gros triumphe & acclamation d'vn chascun, accompagné de gros nombre de Gentilz-hommes Neapolitains, des païs des enuiron, des hommes d'armes & hommes de pied, avec grosse quantité de nombre d'Artillerie . Au moys d'Aoust mil cinq cens trente six, mourut à Tournon, au païs de Prouence, le Daulphin de France, nommé François, aagé de vingt ans, ou enuiron, duquel fut grosse perte audict païs de France, Dieu face pardon à son ame . Audict an trespassa aussi à Lyon, le Duc d'Albanie.

L'Empereur feit son entrée dedās la ville de Rome l'an mil cinq cens xxxvi.

Le siege de Peronne.

La mort du Comte de Dampmartin dedās Peronne.

Audict an & moys d'Aoust fut mis le siege deuant la ville de Peronne, par le Comte de Nansau, accompagné des Bourguignons, Allemans, Flamens, & Haynuyers : lesquels y donnerent maintz assaulx : mais ce nonobstant fut ladicte ville, à l'ayde de nostre seigneur Iesus Christ, vaillamment deffenduë par monseigneur le Marechal de la Marche, monseigneur le Comte de Dampmartin, & plusieurs Seigneurs, Capitaines, & autres gens de guerre estans dedās ladicte ville de Peronne: & apres que ledict Comte de Nansau & les Bourguignons eurent esté deuant ladicte ville l'espace de deux moys, ou enuiron, se departirent honteusement avec grosse perte de leurs gens, & sans y riens conquerir . Le preux & tref-vaillant Comte de Dampmartin mourut en ce lieu,

lieu, dont le dōmage fut moult grand: car il estoit de grande conduicte, & es faictz d'armes moult constant. Il fut trouué mort & tout froissé soubz la muraille d'une mine, ou contremine, qu'il alloit veoir, pour y pourueoir & resister aux aduersaires. Le mesme iour que fut leué le siege de Peronne, l'Empereur se partit de Prouence, ou il auoit parqué son Camp, pres celuy du Roy, qui auoit garny le sien de viures, & de toutes choses qui à la guerrē sont decentes, le mieux qu'on veid iamais: & si on s'enquiert de si soudain depart, ce fut à raison que la mort se meit en son armée, la faim pareillement, & tresgrande necessité de maintes choses qui y estoient necessaires, & que ses gens pareillement estoient faschez & ennuyez du grand labeur & des armes, & de la continuation du long temps, ausquelz affaires moult auoient enduré de mal. Et quand est du trefnoble Roy, il mōstra en celle expedition sa grande constance, prudence & vertu: car il vainquit, sans coup ferir, son ennemy & aduersaire: qui est vne chose moult à priser à raison qu'un bon & vertueux Prince ne doit le sang effus de ses Cheualiers appeter.

*La fuyte de
l'Empereur,
du pais de
Languedoc.*

L'Empereur ce considerant, & voyant ne profiter son desir, s'en retourna en son pais d'Hespaigne. En celuy temps le Comte Guy de Rangon, Lieutenant pour le Roy en Piemont, print Sauillan, & bien deffendit la ville de Quiers contre le Marquis de Gast, & l'autre Marquis de Saluces, qui le party du Roy de France, sans nulle occasion, comme le commun bruit estoit, auoit laschement delaisé. Le Samedy, qui fut le septiesme iour d'Octobre, le Comte Sebastiano, iceluy meschant trahytre, qui fainctement auoit empoisonné monseigneur le Daulphin de France, premier filz du Roy, & nommé comme luy François, fut par l'Arrest du grand Conseil, tiré tout vif à quatre cheualx dedans Lyon. Le sixiesme iour de Nouembre fut publiquement crié à Paris, par l'ordonnance du Roy, que tous Marchans durant les guerres pourroient loysiblement trafiquer avec les estrangers, tant en son royaume qu'ailleurs. Enuiron ce temps partit le Roy de la Prouence, & de la ville de Lyon, & par Berry vint en Poitou. Il fut

enuiron vn moys ou trois sepmaines à Chastellerault, pource que c'est vn lieu moult delectable, plaissant, & requis à la chasse des Princes, qui aiment lesbat des boys & forestz. Là estoit avec luy le ieune Roy d'Escosse, nommé Iaques, auquel il feit grande chere: & puis s'en vint à Paris, en passant par Bloys, & autres lieux, menant avec luy ledict Roy d'Escosse. Le Roy logea en la maison de monsieur de Paris, & fut au iour de Samedy. Ledit Roy d'Escosse feit son entrée à Paris, cité principale de France (qui fut au Dimanche, dernier iour de l'an) accompagné de plusieurs Princes, Nobles, & Gentilzhommes: & y estoit monseigneur le Daulphin present, luy faisant grand honneur. Ledit Roy Escossois partit des Tournelles, & vint par dessus le pont nostre Dame, ou estoient aucuns beaux theatres enleuez, lesquels contenoient les armoyries de France, de la Roynne, de mōsieur le Daulphin & dudit Roy d'Escosse, qui vint à nostre Dame de Paris, Eglise maieur. Ledit Roy descendit à pied, & entra dedans ladicte Eglise, pour rendre louenges & mercy à Dieu le createur, & à sa glorieuse Mere, de l'honneur qu'il auoit ainsi tresmagnifiquement receu du Roy, de toute sa Seigneurie, & totalemēt du peuple de Paris. Les ruēs par lesquelles il passa furent tenduēs de tapisseries moult riches. Apres qu'il eut rendu graces à Dieu, luy forty de l'Eglise remonta à cheual, & le

*L'entrée du
Roy d'Escosse
à Paris.*

Roy l'attendoit au logis de Clugny, pres les Mathurins, & là descendit, souppa & coucha. Au lendemain qui fut le premier iour de l'an, furent celebrées les nopces, & espousé ledict Roy d'Escosse à madame Magdaleine, fille du Roy de France, en moult grāde pompe, triumphe & honneur. Le Roy amena sa fille par dessoubz le bras, marchant sur vn long theatre, erigé & dressé hault assez, afin d'eiter la foule du peuple. Apres la messe dicte, le disner fut faict en la grand' Salle de mōsieur de Paris, ou les Docteurs de l'Vniuersité prennent le bonnet doctoral: qui ne fut pas sans ieux & esbatz, danes & relles choses. Puis fut fait le soupper au Palais en tresgrande solēnité: car la grand' salle estoit toute tenduē richement, & en grande magnificence: & depuis furent faictes les ioustes au chasteau du Louure, esquelles se porta vaillāment ledict Roy. Le huietiesme iour de Ianuier audict an fut tué Alexandre de Medicis, Duc de Florence, par Laurens de Medicis, son coulin. Cestuy Alexandre tenoit le party de l'Empereur, duquel il auoit espousé la fille bastarde, & tenoit à force la Duché de Florence. Le quinziesme iour dudit moys de Ianuier, le Roy tint son siege & liz de Iustice en son souuerain Palais à Paris, accompagné des Roys d'Escosse & de Nauarre, de monseigneur Henry, Daulphin de France, son aîné filz, Duc d'Orleans parauāt, & autres Princes & Prelatz:

*La solennité
des nopces du
Roy d'Escosse,
et de mada-
me Magda-
leine, fille du
Roy.*

LES CRONIQ. ET ANNALES DE FRANCE.

*L'an mil cinq
cens xxxvij.
La prinse de
la ville de
Hesdin, &
du chasteau,
par les Fran-
çois.*

auquel lieu la court de Parlement estant assise, monsieur Cappel, du Seigneur Aduocat, au nom de Procureur general, demanda luy estre adiugées les Côtez de Flandres, Artois & Charrolois: & fut ordonné que l'Empereur seroit adiourné es limites de France, pour aux conclusions respondre de l'Aduocat du Roy, & luy enuoyer dire les causes de retention: ce qui fut fait selon droit & raison. Au moys de Mars en l'an mil cinq cens trente sept, deuant Pasques, le Roy s'en alla en Picardie, & meit son siege deuant Hesdin, petite ville: mais le chasteau y est fort & puissant. Ladiete ville fut prinse d'assault, & se rendit au Roy: lequel meit apres son siege deuant le chasteau, qui fut à aduoir difficile: toutesfois ses gens y entrerent par force & composition, & n'y eut pas grand meurtre à celle prinse, qui fut au moys d'Auril, mil cinq cens trente sept, auant Pasques. Le Roy feit fortifier amplement de murs, & autres choses necessaires, & y meit & constitua tresbonnes & fortes garnisons. L'auois oublié à dire comme le Seigneur d'Aufcy, Capitaine dudit Hesdin, fut là occis. En celuy mesme temps le Roy feit bastir & renforcer la ville de saint Paul, si qu'elle fust mieux assurée des aduersaires, qui y pouuoient facilement aller, & tout autour le pais degaster. Apres ces choses le Roy, ayant fait tout ce que faire vouloit, & plus assurément ordonné son pais de Picardie qu'il n'estoit au parauant, meit bonnes garnisons par tout, & se retira, faisant rompre son Camp: dont chascun fut fort esbahy, pour autant qu'en considerant l'armée qu'il auoit, il eust bien peu, & facilement prendre toutes les villes du pais d'Artois, mais on ne peut pas si tost scauoir & congnoistre la raison, qui si tost le feit cesser, & son

*Le Roy d'Es-
cosse retourna
en son royaume.*

armée retirer. Huiet iours, ou enuiron apres, en France vindrent les nouuelles que le ieune prince Iacques, Roy d'Escoce, duquel nous auons parauant parlé, estoit passé la mer, & arriué en son royaume d'Escoce avec la Roynes, son espouse, maulgré aucuns contredisans & aduersaires, le cuidant en son chemin empescher: mais au plaisir de Dieu, & ayde qu'il auoit du Roy, il passa oultre tous dangiers: & y furent, selon le bruyt qui en fut, trois ou quatre nauires enfoncées dedans la mer, & sept ou huit rauies. Il fut receu à grand' ioye & liesse, & ne fault doubter qu'on n'ayt fait belles & pompeuses entrées à la Roynes, la femme, veüe l'origine dont elle estoit extraicte. En c'est an

*Le trespas de
monsieur de
la Marche, à
Long-iumeau.*

mesmement, vn peu deuant Noel, monsieur de Florenge, autrement dict le Seigneur de la Marche, mourut & trespassa à Long-iumeau: qui porta grand dommage en France, à cause des prouesses qui en luy estoient, mesmement de la grand' conduite & prouesse par luy faite dernièrement à Peronne: duquel vueille Dieu l'ame tenir en son royaume par eternal repos. Son corps fut porté enterrer à Sedan. Le mal l'auoit prins au chemin, ainsi qu'il venoit de court, ou le Roy luy auoit fait bonne chere, selon qu'il l'auoit tresbien defferruy. Quelque peu de temps apres, comme le Roy estoit en Picardie, fut constitué prisonnier en la Bastille de Paris, le President Gentil, Italien. Es moys de Iuin, Iuillet & Aoust, audit an mil cinq cens trente & sept, apres que le Roy eut rompu son camp, comme nous auons dict, l'armée de l'Empereur vint en Picardie, & brulla Monstrueil & saint Paul, apres auoir laissé les François, qui estoient dedans leurs bagues sauues. Les ennemys meirent apres cela le siege deuant Therouene, qui dura quasi enuiron l'espace d'un moys: durant lequel temps le Roy leua vn autre second Camp de quarante mil hommes, ou enuiron, & l'enuoya en Picardie, estant monseigneur le Dauphin conducteur, que monsieur le grand Maistre mena. Cela voyant les aduersaires, les trefues demanderent leur estre données pour dix moys: laquelle chose leur fut accordée: & furent icelles trefues publiées au camp, qui alors fut rompu & leué, & fut vne partie des gens de guerre lors enuoyez au pais d'Italie. Les ennemys leuerent leur siege de deuant Therouenne, durant lequel siege plusieurs gros personnages de France auoient esté prins.

*La mort de la
Roynes d'Es-
cosse.*

Au moys de Iuillet trespassa & mourut de maladie madame Magdaleine, fille du Roy de France, & Roynes d'Escoce, à Lislebourg, ville dudit pais Escossois, qui fut vn grand dommage: car elle eust esté tresbonne Princeesse, selon les premieres apparences, & monstres de vertu, qui en elle moult singulierement paroissent: & en fut le Roy fort desplaisant & marry, pour la bonne alliance ia des long temps commencée entre France & Escoce, par les Roys d'un & autre royaume, qui par elle (comme l'on peut bien croire) à tousiours eust esté perpetuelle, & encores sera elle s'il plaist à Dieu, & soit son bon vouloir: car chascun scait quelz ont esté les Escossois vers ceux de France, certes fideles & loyaux, & de tresbon secours, si besoing en eut esté: & ne treuve-on point par escrit, ou memoire, que iamais ilz feissent trahyson en-

*Fidelité des
Escossois.*

contre

contre les François: mais comme de pure & entiere amitié munis & aornez ont tousiours esté voylins & amyables. Au mois d'Aoust, audiect an, fut prinse la ville de Quiers par les Hespaignolz, en Piedmont, sur les François, & tuerēt les habitans, pour la faueur desdictz François. En Septembre dudiect an mesmement, le Roy enuoya son armée vers Italie, soubz la conduicte de monsieur le Daulphin, pour secourir les villes de Piedmōt, ou les François prindrent d'assault la ville de Suze, ou il y eut enuiron quatre mil Hespaignolz tuez. Noz gens prindrent semblablement le chasteau de Villaine: au moyen dequoy les Hespaignolz, espouuētez, de la riuere du Pau se retirerent, & les François, à leur entreprinse poursuyuans, prindrent la ville de Montcallier, que les aduersaires abandonerent. Durant ce temps le Roy s'en alla vers les Itales, & vint en son Camp: & lors pour trois ans furent les trefues faictes & accordées. En celuy temps aussi furent faictes mainctes processions generalles par la Court, Messieurs de la ville, & par le peuple de Paris, pour le bien publicque, & esperance de la paix. En ces entrefaictes le Roy enuoya le reuerendissime Cardinal de Lorraine, & monsieur le grand Maistre, en la ville de Locace, lez Nice, & là se trouuerēt les Ambassadeurs de l'Empereur: c'est à sçauoir le Seigneur de Granduelle, Chancelier d'Hespaigne, & le cōmandeur Cānes, pour traicter de la paix: ce qu'ilz ne peurent faire, mais feirent seulement la prorogation & allongement des trefues iusques au mois de Iuin ensuyuant. Le pape Paul enuoya aussi deux Cardinaulx, de Carpy, & de Iacobassy, l'un vers l'Empereur, & l'autre vers le Roy, pour vouloir à la paix entendre: & par eux fut conclud le parlement à Nice. En Feurier audiect an ensuyuant monsieur de Montmorency fut par le Roy crée & estably Connestable: & les Seigneurs de Monteian & d'Annebault furent faictz grands Mareschaulx de France. Le dixseptiesme iour dudiect mois fut faict vn combat, appelle Duelle (qui est quand deux seulement combatant l'un contre l'autre à oultrance) & ce par l'ordonnance du Roy, en la ville de Moulins, ce combat fut entre les Seigneurs de Veniez & Sraray: ou le Roy estoit present: & estoit deux iugez esgaux, & louez du Roy, & furent mis hors du Camp. Lediect Seigneur de Veniez trespassa quinze iours apres.

*La prinse de
la ville de
Montcallier.*

*De l'assemblée de Nice, ou furent accordées trefues pour dix ans, entre
le Roy & l'Empereur, par le moyen du Pape.*

L'An mil cinq cens trente & huit, au mois de May, selon la deliberation deuant faicte, le Pape vint à Nice, l'Empereur à Villefranche, & le Roy à Villeneuve, au bout de Prouence. Le Roy & l'Empereur, l'un estant absent, & l'autre seul à seul, & par diuers iours, parlerent au Pape: lequel, voyant que les moyens de paix estoient difficiles, si bien proceda qu'il feit trefues entre les deux Princes iusques à dix ans. Ces trefues furent publiées audiect Nice, le dixhuitiesme iour de Iuin. Le Pape s'embarqua deux iours apres dedans les galeres du Roy, pour faire son retour à Romme, & le conduict l'Empereur iusques à Gennes, & mada au Roy, qu'il vouloit parler à luy: ce qu'il feit à Aiguemortes en Prouence: ou l'Empereur se trouua le quinziesme iour de Iuillet, ou il fut magnifiquement par le Roy recueilly. Lediect Seigneur Imperial se departit du Roy, apres auoir esté deux iours en bonne amitié d'iceluy Seigneur, qui fut, ou deuoit estre vn grand & bon moyen de paix & concorde: & pour cela furent faictz les grands feux de ioye à Paris, le vingtcinquierme iour de Iuillet. Le dixneufiesme iour dudiect mois de Iuillet, en l'an mesme, tomba & cheut la fouldre & tonnerre sus la tour de Billy, derriere les Celestins à Paris: en laquelle tour estoient les pouldres à canon: au moyen dequoy fut ladicte tour renuersée iusques à terre, & les pieces iectées à vn quart de lieuë loing, & le Bouleuert fort endommagé. L'air fut si fort esmeu, par le repoulement, que les vertieres de saint Paul, des Celestins, & de saint Victor, furent quasi toutes rompuës & abatuës, & les tuyllles des maisons prochaines renuersées, & les vergiers destruietz & gastez. Enuiron ce temps mourut monseigneur maistre Anthoine du Bourg, Chancelier de France: & en son lieu & estat de Iustice fut mis & constitué monseigneur maistre Guillaume Poyet, parauant President en la court de Parlement à Paris. Quand il eut esté quelque temps ordonné Chancelier, il disposa de l'affaire de la Iustice du Roy: & furent soubz sa conduicte nouvelles Ordonnances faictes & establies touchant les abbreviations des proces, qui est vne tresbonne chose, car en longs litiges &

*L'an mil cinq
cens xxxviij.
Le Pape, l'Em-
pereur, & le
Roy ensemble
à Aiguemor-
tes.*

*La tour de
Billy foul-
droyée, à
Paris.*

LES CRONICQ. ET ANNALES DE FRANCE.

procedures souuent est le temps en vain perdu & consommé, & maint argent à tort soudainement despendu, & y sont faictes maintes traffiques, fraudes, baratz, & deceptions inuentées contre l'honneur de Dieu, proufit de la communauté & prosperité de ceux ensemblement discordans par proces & telz litiges. Le Philosophe dit, que ce qui est tost fait est le meilleur, & conformé plus à vraye Iustice: & pourtant cecy a esté tresbien fait, & ou proufit de la republique pensé & demené, & n'a peu estre fait, sinon par la diuine motion: car Dieu, qui void, comme dit, le Philosophe, de l'œil de sa prouision, toutes choses futures, n'a voulu plus longuement que son pauvre peuple ait esté abusé en longueur de proces, ou plusieurs maulx sont faictz, & maintz crimes & pechez inuentez: & encores, qui pis est, plusieurs mettoient toute leur estude à inuêter, & chercher nouuelles caillations, pour la prolongation des causes, quand ilz les sentoient estre doubteuses, mauuaises, & venir à mauuaise fin. En l'an mil cinq cens trente neuf,

*La mort de
l'Emperiere.*

*Seruire fait
à nostre Da-
me de Paris,
pour l'ame de
l'Emperiere.*

l'Emperiere deceda de ce monde en l'autre, selon l'institution de nature, qui ne pardône à Roy, n'autre Prince nō-plus qu'à la plus pauvre creature du mōde: car l'Apostre nous dit, qu'il est à tous humains estably & constitué de mourir vne fois. Quelque bien peu de temps apres sa mort le Roy, demonstrent qu'il ne vouloit autre chose plus singulierement que le zele & amour de l'Empereur, & reconciliation d'iceluy, fait celebrer vn beau seruice dedans l'Eglise nostre Dame de Paris, qui fut merueilleusement solennel, & funerailles deschantées à tresgrands pompes: & auquel seruice estoient plusieurs Euesques & Abbez, Gentilz-hommes, & autres y assistans par le commandement du Roy: qui bien demōstroit ne se delecter de la perte de l'Empereur, puis qu'il faisoit prier Dieu pour l'ame de la deffuncte Emperiere, sa femme. Depuis ce temps tousiours a pensé le Roy à la paix, & n'a cessé sans intermission à la persuader avecques l'Empereur, son frere, & si ne fault doubter si maintes Ambassades ont esté de l'un à l'autre dirigées & enuoyées, pour interposer & admettre ladicte paix entre les nations, leurs royaumes & païs: & ont esté beaucoup de choses pour l'entretien & manutention d'icelle secrettement traitées: qui est l'œuvre de Dieu, selon Lactance, qui ainsi l'appelle, disant, *Pax Dei opus*: & a fait le Roy souuent faire de belles & deuotes processions, pour de plus en plus la bonté de Dieu exciter à pourchasser tous les moyens propices qu'il est possible de trouuer pour auoir cest œuvre diuin, qui est la paix, comme i'ay dict. Je m'estois oublié de dire comment apres la mort de madame Magdaleine, fille du Roy de France, fut menée en Escosse la fille de monseigneur de Guyse, pour estre espousée audit Roy d'Escosse. Audit an mil cinq cens trente neuf, au moys d'Aoust, furent faictes

*Description
des Ordonnan-
ces & Edictz
du Roy.*

par le Roy, en son conseil, certaines Ordonnances sur le fait de la Iustice, pour l'abreuiation des proces, publiées en la Court de Parlement, le moys de Septembre ensuyuant. En l'an mil cinq cens trente & neuf, le Roy fait publier vn Edict, par lequel estoit dict, que tous Iuges & Officiers royaulx se tiendroient en leurs Iurisdicions & Offices. En cedit an mesmement il auoit fait aussi publier vn autre Edict sus la traite des bledz, vins, & autres marchandises, avec la declaration des mesures. Le dixiesme iour de Mars dudit an, mesmement furent publiées aucunes lettres patentes à son de trompe par les carrefours de la ville de Paris, touchant la reunion des Iustices de la ville, faulxbourgs, & banlieüe d'icelle. Publié fut vn autre Edict du Roy nostre sire, en l'an mesme, sur les declarations de tous siefz, arrieresiefz, & autres terres tenuës en main morte. Item plus fut publié en la court de Parlement le cinquiesme iour de Feurier, en l'an comme dessus, vn autre Edict dudit Roy sur le rachapt des rentes constituées sur les maisons des villes, citez, & faulxbourgs de ce royaume.

*L'an mil cinq
cens xxxix.*

*L'empereur
vint en Fran-
ce.*

Vers la fin de l'an mil cinq cens trente neuf, l'Empereur vint en France, que le Roy long temps deuant attendoit. Il fut par maintes villes & citez, qui luy feirent moult grand honneur. Les principales, mesmement ou il fait ses entrées, par le vouloir du Roy furent à Poitiers, Orleans, & Paris: & pour plus grand honneur luy faire, le Treschrestien Roy fut au deuant de luy iusques à Chastellerault: qui est vn beau & plaisant lieu, tant en chasses qu'en autres passetemps, & est à sept lieües, ou enuiron, de Poitiers.

Le Roy le fait le plus amiablement traicter qu'il luy fut possible, & croit chascun qu'il n'est chose qui donne ou peut donner recreation à vn Prince que le bon Roy ne meditast & pourpensast, pour luy en donner le plaisir: & eust fait d'auantage si la personne de l'Imperialle maiesté eust esté pour lors acceptable de pompes & magnificences: mais ledict Empereur, à raison que sa femme l'Emperiere estoit morte

vn an

vn an deuant, ou enuiron, en portoit encores le dueil : parquoy le Roy se desista de proceder plus auant en l'exécution de plus grands honneurs . Quant ilz eurent esté quelques certains iours à Chastellerault , ilz partirent pour venir à Paris, & marcha le Roy , venant en grande lyesse , delibéré de le receuoir audict Paris en moult grande solénité.

Le Roy adonques feit faire plusieurs grands apprestz à Paris (qui est chose digne de perpetuelle memoire) & n'estoit question d'y espargner or n'y argent. L'Empereur feit son entrée à Orleans, tresbelle & solennelle, comme il'auoit fait à Poitiers . L'eusse mis les estatz & deuises de la bone ville d'Orleas , & dudit Poitiers, mais on les a peu veoir es petis traictez qui en ont esté faitz, & assez patenement escripts: dont ie me tais pour le present, & viens à l'entrée de Paris , qui luy fut faite le plus pompeusement qu'il fut possible de penser . Ledit Seigneur Imperial vint vn soir coucher au boys de Vincennes : & le lendemain, qui fut le premier iour de lanuier mil cinq cens trente neuf, partit apres disner, enuiron vne heure ou deux, & entra par la Bastille en grande magnificence : & alla à nostre Dame de Paris, selon la coustume des Roys, faisans leur entrée , afin de venir remercier Dieu, & luy redre les graces accoustumées. Il passa par dessus le pôt nostre Dame , ou estoient deux arcz triumpaux, erigez à l'antique , esquelz estoient les armoyries dudit Seigneur, celles du Roy , de la Roynie & de monseigneur le Daulphin de France, qu'il faisoit beau veoir . Le laisse les estatz & grand ordre de ceux qui furent au deuant de luy, comme les quatre Mendians en tresbelles processions , monseigneur le Recteur de l'Vniuersité de Paris , avec toute sa suyte, comme Docteurs , Licenciés, Bacheliers , & autres tous en general . Item allerent au deuant de luy , selon l'ancienne coustume, Messieurs de la court de Parlemēt, Conseillers, & Aduocat, Procureurs, Thresoriers, Financiers, & autres . Les Lieutenās Ciuil & Criminel, avec tout leur train, ne deffaillirent pas à celle noblesse , ne Procureurs & Aduocat du Chastelet, Sergens à pied & à cheual, le Guet & Hacquebutiers de la ville , au plus bel ordre qu'on les pouoit rengier . Or entēdez que Messieurs de la ville de Paris y feirent tresbien leur de uoir, richement habillez & parez selon leurs estatz & Offices . Assez tard arriua l'Empereur à nostre Dame, estant accompagné de Messieurs les enfans, monseigneur le Daulphin au costé dextre, & à l'autre costé senestre monseigneur d'Orleans : & marchoit en bel ordre monseigneur le Connestable , portant l'espée nuë, selon sa dignité, comme si le Roy eust esté là present . Ledit Seigneur Imperial descēdit à pied, & marcha iusques au grand & maistre Autel, pour rendre graces à Dieu , & fut à long traict chanté *Te Deum laudamus*, selon la tresbonne coustume : & apres les graces à Dieu réduës, il remonta sus sa mulle, & alla soupper & loger au Palais, ou il fut tresbien festoyé du Roy, & des plus grands Seigneurs seruy . Le lendemain il s'en alla disner au Louure, ou il ne fut pas moins seruy & receu à grand' ioye. Il fut huit iours, ou enuiron, à Paris : & pendant ce temps luy & le Roy ensemblemēt parlementerent, ainsi que croire pouuōs fermement : & en grand conseil entretraictērent maintes choses , dont on n'a la congnouissance : mais on estimoit & iugeoit que leurs principales parolles estoient de con corde & de paix finale.

*L'entrée de
l'Empereur
en la ville de
Paris.*

*L'ordre qui
fut tenu à
l'entrée de
l'Empereur.*

Du departement de l'Empereur, du royaume de France, & de l'exécution qu'il feit contre les Gandtoys : de la fortification de la ville d'Ardre : & du mariage du Roy d'Angleterre à la sœur du Duc de Gueldres, que depuis il repudia.

LE Roy s'attendoit bien , & ainsi l'auoit promis l'Empereur au party des Hespaignes, qu'il luy feroit raison de la Duché de Milā: ce neātmoins, luy estāt à Paris, s'en excusa enuers le Roy, disāt qu'il ne le pourroit faire, sans parler à l'Archeduc d'Austriche, son frere, ce nonobstant le Roy le cōduisit iusques à S. Quentin en Vermandois : & de là Messeigneurs le Daulphin & Duc d'Orleans, le menerent iusques à Valenciennes , accompagnez de Monsieur le Connestable, & de plusieurs autres Seigneurs & Gentilz-hommes de France.

Quand l'Empereur fut arriué en ses païs, soubz couleur d'auoir pitié de ceux de Gand, & leur faire entendre qu'il leur pardonneroit leur offense, trouua moyen de faire entrer en ladicte ville le Comte du Reux , accompagné de deux cens hommes d'armes, & six mil Lansquenetz , donnant à entendre aux habitans que c'estoit seulement pour donner ordre & seureté aux debatz qui pourroient suruenir . Les pauures habi-

LES CRONIQ. ET ANNALES DE FRANCE.

tans, qui estoient cela estre veritable, meirent ius leurs armes : lesquelles leur furent ostées : & l'Empereur entra en ladicte ville, avecques son frere l'Archeduc d'Austriche, la Roïne de Hongrie, sa sœur, douairiere, le Duc de Sauoye, & force gens d'armes.

Le Roy à Boulougne, sur la mer.

Au mois de Mars dudit an mil cinq cens trente neuf, auant Pasques, le Roy alla à Boulougne sur la mer, ou il espéroit que l'Empereur, qui lors estoit en Flandres, pour punir ceux de ladicte ville de Gand, luy feroit scauoir le lieu & le temps qu'il voudroit entendre à traicter vne paix finale, comme il luy auoit promis au partir de son royaume. Incontinent apres le Roy se partit hastiuement dudit Boulougne, laquelle il auoit eue de fortifier, & clore de murailles & boulers la basse Boulougne, avec la ville haulte; mais il fut de se destourné, & qu'il valoit mieus réedifier de nouueau & fortifier la ville d'Ardre, pour faire teste aux Anglois & Bourguignons. L'Empereur, estant au dessus des Gandtoys, au lieu d'en auoir pitié, les traicta comme chacun scait. Il en fit mourir plusieurs, & entre autres vn Gentil-homme qui auoit deuise la lettre que ledict Gandtoys auoient enuoyée au Roy, par laquelle ilz disoient qu'ilz se vouloient du tout rendre à luy, comme leur souverain. Apres, ledict Empereur fit abatre l'Abbaye de saint Baoua, & au lieu d'icelle fit faire, aux despens des Gandtoys, vn chasteau d'incroyable grandeur, car il a neuf cens pieds de lóg, & huit cens de large, & non estent de la vie d'aucuns, a prins & confisqué leurs biens, & finalement romps & bñs

L'an mil cinq cens xl.

tous leurs priuileges & franchises. Au mois d'Auail ensuyuant, mil cinq cens quarante, apres Pasques, fut commencée la réedification & fortification de ladicte ville d'Ardre, en extreme diligence : laquelle ville, qui est distante de sept lieues de Boulougne, de quatre lieues de Calais, & auant de la ville de saint Omer, fut en l'an mil cinq cens vingt & vn, du tout destruite, bruslée, & ruynée; & les murailles d'icelle abatuës & rasées iusques aux fondemens, par les Anglois & Bourguignons : & y enuoya le Roy, pour Capitaine & Gouuerneur d'icelle, messire Jehā de Senicourt, Cheualier, seigneur de Saifseul, homme de grande conduite, vertueux & bien experimenté aux armes. En ce mesme temps, qui estoit au mois de Iuin dudit an mil cinq cens quarante, le Turc enuoya sommer ledict Archeduc, Roy de Hongrie, de luy payer tribut de son royaume; & qu'en deffault de ce il luy feroit guerre : & de ce aduertty l'Empereur despescha Corneille Sceper, son Ambassadeur, pour le destourner de ce faire, & luy promettoit que bien tost il entreprendroit tel voyage contre ledict Turc, que luy & tous les autres Princes, ses voisins, seroient remis en liberté. Aussi audict temps l'Empereur, estant en ladicte ville de Gand, alla vers luy soubz bonne seureté le Duc de Cleues, duquel l'Empereur estoit mal content, par ce qu'il auoit prins le gouuernement du Duché de Gueldres, ou l'Empereur querelloit quelque chose : & se partit ledict Duc de Cleues mal content de l'Empereur, & se retira en France, se declarant amy & confederé du Roy : & soubz vmbre de ce trouua moyen de contracter mariage avec madame Jehanne, Princesse de Navarre, fille vniue & seule heritiere de Henry d'Albret, Roy de Navarre, & de madame Marguerite, sœur du Roy de France, son espouse. Le Roy de Dannemarc, estant aduertty de ce que dict est, par ce aussi que l'Empereur ne le vouloit de riens assurer, enuoya en France le Cheualier Bilde, & Pierre Suaue, principaux de son Conseil, qui contracterent alliance, & d'auantage receut l'Ordre du Roy : & traicta aussi avec Gustade, Roy de Suede, qui feit le semblable, partie pour ses remonstrances, & partie pour la commodité de quelques commerces que le Roy luy auoit liberalement accordées, & festé ensuyuant receut son ordre. Audict an mil cinq cens quarante, au mois

Le Duc de Gueldres, vers l'Empereur.

Des trois Roynes d'Angleterre, dont l'une fut repudiée, & les deux autres descapitées.

de Decembre, Henry huitiesme du nom, Roy d'Angleterre, espousa en quatriesme nopces Marie de Cleues, sœur dudit Duc de Cleues, & de Iuillers : laquelle, tost apres ledict mariage consommé, il repudia, ne luy permettant de soy retirer avec ledict Duc de Cleues, son frere : ce nonobstant luy feit bailler estat : & quelque peu de temps apres conuola en cinquiesme nopces avec Catherine de Hauart, petite fille à la vieille Duchesse de Nortfort, excellente en beauté, dont elle passoit toutes les Dames d'Angleterre, comme aussi y ayant esté choyisie entre toutes, & cousine à feüe Anne Boullanc, espouse en secōde nopces dudit Roy d'Angleterre : laquelle des l'an mil cinq cens treize six il feit descapiter, cōme ayant esté conuaincuë d'auoir forfait son honneur : laquelle dame Catherine de Hauart ledict Roy d'Angleterre au mois de Ianuier, mil cinq cens quarante & vn, feit aussi descapiter, pour pareille cause & offense qu'auoit esté descapitee ladicte Roïne Anne Boullanc, sa cousine.

Des

Des Edictz & Ordonnances que le Roy feit sur le fait de la Gabelle du sel.

EN lan mil cinq cens quarante & vn, le premier iour de Iuin, le Roy feit ^{lan mil cinq} vn Edict general, par lequel il reduysit tous les pais de son royaume à ^{cens xli.} droit de la Gabelle, non tel que le precedent, mais par iceluy vouloit que toutes perfonnes peussent vendre sel, en payant certaine somme de deniers pour chascun muy pour droit de Gabelle, de quart & demy quart, quint & demy quint, selon qu'ilz est contenu esdictz Edictz & Ordonnances par luy faites sur le fait de ladicte Gabelle: dont ceux de Poitou, Xaintonge, la Rochelle, Isles de Marennes, Oleton, Bourdeaux, & des isles y adiacens, ne se contenterent, disans, que le sel leur coustoit pres de deux fois autant qu'il auoit accoustumé. Auquel mescontentement furent iusques en lan mil cinq cens quarante & deux, qu'ilz susciterent quelque esmotion audict lieu de la Rochelle, à raison de la reformation d'iceluy droit de Gabelle: dont le Roy fut tresmal content: & depuis leur pardonna toutes leurs offenses, qui estoient si grandes qu'elles meritoient confiscation de corps & de biens.

Audict an mil cinq cens quarante & vn, le Roy feit despescher les Seigneurs Cesar Fregouze, Cheualier de son ordre, & Anthoine Rinçon, ses Ambassadeurs, pour aller à ^{Cesar Fregouze, & le} Venize, pour aucuns ses affaires: & eux estans sur la riuere du Pau, en Italie, furent traidieusement & inhumainement occis & meurtris, par les gens de l'Empereur: dont il ne fait grand compte, & rescriuit au Roy qu'à son retour d'Afrique, ou il alloir pour le bien de la Chrestienté, il luy en feroit faire la raison, & aussi du Duché de Milan. En la saison d'hyuer dudict an mil cinq cens quarante & vn, ledict Empereur se meit sur mer, avec grand' armée, bien equipée, pour deffaire la puissance du Turc, tant par mer que par terre, & alla pour mettre le siege deuant Alger, qui est sur la rive de la mer en Afrique: ou il ne fait riens: mais retourna avec grand' confusion: car il aduint si grande tempeste par mer, & par terre, ventz impetueux, pluies, gresles, & orages si espouventables & merueilleux, que les nauires estans sur mer se brisoient l'un contre l'autre: qui donna cœur à ceux d'Alger de repousser l'Empereur & ses gens, de sorte que ledict Empereur, avec grand danger de sa personne, se sauua, & s'en retourna avec grande perte de gens & de biens. Audict an mil cinq cens quarante & vn, le Roy feit publier ^{Ban & ar-} & proclamer son ban & arriereban par tout son royaume: toutesfoiſ on ne scauoit à ^{riereban.} quelle fin ne pourquoy: car le Roy ne l'auoit déclaré, & ne vouloit dresser aucunes armées contre l'Empereur durant sondict voyage d'Alger, contre le Turc, ne le surprendre durant ledict temps.

Des armées que le Roy feit dresser pour la tuition & deffense du royaume en diuers lieux.

AV commencement de l'an mil cinq cens quarante deux, apres que ledict Empereur fut retourné de sondict voyage d'Alger, le Roy ennoya vers ^{lan mil cinq} luy, pour le sommer de luy faire raison de la mort & oultrage fait à ^{cens xlij.} ledictz Ambassadeurs Fregouze & Rinçon, & remettre en ses mains la Duché de Milan, suyuant ses promesses: à quoy ne fait responce, fors par parollés de dissimulation & excuses. A ceste cause le Roy, se voyant iniurié, dressa cinq grosses armées contre l'Empereur, pour les enuoyer, l'une en Piedmont, l'autre en Picardie, l'autre es bas pais de l'Empereur, & les deux autres à Rossillon & Parpignan.

Et combien que le Roy eust fait préparer lesdictes armées, ce neantmoins il ne les voulut faire marcher iusques à ce qu'il eust de rechef fait sommer l'Empereur de luy rendre Milan, & luy faite iustice de ceux qui auoient ainsi tué lesdictz Ambassadeurs: & pource qu'il n'y voulut entendre, le Roy feit publier guerre ouuerte entre luy & ledict Empereur, & ses subiectz patrimoniaux. Apres ladicte publication, le Roy feit monseigneur Charles, Duc d'Orléans, son filz, Chef & Lieutenant general de l'une desdictes armées, laquelle il mena au Duché de Luxembourg, accompagné du Duc de Guyse, du Comte de Sancerre, du Baron de Hedac, du Comte Picquelin, Remigrand, & autres Capitaines Allemands: lesquels prindrent & raserent Dancuiller, & la Ferré, Chauancy, Yuoy, Mommedy, Vireton, & Luxembourg, avec plusieurs chasteaux estans es enuironz lesdictes villes. Ledit Comte de Picquelin demoura en ladicte ville de Luxembourg, pour la garder, accompagné de Mandeffel & Remigrand,

Capitaines Allemans, ce qu'ilz feirent quelque temps : & depuis, apres auoir esté sommez des ennemys, l'abandonnerent : car deslors le camp de Luxembourg estoit rompu, & estoient partis les Allemans pour aller à Parpignan, & mondict Seigneur d'Orleans retiré vers le Roy au camp de Languedoc. D'une autre armée fut aussi chéf

Le Duc de Vendosme chef de l'armée de Picardie.

& Lieutenant general du Roy Monseigneur Anthoine de Bourbon, Duc de Vendosmois, lequel pour accomplir le bon vouloir du Roy, accompagné des Seigneurs du Biez, de Villebon, Hely, Crequy, & autres Seigneurs de Picardie, fait tirer & marcher son camp, assez pres de la ville d'Aire, en Artoys : laquelle il feist semblant d'assiéger, mais il feist marcher sondict camp deuant le chasteau de Tournehan, ou il arriua le septiesme

La prise du chasteau de Tournehan, par le seigneur de Vendosme.

iour d'Aoust dudit an mil cinq cens quarante & deux, heure de nuit : & le lendemain au plus matin fut ladicte place moult fort baruë d'Artillerie, de telle sorte qu'environ les neuf heures du matin, ceux de dedans rendirent ledict chasteau par composition, leurs biens & bagues sauues. Audict chasteau fut trouué grand nombre de grosse & menuë Artillerie, munitions & vtenfilles de guerre. Ce fait, fut ladicte bourg & chasteau de Tournehan bruslé, & la plus grande partie des murailles & tours d'iceluy chasteau abbatuës & rasées iusques aux fondemens : & autant en feist faire mondict Seigneur de Vendosme des chasteaux de la Montiore, d'Esprelecque, & autres forteresses

Le Seigneur de Longueval desconfis la compagnie du Prince d'Orange, pres Anuers.

& Eglises, estans le long de la liziere dudit pais d'Artoys, & n'y sceut mettre remede le Comte du Ruz, grand Maistre & Gouverneur dudit pais d'Artoys pour l'Empereur : lequel costoyoit nostre armée, accompagné de quelque nombre de gens de cheual, & huit ou neuf enseignes de gens de pied, qu'une partie de noz gens alla charger, de telle sorte qu'il y eut des Bourguignons que tuez que noyez, de six à sept cens hommes, & le gagna ledict du Ruz, à bien courir. Le Seigneur de Longueval, en ce mesme temps partit de France, lors que se faisoient toutes ces choses à Luxembourg & en Picardie, & s'en alla au pais de Gueldres, ou luy fut baillé, & à Martin Vantossen, Marechal de Cleues, par ledict Duc de Cleues, quatorze mil hommes Cleuoyz & Gueldroyz, dont y auoit dixhuit cens cheuaulx, & allerent piller vne partie des pais de Hollande & de Brabant, & tirans par eux vers la ville d'Anuers deffirent la compagnie

du Prince d'Orange, ou il estoit en personne : & le gagna par bien courir iusques en ladicte ville d'Anuers. Audict temps mondict Seigneur de Guyse retourna en ladicte ville d'Yuoy, accompagné desdictz Gueldroyz, & de mil Aduenturiers François, avec cinq cens hommes d'armes. Toute ceste compagnie sortit contre ledict Prince d'Orange, qui estoit venu pour prendre ladicte ville d'Yuoy : & combien qu'il fust accompagné de grand nombre de gens de pied & de cheual, fut neantmoins contrainct se retirer à la perte & confusion. En ceste mesme saison enuoya le Roy vne autre armée en Piedmont, pour amuser ses ennemys qui estoient audict pais, à ce qu'il peust plus facilement accomplir ce qu'il auoit entrepris faire à Parpignan : & peu de temps apres, ladicte armée retournant de Piedmont, fut menée par monsieur le Marechal d'Annebault, à Parpignan. Monseigneur le Daulphin, comme chéf & Lieutenant general du Roy, conduysit & mena vne autre armée deuant Parpignan, ou il arriua le vingtsixiesme iour d'Aoust dudit an mil cinq cens quarante deux, & y fut mondict seigneur le Daulphin iusques vers la fin du mois d'Octobre, mil cinq cens quarante deux, qu'il fut contrainct leuer le siege de deuant ladicte ville de Parpignan, tant pour la diuersité du temps, que pour la carence des viures, dont on ne pouoit recouurer, principalement pour les cheuaulx. Au mois de Decembre dudit an mil cinq cens quarante

Autre armée en Piedmont.

Monseigneur le Daulphin chef de l'armée de Parpignan.

deux, le Roy d'Escoffe qui auoit espousé en secondes nopces madame la Duchesse douairiere de Longueuille, fille de monseigneur le Duc de Guyse, & parauant auoit eu espousé en premieres nopces madame Magdaleine, pour lors aînée fille du Roy, alla de vie à trespas, aagé seulement de trente trois ans ou enuiron, delaisant vne seule fille, aagée seulement de deux ou trois mois : qui fut fort plainct & regretté de ses subiectz. Au mois de Feurier ensuyuant dudit an mil cinq cens quarante deux, le Roy voyant les grands apprestz de guerre que l'Empereur faisoit contre luy, ordonna, pour y obuier, outre la gendarmerie ordinaire, estre louez cinquante mil hommes de pied, souldoyez & payez de certaine grosse somme de deniers, qu'il ordonna estre prise sur toutes les villes closes & faulxbourgs d'icelles de son royaume, nonobstant quelques priuileges, franchises & libertez par luy, ou ses predecesseurs Roys, donnez à icelles villes.

Trespas du Roy d'Escoffe.

Souldoyez pour le payement de cinquante mil hommes de pied.

te deux, le Roy d'Escoffe qui auoit espousé en secondes nopces madame la Duchesse douairiere de Longueuille, fille de monseigneur le Duc de Guyse, & parauant auoit eu espousé en premieres nopces madame Magdaleine, pour lors aînée fille du Roy, alla de vie à trespas, aagé seulement de trente trois ans ou enuiron, delaisant vne seule fille, aagée seulement de deux ou trois mois : qui fut fort plainct & regretté de ses subiectz.

Au mois de Feurier ensuyuant dudit an mil cinq cens quarante deux, le Roy voyant les grands apprestz de guerre que l'Empereur faisoit contre luy, ordonna, pour y obuier, outre la gendarmerie ordinaire, estre louez cinquante mil hommes de pied, souldoyez & payez de certaine grosse somme de deniers, qu'il ordonna estre prise sur toutes les villes closes & faulxbourgs d'icelles de son royaume, nonobstant quelques priuileges, franchises & libertez par luy, ou ses predecesseurs Roys, donnez à icelles villes.

Des

Des Bourguignons deffaictz en plusieurs lieux par les François : & de la guerre faicte tant à Landrecy, & es enuiron, qu'au pais de Boulonnoys.



LAn mil cinq cens quarante & trois, au moys d'Auril apres Pasques, l'an mil cinq cens xliij. mondict Seigneur de Vendosme, accompagné de monsieur le Duc de Neuers, Comte d'Aumalle, des Seigneurs de Crequy, du Biez, & de plusieurs autres Gentilz-hômes de Picardie, de quatre à cinq ces hommes d'armes, des Legionnaires de Picardie & Normandie, & quelque nombre de cheualx legiers, fait marcher son camp deuant la ville de Lillers (qui est située audict pais d'Artoys, entre la ville de Aire & de Bethune) laquelle il fait battre d'artillerie, par telle diligence que la pluspart de la noblesse d'Artoys, qui s'estoit retirée en ladicte ville pour la garder, furent contrainctz la rendre par composition. Ce fait fut ladicte ville pillée & bruslée, comme furent les villages & Eglises tenans fort, par ou nostre camp retourna. En ce mesme temps le Roy enuoya le Seigneur de Montpesat, es pais de Poitou & de Guyenne, lever dix mil hommes de pied, pour la garde du pais de Languedoc, frontiere à ceux de Parpignan. Aussi au mesme temps le Duc de Cleues, aduertie que cinq cens hommes d'armes, & cinq ou six mil hommes de pied, auoient soubz la conduite du Prince d'Orange & du Comte de Buren, prins le chemin de Strabourg, pour venir à Luxembourg, alla couper le chemin audictz gens de pied: lesquelz furent encloz, & serrez de si pres, & aussi lesdictz gens de cheual, qu'ilz furent deffaictz, & grand nombre d'entre eux tuez & prins prisonniers avec leur bagage. Au commencement dudit moys d'Auril dudit an mil cinq cens quarante & trois, le Roy fait de rechef publier son ban & arriereban par tout son royaume, selon qu'il estoit mandé faire par ses lettres patentes, données à Fontainebleau, le penultime de Mars precedent, contenant Edict & Ordonnance, declaration, & reformation dudit Ban & arriereban, selon que bien amplement est declairé par lesdictes lettres d'Edict. Recours à icelles, pour euer prolixité.

Audit an mil cinq cens quarante & trois, le Mardy des feriers de Pentecoste, ledict Comte du Ruz, Lieutenant audit pais d'Artoys, pour l'Empereur, alla assieger le chasteau de la ville de Surene, en Boulonnoys, qu'il print d'assault ce mesme iour, apres l'auoir fait battre d'artillerie: & y furent detaillez & mis en pieces les gens de guerre & habitans de ladicte ville, qui s'estoient retirez audit chasteau, pour sauuer leurs vies, soubz l'esperance d'estre secourus par noz gens de guerre, qui lors estoient espandus audit pais de Boulonnoys, mangeans le pauvre bon homme, estans du reliqua du cap de mondict Seigneur de Vendosme: & pouuoient estre de deux à trois mil hommes, tant de pied que de cheual. Ledit Seigneur du Ruz, soy retirant à saint Omer, fait piller & brusler lesdictz ville & chasteau de Surene, avecques tous les villages & Eglises de Boulonnoys, par ou sondict camp vint & retourna. Le iour saint Barnabé, dixiesme iour de Iuin dudit an mil cinq cens quarante & trois, monsieur maistre François de Montholon, President de la court de Parlement, & Garde des seaux de France, Daulphiné & Bretagne, homme de vertu & de bonnes lettres, alla de vie à trespas à Villiers coste Raiz, & audit estat de Garde des seaux, succeda monsieur maistre François Erault, President de Thuringe. Au commencement dudit moys de Iuin dudit an mil cinq cens quarante & trois, mondict seigneur de Vendosme, accompagné desdictz seigneurs de Crequy, du Biez, & autres Gentilz-hommes, bruslerent la ville de Bapaulme, & la ville d'Arras. Le iour de la feste de monseigneur saint Iehan Baptiste dudit an mil cinq cens quarante & trois, arriva à Boulongne sur la mer vn Herault d'Angleterre, pour aller sommer au Roy de payer audit Roy d'Angleterre, son maistre, les arrérages de sa pension perpetuelle, ensemble luy rendre les Duchez de Guyenne & de Normandie, avecques la Comté de Boulongne, autrement qu'il se declairoit ennemy du Roy. Aussi audit moys de Iuin dudit an mil cinq cens quarante & trois, les legions & garnisons, ostées des lieux ou elles auoient passé l'hyuer, furent assemblées sur la frontiere de Haynault, ou le Roy alla en personne, & les fait assieoir au lieu de Marolles, qui est vne grosse Abbaye audit pais de Haynault, ou le Roy sejourna vne partie de l'Esté, puis fait assaillir la ville de Landrecy, que les ennemis quitterent, & s'en fuyrent de nuit: & la fait le Roy fortifier, & y meit pour son Lieutenant & Chef le Capitaine la Lande. Ce fait, fait tirer le Roy ladicte armée à Luxembourg,

LES CRONIQ ET ANNALES DE FRANCE.

ou lon disoit que l'Empereur venoit : par deuers lequel fut mené par belles parolles le-
dict Duc de Cleues, par le Duc de Brunswig: ou apres auoir demandé, par ledict Duc de
Cleues, pardon à l'Empereur, bailla audict Empereur ladicte Duché de Gueldres, avec
la Comté de Zutphen, & les forteresses de Hensberg, & Sittart, pour en disposer à son
plaisir: & fut ledict Duc de Cleues (auquel le Roy auoit tant fait de biens & d'honneurs)
reduit en l'estat d'un homme priué sans domination: dont la mere dudit Duc de Cle-
ues eut tel dueil, que tost apres elle en mourut. Au commencement du moys de Iul-
let dudit an mil cinq cens quarante & trois, ledict Roy d'Angleterre feit descendre
au haure de Calais, dix mil hommes de guerre Anglois, qu'il enuoyoit au secours du-
dict Empereur, mais auant ce faire, & le vingtdeuxiesme iour dudit moys de Iuliet, y-
ne partie desdictz Anglois vindrent brusler le bourg de Marquise, & plusieurs autres vil-
lages dudit pais de Boulonnoys, tuerent & meirent en pieces, hommes, femmes, & pe-
titz enfans qu'ilz trouuoient encores au berseau, rostirent & bruslerent aucuns hommes
d'Eglise, & feirent toutes les cruaultez & inhumanitez qu'il est possible de penser.

*Grands dom-
mages faitz
par les An-
glois au pais
de Boulon-
noys.*

Au moys d'Aoust ensuyuant ladicte ville de Landrecy fut assiegée par les Bourgui-
gnons, avecques lesquelz s'estoient venus ioindre lesdictz Anglois, dont cy dessus est
parlé. Aussi y amena l'Empereur vne autre grande armée, dont le Roy de ce aduert, y
feit retourner son armée qu'il auoit enuoyée à Luxembourg, comme dict est, & la feit
venir deuant Landrecy, pour donner ayde & secours aux assiegez: ausquelz il feit porter
viures: & rafrechir de gens de guerre, pionniers, & autres gens necessaires, à la veüe de
l'Empereur & de ladicte armée.

*Le Roy fait a-
ttailler & en-
uoyer la vil-
le de Lan-
drecy.*

Ce fait, le Roy considerant l'incertitude d'une ba-
taille apparente, & que mieux estoit vser de raison que de fortune, laquelle l'auoit au-
tresfois deceu, delibera apres auoir fait ce qu'il auoit voulu audict Landrecy, de mener
son ost vers Guyse: & pour ce faire & amuser les ennemys, leur donna esperance de ba-
taille, par grand bruyt & feux, & ce pendant retira son armée du pais de Cambresis.

En quoy faisant le Roy vsa d'une grande ruse de guerre: car par celà il rompit l'entre-
prinse de son ennemy: lequel, voyant qu'il n'y auoit plus d'esperance d'auoir bataille,
encores moins de reprendre ladicte ville de Landrecy: neantmoins, à fin qu'il ne sem-
blast qu'il ne voulust combattre, feit suyuir les François, par ceux de son camp: lesquelz
furent visuellement repoussez par monsieur le Daulphin. Finablement ledict Empereur
foy voyant frustré de son opinion, donna congé à ses bandes d'Allemands & Anglois,
tant pour raison de ce que dict est, qu'au moyen de la peste, flux de ventre, que nécessité
de viures qui estoient en son camp, de sorte que de dix mil Anglois, qui estoient venus
à son ayde n'en retourna point quatre mil. Audict an mil cinq cens quarante & trois,
au commencement de l'hyuer, le Roy aduert qu'aucunes villes de Piedmont, auoient
esté reprises par les ennemys, à fin qu'il ne les fortifiassent y enuoya vne armée à di-
ligence, dont il feit Chef & Conducteur monsieur François de Bourbon, Seigneur
d'Enghien, & frere puisné de mondict Seigneur de Vendosme.

*Le Seigneur
d'Enghien
chef de l'ar-
mée de Pied-
mont.*

Au comencement du moys de Novembre dudit an mil cinq cens quarante & trois,
les Anglois des garnisons de Calais, Guisnes, & Hames, assiegerent l'Eglise d'Anding-
hen, en Boulonnoys, on s'estoient retirez de cent à six vingtz hommes dudit village, a-
vec leurs femmes & petits enfans, qui se deffendirent vaillamment: mais eux voyans
frustrez de secours, demanderent composition, qui leur fut accordée telle que d'eux en
aller leurs vies sauues tant seulement: laquelle composition ne leur fut tenuë, ains les-
dictz Anglois, vsans de leur naturel, qui est d'estre inhumains & cruelz, monterent en
la tour de ladicte Eglise, ou ilz coupperent les gorges à tous lesdictz paisans, femmes &
enfans, & les iectoient du hault de ladicte tour en ladicte Eglise, qui fut vne grande cru-
aulté & inhumanité par eux commise: & ne cesserent lesdictz Anglois toute la saison
de l'hyuer dudit an mil cinq cens quarante & trois, de brusler & ruyner ledict pais de
Boulonnoys, ou ne leur estoit faite grand' resistance: par ce que dudit pais de Boulon-
noys, auoient esté leué, par l'ordonnance du Roy, pour aller au camp à Landrecy, plus
de deux mil compaignons de guerre, natifz dudit pais de Boulonnoys, qui estoit la prin-
cipalle force d'iceluy pais: dont lesdictz Anglois estoient bien aduertis: car si ledict pais
n'eust esté ainsi desgarny de gens de guerre, lesdictz Anglois n'eussent fait telz effortz,
ne mis à exécution leurs entreprinsees comme feirent. Pendant ce temps le Duc de
Lorraine, & le Cardinal de Freneze, nepueu du Pape Paul, allerent plusieurs fois deuers
le Roy & l'Empereur, les exhortans à paix. Le Dimanche dixiesme iour de Feurier,
audict

audict an mil cinq cens quarante trois, le filz premier de mondict Seigneur le Dauphin Henry de Valloys, & de madame la Dauphine, qui auoit esté nay au moys de Ianuier precedent, au chasteau de Fontainebleau, fut baptizé en la chappelle dudit lieu, par monsieur le Cardinal de Bourbon, avecques grande ioyé & triumphe. Le Roy, monsieur Charles, Duc d'Orleans, & madame Marguerite, fille vnicque du Roy, le tindrent sur les fons, & fut nommé François : auquel lieu de Fontainebleau les troisieme & vingtiesme iour dudit moys de Ianuier precedent, le Roy feit de rechef autres Edictz & Ordonnances sur le deuoir que luy doiuent les Nobles de son royaume, subiectz au Ban & Arriereban, comme il est contenu esdictz Edictz & Ordonnances.

Au moys de Mars dudit an mil cinq cens quarante & trois, le Roy enuoya Commissaires par toutes ses villes de Frontiere de Picardie, pour les visiter, & luy faire rapport au vray quelles munitions, tant de guerres qu'autres y auoit esdictes villes, mesmement en ladicte ville de Boulongne.

Du voyage de Carignan, dont estoit Chef le Seigneur d'Enghien : des prinſes de Luxembourg & Ligny : des ſieges de Montereul & Boulongne, par les Anglois : de la guerre de Champagne : & de la paix entre le Roy & l'Empereur.



V commencement du moys d'Auſt de l'an mil cinq cens quarante quatre, mondict Seigneur le Comte d'Enghien eſtât aduertý au lieu de Carmagnolle, que les Heſpaignolz eſtoient en la campagne, au nombre de dixhuiſt mil hommes de pied, pour le moins douze cens cheualx legiers, & ſeize pieces d'Artillerie, feit ſortir de ce lieu tous ſes gens de pied, eſtimez à quinze mil hommes pour le plus, & deux mil cinq cens cheualx, & vnze pieces d'Artillerie, & les feit marcher droit à Syrizolles : ou eſtoient noz ennemys : leſquelz vindrent les teſtes baiſſées, & feirent abandonner aux François noſtre Artillerie, & bruſlerent tous noz pouldres. Quoy voyans les Italiens & Grueriens tournerent viſaige : mais mondict Seigneur d'Enghien & autres Capitaines François, avecques les Suiſſes & gens de cheual chargerent par telle furie ſur les ennemys, qu'en moins d'une bonne heure noz gens meirent en pieces neuf mil Lanſquenetz, & la reſte de leur camp en route & fuyte : & furent prins enuiron deux mil cinq cens priſonniers : dont les principaux eſtoient domp Charles de Gonzaque, Chef de l'Auantgarde, & coronal de leurs gens de cheual, domp Remy de Madone, coronal des Heſpaignolz, le Marquis de Gaſt blecé, & non prins, & Caſar de Naples : & des François apparens mortz, les Capitaines de Molle, d'Eſcor, Paſſim, Moucault, la Mottedante, le Baron d'Oyn, le frere de l'eſleu d'Orne, le nepueu de monsieur de Chemans, le Seigneur de Coruille, & le ſeigneur ſainct Obin, natif de Boulongne ſur la mer, & enuiron quarante hommes d'armes, la pluſpart de la compagnie de monsieur d'Aſſier, le filz duquel fut blecé à mort, & deceda toſt apres. Le lendemain de Quaſimodo dudit an mil cinq cens quarante & quatre, ledict Comte de Burgen & du Ruz, avecques grand nombre de Bourguignons, Anglois, Allemans & Cleuoyſ, allerent bruſler iuſques aux portes de Boulongne, ce qui reſtoit dudit païs, depuis ladicte ville de Boulongne, iuſques aux terres deſdictz Bourguignons & Anglois : & ne furent empeschez de ce faire, par ce que les Capitaine & Gouverneur dudit païs diſoient qu'il ne failloit riens hazarder. Le vingtdeuxiesme iour de Iuin audict an mil cinq cens quarante & quatre, fut la ville de Carignan rendue par compoſition, & miſe entre les mains de mondict Seigneur d'Enghien, qui l'auoit tenuë par long temps aſſiegeë. En ce meſme temps l'Empereur avecques ſon armée, eſtimée au nombre de quatre vingtz à cent mil combatans, paſſant par Luxembourg, ſe rendit ladicte ville à luy. Puis alla aſſieger Ligny en Berroys, qui luy fut quitée ſans aucune reſiſtence, combien qu'elle fuſt deſſenſable : & marchant plus auant vint aſſieger la ville de ſainct Diſier, ou eſtoit le Comte de Sancerre, & le Capitaine la Lande, qui y fut tuë : & finalement ledict Comte de Sancerre, par faulte de viures & de munitions (dont il auroit aduertý le Roy) la rendit par compoſitiõ, telle qu'ilz s'en allerent la lance ſur la cüyſſe, leurs bagues ſauues : & ne fut la ville pillée : deuant laquelle fut tuë ledict Prince d'Orange, en faiſant

Baptesme du premier filz de monſieur le Dauphin, à Fontainebleau.

L'an mil cinq cens xliij.

Le Seigneur d'Enghien deſſeſt les ennemys à Syrizolles.

Les Bourguignons bruſlerent le païs de Boulonnoys.

Carignan rendue par compoſition à monſieur d'Enghien.

La ville de ſ. Diſier rendue par compoſition.

LES GRONIQ. ET ANNALES DE FRANCE.

les approches. L'Empereur delibéré de laisser Chaalons en Champagne, & passer la riuere de Marne, pour aller droit à Paris, & pour sonder les passages, enuoya en habit dissimulé le Comte Guillaume de Eustemberg, qui auoit laïc le service du Roy & prins celuy de l'Empereur, lequel fut congneu & amené prisonnier à Paris. Le Roy de ce aduertý, à fin d'affamer le camp dudict Empereur fait brusler la ville d'Espernay, avec les viures estans tant en ladicte ville, qu'es lieux prochains d'icelle, dont la pitie

Espernay bruslé par les François.

fut grande, & l'exécution bien cruelle. Ces temps pendant le Roy d'Angleterre faisoit en toute extreme diligence descendre à Calais toutes les munitions, vtenelles de guerre & autres choses necessaires & requises, pour mettre le siege deuant la ville de Boulongne & Montereul, sur la mer: tellement que le quatriesme iour de Iuin dudict

Le Duc de Norfort descendu à Calais.

an mil cinq cens quarante & quatre, Thomas Duc de Norfort, accompagné de plusieurs Princes & seigneurs, d'Angleterre, de quatorze à quinze mil hommes de pied, de douze à quinze cens cheuaults, avecques grand nombre & equipage d'Artillerie, vint camper audict pais de Boulonnoys, assez pres de l'Abbaye de Beaulieu, ou il fut iusques à la fin dudict mois de Iuin, que le Roy d'Angleterre, qui estoit descendu audict haure de Calais, le vingtdeuxiesme iour dudict mois de Iuin le fit descamper & mener ladicte armée deuant ladicte ville de Montereul: laquelle il fit sommer de par

Montereul assiégé par le Duc de Norfort.

luy, comme Lieutenant general du Roy d'Angleterre, au Seigneur du Biez, aussi Lieutenant du Roy en ladicte ville, ou il s'estoit venu mettre, fort bien accompagné de gens de guerre & pionniers, delaisant ladicte ville de Boulongne, en la charge du Seigneur de Veruins, son gendre: & fut ladicte sommation faite le Mercredy neufiesme iour de Iuillet audict an mil cinq cens quarante & quatre, avecques lequel le Duc de Norfort se vint ioindre ledict Comte de Buren, Lieutenant de l'Empereur, accompagné de quatorze à quinze mil hommes, tant de pied que de cheual: & le Samedy dixneufiesme iour audict mois de Iuillet dudict an mil cinq cens quarante & quatre, ledict Roy d'Angleterre, accompagné de Charles Brandon, Duc de Suffort, des Comtes de Herfort, d'Arondel, & d'autres Princes & Nobles d'Angleterre & d'Hibernie, & de vingt à vingt deux mil combatans, tant de gens de cheual que de pied, enuoya vn Herault d'armes sommer à laques de Coucy, Seigneur de Veruins, Baron de Chemery, Lieutenant pour le Roy en ladicte ville, qu'il eust à rendre au Roy de France & d'Angleterre, son maistre, ladicte ville de Boulongne: apres laquelle sommation ledict Seigneur de Veruins enuoya mettre le feu par toute ladicte basse Boulongne, à fin que les ennemis n'y logeassent: mais il n'y eut le tiers des edifices & maisons bruslées: aussi n'estoit ladicte combustion fort necessaire, comme l'experience l'a demonsté. Pendant lesdicts sieges de Boulongne & Montereul, l'Aduantgarde de l'Empereur print la ville de Cha-

Boulongne assiégée par le Roy d'Angleterre.

Chasteau Thierry prins & pillé par l'Empereur.

steauthierry: laquelle fut pillée, & aucuns des habitans prins & rançonnez, & les autres occis: dont les habitans de Paris, estans de ce aduertis, & voyans les ennemis si pres de Paris, tomberent en si grande crainte & treueur, que plusieurs s'enfuyrent avecques leurs meilleurs meubles: les aucuns à Orleans, Bloys, Tours, Angiers, & les autres à Chartres, Vendosme, & autres villes non estans en frontiere: mais le Roy pour les rassurer se retira à Paris, avecques grand nombre de sa gensdarmetie, ou il fit si bonnes remonstrances au peuple, qu'il leur donna ferme voluté d'attendre la fortune avecques luy, si l'Empereur venoit deuant Paris: & incontinent furent assemblez tous les mestiers de ladicte ville, qui se meirent en armes, & plusieurs autres, iusques au nombre de quarante mil hommes, ou plus, bien armez. L'Empereur se voyant presque renfermé des François, & son camp affamé, considerant les remonstrances que l'on dict que le Roy de Hongrie, son frere, luy auoit enuoyé faire, amolist son cœur, & Chrestienement eut vouloir de venir à paix: mais il ne la vouloit demander, aussi ne faisoit le Roy, combien qu'il fust aussi visité de l'esprit de Dieu, lequel de sa grâde & infinie bonté suscita vn simple religieux, de l'ordre des freres prescheurs, lequel se transporta vers le Confesseur de

La paix faite entre le Roy & l'Empereur.

Ambassadeurs de France vers le Roy d'Angleterre.

l'Empereur: auquel il le presenta, & fut par luy ouy: & finalement tant alla & vint ledict religieux vers le Roy & l'Empereur, que ces deux puissans Princes furent d'accord & firent paix, ou fut compris le Roy d'Angleterre: & pour entendre de luy s'il auroit en son regard ladicte paix pour agreable, furent enuoyez vers luy monsieur le Cardinal du Bellay, Archeuesque de Bourdeaux, & Euesque de Paris, Melsire Ichâ d'Estourmel, Cheualier, General de Picardie, & monsieur de l'Aubespine, Secretaire des commandemens du Roy: lesquels ledict Roy d'Angleterre fit sejourner huiet iours au chasteau

seau de Hardelot, qui est à deux lieues de ladicte ville de Boulongne, laquelle il feit ce pendant canonner & batre d'Artillerie iour & nuit, par telle furie, vehemence, & impetuosité (comme il auoit fait faire durant le temps de sept semaines au parauant) que c'est chose incroyable à toute personne qui n'a esté audict siege. Et finalement, apres auoir par les assiegez le leudy vnzième de Septembre ensuyuant soustenu l'affault, que cediect iour lesdictz Anglois leur dōnerent en trois endroitz, & qui dura depuis douze heures du matin iusques à six heures du soir, ou furent ruez tant du party des assiegeés, que des assiegez, de quatre à cinq cens hommes, ledict Seigneur de Veruins, & autres Capitaines, estans en ladicte ville, tindrent la nuit conseil, & conclurent que voyans ladicte ville ainsi batuë, le petit nombre de gens de guerre qui leur restoit, & qu'ilz auoient peu ou neant de pouldres, & autres munitions de guerre, sans auoir l'aduis & consentement des Maires, Escheuins, & Bourgeois de ladicte ville, obtindrent legierement saufconduit dudiect Roy d'Angleterre pour deux Gentilz-hommes, pour traicter de la reddition de ladicte ville: laquelle combien qu'elle fust encores munie de viures pour quatre mois, le Dimenche ensuyuant, iour de l'Exaltation sainte Croix, quatorziesme dudiect mois de Septembre, ledict seigneur de Veruins la deliura aux Anglois, ensemble lesdictz viures, munitions & Artillerie. Et sortirent lesdictz habitans avecques si peu de biens qu'ilz pouuoient emporter sur leur col: par ce que, combien que ledict Roy d'Angleterre eust cediect iour enuoyé ausdictz habitans quatre vingtz chariorz de Flandres ou enuiron, pour emmener leurs dictz meubles: ce neantmoins ilz n'en peurent auoir aucuns, mais leur furent ostez par lesdictz gens de guerre, qui les chargerent des meubles desdictz habitans, dont ilz feirent leur profit, qui fut grande pitié & cruauté: & fut ce desolé peuple cōduict par lesdictz Anglois iusques en ladicte ville de Ruë, que peu parauant ilz auoient bruslée, ensemble tous les villages circonuoyfins d'icelle, iusques aux faulxbourgs d'Abbeuille: & les contraignirent de passer à gué le haure d'Estaples, & la riuere & pas d'Authie: ou furent noyez beaucoup d'anciens hommes, femmes & petits enfans, qui estoit chose fort pitoyable à veoir. Le Mardy seiziesme iour dudiect mois de Septembre ensuyuant, ledict Roy d'Angleterre feit venir vers luy mondict seigneur le Cardinal du Bellay, & autres Ambassadeurs de France, qui estoient audict chasteau de Hordelot, & les mena avecques luy en ladicte ville de Boulongne: de laquelle tost apres iceux Ambassadeurs retournerent, sans aucune chose exploicter.

Audiect an mil cinq cens quarante & quatre, au temps d'esté alla de vie à trespas François monsieur de Bourbon, Comte de saint Paul, & Duc d'Estouteuille. Aussi en ce mesme temps deceda ledict maistre François Errault, Seigneur de Chemens, Garde des sceaulx de France, Dauphiné & Bretagne, retournant de deuers l'Empereur, pour traicter de la paix: & tost apres le Roy crea & institua Chancelier de France, monsieur maistre François Oliuier, lors Chancelier d'Alençon.

Le vingtiesme iour dudiect mois de Septembre dudiect an mil cinq cens quarante & quatre, la paix d'entre le Roy & l'Empereur fut publiée par les carrefours de ladicte ville de Paris. En ladicte année mil cinq cens quarante & quatre, le Roy erigea de nouveau plusieurs offices royaux, tant pour l'abreuiation des proces, que pour auoir argēt pour subuenir à ses grands & vrgens affaires: & si leua en ladicte année mil cinq cens quarante & quatre, outre les tailles ordinaires & accoustumées, sur toutes les villes closes de son royaume, la soulde de cinquante mil hommes de pied: & furent faitz quelques empruntz particuliers, comme l'année au precedent. Le iour saint Michel ving-neufiesme dudiect mois de Septembre dudiect an mil cinq cens quarante & quatre, lesdictz Duc de Norfort, & Comte de Buren, qui tenoient ladicte ville de Montreuil assiegée, aduertiz de ladicte paix, descamperent de deuant ladicte ville, prenans leur chemin en Boulonnoys, ou ledict Comte de Buren print congé dudiect Duc de Norfort, & remena les Allemans, Bourguignons & Cleuois, es païs de l'Empereur. Le Roy estant aduertty de la reddition & inestimable perte de ladicte ville de Boulongne, feit en toute diligence marcher son armée qu'il auoit en la Champaigne, pour aller deuant ladicte ville de Boulongne: à vne lieue pres de laquelle ville arriuerent messeigneurs les Dauphin & Duc d'Orleans, l'vnzième iour d'Octobre dudiect an mil cinq cens quarante & quatre, ou fut deliberé aller assaillir à l'aube du iour la basse Boulongne: & pour ce faire furent enuoyez six mil hommes de pied, soubz la conduite de monsieur de Thays, coronal des gens de pied François, du Comte de sainte Ciconne, Capitaine Italien, & gne.

Affault donné par les Anglois à ceux de Boulongne.

Boulongne rendue aux Anglois par le Seigneur de Veruins.

Ambassadeurs de France, avec le Roy d'Angleterre, à Boulogne.

La paix publiée entre le Roy & l'Empereur.

Le siege levé de deuant Montreuil.

L'armée de France en Boulonnoys pour reprendre Boulogne.

LES CRONICQ. ET ANNALES DE FRANCE.

La mort du du Seigneur de Fouquesolles, Seneschal de Boulonnoys: lequelz apres auoir mis en pié ces le guet des Anglois, & entré dedans ladiète basse Boulongne, lesdictz Italiens se met-
Seigneur Fou- rent au pillage, & à tuer hommes, femmes, & petits enfans, & ne suyurent leurs Capi-
quesolles. taines: mesmement ledict seigneur de Fouquesolles, lequel y fut occis. Au moyen de-
quoy noz gens, estans ainsi mis en desordre avecques la pluye & mauuais temps furent
contrainctz eux retirer avecques nostre-dicte armée: laquelle tost apres se rompit, par
ce que les viures ne suyuoient point, qui fut vne grande faulte, & grand malheur pour
France. Au moys d'Octobre dudiét an mil cinq cens quarante & quatre, le Roy en-
uoya de rechef mōdiét Seigneur le Cardinal du Bellay, & maistre Pierre Raymond pre-
mier President de Rouen, en la ville de Grauelines, ou se trouuerent les deputez dudiét
Roy d'Angleterre: qui bien tost les depescherent, disans que s'ilz venoient pour parler
de recouurer Boulongne, qu'ilz s'en retournassent: mais s'ilz vouloient traicter de paix,
sans parler dudiét Boulongne, qu'ilz fussent les tresbien venus.

Etablissement En ladiète année mil cinq cens quarante & quatre furent en plusieurs lieux & vil-
de Magazins, les de ce royaume establis & alsis lieux, appelez Magazins, au lieu de greniers à sel, pour
pour la Gabe- y mettre le sel & le vendre, par la forme & maniere qu'il est contenu és Ordonnances
lle. royaulx sur ce faictes au moys de Iuillet dudiét an mil cinq cens quarante & quatre, ou
furent mis Officiers, tant pour la distribution dudiét sel, que pour conseruer le droit
royal de la Gabelle. Au moys de Nouembre dudiét an mil cinq cens quarante & quatre,
la Royne de France, sœur de l'Empereur, accompagnée de madame la Duchesse d'E-
stampes, & de plusieurs autres Dames de France, allerent vers l'Empereur, estant en la
ville de Bruxelles, en Flandres: ausquelles Dame il feit tresbon recueil: puis retournerēt
lesdictes Dames en France sans grande conclusion prendre avec ledict Empereur. Du-
rant ce temps le pauvre peuple du païs de Boulonnoys, qui ainsi affligé que dict est, s'e-
stoit retiré és villes d'Abbeuille, Montereul, saint Valery, Amyens, & autres villes de
Picardie, fut tant persecuté de la peste, famine, & pauvreté que l'on estimoit le nombre
des mortz (en moins de six moys) monter à plus de cinquante mil personnes.

Du preparatif de guerre faict pour recouurer Boulongne: & du trespas du Duc d'Orleans, de la deffaicte des Anglois en diuers lieux & de la mort du Seigneur d'Enghien.

*L'an mil cinq
cens xlv.*

*Monsieur le
Duc d'Orleans
vers l'Empe-
reur.*



V moys d'Auril de l'an mil cinq cens quarante cinq apres Pasques,
mondiét Seigneur le Duc d'Orleans alla vers l'Empereur, qui estoit
lors en la ville d'Anuers, en Brabant, ou luy fut faict tresbon recueil
par ledict Seigneur Empereur, duquel il print congé, & tost apres
vint trouuer le Roy au païs du Perche. Ce temps pendant le Roy
congnoissant que ledict Roy d'Angleterre demouroit obstiné, & ne
vouloit rendre ladiète ville de Boulongne, n'y entēdre à la paix, fors

en luy laissant ladiète ville, ou luy & ses predecesseurs Roys n'eurent iamais aucū droit
autoir le Roy au commencement de ladiète année mil cinq cens xlv. pour le re-
couurement de ladiète ville, faict dresser vn armée par terre, pour l'entretenir audict
païs de Boulonnoys, tant pour l'aitaillement des villes d'Ardre & Therouenne, que
pour faire teste ausdictz Anglois, & empescher qu'ilz ne fussent secourus de viures, &
autres munitions à eux necessaires en ladiète ville de Boulongne, & oultre feit prepa-
rer, aitailler & equiper grand nombre de gros nauires, gallions, galleres, & autres
vaisseaux, dont fut dressée vne armée de mer assez puissante non seulemēt pour garder
les ennemys de courir sur la mer; mais aussi pour faire descendre és païs d'Angleterre
& le ruiner, avec l'ayde des Escossois: ausquelz le Roy auoit enuoyé argent, & quelque
petit nombre de gens de guerre, soubz la conduicte de monsieur de Lorges. De ladiète
armée de mer estoit chef & conducteur mondiét seigneur l'Admiral d'Annebault: le-
quel feit faire route vers la fin du moys de Iuillet dudiét an mil cinq cens quarante &
cinq, vers la porte sainte Helene, & l'Isle d'Vvich, en Angleterre, ou le Cheualier d'E-
aux descēdit, & quelque petit nōbre de gens, qui bruslerent quelques maisons: & y fut le
Cheualier d'Eaux occis: & se retira ladiète armée de mer au Portel, lez Boulongne, &
se vint iomēre avecques ledict Seigneur du Biez, aussi chef & conducteur de ladiète ar-
mée

*Preparatif
pour faire
guerre aux
Anglois, tant
par terre que
par mer.*

mée par terre, lequel Seigneur de Biez feit commencer vn fort en toute diligence à Oultreane, distant de ladicte ville d'une lieue ou environ: & ne fut icelle ville de Boulon-*Le fort com-
mercé deuant
Boulougne.* gne grande necessité de viures: & y estoit la peste si grande qu'il mouroit bien par cha-
cun iour de trente, à quarante Anglois: & furent contrainctz de faire camper partie
de leurs gens hors de ladicte ville, pour changer d'aër.

Le huitiesme iour de Septembre, audict an mil cinq cens quarante & cinq, le Roy,
estant en l'Abbaye de Forest-monstier, pres ladicte ville de Ruë, monseigneur Char-*Le mort de
monseigneur
Duc d'Orléans.* les, Duc d'Orléans, second filz du Roy, alla de vie à trespas d'une pleuresie, ou fièvre pe-
silencieuse, & son corps embaulmé, fut mené en l'Abbaye de saint Lucian, lez la ville
de Beauvais. Si le Roy & les François furent marris de ladicte mort, aussi fut l'Empereur:
lequel auoit promis par le traicte de Chaalons, luy faire espouser sa fille ou sa niepce, fil-
le du Roy, domp Ferrand de Hongrie, frere dudit Empereur.

Audict an mil cinq cens quarante cinq, le xxij. dudit mois de Septembre, ledict sei-
gneur du Biez, par le commandement du Roy, accompagné de messieurs les Comtes
d'Enghien, d'Aumalle, Ducz de Môtrensier, de Nevers, du seigneur de Lalai, & de plu-
sieurs autres grands seigneurs & chefs de guerre, mena la plus grande partie de nostre
dicte armée en la terre d'Oye, qu'occupoient les Anglois doçà la mer, & ou ilz auoient
faict plusieurs boullueurs, blocuz, grands fosses & trachiz, & mis gens de guerre pour les
deffendre: lesquelz voyans nostre force, des'emparerent incontinent, & se retirèrent a-
uec quatre ou cinq mil Anglois, qui estoient retirez à Calais, pour la garde d'icelle
ville, doubans que noz gens n'y allassent mettre le siege: & avant que forcer ledict pais
d'Oye furent tuez de six à sept cens Anglois, sans les passans, qui furent trouuez cachez
aux maisons, lesquelz furent mise en cendre, avec les bledz & autres grains qu'ilz a-
uoient recueilliz ladicte année audict pais d'Oye, qui leur porta fort grand dommage:
& si nostre dicte armée eust marché iusques en la terre de Merce, qui est vn peu plus a-
uant, ce qui estoit facile de faire, lesdictz Anglois eussent esté affamez.

Audict mois de Septembre mil cinq cens xlv. Loys Monsieur de Nevers, Cheualier
de l'Ordre, & Capitaine des Gentilz-hommes de la maison du Roy, alla de vie à trespas
en la ville d'Amyens.

Audict an mil v. c. xlv. vers la fin du mois d'Octobre, le Roy enuoya messire François
Oliuier, Cheualier, Chancelier de Frâce, & monsieur l'Admiral d'Annebault, par deuers
l'Empereur, lors étant en sa ville de Bruges en Flandres, de laquelle ilz reuindrent tost
apres. Aussi au mois de Novembre dudit an mil v. c. xlv. le Roy enuoya monsieur Geof-*Ambassa-
deurs de Frâ-
ce & d'An-
gleterre entre
Ardre &
Calais.* froy de Lögue-iouë, Euesque de Soissons, & maistre Pierre Raymôd, premier President
de Rouë, iusques en la ville d'Ardre, pour traicter paix avec les Anglois: entre lesquelles
villes d'Ardre & Calais se trouuerent & parlementerent soubz tentes & paillons, par
plusieurs iournées, avec les Ambassadeurs deputez de la part dudit Roy d'Angleterre:
& y furent iusques au viij. de Ianuier dudit an ensuyant, qu'ilz se departirent sans pou-
voir aucune chose cōclurre avec lesdictz Anglois. Le v. dudit mois de Ianuier dudit an
v. c. xlv. ledict seigneur du Biez, accompagné des Comtes de Raincro & du Raingrau,
Capitaines Allemans, de quelque petit nombre de gens de cheual, & de trois à quatre
mil hommes de pied, se mit à chemin pour aller aitailler ledict fort d'Oultreane, de
vins, chairs, farines & plusieurs autres victuailles, desquelles ceux dudit fort auoient
grande necessité, dont les Anglois estoient bien aduertis: & pour ce empescher s'estoient
mis en embusche assez pres du mont S. Estienne, qui n'est qu'à demie lieue distante du-
dict fort, ou apres auoir par eux laissée passer vne grande partie desdictes munitions &
viures, vindrent furieusement charger sur les conducteurs desdictz viures, dont ilz tue-
rent aucuns, & les autres meirent en fuyte. Ce nonobstant ledict seigneur du Biez ne
laissa de marcher vers ledict fort, & de charger sur les ennemis le premier, accompa-
gné seulement de trente, ou trente cinq cheuaulx: & ce voyans noz Lansquenetz char-
gerent en flans lesdictz Anglois & les rōpirent, de sorte que de deux à trois mil Anglois
y furent que tuez que noyez en la riuere du pont de Bricque, qui est au dessoubz du-
dict mont saint Estienne. Et n'eust esté la nuit qui les separa, il est bien apparent que
de cinq à six mil Anglois qu'ilz estoient ne fust eschappé vn seul homme.

Au mois de Feurier dudit an mil cinq cens quarante & cinq, le Roy enuoya le sei-
gneur de Thays en la ville d'Estaples en Boulonnoys (laquelle l'année precedente auoit

LES CRONIQ. ET ANNALES DE FRANCE.

Fortification de la ville & haure d'Estaples en Boulonnois. esté bruslée, & du tout ruynée par lesdictz Anglois) pour icelle fortifier, & aussi raccourcir & aparfondir le haure d'icelle ville, de sorte qu'une partie de ses galleres y peussent estre logées en toute saison, & en fait Capitaine & Gouverneur, ledict seigneur de Thays. Aussi en ce mesme temps ordonna le Roy estre fait vn autre fort sur vne haulte montaigne, appelée le mont Hulin, à vn quart de lieuë pres ladicte ville de Surene,

du costé des Bourguignons: de laquelle montaigne au mont Hulin, l'on descouvre la plus grande partie dudit pais de Boulonnoys: & ce pendant les Anglois feirent commencer vn fort à Ambleteuve, qui est vn petit port de mer, situé à trois lieuës pres de ladicte ville de Boulongne, & autant de ladicte ville de Calais. Au commencement du moys de Feurier, dudit an mil cinq cens quarante & cinq, mondict seigneur d'Enguien,

par vn cas fortuit & malheureux, estant à la Roche-Guyon, ou le Roy estoit pour lors se iouant avec les ieunes Princes & Seigneurs de la Court, fut tellement blessé d'un coffre à bahu, qui luy fut iecté sur la teste, d'une chambre haulte du chasteau dudit lieu de la Roche, que huit iours apres il alla de vie à trespas, audit lieu de la Roche-Guyon, qui fut vn grand dommage pour France. A la fin du moys de Mars mil cinq cens quarante & cinq, auant Pasques, madame la Dauphine accoucha au chasteau de Fontainebleau de madame Isabel de France, fille premiere de monseigneur Henry de Valloys, Dauphin de France: dont le baptisme fut differé iusques au Dimanche quatriesme iour de Iuillet ensuyuant, mil cinq cens quarante & six, que ledict Roy d'Angleterre enuoya en France le Capitaine de Douures, grand Thresorier d'Angleterre, qui la tint sur fons, en la chappelle dudit chasteau de Fontainebleau, avec la Roynie de France, & madame Jehanne, Princesse de Navarre, ses marrines: & tost apres ledict baptisme (qui fut par monseigneur le Cardinal de Bourbo) ledict Thresorier d'Angleterre tomba malade d'une maladie, de laquelle il alla de vie à trespas en la ville de Paris, au moys de Aoust ensuyuant, & est inhumé en l'Eglise saint Paul.

De la paix faicte & publiée entre les Roys de France & d'Angleterre, & de la mort dudit Roy d'Angleterre.

Mil cinq cens quarante & six.



En l'an mil cinq cens quarante & six, à la fin du moys d'Auril, apres Pasques, le Roy enuoya de rechef mesdictz seigneurs l'Amiral d'Annebault, le President Raymond, & maistre Guillaume Bochetel, l'un des Secretaires de ses commandemens, en ladicte ville d'Ardre, pour traicter de la paix avec ledict Roy d'Angleterre, ou se trouuerent entre icelle ville de Ardre & Calais, de la part d'iceluy Roy d'Angleterre, Jehan, Vicomte de l'Isle, Baron de Maupas, & de Bomery, grad Admiral d'Angleterre, maistre Guillaume Pagest, Cheualier, & Secretaire d'iceluy Roy d'Angleterre, & maistre Nicolas Vvoton, Docteur es droictz, & Doyen des Eglises Metropolitaines de Cantorbery, & de Hebrac, ou ilz furent iusques au septiesme iour de Iuin ensuyuant, qu'ilz feirent, conclurent, & accorderent vne paix, laquelle le Roy fait publier par les carrefours de la ville de Paris, le iour de la Pentecoste treiziesme iour dudit moys de Iuin audit an mil cinq cens quarante & six, auquel tēps fut si grande cherté de bleds, que le septier, mesure de Paris, fut vendu douze liures tournois: & ne se trouue es Hystoires & Croniques de France auoir esté vé du au parauant plus de neuf liures tournois, dont le pauvre peuple eut grandemēt à souffrir. Apres la publication de ladicte paix se seroit l'armée des François retirée dudit pais de Boulonnoys en France: & prindrent noz Allemans le chemin de Brabant & Allemaigne, ou la pluspart d'entr'eux se meirent au seruice de l'Empereur: lequel auoit dressé grande armée, pour corriger les Protestans & Seigneurs d'Allemaigne. Le vij. iour d'Aoust, dudit an mil cinq cens xlvj. le tonnerre & foudre du ciel tomba en la ville de Malynes, en Brabant, au logis du Prince, ou furent bruslez de cinq à six cens caques de pouldre à canon, que ceux de ladicte ville auoient préparé pour enuoyer audit Empereur, estant en Allemaigne, comme dict est: & furent bruslées de sept à huit cens maisons, & de seize à dix huit cens corps tant hommes, femmes, qu'enfans, arts & consommez, qui fut vne grande pitié.

La foudre du ciel tombée en la ville de Malynes.

Audit moys d'Aoust, mil cinq cens quarante & six, alla de vie à trespas madame Marie de Luxembourg, Duchesse douairiere de Vendosmois, grande mere de monseigneur de Vendosme, aagée de soixante ans, ou enuiron, laquelle à fondé en son viuant Abbayes, monasteres, & Hospitaulx, & fait beaucoup de biens & aulmosnes aux pauvres.

pauvres. Aussi audist moy d'Aoust audist an ledict Seigneur d'Annebault, Admiral de France, accompagné du Seigneur de Canaples, Capitaine des Gentilz-hommes de la maison du Roy, & de plusieurs autres grands Seigneurs & Gentilz-hommes de France, alla en Angleterre, ou il ratifia pour & au nom du Roy ledict traité de paix, par luy fait audist moy de Iuin precedent, avec lesdictz Anglois: & ce pendant ledict Roy d'Angleterre envoya aussi en France ledict Vicomte de l'Isle, grand Admiral d'Angleterre: lequel pour & au nom d'iceluy Roy d'Angleterre, son maistre, ratifia aussi ledict traité de paix. Au moy de Septembre dudit an mil cinq cens quarante & six, le Roy voulut faire faire vn fort audist mont saint Estienne, & vn autre au Portel, distans l'un de l'autre & de nostre-dict fort d'Oultreane de demie lieue ou environ: mais il en fut empêché par les Anglois de Boulongne, lesquels à vn point du iour vindrent chasser les pionniers & castadoux que le Roy y auoit enuoyez, dont aucuns furent tuez, & quelques autres fort blessez, disant par lesdictz Anglois que par ledict traité de paix estoit dict que lesdictz Princes ne pourroient faire nouvelles fortifications, trop bien pourroient paracheuer celles par eux encommençées au parauant ledict traité.

Audist moy de Septembre ensuyuant monsieur François de Bourbon, Duc d'Estouteville, & Comte de saint Paul, aagé de treize ans, alla de vie à trespas. A la fin du moy de Nouembre dudit an mil cinq cens quarante & six, le Roy delegua le Seigneur de Hely, frere de madame d'Estampes, le Baron de la garde, autrement appelé le Capitaine Poullain, & ledict seigneur d'Estournel, General de Picardie: lesquels se trouuerent au pais de Boulonnoys, avec les deputez dudit Roy d'Angleterre, pour borner le pais de Boulonnoys, à eux delaisé pour quelque temps, depuis la riuere de Lyaune: mais ilz ne se peurent accorder, & alla ledict seigneur de la garde, pour ce que dict est, vers ledict Roy d'Angleterre, par le commandement du Roy. Audist moy de Nouembre audist an, ledict Roy d'Angleterre fait mettre prisonnier en la tour de Londres ledict Duc de Norfort, & Milort Sorel, son filz aîné, chargez d'auoir conspiré à l'encontre dudit Roy d'Angleterre, & de son filz vnique Edouart, Princes de Galles.

Au moy de Ianuier ensuyuant, ledict Roy d'Angleterre alla de vie à trespas, l'an quarantième de son regne, delaisant ledict Edouard, Prince de Galles, aagé de neuf ans ou environ, filz vnique de luy & de sa troisieme femme, & Marie d'Angleterre aussi sa fille vnique, de Catherine d'Espaigne, sa premiere femme tante maternelle de l'Empereur, aagée de trente & quatre ans ou environ, delaisant aussi pour douairiere d'Angleterre Marie de Cleues, sa quatrieme espouse, & vne autre Dame dudit pais d'Angleterre, qui estoit sa cinquiesme femme & espouse: & eut le Roy certaines nouvelles de ladicte mort par son Ambassadeur, le septiesme de Feurier ensuyuant audist an mil cinq cens quarante & six, le Roy estant à saint Germain en Laye. Le treiziesme iour de Mars audist an mil cinq cens quarante & six, allerent de vie à trespas deux trespas & sçauans hommes, es langues Hebraïque, Græcque, & Latine: à sçauoir maistre François Vatable, natif du pais de Picardie, lecteur du Roy à Paris en ladicte langue Hebraïque, & Iaques Tufan, aussi lecteur du Roy en ladicte ville en langue Græcque: lesquels auoient tous deux en vn mesme iour entrepris ceste charge, & en mesme iour decederent, fort plainctz & regrettez de toutes gens de lettres. Au lieu dudit Vatable fut subrogé pour lire en icelle langue Hebraïque, maistre Bertin le Comte, natif de la ville d'Estaples, sur la mer en la Comté de Boulonnoys, homme tres-expert en ladicte langue: & en la place de Tufan fut mis par l'election des plus sçauans de ce royaume, maistre Adrian Tournibus, natif d'Andely en Normâdie: si que l'on peut dire que telz successeurs ne degenerent en rien de leurs predecesseurs.

Du trespas du Roy François, premier du nom, de ses obseques & funerailles: ensemble de feu monseigneur le Dauphin, & du Duc d'Orleans, ses enfans.



Le iudy xxxj. & dernier iour dudit moy de Mars audist an mil cinq cens quarante & six, auant Pasques, le Roy estant au chasteau de Rambouillet, aggraué de longue maladie, laquelle se termina en flux de ventre, appelée disenterée. Apres auoir instruit des affaires du royaume, son filz vnique Henry, Dauphin de Viennois, recommandé ses fideles seruiteurs, & Officiers, demanda & receut tous ses derniers Sacremens de sainte Eglise, entre vne & deux heures apres midy audist iour, rendit son esprit à Dieu: Et le lendemain son corps

embaulmé fut mis en boys & plomb, puis porté en l'Abbaye de Haultebruyere, pres le-
dict Rambouillet, ou il fut iusques au Lundy de Pasques, vniesme iour d'Auril ensuy-
uant, mil cinq cens quarante & sept, qu'il fut porté au pont saint Cloud en la maison
de l'Euesque de Paris, ou il fut gardé iusques au Samedi vingt & vniesme de May au-
dict an qu'il fut porté dudiect lieu de saint Cloud, en l'Eglise nostre Dame des Champs,
és faulxbourgs de Paris, ou le Roy Henry deuxiesme du nom, à present regnât, meü de
charité fraternelle, feit aussi apporter les corps de feu monseigneur, son frere aîné, Frä-
çois, Daulphin de Viennoys, Duc de Bretagne par la succesiõ de la feuë Royne Clau-
de, sa mere, decedée à Tournon sur le Rhosne, des le dixiesme iour d'Aoust, mil cinq cës
trente six, & de feu monseigneur Charles son frere puisné, en son viuant Duc d'Orléas:
lequel trespasla en l'Abbaye de Forestmontier, pres Abbeuille, le neufiesme iour de Se-
ptembre, mil cinq cens quarante & cinq: duquel lieu il auoit esté incontinent transporté
& conduict en l'Abbaye de saint Luciz, lez Beauuais, ou il estoit aussi tousiours demeu-
ré, & iusques au Dimenche ensuyuant, vingtdeuxiesme iour dudiect mois de May, au-
dict an mil cinq cens quarate & sept, qu'ilz furent aussi apportez en icelle Eglise de no-
stre Dame des Champs: d'ou ilz furent leuez ce mesme iour, enuiron l'heure de midy: &
portez avec le corps du feu Roy leur pere, en l'Eglise nostre Dame de Paris: ou furēt fai-
ctes leurs obseques par monseigneur le Cardinal du Bellay, Euesque de Paris, selon qu'il
est accoustumé en tel cas: mais en la plus grande magnificence & pompe funebre, dont
iamais on ouyt parler. Et le lendemain Ludy vingttroisiesme iour dudiect mois de May,
aussi enuiron l'heure de midy, les processions, & tous autres estartz, tant de la ville de Pa-
ris, que de la Court, & suytte du Roy, Princes, Cardinaulx, Archeuesques, Euesques, &
tous autres notables personages partirent de ladiete Eglise nostre Dame de Paris, por-
terent & conduyrent les corps des trois Princes dessus nommez, iusques en l'Eglise &
Abbaye de saint Denis en France: ou le lendemain Mardy vingtquatriesme iour d'i-
celuy mois de May, apres leurs obseques & seruices, furent mis & inhuméz en la fosse
& vultre preparée pour lesdictz trois corps: & ce par monseigneur le reuerendissime
Cardinal de Bourbon, Abbé de ladiete Abbaye saint Denis. Dieu vueille auoir pitie
& mercy de leurs ames.

L'an mil cinq
cens xlvij.

Du Roy Henry, deuxiesme du nom.



PAR le trespas d'iceluy Roy François (auquel, par
son cry fait en la grande salle du Palais, & aux car-
refours de ladiete ville de Paris, fut baillé tiltre de
Prince, clement en iustice, pere & restaurateur des
bons Ars & science) succeda à la couronne de France
sondict filz vnique, Henry deuxiesme du nom,
De l'ordonnance verbale, duquel, & incontinent
apres le decez de sondict pere, scauoir est le Mardy
cinquiesme iour d'iceluy mois d'Auril, audict an
mil cinq cens quarante & six, auant Pasques, fut
fait Edict, & publié ce mesme iour, par les car-
fours de saint Germain en Laye, ou il estoit lors, con-
tenant inhibitions & deffenses à toutes personnes de
quelque estat, qualité ou condition qu'ilz fussent de
ne renier, maulgreer, despiter, blasphemier, & faire

Edict fait
par le Roy
Henry, deux-
iesme contre
les blasphe-
mateurs du
nom de Dieu.

autres villains & detestables sermens, contre l'honneur de Dieu, & de sa tres sacrée me-
re, & de tous les saintz & saintes de Paradis, sur les peines indictes & contenues en
iceluy Edict.

En l'an ensuyuant mil cinq cens quarante & sept, feit le Roy aussi plusieurs autres E-
dictz & Ordonnances, tant sur la reformation d'aucuns draps, toilles d'or & d'argent,
orfeueries, canetilles, broderies, que sur le reiglement de ses finances, police, des pau-
ures, suppression des offices de nouuel erigées, & sur le fait des eaulx & forestz, le tout
au grand entretien de sa iustice, & soulagement son peuple.

L'Empereur
cõtre les Al-
lemans.

Pendant ce temps, l'Empereur estant es Allemaignes, empesché aleancontre des Prin-
ces, villes capitalles, & Imperialles d'iceluy pais, pour les reduyre à la foy, & vnion
de l'Eglise, print captifz les Ducz de Vviremburg, & de Saxe, avecques le Landgrave
de Hessen

DV ROY HENRY, DEUXIESME DV NOM. fol. clviij.

de Hesse, & lesdictes cités qui auoient puis les armes oütre luy, multa de grandes sommes de deniers, pour employer à ses affaires.

L'entrée, Sacre & couronnement du Roy Henry, deuxiesme du nom, en la ville de Reims.

EN ce temps, le Roy ayant delibéré de proceder à son Sacre, & couronnement, feit apporter deuers la maïesté, en son chasteau de saint Germain en Laye, les ornemens estans en garde en l'Abbaye saint Denis en France, destineez aux ceremonies en tel cas requises: & à raison qu'il les veid ia vsez, par vne loque antiquité, & pour auoir seruy à plusieurs Roys, ses predecesseurs, sadiete maïesté en fent refaire de tous Heutz, de precieuse matiere, enrichie de tres-excellente broderie. Ce fait procedant ledict seigneur à l'effect de son Sacre & couronnement. Le Lundy vingtcinquiesme iour dudit mois de Iuillet, mil cinq cens quarante & sept, apres auoir receu l'obeissance, offres, & requestes des habitas de Reims en Champaigne, feit son entree en icelle ville: ou le lendemain Mardy vingtlxixiesme iour dudit mois de Iuillet, sa maïesté fut oingte, sacree, & couronnée en la grande Eglise Metropolitaine, en la maniere accoustumée: & ce par monseigneur le Cardinal de Guyse, Archeuesque & Duc de Reims, Pair de France: & sejourna ledict Seigneur Roy, en la ville iusques au Vendredy ensuyuant, vingtneufiesme dudit mois, qu'il en partit pour aller à saint Marcoul: ainsi qu'on eu de tout temps de bonne & ancienne coustume ses predecesseurs Roys de France.

Mil cinq cens
xlviij.

Incontinent apres sa maïesté vint faire son entree en la ville de Compiègne, qui fut au mois d'Aoust, audict an mil cinq cens quarante & sept. Durant lequel mois, son plaisir fut d'aller visiter, & faire ses entrées en ses villes & places de Picardie: ou ses subiectz le receurent à grand' ioye, sçauoir est, à Amyens, Abeuille, Monstreul sur la mer, & autres.

Le Roy en Picardie.

Puis alla visiter les Forts, qui depuis la reddition de Boulongne ont esté faitz & commencez, pres ladicte ville, & en la Comté de Boulonnoys: ou il meit & laissa garnison de quatre mil Lasquenetz, qu'il a tousiours depuis entretenus à la souldé, oultre & par dessus le nombre des souldars de ses vieilles bandes, estans en iceux Forts. Aussi fut visiter ses villes d'Ardres, Therouenne, Hesdin, Dourlan, & Corbie: ou ses subiectz habitans d'icelles feirēt tout ce q'estoit en eux, pour le recevoir en toute humilité: & de là (passāt par la ville de Mōdidier) retourna à Compiègne, ou il auoit laissé la Roïne son espouse.

Le vingthuitiesme iour du mois de Novembre audict an, fut public en la Court de Parlement à Paris, l'Edict fait par le Roy, au mois d'Octobre precedent: par lequel est dict & ordonné, qu'aucuns officiers du Roy en estat d'Aduocats & Procureurs, es Preuostez, Bailliages, & Seneschaulsées de son royaume ne pourront doresnauant estre promoteurs es charges ordinaires de Preuostz, Maieurs, Escheuins, ou autres telz estatz de ville, sur les peines declairées en iceluy Edict. Au mois de Decembre ensuyuant mil cinq cens quarante & sept, la Roïne estant à Fontainebleau accoucha de la seconde fille: qui fut solennellement baptisée en la Chappelle dudit lieu, & nommée Claude. Ses parrains & marraines furent vn delegué par messieurs des Cantons de Suisse: Madame Marguerite de France, sœur unique du Roy: & Madame Iehanne, Princesse de Navarre. Le Samedy dixiesme dudit mois de Decembre audict an mil cinq cens quarante & sept, enuiron les deux heures du matin, se rompit par le meillieu, tout du long, le pont S. Michel, à Paris, de sorte que tout le flanc qui regarde vers l'hostel Dieu, & petit Chastelet, fut perdu, & en tomberēt les maisons dedans la riuerē de Seine: & ce par les grandes inundations d'eauē qui suruindrent en ce temps: toutesfoi par c'est accident, combien qu'il aduint de nuit, n'y eut aucun des habitas desdictes maisons tuē ne noyé.

Les Officiers du Roy, Aduocats, Procureurs, Seneschauls, Baillyz, ne pourrant estre Maires n'Escheuins des villes.

Mil cinq cens
xlviij.

La cheute du pont S. Michel à Paris.

La Comté de Aumalle erigée en Duché.

Le cinquiesme iour de Ianuier audict an, furent publiées en la court de Parlement à Paris, les lettres patentes du Roy, par lesquelles il auoit erigē la Comté d'Aumalle en Duché, & Pairie de Frâce: dont a esté premier Duc & Pair Monsieur François de Lorraine: filz aîné de monseigneur le Duc de Guyse.

Au mois de May mil cinq cens quarante & huit, le Roy & la Roïne, accompagnez de plusieurs Princes & Seigneurs de Frâce, feirēt leur entree en la ville & cité de Troye en Champaigne, ou ilz furent honnorablement, magnifiquement, & à grand' ioye receuz, & festoyez de leurs subiectz habitans de ladicte ville.

Mil cinq cens
xlviij.

LES CRONIQ. ET ANNALES DE FRANCE.

Nota.

En ce mesme temps sortit vn Loupceruier de la forest d'Orleans, au pais de Berry, fort cruelle beste, & semblable à celle qui en la saison d'Este de lan mil cinq cens quarante & six, sortit aussi de la forest de la Neuville en Hez, au Comté de Clermont en Beauuoysis, qui feirent innumérables maulx esdictz pais par ce qu'elles y mutilerent, tuerent, & mangerent plusieurs personnes, tant hommes, femmes, filles, qu'enfans: de sorte que nul n'osoit aller à ses negoces, sans grand peril & danger de sa personne, s'il n'estoit bien accompagné.

Guerre en Escosse.

Aussi en cediect moys de May mil cinq cens quarante & huiet, plusieurs Gentilz-hommes François, Italiens, & d'autres nations, s'embarquerent en Bretagne, & Normandie, pour aller en Escosse, au secours & ayde des Escossoys, ausquelz les Anglois, leurs anciens ennemys, faisoient tresforte guerre: & arriuerent audiect pais d'Escosse, deuant la ville de Dompnar, le douzième iour de Iuin ensuyuant, soubz la conduite du seigneur d'Essé, Coronal des gens de cheual: du seigneur Pietro Strossy, parét de la Roynne, Coronal des Italiens: ensemble du seigneur d'Andelot, Coronal des gens de pied François: du Comte Raintgraue, Coronal des Allemans. Du prieur de Cappoa, Coronal des galleres Françoyes: & autres Capitaines, & gens de nom, ou ilz feirét plusieurs beaux faitz de guerre, & de grands dommages ausdictz Anglois.

Vn fort fait par le seigneur de Chastillon, contre les Anglois, deuant Boulongne.

D'autrepart le seigneur de Chastillon fut au temps dessusdict enuoyé par le Roy au pais de Boulonnoys, ou il commença à bastir & construire vn nouveau fort, situé pres & fut le hault du haure de la ville de Boulongne sur la mer, vis à vis de la tour d'Ordre: ou tost apres fut mis bon nombre d'Artillerie, munitions, & gens de guerre en garnison: dont les Anglois n'estoient guerres contens, & les voulurent empescher pour quelque temps, qui fut cause que François & Anglois coururent, & s'entrepillerent les vns les autres, aux enuirs de Boulongne, Guynes & Ardres, ou furét plusieurs gens tuez des deux parties: toutesfois celà fut tost appaisé à la requeste & poursuyte de l'Anglois, qui ne se sentoit le plus fort.

Debat entre les Escoliers de l'Vniuersité de Paris, & les Religieux de S. Germain de Prez, pour raison du Pré aux Clercs.

L'an mil cinq cens xliij.

AV commencement du moys de Iuillet audiect an mil cinq cens quarante & huiet, s'esmeut debat entre les Escoliers de l'Vniuersité de Paris, & les Abbé & Religieux de saint Germain des Prez, ioignant icelle ville, pour raison de ce que lesdictz Escoliers maintenoient qu'à eux appartenoit de tout temps immemorial, vn lieu appelé le Pré aux Clercs, à eux donné & confirmé par plusieurs Roys de France: partie duquel Pré, lesdictz Abbé & Religieux auoyent baillé à cens, à diuers personages, qui dessus auoient fait & basti plusieurs maisons & edifices, appliqué le surplus en voyries, & apporté immundices, chose que lesdictz Escoliers ne vouloient souffrir, n'y permettre, disans que ledict Pré leur auoit esté donné par iceux Roys de France, pour eux esbatre, & recréer apres l'estude, & que ilz en auoient iouy de route ancienneté: Parquoy s'assemblerent en grand nombre, & avecques eux s'entremeslerent plusieurs gens vagabonds, qui se transporterent sur la piece litigieuse, ou ilz abbatirent & desmolirēt par force plusieurs belles maisons & edifices, par especial les murailles d'un clos de vigne, qu'auoient fait faire lesdictz Religieux. Et sans ce contenter de celà, arracherent les vignes, & arbres fruitiers estans dedans ce clos, & plusieurs autres iardinages, ou ilz feirent de grands excez, disans qu'ilz vouloient garder leur possession & iouissance. Pour faire cesser lesdictz outrages, furent enuoyez par messeigneurs de la Court de Parlement l'un des Preuostz de l'hostel du Roy, nommé Genton, les Lieutenant criminel, & Cheualier du Guet de la ville de Paris, pour appaiser ladicte esmotion: ce qui ne fut fait sans mort & naureure de plusieurs personages. Au moyen dequoy ladicte Court pour obuier à plus grands inconueniens qui s'en eussent peu ensuyuir, enioignit au Recteur, & maistre de ladicte Vniuersité: & pareillement ausdictz Abbé & Religieux dudit saint Germain des Prez, d'apporter leurs lettres & tiltres, pour iceux par elle veuz, leur faire droit & briefue iustice. Suyuant laquelle inionction, le Mardy dixième iour de Iuillet audiect an mil cinq cens quarante & huiet, present à ce le Recteur, accompagné de plusieurs notables personages de ladicte Vniuersité, fut la cause plaidée pour les Escoliers,

Escoliers, & lesdictz Religeux de saint Germain des Prez. Finablement par Arrest donné entre les parties, elles furent par ladicte Court reiglées, selon leurs lettres & titres anciens, & commis pour executer l'Arrest, borner & limiter les lieux, deux Cōseillers de ladicte Court : lesquelz pour ce faire se transporterent par plusieurs iours sur lesdictz lieux, en la presence du Recteur, & de plusieurs gens de bien de ladicte Vniuersité. Au moyen dequoy le debat & discord s'appaisa. Audict moys de Iuliet, mil cinq cens quarante & huit, le Roy voulut aller visiter ses païs de Bourgongne, & villes frontiere des enuirs: esquelles en passant il feit son entrée en triumpant & sumptueux appareil: comme à Dy-ion, Beaulne, Langres, Auxonne, Bourg en Bresse, & autres villes desdictes frontieres. Apres lesquelles visites, le Roy partit pour aller veoir la Sauoye, & païs de Piedmond: & feit semblablement son entrée en la ville de Turin, qui est la capitale du dict païs. Cela fait, & apres auoir congneu la fidelité & amour q̄ ses subiectz en Sauoye, & Piedmond, auoient enuers sa maiesté: iceluy Seigneur se retira en sa noble ville, & cité de Lyon: en laquelle il feit son entrée le Dimenche xxij. iour de Septembre ensuyuant audict an mil cinq cens quarante & huit.

Le Roy en Bourgongne.

L'entrée du Roy & de la Roynne en la ville de Lyon.

LT fut ceste entrée assez magnifique & superbe, pour estre parangonnée aux triumphes des Scipions, Pompées, & Cēsars, tant ventez aux histoires Rommaines: Car oultre la pompeuse sumptuosité des Portaux, Arcades, Obelisques, Temples, Perspectives, Coulonnes, & Theatres, enrichis d'une infinité de figures: les vnes esleuées en bosse, les autres couchées en platte paincture, & ornées de deuises, grotesques escripteaux, & festons orgez & bastis en irreprehensible symetrie d'Architecture, semées dru par les ruës & place de ladicte ville de Lyon depuis le faulxbourg de Vaize iusques au logis de l'Archeuesque: Oultre la magnificence des riches tapisseries, faisans tresaggreables bordures es maisons assises de part & d'autre des ruës, gracieusement ombragées de ciels de deliées toilles estenduës par dessus: Oultre la chasse du Lyon, pris par Diane, accompagnée de ses Nymphes, dedans l'artificielle forest, & présenté au Roy & à la Roynne: par elle receuant l'un & l'autre par un dizain aussi gracieusement prononcé, que furent bien ouys, & mieux receuz les quatrains aussi recitez par Neptune & Pallas, deuant la Perspective du Chamge. Les mestiers & Artisans, les enfans de la ville à pied & à cheual, & les Conseillers & Escheuins de ladicte ville espargnerent tant peu les draps d'or, d'argent & de soye, les guypures, recamures, poursilures, & canetilles, les boutons, fers, iaseras, & bordures d'or, en leurs vestemens, caparaillons de cheuaulx, habillemens de laquais: & enrichissemens d'iceux, que les nations Luquoise, Florentine, Milannoise, Allemande, n'eurent moyen de les surpasser en brauade: combien que de toutes ces susdictes choses elles fussent prodigalement liberales. Mais encor que les enfans de la ville, & nations, eussent retenu les spectateurs en admiration grande, tant du pris & beauté de leurs accoustremens, que du nombre & allegresse des cheuaulx, Genets, Turcs, & Barbares, qu'ilz menoient: Toutesfois le Roy, les Princes, & leurs maisons passant apres, firent veoir à ceux qui les regardoient, que tous les Phrygiens de la grande Troye eussent esté empeschés de compartir en toute leur vie toutes les couleurs ensemble tant proprement & richement, comme les brèdeurs de Lyon, en moins de deux moys contrepeserent le blanc & le noir sur les accoustremens du Roy & des Princes, & aux croissans, chiffres & feuillages, des houffes, caparaillons, & harnois de leurs cheuaulx. La magnificence du festin & du bal fut sumptueuse: le combat des Gladiateurs fut superbe; l'appareil & l'action de la Comedie furent merueilleusement ingenieux: mais sur tout fut magnifique la Naumachie des Galleres, representée sur la Saone, avec grande compagnie de Fustes, Brigantins, Galliot, & Gondoles, suyuant deux Galiaces Capitaines: tellement painctes, parnoncellées, enrichies, & garnies de souldats, braues & fors, que les voiles de pourpre, les rames d'argent, la poupe d'or du nauires de Cleopatra, ne leur eussent sceu faire hôte singulierement accostées au Bucentaure, fait par la maiesté du Roy & de la Roynne. La structure, forme, paincture, & precieuse enrichissure, duquel fut autant agreable aux regardas, comme fut esmerueillable au Roy, aux Princes, aux Dames & aux Seigneurs: la table chargée d'infinies sortes de confitures, descendant en un instant du lambris de

L'an mil cinq cens xlvij.

LES CRONIQ. ET ANNALES DE FRANCE.

la salle du bal, bastie dedans ledict Bucentaure, & la Sommelerie toute prestee, montant de la carene du basteau, comme si les Dieux celestes & terrestres eussent miraculeusement enuoyé de hault & de bas la collation aux asistans. En somme fut la brauade & magnificence de ladicte entrée tant grande, que la posterité, lisant le liure qui en a esté fait, s'en esmerueillera beaucoup plus tost qu'elle ne le croyra.

L'entrée de la Royne à Lyon. Le lendemain vingtquatriesme dudit mois fut faite toute pareille entrée à la Royne Catherine, sa compaignie : Puis à tous deux furent faitz de tresbeaux & riches presents, par les Bourgeois & Nobles de la ville. En laquelle le Védredy xxviii. dudit mois de Septembre, le Roy celebra le chapitre des Cheualiers de l'ordre S. Michel, qui de long temps n'auoit esté celebré en Frâce : & estoient tous vestus, tant le Roy que lesditz Cheualiers de l'ordre d'un grand manteau rond iusques à terre, tout de drap d'argent : & portoient par dessus vn chapperon de veloux cramoisy à bourlet, comme portent les Aduocatz en Parlement. Monsieur le Cardinal de Guyse, comme Chancelier dudit Ordre, aussi vestu par dessus son roquet d'un pareil manteau de veloux blanc, son chapperon de veloux cramoisy rouge, & les Huissier, Greffier, & Maistre des ceremonies de semblables manteaux de satin blanc, & chapperons de satin cramoisy rouge.

Le chapitre des Cheualiers de l'ordre S. Michel celebré par le Roy.

Commotion de la commune du pais & Duché de Guyenne, pour raison de la Gabelle du sel, & de l'Arrest contr'eux donné.

Mil cinq cens xliij.

LE Roy estant en ladicte ville de Turin, fut aduertý des rebellions, seditions, & assemblées des communes de ses pais de Xaintonge, Angoulmois, Poitou, Lymosin, Perigort, & autres endroitz du Duché de Guyenne, voulés empescher l'execution des Edictz faitz sur la perception de ses droitz de Gabelle du sel : Lesquelles communes auroient enuoyé remonstrer audit Seigneur, que chascun d'eux estoit prest de se retirer en sa maison, pourueu que le bon plaisir de sa maiesté fust leur pardonner leur faulte, en vsant de Misericorde. Surquoy ledict Seigneur par ses lettres patentes auroit euoqué & retenu à sa personne la congnoissance desdictes rebellions, & seditions, à la charge que les communes & peuples dessusdictz seroient reenus d'eux separer, & retirer chascun en leurs maisons, & de remettre les armes es lieux ou ilz les auoient prinsez : & ou ilz n'obeiroient & satisferoient à ce que dessus, ains perseuereroient esdictes assemblées & commotions, lesdictes lettres seroient de nul effect. Et pource qu'icelles communes auroient continué de mal en pis, ledict Seigneur auroit esté contrainct enuoyer au pais de Guyenne grand nombre de gens de cheual & de pied, soubz la charge & conduicte de monsieur le Duc d'Aumalle, & de monsieur le Connestable, qui seroient entrez esdictz pais : mesmement ledict seigneur Connestable, en la ville de Bourdeaux : en laquelle lesditz gens de commune auroient peu parauant tuez inhumainement le seigneur de Monneins, Lieutenant du Roy de Nauarre, Gouverneur pour le Roy d'iceluy pais de Guyenne. Pour raison desquelz excez, ledict seigneur Connestable auroit fait publiquement punir du dernier supplice plusieurs desditz rebelles & seditieux en ladicte ville : & au surplus dict & ordonné par sa sentence, ou arrest, que la maison commune de ladicte ville de Bourdeaux, seroit rasée, & demolie : & qu'en ce lieu seroit edifiée vne chapelle, pour faire le seruice diuin du feu seigneur de Monneins, tuez meschamment en ladicte ville de Bourdeaux (côme dict est.) Et oultre furent les Iurats avec six vingtz homes du Conseil de ladicte ville, condamnez à aller avec plusieurs autres Bourgeois deuant le logis dudit seigneur Connestable, ayans la teste nue, & chascun d'eux tenans en la main vne torche allumée, eux habillez en dueil : ou estans arriuez, se meirent à genoulx, demandans pardon à Dieu, au Roy, & à Justice, trians Misericorde. Et de là allerent en l'Eglise des Carmes de ladicte ville, ou fut enterré le corps dudit seigneur de Monneins, & par les dessusdictz porté en l'Eglise de saint André audit Bourdeaux, ou il fut inhumé au cœur : & là est ordonné, que tous les ans sera fait seruice solennel, tant à l'Eglise qu'à ladicte chapelle, ou asisteront douze de plus notables Bourgeois de ladicte ville. Oultre, furent iceux habitans priuez à iamais d'auoir droit de comunaulté, & Iurisdiction ; Iurats, Conseillers, Bourges, Cloches, Artillerie, n'y armes, soit en particulier, ou en general, sur peine de confiscation de corps & de biens. Et oultre ce furent leurs priuileges bruslez en leurs presences : & eux condamnez à faire fortifier les deux Chasteaux de ladicte ville à leurs despens, iceux

Punition des mutins du pais de Guyenne,

iceux aitailler pour vne fois de toutes choses necessaires, & les renoueller d'an en an: Aussi d'entretenir & aitailler deux Barques de toutes choses necessaires, pour la tuition & defense de ladicte ville: Pareillement, de rembourser le Roy de tous les fraiz faitz pour l'armée qu'il auoit conuenu à sa maiesté enuoyer audict pais (à raison de ce que deit est) iusques à la misericorde d'iceluy Seigneur, selon que plus à plain le cōtient ledict Arrest, prononcé à Bourdeaux de par ledict seigneur Connestable, le xxvj. iour d'Octobre mil cinq cens xlvij. Audict moys d'Octobre mil cinq cens xlvij. le Roy feit son entrée en la ville de Moulins en Bourbonnois: ou fut magnifiquement celebré le mariage de monseigneur Antoine de Bourbon, Duc de Vendosmois, Pair de France, & de madame Jehâne d'Albret, Princesse, & fille vnique de mōseigneur Henry d'Albret, Roy de Nauarre, & de madame Marguerite de France, sœur vnique du feu Roy François, que Dieu absolue: qui fut au grand desir & contentement du peuple de France. Le xxv. iour de Nouembre audict an mil v. cens xlvij. le Roy par ses lettres patentes, données à S. Germain en Laye, suyuant autres lettres expediees par le feu Roy François, premier de ce nom, feit reiterer les defenses de ne porter Hacquebuttes ne Pistolletz, soubz les peines indictes par icelles lettres dudiect feu Roy François, en datte du xvj. iour de Iuillet, mil v. cens xlvj. Le xvij. iour de Ianuier, audict an mil v. cens xlvij. fut aussi publié & enregistré en la court de Parlement, à Paris, autre Edict fait par le Roy au moys de Nouembre, en icelle année, par lequel est inhibé & defendu à toutes personnes, de quelque estat, qualité, ou cōdition qu'ilz soient, de ne plus bastir de neufs faulxbourgs de la ville de Paris, de toutes pars, sur peine de cōfiscation du fonds & du bastimēt, pour les causes à plain cōtenuës & declarées es lettres patentes sur ce données par sa maiesté.

Le Dimenche iij. iour de Feurier audict an, la Roynie, estant à S. Germain en Laye, accoucha d'un beau filz, qui fut nommé Loys, Duc d'Orleans, la naissance duquel fut ce iour mesme, par vn bruyt, qui se leua sans auheur, diuulgée à Romme non seulement du lieu, mais aussi de l'heure & horoscope. Ainsi fut semée à Romme la victoire de Paul Æmile à l'encontre de Perses. Il fut baptisé en l'Eglise du chasteau d'iceluy saint Germain, le xix. iour de May, l'an mil v. cens xlix. ensuyuant: Furent ses parrains Dom Constantin, delegué à ce faire par Dom Iehan, Roy de Portugal, avec monseigneur le Duc de Guyse, tenant le lieu en cest endroit de monseigneur le Duc de Ferrare: & maraine madame la Duchesse d'Aumalle, en l'absence de la Roynie, douairiere d'Ecosse.

L'entrée du Roy & de la Roynie, à Paris: avec le Tournoy fait audict lieu, pour la celebration de leurs ioyeux aduenement.

EN ce temps, le Roy estant en son chasteau de saint Germain en Laye, avec la Roynie, Princes, Princesses, & Seigneurs de la Court: & pouruoyāt à ses affaires, delibera faire son entrée, en armes, en la ville de Paris, capitale de son royaume: & de fait fit publier icelle le Lundy, huietieme iour d'Auril, mil cinq cens quarante & huit, au quinziesme de May ensuyuant: comme aussi le premier iour d'Auril, audict an, il auoit par ses Heraux d'armes fait publier par les carrefours de ladicte ville de Paris les articles du Tournoy, entrepris pour la solennité de son tresheureux courōnement, & triumpante entrée, de luy, & la Roynie, sa compaignie, pour ouurir le pas d'iceluy au premier iour de Iuin ensuyuant: mais, pour certains affaires suruenus, fut ladicte entrée differée iusques au seiziesme iour de Iuin, mil cinq cens quarante & neuf: & par mesme moyen l'ouverture du Tournoy remise au vingt & troisieme iour dudiect moys de Iuin, audict an. Et ce pendant que chascun se preparoit en son endroit, pour receuoir, accompagner & assister à sa maiesté, en l'ordre & equipage requis, il partit avec la Roynie, & toute la Court, de S. Germain en Laye, pour venir faire la feste de Pentecoste en la ville saint Denis, en France: en laquelle il fut honnorablement receu par le reuerendissime Cardinal de Bourbon, Abbe dudiect lieu, & de tous les habitans d'icelle ville: & ledict iour de Pentecoste toucha les malades, au cloistre de ladicte Abbaye, ainsi qu'auoient accoustumé de faire ses predecesseurs Roys de France. Le Lundy de Pentecoste, dixiesme de Iuin audict an, fut tressolēnellement celebrée la messe dedans le cœur de ladicte Eglise, par ledict Seigneur reuerendissime Cardinal de Bourbon: à laquelle, sus eschauffaux expressement dressez & preparez, assisterent tous les Princes, Ducz, Comtes, Barons, Seigneurs, & Gentilz.

DDD iij

LES CRONICQ. ET ANNALES DE FRANCE.

Le couronnement de la Royne à saint Denis en France.

hommes de la Court, avec Cardinaulx, Archeuesques, Euesques, Abbez, & Prelatz, en grande pompe & magnificence : & sus autres eschauffaux, richement accoustrez, furent aussi presentez madame Marguerite, sœur vnique du Roy, & toutes les Princesses, Duchesses, Comtesses, vestuës de leurs manteaux de veloux violet, & de leurs couronnes triumphales, pour faire honneur à la Royne : laquelle sus vn eschauffault au milieu du cœur, fut en grand magnificence couronnée durant ladicte Messe, harmonieuse melodie de Musique, & applaudissement du grand nombre de peuple affluant, tant pour la pompe dudit couronnement, que pour les pardons de planiere remission, octroyez pour cedit iour par nostre S. Pere le pape Paul, tiers de ce nom, pour l'extirpation des pullulâtes hærefies, augmêtation de la Foy, vnion des Princes, & estat de la Chrestieté.

L'entrée du Roy à Paris.

Le Roy & toute sa court demoura à saint Denis, & lieux circonuoyfins, iusques au seiziesme iour dudit mois de Iuin, audict an, qu'il vint loger au Prieuré saint Lazare, lez Paris : là ou se presenta sa maiesté sus vn grand eschauffault, dressé au deuant dudit Prieuré, richement tapissé, & couuert autour du siege de sadicte maiesté, de ciel & tapis de drap d'or frizé : ou il ouyt les harengues & gratulations des Estatz de sa ville de Paris, le venans l'un apres l'autre saluer, & receuoir, en triumpant ordre & magnificence : puis les harengues finies proceda à l'ordre de son entrée, en armes. La magnifique excellence, laquelle fut telle, que peult mieux iuger celuy qui la veut à l'œil, qu'autre qui en puisse lire la forme descrire : car, encor que la fanterie fust braue, & en grâd nôbre : côme aussi fut l'Artillerie : qui feit vn continuel tonnerre, pendant que sa maiesté passa : bien que tous les estatz de Paris, singulierement les enfans de la ville à cheual, fussent en leurs dorures, accoustremens, & cheualx tant braues, que l'esbahissement des regardans en surmontast l'expectation : combien que l'ingenieuse elegance des Portaulx, Spectacles, Arcs triumpaux, & de leurs statuës, deuises, & enrichissement, rauissent le spectateur en admiration de l'antiquité, doctement renouellée : neantmoins la maison du Roy, en armes, & sa maiesté d'icelle ornée, & enuironnée, meslerent tant de merueilles parmi le plaisir des ententifs à veoir, qu'ilz se trouuoient empeschez de laisser l'estonnement, pour se renger à la ioye. Aussi à la verité les plus aguerris & experimètez au fait des armes, voyans passer vn grand nombre de Pages, vestus de drap d'or & d'argent, la pluspart cheuauchans Geners, Turcz, & cheualx de royaume, harnachez de mesmes, selon les couleurs de leurs maistres : desquelz ilz portoient l'armet en teste, les gâtellers aux mains, & les lances painctes, & pannoncelées de blanc & noir, sur les cuyffes : regardans suyure les Gentilz-hômes de la maison du Roy, tant bien armez, montez, capparassonnez, & bardez, oyâs tant de trompettes, clerons & doulcines, moderantes l'aspreté de l'Artillerie, plus que tönante : contemplans en fin la maiesté du Roy, couuerte deuant & derriere des Princes, Cheualiers de l'Ordre, Officiers de sa maison, Gentilz-hômes de sa chambre, & de ses quatre cens Archiers, avec les cent Suyffes, tant diaprez, & capparassonnez d'armes dorées & grauées, de draps d'or & d'argent, broderies, pierres, perles & pennaches, voltigeans sus tant remuâs cheualx, & adroitcz, s'estônoient, de veoir tant de Princes, Gentilz-hommes, Capitainés, & hommes d'armes, vaillans, puissans, & braues, en extremité de superbe magnificence, dedans le clos d'une ville.

L'entrée de la Royne à Paris.

Et si ceste entrée en armes donna esbahissement, & plaisir aux estrangers, & citoyens, qui là voyoient, ceux mesmes ne receurent moins de contentement voyans la Royne le Mardy suyuant dixhuitiesme iour dudit mois de Iuin, reçeue & saluée en mesme forme que dessus, par les Estatz de la ville de Paris : puis y entra accompagnée deuant & derriere de tous les Princes, Ducz, Comtes, & Gentilz-hommes de France, avec tous les Officiers de la maison du Roy, & de la sienne, les vns à pied, les autres à cheual, tant bien dorez, vestus, montez, & houssez de drap d'or, & d'argent, & autres parures, qu'il est malaisé le croire sans l'auoir veu : Mais sur tout la Royne & madame Marguerite de France, assises de front en vne litieré descouuerte, & suyues des Princesses, Duchesses, Comtesses, & Dâmes de France : mesmes de trois chariotz triumpans, plus enrichis des beautez & graces des Damoysselles qu'ilz portoient, que de la crouste & drap d'argent qui les couuroient iusques en terre, distrayoient les regardans en triple admiration, par leurs dignitez, beautez, & tresprecieux accoustremens.

Les festins des deux entrées furent fort riches en banquets, seruices, bals & masques. Aussi fut le disner que le Roy & la Royne prindrent le Mercredy suyuant des Preuosts, Escheuins, & du corps de la ville de Paris, en vne salle de l'Euesché expressement & tres-

sump-

sumptueusement paincte, tapissée, & parée: dont leurs maiestez trescontenres, tant de l'honneste seruice, & riches presens, que de la bonne volonté de la ville, partirent après dîner, pour aller coucher en la maison des Tournelles: deuant laquelle, & au long de la grande rue saint Antoine, estoient les lices magnifiquement dressées, faisant monstre de part & d'autre de deux grands arcs, précieusement & ingenieusement enrichis de deuises, avec statues, & brodures par les costez des loges grandes & richement tapissées, ou la Royne, & les Dames, les Iuges du Tournoy, & Ambassadeurs des Potentatz voyfins veirent ouurir le pas dudict Tournoy, le Diméche vingt & troisiéme iour de Iuin, audict an, par monseigneur François de Lorraine, Duc d'Anjou, le sire Robert de la Marche, seigneur de Sedan, Marechal de France: le sire Jacques d'Albon, seigneur de saint André, Marechal de France: le sire Claude Gouffier, seigneur de Boffly, grand Escuyer de France: le sire Gaspard de Saulx, seigneur de Tauennes, Capitaine de cinquante hommes d'armes: & le sire Philebert de Matilly, seigneur de Cipierre, Gentil-homme de la chambre du Roy, les six tenans contre tous venans, tant François comme estrangers: & par le Roy, accompagné de trente hommes d'armes, premier assaillant. En ce Tournoy fut procedé les quinze iours suyans par monseigneur Antoine de Bourbon, Duc de Vendosmois, & tous les autres Princes & Seigneurs consecutiuellement assaillans, suyuant la forme des huit emprises, déclarées au long par les articles du Tournay: auquel les Princes & Gentilz-hômes de France, & singulierement la maiesté du Roy, fait monstre & preuue suffisante de sa vaillance, magnanimité & dextérité aux armes, tant à cheual comme à pied. Le Mardy deuxiesme de Iuillet, audict an, le Roy, accompagné des Pairs de France, Princes de son sang, Gentilz-hommes & Officiers de la maison, de son Chancelier & maistres des Requestes de son Hostel, vint tenir le siege en son Palais, dedans la Chambre dorée, ou sied le Parlement de Paris, selon la coustume obseruée de toute ancienneté par ses predecesseurs Roys de France.

Le Tournoy fait à Paris, pour le ioyeux aduenement du Roy & de la Royne.

Le Mercredy suyuant, le Roy & la Royne prindrent apres leur soupper l'esbat d'une guerre nauale, entreprise par les Princes & Gentilz-hômes de France, & par Messieurs de la ville de Paris, pour la recreation de leurs maiestez. Le Roy & la Royne par vne braue Gondole furent menez dedans le bateau que la ville auoit fait dresser, & enrichir de leurs couleurs: duquel ilz veirent descendre d'amont l'eau xxxij. Galleres painctes de diuerses couleurs, aux deuises des assaillans, & autrement bien garnies de forcères, & braues souldatz: lesquelles de prinault passantes à la file deuant le fort, basti au fons de l'isle de Louuiers, le saluerent d'une espouventable infinité de canonnades; puis escarmouchées de sept Galeaces, serrées dans le port, ioignant le fort, reculerent, faisant semblant de fuyr, pour puis apres venir en foule donner l'assault furieux: auquel d'entrée les tenans meirent le feu dedans l'une de leurs tours, fermans le haure: par ce qu'ilz ne la iugeoient tenable: & en dura la flamme vne grand' heure pendant que les riuies des Celestins, & saint Victor, couuertes de peuple dru comme sable, & d'un bouleurt de l'isle aux Vaches, couuerte de souldatz, doubles canons, couleurines, & harquebuzes à croc, estoient la veüe & ouye aux spectateurs de ladicte fumée & tempeste qu'elles faisoient. Les Galleres esparées sur l'eau de tous les costez du fort, & les souldats Parisiens venans promptement au secours, partie dans autres bateaux & brigantins, assaillirent & eschellerent le fort, avec telles brauades: & furent repoulsez par les tenans, de pots & lances à feu, de coups de picques, d'espées, & haches, de telle constance & roydeur, que le Roy, les Dames, & Seigneurs, ne perdirent le plaisir de ce combat, iusques à dix heures du soir, que l'obscurité de la nuit contraignit les combatars & regardans de se departir, & retirer chascun chez soy, avec indicible liesse & contentement.

Guerre nauale le 27 assaut du fort de l'isle de Louuiers à Paris.

La procession solennelle faite à Paris par le Roy, pour l'extirpation des heresies, & augmentation de la foy Chrestienne.

Le lendemain, qui fut le Ieudy quatriésme iour du mois de Iuillet dudict an, le Roy, meü de deuotion, & du tiltre de Treschrestien, affecté par prerogatiue à luy & tous ses predecesseurs Roys de France, fait vne procession solennelle: afin qu'il pleust à Dieu extirper les heresies, & augmenter & affermer la foy Chrestienne, qui de toute ancienneté a trouué leur appuy, fondement, & soustenement en soy royaume. Pour laquelle celebrer partirent reue-

L'an mil cinq cens xliij.

LES CRONIQ. ET ANNALES DE FRANCE.

L'ordre de la
procession
generale.

continuation
de l'histoire
de France
par le sieur
de la Roche
Beaucourt

et par son commandement, de l'Eglise de saint Paul, les quatre ordres des Medians de ladite ville, precedees de toutes les bannieres des paroisses, & suyuis des Croix & gens d'Eglise desdictes paroisses & colleges, portans comme les Mendians chappes, & grand nombre de chasses, & reliquaires en grande reuerence & deuotion. Apres lesquelz furent portees les chasses de madame sainte Geneuiefue & monsieur saint Marcueil, entourges & suppies de Citoyens nudz en chemises, avec les religieux & Abbe du chef couuent sainte Geneuiefue, aussi pieds nudz, portans tous vn cierge de cire blanche en la main: du costé desquelz se voyoit long ordre de leues Escollers, & de tout le corps de l'Vniuersité de Paris, d'un costé des Aumoniers & Chantres du Roy, & des Chanoines & dignitez de nostre Dame, & sainte chappelle de l'autre, portans aussi seuerement chascun vn cierge de cire blanche en la main: pressez des trompettes sonnantes, & des Suisses, marchans au son des Tabourins & Piffres: & apres eux cent des Gentilz-hommes de la maison du Roy, portans les Suisses vne torche, garnie des armoiries de France, en la main droite, la haltebarde en la gauche: les Gentilz-hommes, la hachord'armes d'une main, & de l'autre vn gros flambeau ardent. Les Abbez Euesques & Archeuesques, qui les suyuoient, portoient tous en leurs mains des saintz & precieux reliquaires, tant du thesor de la Sainte chappelle, que d'ailleurs: & peu apres estoient portees reuerement les saintes reliques, sçauoir est la precieuse Couronne d'espines, la vraye Croix, les Cloux, la Vergé de Moysé, & autres sacrez reliquaires en grand nombre. Puis les Cardinaulx deux à deux, vestus de leurs chappes de camelot violet, marchoient graument deuant vn riche ciel, couuert de broderie d'or, & de perles, porté par quatre Princes: yonbz lequel monsieur le Cardinal de Guyse portoit le saint Sacrement de l'autel: & estoit de pres suyuy par la maiesté du Roy, accompagné de monseigneur le reuerendissime Cardinal de Lorraine, de la Royné, & Dames de la court, toutes accostées des Princes, Seigneurs, & Gentilz-hommes, portans tous vn cierge de cire blanche en la main. Apres eux venoient monsieur le Chancelier, & Maistres des requestes de l'Hostel, la court de Parlement, en robes rouges, Messieurs les Generaux des Aides, & des Cōptes: & les Prouost & Escheuins, suyuis des notables Bourgeois & Marchans de la ville, & fermez par derriere des Arches, portas tous chascun vne torche, garnie des armoiries de France. En tel ordre & venerable deuotion passa la pompe solennelle iusques à la grande Eglise nostre Dame de Paris: ou le Roy, & toute la court, duynt deuotement la Messe en grande solennité celebrée: puis ayant pris, avec la Royné, le disner au logis de l'Euesché, veid s'en retournât en sa maison des Tournelles, brusler vifz quelques heretiques Sacramentaires, condannez par la court de Parlement, à la rigueur des Ordonnances, qu'il & feu de bonne memoire le Roy François, son pere, ont faictes, pour l'extirpation & griefue punition de telles pernicieulx & damnables opinions.

L'an mil cinq
cens xlix.

Reformation
des draps
d'or & de
soye.

Le quatorzième iour d'Aoust, mil cinq cens quarante & neuf, fut publié par les cardours de la ville de Paris vn Edict fait par le Roy sur la reformation des habitz des draps d'or, de soye, bordures, passemens, tant pour les gens d'Eglise, Gentilz-hommes, qu'autres de tous estat, pour reprimer & abolir beaucoup de façons d'habitz superflus & dissolus.

Different entre
les Nobles
& le populai-
re du pais
d'Angleterre.

Audist an, au pais d'Angleterre y eut grandes dissensions entre les Nobles du pais, & le commun populaire, sur ce que ledict populaire requeroit les saintz Decretz, Statuts de l'Eglise estre obseruez, restituez, & remis en leur pristin estat accoustumé: & que les Nobles eussent à rendre & restituer es mains des Euesques & Prelatz de l'Eglise, les possessions Ecclesiastiques qu'ilz detenoient, pour les sustenir (suyuant l'intention des fondateurs) ce que les Nobles ne voulurent faire, qui fut cause que le commun populaire s'esmeut. Et furent contrainctz les Nobles prendre les armes contre ledict populaire, ou il y eut grande effusion de sang des deux parties. Parquoy le ieune Roy Edouard fut contrainct enuoyer querir oultre mer ses armées, tant de Cleuois, Guellois, Bourguignons, qu'Allemaïs, qu'il auoit preparez à l'encontre du Roy de France, qui fut le moyen d'accorder les Nobles avec ledict populaire.

Audist moys & an, le Roy feit publier que tous Gentilz-hommes, gens d'armes, & autres, eussent à eux trouuer le premier iour du moys de Septembre ensuyuant, montez, armez en bon equipage, au camp estant lors audist pais de Boulonnois, pour l'accompagner. Et le seiziesme iour dudict moys le Roy partit d'Abeuille pour aller à Monstreul,

streul, ou il trouua monseigneur le Cōestable, & le seigneur d'Aumalle, là arriuez pour aller dresser le camp audict pais, arriué avec les seigneurs susdictz & autres, feit le lendemain tirer son armée vers mont Lambert, distant de Boulongne enuiron vne lieue, & feit camper sondict camp entre ledict mont Lambert & Desurene, ou il feit faire force trenchées en forme de fort, à fin d'eiter l'artillerie que ceux de dedans tiroient continuellement, pour empescher que l'artillerie du Roy ne passast, ce voyant le Roy enuoya vne trompette audict lieu, à ce qu'ilz n'eussent plus à tirer ladicte artillerie, ou que illes feroit saccager & mettre à feu & à sang: & par ce moyen cesserēt lesdictz ennemis: & passa l'Artillerie du Roy à sauueté, & sans danger. Ce fait, le Roy, par le conseil de ses Princes, Seigneurs, & Capitaines, feit mener quelque nombre de pieces d'artillerie deuant le fort de Seulesque, ou estoient deux enseignes d'Anglois, qu'il feit si rudement canonner, qu'ilz furent contraincts à parlementer à monseigneur le Connestable: pendant lequel parlement les François, animez de force entrerent dedans, & saccagerent tous les Anglois: & fut ladicte prinse le iour saint Barthelemy audict an mil cinq cens quarante & neuf: & le mesme iour fut assailly par les François, le chasteau dudit lieu, ou furent tuez plusieurs François: neantmoins furent si bien canōnez qu'ilz furent contrainctz eux retirer la nuit au fort d'Ambleteue, ou le Lundy vingt-sixiesme iour dudit mois ensuyuant le canon fut mis deuant ledict Fort, auquel y auoit six enseignes d'Anglois, lesquelz furent canonnez, de sorte qu'ilz furent contraincts quitter la place, leurs vies & bagues sauues. Le Bastard de la Mirandolle, lequel s'estoit tourné du party des Anglois, fut trouué audict Fort, auquel le Roy pardōna son offense: mais la plupart des Italiens, estans de sa compagnie, ausquelz le Roy n'auoit pardōné, furent pendus & estranglez. Lors la compagnie du seigneur de Chastillon entra dedans: & y fut trouué grandes prouisions, tant bleds, vins, bieres, que chair sallée, avec force artillerie & pouldres. Et le vingtseptiesme iour dudit mois, le Capitaine du fort de Blanconnetz, qui est vn fort entre ledict Ambleteue & la tour d'Ordre, vint par deuers le Roy luy demander pardon, & qu'il fust son vouloir qu'il peust sortir dudit lieu avec deux enseignes qu'il auoit, les vies sauues, ce que le Roy luy accorda benignement: auquel lieu fut trouué force artillerie pouldres & viures, pour long temps. Ceux de mont Lambert, voyans les escarmouches que leur faisoient les François, ausquelz ilz ne pourroient résister, feirent consommer leurs pouldres, & brusler les maisons, & de nuit se retirerēt en la ville de Guines: dequoy le Roy aduert, feit fortifier ledict lieu, & y feit mettre garnison. Depuis le siege fut mis deuant la tour d'Ordre en assiette inexpugnable: au moyen dequoy le Roy feit mettre par tous les Fortz, par luy cōquis, force garnisons, viures & munitions, pour empescher les viures des Anglois. Et apres auoir donné congé à la gend'armie, & souldatz, se retira en France en l'an ensuyuant, à raison de l'hyuer qui estoit prochain. Et pour rendre graces à Dieu des belles victoires qu'il auoit obtenues sur ses ennemis, furent faictes, tant à Paris qu'es autres villes, processions, & prieres, ainsi que de bonne coustume est de faire en France.

Le Roy, estant à Amyens, au mois de Septembre, vindrent par deuers luy aucuns deleguez des pais de Poitou, Chastellerault, Xaintonge, Gouuernement de la Rochelle, Angoulmois, hault & bas Lymosin, haulte & basse Marche, Perigort, & anciens reforts d'iceux, luy requerir pardon des fautes & rebellions qu'ilz auoient faictes contre sa maiesté, pour raison du sel, & sallines: à telle condition qu'il luy plairoit les recevoir. Apres plusieurs remonstrances par eux à luy faictes, & à son Conseil, vsant de clemence & bonté, abolit & supprima les derniers Edictz, comme estans incommodes à la chose publique: & remeit les habitans desdicts lieux à l'vsage des precedens Edictz, moyennant les offres par eux faictes de quelque somme de deniers pour employer au recouurement du Comté de Boulonnoys. Au mois d'Octobre ensuyuant Octouian de France, nepueu du Pape Paul, assembla grande cōpaignie d'Italiens, & assiegea la ville de Parme en Italie. Le ix. de Nouëbre ensuyuant, le Pape Paul, aagé de iiii. xx. ans, & plus deceda en la ville de Romme au seiziesme an de son Pontificat. Lequel feit le breuiere & Diurnal à trois Pseaulmes & trois leçons, avec le Messel & autres bonnes constitutions en l'Eglise, homme sçauant es lettres, tresvertueux & sage, fort enclin, & prenant peine de moyenner la paix entre les Princes Chrestiens, & les exciter à l'encontre des heretiques. Il aymoit fort les pauvres, & leur faisoit moult d'aumosnes, & n'espargnoit le bien de l'Eglise à leur subuenir & sustenter.

Le Roy au pais de Boulonnoys.

Plusieurs Forts prins par les François au pais de Boulonnoys.

Les Anglois sortirent de mont Lambert.

Le Roy remeit en leurs franchises les habitans des pais de Guyenne, touchant les sallines.

L'an mil cinq cens quarante neuf.

Taques du Pape Paul ij. du nom.

LES CRONICQ. ET ANNALES DE FRANCE.

Augmentation des gages des gens d'armes. Apres les funerailles & seruice faitz fut le Conclau ouuert aux Cardinaulx, pour proceder à l'election d'un Pape, ou ilz furent iusques au huitiesme iour de Feurier ensuyuant : auquel temps, le Roy, considerant la cherté des viures, & que les pauvres gens de labour estoit souuent trauaillez par les gens d'armes, fait augmenter les gages d'iceux, qui fut un grand soulagement pour les pauvres laboureurs, à cause des oppressions qui leur estoient souuent faictes durant la guerre par lesdictz gens d'armes.

Trepass de la Royne de Navarre. Le quatorziesme iour de Decembre, audict an, tressage, prudente & vertueuse Dame, & Princesse, Marguerite de Valloys, espouse de treshault, puissant seigneur Henry d'Albret, Roy de Navarre, & sœur unique du feu Roy François, deceda de ce siecle au païs de Bretagne, delaisant tresexcellente Princesse Iehanne d'Albret, femme du Duc de Vendosme, sa fille, seule enfant.

Erection de l'vniuersité de Reims. Audiect an furent publiées en la court de Parlement, à Paris, lettres du Pape & du Roy, contenant l'erection de l'vniuersité en la ville de Reims des cinq facultez, assauoir de Theologie, droit Canon & Ciuil, Medecine & les Ars.

En celle mesme année deceda à Romme le Cardinal de Boulongne, homme de grandes lettres, & de vertu.

Le parlement de Bourdeaux & Officiers restitués. Au moys de Ianuier suyuant la court de Parlement de Bourdeaux fut rehabilitée. Les Conseillers qui pour n'auoir donné ordre à la sedition de la ville, lors & en temps que le seigneur de Monneings, Lieutenant & Commissaire pour le Roy, y fut occis par le commun, auoient esté suspendus, furent reuoeuez & remis en leurs estats : & les Conseillers de diuerses cours de Parlement, qui auoient esté enuoyez à Bourdeaux exercer la iustice, furent renuoyez chascun en leurs maisons.

Reformation sur les monnoyes. En laidite année, & es années precedentes, le Roy, son Conseil, estant aduertý des rongneures, faulsetez & meschancetez qui se faisoient sur les Monnoyes, qui estoit au detrimement & dommage du pauvre peuple, au moyen que la valeur & poix d'icelles estoit fort diminué, & affoibly : aussi que l'on ne vouloit changer tant for que monnoye pour la diminution & non valeur d'icelles. Desirant y pourueoir, pour le bien & utilité de son royaume, & pour obuier à telz crimes & rongneures desdictes monnoyes, & autres faultes cy dessus. Prohiba & deffendit de ne pouuoir mettre ny allouer aucunes monnoyes, tant d'or, d'argent, que blanches, rongnées. Et furent plusieurs pieces d'or estranges descriées, & ordonnées estre mises au billon. Les douzains, & treizains, rongnez, furent mis à quatre liures dixhuit solz le marc, qui fut grand dommage pour le pauvre peuple, pour autant que l'on ne pouuoit allouer lesdictes monnoyes, que selon l'Edict du Roy, dont il suruint en plusieurs lieux, debatz & querelles. Et deslors ledict Seigneur ordóna de faire forger de pieces d'or, soubz son nom, de cét solz tournois piece, de cinquante solz tournois : & les demies de vingt cinq solz à lequipolent. Aussi peu apres fait forger, soubz sondict nom, en diligence, en plusieurs monnoyes de son royaume, grande quantité de douzains, pour fournir le peuple : & pour estre aux faulx monnoyeurs le moyen de ne rongner. Telle calamité dura plus de deux ans, peu apres fait forger des pieces de deux solz parisis, & de douze deniers parisis en grand nombre.

Création du Pape Iules troisieme du nom. Audiect an mil cinq cens quarante neuf, le huitiesme iour de Feurier, les Cardinaulx ayans long temps esté assemblez pour l'election d'un Pape, conclurent en fin & eleuerent le reuerendissime Cardinal Iehan de Maria, au parauant Euesque de Mantoué, & Legat de Boulongne, & se nomma Iules tiers du nom.

Le vingt & vniesme iour dudit moys receut la couronne Papale : Et le lendemain feste de la chaire saint Pierre, il ouurit les portes de la grande Eglise saint Pierre, pour le grand pardon de Iubilé, accoustumé estre à Romme de cinquante ans en cinquante ans. A son aduenement il feit plusieurs bonnes & louables constitutions en l'Eglise.

Publication de la paix entre les Roys de France & d'Angleterre. La paix d'entre le Treschrestien Roy de France, & le Roy Edouard d'Angleterre, fut publiée en la ville de Paris, ou furent faitz les feux de ioye. Les articles de la paix contenoient, que le Roy de France debuoit bailler aux Anglois quelque somme d'argent, dedans quelque temps : & à ce moyen deburoient rendre au Roy la ville de Boulongne, & autres Forts par eux occupez, avecques les Artileries, & autant de munitions & viures qu'ilz y auroient trouué au iour de la prinse d'icelle. Le payement fut fait à deux fois : pour seureté duquel, le Roy voulât tenir la promesse, enuoya en Angleterre le Comte d'Enghien, Loys monsieur de Vendosme, son frere, le Vidame de Chartres, & autres pour ostages.

Le dix-

Le dixhuiſtième iour d'Auril mil v. cens cinquante, trespaffa de ce ſiecle trefuertueux Prince Claude de Lorraine, Cheualier, premier Duc de Guyſe, Pair de France, gouverneur de Bourgogne, moult plainct & regretté, pour les bones verrus qui eſtoient en luy. *Mil cinq cens cinquante.*

Le Vendredy vingtcinquième iour d'Auril, feſte ſainct Marc, à huit heures du matin les Anglois meirent en poſſeſſion les François de la ville, chasteaux & Forts du Côté de Boulonnois, ſuyuant les conuentions & tiltres de paix, delaiſſant les Artilleries, munitions & viures, autant qu'ilz en auoient trouué leans lors qu'ilz y entrerent.

Le quinziesme iour de May enſuyuant le Roy de France entra dedans ladiſte ville de Boulongne, ou il preſenta en l'Egliſe noſtre Dame vne grande image d'argent, qu'il auoit faiſt faire à l'honneur de ladiſte Dame, pour mettre au lieu de celle que les Anglois auoient transportée quand ladiſte ville par compoſition leur fut liurée. *Le Roy de France en la ville de Boulongne.*

Le vingſeptiesme de Iuillet audiſt an la Roynie de France accoucha de ſon troiſiesme filz, & fut appelé Duc d'Aléçon & d'Angoulesme: pour lequel fut faiſte grande ioye tât en la ville de Paris, qu'ailleurs: & fut differé le baptême à S. Germain en Laye iuſques au dernier iour d'Aouſt enſuyuant: & furent ces parrains Maximilian Roy de Boëſme, le Roy de Nauarre, & Renée Duchefſe de Guyſe, qui le nômerent Charles Maximilian. *Natiuite du troiſiesme filz du Roy Henry nommé Charles Maximilian.*

Au moys de Iuillet audiſt an, deceda au chasteau de ſainct Germain en Laye, le bon ſeigneur de Humieres, lequel auoit eu par long temps le gouuernement des enfans de France. Environ lequel temps mil cinq cens cinquante, le grand Lieutenant du Turc feit voile ſur mer, pour veoir & viſiter le païs d'Afrique, en eſperance d'entrer au royaume de Portugal. Dequoy aduertty le ſeigneur Andridory, avec l'ayde du Viceroy de Cecille, feit drefſer vne groſſe armée qu'il conduyt à l'encontre dudiſt Lieutenant: lequel aduertty de ce, ſe retira, non ſans grande perte & danger qu'il auoit receuë des Portugalois, ſe fortiſiât en vne ville audiſt païs d'Afrique pour reſiſter aux Chreſtiens. Parquoy le Roy de Portugal, eſtant aduertty du ſecours des Chreſtiens, feit preparer ſes nauires de pluſieurs Artilleries, & munitions de guerre & genſd'armes de ſon païs: leſquelz arriuez avec les Chreſtiens, fut aduiſé de mettre le canon deuant ladiſte ville d'Afrique, lieu fort & opulent en Marchandiſe. Apres pluſieurs ſommations faiſtes par les Chreſtiens aux aſſiegez, fut drefſé quelque nombre d'Artillerie, & ſi bien canonnez: de ſorte qu'il y fut faiſt breſche, & entrerent dedans les Chreſtiens, & non ſans grande reſiſtence des infideles, ou il mourut pluſieurs Cheualiers de Rhodes, Neapolitains, & autres. Et y mourut de la part deſdictz infideles, tant Mores, Turcz, que habitans cinq mil hommes, ou environ: de la part des Chreſtiens d'unze à douze cens: & fut leur diſt port conquis victorieuſement à l'honneur & gloire de Dieu. L'on eſtime ladiſte ville auoir de circuit environ trois mil huit cens pas. Ladiſte priſe fut faiſte le ſeptiesme iour de Septembre audiſt an. Auquel moys la Roynie d'Eſcoſſe, fille du ſen ſeigneur le Duc de Guyſe arriva à Dieppe: auquel lieu fut par les habitans bien receuë: & de là vint à Rouen par deuers le Roy, lequel la receut benignement: auquel lieu le iour & feſte ſainct Michel feit quatre Cheualiers de ſon ordre. *La ville d'Afrique priſe par les Chreſtiens ſur les Turcs.*

L'entrée de la Roynie en la ville de Rouen.

LE premier iour d'Octobre enſuyuant, le Roy feit ſon entrée en la ville de Rouen, ou il fut receu par les habitans en toute bonne affection, vouloir, bon ordre & equipage, demonſtrans le bon zele qu'ilz auoient à leur Roy & Seigneur. A laquelle entrée furent faiſtes grandes triumphes, tant en la ville, que ſur l'eau, par diuers iours: & entre autres choſes y auoit quantité de Sauages, tant hommes que femmes, qu'il faiſoit moult beau veoir: leſquelz feirent audiſt ſeigneur eſbattemens. Et le lendemain la Roynie feit ſon entrée en ladiſte ville, ou fut receuë par pluſieurs des habitans en pareilles triumphes, avec les Duchefſes, Côtelles, & autres Dames de la court. Peu apres le Roy partit dudiſt lieu, & s'en alla faire ſon entrée en la ville de Dieppe, & autres villes de Normandie. Le vingt vniesme dudiſt moys, Loys Duc d'Orleans, ſecond filz du Roy, mourut à Mantes. *L'an mil cinq cens cinquante.*

Le quatorzième iour de Nouembre audiſt an, le Pape Iules, tiers du nom, enuoya bulles à tous Prelatz, & autres ayans intereſt: par leſquelles il les admonneſtoit ſe trouver au Concile general en la ville Trente, pour commencer lediſt Concile, audiſt lieu, le premier de May lors enſuyuant: ce qui fut empesché au moyen des guerres qui ſeroient ſuruenues au païs d'Italie, & ailleurs, pendant lediſt temps. *Le Concile convoqué à Trente.*

Second volume.

E E E

LES CRONIQ. ET ANNALES DE FRANCE.

*Le Marechal
de S. André
en Angleterre.*

Le vingtiesme iour dudiect moys de Nouembre, le Roy & la Roynne firent leur entrée en la ville de Chartres : & depuis , desirant lediect seigneur visiter ses villes , alla peu apres faire son entrée en la ville de Bloys, ou il seiourna es enuiron par quelque temps: puis tira en la Duché de Bretagne. Pendant ce il enuoya, en bonne compagnie & equipage, le seigneur de sainct André , Marechal de France, & Seneschal de Lyon , par deuers le Roy d'Angleterre, ou il feit peu de seiour, à raison d'une maladie, appelée la suette qui lors regnoit audiect pais : de laquelle y mourut en peu de temps grande quantité de peuple. Apres auoir seiourné en Bretagne, lediect Seigneur se retira à Fontainebleau & en passant feit son entrée en la ville d'Orleans , en laquelle fut receu des habitans en grande triumphe, honneur & obeissance.

*Deffense de ne
porter argent
à Romme.*

Le Lundy, septiesme du moys de Septēbre mil v. cens cinquante & vn, furent publiées lettres en la court de Parlemēt, à Paris, par lesquelles le Roy deffendoit ne porter or n'y argent à Romme, pour raison des benefices . Auquel temps le Capitaine Poullain , seigneur de la garde, print sur mer en la coste de Normandie, quelque quantité de nauires, chargées de marchandises appartenans aux subiectz de l'Empereur, allans & venans de Flandres en Hespaigne. Enuiron ce temps Montmorency, premiere Baronnie de France, fut erigée en Duché & Pairie. Sur ce mesme temps le seigneur Octauius Farnese mit la ville de Parme en la puissance du Roy de France, contre la volonté du Pape.

*Bornes mises
en assises
hors les faulx
bourgs de Paris.*

Le dixneuuesme dudiect moys , la Roynne estant à Fontainebleau , accoucha de son quatriesme filz. Le baptisme duquel fut differé iusques à quelque temps apres.

Le cinquiesme iour d'Octobre ensuyuant furent mises & assises bornes hors les portes sainct Germain des Prez , sainct Iaques, & sainct Marcel en intention d'augmenter & croistre la ville de Paris. Enuiron ce temps aucuns Princes d'Allemaigne entrerent en alliance avec le Roy, pour maintenir leur liberté.

Le douziesme iour de Nouembre audiect an, le Roy, estant à Paris, ouyt la messe en la grande salle du Palais, en la chapelle de messieurs les Presidens , accompagné de messieurs les Cardinaulx, & autres seigneurs & Gentilz-hommes: ou assisterēt, en la maniere accoustumée, messieurs les Presidens, Conseillers, & Officiers de la Court de Parlement: La messe dictē, lediect seigneur se transporta en la Court, ou en icelle , en sa presence, monsieur Bertrandi, garde des seaulx, reçeut les sermens desdictz Presidens, Conseillers, Aduocatz, & Procureurs , ce qu'est ordonné d'estre fait par chascun an lediect iour. Le Mercredy d'apres le Roy ordonna procesion generale estre faite en ladiette ville, en laquelle fut porté le Sacrement de l'autel , les saintes reliques estans en la sainte chapelle du Palais, la chasse de madame sainte Geneuiefue , & plusieurs autres. Et vindrent lesdictes procesions de la grande Eglise passer par dedans la grande salle du Palais iusques à la sainte Chapelle, ou le Roy, la Roynne, messieurs les Cardinaulx, Seigneurs & Gentilz-hommes : Aussi messieurs de la Court de Parlement , des Comptes, la Ville, & autres , les attendoient. Et lors le Roy en grand honneur & deuotion, ensemble la Roynne, portans chascun vn cierge blanc en la main. Pareillement tous les Seigneurs & Estatz susdictz conduirent & accompagnerent lesdictes Procesions iusques en la grande Eglise: en laquelle fut dict & celebré le diuin seruice en grande deuotion.

*Baptisme du
iiiij. filz du
Roy Henry,
nommé Edouard
Alexandre.*

Et le Lundy ensuyuant, fut par ordonnance du Roy publié en ladiette ville vendre la chair à la liure, ce qu'au parauant n'auoit esté veu . Peu de temps apres lediect Seigneur se retira à Fontainebleau: auquel lieu vint par deuers luy Ambassadeur de la part de nostre saint pere le Pape , Ieronime Verallo, Cardinal du tiltre sainct Martin, es montaignes, Legat en France . Le Samedy, cinquiesme iour de Decembre, fut baptizé audiect lieu mōseigneur d'Angoulesme: & furent ces parrains l'Admiral d'Angleterre, Ambassadeur pour & au nom du Roy Edouard d'Angleterre son maistre, & monsieur le Duc de Vendosmois : & fut nommé Edouard Alexandre.

Le Mercredy ensuyuant, le Roy meu de deuotion partit dudiect lieu, accompagné de messeigneurs les Cardinaulx , Seigneurs & Gentilz-hommes de sa maison , tous à pied pour faire son voyage à nostre Dame de Clery . Et le Dimenche d'apres lediect Ambassadeur du Pape feit son entrée à Paris: auquel il fut, tant du Clergé, que de messieurs de la Court de Parlement, & autres Estatz de ladiette ville bien & honnorablement receu.

Apres tout cela le Roy dresse son armée en Champaigne, laissant la Roynne Regente en France, pendant son voyage vers les Allemans ses allies.

En lan

DV ROY HENRY, DEVXIESME DV NOM. fo clxiiij.

En l'an mil cinq cens cinquante & deux, la ville de Metz, & le païs de Lorraine reçoivent le Roy & son armée en toute humilité.

*L'an mil cinq
cens cinquante
& deux.*

Audiēt an le Roy est receu dedans Haguenau : mais peu de temps apres, se deffiant de ses alliez, non sans cause, s'en reuient par la Duché de Luxembourg, & prend sur son chemin Danuilliers, luoy, les villes & places de Cymay, Mórmedy, Astenay, es moys de Iuin & de Iuillet, sur Charles d' Autriche son ennemy.

Audiēt moys de Iuillet le Duc de Vendosme, Gouverneur pour le Roy au païs de Picardie, bien aduertty que le seigneur du Ru, Lieutenant pour l'Empereur, amenoit plusieurs Flamens, Haynuyers, & autres gens de guerre, pour empescher l'enuiſtaillement de Therouenne, les rencontra & deffait pres ladiēte ville, prenant sur eux iusques au nombre de treize à quatorze cens prisonniers.

Peu de temps apres, lediēt seigneur de Vendosme, estant allé assieger le chasteau de Comtes, distant de trois ou quatre lieues de Hefdin, incontinent le print & meit en l'obeissance du Roy.

Environ lediēt temps l'Empereur vint des Allemaignes à Thionuille, place de son obeissance. Puis en tout equipage neccessaire, planta son camp deuant la ville de Metz, dedans laquelle estoit Lieutenant pour le Roy le Duc de Guyse : qui, entre autres fort sages factions, feit durant le siege, vne tant heureuse saillie que plusieurs gros Seigneurs de la parenté du Marquis de Brandembourg y furent deffaitz, & aucuns autres prisonniers. Le seigneur du Ru, Lieutenant pour l'Empereur au païs de Flandres & d'Artois, durant le siege de Metz tasche à surprendre la Fere sur Oyse, appartenant à monsieur de Vendosme : mais elle fut si bien gardée par l'Admiral d'Annebault, que lediēt seigneur du Ru, craignant que s'il venoit encor autre secours à ceux de la ville, ne se trouuast le plus foible, print chemin vers la ville de Chauny, & de là à Noyon : lesquelles il pilla & brusta, avec plusieurs villages des enuiron, faisant beaucoup d'autres inhumanitez par tout le païs de SanTERS, iusques à la ville de Roye : laquelle semblablement il pilla, saccagea & brusta. Puis s'en alla mettre son siege deuant le Chasteau de Hefdin : qui luy fut rendu en peu de iours : mais, assez tost apres, Monsieur de Vendosme assiegea lediēt chasteau, & le batit de telle sorte que force fut aux Imperiaux de le luy mettre entre mains le vingt & troysiesme iour de Decembre, l'an mil cinq cens cinquante & deux : & deffors fut baillé en garde, par mondiēt seigneur de Vendosme, au seigneur de Riou : lequel, quelque temps au parauant, auoit tenu & gardé le fort de Boulongne contre les Anglois. En ce temps fut fait defense en Angletterre de ne manger chair en Carefme, ne es iours de Védredy & Samedy, sans toutesfois cōmandement de ieusner.

L'Empereur, apres auoir long temps seiourné deuant la ville de Metz, & perdu grand nombre de ses gens, & consommé la plupart de ses viures & munitions de camp, n'ayant esperance de secours de gens, ne d'argent, se retira secrettement de nuit à Thionuille, le premier iour de Ianuier, à son grand dommage, honte & confusion : & le lendemain bien matin se retira le Duc d'Albe, & le surplus de ses gens, la plupart en grand desordre & pauureté.

Le quatriesme iour dudiēt moys, le Roy estant à saint Denis en France en habit royal, accompagné de la Roynie, des Prelatz, Princes, & seigneurs de France, feit en toutes ceremonies remonter les chasses de saint Denis & de ses compagnons : qui auoient esté descenduës quand il voulut partir pour aller vers Allemaigne : & le huitiesme iour dudiēt moys feit faire procesion generale, à Paris : en laquelle il se trouua, accompagné comme dessus, pour rendre graces à Dieu le Createur.

En ladiēte année mil cinq cens cinquante & trois, fut ladiēte ville de Therouenne prinse d'assault par les Allemans, Bourguignons & Flamens, tenans le party de l'Empereur : & à ceste prinse furent tuez & mis à mort plusieurs de ceux de dedans.

*L'an mil cinq
cens cinquante
& trois.*

Tost apres, audiēt an, fut assiegée la ville & chasteau de Hefdin, & prinse d'assault par lesdiētes gens de l'Empereur. A laquelle prinse fut tué le Duc Horace, qui auoit espousé la fille bastarde du Roy : & aussi pareillement fut prins prisonnier messire Ro-

*La prinse de
Therouenne.
La prinse de
Hefdin.*

*Comme le Roy feit apprester toutes choses utiles & neccessaires au faict de la
guerre, & de la prinse de la ville de Mariembourg,
& aussi de plusieurs autres villes & places.*

Second volume.

EEE ij

LES CRONIQ. ET ANNALES DE FRANCE.

*L'an mil cinq
cens liij.*



N l'an mil cinq cens cinquante & quatre, le Roy voyant que les ouuertures de la paix entre luy & l'Empereur, par long temps demenees par le Cardinal d'Angleterre, Legat du Pape, ne peurēt sortir à aucun effect, feit assembler & apprester toutes choses vtils & necessaires au fait de la guerre : & le neufiesme iour de Iuin le tout fut assemblé à Crecy, en Laonnois.

L'armée fut diuisée en deux parties, dont l'une fut conduite par monseigneur de Vendosme, & monseigneur le Conneftable, laquelle tira à Estrée, puis à Auanes, prenant & ruynant les fors de Trelon, Glaion, Simay, releuez depuis deux ans qu'ilz auoient esté abbatuës. L'autre partie de l'armée estans soubz la conduite du Mareschal de S. André marcha droict vers Maubertfontaine, puis de là, par vn tresdifficile chemin, se rendit auecques l'Artillerie deuant la ville de Mariembourg : ou l'autre partie de l'armée peu apres se vint ioindre à ceste cy. Et endura ladicte ville de Mariembourg le siege par l'espace de trois iours, puis fut renduë bagues sauues, demourans toutesfois les Gouverneurs & Capitaines prisonniers.

*Le Roy à Ma-
riembourg.*

Le Roy arriua à Mariembourg le dernier iour du mois de Iuin, & meit ordre à ce qui estoit besoing pour la garnison dudit lieu.

Au troisieme iour du mois de Iuillet l'armée se rendit à Giuez, ou elle demoura iusques au septiesme iour dudit mois. Puis en partit, & assiegea Bouines, ville des appartenances de l'Empereur : laquelle fut prinse d'assault, & ceux qui tindrent bon mis à l'espee. La tour dudit lieu quelque peu deffenduë par quelques Hespaignolz, lesquelz en la fin se rendirent, leurs vies sauues.

En ce mesme temps, de l'autre costé de la ville de Meuze, monseigneur de Neuers auec vne autre grande armée assiegea & meit son camp deuant la ville de Dinan, appartenant à l'Euesque du Liege, assise presque vis à vis de ladicte cité de Bouines : laquelle ayant quelque peu de temps tenu bon, se rendit à la mercy du Roy, qui, enuers les habitants, vfa de toute benignité & clemence.

Le chasteau de Dinan deffendu par quelques Allemans & Hespaignolz, en fin fut rédu & ruyné, & aussi la tour de Bouines, par le commandement du Roy.

*Le camp du
Roy deuant-
Mariemont.*

Pendant ce temps, l'Empereur auoit assis son camp pres la ville de Namur, pour la deffendre, si le Roy la venoit assieger. Mais d'autre part le Roy, brullant, gasant, & destruyant tout le pais par ou il passoit (en reuence du degast & grande perte, qu'auoient fait les gens dudit Empereur au pais de Boulonnoys, ceste mesme année mil cinq cens cinquante & quatre) se campa deuant Mariemont, lieu de plaissance de Marie Royne douairiere de Hongrie, fort sumptueux & excellent. Auquel lieu fut faite bresche le lendemain, & la place renduë, pillée, & le tout mis à feu & à sang. Aussi fut brulée & destruite, la ville de Baur, ville fort ancienne, au xxij. dudit mois de Iuillet.

Au quatriesme iour dudit mois d'Aoust ensuyuant, l'armée des François passa par deuant la ville de Bapaulme, & congnoissant estre chose impossible d'y mettre ne tenir siege de plus pres d'une lieuë, marcha oultre, & s'en vint deuant Fruges, lieu assis en maretz, à vne lieuë pres de Renty.

*Deffaite de
l'Aduant-
garde de l'Em-
pereur par
monseigneur de
Guyse.*

L'Empereur se vint camper au plus pres de l'armée des François : duquel l'auantgarde, au treizieme iour dudit mois d'Aoust, se rua & vint charger sur la compagnie de monseigneur le Duc de Guyse, lequel auec l'ayde & secours qui luy vint, la deffit, qui espouenta si fort & en telle maniere tout le reste de l'armée Imperiale, qu'elle se retira moult hastiement en son camp, auquel ledit Empereur se fortifia, sans vouloir plus venir aucunement en la bataille : qui fut cause que le Roy, au veu de son ennemy, & sans estre par luy empesché, leua son Camp, & se retira, pource qu'il auoit trop grande faulte & necessité de Fourrage, puis vint à Moncaboe, & de là à la Chartrouille, pres la ville de Montereul. Et voyant que l'Empereur ne faisoit aucun semblant de se mouuoit donna congé aux Suysses, & à son arriereban : & se retirant en France, laissa monseigneur le Duc de Vendosme, General du reste de l'armée, pour empeschier à l'ennemy l'entrée du pais. Au xxij. iour de Mars, mil cinq cens cinquante & quatre, auant Pasques, le Pape Iules, troisieme du nom, deceda. Le neufiesme iour du mois d'Auril ensuyuant, fut esleu Pape Marcel, second du nom : lequel tost apres son election mourut Paul quatriesme de ce nom luy a succédé.

*Mil cinq cens
cinquante &
cinq.*

L'an mil cinq cens cinquante cinq, apres que par l'espace de deux iours entiers la ville & chasteau de Vulpian : en Piedmond, eust esté furieusement & viuement batuë des François

François, le Ieudy vingtiesme du moys d'Auril, elle fut renduë par composition, que ceux de dedans, qui estoient enuiron neuf cens hommes braues & bien armez, en ce compris quatre cens cheualx d'Allemands, Hespaignolz, & Italiens, sortirent dehors leurs bagues sauues, enseignes desployées & tabourins sonnans, & que, à fin d'eiter infamie & reproche, & pour leur iustification, on tireroit contre ledict chasteau cinquante coups de canon. Lesquelz sortans de là, & emportans tout le butin qu'ilz auoient peu conquerir en vingt ans, se retirerent en leur camp, au pont de Sture, lieu fort, qui est enuiron douze lieues par de là Turin.

*La prise de
Vulpien par
les François.*

En ces assaulx, entre ceux de grand renom, a esté trouué mort & occis le filz de César de Naples, & le nepueu du Duc d'Albe blessé, tellement que l'on n'y attendoit vie. Monseigneur de Bonniuer, Coronel de l'Enfanterie Françoisse, a esté aussi fort blessé: & pareillement le Comte de Creance, y a aussi esté trouué blessé en la teste, d'un coup de harquebuzade: l'Escuyer du Prince de Condé mort, & douze des Gentilz-hommes de mondict seigneur le Duc d'Enghien blesez & naurez, desquelz, & de plusieurs autres, tant blesez, que tuez, ne disons les noms, à cause de briefueté.

Ladiète année mil cinq cens cinquante & cinq, a esté fort humide & pluueuse, en telle maniere qu'il n'y a eu audict an nulle forme n'y d'esté, n'y d'hyuer, pour les grandes pluyes qui ont continué tout le long de ladiète année.

Audict an, les vignes furent vendengées enuiron la Toussainctz, & la saint Martin d'hyuer, à cause de la grande humidité & moyteur de la terre, & furent les vins que l'on recueillit ceste diète année si fort petit & trempéz, combien que l'on en recueillit assez suffisamment, qu'ilz ne sentoient quasi que l'eauë.

En ceste mesme année, mil cinq cens cinquante & cinq, la riuere de Seine se desborda par plusieurs fois, au temps d'hyuer, tant pour les grandes eauës pluuiiales, qu'aussi pour estre la terre par trop grandement abreueue & attrempee d'eauë. Semblablement il y eut vn petit ruisseau d'eauë, es faulxbourgs de saint Marcel, lez Paris, qui est appelé la riuere saint Marcel, lequel sortit en telle maniere hors de son lieu & limites, qu'es rues dudit saint Marcel, & de l'Vrsine, esdictz faulxbourgs, les caues estoient toutes pleines d'eauë iusques aux premiers estages des maisons, de telle sorte que la grande abondance de l'eauë sortoit & regorgeoit par les souspirailz desdictes caues.

*La riuere de
Seine desbor-
dée.*

Des trefues faictes & accordées entre le Roy de France Henry, deuxiesme du nom, l'Empereur Charles, cinquiesme de ce nom, & P. Philippes, son filz, Roy d'Angleterre.

CESTE mesme année mil cinq cens cinquante & cinq, le treiziesme iour du moys de Feurier, sur la trefue faicte & accordée, entre treshaulx, trefexcellens, & trespouissans Princes, le Roy de France, Henry, deuxiesme du nom, l'Empereur Charles, cinquiesme de ce nom, & Philippes, Roy d'Angleterre, son filz, leurs hoirs, successeurs, royaumes, terres, & seigneuries, tant de ça, que de là les Montz, pour le temps & terme de cinq ans ensuyuans & consecutifz, à commencer du cinquiesme iour dudit moys de Feurier. Et pourront les subiectz d'une part & d'autre aller, venir, sejourner, traffiquer, & marchander, en tous lieux & endroits, tant par mer, par terre, que par eauës douces, librement, & franchement, en payant toutesfois les droictz & subides deuz & accoustumez en temps de bonne paix. Et fut ladiète trefue publiée à Paris le seiziesme iour dudit moys de Feurier, par Valloys, premier Herault d'armes de France, Sieur du Boullay, assisté de Bourgongne, Châpaigne, & Piedmond, aussi Heraulx d'armes dudit Seigneur, avec tel ordre & ceremonies en tel cas requises & accoustumées.

*Mil cinq cens
cinquante cinq.*

*Publication
de la trefue
entre le Roy
& l'Empereur.*

Le Lundy ensuyuant, dixseptiesme iour dudit moys de Feurier, fut faicte proceesion fort honorable, par messieurs de la ville, pour rendre graces à Dieu desdictes trefues, & le prier de les conuertir en longue & desirée paix.

Au mesme temps que les guerres se pacifioient par de ça entre le Roy, l'Empereur, & le Roy Philippes, son filz, nouueaux troubles & renouvellement de guerre se demenoient en Italie entre le Pape Paul, quatriesme du nom, & les Colonnaïs, & leurs alliez, de sorte que lesdictz Colonnaïs, estant fort affoibliz & destituez de leurs biens, & possessions furent contrainctz recourir à l'Empereur, & au Roy Philippes son filz, leur de-

*Commence-
ment de guerre
en Italie.*

LES CRONIQ. ET ANNALES DE FRANCE.

mandant secours : lequel leur fut octroyé par lesdictz Princes , & mandé aux Ducz de Albe, & de Florence, non seulement de restituer & remettre lesdictz Colonnaïs en leurs biens & possessions : mais aussi d'entrer plus auant és terres du Pape, ce qui fut executé par lesdictz Ducz en toute diligence , tellement qu'ilz rendirent le Pape assiégué au chasteau saint Ange. En cest an apparut vne comete , laquelle presignifioit fertilité comme on veid.

Mil cinq cens cinquante six.

L'année ensuyuant, mil cinq cens cinquante & six, fut enuoyé par nostre saint Pere le Pape Paul, quatriesme, le Cardinal Caraffe, Legat en France, pour demander secours au Roy contre lesdictz Ducz d'Albe & de Florence, conioinctz avec les Colonnaïs, lequel apporta au Roy vn chapeau tel qu'estoient anciennement ceux des Senateurs Rommains, & vne espée, signifiant la tution & deffense de l'Eglise, & saint siegé Apostolique. Et fut receu honorablement ledict Cardinal, Legat, ainsi que le cas le requeroit, puis vint faire son entrée en la ville de Paris, au moys de Iuin, laquelle entrée fut moult triumpicante & solennelle: apres auoir premierement sciourné quelque espace de temps à la court à Fontainebleau, & tenu sur sons la fille du Treschrestien Roy de France Henry, & de madame Catherine de Medicis, sa femme, laquelle il nomma Victoire.

Grande fortune de feu aduenue sur la riuere de Seine.

Pendant ce temps, par merueilleuse aduenture, de nuit fut mis le feu en deux grâds batteaux tous chargez de boys de costeretz, & en vn autre chargé de foing, sur la riuere de Seine, entre le Chasteau du Louure, & l'hostel de Néelle, ausquelz bateaux ne fut possible en aucune maniere d'y approcher pour les sauuer, à cause de la grande chaleur dudit feu, ioincte à la vehemete ardeur du ciel, & furent tous lesdictz deux bateaux & marchandise bruslez iusques à ce qui estoit dedans l'eau.

Le Tournoy qui fut fait à Bloys.

En cediect an mil cinq cens cinquante & six, au moys d'Auril, en signe de resiouissance, & congratulation de la confirmation de ladicte trefue, fut fait vn Tournoy, en grâd triumphe & magnificence, en la ville & chasteau de Bloys, auquel le Treschrestien Roy Henry monstra cōbien il estoit adroict à la lice. Et fut ledict Tournoy honoré de nobles mariages, & de la presēce des Ambassadeurs du Pape, de Venise, Ferrare, & Angleterre.

Ceste année mil cinq cens cinquante six, fut du tout contraire à la precedente : car elle fut tant seiche & chaulde, que depuis le Carefme, iusques au temps de l'hyuer, n'y eut aucunement de pluye, sinon la veille & iour de la feste Dieu, de sorte & en telle maniere que de la chaleur de l'air, qui estoit si grande & excessiue, tout brusloit quasi sur la terre. Et à cause de ladicte chaleur & secheresse les vignes furent fort hastiues, tellement qu'on vendengea enuiron le commencement du moys d'Aoust, & y eut des vins moult forts & excessifs. Le seiziesme iour de Septembre mourut maistre François Picard, Docteur en Theologie, & Doyen de l'Eglise saint Germain de l'Auxerrois, des Catholiques bien regretté.

L'ordre que le Roy tint le iour S. Michel en l'Eglise nostre Dame de Paris.

Le penultime iour du moys de Septembre ensuyuant, audict an, le Roy, estant en la noble ville & cité de Paris, solenniza & festoya moult honorablement & triumpamment le iour & feste de saint Michel, qui est la feste des Cheualiers de son Ordre. Ou assisterent enuiron soixante Cheualiers dudit Ordre, en leurs habitz & accoustremens à ce deputez & ordonnez par le Roy, à Vespres de la veille, & à la Messe dudit iour: ou furent faitz, par ledict Roy, des nouueaux Cheualiers, ausquelz il donna le Collier de l'Ordre, en la grâde Eglise nostre Dame de Paris. Puis le disner print à l'Euesché se trouuerēt lesdictz Cheualiers en habitz de dueil, à Vespres, & en ce mesme ordre à la Messe du lendemain, en ladicte Eglise, pour estre au seruice des trespassez: ensuyuant leur coustume.

Etablissement des coffres du Louure.

Audict an mil cinq cens cinquante & six, le vingtneufiesme iour dudit moys d'Octobre, fut publiées en la chambre des Comtes, à Paris, l'ordonnance du Roy Henry, sur l'establissement des coffres du Louure.

Ordonnance sur les tauerniers & cabaretiers.

Enuiron ce temps fut faite vne Ordonnance, par le Preuost de Paris, & publiée au moys de Nouembre, audict an, en ladicte ville de Paris, par laquelle estoient exhibées & deffendues les tauernes & cabaretz aux manans & habitans de ladicte ville, & faulxbourgs de Paris. De laquelle Ordonnance les tauerniers & cabaretiers appelerent en la court de Parlement dudit lieu, en la grande chambre duquel fut plaidee la cause par l'Aduocat desdictz tauerniers & cabaretiers, & par vne autre Aduocat de ceux qui recoiuent l'argent du huietiesme, pour le Roy, contre l'Aduocat du Roy. Et fut audict iour du plaidoyé, qui estoit le dixhuitiesme iour du moys de Decembre ensuyuant, confirmée & ratifiée ladicte Ordonnance, non pas seulement pour estre conseruée, gardée

DV ROY HENRY, DEVXIESME DV NOM. fo. clxvj.

gardée, & entretenuë en la Preuosté & Vicomté de Paris : mais aussi par tout le royaume de France entierement:laquelle, selon le vray iugement de toutes gens de bon auis, estoit moult vtile & profitable.

Audiēt an mil cinq cens cinquante & six, au moys de Decembre, aduint vne gelée fort aspre laquelle dura par l'espace de trois sepmaines, en telle maniere que la riuere de Seine estoit toute gelée & prinse, & passoit-on dessus la glace tout au trauers de ladiēte riuere, depuis la Tournelle iusques aupres des Celestins, puis enuiron la fin dudict moys le temps deuint fort humide & moyte, tellement que les neiges qui estoient sur les champs fondirēt, & creut ladiēte riuere de telle sorte qu'elle esleua & rōpit tous les glaçons, lesquels feirent moult grād dōmage à plusieurs grāds bateaux & fonsletz, estans sur ladiēte riuere de Seine, lesquels furent rous rōpus & brisez desdiētz glaçons.

L'an mil cinq cens cinquante & six, au moys de Decembre, monseigneur le Duc de Guyse fut enuoyé Lieutenant general par le Roy, en l'armée qu'il enuoya au païs d'Italie, pour ayder & secourir le Pape Paul, quatriesme du nom, montant au nombre d'environ quinze mil hommes de pied, cinq cens hommes d'armes, huiēt cens cheuaulx legers, avec Messeigneurs les Duc d'Aumalle, & Marquis d'Ellebeuf, freres dudiēt Seigneur, le Duc de Nemours, Comte d'Eu, Vidasme de Chartres, & plusieurs autres grāds Seigneurs & Gentilz-hommes François.

En ce mesme temps la ville de Vallence, sur le Thesin, fut prinse d'assault par monseigneur le Duc de Guyse, & mis en pieces quelque nōbre d'Hespaignolz, lesquels luy cuidoient empescher le passage.

Audiēt temps, les Ducz d'Albe & de Florence estant aduertis de la venue dudiēt Seigneur de Guyse leuerent le siege de deuant la ville de Romme.

Le premier iour du moys de Mars, audiēt an mil cinq cens cinquante six, fut publié en la court de Parlemēt, à Paris, l'Ediēt faict par le Roy, sur les mariages clandestins des enfans de famille, faictz sans le vouloir & consentement de leurs peres & meres.

Le quatriesme iour ensuyuant dudiēt moys, fut publié en la court de Parlement à Paris, vn autre Ediēt du Roy, sur le faict des femmes grosses, & des enfans mortz nez.

Le quatriesme iour du moys d'Auril, l'an mil cinq cens cinquante & six, auant Pasques, fut faicte la premiere entreprinse des Hespaignolz sur la nouvelle ville de Rocroy, laquelle le Roy faisoit bastir, pour seruir de cōtrefort & appuy és villes de Mariēbourg, & de Mubert-fontaine.

Le dixseptiesme iour dudiēt moys d'Auril, la vigille de Pasques, Valsiniere, ville du païs de Piedmont, fut prinse par les François à force d'armes, avec moult grande perte de gens d'armes, tant d'une part que d'autre.

Le dixneufiesme iour dudiēt moys d'Auril, l'an mil cinq cens cinquante & sept, Cairas, ville du païs de Piedmont, fut prinse par les François, au troisieme assault : & furent tous mis au fil de l'espee ceux qui portoiēt armes pour la garde & deffense de ladiēte ville, qui fut chose grandement pitoyable & merueilleuse.

Le dixseptiesme iour du moys de May, audiēt an mil cinq cens cinquante & sept, furent publiées en la court du Parlement à Paris les lettres patentes du Roy, que tous Archeuesques, Euesques, Prelatz, Curez, & autres, ayant charges d'ames, resideront en personne sur leurs benefices, & y prescheront ou feront prescher & annoncer la parole de Dieu, sur peine de saisissement du reuenu de leurs benefices. Audiēt an, le septiesme iour du moys de Juin, la Roynie d'Angleterre enuoya par vn Herault d'armes signifier la guerre au Roy de France, & se declarer son ennemye, le Roy estant pour lors en la ville de Reims. Le xiiij. dudiēt moys mourut le chan iij. du nom, Roy de Portugal.

En ceste-dicte année mil cinq cens cinquante viij. le dixiesme iour du moys d'Aoust, les François apres auoir faict entrer par force d'armes, & à la veuē du camp des ennemis, quelque bon nombre de Soldatz dedans la ville de S. Quentin, & n'estant qu'une petite pōgnée d'hommes au regard du grād nombre desdiētz ennemis, combien que de bonne affection & courage fussent bien autant, & aussi forts, fut aduisé, par deliberation des Chefz & conducteurs de l'armée, de ne faire teste d'auantage aux dessusdiētz ennemis, & mettre en hazard vn affaire de si grande importance, sans plus auantageuse occasion. Parquoy suyuant cest aduis & deliberation eux retirant furent chargez de telle sorte par lesdiētz ennemis que les premiers rancz estant renuersez tout le reste se met en route & desordre, dont plusieurs furent tuez, & plusieurs prins prisonniers, & le

LES CRONIQ. ET ANNALES DE FRANCE.

demourant se sauua à la Fere, & autres lieux circonuoyfins. En ceste rencontre & defaſtre fut tué en combatant vaillamment tresvertueux, & magnanime Prince Iean de Bourbon, Duc d'Enghien, & auſſi pluſieurs autres, leſquelz y ſont mortz avec gloire & loz immortal. Furent emmenez priſonniers Meſſieurs le Conneſtable eſtant fort bleſſé à la hanche, le Duc de Longueuille, le Seigneur Ludouic, Prince de Mantouë, & pluſieurs autres grands Seigneurs & Capitaines. Se ſauuerent Meſſeigneurs le Prince de Condé, le Duc de Neuers, le Côte de Sancerre, de Montmorency, & autres Seigneurs, Capitaines, & ſoldatz, tant de genſd'armerie, que de pied.

*Les Pariſiens
accordes trois
cens mil frâcs
au Roy.* Les nouuelles de la deſſuſdicte route & deſſaite de l'armée Françoisſe venuës au Roy eſtant à Compiègne, ledict Seigneur ſe retira deuers ſainct Germain en Laye, & enuoya la Roynie ſon eſpouſe à Paris, ville tellement, pour lors troublée & en ſi grande craincte que chaſcun ne penſoit qu'à fuyr & ſe ſauuer ſoy & les ſiens. Et ayât ladiſte dame Roynie remonſtré les grandes affaires & neceſſitez du royaume, en la maiſon de ladiſte ville, les citoyens d'icelle accorderent volontairement au Roy ccc. mil francz.

*Retour de
monſieur de
Guyſe, du
païs d'Italie.* En ce meſme temps, le Roy aduertit Monſeigneur de Guyſe de ſoy retirer d'Italie en France, & amener avec luy toute la genſd'armerie qu'il auoit: pendant lequel temps môſeigneur le Duc de Neuers r'asſembloit les forces du Roy en la ville de Laon, pour munir & fortifier les villes d'alentour.

Le vingtcinquième iour dudiſt mois d'Aouſt, audiſt an mil cinq cens cinquante & ſept, les ennemys ſe preſenterent deuant la ville de Rocroy, pour attaquer l'eſcar-mouche, & ſoliciter ceux de dedâs de ſortir: mais ilz ſe retirerent avec leur courte hon-te & grande perte des leurs, & ne leur fut aucunement poſſible approcher le rampart de plus de quatre cens pas pres.

*Prinſe de s.
Quentin.* Audiſt an mil cinq cens cinquante & ſept, le vingtſeptième dudiſt mois d'Aouſt, la ville de ſainct Quentin, en Vermandois, fut prinſe d'afſault par les ennemys, avec moult grande perte des François, qui furent tous tuez, ou faiſtz priſonniers.

*Prinſe du
Caſteller.* Le ſixième iour du mois de Septembre, audiſt an, le Caſteller fut rédu auſſidictz en-nemys: laquelle place ilz ont depuis fortifiée, comme ſainct Quentin & Han.

*Prinſe de
Han.* Le douzième iour du mois de Septembre, audiſt an, le chaſteau de Han fut rendu au roy Philippes, n'eſtant la place aucunement remparée ny fortifiée, & apres auoir re-ceu & enduré à deux mil coups de canon.

Enuiron ce temps furent faiſtes Monſtres des gens de Meſtier de la ville de Paris, hors ladiſte ville entre ſainct Denis & la Chapelle.

*Paix entre le
Pape, & le
Roy Philippes* Au meſme temps, la paix fut accordée entre le Pape Paul, quatrième du nom, & Philippes, Roy d'Heſpaigne & d'Angleterre. Le meſme iour, & le lendemain de ladiſte Paix, aduint en la ville de Rôme vne ſi grande & impetueuſe rauine d'eauë du Ty-bre, que pluſieurs Eglifeſ, Monafteres, Pontz, & preſque la tierce partie des maiſons fu-rent deſmolies, & grande quantité d'hommes noyez & perdus.

*Inundation
à Nîmes.* En ce meſme temps, en la cité de Nîmes, païs de Languedoc, tomba par l'eſpace de ſix à ſept heures de nuit, vne telle & ſi impetueuſe quantité d'eauë de ſaer, accompa-gnée de greſle de la groſſeur d'eſteufz, avec grandes corruſcations, eſclairs, tonnerres, & fouldres, que ſi elle eut encores autât duré comme elle auoit faiſt, on eſtimoit que la-dicte ville eſtoit en tresgrand dâgier d'eſtre du tout, ou en partie, ruinée, tant eſtoit en-dommagée & gaſtée.

*Inundation
à Florence.* Audiſt an mil cinq cens cinquante & ſept, en ce meſme mois de Septembre, aduint en la cité de Florence vn tel deluge d'eauë par le ſieuue Amo, qu'il fut noyé plus de quinze mil perſonnes, & eſtimoit le Duc de Florence y auoir perte & dommage: en la-dicte ville de bien dix millions d'or. Quoy voyant il plora de grande pitié & compaſſiō qu'il auoit, & remeit les tailles & ſubſides à ſes ſubieſtz iuſques à certain temps.

*Inundation
en Sicile.* En ceste-dicte année, au royaume de Sicile y eut vne telle rauine & ſi impetueuſe inundation d'eauë, qu'en la cité de Palerme, il y eut bien dix mil perſonnes noyées, & deux mil maiſons ruynée & demolies.

*La Coquelu-
che.* En cediſt an mil cinq cens cinquante & ſept, regna & courut vne maladie parmy le royaume de France, qu'on appelloit la Coqueluche, laquelle maladie eſtoit moult longue & fort ennuyeuſe, combien qu'elle ne fut point ſi dâgereuſe que celle qui regna audiſt royaume, en ſan mil cinq cens & dix. Audiſt an mil cinq cens cinquante & ſept, furent veuz en ſaer pluſieurs ſignes & prodiges eſtranges en diuers lieux & places.

En ceste

En ceste année certain grand nombre de gens amassez d'Allemās, Bourguignons, & Flamens descēdirent au pais de Bresse, au nom du Prince de Piedmont, souz la charge & conduicte du Baron de Polleuille : lesquelz feirent contenance & semblāt d'assieger la ville de Bourg en Bresse; mais ilz furent cōtrainctz eux retirer peu de iours apres en la Franche Comté dont ilz estoient venus. A l'occasion de ceste descēte d'ennemys, l'on commença à faire trenchées & fortifier la ville de Lyon, & faire monstre des manans & habitans, pour la garde & deffense d'icelle ville.

Audiēt an mil cinq cens cinquante & sept, le premier iour du moys de Ianuier, les troupes de monseigneur le Duc de Neuers arriuées & ioinctes avec celles de monseigneur le Duc de Guyse, lediēt Seigneur de Guyse se presenta deuant le fort de Nieullay. Et à l'arriuée les hacquebuttiers François gaignerent vn petit fort, pallissé, & releué de terre, lequel les Anglois auoient basti à sainte Agathe, petit village, proche, & sur le cōmencement de la chaussée, qui va au pont de Nieullay, lequel fort leldiēt Anglois abandonnerent, voyant marcher vers eux vne teste de noz hacquebuttiers, & se retirerent au grād fort de Nieullay. Tout sur l'heure monseigneur de Guyse, & le Sieur de Termes recongneurent cediēt fort de Nieullay, & feirent cōmencer les approches & trenchées, & amener l'artillerie, pour cōmencer à le battre au poinct du iour.

Ce mesme iour, la nuit estant venuē, mondiēt Seigneur de Guyse s'en alla reconnoistre les dunes qui sont de l'autre costé du pont dudiēt Calais, & le fort de Risban, qui commande à l'entrée du haure, & defend la venuē de ladiēte ville de ce costé: la ayant mené avec luy Messieurs le Duc d'Aumalle, son frere, le Mareschal de Strossy, leldiēt Seigneur de Termes, les Sieurs d'Estrée, grand maistre de l'artillerie, de Sensac, Tauannes, Dandelot, & de Senerpont, tous Cheualiers de l'Ordre, lesquelz en approcherent de si pres, encores que le lieu soit fort chatouilleux que mondiēt Seigneur de Guyse eut le moyen de le veoir à trente pas pres, sans aucun alarme ne dommage.

Au mesme instant, estant la mer basse, il feit conduire par le sieur de Rendan, le ieune Allegre, & vn autre Gentil-homme en vn endroiēt dudiēt port, ou ilz auoit sceu qu'il y auoit vn passage pour le sonder, ce qu'il feit, & incōtinent fut prins resolution avec les capitaines d'assaillir tout d'vn coup le fort dudiēt pōt de Nieullay, & celuy dudiēt Risban, ou fut faicte telle diligence que le lendemain troisiēme iour de cediēt moys, l'artillerie estant departie en baterie, deuant leldiēt deux fors, trois heures auant le iour, & vne heure apres commença ladiēte baterie en l'vn & l'autre endroiēt. Ceux dudiēt pont de Nieullay apres auoir enduré quelques vollées de canon abandonnerent lediēt fort se retirans dedans la ville de Calais: & vne heure apres ceux dudiēt Risban se rendirent à la discretion dudiēt Sieur de Guyse, s'estant trouué dedans leldiēt deux fortz grand nombre d'artillerie & quantité de munitions.

En ceste-diēte année mil cinq cens cinquante sept, le sixiēme iour du moys de Ianuier, fut faicte assemblée des Estatx au Palais, à Paris, en la grāde salle de saint Loys, en laquelle assista le Roy, accōpagné de monseigneur le Daulphin, & de plusieurs autres Princes, Seigneurs, & Cheualiers, avecques les gens du priuē conseil, & aussi pareillement de Messieurs de la Court de Parlement.

De la prinse des villes de Calais, Guynes, Hames, & de toute la Comté d'Oye, par monseigneur le Duc de Guyse, Lieutenant general pour le Roy.

LE huietiēme iour dudiēt moys de Ianuier, audiēt an mil cinq cēs cinquāte & sept, les Anglois furent contrainctz par force d'armes rendre la ville de Calais, aux François, qu'on estimoit imprenable, à telles conditions & capitulations qu'il pleut à mōseigneur le Duc de Guyse. En icelle ville fut trouué vne grande & incroyable quantité de pouldres, artillerie, munitiōs laines, & viures, qui furent reseruez & retenus, & le surplus donné en proye & pillage aux soldatz, ou ilz gagnerēt beaucoup. Et fut ladiēte prinse faicte en bien peu de iours, d'autāt plus memorable, que regnāt Philippes de Valloys, les Anglois tindrent le siege deuant ladiēte ville vn an tout entier, lors qu'elle n'estoit si forte qu'elle est de present.

Pendant ces entrefaictes, l'armée n'a point perdu de temps d'vn autre costé, ayant couru toute la terre d'Oye, & icelle entierement remise en l'obeïssance du Roy, ensemble tous les fors qui y sont: hors mis Guynes & Hames, & n'y auoit fort ou il ne se trouuaist grand nombre d'artillerie, de telle sorte qu'il se peut dire en auoir esté gaigné en

Ennemys repoussez de la Bresse.

Prinse des fors de Nieullay, & de Risban, & autres.

Assemblée d'Estatx à Paris.

L'an mil cinq cens cinquāte sept, fut repuinse sur les Anglois la ville de Calais.

LES CRONICQ. ET ANNALES DE FRANCE.

ceste conquēste plus de trois cens grosses pieces, & aussi ledict pais d'Oye fort plein de viures pour nourrir ladicte armée du Roy par l'espace de plus de trois moys, encores qu'elle soit de bien trente mil hommes de pied, & de six à sept mil cheuaulx.

Le quinziesme iour dudiēt moys de Ianuier, le Roy estant accompaigné de monseigneur le Daulphin, & de cinq Cardinaulx, avec tous les autres grands Princes & Seigneurs de son priuē Conseil, tint le siege de iustice en son Palais, à Paris, ou il feit lire en la presence plusieurs Edictz & Ordonnances. Audiēt an mil cinq cens cinquante & sept, le vingt & deuxiesme iour dudiēt moys de Ianuier, la ville de Guynes fut rendue & liurée aux François, aux conditions qu'il pleut à monseigneur le Duc de Guyse: lequel voyant icelle ville estre moult grandement nuyfible au chemin de France, à la ville de Calais, si elle estoit reprise, & pour plusieurs autres considerations la feit ruiner & demolir. Incontinent apres la prinse de ladicte ville de Guynes, le chasteau de Hames, qui est inaccessible pour l'assiette du lieu, fut laissé & abandoné par les Anglois, effroyez de si heureux succes & victoire des François. En ceste-dicte année mil cinq cens cinquante & sept, le sixiesme iour du moys de Feurier, le Chasteau de Herbemont, forte place, assise & située es Ardennes, fut prins par monseigneur le Duc de Niuernois.

Enuiron ce temps trespassa en Hespaigne noble Princesse madame Alienor, iadis Royne de France, espouse du Roy François premier du nom, & sœur aînée de l'Empereur Charles le quint: de laquelle furent faictes les obseques & funerailles en l'Eglise nostre Dame de Paris, le quatorziesme iour d'Auril, mil cinq cens cinquante & huit.

Du mariage de tresnoble & tresexcellent Prince François de Valloys, Daulphin, aîné filz du Treschrestien Roy de France, Henry, second du nom, avec tresexcellente Princesse madame Marie Stuart, Royne heritiere d'Escoffe.

L'an mil cinq cens lviij.

Mariage de monseigneur François, Daulphin, & de madame Marie, Royne d'Escoffe.

EN l'an de grace mil cinq cens cinquante & huit, le dixneuuesme iour du moys d'Auril, furent faictes les fiançailles de monseigneur François, premier filz du Roy Henry, Daulphin de France, & de Marie Stuart, Royne heritiere d'Escoffe, l'une des plus belles & vertueuses Princeses du monde, en la grande salle du chasteau du Louure. Et apres qu'és mains de monseigneur le Cardinal de Lorraine ilz eurent promis d'espouser l'un l'autre, fut dressé le bal royal, auquel le Roy & la Royne balerent, & aussi tous les Princes & Princeses, en signe de grande ioye. Le Dimenche, vingtquatriesme iour dudiēt moys d'Auril furent faictes les espousailles en l'Eglise nostre Dame de Paris, par monseigneur le Cardinal de Bourbon, Archeuesque de Rouen, en la presence de reuerēd pere en Dieu monseigneur l'Euesque de Paris, lequel feit vne scientifique & elegante oraison aux assisants avec grand' solēnité & compaignie des Prelatz, Princes, Cheualiers, Seigneurs, Dames, & Damoyelles. Lors les Heraux crierent par trois fois à haulte voix Largeſſe, & ietterent au peuple grand nōbre d'or & d'argent, de toutes especes, & là y eut tresgrand tumulte du peuple, eux precipitans les vns sur les autres pour la cupidité d'en auoir. Ce pendant lesdictz Seigneurs entrerent en ladicte Eglise, en laquelle l'Euesque de Paris, deit & celebra vne Messe, avec si grande dignité & reuerence, qu'il est impossible de le dire. Et la Messe paracheuée retournerent au logis de l'Euesché, ou ilz disnerent, & ayās disné fut dressé le bal royal, auquel toute l'assemblée print grand plaisir. Le bal finy ilz allerent soupper en la grande salle du Palais royal, avec telle pompe, magnificence, & triumphe, que de memoire des assistās n'en fut oncques veu vn tel. Au moyen duquel mariage fut donné audiēt sieur Daulphin, le tiltre de Roy Daulphin. Le lendemain disnerēt audiēt Palais, & apres disner s'en allerent au Louure, auquel lieu lesdictes triumpes continuerent par plusieurs iours, durant lesquels furent faictz plusieurs mariages.

Prinse de Thionuille.

Prinse d'Arton.

Audiēt an mil cinq cens cinquante & huit, le vingt & troisieme iour du moys de Iuin, la ville de Thionuille fut rendue és mains de monseigneur de Guyse, Lieutenant general pour le Roy, apres auoir esté assiegée & batuē par plusieurs iours, par ledict Seigneur, durant lequel siege le seigneur Pierre Strossy, Mareschal de France, fut tué d'une harquebuzade au dessus du tetin gauche, mondict Seigneur de Guyse parlant à luy, & ayant l'une de ses mains appuyée sur son espaule. Le deuxiesme iour du moys de Iuillet, audiēt an, la ville d'Arton fut sommée de se redre, dont ceux qui estoient dedans,

DV ROY HENRY, DEVXIESME DV NOM.fo. clxviij.

dans, craignant la fureur de l'armée Françoisse, sortirent par vne poterne, & abandonnerent ladicte ville apres y auoir mis le feu, lequel amorty & esteinct lon feit abbatre & demolir les fondemens des murailles & fortifications, afin d'oster l'occasion à l'ennemy de ce fortifier de ce lieu. Le treiziesme iour dudit mois de Iuillet, monsieur de Termes, apres auoir prins & saccagé Berghes, & Duinkerke, voulant poursuyure sa fortune en la terreur & espouuement de tout le pais bas, fut defaict aupres de Grauelines, & emmené prisonnier estant fort blessé, & plusieurs autres Seigneurs & Capitaines.

Defaict des François.

Sur la fin de cedit mois de Iuillet, audict an, vne armée de mer de six à sept vingtz vaisseaux Flamens & Anglois, ayans costoyé & tasté les endroictz foibles de la coste de la Bretaigne, aborderent & prindrent terre en vn haure, nommé le Conquest, iusques au nombre de six ou sept mil, & pillerent & brulerent le village de Conquest: lesquelz s'estant iettez à la campagne, pour butiner, furent defaictz par monsieur de Kersimon, partie d'iceux tuez, partie prins prisonniers, & le reste cōtrainct se retirer & sauuer dedans leurs vaisseaux. Audict an mil cinq cens cinquante & huit, sur la fin du mois

Armée de mer des ennemis repoussée.

d'Aoust, l'armée du Roy se campa aupres d'Amyens, le long de la riuere de Somme, & l'armée du Roy Philippes, le long de la riuere d'Authie: lesquelles deux armées se ramparerent & fermerent de trêchées flanquées & armées d'Artillerie, comme si elles eussent delibéré y faire vn long sejour, & se matter l'vne & l'autre par la longueur du temps: & de faict elles y demourerent enuiron trois mois sans riens faire: pendant lequel temps ces deux Princes se rangerent à recevoir & faire quelque bon accord, & se trouuerent les deputez d'vne part & d'autre, pour ladicte paix, en l'Abbaye de Cercap,

Les deux armées se campent.

en la separation des pais d'Artois, & Picardie, enuiron la-my Octobre: & presque en ce mesme temps lesdictes deux armées s'elongnerent & departirent. Enuiron la fin du mois de Novembre, audict an mil cinq cens cinquante & huit, Marie, Roynne d'Angleterre, femme du Roy Philippes, deceda, qui fut cause que les deputez pour la paix se departirent sur le commencement du mois de Decembre, & remeirent à conclure & paracheuer le surplus au mois de Ianuier ensuyuant, au Chasteau de Cambresis. Le xxix. iour du mois de Decembre, audict an, le Roy Philippes celebra en la ville de Bruxelles,

Marie, Roynne d'Angleterre decedee.

avec religieuses & deuotes ceremonies, les obseques de l'Empereur Charles v. son pere, lequel estoit decedé au mois de Septebre, audict an mil v.c.lvij. en Hespaigne. Le xv. iour du mois de Ianuier, audict an, Isabel, fille du Roy Henry viij. & d'Anne de Boulan (vne simple Damoyelle, qu'il espousa pour son plaisir, & qu'il feit apres descapiter) fut declarée & conronnée Roynne d'Angleterre, par les estatz du pais. Le xxvij. iour dudit mois de Ianuier, audict an, le pape Paul priua trois de ses nepueux, de toutes auctoritez qu'il leur auoit cōmises & données, & remeit & cassa tous gouuerneurs & officiers, excepté ceux qui seroient par apres de rechef nommez par sa sainteté, avec inunction à seldicts nepueux de sortir de la ville de Romme, & aussi leurs seruiteurs & famille dedans douze iours. Et le lendemain fut faicte audience publique, qu'il institua pour ouyr

Obseques de l'Empereur Charles v. Isabel, Roynne d'Angleterre.

vne fois le mois les plainctes & doleances des subiectz. Et depuis feit mettre vn tronc dedans l'Eglise S. Pierre, à Romme, duquel luy seul auoit la clef, pour recevoir & mettre les libelles & plainctes de chascun. Le cinquiesme iour du mois de Feurier, audict an mil v.c.lvij. furent celebrées solēnellement les nopces de mōseigneur Charles, Duc de Lorraine, avec madame Claude, seconde fille du Roy Henry, en la ville de Paris. Les espousailles furent faictes en la grāde Eglise nostre Dame, en la presence du Roy & de la Roynne, & de plusieurs prelatz, grands Princes, Seigneurs Dames, & Damoyelles: & durerent seldictes nopces sept ou huit iours, ausquelz il n'estoit veu & demonstré que tous plaisirs, & toutes sortes de ieu & passetemps, tant au Palais royal, qu'en ceux de Messieurs de ceste maison de Lorraine: esquelz se tenoit maison ouuerte, & se faisoient conuiues & distributions profuses, & à qui en vouloit, & aussi deuant le logis de monseigneur le Duc de Guyse fut fait vn Tournoy ouuert à tous Cheualiers, pour s'esprouuer en lice à la lance, & au combat de toutes sortes d'armes. Audict an, enuiron la-my

Le Pape donne audience à ses subiectz.

Nopces du Duc de Lorraine, & de madame Claude, fille du Roy.

Feurier, les dessusdictz deputez pour la paix, se trouuerent au Chasteau de Cambresis, maison de l'Euesque de Cābray. Et le iij. iour du mois d'Auril, mil v. c. lix. fut cōclue & arrestée ladicte paix. Et quatre iours apres fut publiée à Paris, & les feux de ioye faictz. Et le lendemain viij. iour dudit mois, fut faicte processio generale autour de la cité de Paris. Enuiron ce tēps fut enuoyé Edict par le Roy à la Court de Parlemēt, à Paris, touchant les cōmittimus des Procureurs & Aduocatz, en ladicte Court, dōt & pour dissua-

La paix accordée & publiée.

Mil cinq cens lix.

Edict du Roy.

LES CRONIQ. ET ANNALES DE FRANCE.

der la verification d'iceluy Edi& , Adrian Pulue , do&teur és droi&tz & Aduocat en ladi&te Court,feit vne tresdo&te & eloquente Oraison , *de Aduocatorum priuilegijs fori.*

Edi& du Roy. Le dernier iour du moys de May, audic& an mil cinq cens cinquante & neuf, fut publi& en la Court de Parlement , à Paris, l'Edi& fai& par le Roy, sur le fai& & reiglement du guet ordinaire de la ville, cit&, Vniuersit&, & fauxbourgs de Paris.

Du mariage de Philippes, Roy des Hespaignes, avec tresvertueuse Prince&, Madame Elizabeth, aisnée fille du Treschrestien Roy Henry.

L'an mil cinq cens lix.

Mariage du Roy Catholique, avec madame Elizabeth, fille aisnée du Roy.



Vdic& an mil cinq cens cinquante & ix. le vingt & deuxiesme iour du Moys de Iuin, fur& celebr&es les espousailles & nopces du Roy Trescatholique, par m&seigneur le Duc d'Albe, Procureur pour ledi& Seigneur, avec tresnoble, & tresvertueuse Prince& madame Elizabeth, fille aisnée du Treschrestien Roy Henry, ij. du nom, en l'Eglise nostre Dame de Paris, avec moult grand' sol&nit& & alsist&ce des Prelatz, Princes, Cheualiers, Seigneurs, Dames, & Damoyelles, tant des païs estranges, que de ce Royaume. Et durerent les festins, triumphes & magnificences iusques à la fin dudi& moys, que ledi& Roy Henry fut bless&. Enuiron ce temps, le Roy, accompagn& de gr&d nombre de Cardinaulx, Archeuesques, Euesques, & autres grands Princes & Seigneurs de son priué C&seil, tint son siege de Iustice en la ville de Paris, le Parlement estant, pour lors, au Conuent des Augustins. Et apres auoir ouy les opinions de quelques Conseillers en ladi&te Court, touchant le fai& de la religion & punition des Lutheriens, les fait arrester, & mener prisonniers en la Bastille.

Le Roy en son siege de Iustice, au Palais, à Paris.

En celle mesme ann&e fut telle seicheres&e à Paris, durant cinq ou six moys, que l'on passoit la riui&re de Seine à pied sec du cost& des Augustins : & pour lors là aupres fut trouu&e vne grosse source d'eau viue, au grand soulagement de tout le voisinage.

Du trespas du Roy Henry, deuxiesme du nom : ensemble du mariage du tresnoble Duc de Sauoye, avec tresvertueuse & s&auante Prince&, Madame Marguerite, s&eur unique dudi& Roy.

L'an mil cinq cens lix.

Mariage du Duc de Sauoye, & de Madame Marguerite s&eur du Roy.



Estedi&te ann&e mil cinq cens cinqu&te neuf, le dernier iour dudi& moys de Iuin, le Threschrestien Roy H&ry, courant en lice, ou tournoy, lequel se faisoit en moult grand triumphe & magnificence, en la ru& S. Anthoine, en la noble ville de Paris, en resiouyssance, & congratulation de la paix & dessusdict&es alliances, fut frapp& & bless& d'un coup de lance en la teste, duquel coup il demoura malade en son logis des Tournelles, durant laquelle maladie, le neufiesme iour du moys de Iuillet ensuyuant, furent faic&tes les nopces & espousailles de tresnoble & excellent Prince monseigneur le Duc de Sauoye, avec tresvertueuse & s&au&te Prince& madame Marguerite, s&eur vnique dudi& Roy H&ry, fille du feu Roy Fran&coys, premier du nom, & de feu& madame Claude, sa femme. Et le lendemain, dixiesme iour dudi& moys de Iuillet, le noble & puissant Roy Henry alla de vie à trespas. Et le douziesme iour dudi& moys son corps fut moult h&norablement mis en cercueil de plomb, & son c&eur fut separement mis en autre petit cercueil de plomb. Et le dixhui&tiesme iour dudi& moys, le c&eur dudi& defun& Roy fut port&, par m&seigneur le Prince de Cond&, en l'Eglise du conuent des Celestins, pour y estre sumptueusement inhum&. Et le xxix. iour dudi& moys, l'Effigie dudi& Seigneur Roy fut pos&e en vne grande Salle basse, qu'il auoit faic& magnifiquem&t bastir, en son parc des Tournelles, en laquelle Salle ladi&te Effigie fut iusques à l'vanziesme iour du moys d'Aoust ensuyuant, que le corps dudi& defun& Roy fut port& & conduic& en l'Eglise nostre Dame de Paris, auquel lieu fur& faic&tes les obseques & funerailles, selon qu'il est accoustum& en tel cas de toute anciennet&. Et le lendemain, douziesme iour dudi& moys d'Aoust, fut port&, conduic&, & conuoy& par tous les Estatz & Ordres, tant de sa Maison, que des Princes, Cardinaulx, Archeuesques, Euesques, Cours de Parlement, Aydes, Comptes & autres Magistratz de Paris, iusques en l'Eglise & Abbaye de S. Denis en France, en laquelle Eglise le lendemain, treiziesme iour dudi& moys d'Aoust, mil cinq c&s lix. apres les obseques & seruice faic&tz fut mis & inhum& en la fosse & voute prepar&e pour ledi& corps.

Trespas du Roy Henry, deuxiesme du nom, aux Tournelles, à Paris.

Du Roy



A Pres le decez du Treschrestien Roy Henry, deuxiesme du nom (auquel par son cry, fait en la grande salle du Palais à Paris, & au Parlement, fut baillé tiltre de Prince tresbelliqueux, l'amour de tous Estatz, accompli de bonté, prompt & liberal, secours des affligez, plein de vaillance & adresse) succeda à la couronne de France son filz aîné, François, deuxiesme du nom, aagé de quinze à seize ans: & commença à regner au moys de Iuillet, en l'an que dessus, mil cinq cens cinquante neuf. Auquel temps, in-

*L'an mil cinq
cens lxx.
Le Chancelier
Oliuier, reuo-
qué en l'ad-
ministration
de son Office,
scella la deff-
se des hacque-
butes &
pistoletz.*

continent apres le decez de son-dict pere, reuoqua Messire François Oliuier, Chancelier de France, en l'exercice de son Office: & à ce commencement de regne furent faitz plusieurs Edicts & Ordonnances: entre lesquelles Ordonnances fut deffendu par vne datée du vingt & troisieme iour de Iuillet, à toutes personnes, de quelque estar, qualité, ou condition qu'elles fussent, de ne porter pistoletz ou hacquebutes, ne d'en tirer, ou faire tirer, en quelque sorte, ne pour quelque occasion que ce fust: nonobstant quelconques priuileges, congez, ou permissions: que le Roy, de sa pleine puissance & autorité Royale, reuoquoit. Et ce sur peine à ceux, qui pour la premiere fois seroient trouuez portans lesdictz pistoletz ou hacquebutes, ou tirans d'iceux, de la confiscation desdicts bastons, & d'auantage, de la somme de cinq cens escus d'or, soleil, d'amende: le tiers de laquelle seroit appliqué au denonciateur. Et, si les delinquans n'auoient dequoy payer ladicte somme, seroient enuoyez aux galeres, pour y seruir perpetuellement. Quand à ceux, qui pour la seconde fois seroient trouuez auoir delinqué, ilz seroient pendus & estranglez, sans qu'il fust loisible à nul Iuge, ou Officier du Roy, de rien diminuer ne moderer desdictes peines.

Aussi fut fait Edict, en date du dixhuitiesme iour d'Aoust: par lequel le Roy reuoquoit, cassoit, & anuloit, tous & chascuns les dons, cessions, transportz, alienations, & constitutions, qui auoient esté faites par ses predecesseurs, des membres, portions, & reuenus du domaine de la couronne de France, pour quelques causes, raisons, faueurs, considerations, & autres moyens, quelz qu'ilz feussent, & peussent estre exprimez & declairez es lettres sur ce octroyées & expediees, tant à perpetuité, à vie, & à temps, que pour seureté, engagemens, venditions, recompenses, faueurs, graces, bien-faictz, ou autrement, en quelque maniere & pour quelque personne que ce peust estre.

*Edict pour la
reuocation du
domaine
du Roy.*

Et iceux ioingnoit, vniffoit, & incorporoit inseparablement, au corps de son domaine: nonobstant les verifications & expéditions, qui en eussent esté, ou peussent estre faites. Et vouloit, statuoit, & ordonnoit, lesdictes pieces, membres, & portions, estre remises & reunies en ses receptes ordinaires, sans que des lors, pour quelque cause, occasion, n'y à quelque personne que ce fust, aucunes donations, alienations, ne sur charges, en peussent par luy estre faites, tant du domaine qu'il tenoit pour lors, que de celui qui luy pourroit aduenir par apres: si ce n'estoit pour la constitution du dot & douaire de la Roynie sa mere, ou d'autres Roynes, ou filles, issues de la maison de France, ou pour l'appanage de ses freres, ou enfant, s'il plaisoit à Dieu luy en donner. Et, si par importunité de requerans, ou autrement, il en faisoit aucuns dons & concessions, il les declairoit nulles & de nul effect & valeur, & ne vouloit qu'aucunes lettres en fussent expediees, sellées, ne verifiées. Toutesfois en ceste reuocation ne vouloit & n'entendoit estre comprise la Duché de Berry, Seigneurie de Rommorantin, & autres terres, dont sa tante, Madame Marguerite de France, Duchesse de Sauoye & de Berry, iouyssoit par vsufruct, ne semblablement les Duché de Chartres & Comté de Gisors, & autres terres, qui auoient esté baillées en mariage à la Duchesse de Ferrare sa grande tante, ne pareillement les terres & Seigneuries, sur lesquelles estoit assigné le dot de la feuë Roynie Alienor, veufue du feu Roy François, premier de ce nom, son ayeul, desquelles iouyssoit sa cousine, madame Marie, Infante de Portugal, fille du premier mariage de ladicte Roynie Alienor. D'auantage ne com-

LES CRONIQ. ET ANNALES DE FRANCE.

prenoit, en ladicte reuocation, les venditions, alienations, & engagements, à pris d'argent, qui auoient esté faitz par ses predecesseurs Roys, pour subuenir aux grans & urgens affaires, qu'ilz auroient euz à supporter pour le fait des guerres, & pour la deffense de ce royaume, & desquelz les deniers seroient venus & entrez en ses finances, reauement & de fait, & sans deguisement, & dont les alienations se trouueroient auoir esté faites conformement aux commissions & pouuoirs expediez sur ce.

Mort du Pape Paul iij.

Ce mesme iour, dixhuitiesme d'Aoust, le Pape Paul, quatriesme du nom, trespassa: & furent enuoyez à Romme quelques Cardinaux de France, quelque peu de iours apres, pour la creation de son successeur.

Declaration du Roy sur la deffense des hacquebutes & pistoletz.

Le vingtiesme iour dudit mois, le Roy, estant à saint Germain en Laye, declaira, par vn breuet, expedie sur ce, & signé Duthier, qu'il n'auoit entendu, & n'entendoit comprendre, soubz l'Ordonnance & deffense susdicte des hacquebutes & pistoletz, le Preuost de son Hostel, le grand Preuost de la Connestablie de France, leurs Lieutenans, Greffiers, & Archers, les Preuostz generaux des Mareschaux de France, & autres Preuostz desdictz Mareschaux prouinciaux, leurs Lieutenans, Greffiers, & Archers, en portant par lesdictz Archers, leurs sayes de liurée, sinon quand il seroit question de les laisser, pour plus secrettement faire quelque exploit. Lesquelz Lieutenans, Greffiers, & Archers, seroient auoiez par lesdictz Preuostz: qui n'enrouleroyent, prédroyent, n'auoieroyent, plus grand nombre de Lieutenans, Greffiers, & Archers, qu'il leur estoit permis prendre par leurs lettres de prouision. Semblablement sa Magesté exemptoit de la deffense susdicte les Capitaines & Archers de ses gardes, venans à son seruice, ou retournans d'iceluy, en portât par lesdictz Archers chascun son breuet, signé de l'un de ses Secretaires d'estat, & cōtenant la permission de porter lesdictes hacquebutes & pistoletz. Et, pour le regard des Capiraines, Lieutenans, & gardes des forestz, ayans telle exemption & reseruation que dessus, lesdictz gardes seroient tenus de rapporter vn certificat du Capitaine, soubz lequel ilz seroient. Ausquelz Capitaines estoit aussi deffendu d'auoir plus grand nombre desdictz gardes, que celuy qu'ilz auoient accoustumé d'auoir.

Exemption de la traitte foraine.

Le vingt & neufiesme iour d'iceluy mois, le Roy par ses lettres patentes, données à Villers-costerets, confirma l'exemption des droitz de la traitte foraine, resne, domaine forain, & hault passage de son royaume, octroyée pour vn an à tous Marchans, en datte du sixiesme iour de Iuillet precedent, par le feu Roy Henry son pere.

Reglement du nombre des Procureurs es Cours souueraines & autres Iurisdic-tions Royales.

Ce mesme iour le Roy ordonna qu'en ses Cours de Parlemēt, Bailliages, Seneschaucces, Preuostez, & sieges y ressortissans, aucun ne seroit des lors en-auant receu à faire le serment de Procureur, outre ceux qui pour lors y estoient, iusques à ce qu'autrement en seroit par luy ordonné. Qui neantmoins deuoit estre, apres que le nombre desdicts Procureurs seroit tellement diminué, que lesdictes Cours verroient qu'il seroit requis, pour le bien public, & expedition des causes, y en mettre d'autres. Auquel cas, au rapport & par l'aduis desdictes Cours souueraines, sa Magesté seroit expedier ses lettres de sublation desdictes deffenses, pour par lesdictes Cours, & autres les Iuges inferieurs respectiuellement, estre pourueu ausdictz estats & charges de Procureurs, en tel nombre que de besoing. Et, afin qu'icelles Cours peussent plus clairement congnoistre, & au vray, pour le regard des sieges inferieurs, & luy bailler leur aduis quand il seroit requis d'y mettre Procureurs nouueaux, elles s'en informeroient par les Iuges des lieux, & autres officiers, Aduocatx, & Praticiēs desdictz sieges, & en prédroyēt leur aduis, pour sen aduertir. En deffendant tresexpresssement ausdictes Cours, Baillifs, Seneschaux, Preuostz, & autres Iuges susdictz, qu'ilz n'eussēt plus à proceder à la reception desdictz sermēs des Procureurs autrement que dessus: & à ceux, qui poursuynroient d'estre receuz esdicts estats, de n'auoir recours, pour cest effect, qu'à lesdictes Cours & Iuges inferieurs respectiuemēt, selon la forme cōtenue en ceste Ordōnāce, sur peine, ou ilz seroient le contraire (quelques lettres particulieres qu'ils peussent obtenir de luy à ceste fin: ausquelles ne vouloit lesdictes Cours & Iuges auoir aucun esgard) d'encourir en peine de faulx de tout ce qui seroit par eux fait, accordé, & procuré pour les parties, pour lesquelles ilz auroient occupé, & de tous despens, dommages, & interestz enuers icelles parties, & d'auantage, d'estre à iamais priez de postuler, en quelque Court & Iurisdiction que ce fust.

Edict du Roy sur les conuenticules illicites

Le quatriesme iour de Septembre, audit an mil cinq cens cinquāte neuf, ayant esté donné à entendre au Roy que plusieurs assemblées & conuenticules illicites & nocturnes se

ges se faisoient à Paris & en quelques autres villes de son royaume soubz couleur de Religion, & que son y propoſoit la ſaincte Cene, contre l'usage de l'Eglise Catholique, ſtatua & ordonna, par Edit, que des lors les maiſons, ou ſon trouueroit & verifiroir que leſdictes aſſemblées & conuenticules auroient eſté faictes, ſeroient ralées, demolies, & abbatuës, à perpetuelle memoire, ſans qu'elles peuſſent plus eſtre rebaſties à l'aduenir: fuſt que leſdictes maiſons appartenſſent à gens d'Eglise, ou autres, de quelque qualité ou condition qu'ilz fuſſent, & que les propriétaires deſdictes maiſons y fuſſent demourans, ou qu'ilz les euſſent baillees à louage, & fuſſent tenues par locatifz.

Le meſme iour, le Roy, eſtant à Villers-costerets, par Edit reuoca, caſſa, & annula, *Edict sur les* toutes & chaſcunes les ſuruiuances, qui auoient eſté par les predeceſſeurs Roys admi- *ſuruiuances* ſes de tous Eſtatz & Offices de ſon royaume & pais de ſon obeïſſance, concernans le *des Offices.* fait de ſes finances, de quelque tiltre & qualité qu'ilz fuſſent, Comptables ou non, & en quelque faueur qu'elles peuſſent eſtre admieſſes. Voulant qu'elles demouraffeſſent nulles & de nul effect & valeur, & que leſdictz Eſtatz & Offices fuſſent, apres le trespas des reſignans, premiers poſſeſſeurs d'iceux, vaquans & impetrables, ſans que ceux, en faueur deſquelz leſdictes reſignations à ſuruiuance auroient eſté admieſſes, y peuſſent, en vertu des lettres qu'ilz en auroient obtenues, aucune choſe prétendre, demander, ne quereller, en quelque maniere que ce fuſt: encores que par leursdictes lettres fuſt expreſſement derogé aux Ordonnances faictes, ou affaire, ſur leſdictes ſuruiuances: exceptez toutesſois ceux, qui pour leſdictes reſignations à ſuruiuance auoient payé finances à leſdicts predeceſſeurs, & qui ſoit tourné à leur profit, ſans fraude & ſans deguiſement: leſquelz ſeroient tenus d'en faire apparoir au Conſeil priué, dedans trois mois apres la publication de l'Edit. Auquel cas pourroit ſa Mageſté (ſi bon luy ſembloit) faire rembourſer leſdicts reſignataires des ſommes qu'ilz auroient ainſi fournies, & leur en ſatisfaire par raiſon. Et ou ſa Mageſté ne voudroit faire ledict rembourſement & ſatisfaction, ceux, qui auroient ainſi deuëment veriſié le payement de ladiſte finace, auroient acte de la verification & lettres, pour les laiſſer iouyr de l'effect deſdictes ſuruiuances, ſans aucun empelchement. Et en deffault d'auoir fait apparoir de ce que deſſus dedans ledict réps. de trois mois, ſeroit par ſa Mageſté pourueu auſdictz Eſtatz & Offices, vaccation aduenant par la mort deſdictz reſignans, premiers poſſeſſeurs d'iceux.

Audit mois de Septembre, le Roy, eſtant encor à Villers-costerets, par Edit ſup- *Edict sur la* prima & abolit tous Offices Comptables alternatifz, nouuëlement crée & erigée, de *ſuppreſſion* quelque tiltre & qualité qu'ilz fuſſent, ſans que ceux, qui en auoient eſté pourueuz, & *des alterna-* qui pouuoient eſtre ceſte année là en exercice, le dernier iour dudit mois de Septem- *tiſt.* bre eſcheu (qui eſtoit la fin du quartier de Iuillet) ſe peuſſent plus entremettre en l'exercice de leursdictes charges & Offices, ny en la perception des deniers d'icelles. Ce que ſa Mageſté leur deſſendoit treſexpreſſement, ſur peine d'encourir au crime & en la peine de peculat: reſeruant neantmoins à ceux, qui pour la prouiſion de leursdictes Offices auroientourny & payé deniers, qui fuſſent tombez es finances & au profit du feu Roy ſon pere, ou de luy, ſans fraude & ſans deguiſement, & ſe retirer par deuers luy & les gens de ſon Conſeil priué, pour en faire verification: eſtant laquelle faicte, les ſeroit rembourſer, aſſigner, & recompenser, ainſi qu'il appartiendroit par raiſon.

Le xv. iour d'iceluy mois, le Roy, procedant à ſon ſacte & couronnement, ſeit ſon *Entrée en* entrée en la ville de Reims: là ou il fut receu en tout deuoir d'honneur, par les habitâs d'i- *Sacre du Roy* celle ville: & le Ludy enſuyuant xvij. iour dudit mois, ſa Mageſté fut oingte & ſacrée en *François y* la grand' Eglise, par le Cardinal de Lorraine, Archeueſque d'icelle Eglise, & Abbé de *de ce nom, en* l'Abbaye de Sainct Remy, ainſi que les autres Roys, ſes predeceſſeurs, en la preſence *la ville de* des Princes de ſon ſang, des Pairs de France, & de pluſieurs autres grans Seigneurs, a- *Reims.* uec excellentes pompes & magnificences, y eſtans gardées & obseruées toutes ceremonies requiſes, ou accouſtumées d'ancienneté. Incontinent apres il partit de là, conuoyant ſon beau frere le Duc de Lorraine, & la Duchefſe Claude ſa ſœur, iuſques à Barle Duc: d'ou il reprint chemin en France, s'en allant ſeiourner quelque temps en la ville de Blois: en laquelle fut reſotmée la ſuite de ſa Court & la ſuperfluité de ſes Officiers. *Le Roy à Blois*

Auſſi fut là fait vn Edit, en date du ſeptieſme iour de Nouembre, audit an mil *Edict sur les* cinq cens cinquante neuf: par lequel le Roy ſtatuoit & ordonnoit que tous ceux de ſes *billonneurs* Treſoriers, Receueurs, & Cōptables, leurs Clercs & Commis, de quelque qualité qu'ilz *des finances* fuſſent, ayans manieement de ſes deniers & finances, qui ſe trouueroient auoir billonné *du Roy.*

ses deniers, seroient punis de la vie, sans aucune moderation de peine, ny esperance de grace. Et pource que sa Magesté auoit sçeu que la pluspart de telz billonnemens se faisoit par les Receueurs de ses tailles & aydes, vouloit & ordonnoit que deslors les Collecteurs desdictes tailles, & telz autres, qui iroient faire les payemens ausdictz Receueurs, meneroient avec eux vn ou deux tesmoins, dont l'un sçauroit lire, pour assister ausdictz payemens, & pouuoir tesmoigner des especes, quand & à qui il appartendroit. Lesquelz Receueurs seroient tenus exprimer en leurs quittances lesdictes especes, soubz peine de priuation de leurs Offices: & là ou ilz seroient refusans de ce faire, ou qu'ilz auroient faulxement exprimé en leursdictes quittances icelles especes, autres qu'elles ne leur auroient esté baillées, le Collecteur, ou celuy, qui leur auroit fait ledict payement seroit tenu de passer denoncer, tout à l'heure, au Iuge du lieu, & de ce faire examiner, & lesdictz tesmoins, sans que pour ce faire lesdictz Iuge & tesmoins peussent pretendre ne demander aucun salaire. Ce que sa Magesté leur inhiboit & deffendoit & commandoit, & ordonnoit audict Iuge, sur peine de priuation de son Office, qu'il eust à enuoyer incontinent ledict examen & information par deuers sa personne & les gens de son Conseil, par la voye de la poste, & donner assignation audict Receueur de comparoître pardeuant icelle Magesté, ou sondict Conseil, à certain & competent iour, pour se veoir declairer estre encouru en la peine susdicte. Et afin de pouuoir verifier en qu'elles especes lesdictz payemens auroient esté faitz, ledict Collecteur, quand il auroit payé porteroit & laisseroit le double de sa quittance es mains du Iuge du lieu: qui la feroit enregistrer au Greffe de sa Iurisdiction, pour y auoir recours, toutes & quantes-fois que be-soin seroit, sans que lesdictz Iuge & Greffier en peussent demander aucun salaire: & au demourant, garderoit & obserueroit ledict Collecteur ceste ordonnance, sur peine d'estre puny corporellement, & de cinquante liures d'amende, à chascune fois qu'il y auroit defaillu.

Lettres patentes du Roy au Preuost de Paris, pour auoir reuelation des conuenticules illicites.

Le treiziesme iour de Novembre, ayant encor esté donné à entendre au Roy que son continuoit à faire plusieurs conuenticules & assemblées illicites, soubz vmbre de Religion, tant à Paris, qu'ailleurs, & que là on semoit & diuulguoit plusieurs propos contre son honneur & estat, & pour inciter son peuple à mutinerie & sedition, adressa lettres patentes au Preuost de Paris, ou son Lieutenant: par lesquelles luy mandoit & enioignoit, qu'incontinent, apres la reception d'icelles, fait crier, à son de trompe, & cry public, par tous les carrefours d'icelle ville de Paris, & par tout ailleurs, ou besoing seroit, Que toutes personnes, qui auroient congnoissance de ceux qui seroient lesdictz conuenticules & assemblées illicites, tant de nuit que de iour, tant pour le fait de la Religion, que pour autre fin, quelle qu'elle fust, vinst à les reueler à la Iustice, dedans le temps qui leur seroit à ce prefix par iceluy Preuost, ou son Lieutenant, sur peine d'estre punis de telles & semblables peines que ceux, qui se seroient trouuez esdictz conuenticules & assemblées illicites. Voulant sa Magesté qu'à celuy, qui premier viendroit à reuelation, & par le moyen duquel telles choses s'aideroient, fust fait pardon, ores qu'il fust des complices & coupables: & d'auantage, que son luy donast, pour loyer, la somme de cent escus, pour vne fois. Au surplus, luy mandoit & enioignoit sa Magesté, qu'il maintinst, gardast, & deffendist lesdictz reuelateurs, de toutes iniures, oppressions, & molestes: & les conseruast en & soubz la protection & sauuegarde de sadicte Magesté.

Autres telles patentes contre ceux qui donneroient faueur à telz conuenticules.

Le quatorziesme iour dudit mois, ayant semblablement esté donné à entendre au Roy qu'il se trouuoit à Paris beaucoup de personnes qui donoient faueur à ceux qui estoient accusez d'estre sacramentaires, ou entachez d'autres crimes d'hérésie, & pareillement à ceux qui hantoient & se trouuoient aux conuenticules & assemblées, & qu'ilz vsoient de menaces, iniures, ou intimidations, contre les Iuges, & autres les ministres, & contre ceux qu'ilz leur vouloient produire à tesmoins, despescha autres lettres patentes au premier des Conseillers de sa Court de Parlement à Paris, au Preuost de ladicte ville, ou à son Lieutenant: par lesquelles leur mandoit, & commettoit, qu'à la requeste de son Procureur ilz s'informassent secrettement, diligement & bien, desdictes faueurs, menaces, iniures, & intimidations: & procedassent contre ceux, qu'ilz trouueroient chargez par ladicte information, à leur faire & parfaire leur proces, ainsi que de raison.

Edict sur lesdictz conuenticules.

En ce mesme mois, sans date de iour, fut aussi fait Edict irreuocable, donné en ladicte ville de Bloys: par lequel, pour les causes alleguées aux lettres patentes du treiziesme dudit mois, & pour obuier à quelques comencement de seditions, que son disoit auoir

auoir esté desia veuz en plusieurs & diuers lieux du Royaume de France, le Roy declairoit, statuoit, & ordonnoit, que tous ceux qui feroient conuenticules & assemblées illicites, tant pour la Religion, que pour quelque autre cause & occasion que ce fust, ou de nuict, ou de iour, & semblablement ceux qui s'y trouueroient & assisteroient, seroient des lors punis de supplice de mort, sans aucune esperance de grace, ne moderatiō de peine; & les maisons, ou se feroient lesdictes assemblées & cōuenticules, rasées & demoliées, sans pouuoir estre cy apres rebasties & réedifiées, suyuant l'autre Edict du quatriesme iour de Septembre precedent.

Le dixiesme iour du mois de Decembre ensuyuant, le Roy estant encorē à Bloys, furent depeschées lettres patentes, sur le reiglement du bail à ferme du sel de ce royaume, pour lestranger, iusques au terme de six ans: & encorē autres telles, sur le bail à ferme des espiciers & drogueries, qui entrēt en ce Royaume, iusques au mesme terme de six ans.

Lettres Patentes sur le bail à ferme du sel & des espiciers.

Ce mesme iour fut aussi depesché mandement: par lequel le Roy reuouquoit, cassoit & anulloit, toutes traittes de bleds & de vins, tant generales que particulieres, parauant octroyées: excepté qu'il permettoit la traite de cinquante mil tonneaux de blé, & de cent mil tonneaux de vin, pour l'année prochaine, commençant au mois de Ianuier, à ceux qui auroient lettres des Commissaires, par luy sur ce députées à Paris, pour puis apres augmenter ladicte traite, selon qu'il verroit estre necessaire pour le bien & commodité de son peuple, & de ses voyzins: Ce que sa Magesté confirma encorē puis apres par vne sienne Ordonnance, en date du vingtiesme iour de Decembre, y denommant plus espécialement ses Commissaires.

Mandement du Roy sur la traite des bleds & vins.

Le douziesme iour d'iceluy mois, Maistre Antoine Minart, tiers President du souverain Parlement de Paris, en reuenant du Palais, monté dessus sa mule, fut frappé d'un coup de Pistolet, en la vieille rue du Temple, entre cinq & six heures du soir, à deux maisons pres de son logis: & deux heures apres trespassa de ce siecle: dont Messieurs de la Court furent fort troublez: & combien que l'on feit grandes inquisitions & recherches, pour auoir congnoissance des meurtriers, avec promesse de grosse somme de deniers aux denonciateurs & reuelateurs, neantmoins l'on n'en peut rien auerir.

Violente mort du President Minart.

Le dixseptiesme dudiēt mois, fut faicte Ordonnance: par laquelle le Roy, estant à Chambort, deffendoit que nul ne tirast, ou recelast, ceux de ses subiectz, qui auoient esté condamnez à mort, ou à autres peines corporelles, ou bien à estre bannis du royaume de France, sur peine d'estre tenus pour coupables & consentans des crimes, dont relz recelez auroient esté condamnez, & d'estre punis comme leurs alliez & complices de la mesme peine qu'eux, & quant à ceux desdictz condamnez, qui tiendroiēt fors en leurs maisons & chasteaux, contre les Ministres de Iustice, fussent contrainctz par toutes voyes de faict, & iusques à tirer le canon contre eux, à obeir aux arrestz, sentences, & iugemens, contre eux donnez: & que pour memoire de leur rebellion, leurs places & maisons fussent abbatuës, demoliées, & rasées, sans pouuoir estre puis apres rebasties, ne réedifiées: sinon par le congé & permission de sa Magesté.

Ordonnance du Roy sur les receleurs des condamnez à mort ou à autres peines.

Le vingt & troisieme iour d'iceluy mois, Maistre Anne du Bourg, Conseiller du Roy en la Court de Parlement à Paris, & l'un de ceux, que le feu Roy Henry auoit faict constituer prisonniers, apres auoit ouy leurs oppinions sur le faict de la Religion, fut mené, à grande compaignie d'hommes armez, iusques à la place de Greue: là ou il fut pendu & estranglé, & son corps bruslé & consummé en cendres.

Le Conseiller du Bourg, bruslé en Greue.

Le propre iour de Noël audict an, le Cardinal Mediquin, Italien, fut esleu Pape, & nommé Pie, quatriesme du nom.

Création du Pape Pie, iij. du nom.

Le dernier iour dudiēt mois de Decembre, fut faict vn mandement par le Roy, estant pour lors à Blois, au Preuost de Paris, ou à son Lieutenant, sur la confirmation de tous offices royaux, tāt ordinaires qu'extraordinaires du ressort de sa Preuosté: à ce qu'apres la publication d'iceluy mandement, & la taxe de chacun Office entendue par icelle publication, les Officiers eussent à aller prendre leur depesche à la Court du Roy, dedans le terme de trois mois pour tous delais, & cer.

Mandement du Roy sur la confirmation des Offices de la Preuosté de Paris.

Au cōmencement du mois de Ianuier, audict an, furent faictes & erigées six tournelles en la Court de Parlement, par le vouloir & commandement du Roy, à l'instigation d'aucuns de son priuē Conseil, pour vacquer à l'expedition des proces des Lutheriens: de sorte qu'il ne passoit gueres iour, que l'on n'en executast.

Chambres criminelles pour les proces des Lutheriens.

LES CRONIQ. ET ANNALES DE FRANCE.

Sainct Quentin, & autres places rendues au Roy & madame Elizabeth de France menées au Roy d'Espagne, son mary.

Audiēt moys de Ianuier, les villes de sainct Quentin, Han, & Castelet, furent remises & rendues soubz l'obeissance du Roy de France, selon les conclusions & promesses de l'accord de paix: suyuant laquelle paix, Madame Elizabeth, aînée fille du feu Roy Henry, & femme de Dom Philippe, Roy des Hespaignes, fut cōduicte & menée par le Roy de Nauarre, par le Cardinal de Bourbon, son frere, & par le Prince de la Roche-surion, jusques en l'Abbaye de Rôceuaux, pour estre liurée & baillée aux deputez d'iceluy Roy son mary: c'est à sçauoir au Duc de Infantasque, & au Cardinal de Bourgues: qui la reçurent en tresgrande pompe & magnificence.

Preparatif du Roy pour enuoyer armée en Escosse.

Le huiētiesme iour d'iceluy moys, le Roy, voulant pourueoir à quelque tumulte, esleu en son royaume d'Escoce, pour cause de la Religion, ordonna au Preuost de Paris, ou à son Lieutenant, par mandement expres, donné à Pontleuoy, de faire publier en son ressort & iurisdiction, que tous cheffz, hommes d'armes, & archers des compagnies du Marquis d'Elbeuf, & des Seigneurs de Beauuais & de la Vauguyon, eussent à se trouuer aux lieux de leurs garnisons, & à la monstre qui se feroit d'icelles compagnies le vingtiesme iour du moys d'Auril ensuyuant, prestz en armes & en equipage pour faire voyage audiēt royaume d'Escoce, estant l'homme d'arme monté de deux bons cheuaux de seruice, & l'Archer d'un tant seulement: avec lesquelz il entendoit les faire embarquer pour lediēt voyage.

Edict sur les Iusticiers & Officiers, qui ne feroient leur deuoir contre les assemblées pretendues illiecit.

Au moys de Feurier, sans autre date du iour, estant tousiours donné à entendre au Roy qu'es assemblées, qui se faisoient en son royaume pour cause de Religion, son forgeoit plusieurs conspirations contre la Republique, & à la subuersion de l'estat de son royaume, ordonna, par Edict irreuocable, que, quand il se trouueroit par apres que les Seigneurs Iusticiers des lieux, ou lesdites assemblées seroient faictes, n'auroient fait le deuoir, appartenant à leursdites Iustices, contre ceux qui seroient lesdites assemblées, ou qui s'y trouueroient, iceux Seigneurs iusticiers seroient priez de leurs iustices, qui seroient reünies à celle de la couronne. Et si lesdites assemblées se faisoient es lieux de sadiēte Iustice, les Officiers seroient tenus d'en faire la poursuite & punition, portée par ses Ordonnances. Et en cas de negligence, dissimulation, ou conuiance, seroient lesditz Officiers priez de leurs estat & offices, & declairez incapables de leurs offices royaux. Et afin que l'on peust veoir & congnoistre quelle diligence y auroit par eux esté faicte, vouloit & ordonnoit que lesditz officiers, dedans vn moys apres que lesditz conuenticules auroient esté faictz, fussent tenus d'en aduertir les Procureurs genéraux de ses Cours de Parlement: ausquelz ilz enuoyeroient vne copie des informations qui en auroient esté faictes, & autres pieces, par lesquelles il pourroit apparoir du deuoir qu'ilz auroient fait en cest endroit. Et au deffault de ce faire par eux, enioignoit à lesditz Procureurs genéraux de les faire appeler en lesdites Cours, pour estre contre eux procedé par les peines susdites.

Autre Edict contenant abolition generale pour ceux qui parauant auroient mal sçey de la Foy.

Au moys de Mars ensuyuant, le Roy statua & ordonna par Edict, leu, publié & enregistré au registre de la Court de Parlemēt à Paris, le Lundy vnziēsmes iour dudiēt moys, & aussi leu & publié en la chambre criminelle du Chastelet, & par les carrefours d'icelle ville, au mesme iour, que pour raison des crimes & cas quelzcoques, concernans le faict de la foy & Religion, ne seroit par apres faicte par les Iuges, pour le regard du passé, aucune question à ses subiectz, de quelque qualité qu'ilz fussent, en iugemēt, ne hors iugement: deffendant trefexpressēmēt à tous de ne se reprocher aucune chose du passé, quāt au faict de la Religion, sur peine d'en estre punis selon l'exigēce du cas. De tous lesquelz crimes & cas, concernans le faict de la foy & Religion, la Magesté faisoit pardon, remission, & abolition generale, de tout le passé, à tous ses subiectz, sans qu'ilz fussent tenus prendre autre pardon, ne remission speciale d'icelle Magesté. Et moyennant ce, seroient les coulpables desditz crimes & cas susditz tenus de viures des lors en auant cōme bons catholiques, vrayz fideles, & obeissans filz de sainte Eglise, & garder les institutions & commandemens d'icelle, ainsi que ses autres subiectz. Toutesfois n'entendoit cōprendre, en icelle abolition, les Predicans, ne ceux qui, soubz le pretexte de Religion, se trouueroient auoir conspiré contre la personne de la Roynne sa mere, contre la sienne, contre celle de la Roynne sa femme, contre celles de ses freres, ou contre celles des Princes, & de ses principaux Ministres, ou qui se trouueroient auoir machiné contre son estat: ne ceux aussi, qui par voye de faict & violence auroient recouru aucuns prisonniers des mains de Iustice, & rauy ses pasquetz, & excedé les porteurs.

Ce pen-

Ce pendant, & en ce mesme temps, s'estans quelques Gentilz-hommes du royaume de France assemblez en armes pres la ville d'Amboyse (ou pour lors estoit le Roy, principalement accompaigné du Cardinal de Lorraine, & de son frere le Duc de Guyse) furent descouverts en certaine entreprinse, qu'ilz disoient faire pour le bien public, & pour deposseder quelques estrangers, qu'ilz pretendoient estre vsurpateurs du gouvernement du Roy & du royaume; contre l'ancienne autorité des trois estatz de France, & aussi pour faire quelques remonstrances au Roy sur le faict de la Religion. Or, apres ceste descouverte, furent tellement atraits de parolles, qu'une partie d'eux posa les armes, s'en venans vers le Roy, en intention de luy faire leurs remonstrances seurement & sans danger de leurs personnes, selon la promesse qu'on leur en faisoit. Mais, estans arriuez en la ville, furent incontinent serrez en prison, gehenez, & condamnez à mort comme criminelz de leze Magesté. Entre ceux qui furent ainsi executez, vn Gentilhomme de grande maison, nommé le Baron de Chastelnau, fut descapité. Quant au chef de l'entreprinse nommé la Renaudiere (ainsi qu'il se vouloit ioindre au reste de la troupe, qui estoit demeurée aux champs) en tuant vn autre Gentilhomme, appelé Pardillan (qui luy estoit enuoyé pour rencontre) fut aussi tué, par vn seruiteur d'iceluy Pardillan, luy tirant vn coup de hacquebute: & depuis, le reste s'escarta, & sauua, au mieux qu'il peut. Toutesfois, pource que l'on doubtoit qu'ilz ne se rassemblassent, & iouassent à la desesperade, par crainte d'estre apprehendez les vns çà, & les autres là, & finalement menez à supplice de mort, fut faict Edict, publié en la ville d'Amboyse, le dixseptiesme dudit mois: par lequel le Roy statuoit & ordonnoit que par les carrefours & lieux publics de ses villes d'Amboyse, Tours, Chinô, Poitiers, Orleâs, Bloys, & ailleurs ou il appar tiendrait, seroit faict commandement, à son de trompe & cry public, à toutes personnes, de quelque qualité qu'ilz fussent, estans venus, ou qui seroient en chemin de venir deuers luy, en troupes & assemblées en armes pour le faict de leur foy, que dedans vingt quatre heures deux fois, apres la publication d'iceluy Edict, ilz eussent à rebourser chemin, & eux retirer en leurs maisons paisiblement, deux à deux, ou trois à trois, pour le plus, sans piller, ne meffaire aux autres subiectz du royaume. Et à ceux, qui par la maniere susdicte se retireroient dedans ledict temps, donnoit par compassion & misericorde, impunité du faict & cas dessusdict: & deffendoit à tous ses Iuges de leur en faire iamais question. Et quant à ceux, qui demeureroient obstinez en telle scandaleuse entreprinse, statuoit & ordonnoit, que ledict temps passé, en quelque part qu'ilz fussent trouuez, ou apprehendez, fussent pendus & estranglez sur le champ, de quelque qualité qu'ilz fussent, sans autre forme & figure de proces, nonobstant toutes appellations: & pour ce faict & egard, vouloit que tous ses Iuges en peussent iuger souverainement: & en oultre permettoit à tous ses subiectz de les pouuoir appreheder de leur autorité priuée, au cas qu'ilz les trouuent en troupes & en armes: & s'ilz n'auoient force suffisante, leur permettoit d'assembler les Communes à son de cloche & de toxin, pour en faire les apprehensions, & en cas de resistance, leur courir sus, avec impunité, comme estant ce faict contre trahistres & rebelles, & qu'au preneurs appartien droit la moitié de leur confiscations. Et neantmoins, afin que chascun congneust que les accez à sa personne estoient ouuerts à tous, qui avec humilité & reuerence, & comme il appartenoit à bons & loyaux subiectz, vouldroient venir deuers luy: pour y presenter leurs requestes, permettoit aux dessusdictz, qui se seroient ainsi retirez que dict est, d'enuoyer par deuers luy vn, ou plusieurs d'entr'eux, avec leurs requestes & remonstrances, pour les faire par luy considerer, & sur ce leur pouuoir comme il appartien droit: leur promettant, en parole de Roy, ne faire aucune question à eux, ny à leursdicts deputez, d'icelle presentation.

Le tumulte d'Amboyse.

Edict d'abolition pour faire retirer ceux du tumulte d'Amboyse.

D'auantage, en ce mesme dixseptiesme iour de Mars, furent aussi depeschées lettres patentes: par lesquelles le Roy faisoit sçauoir à tous, que pendant & durant les mouuemens & affaires qui s'offroient; il ordonnoit son Lieutenant general, François de Lorraine, Duc de Guyse, pour représenter sa personne, absente & presente, en ladicte ville d'Amboyse, & en telz autres lieux & endroits du royaume que besoing seroit, avec plain pouuoir, autorité, commission, & mandement special, d'assembler, toutes & quantes fois que besoing seroit, tous les Princes, Seigneurs, Capitaines, Gentilz-hommes, & autres, de quelque estat & condition qu'ilz fussent, ayans charge & conduite de ses gés de guerre, tant de cheval que de pied, pour leur dire, ordonner, & commander, ce qu'ilz

Le Duc de Guyse Lieutenant pour le Roy, contre ceux du tumulte d'Amboyse.

LES CRONIQ. ET ANNALES DE FRANCE.

auroient à faire, pour le seruice, seureté, & conseruation de sa personne & estat, & pour la repression & correction de l'esmeutte susdicte, & pour aduiser & deliberer avecques eux, quelles forces seroient promptement à leuer & mettre sus en icelle ville, tant à pié qu'à cheual, & avec quelles armes & equipage ilz pourroient seruir, & iceux faire assembler à son de tabourin, & en faire les monstres & reueuës, pour faire punir, corriger, & chastier ceux qui se seroient esleuez cōtre sa Magesté, par les peines & rigueurs accoustumées en tel cas, & sans forme ne figure de proces. Et generally command, ordonner, pourueoir, & disposer de toutes choses, requises & necessaires à l'effect dessusdict, tant pour l'artillerie, munitions, reparemens, & fortifications d'icelle ville de Amboise, & autres ou besoing seroit, que pour les fraiz, qu'ilz conuiendroient sur ce faire. Promettant en bōne foy & parole de Roy, auoir agreable tout ce que par iceluy Duc de Guyse seroit fait, ordonné, & executé en ceste dicte charge de Lieutenant general, & le tout approuuer, quand requis en seroit. Si donnant en mandement, à tous les Lieutenans, Gouverneurs, Mareschaux, Baillifz, Seneschaux, Preuostz, Iuges, ou leurs Lieutenans, Capitaines de ses gens de guerre, Maires, Escheuins, Consulz, & Gardes de ses bōnes villes, citez, chasteaux, forteresses, ports, ponts, passages, destroiēt & iurisdicōs, & à tous les Iusticiers, & Officiers, qu'ilz obeissent & entendissent, & feissent obeir & entendre, audit Lieutenant general, en tout ce qui leur seroit par luy ordonné & commandé pour le seruice, seureté & conseruation de sa persōne & estat, & pour la repression & correction de l'esmeutte susdicte, tant qu'elle dureroit seulement. Depuis lesquelles lettres depeschées, furent assēblées, alentour de la residence du Roy, plusieurs cōpaignies de gens de guerre, tant à pié qu'à cheual, non sans grande foule du pauvre peuple.

Le xxiiij. dudict mois, la Roynes Elizabet d'Angleterre declaira, par ses lettres patētes données à Vvestmontier, que les forces qu'elle auoit mises sus, ne tendoient à faire aucune guerre, ny acte d'hostilité contre les François ou Escossois, ains seulement à garder son royaume, si le Roy de France, qui de iour en iour enuoyoit gens en Escosse, vouloit tascher, apres auoir dompté les pretendus rebelles Escossois, ou autrement, d'enuahir sondict royaume, soubz la querelle de la Roynes d'Escosse sa femme: pour raison de laquelle il auoit chargé les armes d'Angleterre sur le tout de France & d'Escosse.

Lettres & apologes sur le fait du tumulte d'Amboise.
Le dernier iour d'iceluy mois de Mars, tousiours mil cinq cens cinquante neuf, estant encores le Roy à Amboise, furent adressées lettres patētes, soubz le nom d'ice-luy, aux Cours souueraines de France, aux Baillifz, Seneschaux, & telz autres gens de Iustice, tendans à fin de leur faire croire que l'esmeutte susdicte, qui depuis a esté nommée le Tumulte d'Amboise, estoit vne conspiration, faite contre la persōne du Roy, & à la subuersion de son estat, soubz vmbre de luy vouloir faire quelques remōstrances sur le fait de la Religion, & pour les aduertir de cōtenir le reste du peuple de leurs refors en vraye obeissance, s'amonnestant de son deuoir, & de se garder des conuenticules & assemblées illicites, pendant que l'on assembleroit les Prelatz & membres de l'Eglise Gallicane, dedans six mois, pour reformer l'estat Ecclesiastique, & le reduire à son ancienne splendeur & integrité. Mais à telles lettres fut respondu par quelques Apologies, remonstrans avec plusieurs apparences de raisons, que l'on n'auoit rien voulu atterer contre la Magesté du Roy ou de son estat, ne contre les Princes & Princesses de son sang, ains seulement contre ceux, que l'on disoit (reseruant tousiours la Roynes mere) s'estre entremis du maniemēt des affaires de France, sans y auoir esté legitiment appelez: & des lors fut fort debatue entre gens de tous estatz sur la maiorité & minorité du Roy, tant par escriptures, que par disputes de bouche.

Mort du Chancelier Oliuier.
En ce mesme mois mourut le Chancelier Oliuier: & en sa dignité fut appelé monsieur de l'Hospital, pour lors resident en Piedmont, pres la persōne de Madame Marguerite de France, tante du Roy, & Duchesse de Sauoye: de laquelle il estoit Chancelier, pour la Duché de Berry.

L'an mil cinq cens soixante.
Le quatorzieme iour d'Auril ensuyuant fut le iour de Pâques: auquel iour les gens de Iustice, les Secretaires d'Etat, Financiers, Notaires, & autres telles gens de pratique commencent leur année: qui fut pour lors contée mil cinq cens soixante.

Edict sur la suppression des Offices nouueaux.
Au mois de May, dudict an mil cinq cens soixante, le Roy estant à Rommora-tin, par Edict supprima & abolit les estatz & offices de Presidens, Maistres des Requestes, & Conseillers de ses Cours de Parlement, quand vacation y escherroit: & aussi les offices de Presidens & Conseillers de son Grand conseil, Presidens, Maistres, Correc-teurs, &

DV ROY FRANCOYS, SECOND DV NOM. fo. clxxiiij.

Seurs, Auditeurs de ses Chambres des Contes, Presidens, Generaulx, & Conseillers de ses Cours des aydes, Presidens, & Conseillers de ses Monnoyes, Presidens & Conseillers des Sieges Presidiaux, & l'un de ses Aduocatz esdictz Sieges, es lieux ou il s'en trouuera deux, Esleuz de ses tailles en chascune electiō de son royaume, & generalemēt tous autres Officiers nouveaux & supernumeraires, quand vacation y escherroit par mort ou forfaiture, & iusques à ce que tous lesdictz estatz fussēt reduictz au nombre ancien, sans que par apres, lors de la vacation d'iceux, y fust par luy pourueu d'autres personages, iusques à tant qu'ilz fussent reduictz au nombre ancien.

En ce mesme moys, & en la mesme ville, fut aussi fait Edict: par lequel le Roy de-
 laissoit l'entiere congnoissance de tout crime d'hæresie aux Prelatz de son royaume, cō-
 me à naturelz Iuges d'iceluy crime, & ainsi qu'ilz l'auoient anciennement: les admon-
 nestant & exhortant de faire residence en leurs dioceses, vacquer songneusement à la
 reduction & constitution de la sainte Eglise, extirpation d'erreurs & hæresies, & par
 leurs bonnes mœurs, exemple de bonne & sainte vie, prieres, oraisons, preschemens, &
 persuasions, reduire ceux, qui sont en erreur à la voye de verité, & autrement proceder
 ainsi que les saintz Conciles, Canons, & Decrets, ont ordonné. Interdisant à ses Cours
 de Parlement, Baillifz, Seneschaux, & autres Iuges de n'entreprendre aucune congnois-
 sance desdictz crimes d'hæresie, & ne s'en mesler aucunemēt: sinon en tant qu'ilz fussent
 requis, par les Iuges d'Eglise de leur prester & bailler secours, pour les executiōs de leurs
 ordonnances & iugemens. Et s'il y auoit aucuns desdictz Prelatz, qui ne feissent residen-
 ce en leurs Eueschez, enioignoit expressement à sesdictz Baillifz Seneschaux, ou à leurs
 Lieutenans, & à ses Aduocat & Procureur desdictz Baillages, qu'ilz eussent à sen ad-
 uertir, & luy enuoyer les noms de ceux, qui ne resideroient & ne feroient le deuoir, tel
 qu'ilz estoient tenus de faire, pour vser, ou faire vser contre eux, de telle contrainte que
 il appartiendroit par raison. Et neantmoins par ce qu'il estoit nagueres aduenu (ce que
 iamais il n'eust pensé pouuoir aduenir) qu'aucuns de ses subiectz, soubz espece & pretexte
 de Religion, auoient pris les armes, & s'estoient souleuez, pour troubler l'estat & repos
 de luy & du reste de ses autres subiectz, cuidās planter, par force, les nouuelles opinions
 qu'ilz tenoient en la Religion, dont les vns auroient pris la hardiesse de venir iusques
 à sa maison, auecques si mauuaise & damnable intention, que si l'exécution s'en fust en-
 suyue telle qu'ilz desiroient, il n'en pouuoit venir que la subuersion & desolation de
 sondict estat. Sa Magesté pour obuier que telle chose n'aduint par apres prohiboit &
 deffendoit toutes assemblées illicites & forces publiques: declairant ceux, qui se trouue-
 roient en telles assemblées, ses ennemys & rebelles, & subiectz aux peines, qui estoient
 establies contre les criminelz de leze Magesté. Enioignant à tous ses Lieutenans gene-
 raux, Gouverneurs de pais, Baillifz, Seneschaux, Preuostz des Mareschaux, & autres
 ses Iuges, chascun en droit foy, d'entendre songneusement à ce que telles assemblées ne
 se feissent: & ou ilz seroient aduertis d'icelle, se transporter sur les lieux, sans attendre la
 requeste ou poursuite de ses Procureurs, ou de partie, prendre les delinquans, infor-
 mer & instruire les proces contre eux: lesquelz proces, ainsi faitz & instruitz, vouloit
 estre iugez en dernier ressort, au siege Presidial du lieu, ou seroit commis le delict, assi-
 stans au iugement d'iceux les Presidens, Baillifz, Seneschaux de robe longue, leurs Lie-
 utenans, ciuils, criminelz, & particuliers, & les Conseillers dudit siege, qui se trouueroiēt
 sur les lieux, iusques au nombre de dix, si tant s'en trouuoit: & en deffault d'eux, seroient
 pris les plus anciens & fameux Aduocats dudit siege, qui se trouueroient sur les lieux
 iusques au nombre de dix: lesquelz Iuges puniroient lesdictz delinquans, pour la seule
 force, sedition assemblée illicite. Et afin que telles coniurations secretes vinssent plus
 tost en euidence, enioignoit, sur pareilles peines, à tous scachans, consentans, ou recelās,
 qu'ilz eussent incontinent à icelles cōiurations reueler & deferer à iustice: ausquelz (s'ilz
 estoient des complices) pardonnoit & donoit impunité: & (s'ilz n'en estoient) vouloit leur
 estre donnée la somme de cinq cens liures tournois, à prendre sur les premiers & plus
 clairs deniers procedās des biens des delinquās. Declairoit aussi tous les Predicās, nō a-
 yans puissance des Prelats, ou autres, ayans pouuoir de les cōmettre faiseurs de cartels,
 plaquars, ou libelles diffamatoires, Imprimeurs, vdeurs, & semeurs desdictz plaquars &
 libelles, rebelles, ennemys de sa Magesté, & subiectz aux peines des seditieux & faiseurs
 d'assemblées, & punissables par la façon, maniere, & mesmes Iuges que dessus. Et neant-
 moins, ne voulāt que par cest Edict les mauuais prinssent occasiō de calōnier, declairoit

*Edict sur la
congnoissance
des hæresies
attribuée aux
Palais.*

*Assemblées
illicites &
forces publi-
ques deffendues.*

FFF v.

LES CRONIQ. ET ANNALES DE FRANCE.

Peine aux calomniateurs.

Articles de l'accord d'entre la Roynie Regente d'Escoffe, & les Protestans Escoffoys.

Edict sur les Hospitaux, Maisons Dieu, Maladeries, Aulmosneries, Leproses, & autres lieux pitoyables.

tous calomniateurs, & qui faullement & malicieusement defereroient estre subiectz à pareilles & semblables peines, que seroient les accusez, s'ilz estoient conuaincus.

Le vingt & troysiesme iour de Iuillet, apres quelques exploitz de guerre, faictz entre les François, que le Roy auoit enuoyez en Escosse, & ceux des Escossoys, qui s'estoient esleuez contre la Roynie, Regente Douairiere d'iceluy royaume, pour le faict de la Religion, & pour autres causes, furent accordez les articles suyans. Premièrement qu'iceux Escossoys, Protestans vouloit viure selon la pureté de l'Euangile, leur suyte & compaignie, reseruez les hommes de l'Islebourg, partirotiēt de ladiſte ville, le lendemain de bon matin, laissant icelle ville vuide & sans aucuns de leurs gens de guerre, ainsi qu'il auoit pleu à la Roynie Regente le desirer. Les Protestans rendroient tous les coings de la monnoye par eux pris, & iceux deliureroient entre les mains de ceux, qui en auoient charge de ladiſte Dame: & semblablement le Palais, assis pres l'Abbaye sainte Croix, seroit par eux laissé & rendu au concierge d'iceluy, ou autre, ayant pouuoir suffisant de ladiſte Dame, en mesme estat qu'il fut receu: & ce auant que partir de ladiſte ville de l'Islebourg: Et pour l'observation des deux dessusdictz articles, les Seigneurs de Rufflen & de Petarro seroient entrepleigées. Lesdictz Protestans, & tous ceux qui en despendoient demoureroient subiectz & obeissans à l'autorité du Roy & Roynie, leurs souverains, & à la Roynie Regente: & obeiroient à toutes les loix & coustumes du royaume, tout ainsi qu'elles estoient vsitées parauant ce trouble & controuersie: excepté en ce qui concerne le faict de la Religion: ainsi qu'il sera cy apres specifié. Lesdictz Protestans ne troubleroient, ny ne molesteroient les gens d'Eglise par voye de faict, en leurs personnes, ny ne leur feroient aucun empeschement en ce qu'ilz iouïssent & recueilloient de leurs rentes, profits, & deuoirs de leurs benefices: ains pourroient franchement en vser & disposer, selon les loix & coustumes du royaume iusques au dixiesme de Ianuier ensuyuant. Lesdictz Protestans n'vseroient par apres d'aucune force ou violence sur les Eglises & monasteres: ains demeureroient en leur entier & estat, cōme ilz estoient pour lors, iusques audict iour. La ville de l'Islebourg choisiroit sans contrainte, & vseroit de telle forme de Religion qu'il luy plairoit: afin que les habitans d'icelle peussent viure en liberte de conscience, iusques audict iour. La Roynie Regente ne interposeroit point de son autorité, pour molester ne troubler les Prescheurs desdictz Protestans, ou empescher aucuns d'iceux en leurs corps, biens, terres, possessions, ou pensions: & ne souffriroient le clergé, ayant la spirituelle, ou temporelle iurisdiction, les troubler en aucune maniere, pour le faict de la Religion, ou pour autre action, en depédant, iusques audict iour: & que chascū pourroit viure en particulier ce pendant, selon sa conscience. Le vingtcinquiesme dudit mois, estant le Roy à Fontainebleau, fut faict Edict par lequel il ordonnoit que tous ses Iuges des plus prochains lieux, esquelz seroient assis & situez quelques Hospitaux, Maisons Dieu, Maladeries, Aulmosneries, Leproses, & autres telz lieux pitoyables, seroient tenus, dedans vn mois, apres la publication d'iceluy Edict, faire saisir tout le reuenu desdictz lieux, qui ne se trouueroient regis & gouvernez par les villes & Communaultez, ou gens par elle deputez, & establir Commissaires gens de bien, resseans & solubles, nonobstant oppositions ou appellations quelconques, & sans preiudice d'icelles. Par lesquelz Commissaires seroit bien & deuement regy & gouverné le reuenu desdictz lieux, & distribué loyalement aux pauvres, & faict faire le seruice diuin y accoustumé: le tout par prouision, & iusques à tant qu'autrement en fust ordonné par luy, ou par les Commissaires, qui pour cest effect y seroient par luy deputez. Et enioignoit à seditz Iuges, chascū en droict soy d'enuoyer, deuers les Presidens de ses Cours de Parlement, soubz le ressort desquelles ilz seroient, & lesquelz ilz commettoient à ce, dedans vn mois apres ensuyuant, les proces verbaux des executions, qu'ilz auroient faictes, selon ce que dessus, pour sur le tout estre par luy pourueu, selon les Ordonnances de ses feux ayeul & pere, & selon l'aduis qui luy seroit enuoyé par seditz Presidēs, signe pour le moins de deux ou trois d'eux, & de son Procureur General, ainsi que de raison. Et en default de luy auoir obey par chascun de seditz Iuges, apres les deux mois, que dessus, escheuz & passez, suspendoit de leurs estatz les deffailans, & leur en deffendoit l'exercice, iusques à ce que autrement en fust par luy ordonné: interdisant neātmoins à tous seditz Iuges & Officiers, de prendre aucun salaire pour les vacatiōs qu'ilz auroient faictes en executant iceluy son mandement.

En ce mesme mois de Iuillet, audict an, & en ce mesme lieu, fut aussi donné vn Edict

DV ROY FRANCOYS, SECOND DV NOM. fo. clxxiiij.

dict, par lequel le Roy statuoit, & ordonnoit, que tous les Gouverneurs de ses Provinces & leurs Lieutenans, Baillifz, Seneschaux, & autres ses Officiers, eussent à se retirer és lieux de leurs Gouvernement, Bailliages, Seneschauccées, & charges, pour y faire dorenavant leur résidence actuelle & continuelle, & exercer en personne leurs estatx & offices. Dequoy il auroit ia aduertiy les Gouverneurs & leurs Lieutenans pour n'y faire faulte. Et quand ausdictz Baillifz, Seneschaux, Preuostz, & autres Officiers, vouloit que ce fust quinze iours apres la publication qui seroit faicte de cest Edict: & ce soubz peine de priuation de leurs estatx & offices: lesquels en cas de default, il declairoit vaquans & impetrables. Mandant à ses Procureurs esdictz Bailliages, Seneschauccées, & autres lieux de la résidence de seldictz Officiers, soubz les mesmes peines que dessus, que ledict terme de quinze iours expiré & passé, ilz eussent à l'aduertir des deffaillans, pour y pourueoir ainsi que dessus. Et pource qu'il y a quelques vns desdictz Baillifz, & Seneschaux, qui exeroent lesdictz estatx en robe longue, iceluy vouloit qu'ilz ne laissassent pour cela d'y vacquer aux choses, qui dependroient du faict de la force, selon qu'il estoit permis généralement à tous Baillifz & Seneschaux & comme ilz feroient, s'ilz tenoient lesdictz estatx en robe courtte, & que les Nobles du Ban & Arriereban, estans ou dedans de leursdictz Bailliages & Seneschauccées, & les Communes du plat pais, eussent en cela à leur obeir.

Encores en ce mesme moys de Iuillet, audict an, & lieu, fut donné vn autre Edict, perpetuel & irreuocable: par lequel le Roy deffendoit & prohiboit à tous ses Gouverneurs, leurs Lieutenans, Presidens de seldictes Cours, Thresoriers, Generaulx, & generallyment à toutes personnes, de prendre & receuoir dons & presens, en or, argent, ou autres especes quelzconques, de ses subiectz, fust par forme de don, a-c-tion, recompense, salaires, taxations de voyages, & vacquations, en aucune maniere que ce fust, pour estre venus ausdictz Estatx, ou ailleurs, ou autre quelconque pretexte & couleur: ne d'estre autheurs, Ministres, ou moyens d'iceux faire bail-ler, octroyer, & venir ens, sur peine du quadruple enuers sondict peuple, sur lequel telz deniers auroient esté leuez, & au quadruple enuers sadiete Magesté, & oultre, contre ses Magistratz & Officiers, sur les peines, qui son de ce droit establies au crime, de concussion & repetundes: ausquelles peines ilz seroient subiectz: encores que sondict peuple voulust, & consentist tel don, lors par-avant, ou apres, ou que lesdictz preneurs, eussent obtenu lettres de sadiete Magesté, devant ledict Edict, ou apres, à fin d'estre dispensez de cest Edict. Lesquelles lettres, il declairoit nul-les, & de nul effect & valeur: & sans auoir esgard à icelles, enioignoit à ses Procureurs, qui estoient pour lors, & seroient par-apres, de poursuyre ceux, qui auroient ainsi mal prins, & leurs heritiers, tant pour le principal que peines applicables à luy, & à son peuple. Lequel sien Edict, vouloit auoir lieu pour l'aduenir, & sans l'estendre, & tirer en arriere, aux dons & presens, qui parauant auoient esté accordez par lesdictz E-statx, à leurs Gouverneurs, ou doncques il restoit encores quelque chose à payer. N'en-endoit aussi deffendre, ou empescher, par cest Edict, qu'il ne fust faicte taxe raisonna-ble, pour les fraiz & vacquations seulement, à ceux qui veritablement, & sans aucune fraude, auroient esté employez aux affaires & negoces d'iceluy peuple: comme Sin-dics, Procureurs, & autres, & qui se seroient bien & diligemment acquitez de leurdi-ete charge: lesquels deniers toutesfoys, ne autres quelconques, ilz n'imposeroient, ny ne leueroient, sur sondict peuple, sans congé & licence de sa Magesté, & sans lettres patentes de sondict grand seau: ausquelles lettres seroient attachées les parties par le menu & la taxe qui en auroit esté faicte.

Semblablement en ce mesme moys de Iuillet, & lieu, fut faict autre Edict: par le-quel le Roy statuoit & ordonnoit que femmes veufues, ayans enfant, ou enfans, ou enfans de leurs enfans, si elles passioient à nouvelles nopces, ne pourroient donner de leurs biens, meubles, acquestz, ou propres à leurs nouveaux maris, pere, mere, ou en-fans desdict mariz, ou autres personnes, qu'on peust presumer estre par dol, ou fraud. de, interposée, plus qu'à l'un de leurs enfans, ou enfans de leurs enfans. Et s'il se trou-uoit diuision inegale de leurs biens, faicte entre leurs enfans, ou enfans de leurs enfans, les donations, par elles faictes à leurs nouveaux marys, seroient reduictes à la raison de celuy des enfans, qui en auroit le moins. Et au regard des biens à icelles veuf-ues acquis par dons & liberalitez de leurs deffunctz marys, elles n'en pourroient faire

aucune part à leurs nouveaux marys ains seroient tenuës les reseruer aux enfans communs d'entre elles & leurs marys, de la liberalité desquelz iceux biens leur seroient aduenus. Le semblable dequoy vouloit estre gardé es biens qui seroient vëuz aux marys par dons & liberalitez de leurs defunctes femmes: tellement qu'ilz n'en pourroient faire don à leurs secondes femmes: mais seroient tenoz les reseruer aux enfans; qu'ilz auroient euz de leurs premieres. Toutesfois n'entendoit, par cest Edict, bailler ausdictes femmes plus de pouuoir & liberté de disposer de leurs biens, qu'il ne leur loisoit par les soustumes des pais: ausquelles il ne derogeoit, en tant qu'elles retraignoient plus auant la liberalité desdictes femmes.

*Declaration
du Roy sur la
congnoissance
des assemblées
illicites &
forces publi-
ques.*

Le sixiesme iour du moys d'Aoust ensuyuant, estant le Roy au mesme lieu de Fontainebleau, declaira par ses lettres patentes, quand à son Edict du moys de May dernier passé, donné à Rommorantin sur la congnoissance du crime d'hérésie, assemblées illicites, & forces publiques, qu'il n'entendoit interdire la congnoissance desdictes assemblées illicites, & forces publiques, à la Court de Parlement à Paris: ains entendoit & ordonnoit, que pour abbreviation de Iustice, ladicte Court, & les Iuges Presidiaux en pourroient congnoistre concurrement.

*Edict sur le
iugement des
arbitres entre
parties litigantes.*

Audict moys d'Aoust, & au mesme lieu de Fontainebleau, fut fait Edict: par lequel le Roy auctorisoit & confirmoit tous iugemens donnez sur les compromis des parties: encores qu'en iceux compromis, n'y eust aucune peine appoëe. Voulant que telz iugemens eussent semblable force & vertu, que les sentences donnees par les Iuges, & contre iceux iugemens nul ne fust receu appellant, que preallablement ilz ne fussent entierement executez, tant en principal & despens, qu'en la peine (si peine y auoit esté appoëe) sans esperance d'icelle peine recouurer: ores que ladicte sentence fust infirmée en tout, ou en partie. Et que l'appel desdictz arbitres, ou arbitrateurs, seroit releué en ses Cours souueraines: sinon qu'il fust question des choses, dont les Iuges Presidiaux peussent iuger en dernier ressort: auquel cas seroit ledict appel releué par deuant eux.

*Autre Edict
sur l'exécution
de tous iugemens
sans obtenir
pareatis.*

En ces mesmes moys & lieu, fut aussi fait Edict irreuocable, statuant & ordonnant le Roy par iceluy, que tous Arrestz, Iugemens, Decretz, Executoires, Commissions, Mandemens, & autres prouisions, qui auroient esté donnees par luy & son Cōseil priué, les Cours de Parlement, Chambres des Cōtes, Cours des aydes, Thresoriers de Frâce, Generaulx de ses finances, Baillifz, Seneschaux, & Iuges de son royaume, ou leurs Lieutenans, & pareillement toutes lettres & prouisions, qui auroient esté & seroient ostroyées en la Chancellerie, estant lez la Magesté, tant es matieres Ciuiles, que Criminelles, seroient executees par tout son royaume & pais de son obeissance: sans que les executeurs, ne les parties, fussent tenus demander aucune permission, *visa ne pareatis*, à sesdictes Cours de Parlement, Baillifz, Seneschaux, Preuostz, ny autres Iuges, ou Lieutenans. Et ou lesdictes Cours souueraines, Baillifz, Seneschaux, Preuostz, Iuges, ou leurs Lieutenans, empescheroient lesdictes executions, ou les parties, & executeurs, soubz couleur de leur auoir demandé ledict *pareatis*, ou pour auoir procedé à l'exécution, sans l'auoir demandé, ou s'efforçeroient prendre de ce aucune iurisdiction, ou congnoissance, chargeoit, vn seul & pour le tout, tant lesdictz ordonnateurs de cest empeschement, que les executeurs de leurs ordonnance, du payement de la debte & condamnation, contenuë esdictz Arrestz, iugemens, sentences executees, & prouisions, & de tous despens, dommages, & interestz, enuers ladicte partie: qu'il vouloit, apres la verification deuëment faite dudit empeschement, sans autre figure de proces, estre declairez & adiugez à l'encontre d'eux, presens, ou absens, par le Iuge, qui auroit donné le iugement, lettres, ou prouisions: n'estoit que il fust question d'adiuger lesdictz dommages & interestz, à l'encontre des Presidens, & Conseillers d'vne de sesdictes Cours. Auquel cas vouloit iceux estre iugez par la Court de Parlement, à laquelle ressortissoient les iuges, qui auoient donné lesdictz premiers iugemens. Et pource que les parties condamnées, & autres, formoient oppositions ausdictes executions, ou appelloient d'icelle, de ce qu'on ne les y vouloit recevoir, & releuoient lesdictes appellations, ou icelles poursuyuoient, ensemble lesdictes oppositions, pardeuant les Iuges ou Cours, au ressort desquelles, estoient faites lesdictes executions, Ordonnoit que lesdictes appellations ne pourroient estre releuées, ne poursuyues, ne pareillement lesdictes oppositions, pardeuant les Iuges & Cours, au ressort desquelles seroient faites lesdictes executions, ny ailleurs

ailleurs que pardeuant les Iuges, ou Cours, qui auroient donné lesdictes sentences, & iugemens: dont il inhiboit & deffendoit, ausdictz Iuges & Cours, en prendre aucune congnoissance, soubz les peines susdictes. Vouloit neantmoins, là ou les Huissiers, Sergens, ou executeurs, procedans ausdictes executions, feroient, ou commettroient aucuns abuz, ou maluerfations, que les Iuges des lieux, ou seroient faictz lesdictz abuz, en peussent informer, & enuoyer les informations par deuers les Iuges, qui auroient donné lesdictes sentences, ou iugemens, pour proceder contre les delinquans, ainsi que de raison, sans que lesdictz Iuges, qui auroient informé, ny autres que ceux, qui auroient donné lesdictz iugemens, en peussent prendre autre congnoissance: qui leur estoit interdite & deffenduës, soubz les peines que dessus.

En iceluy mesme moys d'Aoust, mil cinq cens soixante, ainsi que le Roy tenoit vn grand & solennel Conseil, audict lieu de Fontainebleau, luy fut présentée requeste de la part de ceux de ses subiectz, qui disoient & protestoient vouloir viure selon la reformation de l'Euangile & Sainte Escripiture. Laquelle requeste tendoit principalement à fin, qu'il pleust à sa Maïesté leur octroyer des Temples, ou autres lieux commodes, pour publiquement y prier Dieu, prescher & oyr sa parole, administrer les sacrements, & y faire apparoit de leur foy & creance, suyuant vne confession, qu'ilz en auoient faicte, & enuoyée à icelle Maïesté, assez tost apres qu'il leur y auoit esté donné leur accez, par son Edict du moys de Mars precedent. Mais il ne fut riens conclu là dessus: sinon que l'on depescha lettres parentes, en date du dernier iour dudict moys d'Aoust: par lesquelles le Roy mandoit & enioignoit au Preuost de Paris: & pareillement à tous les autres Iuges, qu'ilz eussent incontinent (les parentes reçues) à faire assembler, à son de trompe, ou autrement, en la principale ville de leur ressort, dedans le plus brief temps que faire se pourroit, tous ceux desdictz trois Estatz d'iceluy, pour conferer ensemble, tant sur les plainctes & doleances qu'ilz auroient à proposer en l'assemblée generale des trois Estatz de France (qu'il entendoit commencer à tenir le dixiesme du moys de Decembre prochain en sa ville de Meaux, ou il vouloit qu'ilz enuoyassent, & feissent trouuer, certains bons personages d'estre eux, & pour le moins vn de chascun ordre, qu'ilz choisiroient à ceste fin), comme aussi sur ce, qui leur sembleroit tourner au bien public, & au soulagement & repos d'un chascun. Pendant lequel temps, ses Lieutenans, & Gouverneurs des Prouinces, visiteroient respectivement leurs villes, & autres lieux de leurs charges, pour entendre, par le menu, les doleances du peuple, pour puis apres luy en faire les remonstrances. Et au regard des Euesques, Prelatz, & membres de l'Eglise de son royaume (lesquelz suyuant son exhortation, se seroient retirez en leurs dioceses, & lieux ou ilz debuient residence) outre ceux qui seroient deputez par les Prouinces, pour se trouuer esdictz estatz, les aduertiroit de se tenir lors prestz & appareillez, pour s'acheminer vers la ville de Paris, & se retirer là part, ou seroit sa Maïesté, pour pouoir estre, & coparoir le vingtiesme iour de Ianuier, au lieu qui leur seroit signifié en temps deu: à fin que là estans assemblez, & ouys tous ceux qui auroient à remonstrer quelque chose cōcernant l'honneur de Dieu & reformation de son Eglise (lesquelz il entendoit y pouoir comparoir venir, & retourner en toute liberté & seureté) aduisassent par ensemble, ce qui seroit digne d'estre remonstré au Concile general de route la Chrestienté: ou il y auroit apparence, qu'il se tint bien tost. Et attendant iceluy, retrancheroient, & reformeroient ce, qui par intermission des Conciles, negligences des Prelatz, & autrement par corruption des temps, leur sembleroit digne d'estre retrenché, & reformé, comme chose repugnante à la doctrine de Dieu, & des saintz Conciles de l'Eglise. Ce pendant enioignoit ausdictz Preuost & telz autres Iuges de tenir l'œil ouuert, & donner ordre: que les espritz malings, qui pourroient estre composez des reliques du tumulte d'Amboise, ou autres gens studieus de nouuelleté & d'alteration d'estat (si aucuns s'en trouuoit) fussent tellement descouuerts, & selon la seuerité de ses Edictz retenus, que par leurs machinations, soubz quelque pretexte qu'ilz les courussent, ilz ne peussent corrompre ceux qui les pourroient escouter, en attirant les simples à leur faction, par exemple de leur impunité, & soubz confiance de la clemence, dont il auoit vscé parauant, ou qu'autrement par leur artifice n'alterassent la tranquillité de ses bons & loyaux subiectz.

Le dernier iour dudict moys d'Aoust, fut mandé par le Roy, que les deux cens Gentilz-hommes de sa maison, & tous Archers de ses gardes, ne faillissent inconti-

Requestes des
Protestans de
France au Co-
seil tenu à Fon-
tainebleau.

Conuocation
des iij. Estatz
de France.

Promesse de
assembler les
Prelatz de
France pour
le Concile ge-
neral.

Aduertisse-
mens de prendre
garde aux re-
liques du tu-
multe d'Am-
boise.

LES CRONIQ. ET ANNALES DE FRANCE.

*La maison du
Roy, & les
Cheualiers de
l'ordre appe-
lez à son ser-
uice.*

rent à partir de leurs maisons, avecques leurs armes & grands cheuaux; pour se ren-
dre lesdictz Gentilz-hommes à Pontoise, & lesdictz Archers à Mante & Meulan, le
quinzième du mois suyuant: ou il leur feroit sçauoir ce qu'ilz auroient à faire pour son
seruice. Item, que tous Cheualiers de l'ordre, Pensionnaires, & Gentilz-hommes ser-
uans de ladicte maison, qui ne seroient employez ailleurs par son commandement, se
rendissent, avec leurs armes & grâds cheuaux, à Paris, le mesme quinzième iour dudit
mois, sans y faire faulte.

*Tumulte en
la ville de
Lyon.*

La nuit precedente le cinquiesme iour de Septembre, comme l'Abbé de Sain-
gny, Gouverneur de la ville de Lyon (en l'absence du Marschal de Saint André) fust
aduerty que certains habitans d'icelle ville, auoient recelé & receloient quelques Ca-
pitaines & soldats, qui leur estoient venus & venoient secrettement à la file, de iour
en iour, pour faire quelque esmeute, envoya le Capitaine de ladicte ville accompagné de
plusieurs gens en armes, vers le quartier de saint Nizier, entre le Rhodné & la Soane,
ou estoit la demeure desdictz recelleurs, pour les cuider surprendre au despouruet, avec
leurs Capitaines & soldats: mais ledict Capitaine trouua rencontre sur le pont de So-
ne: & là y eut de ses gens ruez & blessez, & tellement repoussez, qu'il fut contrainct se re-
tirer, pour assembler nouvelles forces, en attendant le iour, pendant lequel temps, les-
dictz Capitaines & soldats, avecques aucuns des habitans desusdictz, ayatis esté des-
couuerts possible, deuant que tous leurs compagnies fussent arriuees, & pourtant ne
se sentans encores assez forts, trouuerent moyen de sortir hors la ville, & d'eschapper.
Toutesfois le lendemain matin, ayant iceluy Capitaine prins renfort de gens, & s'estant
accompagné de la Iustice, furent entre autres, prins trois ieunes compagnons estran-
gers, & quelques vns desdictz habitans de la ville: & le Samedi ensuyuant (qui fut le sept-
iesme iour dudit mois) les deux plus ieunes desdictz trois compagnons estrangers fu-
rent suyuant l'Edit des seditieux, pendus & estranglez sur le pont de Soane: & le tiers
(qui ne monstroït point apparence de plus de vingt & deux ans d'age) fut aussi pendu
& estranglé en la place des Cordeliers, puis descapité, & mis en quatre quartiers: qui fu-
rent portez pendre hors la ville, & sa teste fichée sur iceluy pont de Soane. Quelque
peu de iours apres, le Marschal de Saint André Gouverneur en chef de Lyonois, arri-
ua en ladicte ville, grâdemment accompagné de gens de cheual, & le Cardinal de Tournon
aussi, avecques vne enseigne de gens de pied: & alors les plus innocens ne se trouuoient
gueres assurez, estans les portes si estroitement gardées, des le matin du tumulte, que
nul n'entroït dedans la ville, sans estre mené deuant l'Abbé de Saingny, ou ses commis,
pour y estre diligemment examiné, & sondé s'il seroit point de l'entreprise: comme
aussi nul n'en sortoit (fust habitant de la ville, ou autre) sans auoir passe porte, signé de la
main dudit Abbé, par l'espace de plus de deux mois. Incontinent que lesdictz Sei-
gneurs furent arriuez on vauqua diligemment à faire & parfaire le proces de ceux, qui
auoient esté pris, & que l'on prenoit encores d'heure en heure: tellement que pour vn
iour, peu apres ceste arriuee, quatre habitans de la ville furent pendus & estranglez en
diuers quartiers d'icelle, soustenans constamment, à l'extremite de la vie, que leur entre-
prise n'auoit tendu, sinon à faire prescher publiquement la pure parole de Dieu, & se
fortifier contre ceux, qui (comme ilz disoient) vsurpans l'autorité du Roy, durât sa mi-
norité par eux pretendue, les eussent voulu empescher de ce faire, & de viure selon leur
conscience. Les autres prisonniers furent gardez, pour l'instruction des proces, que l'on
pretendoit aussi faire à quelques grands seigneurs de ce royaume, souspeçonnez d'auoir
presté faueur à l'entreprise susdicte, ou à telles autres, en plusieurs contrées d'iceluy
royaume: entre lesquels Seigneurs fut messire François de Vendosme, Cheualier de
l'Ordre, & Vidame de Chartres: qui fut fait prisonnier à Paris, & mené en la Bastille
saint Anthoine, & depuis aux Tournelles: là ou il mourut le Lundy xxij. iour de De-

*2^e an mil cinq
cens lx.*

*Conuocation
des Prelatz
de France par
le Roy François
deuxiesme.*

cembre mil v. cens lx. enuiron neuf heures du matin, deuant que son proces fust parfait.
Le dixiesme iour dudit mois de Septembre, le Roy estant à saint Germain en Laye
despecha lettres patentes: par lesquelles il mandoit, prioit, & exhortoit, & néanmoins en-
iaignoit, à tous Euesques, Prelatz, & membres des Eglises de son obeissance, qu'ilz eus-
sent à se trouuer à Paris, sur le vingtiesme iour du mois de Ianuier ensuyuant, pour en
ce lieu, ou autre prochain d'icelle, qui leur seroit assez tost designé, s'assembler, & con-
ferer ensemble, sur le vray seruice de Dieu, & seureté des consciences du pauvre peuple
& que ce pendant, toutesfois ilz tinssent l'œil ouuert à ce qu'il n'y eust chose soubz leur
charge

charge, qui par leur negligence peult empirer: & qu'ilz vlassent de leur authorité Ecclesiastique, avecques telle moderation enuers ceux, qui seroient soupçonnez ou deferez de sentir mal de la foy, que les desuoyez du droit chemin fussent plustost reduitz par leurs doulces & amiables exhortations, que par la seuerité & rigueur des iugemens, que ilz pourroient exercer contre eux. Au demeurant selon l'ancienne institution & exemple des sainctz Peres, feissent indiction de ieusnes, avecques prieres publiques & supplications, tant pour appaiser l'ire de Dieu enuers son Eglise, que pour le supplier de vouloit, par son sainct Esprit, si bien inspirer ceux, qui seroient assemblez, qu'ilz peussent composer & reduyre les troubles à la vraye pacification & vnion, & que l'Eglise, qu'il auoit consacrée au sang de son benoist filz Iesuschrist, nostre Redempteur, & qui estoit mere de tous fides, fust repurgée & nettoyée de toutes ordures & pollutions, que les mauvais luy auroient apportées: & apres, d'un cœur & esprit luy peussent tous rendre graces du repos & de la paix qu'il auroit rendue à sadicte Eglise, & à la conscience des enfans d'icelle. En oultre leur mandoit que ce pendant il auoit ordonné, que ses Baillifz & Seneschaux, qui residioient sur les lieux, & aussi ses Gouverneurs, qui visitoient les Prouinces de leurs Gouvernemēs, tinsent la main forte, à ce que tous seditieux, & qui ne voudroient viure selon l'ancienne institutiō de l'Eglise, fussent retenus par les peines coërtions contenuēs en ses Edictz. Et, en cas qu'ilz fussent de ce faire negligens, enioignoit tres-expressement ausdictz Prelatz, de l'en aduertir avecques toute diligence, pour y pourueoir de sorte que Dieu y fust premierement seruy, & la Maiesté Royale obeie.

Le huitiesme iour d'Octobre, estant encores le Roy au mesme lieu de saint Germain, fut depeesché le departement de la Gendarmerie, en la maniere qui s'ensuyt. C'est assauoir, pour Prouence, Monsieur le Comte de Tende, avecques trente Lances: pour Sauoye, Dauphiné, & Bresse, Monsieur le Prince de Salerne, avecques trente Lances, Monsieur de la Morthe Godrin, avecques trente Lances, & Monsieur de Sauoye avecques cent Lances: pour Languedoc, Monsieur le Comte de Villars, avec trente Lances, & Monsieur de Clermōt, avec trente Lances: pour Guyenne, le Roy de Nauarre, avec cēt Lances, Monsieur de Burie, avec trente Lances, à Bourdeaux, & Monsieur de Iarnac, avec trente Lances, à la Rochelle: pour Piedmond, Monsieur de Auffun, avecques trente Lances, & Monsieur le Comte de Beyne, avecques vingt Lances: pour demeurer à la suyte de monsieur le Marechal de Termes, sur le pais de Poitou, monsieur le Marechal, luy mesme, auroit cinquante Lances, monsieur de Sanssac, trente Lances, monsieur de Lude, trente Lances, monsieur de la Vauguyon, trente Lances, monsieur de Rendan, trente Lances, monsieur le Prince de Nauarre, quarante Lances, monsieur de la Rochefoucault, trente Lances, & Monsieur le Comte de Charny, trente Lances: pour Bretagne, monsieur le Comte d'Estampes: pour Touraine, & Anjou, monsieur de Montpensier, avecques trente Lances, le Lieutenant de monsieur le Comte d'Aran, avecques soixante Lances, monsieur de Gonord, avecques trente Lances, & monsieur de Vassay, avecques trente Lances: pour la basse Normandie, soubz monsieur de Villebon, es enuiron de Caen, monsieur le Marquis d'Elbeuf, avecques quarante Lances, monsieur de Villebon, avecques trente Lances, monsieur d'Annebault, avecques trente Lances, & monsieur de la Milleraie, avecques trente Lances: pour Rouen & ses enuiron, monsieur l'Admiral, avecques soixante Lances, & monsieur d'Estrée, avecques trente Lances: pour Metz, monsieur de Vieilleuille, avecques trente Lances: pour Champaigne, monsieur le Duc de Bouillon, avecques trente Lances, à Sedan: pour les pais de Lyonnois, Auuergne, & Bourbonnois, monsieur le Marechal de Saint André, avecques quatre vingtz Lances, monsieur de Bourdillon, avecques trente Lances, monsieur d'Anuille, avecques trente Lances, monsieur de la Fayette, avecques trente Lances, & monsieur de Montluc, avecques trente Lances: pour Orleans, monsieur le Prince de la Roche-furyon, avecques trente Lances, le Lieutenant de monsieur d'Orleans, avecques quarante Lances, monsieur de la Trimouille, avecques trente Lances, & la compagnie de monsieur le Vidasme, en nombre de trente Lances: pour les enuiron dudit Orleans, & y comparoir le vingtiesme iour d'iceluy mois, le Lieutenant de monsieur d'Angoulesme, avecques trente Lances, monsieur de Neuers, avecques quatre vingtz Lances, monsieur d'Aumalle, avecques quatre vingtz Lances, monsieur de Nemours, avecques trente Lances, monsieur de Ta-uennes, avecques trente Lances, monsieur de Terilde, avecques trente Lances, le Sei-

*Departement
de la Gendar
merie de Frā
ce en diuers
quartiers du
Royaume.*

*Plusieurs cō
paignies de
Gendarmerie
mandées se
trouuer à Or
leans, & es
enuiron, le
xx. d'Octobre.*

LES CRONICQ. ET ANNALES DE FRANCE.

gneur Francisque d'Est, avecques trente Lances, monsieur le Comte d'Eu, avec trente Lances, monsieur le Prince de Condé, avecques trente Lances, Monsieur de la Roche du Maine, avecques trente Lances, monsieur de Beauvais, avecques trente Lances, monsieur le Duc de Lorraine, ou son Lieutenant, avecques soixante Lances, monsieur le Connestable, avecques cent Lances, monsieur le Marechal de Montmorency, avec cinquante Lances, monsieur le Marechal de Brissac, avecques quatre vingts Lances, monsieur de Chaulme, avecques trente Lances, monsieur de Genlis avecques trente Lances, monsieur de Guyse, avecques cent Lances, monsieur de Longueville, avecques trente Lances, monsieur le Prince de Mantouë, avec trente Lances, monsieur de la Brosse, avecques trente Lances, & monsieur de Crussol, avecques trente Lances : & pour Picardie, monsieur de Senarpont, avecques trente Lances, à Rue, monsieur de Moruilliers, avecques trente Lances, à Monstreul, monsieur de Humieres, avec trente Lances à Peronne.

Suyuant lequel departement fut crié, à son de trompe & cry public, par tous les lieux ou est de besoing, que tous les Hômes d'armes & Archers d'icelles Compagnies (quelque congé, ou excuse, qu'ilz peussent auoir) eussent à partir de leurs maisons, avec leurs armes & grands cheuaulx, & en l'equipage declairé par les Ordonnances du Roy, pour eux rendre & resider, dedans le vingtcinquesme dudiect mois, au plustard, és lieux, qui leur estoient ainsi designez & declairez : esquelz lieux, & auquel iour, ilz feroient la prochaine monstre, & en armes, pour le quartier de Iuillet, Aoust, & Septembre, derniers. Si commandoit la Maiesté du Roy tres-expressément à tous qu'ilz tinsent garnison, & n'en partissent sans expres congé d'iceluy, sur peine d'estre cassez de ses ordonnances, pour iamais n'y entrer : & aussi qu'ilz vescuissent doucement & gracieusement, selon ses Ordonnances, & tellement qu'il ne luy vint aucune plainte, sur les peines indictes par icelles Ordonnances.

Le Roy à Orleans en armes.

Depuis, pource que l'on feist entendre au Roy, que l'on brasloit encores quelque esmeute à la subuersion de son estat, soubz vmbre de Religion, en la ville d'Orléans, s'y en alla incontinent, tousiours principalement accompagné du Cardinal de Lorraine, & de son frere le Duc de Guyse, oncles maternelz de la Roynes femme, avecques grande force, tant de gés de cheual, que de gés de pied, sans ceux qui desia l'y attendoient, & sans les autres, qui se deuoient trouuer és enuironz, selon que nous auons dict cy dessus : & alors feist constituer prisonniers quelques habitans de la ville, chargez de l'entreprise nagueres dicte : entre lesquelz fut le Baillif mesme d'icelle ville.

Le Prince de Condé prisonnier à Orleans.

En apres, estant monseigneur le Prince de Condé, nommé Messire Loys de Bourbon, venu leans vers sa Maiesté, en compagnie du Roy de Nauarre, & du Cardinal de Bourbon, ses freres, le dernier iour dudiect mois d'Octobre fut semblablement arresté prisonnier, & mis en tres-estroicte garde, comme ayant eu quelque intelligence aux esmeutes & entreprises susdictes, & principalement à celle de Lyon : & ce mesme iour, & pour la mesme cause, fut aussi despeschée commission, pour prendre, & apprehender au corps, Madame Magdaleine de Mailly, veufue du feu Seigneur de Roye, & pour saisir, & mettre en la main du Roy, toutes les lettres & papiers, que l'on trouueroit en sa possession, & à elle appartenans. Ce qui fut diligemment executé, assez tost apres : & en vaquant à faire le proces dudiect Prince, d'icelle Dame, de Maistre Robert de la Haye, Conseiller du Parlement de Paris, & de quelques autres, detenus prisonniers pour semblable cause que dessus, passa le mois de Novembre, iusques enuiron le dixneuuesme iour : auquel temps le Roy deuint malade d'un catarre : qui luy tomba sur vne oreille, & tellement le pressa, qu'il en mourut, par un leudy, cinquiesme iour de Decembre, audit an mil cinq cens soixante, laissant Madame Marie Stuart, Roynes d'Ecosse, sa femme, veufue, sans aucuns enfans : & quelque peu de temps apres fut son corps porté inhumer à saint Denis en France, pres de ses peres & predecesseurs, avec telles pompes funebres, que le temps peut permettre.

Mort du Roy François 2. de ce nom.

Fin des faictz & gestes du Roy François, second du nom.

Additions

ADDITIONS NOUVVELLES,

REVEVES ET CORRIGEEES DEVIS

LA PREMIERE IMPRESSION.

D V R E G N E D V R O Y

C H A R L E S , N E V F I E S M E

de ce nom.



AV Roy François, dernier mort, succeda à la couronne de France, Charles, neuvesme de ce nom, pour lors Duc d'Orleans, le plus aîné des freres du dict deffunt: & alors entra en legitime administration des affaires du nouveau Roy & de son Royaume, avec la Roïne, sa mere, le Roy de Navarre, Antoine de Bourbon: comme son plus proche parent, Prince du sang de France, qui fust en aage, sens, & discretion, propre & idoine à tel gouvernement. Ce qui fut au grand contentement des trois Estatz de France, pour lors assemblez en ladicte ville d'Orleans, nonobstant que leur premiere assignation de lieu eust esté en la ville de Meaux: & alors fut conclu, que combien que le Roy n'eust qu'environ vnze ans d'aage, neantmoins parleroit en toutes lettres & despesches,

Le Roy de Navarre en l'administration des affaires de France, avec la Roïne, mere.

sans que l'on feist aucune mention de Regent, ou Regente. Aussi furent establis, pour le Conseil priué du Roy, les Princes du Sang, les Connestable, Admiral, Mareschaux, & quelques Cheualiers de l'Ordre, avec le Chancelier, & certains notables personnages de robe longue, comme Cardinaulx, & autres Prelarz: par l'aduis duquel conseil fut incontinent commandé à toutes gens de guerre, tant à pié qu'à cheual, assemblez és environs d'Orleans, de se retirer paisiblement chascun en sa maison. Puis en ce mesme mois de Decembre, fut faicte & continuée l'assemblée desdictz Estatz, en icelle ville d'Orleans: là ou le Roy solennellement assisté de la Roïne, sa mere, du Roy de Navarre, son oncle, des Princes & Princesses du sang, du Cōestable, du Chancelier, des gens de son Conseil priué, & de tous ceux qui deuoient assister à vn acte si solennel, ouyt les plaintes, doléances, & remonstrances des deputez de chascun d'iceux, pour puis apres leur faire droict & raison.

Estatz tenus à Orleans.

Sur ces mesmes iours, le Prince de Condé fut eslargy, & mis hors de prison: & des lors poursuuyit roidement la iustificacion de son innocence: qui fut approuuée & publiée par Arrest de la Court du Parlement de Paris: ainsi que nous dirons en temps & lieu.

Le Prince de Condé hors de prison.

Le vingthuietieme iour du mois de Ianuier, tousiours mil cinq cens soixante, selon la supputation que dessus, le Roy, estant encor à Orleans, par le Conseil de la Roïne, sa mere, du Roy de Navarre son oncle, des autres Princes du sang, & des gēs de son Conseil priué, manda, & ordonna tresexpressément, par ses lettres missiues, à tous les Iuges & Officiers, qu'ilz eussent à cesser & superseder toutes poursuites, procédures, recherches, adiournemens, deffaulx, & iugemens, qui se pouvoient faire & donner par eux, alencontre de toutes personnes, de quelque qualité qu'elles fussent, pour le faict de la Religion: encores qu'elles eussent assisté aux assemblées, avecques armes, pour la feureté de leurs personnes, fourny argent, ou autrement. Semblablement qu'ilz eussent à mettre en plaine & entiere liberté, & faire ouurir leurs prisons à tous ceux, & celles, qui à ceste occasion y seroient detenus, les admonnestant de viure par apres catholiquement, & sans faire aucun acte scandaleux, ne seditieux, sur peine d'estre punis, sans pour le passé plus auant les enquerir, inquieter, ne molester, en quelque sorte que ce fust. Neantmoins n'entendoit sa Magesté qu'au nombre d'iceux fussent cōpris les Autheurs & Chefz des seditieux, qui auroient conspiré & pris les armes contre la propre personne & contre l'estat de son royaume: lesquelz seulz, & non autres, il vouloit estre exclus de ceste siene grace. Et quant à l'aduenir, entēdoit que l'Edict, faict dernièrement à Ro-

Mandement du Roy Charles neuvesme de ce nom, pour l'impunisse & liberté de ceux, qui par le passé auroient esté accusés sur le faict de la Religion.

Second volume.

G G G

LES CRONIQ. ET ANNALES DE FRANCE.

morantin par le feu Roy son frere, eust lieu, & fust obserué & entretenu de point en point, pour le bien & repos de son peuple, soulagement des bons & chastiment des mauuais. Si leur mandoit & ordonoit de rechef tres-expressément, qu'ilz eussent à s'y-ure & effectuer le contenu d'iceluy mandement, tout ainsi que s'il estoit emané de luy par lettres patentes: lesquelles il auoit, pour aucunes bonnes causes & considerations, différé faire expedier.

Defense à toutes personnes, de ne se troubler en l'offert pour le fait de la Religion.
Le trentiesme iour d'iceluy moys furent despeschées autres lettres, données en icel-ville d'Orleans: par lesquelles le Roy deffendoit tres-estroitement, & sur peine de la vie, à toutes personnes, de quelque estat, qualité, ou condition, qu'elles fussent, que des lors en-auant ilz n'eussent, en quelque sorte que ce fust, à disputer, contendre, ne debatre aucunement entre eux, pour le fait de la Religion, ny à ceste raison se reprocher, iniurier, n'irriter les vns les autres, de paroles, ne de fait, ains viure amyablement, & se porter, les vns enuers les autres, en toute douceur, fraternité, & bonne intelligence: de maniere qu'à ceste occasion ne sortist aucun scandale entre ses subiectz. Si cōmandoit au Preuost de son Hostel, & autres ses Officiers, proceder contre les infracteurs de ceste sienne Ordonnance, par la rigueur de la peine y contenuë, & de la faire publier à son de trompe: à ce que personne n'en peust prétendre cause d'ignorance.

Ordonnances du Roy sur les remonstrances des Estatz.
Audiēt moys, le Roy, tenant ses Estatz, par ses lettres patentes feit & autorisa, sur les plaintes, doleances, & remonstrances des deputez desdictz Estatz, plusieurs belles Ordonnances, tant sur le fait de l'Eglise, que sur celuy de la Iustice, des Vniuersitez, de la Noblesse, des Tailles, & de la Marchandise: du cōtenu desquelles Ordonnances nous ne parlerons point icy plus amplement, pour euitier prolixité, estant le tout redigé en iuste volume.

Confirmation des lettres du trentiesme de Ianuier, sur le fait de la Religion.
Le quinziēme iour de Feurier, audiēt an mil cinq cens soixante, le Roy, estant à Fontainebleau, despescha autres lettres, semblables aux dessusdictes du trentiesme de Ianuier, sur le fait de la Religion: commandant à tous Baillifz, Seneschaux, ou leurs Lieutenans, de les faire publier à son de trompe, & proceder contre les infracteurs du contenu d'icelles, par la rigueur de la peine y comprise.

L'an mil cinq cens lxi.
Le sixiesme iour d'Auril fut le iour de Pasques: auquel on commença à compter l'an mil cinq cens soixante & vn, selon la supputation dessusdictē.

Sacre du Roy Charles neu-iesme, à Reims.
Le dixhuiētiesme iour de May, audiēt an mil cinq cens soixante & vn, le nouveau Roy, Charles neuiesme, fut sacré & couronné en la grand' Eglise de Reims, à la maniere accoustumée: & ce par le Cardinal de Lorraine, Archeuesque de ladicte Eglise, & Abbé de saint Remy en icelle ville de Reims.

Arrest du Parlement de Paris, sur la iustification du Prince de Condé.
Le treiziēme iour du moys de Iuin ensuyuant, Mōseigneur le Prince de Condé fut declairé innocent des cas & charges à luy imposez: & fut ceste declaration faicte par Arrest de la Court du Parlement de Paris: dont la teneur s'ensuyt. ENTRE Messire Loys de Bourbon, Prince de Condé, demandeur en declaration d'innocence, pour raison des cas & charges à luy imposez, d'une part, & le Procureur general du Roy, defendeur d'autre. Veu par la Court, les Chambres assemblées, les pieces & procedures, cōcernans le fait dudit de Bourbon: L'instruction cōmençee à faire du proces à l'encontre de luy, tant en la presence du Roy defunct, qu'àucuns de son priuē Conseil, & autres Commissaires par ledict Seigneur cōmis & deputez: Arrestz ou iugemens donnez par ledict Seigneur, les treize, quinze, vingt, & vingt-sixiesme iours de Nouembre, dernier passé: Interrogatoires & responses de Iaques de la Sague & Gilles Triou, dict le Gantier: prisonniers, examinez & repetez les vingt-six & vingt-neufiesme d'Aoult, deuxiesme, septiesme, vingtseptiesme, & vingthuiētiesme Septēbre, aussi dernier passé: Autres interrogatoires & responses de defunct Melsire François de Vendosme, Cheualier de l'ordre dudit Seigneur Roy, Vidame de Chartres: Depositions, memoires, ou aduertissemens de Iaques de la Bigne, Iehan Lādier, Florent Boulēger, Iehan du Point, Iehan de la Borde, vn nommé Calandrin, Iehan Coderc, prisonnier au chasteau de Nismes, & du Seigneur de Bellines, & lettres missiues escriptes par ledict de Vendosme audiēt de Bourbon: Les lettres en forme de declaration d'innocēce du treiziēme iour de Mars dernier, par lesquelles le Roy, apres auoir mandé ledict de Bourbon en la presence de la Roynē sa mere, des Princes de son sang, & des gens de son Conseil, denommez esdictes lettres, & que ledict de Bourbon luy auroit rendu tesmoignage & fait preuve de ladicte innocence, dōt ledict Seigneur auroit declairé estre suffisamment informé.

DV ROY CHARLES, NEVFIESME DV NOM. f.clxxviij.

me. Autres lettres d'innocence des iour & an dessusdictz, adressées à ladicte Court, à laquelle auroit esté mandé le recevoir à faire & poursuyure en icelle Court autre déclaration plus ample & tesmoignage de ladicte innocēce. Le plaidoyé fait en icelle Court, lesdictes chambres assemblées, les vingt, vingt & vn, & vingtdeuxiesme Mars dernier, sur lequel ladicte Court auroit ordonné, entre autres choses, que toutes les charges & informations, proces & procédures, faites alencontre dudit de Bourbon, estans tant en ceste ville de Paris es mains de Maistre Jehan du Tillet, Greffier civil de ladicte Court, qu'autres, seroient dedās trois iours ensuyuās mises es mains des Commissaires commis par ladicte Court, denommez audit Arrest, & qu'audit Procureur general seroit decernée commission pour faire apporter toutes les autres pieces concernans ledict fait, & pour ce faire contraindre tous ceux qu'il appartiendroit: Ladicte commission en forme de compulsoire, octroyée audit Procureur general, pour satisfaire au contenu dudit Arrest: Autres Arrests, donnez les vingthuitiesme dudit Mars & vniesme Auril, aussi dernier, par lesquels icelle Court auroit permis audit de Bourbon, suyuant la requeste par luy faite à ceste fin, de faire ouyr par lesdictz Commissaires les tesmoings qu'il voudroit produire sur les faits des induction, forces, & menaces, par luy pretendues auoir esté faites à aucuns tesmoings, & pour examiner autres tesmoings sur plusieurs pretendues falsifications de blancs-signeux dudit de Bourbon: Auditions & examen de tesmoings faits par lesdictz Commissaires de Jacques de la Sague & Gilles Triou, dict le Gantier: Autres depositions dudit de la Borde, de François & Imbert du Fay, freres, Seigneurs de Changy, Pierre Vincent, François le Camus, Estienne Thibaudier, Anthoine Bonin, & Guichard l'Advocat: Trois lettres missives, signez Godail, trouuées en la possession dudit Thibaudier: Autres procédures, faites par le Preuost de l'Hostel, ou son Lieutenant, & depositions dudit Coderc & autres tesmoings, apportées & mises par deuers ladicte Court: Requeste, présentée de la part dudit de Bourbon, le dernier iour d'Auril mil cinq cens soixante & vn dernier, par laquelle il auroit requis que le Procureur general du Roy eust à declarer s'il auoit ou vouloit produire autre chose, que ce qui auoit esté ia par luy produit par deuers ladicte Court: L'Arrest donné en icelle, le troisiemesme iour de May dernier, par lequel auroit ordonné que toutes les pieces & procédures, faites audit proces dudit de Bourbon, seroient communiquées audit Procureur general, pour dire, declarer, & requerrir, ce qu'il verroit estre à faire: Actes des diligences, faites à plusieurs fois par ledict Procureur general, tant à Lyon, Mascon, Forest, Parlement du Dauphiné, que de Prouēce, & autres lieux, avec la declaration par luy faite, tant par escript, que verbalement, lesdictes Chambres assemblées, qu'il n'auoit peu recouurer autres pieces, ne procédures, concernans la charge dudit de Bourbon, que ce qu'il auroit mis par deuers lesdictz Commissaires & ladicte Court: Autre Arrest, donné le vingtdeuxiesme iour de May, par lequel icelle Court, lesdictes Chambres assemblées, en voyant ledict proces dudit de Bourbon, auroit ordonné, ouy sur ce ledict Procureur general, que commandement seroit fait à Maistre Jehan Pournel, Lieutenant general de Lyon, & à Maistre Mery Pouraon, Lieutenant criminel, d'apporter, par deuers ledict Greffe d'icelle Court, toutes & chascunes les minutes & grosses, estans tant par deuers eux, qu'es Greffes dudit lieu, concernans ledict proces, mesmement les minutes des proces verbaux des questions, si aucunes y auoit, ensemble la commission en vertu de laquelle ilz auoient besongné audit proces, & ce dedans le delay à eux prefix par ledict Arrest, sur peine d'amende arbitraire & suspension de leurs Offices: Les proces verbaux des questions & tortures, baillées & repetées audit de la Borde, enuoyez par lesdictz Lieutenans par deuers ladicte Court: Tout ce qui a esté mis & produit en icelle: & les conclusions, tant dudit Procureur general, que celles dudit de Bourbon, apres que luy, pour ce mandé, a esté ouy en ladicte Court, Et tout considéré, D I C T a esté, que ladicte Court a déclaré, & declare, ledict de Bourbon pur & innocent des cas à luy imposez: Et luy a réservé & reserve son recours contre qu'il appartiendra, pour telle réparation que la qualité de la personne le requiert, & à eux leurs defences au contraire: & a ordonné & ordonne ladicte Court, que ce present Arrest sera leu & enregistré es Cours souveraines de ce royaume. Prononcé à huis ouuers, toutes les chambres de ladicte Court assemblées, le treiziemesme iour de Iuin, l'an mil cinq cens soixante & vn. Signé M A L O N. Or fut cest Arrest prononcé en la maniere dessusdicte par Monsieur le Président Baillet, assisians, du costé

LES CRONIQ. ET ANNALES DE FRANCE.

des Conseillers Lays, le Roy de Navarre, le Cardinal de Bourbon, le Duc de Montpensier, le Prince de la Roche-sur-yon, les Ducz de Guyse, de Nevers, & de Montmorency, Connestable & Mareschaulx de saint André & de Montmorency, & les Euesques d'Auxerre & d'Vzes : & du costé des Clercs, Messieurs les Cardinaulx de Lorraine, de Chastillon, & de Guyse. Puis au mesme instant, & en la mesme assemblée, fut prononcé, par ledict Sieur President, l'Arrest de Maistre Robert de la Haye, Conseiller en ladicte Court : & par Maistre Claude Malon, Greffier, ceux de Madame Magdalcine de Mailly, Dame de Roze, de Monsieur le Vidame de Chartres defunct, & de Monsieur de Cany, conteneans tous lesdictz Arrestz pareilles declarations d'innocence & reservation.

*Messieurs
poste à
Paris & es
environs.*

Le troisieme iour de Iuillet, sur les dix ou vnze heures du matin, s'esleua telle tempeste, & vn vent si grand & impetueux, à Paris, & es environs, que presque tous les moulins à vent d'alentour en furent abbatus & renuersez par terre : & sur les deux heures apres Midy, tomba quantité de si grosse gresle, par endroictz qu'il n'estoit point memoire d'en auoir iamais veu de semblable.

*Saufconduit
allant & re-
tournant, pour
l'assemblée de
Poissy.*

Le vingtcinquieme dudiect mois, estant le Roy à Saint Germain en Laye, depescha lettres patentes : par lesquelles il mandoit à tous ses Baillifz, Seneschaulx, Preuosts, Iuges, ou leurs Lieutenans, & autres telz siens Iusticiers & Officiers, qu'il auoit permis & permettoit à tous ses subiectz, de quelque estat, qualité, ou cōdition, qu'ilz fussent, qui auroient à remonstrer quelques choses en l'assemblée generale, qu'il pretendoit faire des Prelatz de son Royaume en la ville de Poissy, d'y pouuoir seurement, franchement, & sans aucune crainte, venir, se trouver, & estre ouys en ladicte assemblée, & la demourer, & sejourner, tant & si longuement qu'elle dureroit, & apres, eux en retourner, & se retirer en semblable seueré & liberté, ou & ainsi que bon leur sembleroit : Dessendant tres-expressement à toutes personnes quelconques de ne mesfaire, ne mesdire, de faict, ne de parolles, à ceux qui là viendroient, sur peine de la hart : Enioignant pareillement à ceux de ses subiectz, qui viendroient pour cest effect, qu'ilz eussent, sur les mesmes peines, à eux comporter & contenir doucement & modestement, & sans exciter aucuns troubles, ne seditions. Et afin que ceste sienne intention, vouloir, & permission, fust patente & manifeste à vn chascun, eussent lesdictz Officiers à la faire incontinent lire & publier par tous les lieux & endroictz de leurs ressorts, accoustumez à faire cris & proclamations : à ce qu'aucun n'en pretendist cause d'ignorance, & que ceux, qui auroient à se trouuer à ladicte assemblée, y peussent venir & comparoistre à temps.

*Mandement
du Roy, pour
reprimer les
seditionz, de
quelque Reli-
gion qu'ilz
fussent.*

Le seiziesme iour d'Aoust, estant le Roy au mesme lieu de Saint Germain, depescha autres lettres patentes : par lesquelles il mandoit au Mareschal de Montmorency, Gouverneur de l'Isle de France, qu'il eust à faire publier à son de trompe, par tout son Gouvernement, deffenses à toutes personnes, de quelque qualité qu'elles feussent, de s'iniurier, prouoquer, irriter, n'outrager l'un l'autre, de faict ne de parole, faire assemblées en armes, courir sus les vns aux autres, n'autrement troubler, n'offenser, en quelque sorte que ce fust, la tranquillité publique, soubz couleur de quelque Religion que ce fust. Et si apres icelles deffenses, il en trouuoit aucuns, qui s'oubliaissent tant, que d'y cōtreuenir, ou s'ingérassent de s'assembler en armes, & feissent insult, outrage, ny offense, à qui que ce fust, entraissent, forçassent, & pillassent les Eglises, abbatissent images, ou croix, ou feissent aucun desordre, qui offensast la Magesté, le priué & le public, en ce cas les feist prendre & saisir au corps, pour en estre faict la iustice & punition si rigoureuse, que l'exemple seruist à contenir les autres.

*Le Colloque
de Poissy.*

Or apres que, selon le mandement du Roy, les Prelatz de France furent assemblez en la ville de Poissy, le Roy, estant assis au hault bout du grand refectoir des Nonnains d'icelle ville, & ayat à son costé dextre Monsieur d'Orleans, son frere, & le Roy de Navarre, & à son senestre la Roynne sa mere, & madame Marguerite sa sœur, comme aussi les autres Princes du sang, les gens du Conseil, & les Prelatz dessusdicts furent assis selon leurs rangs & dignitez, commença luy mesme à parler, leur disant qu'il les auoit ainsi faict assembler pour reformer ensemble, à l'honneur de Dieu, à l'aquit de leurs cōsciencies, & au repos public, ce qui seroit à reformer en son royaume, sur le faict de la Religion, tellement que ses subiectz peussent deslors viure en paix & vnion, les vns avec les autres. Puis commanda à monsieur de l'Hospital, son Chancelier, de leur declarer plus au long son intention. Ce qu'il feist fort bien, concluant qu'il ne falloit attendre

le Con-

*Substance de
la Harangue
du Roy, &
de son Chan-
celier.*

DV ROY CHARLES, NEVFIESME DV NOM. f. clxxix.

le Concile general, & que le mal estoit si grand, & si pressant en France, quand au desordre de la Religion, qu'il estoit besoing de prompt remede, pour remettre le tout en bon ordre. A quoy le Cardinal de Tournon, President en la compagnie de Prelatz, comme le plus ancien, & Doyen du College des Cardinaulx, & Primat de Frace, à cause de son Archeuesché de Lyon, respondit qu'il s'estoit preparé pour respondre aux points principaux des lettres, qu'on leur auoit enuoyées pour les faire assembler en ce lieu, & qu'il en auoit arresté memoires, pensant qu'on les deust proposer: mais que leur estant pour lors proposées plusieurs autres choses de grande importance, ne pourroit proprement y respondre: ou quand il le pourroit, ne le voudroit entreprendre seul, sans l'aduis de sa compagnie. A cause dequoy requeroit que monsieur le Chancelier baillast sa proposition par escript, & qu'il leur fust donné loisir d'en deliberer. Surquoy monsieur le Chancelier repliqua, qu'il n'estoit besoing la bailler, & que chascun l'auoit peu entendre: tellement qu'en fin il s'en excusa, quelque instance que ledict Cardinal feit au contraire. Quelque temps apres (qui fut le neufiesme iour de Septembre) Theodore de Besze, accompagné d'unze autres Ministres, & de vingt autres personages, deputez des Protestans de France, qui l'auoient esleu à porter la parole pour tous, apres auoir, en peu de mots, aduertie le Roy de ne trouuer estrange s'ilz commençoient par l'innocation de Dieu, deuant qu'entrer plus auant en ce qu'ilz auoient charge de luy dire s'agenouilla, avec toute sa compagnie, & feit sa priere tout hault, requerât à Dieu qu'il luy pleust leur donner grace de mettre en auant, de cuer & de bouche, chose, qui peult seruir à l'honneur & gloire de son saint nom, à la prosperité & grandeur du Roy, & de tous ceux qui luy appartenoyent, & au repos & consolation de toute Chrestienté, & nommément du royaume de France, au nom & en faueur de son filz Iesus Christ, & ainsi que luy mesme leur auoit appris à prier, en disant Nostre pere, qui es es cieus, &c. Puis apres ceste priere, s'adressant sa parole au Roy, deit que iamais ilz ne pourroient suffisamment rendre graces à Dieu, & à luy, de ce qu'ilz auoient tant de bien, que de veoir sa Magesté, & d'estre veuz & ouys d'icelle, en la plus illustre & noble compagnie qui fust au monde, & principalement pour y rendre raison de leur Foy enuers Dieu, & pour declairer l'obeissance qu'ilz portoient à iceluy Roy, leur Seigneur, & Prince: adioustant aussi qu'ilz esperoient que leur seruice luy seroit agreable, tendant principalement à mettre fin aux troubles & desordres suruenus en son royaume, pour le faict de la religion: & fondonient leur esperance, contre ce qu'il leur pourroit donner empeschement en cela, sur la fiance qu'ilz auoient que Dieu favoriseroit le dessein de leur bonne conscience, sur la debonnaireté du Roy, sur l'equité de la Roynne sa mere, sur la droicture du Roy de Nauarre & des Princes du sang, sur la bonne affection de Messieurs du Conseil, en chose si sainte & necessaire, & sur la reigle de charité: par laquelle ilz presumoyent que Messieurs les Prelatz s'efforceroient, avec eux, de venir à toute bonne vnion. De là entrant en matiere, monstra par la Confession de Foy de luy & de ceux pour lesquels il parloit, qu'elle estoit conforme à celle que toute la Chrestienté tenoit communément & generalement: mais qu'il y auoit quelque different entre les Prelatz, & eux Protestans, en l'interpretation de quelques articles, en l'addition qu'on y a faite, & en ce que ceste addition n'auoit esté prinse de la sainte Esriture. Ce qu'il deduisit amplement, declairant par le menu, leurdict Confession, & remonstrant conséquemment que le moyen d'accorder ce differet estoit de se reigler par la pure parole de Dieu, contenuee es liures du vieil & nouveau Testament, sans s'amuser à l'autorité des homes: sinõ en tant qu'elle seroit cõforme à icelle parole de Dieu. En fin respondit à ceux, qui par auant les auoient calomniez de ne vouloir obeir aux Roys & Seigneurs, concluant que le desir qu'ilz auoient d'auancer la gloire de Dieu, avec l'obeissance & seruice treshumble, deu par eux à la Magesté du Roy, & l'affection qu'ilz auoient à la Patrie, & nommément à l'Eglise de Dieu, les auoit acconduits iusques en ce lieu: auquel ilz esperoient que Dieu feroit pareille grace au Roy, qu'il feit iadis au petit Ioias, que soubz le gouuernement de la Roynne mere, assistée du Roy de Nauarre, des Princes du sang, & des Seigneurs du Conseil, seroit rafreschie la memoire de la Roynne Clotilde: & soubz ceste esperance estoient prestz d'employer leurs propres vies: afin que luy faisant treshumble seruice en vne chose si loüable & si sainte, peussent veoir le vray siecle doré: auquel le Seigneur & Sauueur Iesus Christ fust seruy tout d'un accord: ainsi que tout honneur & gloire luy appartenoit à tousiours. Sur laquelle fin ledict Besze

Substance de la Harangue du Cardinal de Tournon, pour les Prelatz.

Substance de la Harangue de Theodore de Besze, pour les Protestans.

LES CRONIQ. ET ANNALES DE FRANCE.

& sa compagnie se baillèrent le genouil à terre : & estans releuez, presenta au Roy leur Confession de Foy par escript, avec quelque peu de parolles, en la luy presentant. Quoy fait, le Cardinal de Tournon, au nom de l'assemblée des Prelatz, supplia le Roy de ne vouloir aucunement croire le sens, ne les parolles de celuy, qui venoit de parler : & de suspendre le iugement qu'il en pourroit faire, iusques à tant qu'il eust ouy ce, que la compagnie deditz Prelatz entendoit luy faire remonstrer au contraire, au iour qu'il luy parroit leur assigner pour cest effect: adionstant iceluy Cardinal, que sans le respect, qu'ilz auoient eu à sa Magesté, ilz se fussent leuez, en oyant ce qu'ilz auoient ouy. A quoy la Royne respondit que l'on n'auoit rien fait en cela que par la deliberation du Conseil: & que ce n'estoit pour rien innouer ou muer, ains pour appaiser les troubles de la Religion, & pour r'adresser les fouruoyez au vray chemin. Le lendemain Theodore de Besze, sçachant que certains personnages s'estoient offensez de quelques parolles siennes, quand au point de la presence du corps de nostre Sauueur Iesus Christ en la Sainte Cene, escriuit & presenta, à la Royne, la declaration de ce point, alleguant Saint Augustin, & Vigile, Euesque de Trente: qui escriuoit contre l'häresie d'Eutiches, enuiron l'an cinq cens.

Response de la Royne mere, à certaines parolles du Cardinal de Tournon.

Substance de la harangue de monsieur le Cardinal de Lorraine, & de la response de Theodore de Besze.

Le seizesme iour dudit mois de Septembre, estant le Roy assis comme dessus: le Cardinal de Lorraine, commis à ce par l'assemblée des Prelatz, en ceste assisance, & en la presence des Ministres, & deputez dessusdictz, respondit à leur susdicte harangue. De laquelle response les principaux pointz sont, de l'obeissance deuë aux Roys & Princes, de leur reciproque debuoir enuers l'Eglise, qu'icelle n'est pas seulement des bons & cleuz, qu'elle est indeuible en la foy, qu'en icelle la parolle de Dieu ha la premiere autorité, & apres icelle la tradition de l'Eglise. Puis de l'usage des saintz Concilz, & du consentement & accord des saintz Peres. Puis il vint au principal different, qui est du saint Sacrement, & comme les protestans d'Allemagne n'en conuiennent point avec ceux qu'on appelle Sacramentaires, & combien en est le different pernicieux à toute l'Eglise, comme on peut veoir en ladicte response imprimée, comme les susdictes harangues. A quoy ledict de Besze demanda congé de respondre sur le champ. Ce qui ne luy fut permis iusques au vingtquatriesme iour dudit mois: duquel iour il replica bien amplement, reseruant neantmoins l'article de la Cene à temps plus commode, pour quelques causes qu'il allegua: mais le second iour d'apres il y satisfait. Et pource que les Prelatz vouloient, que luy & ses compagnons signassent, deuant que passer plus oultre en conference avec eux, certains articles que leur conscience ne pouuoit approuuer: pria la Royne qu'ilz ne fussent cōtrainctz à ce, & qu'elle feist deputer certains personnages de la part des Prelatz, qui ne feissent point de scrupule de conferer avec eux: disputans par ordre, & ayans les liures en presence, avec des Secretaires, pour recueillir & mettre le tout en forme bōne & autentique. Surquoy quelques iours apres furent deputez les Euesques de Valence & de Séez, & les Docteurs Salignac, Bouteiller, Despenne, avec lesquels ilz eurent amiable conference: mais on ne peurent accorder ensemble du principal point de la Cene.

Le Colloque de Poissy rompu.

Mais tost apres ceste conference fut rompuë par la pluralité des Prelatz, allegans qu'il ne failloit point disputer contre les häretiques, sur choses, qui de si long temps auoient esté assurées & résolues: & pour lesquelles desfendre ilz n'espargneroient leur propre sang. Et ainsi ne fut autre chose arresté sur le fait de la religion: sinon que deslors par rache conuenance, fut souffert aux protestans d'auoir leurs presches publics, & d'y administrer les Sacremens à leur mode.



